



075

清容居士集



清容居士
集五十卷

四部叢刊初編集部

清容居士集目錄上

第一卷

賦

導遊賦

雲林賦

玄雲石賦

淳賦

玉龜杖賦

桐柏觀賦

椿堂賦

仁壽堂賦

樂水圖賦

餘間齋賦

息齋賦

凝雲石賦

紅梅賦

九華臺賦

墨竹賦

素軒賦

冬窩賦

續

榕軒賦

復庵賦

擬剡亭賦

餘軒賦

隱居圖賦

第二卷

騷辭

愍誓

廣招

七觀

嶽麓圖辭

悠然閣辭

金堤辭

石田山房辭

雪江圖辭

垂綸亭辭

巨峯辭

雲中辭

春雨辭

義婦辭

哀蘭操

蘭竹操

黃可玉哀辭

林彥栗哀辭

朝元歌九章

第三卷

古詩 四言

述祖德示從子璵

張孝子

徐母表閭

致樂堂

臺氏舞衣堂

古詩 五言

舟中雜詠十首

車行二十八韻

饒王參議十首

次韻虞伯生夜坐二首

次韻伯生二首

再次韻伯生蕙簡仲章二首

三次韻二首

鞭馬圖

張希孟嘉慶圖

遊長春宮分韻得萊字

次韻徐志文雜詠十首

再次韻荅仲章仲寶十首

三次韻酬儀之伯生十首

題周子明三獄詩卷

題弋陽巖山精舍圖

次韻仲章茶村阻風

次韻陳奮齋七首

次韻荅蔣商卿三十二韻

集蕪園

次韻仲章杜門

暮歸

贈黃教授歸閩中

送許世茂歸武昌二首

題金華洞圖二首

送張上卿

壽何平章二首

次韻雜詩五首

壽程內翰二首

別仲章

別吳養浩十首

度淮寄養浩

懷伯生

酬蕭靜安提舉二首

題劉克之載月圖

壽賈參議二首

次韻揭教授官閣中

寄題撫州先天觀

送牟景陽教授天台四首

雲隱齋

劉希孟訪子昂以詩寄之

送胡安常復外

次韻張秋泉墨蘭

第四卷

古詩 五言

夕佳亭

贈養源編修四巖陵省墓

贈昌上人二首

宿竹院次韻珙橫川二首

送宋壽卿侍御迎養建康

廣信陳氏擇勝樓

贈潘孟陽歸里五詠

題盧溝煙雨圖

滑州從事表閭

贈孟和卿

雲中郝孝子

送沙君寶宰邑

次韻馬伯庸供奉書館書事二首

送伯庸御史奉使河西

月巖

夜集西太一宮分韻得草字

史氏報春堂

送于思容助教官濟南

天師留公返真空洞歌步虛詞十

章以導遊

大名劉節婦吟

育王珙禪師示寂寄塔主

送胡止水回三衢三首

贈岑易直登第歸里二首

善之僉事兄南歸述懷百韻

題張中丞東亭圖

曲陽李孝子

送趙虛一道士降香南海諸名山

屏山堂

題輞川捕魚圖

子昂墨竹

可竹軒

子昂雙木竹石圖

以劉士先子墨贈薛玄卿

飲酒雜詩十二首

劉氏義門

述郭楚望步月秋雨琴調二首

送吳博文歸天台

送人之官遼東

得一齋

次韻蔣遠靜二首

次韻鄭景尹二首

再次韻二首

觀圖書次韻景尹

次韻黃伯玉東漢名士十詠

觀真文忠公畫像

陶道士心遠齋

寄題郭靖州絢齋

第五卷

古詩 五言

為輞川連教授賦梅城

泊貫州次韻仲章

次韻呂學正古意二首

次韻元復初春思三首

雨後聞鶯

送李德隆乞郡江陵省養

蒨婦吟二首

次韻范德機海鷗篇

送任懷可

同復初功遠飲仲章家觀芍藥分

韻得一字

洛詠五首示洛人張孟功任大正

贈汪生

感興

題王眉叟溪月圖

書孝子卷

夜泊城北有懷孫秦二學士

淮口阻雨二首

詠史四首

次韻仲章初夏即事

城南亭

讀范德機東坡藁

送武當張道士

觀梅分韻得影字

送陳仲剛歸鄱陽

送薛玄卿歸吳

有感

董道士雷泉齋

三月十二日自 殿廬歸舍梨花

感開薄暮與陳汝海花下小飲

送祝丹陽使武當山

贈陳文翁求篆扁

贈徐中丞二首

拙訥齋

送鄞陽劉縣令之官宣寧二首

題文與可風雨墨竹

答李生裕

題巨然楓林雅集圖

避塵軒

次韻伯生榆林中秋

送鄭景尹還里

李野齋別墅圖

子昂人馬圖

墨蘭圖

次瑾子過梁山濼三十韻

憶昔三首

重巖圖

次韻王叔載十首

董生壘上人用叔載韻見貽再次

韻十首

芳思亭

第六卷

古詩 七言

題高彥敬桑落洲望廬山圖

秋泉伯生仲章梅叔章周儀之皆

次予韻題廬山圖再次韻以謝

賦張彥清復古硯

金華曹道士白雲樓

賦廣帥平寇還

謝王參議送練春紅二枝

題董簡卿瀟湘圖

終馬圖

康樂園

贈杜秀才歸省荆南

贈拙訥子

寄南劍李士弘使君

送任道士歸武夷

送郭天錫還京口

燕吳間間冰雪相看

灤陽張節婦瓶中杏枝着花為賦

長句

仲章與予連舟夜泊夾馬營仲章

有詩因以奉戲

蒲城孫編脩父年九十四院長而

次各賦詩

嶽麓圖

送何太虛歸山中

賦水車

次韻夏明道紅梅

雪汗齋

次韻間間甲子雪

贈錢塘吳月湖

送趙君佐茶使

黃臨汝以長句索筆次韻

題翠山嗣禪師雜花世界

贈劉醫

次韻段惟德右司

子昂風林牧馬圖

張氏女

送儀上人歸天台

題李迂弼歸安去思碑

題董高閑春龍行兩圖

送錢塘萬戶還鎮

嗣天師墨竹

送趙正卿歸養胙城

送保寧萬戶出鎮

子昂寒篠枯槎圖

澧州通濟橋

懷日温妙明上人二首

善之携酒招遊西湖值雷雨分韻

得杯字

賦金華方君雙魚硯

寄張伯兩道士兼簡鄧慶長二首

第七卷

古詩七言

煮茶圖 并序

贈張玉田

題子昂浴馬圖

送倪德進歸鄱陽

送僧德芬過松江

憶陳道士

病馬圖

次韻張伯兩梅花鳥

次韻渭川春玉圖二首

忍恕堂

飛鴻軒

李士弘枯木風竹圖

題茅山道士雪梅障

饒廣信奚靜能之官南康

次韻王道士

送馬季權之官平江州

送宋誠夫押送交趾使之武昌

送濮陽陳景臯之官忻州

送湯道士降香武當山

過高郵湖

趙昌荷花

京尹旌門

乘鸞吹簫圖

雲岡圖

贈吳江宋尉

與相士王月屋

廬陵梁醫濟生堂

次韻史允叟檜屏

次韻蔣遠靜二首

廬江羊孝子表閭

送潘元卿

次韻黃松瀑自廣信見寄

黃居宋蒼鷹擊雉圖

送廬陵陳存道赴廣州教授

送毛道士降香嵩衡淮海四首

贈鄱陽劉生

句曲山迎真送真詞二章

贈呂與之

送瞿伯器還吳

竹素園

松聲樓

次韻郭功父杏山詩

送林以道歸梧蒼

題明皇擊梧圖

題何仲博棣華堂

第八卷

歌行

吳船行

淮船行

越船行

清明行

河船行

鞦韆詞二首

天祿硯滴歌

新安芍藥歌

天瓢歌

晉寧丁節婦歌

哀牢夷

安南行

次韻黃可玉古墨行

李宮人琵琶行

渝州老人歌

大雨醉歌

龍尾歌

月海歌

敬亭歌

秋江釣月圖歌

二老歌

二馬歌

廬陵劉老人百一歌

月鑑歌

玉署鰲峯歌

秋風歌

東門行

廬陵海月道人歌

照句

東湖

遠遊

望洞庭山

秋雪

又

檣竿嶺

送曾編修

李成古木

第九卷

律詩 五言

次韻善之雜興七首

月黑

次韻題林隱

次韻上官伯圭夜坐觀梅二首

題柯自牧菽荒記

壽高舜元父二首

打灘

春陰

懷城南諸友二首

舟中雜書五首

淮浦

立春日宿大清口舟中見新月二

鼓雪作

次韻陳剛中待制初秋二首

送牟元通歸瀘州

夢中作

淮陰大風

題温州太守德政詩後

次韻伯庸春思兼簡繼學二首

送秦巖卿從事出宰北平縣

黃河口

徐中丞母八十

送張榮澤

贈瑛上人住洞林

送周南翁集賢南歸省墓

送文璋父佐西省

劉氏集慶堂

送蘇子寧和林郎中二首

蘇子寧北行詩二首

吳間間病起二首

蔚州郭氏永寧亭

次韻伯庸題凌波仙圖

伯庸以詩見屬次韻二首

高掾祖父八十

長春道士禱雨有應

次韻馬御史題漢州俞氏多勝亭

次韻馬伯庸過天寶宮

送白誠之赴台州別駕

贈替者

送成公履守光州

寄開元奎律師五首

述懷寄砥平石六首

次韻張希孟凝雲石十詠

山水圖

淇綠堂

寄砥長老

送李希白降香武當山

送永新王東野還里

輞川圖

贈雪窻上人

直沽口

阻風馮家口

次韻劉明叟

壽閻承旨三十韻

次韻仲章過陳氏城南書隱十韻

書山陽舊事十六韻

壽王侍郎八十二韻

壽年獻之大理卿七十三韻

壽李承旨四十韻

送文子方著作受交趾使于武昌

二十韻

扈 蹕開平次魯子暈御史五十

韻

王趙公八十應 制十韻

壽開府承旨十韻

劉邢公九十應 制十二韻

次伯庸畫松十韻

壽張希孟父郡侯八十二韻

王叔能侍丞相入覲謹賦十二韻

第十卷

律詩 七言

次韻集廉園

楔日與剛中遊廉園復次韻

送孫道士歸杭

次韻王寅甫侍讀益黜長春宮

題張宗魯編脩詩集

送李伯英秀才歸廬陵

次韻荅周秀才

次韻成季灤陽見寄

次韻陳又新

西湖空濛圖

次韻秋泉盆梅三首

次韻仲章遊南城二首

贈王君佐

送蕭立道歸天台

送李景山使交趾

九日書懷

慰曾道士

抵滄州先簡善之

送李彥謙赴西臺御史

次韻題張虛靖園庵

送華道士降香武當山

送伯生降香還蜀省墓二首

再次韻二首

三次韻二首

送繼學伯庸分院上都二首

寄王儀伯太守

壽劉承旨

孟習卿都事母八十歸省關中

送李元章宰陝縣

次韻李伯宗苦熱

次韻程士安睡鶴

次韻陳海陰

次韻院長退朝書懷兼送李元章

廟令三首

題鯉齋

送東平程太守

送周南翁分刺池陽

次韻詠雙頭菊三首

賦閤皂山青玉軒

題揭曼碩詩卷

送衛大隱回錢塘

送華道士住宗陽宮

剪刀草

伯庸擬李商隱無題次韻四首

送浦如淵辭官南歸

送李公敏薊州之官

劉婦表門

永新 氏義門
送柳唐佐出守淮益

次韻大亨待制賦院中御馬櫻花

賦文子方箕營亭竹影五首

栗氏玩芳亭

送牟景陽信州監征二首

送巨德新四川省郎中二首

送樂德敬甘肅儒學提舉二首

示從子瑛

送玉筍山聶道士

次韻子昂人日立春二首

書懷寄從子瑛二首

送李仲困雲南憲使

送馮士啓淮東憲司幕長

送李仁甫歸高安

送繼學御史分司汴省

院長從許州募得子院中率賦詩

東平張善父野堂

贈姑蘇陳生

送鄭景尹遊麗水

次韻院長新製安車
送張道士降香龍虎山

寄貫酸齋侍讀

次韻蓬萊暢師

次韻天童岫禪師

荅吳門穎上人

冀寧徐母表間

第十一卷

律詩七言

過揚州憶昔六首

觀物

客中端午簡善之

再次韻

次韻酬王參議

次韻鄭潛昭賦玉堂合歡花三首

次韻鄭應奉苦雨

觀間間齋紅梅次蘇公安字韻四首

壽善之

次韻仲章遊長春二首

次韻仲章舟中思南湖

再次韻二首

再次仲章過彭城韻

仲章詩律大進復次前韻以勉之

再次韻三首

四次韻述情

中秋次韻陳貴白

寄王參議二首

泊支家口望瓠山僅一舍復寄

次韻應德茂寒食見懷

次韻史猷父春遊夜歸

戲贈黃仲正

再用韻荅仲正

泊彭城復懷黃樓

泗水

歌風臺

清明

宜遠樓

李學士畫壁初成分韻得毫字

次韻危功遠道士二首

再次韻二首

遊城南次韻陳玉峯

送真定任生

次韻史允叟殘菊

次韻復初兼簡功遠

蔡逢原婦翁壽八十

次韻陳無我題史石憲故居

夜別俞生

次韻正旦會朝

送山人還江南

次韻田師孟詠牡丹三首

次韻師孟西曹即事兼簡子貞儀

曹二首

次韻贈我眉侯道士築宮江陵

次韻陳貴白中秋見懷

次韻鄭景尹詠梅十首

贈潘山人

次韻景尹詠醪醖二首

可久齋二首

送長洲江都史

送昌上人兼簡諸遺老七首

次韻繼學

除夜雪

元日朝回二首

偶述末章答繼學二首

雪後

送李署丞歸許下

第十二卷

律詩 七言

送喻道士歸蜀

趙郡睦孝子真逸堂

五老堂

送河中段惟德除西臺御史

韓參議嘉慶圖

吳成季父母壽八十

白雲平章致仕

寄題成都李御史萬竹亭

送鄧君用教授歸廣信山

壽李承旨二首

安西老人

早朝 興聖宮次韻

次韻周南翁退朝三首

和遊岡子原韻

用早朝韻酬伯生試院見懷

酬周南翁子二首

送何大方歸信州

次韻周南翁拜孔林二首

贈豫章蔡叡歸里

次韻院長題玉簪集

送朱本初住玉隆萬壽宮

寄城南友人

寄史允叟

寄陳文卿

寄蔣遠靜

寄鄭景尹

寄開元恩禪師

寄本中峯

題郝伯常鴈足詩

送王景先赴燕南僉事

小院四月十二日牡丹始開作詩

示瑾

初夏即事

壽椿堂

送湖廣萬戶

次韻宗誠夫二首

高內宰母夫人李氏表門

壽劉彥良宣慰母夫人九十五

送湛師校經回杭

送雪竇長老校經回里

送董教授之淮南簿

寄上都子貞伯庸繼學三學士

遠客三年親友簡絕獨開元鄰僧

以書茗相寄感懷偶成

進史 明仁殿書事

寄開元奎律師

伯庸開平書事次韻七首

送梅叔章官東流簿

次韻景尹觀菊二首

送杜輝卿還蜀

送別石上人還江西

送李巖夫四川譯史

紀生書經罷歸還里

示皇甫生

再送紀生

鄉友南歸客舍凄然再次韻

睡覺東西書燈猶明喜勉元達兼

示瑾子

省中議事回元達有詩次韻

伯庸以詩饋兔次韻

十一月十四日 駕至京城楊仲

禮有詩次韻

題馬氏先塋記後

甲子立春

瑾次韻復成為隱居計

病中玩易復次韻

三次韻

武氏母八十

安山曉泊

發御河

次韻砥平石

次韻謝定水

次韻昌國宗聖上人

贈徐秀才還里

送劉明叟還省

次韻荅西山道逢原

送章仲和之官池陽

梅隱齋

次韻景尹重九四首

秋日海棠瓊首賦詩次韻二首

次韻聲上人二首

憶雙溪

寄張希孟內翰

第十三卷

絕句七言

團扇圖

擊梧圖

韓幹五王出遊圖

夜讀唐將遺事二首

秋山圖

泊京口十絕

雪中招伯生祝丹陽二首

梁山樂

支家口

黃河

耿山

古黃河口

黃樓

伏日渡淮

過高郵

覽社湖

聞見

渡揚子江

俞允遠泊予別墅口占奉謝

寄周子敬

寄黃仲正

懷應德茂

明皇醉歸圖

過故人墓

送昌上人

題葛仙翁移居圖

黃松瀑索酒

視丹陽飲馬圖

寄周子敬四絕

題鄭潛昭玉堂業二首

宮娥弈碁圖

求酒四首

伯生約賦竹枝詞因再用韻

舟中得功遠瓊花露因成三絕

梁山灤三首

仲章以予賦瓊花露因成陽臺之

句次韻

送危功遠三首

送吳成季五絕

長沙鄧醫壽軒三首

平原賈氏戲綠堂

晚訪仲章不遇

梅溪圖

三徑圖

靜芳亭

貯香亭

大年宿鴈圖

次韻伯庸應奉一十八首

題伯庸文藁

逸馬圖

試馬圖

散馬圖

次韻繼學伯庸上都見寄三首

題危功遠山水

孔節婦表門

墨梅圖二首

蜀女繡牛圖

錢舜舉折枝菊

子昂控馬圖

渡水羅漢圖

次韻繼學天寶宮禱雨見懷四首

送嶼上人四首

寄天童岫長老

贈南嶽道士歐陽君

崔白竹

述懷次韻商隱長老三首

次韻商隱長老三首

侍祠太一朝罷觀紅梅二首

次韻砥平石五首

省庵

姚子中左司墨竹

斗巖

歸德王瓊母表閭

西寧李處士碑

博平王獻妻徐氏表閭

離宮圖

子昂逸馬圖

薛濤牋二首

馬麟野芳佳木圖

題寒拾圖

奉還舒貴和黃菊

雲峯圖

揚節婦傳

宮女賞花圖

宮女度曲圖

靜中齋

張氏承祜堂

何尊師醉猫

題初平起羊圖

題鮮于伯機拱北樓樂府

簡伯庸

山水圖

書懷

女孫生朝

隱居放言二首

以琴絃寄永嘉周子敬

克民圖

育王長老見惠茶瓜次韻奉答

蜀江圖

樵溪堂

餘慶堂

李士弘墨竹二首

題管道士雷谷

盧溝符氏酒亭

牧羊圖二絕

李唐牛

送閔思齋調閩府

水仙圖

百鷺圖

絕句 五言

信州招真觀二十八詠

小隱巖 斗雲臺 學堂 巖

一線天 五面石 寒月泉

金山 長生池 老人峯

石人峯 仙足巖 月洞

雷公巖 直人巖 丹井

洗藥池 鳳山巖 洞

龍口巖 靈寂巖

朱窩楊柳青五調

墨蘭二絕

次韻宿清風軒

石湫二水橋

虛一

雲鏡

題應德茂遊吳紀事二絕

霧香

竹西

第十四卷

絕句 五言

雙鴈圖

夢中作

漁樵問答圖

新安郡嶺南十詠

清江釣月
蒼峯卓筆
楓林樂轡
峻嶺扶車
古寺無如
雙溪合璧
空谷耕雲
碧巖舒屏
圓峯浮龜
岡揚十

子昂蘭竹墨戲二絕

題龍虎圖二首

墨竹四絕

墨蘭蕙四絕

題悟律師詩卷二首

子昂枯木竹石圖

六言

次韻厚齋借玩辭二首

題湖曲小景

送鄧師禹回龍虎山

樟椽圖

孤雲三絕

題陳文翁畫扇

美人圖

西施 昭君 馮妃 班姬
名妃 綠珠 壽陽 張麗華

次韻潛昭焚香四首

潛昭九日贈龍團次韻二首

題伯庸所藏子昂竹石

墨竹

子昂墨萱扇

雪谷曉行圖

高彥敬遠山木石圖

復成

春雲出山

謝氏梅坡

劉生還廣信省親就試

頤齋

禮闈倡酬 乙卯

次韻禮部李公二首

次韻監試李仲困御史四首

次韻郭巖卿

秋闈倡和 丁巳

次韻席士文御史

次韻士文感興

謝賜法酒次韻

次韻王正臣書史試院書事二首

次韻宋質夫應奉書事二首

次韻士文御史六首

秋闈倡和西賓江浙

校文江浙述懷呈善之

中秋叙舊簡倪仲深

中秋簡周儀之曹伯明

述懷示汪叔濟鄭復初周本道

次韻段省掾

再次韻

挽辭

謝尚書二首

史觀文二首

李宣慰二首

史猷父二首

王尚書四首

楊夫人

潘少白

史湖州夫人

文集賢三首

黃夫人

悼章斯遠二首

悼張道士

吳君載

夏昭文

熊處士

危功遠道士

劉古昂教授

成都何德之處士

吳饒公

王秋山

廬陵李主簿

趙令人

吳夫人

黃如山

劉中丞

東平段衛率

何德之處士

播州楊宣撫

真定史萬戶三絕

臨江熊君

至治丞相

雜詩

破衣僧

熾盛光佛偈

綠陰堂山偈十首

還源庵

第十五卷

開平第一集 甲寅

居庸關

雨中度南口

重午宿南口

桑乾嶺

渡懷來沙磧

草地

龍門

彈琴峽

雲州

次韻伯生題祝丹陽拳九歌圖

伏日書懷二首

題李士弘明復齋風竹

慈雲堂

送濯伯玉之官雲南

次韻玉堂畫壁二首

再次韻

客舍士弘為作風竹

題金主畫孟浩然駢驢圖

李陵臺二絕

楊節婦

開平第二集 己未

登候臺

次韻李伯宗

再次韻答李彥方應奉

再次韻伯宗復叙舊

伯宗遊華嚴寺次韻二首

上京雜詠十首

再次韻十首

過李陵臺次韻彥方

次韻李齊卿呈閻開

再次韻

伏日二絕

松林行

採摩姑

上尊賜張上卿薛玄卿賦詩次韻

再次韻

復成二篇

西京任庭瑞樂善齋

白雲閑齋

送金華王生

達昌李生城南別墅

開平第三集 辛酉

次韻繼學竹枝詞十首

四月二十六日晚霜

戲題樺皮

望雲州

次韻薛玄卿南還題驛二絕

次韻答陳明復

再次韻
次韻伯宗途中述懷六首

端午謝間間惠酒

榆林

龍虎臺

居庸關

桑乾嶺

李老谷

龍門

獨石

曉發

合門嶺

赤城

藥河

次韻伯生墨竹畫壁

楊花曲

伯宗悉和鄙作叙謝

與繼學同出健德門伯庸是日入

都城作詩寄之

乞酒潘景梁學士

次韻繼學
重午聯句

裝馬曲

嘉禾圖

蘇武牧羊抱雛圖

李仲賓墨竹圖

次韻開元思禪師

王澹游墨竹

次韻繼學竹枝宛轉詞四首

次韻陳景仁惠酒二絕

贈翰林何生

嗣天師墨戲四絕

果老圖

第十六卷

開平第四集 壬戌

客中三度端陽愴然有懷

經崇真丹房惟蒲苗揚柳感舊有

作

間間未至

寄繼學吏部

憶玄卿書壁言懷

五月八日雨霰

開平十詠

南望

天鵝曲

李老谷

偶成

鰲峯石

子規詞二首

觀行院題名憶盧彥威

觀元復初行院題壁為四韻以挽

視草堂有感憶潘景梁學士

客舍書事八首

視草堂四詠

華嚴寺

贈華嚴長老二首

書邢遵道二父家傳

贈寫真佟生

贈李道士

行路難五首

賣薪行

視草堂歲久傾圮述懷二首

擬宮詞十首

書懷

五月二十日甘雨如注

五月廿六日大寒二十二韻

御天門聽詔

露立

喜間閒至

食杏有感

寄繼學吏部

皇城曲

天童圓上人以舊詩求題因成二絕

題信上人手書

容舍四詠

次韻圓上人三首

次韻華嚴賀李彥方御史

彭法師禱雨有感

次韻桐柏山四詠

再次韻

上上人遊開平四明

成君輔廣濟堂

內宴二首

伏日

龍門

戲題開平四集

王繼學題開平百詩後

清容居士集目錄上

清容居士集目錄下

第十七卷

贊

劉敏叔畫八君子圖贊

韓王 魏王 歐公 溫公 蘇公 荆公 黃太史

祝道士龍贊

墨竹贊

子昂集賢真贊

張廣微金書陰符經贊

雲中龍贊

龍贊

又

太上授經圖贊

辛稼軒畫像贊

仁廟御書除官贊

至治丞相真贊

又

英廟御書開經偈贊

自贊

王承旨畫像贊



王叔能真贊

自贊

馬元帥真贊

瑞檜贊

雷氏龍吟琴贊

吳間真贊

仰山熙禪師真贊

南湖入法師真贊

定水源禪師真贊

雪厓吳法師真贊

箴

存悔箴

遵誨堂箴

貞一齋箴

誠求堂箴

銘

復庵銘

君子齋銘

澄心齋銘

雪房銘

崇真觀鐘銘

朝陽堂銘

藏書室銘

極高明齋銘

九思堂銘

淵靜齋銘

第十八卷

記

慶元路鄞縣學記

鄞山書院記

鄞縣興造記

西洛書院記

建城夫子廟堂記

封龍山書院重修記

慶元路醫學記

白石書院記

昌國州重修學記

昌國州醫學記

定海縣重修記

新建鄞縣尉廳記

重建澄清堂記

明遠堂記

新修司獄司記

慈溪縣興造記

定海縣學藏書記

慶元重修先聖廟記

鄞縣學興造記

第十九卷

記

馬元帥防倭記

兩浙轉運鹽使分司記

鄞縣小溪巡檢司記

吳江重建長橋記

陸氏捨田記

野月觀記

冲庵記

順堂記

積慶堂記

樂全齋記

竹鳳石屏記

曰生堂記

信州貴溪縣揚林橋記

小領水亭記

友恭堂記

種德堂記

春暉堂記

賀蘭堂記

沈香石記

樂善堂記

亦樂齋記

第二十卷

記

邵庵記

古劍記

昭真山水記

東山精舍記

采芝亭記

梅亭記

西泉記

懃庵記

桂山堂記

張尚書救荒後記

晚香堂記

玉冠記

孝思亭記

福源精舍記

治平寺記

海會庵記

重建延福院記

資教寺修三門記

吉祥寺重建記

妙果寺記

石夫人廟記

信州自鳴山加封記

隱仙記

通玄觀賈道士記

第二十一卷

序

易三圖序

易集傳序

新安程子見四書圖訓序

輔漢卿先生語孟註序

郭好德論語義序

龔氏四書朱陸會同序

五經約說序

鄧淳翁春秋集傳序

王先生困學紀聞序

大易通義序

老子講義序

高一清醫書十事序

四明志序

李景山鳩巢編後序

劉內翰文集序

樂侍郎詩集序

曹邦衡詩文序

第二十二卷
序

韓泗州老人詩序

張氏宗譜序

廬陵羅氏世譜序

臨川危氏族譜序

熊西玉文集序

陳元吉韻海序

郟城馬節婦詩序

蕭克有字序

袁氏舊書目序

袁氏新書目序

文子方安南行記序

白李清母夫人受新封詩序

甬山集序

蓬萊閣詩序

馬氏族譜序

鄭原善思親詩編序

周彥祥存樂堂詩序

白鶴詩序

春臺詩序

曹伯明文集序

第二十三卷
序

送鄧善之應聘序

送曹伯明序

送范德機序

送周子敬序

送劉習卿序

送祝道士南歸序

贈汪澤民登第歸里序

送吳成李歸省序

送達兼善祠祭山川序

送曾巽堂南歸序

贈崔兵部序

送王叔能守會稽序

贈孟久夫南臺掾序

崔君都事餞行詩序

贈陳太初序

送俞教授回里序

送陳山長序

送蔡府尹歸里序

送閔思齋調閩府序

送薛景荀教授常熟序

第二十四卷

序

李慶長御史餞行序

送王平章歸省序

瑞芝亭賦詠序

壽樂堂詩序

送彭道士侍親詩序

送文子方使安南序

送程士安官南康序

送陳景仁調官雲南序

送李漑之致祠山川序

郭子昭餞行詩序

王正臣餞行詩序

送朱君美序

送陳道士歸龍虎山序

送劉生歸鄉試序

仰高倡酬詩卷序

送陳仲剛序

陳彥恂餞行詩後序

送洽師歸吳序

第二十五卷

碑

獻州交河縣先聖廟碑

獻州交河縣三皇廟碑

奉化州三皇廟碑

衢州重修三皇廟碑

饒州安仁縣柳侯廟碑

徐州呂梁神廟碑

奉化州開河碑

碑陰附

許州衛君去思碑

華嚴寺碑

興福頭陀院碑

第二十六卷

神道碑銘

武義將軍梁公神道碑銘

資國院使贈中書左丞順義郡公

神道碑銘

播州安撫使楊忠宣公神道碑銘

漳州路同知贈開封郡伯馬公神

道碑銘

李裕州神道碑銘

第二十七卷

神道碑銘

東昌路同知蔡公神道碑銘

同僉太常白公神道碑銘

贈翰林學士馬公神道碑銘

翰林學士承旨永國閻文康公神

道碑銘

周瑞州神道碑銘

贈吏部侍郎郭公神道碑銘

王氏先塋碑銘

邢氏先塋碑銘

任氏先塋碑銘

墓誌銘

翰林學士趙公墓誌銘

宣寧郡侯劉公墓誌銘

教授陳君墓誌銘

陳士直墓誌銘

戴先生墓誌銘

周隱君墓誌銘

楊府君墓誌銘

劉隱君墓誌銘

曹士弘墓誌銘

陳縣尉墓誌銘

靜清處士史君墓誌銘

第二十九卷

墓誌銘

浦經歷墓誌銘

司天管勾焦君墓誌銘

滕縣尉徐君墓誌銘

司獄潘君墓誌銘

教授岑君墓誌銘

清鹽使郝君墓誌銘

翰林學士承旨魯國王文肅公墓誌銘

程磁州墓誌銘

贈特進饒國吳公饒國夫人舒氏墓誌銘

墓誌銘

海陰陳處士墓誌銘

黃仲正墓誌銘

前將作主簿蔣公墓誌銘

第三十卷

墓誌銘 墓表 葬記

壽春副萬戶吳侯墓誌銘

許世茂墓誌銘

任隱君墓誌銘

史景賢墓誌銘

孔明遠墓誌銘

浙西僉事范君墓誌銘

鄭照磨墓誌銘

薛處士墓誌銘

教授袁府君墓表

真定安敬仲墓表

史猷父葬記

張府君墓田記

田氏先塋誌

高夫人葬記

第三十一卷

墓誌銘 塔銘

周夫人墓誌銘

方夫人墓誌銘

盧母王夫人墓誌銘

侯母王夫人墓誌銘

劉夫人墓誌銘

韓夫人墓誌銘

定水源禪師塔銘

延慶入法師塔銘

天童日禪師塔銘

廣恩仁法師塔銘

延慶良法師塔銘

雷道士墓誌銘

戴道士墓誌銘

通真觀徐君墓誌銘

陸道士墓誌銘

第三十二卷

行狀

翰林學士趙公行狀

贈推誠保德功臣開府儀同三司

太傅薊國梁忠哲公行狀

翰林承旨王公請謚事狀

李司徒行述

贈推忠贊治功臣銀青榮祿大夫

平章政事澤國鄭忠宣公行狀

特封饒國吳公行述

第三十三卷

表誌

西山阡表

先大夫行述

師友淵源錄

先夫人行述

亡妻鄭氏事狀

外祖母張氏墓誌

第三十四卷

傳

徐師顏傳

蕭御史家傳

史母程氏傳

孫孝子傳

韓威敏公家傳

玄教宗師張公家傳

浙東元帥出使事實

第三十五卷

內制

昭憲元聖皇后謚冊文

英宗皇帝謚冊文

皇后冊文

特命右丞相詔

戒飭曲阜廟學詔

閣皂山萬壽崇真宮加大崇真萬

壽宮詔

試進士策問 延祐戊午

試進士策問 泰定甲子

先農祝文

司音祝文

太歲祝文

后土祝文

五方帝祝文

立皇太子告太廟祝文

西鎮祝文

司天臺祭告祝文 十三首

楠木殿上梁祝文

崇真萬壽宮設醮齋文

青詞

皇帝本命長春宮祈福齋文

青詞

昊天上帝青詞

崇真萬壽宮設醮齋文

青詞

皇太后為皇太子祈福設醮齋文

青詞

長春宮散壇青詞

興聖宮上梁文

皇太后寢殿上梁文

楠木殿上梁文

普慶寺後殿上梁文

天慶寺佛殿上梁文

天壽節致語

第三十六卷

外制

翰林學士承旨閻復贈永國公

妻李氏贈永國夫人

翰林學士承旨劉廣封贈三代七道

集賢侍讀學士李侗封贈二代七道

集賢大學士李謙贈魯國公

妻孫氏贈魯國夫人

禮部尚書元明善封贈二代五道

湖廣行中書省左丞相阿力海涯

贈太師郡王

妻贈國夫人

太尉平章政事某特授太子太傅

平章政事某封秦國公

中書左丞某封贈三代六道

宣政院使某贈太師齊國公

妻封齊國太夫人

同知宣政院事某贈太傅齊國公

妻贈齊國夫人

監察御史沙某贈祖父母二道

正議大夫沙某封贈父母三道

播州安撫使楊漢英贈平章政事

播國公

妻田氏加封播國太夫人

右丞相拜住贈太師東平王

妻封東平王夫人

內史府司馬狄琮贈平章政事奠

國公

妻張氏贈奠國夫人

妻劉氏贈奠國夫人

第三十七卷

外制

太傅右丞相伯顏贈太師淮陽郡

王

平章政事廉希憲母贈國夫人

皇女贈齊國大長公主

宗正卿某贈祖父母

參知政事賈某贈官

淮西宣慰使劉復亨妻趙氏贈齊

國夫人

荆湖宣慰使劉澤妻孫氏贈荆國

夫人

參知政事趙世延曾祖母贈雲中

郡夫人

平章政事董某封贈三代

九道

集賢大學士張晏贈二代

四道

御史中丞于璋贈平章政事薊國

公

妻贈薊國夫人

大茅君加封真君

二茅君加封真君

三茅君加封真君

吳全節授特進上卿玄教大宗師

三十七代仙姑馮淑真特封靖明

貞素夫人

昭應宮王氏特贈真人

常某特授玄門演道大宗師

張惟一特封真人

邵靈瑞特追封宗師

盧行益襲封真人

留用光特加封真人

易如剛特加封真人

楊伯晉陞加真人

毛穎達特封真人

第三十八卷

表

進 五朝實錄表

賀冊 皇太子表

又

賀正旦表

賀 武宗皇帝登極表

賀 皇太后表

賀 聖節表

又

賀 皇太后冊寶禮成表

又

又

賀 聖節表

史局謝錫宴表

賀正旦表

又

賀 皇太后正旦表

全德泰寧福慶皇太后尊號冊寶

禮成賀 皇帝表

賀 皇太后正旦表

又

賀冊 皇太子表

冊 皇太子賀 皇太后表

皇太子兼中書令賀表

賀正旦表

賀 皇太后正旦表

賀正旦表

賀 皇太后正旦表

進 仁宗皇帝實錄表

又

賀正旦表

賀 聖節表

賀 皇太子受冊牋

又

又

又

賀 皇太子正旦牋

賀 千秋節牋

又

賀 皇太子正旦牋

又

賀 皇太子受冊牋

賀 皇太子正旦牋

賀 千秋節牋

又

又

賀 皇后正旦牋

第三十九卷

啓

上王尚書

謝王尚書

與陳無我

回袁教授

謝閻學士

賀鄧應奉

壽鄭潛庵

荅潘檢閱

荅冷教授

賀吳編修

壽貢仲章

賀鄧善之修撰

荅趙太社

荅趙太社鄉飲

荅趙太社

壽徐德剛

謝程承旨

謝李承旨

賀曾提舉

招俞光遠入塾

第四十卷

啓

回郭教授

荅郭山長

回府學觀禮

荅朱生

荅揚編脩

賀戚戶曹

荅韓知州

壽史允叟

荅甥定鄧氏

趙氏請婚

長女許適趙氏

次女許適趙氏

回余氏議姻

季女許適余氏

叔女許適史氏

回史氏聘

謹請婚史氏

牟氏招贅

疏

易州文廟疏

贈陳無我凌波圖疏

張玉田歸杭疏

周可竹移居疏

許教授入館疏

趙太社刻春秋法度編疏

戴先生刻遺文疏

尚仲良刊醫書疏
陳晦父致仕還家疏

金陵鄭生回里疏

劉謙甫葬母疏

史朝甫建真隱道院疏

鞏子固求金疏

奇禪師住天童疏

冲禪師住補陀疏

壽國堂師住廣恩疏

修南湖十六觀疏

永禪師還定水疏

儀師住天台飛瀑寺疏

真禪師住定水疏

寶林塔重建疏

東嶽興造疏

西隱道院重修疏

修桐柏觀疏

第四十一卷

議狀

進郊祀十議狀

郊祀十議序

昊天五帝議

祭天名數議

圜丘議

后土即社議

祭天無間歲議

燔柴泰壇議

郊不當立從祀議

明堂與郊天禮儀異制議

郊非卒日議

北郊議

國學議

修遼金宋史搜訪遺書狀

第四十二卷

策問 問答

大都鄉試策問

會試策問

江浙鄉試策問

荅高舜元春秋七問

荅高舜元春秋四問

荅高舜元經史疑義十二問

荅高舜元十問

第四十三卷

祭文

祭余寺丞

祭外祖

祭李兩山

祭王尚書

祭胡梅澗

祭戴先生

祭危功遠

祭楊內翰

祭王承旨

祭吳饒公

祭黃仲正

祭袁府君

祭張宗師

祭外祖

祭趙子昂

祭史助教

祭定水真禪師

祭定水源禪師

祭湖心奎律師

祭育王明禪師

祭王蓬山

祝文

壬子歲除告祖禰祝文

丙辰歲告追封祝文

戊午歲終告祖禰祝文

己未歲封贈祝文

告鄭氏縣君祝文

辛酉歲終祭祖禰祝文

壬戌春祭祖禰祝文

癸亥封贈告廟祝文

告嚴州府君祝文

告處州府君祝文

告鄭氏縣君祝文

謁告還家祭祖祝文

追封祝文

立碑告墓祝文

祭外祖母張氏祝文

立碑告墓祝文

男瓘祔祭文

瓘祔祠堂文

第四十四卷

雜文

放生池祝聖文

鮑王廟祈雪祝文

賀東嶽表 五道

東嶽殿上梁文

梓潼青詞

梓潼醮齋文

宴交代鄧集賢致語

亡是公代聽雪主人宴客致語

太虛道士劾清容子文

涼州牧白羽乞致仕表

荅詔

漢雲字說

張子敬字說

史文振字說

余孝友命名說

平山說

琴述

贈醫者陳生

示羅道士

示鄱陽筆工童生

第四十五卷

魯國大長公主圖畫奉

教題

徽宗扇面

定武蘭亭

牧羊圖

吳元瑜四時折枝

九馬圖

江貫道煙雨圖

周增水塘秋禽圖

王振鵬狸奴

天王供佛圖

徐白秋塘戲魚圖

惠崇小景

黃太史松風閣詩

王生鬼戲圖

出山佛像

折枝

隆茂宗羅漢

周昉金星

黃居寶湖石水禽圖

梵隆護法神

馬賁秋塘水禽圖

孤鶴圖

唐摹鍾繇賀捷表

傳古龍

何尊師醉貓

羅漢圖

錢舜舉禾鼠

徽宗鷓鴣

徽宗桃核圖

蕭照江山圖

順宗墨竹

巨然山水

趙昌折枝

時苗留犢圖

徽宗瓊蘭殿記

蘇李河梁圖

燕文貴山水

海潮圖

海狗窠石圖

王振鵬錦標圖

徽宗梅雀圖

黃宗道播州楊氏女

圖畫記

第四十六卷

題跋

書孝宗賜史忠定王褒賢臣頌後

書彭忠毅贈官誥後

書高安蔡中允誥後

題放翁訓子帖

題汪龍溪與從子書後

跋朱文公與辛稼軒手書

跋蔡君謨帖

題曾文昭詩

跋曾文肅帖

跋楊補之月賦

跋米元章帖

書東坡寄真隱詩後

跋晉帖

跋于湖帖

書陸子禮賀復熙河詩後

跋定武穉帖

題薛紹彭帖

跋魯公坐位帖

書梅聖俞詩後

題王黃華帖

書錢王板授某官長洲縣

跋孔子廟堂碑

書皇甫君碑

題劉共甫與朱文公書

跋李公擇尚書帖

題子昂書靈寶經

書徽宗御製詩後

跋李時雍墨蹟

書徽宗賜溫益榻本黃庭後

跋米元章書趙崇公墓誌後

書劉貢甫與羅正之手帖後

書潞公帖

跋荆公帖

跋富韓公帖

跋蔡忠惠帖

跋王岐公帖

跋趙清獻公帖

跋陸放翁答杜賢良求試牒書

書東坡涼熱偈

書鄭資政伯祖中散題名後

跋米元章書

跋吳傳朋書虞美人草歌

跋黃太史帖

跋東坡黃州謝表

書劉元城與李莊簡公書後

跋唐鎮邊使侍御史倪亞手帖

跋李後主詩卷

跋東坡飛白記

跋東坡玉堂制草

第四十七卷

題跋

題唐玉真公主六甲經

跋竺氏藏舒沈二先生書

題唐臨講堂司州帖

跋鄭太宰奏謨樂章

書唐臨蘭亭

跋齊竟陵王蕭子良書

跋柳誠懸隴西李夫人誌

題定武損本

跋懷素草書四帖

跋歐陽詢隅隲帖

跋聖教序

跋懷素自序

跋急就篇

跋懷素聖母帖

跋王筍觀李後主牒

跋蔡君謨汶嶺帖

跋祕閣續帖雙鉤蘭亭

跋蘇文忠公與黃師是尺牘

跋米元章書

跋汪氏推恩誥

題李龍眠雅集圖

題八馬圖後

題雙竹圖

書十節度風雲圖後

書辟穀圖

題趙希遠山水

題家山圖

題赤壁圖

題模本重屏圖

書牟端明脫鞞圖黃魯直返梓圖贊後

題楊補之梅

題湯叔雅梅

題李成寒林

題小坡竹石牧牛圖

題李伯特馬性圖

題王黃華墨竹

題李龍眠十六羅漢像

題彥敬子昂蘭蕙梅菊畫卷

題子昂擊磬圖

題鄭有之蘇黃海棠詩卷

書趙監酒墓記後

書進脩堂往還尺牘

書馮將軍翠峰詩後

書史文靖為西山先生為黃參軍家問後

書張仲實家譜後

第四十八卷

題跋

書張忠烈王傳後

書史忠定王貸錢券後

書焦節傳後

書湯西樓詩後

書方夫人墓誌後

書費夫人華嚴偈頌後

書鄭潛昭李商隱詩選後

書王成之墳臺記後

書陸淳春秋纂例後

書鄭東谷謚議後

書朔齋都梁第一樓詩後

書朔齋送弟牧翁十絕後

書高使君脈圖後

書監司畫像詩卷後

書白敬甫大字卷後

書胡評事印紙

書吳景山樂府

書黃度章詩編後

書劉將軍詩

題金承安樂府

書清江羅道士詩後

題蕭安撫迪後記

書謝道士歸洞庭詩卷後

書張侍郎孫祖傳存靖齋銘後

書鄭魯公全拙齋銘後

書鄭魯公常充達庵記後

書高密鄭節婦傳後

跋瑱山吳氏經德堂記後

吳饒公制書跋

跋象山先生經德堂記後

書南劔謝君程文後

書順堂記後

書廬陵蕭煥有教荒策後

書余國輔詩後

書程君貞詩後

書杜東洲詩集後

第四十九卷

題跋

書番陽生詩

跋集書金剛經

書綵衣堂楊次公記後

書虞伯生送周南翁序後

書龍陽傅氏旌表記後

書真定武仁夫靜壽堂記後

書凌生功課曆後

題進士梁宜致慤亭記後

書虞伯生從子豐登字說後

題徐天民草書

書栝蒼周衡之詩編

書仇按察父訓子詩後

跋王使君年像圖詩卷

題樓生詩集

書茅生家譜

跋子昂贈李公茂詩

跋宜春夏君與上饒陳先生

講經書問

題何子方丹書後

書江陵唐氏族譜後

書永嘉王母香几銘

跋劉真人帖

題姚雪齋右丞草書

書姚牧庵贈楊安撫樂府後

書彙信公家問後

書楊安撫訓子詩後

題吳浩然詩卷

書朱氏精舍圖詩卷

書楊御史奏藁後

題潘伯潤家譜

書鮑仲華詩後

書李弘道朝天錄

書紇石烈通甫詩後

書郝伯常題黃鶴樓詞後

書張少監族譜後

跋吳子高詩

第五十卷

題跋

書正肅公懋忿室愁扁

跋正肅公手澤

題從子瑛城門八詠

跋外高祖史忠定王尺牘

書凌德庸瓶城齋記後

跋汪龍溪外制草

書劉貢父種竹倡和詩後

跋蘇子美帖

書蒲傳正左丞帖

跋懷素揮翰帖

跋柳公權書清靜經

跋顏真知誥

書舊作九華臺賦後

書李巽伯夢歸賦後

題東坡書歸去來辭

跋吳丞相繼荆湖帥時陳清敏帖

書世綸堂雅集詩卷

題樂生詩卷

書孫僉事訓子說

書党承旨篆書杏壇二字後

書吳子行篆書陰符經

題劉明叟詩卷

題閔思齊詩卷

書吳明之文編後

題雲岡圖詩卷

書馬元帥救荒事實後

書孫孝子事實

書戒壇儀後

書大般若經闕後

書文宗周祕藏圖詩卷

題垂上人疊秀軒賦

書禪林備用

書垂上人慈照師行述後

題轟上人詩卷

題雪竇平禪師詩卷

題雪竇潛師語錄後

書笑堂偈頌後

題復老語錄

跋觀禪師石菖蒲賦後

跋觀禪摩利支天贊

書薛巖二道士雙清編

清容居士集目錄下

清容居士集卷第一

賦

道游賦

陳郡袁桷家于甬之隅足不踰閩而四方
 交游往復之義亦能舉其槩聞吳興子昂
 趙子清名雅言為作道游賦道子所蘊亦
 以見夫思其人而不可見之意詞曰
 嘗悲乎好游之士閱終歲而莫聞非兼志
 而媚私亦飾行以徇群方其命車於王良
 假驂於造父過屠繒之沛弔弦歌之魯許
 身結志慷慨偃僕抗銅盤以矢辭握幽蘭
 而結賦炫華堂之冰雪眇情途之霜露蓋
 將脩斷金之利雖閱牆而莫我敢侮息肩
 于門晞髮于廬不一歲月迨見夫蠅聲而
 歌倚楹而吁雖千里之異殊何老壯之卒
 逾也世有素居肥遯整門塞竇尊委俚之
 聞友汗青之朽是猶談智於尺寸測日於
 戶牖猛虎嘯嚙幽孫悲咷獨行無儔謹操
 其翰繫彼一士與時偕歲具大塊之清淑
 服忠厚以自昌余將往而未得倚吳山以

相望振衣中庭萬籟寂玄顏形廣頽胸兮
 翩翩墜余以言曰懷辜之樹人或議其妖
 充梁之木人或惡其獨夫既自以為直而
 亦豈不以為曲阮生自持幾於目語削木
 已湯假手于祖匪達人之曠羈終察察乎
 廉隅余輟然而笑喟然而思拂龜以占莫
 測其疑抑搔首而歎歎故鬢髯以致期遂
 伸之以辭回城之璧佩以容兮環龍之劍
 喜其鋒兮伊若人兮物不可同兮我欲從
 兮樂有終兮江山兮復長方舟兮可航辭
 未竟童子擁篲而前曰豈所謂千載之人
 耶吾當從子而西矣

雲林賦

若知雲乎昭昭然服光以廣微隆然廓然
 又侶夫五色萬物而沈幾來弗以趾去弗
 以馳其始也盤辟夾輔輪輪困困孰合其
 處所其終也寸豈以興導轟轟啓鈴鈴汨
 沮如襄丘陵若慕而佇若泣而赴愀兮哀
 不知所訴婉蟬眇綿含英吐鮮道傾蓋而
 忘返繫接席以爭先誠果樂乎莫與之宣

形成乎無形名生於有名園于家林允為
儀刑奉著占之曰居高而卑佩矩帶規升
于木無往不復不泄不辱言歸其谷伊南
維湖將以為居齊三日祝而蒞諸奮兮中
峰式瞻其端為章為祥為輪為寇風以潤
之雨以需之挾陰而嗟乘陽而舒朝飛夕
躋莫窮其極有翼者鵠遵于其涯曰將有
行自東徂西綏而迎之維墉之崇施而流
之維泉之通以沐以容是謂雲林之宮

玄雲石賦

泗流迴淵禹朝步兮秉陰發奇靈斲負兮
玉質墨章浮帝都兮廉辨以清恊磬濩兮
堅剛洞虛積元感兮磅礴太素屹空嶽兮
靜居泊如日儀以湛兮虛一闡圖握九讀
兮八方宣明二儀窳兮抱形介貞合窈眇
兮細細縕縕道之與兮聳稱玄雲吾將以
觀衆妙兮

淳賦

粵若邃古仁風熙熙擊壤灌陰以佚以嬉
巷無天瘡物無癘痲祥麟應園靈龜負池

樂以導和禮以黜哀齋齋其春渾渾其天
守冲若虛不夸不鐫佩矩帶規養於深淵
擬諸樸兮文理具宣擬諸象兮充然混完
見不以迹視不以形斟酌大和胚胎粹精
居之莫疑神維壹清若有若三訖莫可名
二儀網縕肇分化醇人行乎中孰全其真
注茲玄酒淡兮在尊御史氏尹敏學潛珍
服習典謨葆厥靈根齋居靜儀人莫可聞
攷諸庖犧其名曰淳

玉龜杖賦

有璞於此純淪氤氳瑤光之精為靈為文
謹積以藏不泄孔温穹隆中乾夷靜合坤
淵淵其容深深其神爰有善木含章揚芬
飾端以儀往來無垠鬱義壽宮有祭者雲
維季翼翼聿懷彼瀆跪而祝諸以奉番君
曰履道坦而元吉者歟任重而不希其力
者歟視下而無危嬉戲如兒雷時而行得
良以防抑心自強底夫康莊其形不孤其
智若圓化而神之曷知其遷以相以持是
謂期頤

桐柏觀賦

孫興公天台賦運意高簡忘象以求斯得
之凝和盧君居是山以桐柏觀圖授余曰
子為我續釋其景不揆瓦石椽筆為之賦

曰

厚坤載德台山效靈蛟螭扶輿天孫之精
僊書易之以桐柏敬神界為金庭穆轄三
光磅礴太空睇暘谷之倒景卒莫能擬諸
形容也睽彼華頂群山啓蹤倡九收以軌
玉巍冠仰其顛顛香林玉霄夾驟以從華
林不彫卧龍從寵玉泉御右法蓮殿戎東
峙翠微西躡戴霄巧面勢以規輔玄局沉
沉乎沈寨維妙有之珍館匪攀援之可求
除三彭之內蕩守中戒以默脩影息於鄧
林機忘於海鷗上池飲之以洞視金膏服
之而冥搜不然者良不能以久留也粵昔
子晉韜精帝京弄參差於緱山搏扶搖以
遐臨瓊臺儼其龜負雙闕屹乎龍躡正右
弼以贊化千齡髣乎氤氳故茲山也四面
削成中心如掌真風合於冥廓梵炁通乎

盼蠻三井之泉千尺之潭臯羽警其瀟露

鬢羊匿於陰嵐飛梁凝冰側足涉蹇翠藤

流霜觸纓桐綠披溪交流以織文忽蟠螭

之鈎連望飛瀑之懸絕日五色而成妍夫

樂與餌過客所止夸誕逐魂殘形者馳長

生之藥眇茫於神山執期之俟談譎於五

利却衰疏頑簡易理得其亦有町益李菌

蠶春秀質簪冬萌五葉之松三脊之香丹

光騰於金鼎冰泉徹於銅罍服食之而不

墜身輕忽焉以復丁企列僊之遺踪葛翁

策名於太極斗晶熒於樞紐金光雜流於

瑤席納雷谷之砰磴窮幽洲之罔象丹鳳

昔焉以來儀凡羽殿今以避讓諫守貞以

制氣匪狡獪以增誑法不孤立道不虛行

繼之者白雲先生受素書於軒轅襲帝曾

於典午愴寡言而無營思坐忘以送舉承

唐皇之明問敷清淨之舊章署漆書于寶

幢迎黃雲於玉堂厥後憲章希夷範圍靈

寶誦藥珠之玄文過期頤以終考若是者

誠何異於蓬島或有言曰樓臺榮觀方士

侈崇夷考是山不綺而豐不幽而通廓号
 其有容闕号其訖逢味興公之扶奇記擇
 木之寓真若增其巖峯盡其窈深身不羽
 而凌邈俄曾城以瑤林迺若丹霞伏光鐵
 柯舒英集衆妙以凝睇騁三真之傳經擬
 金剛於鐵磨警黑業於鴻鐘何錢李之二
 王莫能悟其禔終狹抱子以望月肅伏威
 而調風靈潔清以集鸞哀弦急而驚鴻爰
 自有而即無眇壹氣之鴻濛悼南國之蒸
 歎髣天都之肅冽彼夏蟲與火鼠徒自煎
 以內熱申之以辭曰

帝子下兮雲中質通明兮粹冲覽炎洲兮
 垢紛節容與兮茲肇蓬瀛杏兮無極浪滔
 天兮不可以履境荒滅兮妄益曰此留兮
 吾將以內息神為尻兮氣為輿朝煎霞兮
 暮清都默視聽兮道靡渝歷千劫兮復故
 初雲凝素兮中壇鈴流露兮日瞰三灾屏
 号嘉祉繁語夫世人兮歸休乎靜觀

椿堂賦 為宜春彭有
年通士作

昔嘗疑夫漆園之叟學幻而逃虛詢蟲魚

之疏考風土之書莫之敢圖余游 上京
 有容北窮夫金山西廡夫賀蘭南踰雕題
 東超三韓鞞然而言芒芒禹跡子所履者
 誠然乎冬裘夏葛寒暑之運環也今也日
 臨中街霜飛冰靈彘集於踵貂挾於懷戴
 斗接浙承露凝梧子安視而靡猜駭聞忽
 見知奚窮乎齊諧吾先枚夫九州者而言
 之屢熟之稻南州是專十丈之蓮華峰所
 傳括化石以錫貢樟生庭而為州梅梁分
 以鎮妖牂牁擎手維舟杞犬吠而質變獲
 人形以劑投華平雒常瑞於皇圖萱英屈
 軼盛於堯世木沆產子以成國樹古眩精
 而為魁松分秦王之封柏擅蜀相之祠若
 是則復何疑焉在昔

大帝窮源崑崙見北溟之鵬視之若雪即
 之如雲得其遺羽文尋不能以論是齊物
 者非寓言也耶維老彭之遺裔握六氣以
 自馴肇茲齋居其名為椿二儀絪縕周流
 無垠則以自儀道合至淳吸兮若韜旋兮
 若輪蕭兮似秋熙兮如春行乎六合而不

蹟則所謂八千者吾猶以為歲年之稊米也容揖而去遂為之賦

仁壽堂賦

合江老人杜 年八十有二其鄉人尊之以仁壽目名其堂于輝卿今為蜀省掾來 京師求賦賦曰

合江老人生於三卯歲之中秀眉疎明鮫皆隱隆家事勦斷遺聞春容口欲宣而彌哽情屢發而莫逢會稽生揖而進曰生居東南艱輕飯甘耳不屬於鈿鼓目不接於戈鏃合江之事相傳於游談顛削續書繫俾鴻筆以有參老人改容正襟往侶可尋夢若初覺病猶在身方其誓師斗城滅親割情盟重於白馬命輕於浮塵黃風颺沙千成屏營擁若波湧排若筭經危堞隙而礮激閭戟護而矢承甃者瞽者各有攸職熏室旁穴旦不遑夕壞館門毀礎石樹列對峙填負旁院卓飛泉於雲根起清流之千尺目不能承睫氣不得納息黑侵障空燐煙蔽江橫厲排蕩扶擊春撞擬效順思

投降提獎之主怒莫敢當忽風欽而川止活發喁於鼎湯噫嘻吁此其瑣譎者耳華陽之往蜀擊於文翁悲於太冲纖侈日滋絲是鑠景福盪醇風鬼嘯高居神泣巨峰棧閣如砥萬騎突馳火連摩圍氣翳峨眉築京觀以專裁甚橐街之陳尸順舟而下者十不得一綠湖塵整視京坡之豪釐峙嶮古渝前彭後余保衣寇之弱緒猶興文以舒徐逮夫六合會同彈丸震驚蕞渙號以漂雪緝政俗以治平則夫兩州之土民無遺鏃之害歌 帝德以底寧會稽生仰而楸俯而笑在易之象復存於碩果物極者斯通盛過者斯禍維今老人熙熙其天休休其心事至不忮智藏惟深式是表儀化而怡淫國有耄叟鄉有善人仁壽錫名爰則其淳感古樂今茲其為擊壤之堯民

樂水園賦

東坡先生既遠游之履衣紫絲之衣與黃冠師跪坐息機臨清冷之淵憇巨樾之陰

意消言忘其得在心飛泉琮琤寒源杳深
悲塵寰之隘險抱奇璞而莫陳將以善夫
濟世之極樂至理以自新維茲水之無倪
非智者莫能以鑒彼河伯之好夸終望洋
而浩嘆翳西海之沈羽竟其說以恠詭小
大不同其病則通駭於所聞者忽所見誠
哀乎舉世之盲聾余嘗披神禹之地圖考
先生之轍迹而誦之方其發軔于瞿塘千
里一瀉鑿燕安之醜媒悟孤孽之非禍雖
盛氣之飄忽已足窮物理之化迨其中年
倦趨今侍東上慨河流之奔駛城不沒者
三枝先生胼胝以先激而返之有以過其
性之狂悍伊文登之貝宮空百幻以自獻
寶精誠之冥通異燃犀之獲譴至於辟妖
肆憎百懾相乘先生怡然而行試正命於
巨浸儼安流之無驚耿耿明夜乘桴南歸
海若息波馮夷效竒混六鑿於一意信天
地之无私匪深於水者其能若斯耶玩玉
孫之將藝弄五采於素絲聽之而無聲即
之而若遺若然者欲以求先生之所樂無

異畫餅之充飢

餘聞齋賦

曷不觀夫農父之治田春耕夏耘晝作夜
緝望歲常有思憫苗若不及候其陰晴謹
其涼熱食不滿簞目不承睫穡事告成以
祀以享入此室處曰余將有養休其四肢
里間熙熙甕牖迎陽茲其為一歲之隙得
以自怡者與古之志士範圍天地之初冥
搜密籌心如淵珠據會以集要積神以合
虛冬爐夏葛謝而弗居逮其蓄極以通若
燭計龜卜物莫能沮燕居申申欲不踰矩
倚門而歌聲裂金石快乎其有容順化而
有得蓋其勤者若此則其終也迺以豫佚
惟昔賢之肥遯屹乎其頗波青林扶疎擢
茲瓊柯味道以觀澹乎不頗閱世推移飲
茲無何養其粹精不激不阿有客仰止撫
其嘉名以處以息慨然而言曰悲濁垢之
駢繁御吾輪弓馬窮愍逐日以道死異惜
陰之度功庥今金馬公車履舄接踵承色
以求為疲為冗退食以休濯其靈根藏真

養恬疏清滌祥庸式庸侶著于門類維四
民之有制實士農之居先惰于初者躓于
後弊于智者罹于艱歸休乎君授琴而歌
曰群動兮夜息貿貿兮吾徒曷獨恣不能
以自適書兮在度學兮在席復吾初兮以
無忒

息齋賦

慨太素之日凋服仁義者亦幾乎外馳百
幻眩晃衆愛糾縻側身於積薪之上試命
於累卵之危髮盡化而齒將終竟不得要
領以自持端木之智工於言結駟之德色
索其中誠餒然也史遷之足老於行悲憤
之書不能以全其生也東門之悔華亭之
悲是猶碎轂而大輻極泉而止渴何其遲
也古之至人止於其所不止休於其所不
休兢兢惕惕不得而名之強名曰息夫息
形者神清息事者愚絕息心者心愈馳息
名者名愈徹莊周之息影為荒唐陶潛之
息交為慨慷是皆未得其當若然者其必
有自息之方夫知古而不知今謂之陸沉

世故之岐多人事之機深生乎下鄰兮又
安能超舉以絕塵維李侯之靜好藹鄒魯
之淳風不求異乎人默息以底于鴻濛振
纓而趨簿領如焚上下雜糅否戚混淪一
息而求之何異解牛之芒刃眇目於毫分
也退居申申圖書領寘不喜不愠寤然含
珍吾有以知其息之外陳者矣夫天地之
理動靜濟焉偏一而用則為五行之沍人
身之氣如車軸窒而不流則為疾疢為未
廢若侯者其何以為息之體而余以為外
陳者豈侯之意歟他年成功而歸睇髮於
彭咸洗耳於箕穎味乾健之旨以極君子
之理吾不知侯之所謂息者其信然耶其
寓言耶

疑雲石賦

為張希孟作

文登之宮積濤成雪天風蕩摩海氣幻滅
嶽峯蜿蜒堅若金鐵大者成巖小者成穴
蜂房辟綴蟻曲百結爰有張子扶竒發珍
藉以文錦炷以古熏陋博山之侈靡髣廡
峰之氤氳湛然塵消踈為凝雲有容步而

笑曰南山朝濟奮搏無垠太素為母五嶽為賓合虛成形積潤以神今子友一拳於几席雲何自而凝哉張子倚梧而言曰窟尋丈者不能以喻大語荒忽者適足以資恠人惟至靈品物是賴明而通之呼吸萬籟決為奔騰興為靈霽其來無趾其去莫闕唯古至人韞玉以匱藏明于幽養神于獨內澄外觀若槁木靜以自儀無喪無辱念此石友其德不瀆燕居相忘庸以熏沐則夫所謂疑雲者不待於外而自足也客喜而悟遂為之賦

紅梅賦

閑閑羽仙朝歸絳都冰渟雪峙湛焉澄居侯寒圭之微影察衆芳之榮枯草葳蕤而永闕木脫葉以無徒彼陰陽之眇密易能返乎玄虛於是天迴景溫機扶候促吉雲豐融美虹纏屬睽炎洲之嘉植泱乎其忍此垢觸也儼藥珠之揚靈貯初服於太素沐九芒之粹精蟠翠氣以內護頰容耿以自持兮抱冲容而莫吐衣赤霜之羽袍曳

文錦之靈佩棄明月之寒璫綴飛瓊以為班匪徇色以自誇表昭質之莫昧凜世全之如焚艷微愠以郢背惟深根固蒂之不可恃兮將求化以養晦絜煒燁之滑稽懼夫惡朱耒者之見毀鵠日浴以穀離鶴舞丹而希壽念形色之莫踐徒變幻以眩售萬籟凝寂穆然長思絢此的樂申之以辭辭曰貌充心明道之腴兮葆光采貞慎德樞兮渥丹自持惟受初兮不爍不騰莫可渝兮時至神完吾其敷兮吾其敷兮物莫與俱兮

九華臺賦

混元之峰鬱為山閭霏青駭紅嶽峯相扶下垂清溪百流是趨昔有羽士恍兮承射縞衣玄裳其化莫追爰有堯年之叟植杖戒鉏顧瞻童土式崇墳壚黜幽導竒以薙以除層臺演觀積成為邪拾級以升家林湖圖迺擢孤芳絮泉廣疏錫名九華葆茲清腴有容蒞止披情徐吁曰登高能賦大夫之職也為我賦諸客曰瞰瞰廩秋天風

奏竿哀鴻赴空寒蟬抱梧脫者如掃縮者如枯落妍歛英還形太虛存莫可禦去莫可居相彼九華孰為有淪含章金衡承元坤與弗媚弗私苦心秉愉迴黃抱素包寒紛敷飛霜溢露言沾其濡獨立養完孰云彼汙世服校靚飾脂效姝嗜腥秦醇澁甘芼萸維爾茹口哆馬如茶耿持空榛曷知我蕪叟曰好不可一鴟鴞蝓蛆鈞以為直石以為瑇變奪五采唯睢盱已或自售適增詆誣寄懷於言觴至不餘九九默操嗒然蘧廬我生之辰天清景舒庸采以脩庶其遂初山空無塵白雲在裾歸興歸興吾以子為徒與

墨竹賦

屹書林之邃清襲空翠以膏沐察群芳之交妍糗蕞芝而不內化蒼煙於寸穎皦森束其寒玉有容叩門指而言曰天天申申吾不知其親悃悃款款吾不知其怨懼獨立之絮矜徒三刑以自獻爰有童子樵篁以前曰東南之美以植則繁大盡斲採小

為烹煎曷扶其清孰麻其生零西摧東山崩谷鳴取億及秬莫知可名維我先生念茲磅礴探玄窟之太和布靈根於眇邈取方諸於承露和不死之至藥寄遺跡於須臾避玄冥之饕虛故其凌風出塵廓兮如神承春飲鮮從兮如雲疾掃却顧猶歐冶之鑄郢人之斤也且容獨不觀夫鑑之與形媿妍脩纖各窮其精惟靜者能以燭至動而所謂談譎變幻延足以覈萬物之情望南山之崔嵬目九日而不瞬匪好夸以眩竒良以解夫謏聞者之愠語未具先生振衣坐忘與容相顧卷繚以酬一笑而去

素軒賦

太原白無咎微名字于易復以素名軒實維其祥乞賦陳郡袁桷賦曰維太初之混茫兮眇昭質其孰分二儀迭其交媾兮擎清濁而成文翕九垓其同風兮佩鉤矩以播芬邈馬黃唐之仁聲兮極黼黻以成憲忠與質其相環兮迄蒼姬而莫變亘終古之同軌兮成後來者之過眩

徵載籍於竹簡兮淳風鬱然以未墜憫太和之淪胥兮希絜己以自致三熏沐而揚靈兮儼前聖之遺旨悟宣尼之自筮兮繇告之以不樂曰丹漆不文兮白玉不琢質不可以受飾兮道不可以雜敦厚靜止兮弗居其華惟無色而自色兮物莫能與之加爰錫名以表厲兮雖鎮越其靡它凜世垢之泯忍兮蘄旁證以真直聃演言以清淨兮戒目旨於五色墨諄諄以兼愛兮悲黎如其何盜冕朱裏而外玄兮衮襲裘而不褻淡玄酒之無和兮輅盡誠而越席顏執仁以不違兮炯虛室之內煥商舉隅而起予兮懼絜矜夫倩盼噫童子之微言兮警魯氏之華睨捨沐浴以孤泣兮地有知夫孝子乘結駟以夸容兮終內熱而殞愧車美澤而可鑑兮曷栖栖夫靡止彼馬師之食藝兮亦能遺玄黃而洞理羌若人之好脩兮如芳澤之日恣將乘飛廉以上征兮揚古帝之丕則悃悃欵欵而彌貞兮固丹府之介特書盪盪以參倚兮憲夫龜之

不食揭嘉名于戶冊兮振白首以莫忒申以辭曰茫茫重玄物之先兮剛柔相摩爰以宣兮反初復真德迺全兮履素莫渝吾將以無愆兮

冬窩賦

濟南潘仲德家商河治其田廬塊土累石以處左經右子刻意厲行斟酌度古昔將力避世不復近歲終順陰陽之理慎居于中而名曰冬窩未幾聞于朝為太史屬太史職清簡仲德獨憂之復以昔日命名者揭以自警余聞異之為之賦曰

噫嘻夫世之善養名者豈惟冬與朝而興夕而趨執轡在手承塵滿裾僕夫告病寒冰厲鬚剝飛英於窻數巧膏沐而睢盱懼分忽之不前戒良哀以先驅矜清揚之婉婉猶春温而于于何自而冬乎大盜之智不以肱篋巧賈之利不以操割蓋將足不超闕而踵接其席目不承色而議推其德美容我雅言迤迤爰處爰居載笑載歌闕無傳之靚邃又何為乎冬窩也哉潘子

曰不然冬為天終萬物蓋藏陽微如芒外
枯內傷甲者若縮伏者若亡裂者為阱殺
者為防歛吸以吹浩濛莫當口含飛雷睫
承流漿三光青熒五嶽仆僵故其蟄處也
隆隆以龜深息而卑卑其徐行也暨然擾
危俛俛而施施疏房上宮連氣累霑嶽峯
阻深束縵以載鑿坏者遁煬竈者遜當此
之時食不飽菽藿衣不聚裘韞悻悻然角
進而憑陵將弗折而自缺且夫藏明養陽
必謹其獨大智若辱大容若谷紛載籍之
蘊秘糅衆說之枉枯折精華以彌縫豐蔀
屋之光燭吾非以嵯岩為居鹿豕為娛友
幽閨而棄斯徒也念居蠖之未伸凜自縮
而不惴謹清寧以冲喬御六氣之冠沴將
以游乎萬物之初順四時而成歲也

榕軒賦

南粵之區温風憂摩積炎吹雲流金為波
少負老息盼茲庭柯爰有弱木攀緣嘉生
連理纏結附枝膏凝蔭旋萬牛廣容專城
千柱承宇百尋傲空群鳥莫爭希賢同風

長與少殊如昂如顛溜微生於一髮寄豐
壤而敷茸詎攤腫以丐全眇頽波之容容
廠類滋夥其名曰榕東魯先生見而笑之
曰目無常形嫫母以為能耳無常聲折楊
以為清美醜相乘孰完其生眷茲連蠶棄
諸同辭薪者鄙之斲者訖之輪者絕之器
者揮之夫好惡不齊莫與之爭吾何行焉
舉觴以愷愷極而歌歌曰木之詵詵匪委
佗子木之萋萋匪婆娑兮巧為彼矢名為
彼戈但徠維松新甫維柏柰何柰何容有
踵門而言曰議物產者必以良舍所用而
求無用將安所嚮先生曰多謀者神泣多
才者形傷維彼阻窮百虐備嘗蔚然以修
充然以光四海立賢勿云其方窮髮之北
殆將駭兮榕兮榕兮吾以為楷兮

復庵賦

馮恒山李

楊子之衝千流交翹蔽帆雲凝灸穀雷震
塵奔瓦聯攤關踟躕土衍隰勻深未廣會
百枝眩衰千賈獻殊爰有倦游之叟卜龜
食吉構茲腐廢不斷不甃茹玉芝而三咽

膏玄髮以若漆與客瞰空觴而言曰今夫所謂歸老者其名鮮鮮其行暖暖脫機於

韓盧之吻息影于菟裘之巖造者絕履奉

者謝饋嘗仰屋以嘆感極以悖悖極而悔

黯奄奄之吳離揚滄浪而莫蹟若是者吾

奚以為歸世有習靜之士逃聲於無形避

害於有名山鬼獨嘯悲猿凌兢掩耳疾匿

脫鳥如驚是鳥知天地之性哉磅礴之理

不能以獨運條者舒者疾者徐者足以窮

萬物之真維昔此邦犬牙東南前江右山

朝煙夕嵐憑高而望則去者如箭淨者如

練杳者如線效者如獻日出而作連崗燒

空交蘆舞風土臺崔嵬野田豐茸昔之荒

煙萑草恍不知其處所寄遺蹤於白鳥問

秋風於賓鴻夫觀萬不同恒維其機今吾

乞身於未老寄此土而食於斯也素書滿

林白酒在危鄰熙社恬子順孫祇不脂不

韋不激不靡視昔歸全而索隱者相去幾

希靜者動之根息于外者其內若焚川流

徂東龍返為雲日沈于淵朝升為暎其本

元元其生芸芸簡兮廬乎覲無渝乎又何懷乎土乎

擬剡亭賦 為吳成季作

英英維祥織流成章雙峯嶽峯紫紫熒煌

峙立澄冰玄言飛霜爰有化鶴之叟迅翻

瓊館舒風盤霄歸而歌曰茲山兮沃膏陽

霏兮夕濤吾還兮不崇朝將何為乎逍遙

昔之命駕者興極而意已盡卧游膏肓者

不千里而接軫去若隙駛留若柯寄情不

及親豈我輩之謂耶彼標輪困爰衍爰溉

彼桂扶疎以嗣以賚養苗者濯其嘉牧羊

者去其容植楹兮鼈負布甕兮鱗雅我季

兮圍圍孫並曾兮陳廡蹇獨余兮不留目

凝睇兮屢顧芳菲非兮在林誓將築兮奉

可飲卜龜兮于庭誦言兮揚靈彼替兮奚

投返真兮思冥學道者天完逸老者齡延

順以養榮息以固形刺意枯槁者吾猶謂

之善盜而我之髣象豈果有所羨而自表

者耶道本於無名擬之而變成鈎深者衆

如珠在淵遇風為漪激流為川彼剡伊何

源遠不遷則而企之於亘斯年

餘軒賦為程士安作

世有好名之士佩玉長裾鳴騶導衛惟者
接踵對者奉詠日三接而色喜坂九折而
懷吁欠伸委蛇顧而子孫且言曰夷考昔
人吾何能擬哉棖楹闢空旌旄樹霄部曲
中街膏壤近郊悵兮屏營慨兮鬱陶若是
者何噐噐也爰有靜士卑然素儒載尼為
與游物之初粟不滿缶屢空泊如爰笑爰
處擬諸華腴昔東方生見戲于侏儒翫世
味道忘身之蘧廬維程子客于江之南幾
四十年幻者如飄風逝者如回淵禍生於
公餽罪戾於細旃撫心以思孰省其愆往
游于其軒太古為春無懷為年探圖空戲
受歷軒轅在易大畜剛止以育德日新而
自足者也昔之至人道充以為富聲出金
石柳生其肘席不蔽坐飯不充糗今子之
居酒時滿筯蔬時滿把視昔之窶者溢且
夥矣程子憮然曰吾誠李矣

隱居圖賦

陳子築居唐奧之山復繪隱居圖撫其某
水某丘之雅名署於其旁以寓朝夕不忌
之意每遇佳客輒指以示若挽而使之游
從於其間也間謂秉楸曰夫畫以髣境畫
之所不能及者吾雖知之而不能數與人
言之且境必有興趣之精華非言不傳也
子其為我撫名以發其趣楸對不敢辭迺
為之賦曰

陳子倦游江湖整轅言旋顧瞻先廬徜徉
里門四壁寒奔頽然維藩詢閨闈之遺跡
儼中堂之猶存吊零落之舊叟撫傍徨之
驚魂於是悲極而喜喜極復悟悟而言曰
人生一世惟靜者智感不可持說不可恃
三家之市其行跂跂四達之衢其言姝姝
一以巧為媒一以醜為居吾懼其獨立而
誰與趨拂龜以占飛於唐山之隅若質而
華若翳而明缺者如玦環者如城相其陰
陽築室繩繩被以杉松猶以芡菱棄塵世
之喧啾備乾坤之清明爰命雅客展以輕
冰之楮化以五采之穎纖濃如春曲直若

領吐秀獻奇叢曠炯炯鄰輞川之清妍敵
草堂之幽靚故雖踰江越嶠適市造朝挹
此繁者神疑各消有不待北山之移八公
之招也客有言者曰擁裘而歌者意率類
於慨慷登高而賦者事常失於荒唐吾敢
按夫子之圖而代言其詳東越之區山水
冠世發扶地靈前王後謝維君之居敬若
神界若迺石塘界其前雷峰守其要馬領
冠其巔羊巖負其奧周以青鮮橫以磊砢
近若迎笑遠若却坐嶽蒼何山挾輔以殿
浮游閭峰振舟以見上有石屋深攏參屬
紛披寒苔聯絡怪木恍飛仙之遺跡鑿幽
竇以守獨前林杳靄丹光騰天伯陽一去
而不返玄鶴盤空而將還飲石室之寒露
問山人之何年然此特隱居之外美析而
舉之有不可勝言者矣晴原漲春千桃爛
雲飛英滿溪纖流成文支寒藤之瘦骨度
略約之微險解解瓢泉一舉三咽藹桑麻
之故交爭聚首而繼繼前有惠林濃綠姍
姍投冠解襟脩然清夏欣衆葉之敷陰訝

枵梅之吐火秋畦離離黃菊爛斑爰泛黍
酒駐茲頽顏懷千古之處士醉悠然之南
山歲窮境空長木踈風寒岑冕曜歸然中
峰滄膏溢銀噴如飛龍匯為澄潭窮髮鑿
容烹以碧玉之鼎淪以雲腴之茗神清意
寒語爽心冷蓋將忘塵世之事而深以內
省也相彼雙門圍茲群山清風常來客去
不關圖書自娛鄰社莫千有堂寬開扁茲
嘉名悼白雲之何往悲先友之日零瓊樓
舞空清曉萬變默坐以觀翕忽詭幻冥天
衢之出日駭青紅之紛眩鳥銜煙而躡枝
兔驚林而絕坂嶺濛濛而人度露溥溥而
葉顛念哀鴻之相求時遺我以好音緣小
壑之橫岡花竹儼其成陰悵舉世之莫從
歌風雨之苦吟迺歌曰歲將晏兮莫留過
故居兮懷憂山坡陀兮四屬吾拮据兮以
屋懼世德之顛隕兮習肥遯以蓋穀駕余
騾兮屏營耕石田兮腹果究出處之何心
兮幸余髮之未化為我語山中之人兮吾
將歸老于其下

清容居士集卷第一

清容居士集卷第二

騷辭附

愍誓言哀謝先生

受穆清之元陽兮一精白以抗修閭闔
睽其初麗兮執正辭以告猷黜朱光而不
燭兮妖群立以縱恣飾詩禮以逞誣兮曰
余將焉所詣曾臆結約而莫達兮史告之
以寡言心屏營以靡置兮導旌旆而為之
先揭德華之魁壘兮勵來者之前一成
旅以興邦兮佗然莫余敢擬州壘壘以十
百兮夫何寬衣而廣袂積薪以逞安兮
群餐食而自戲竭精液復疾呼兮卒莫能
進其詞振飄風於林籟兮葉脫故而懷新
衆嗚嗚以雜居兮寥獨立而蹙呻矣危忱
於帝闈兮星委地以如珮何執愚之慎矜
兮守隘說於顛沛持空薄之一髮兮振千
鈞於層冰力弗勝而殆兮猶夸夫守道之
經企女紀之傾輪兮極迅翼以恣往九疑
靈妃憐玉容兮鏗鼓瑟其音蕩重華倏焉
以冥邈兮凜蒼蒼德之日喪乘桴游於中流

兮海若息波以竚望棹夷猶而靡行兮羌
 何為乎此路若然揚靈窮晦冥兮朱鬣乘
 旗扶以震怒澎湃蕩激激回渦兮爰深逝
 以款歎懷縮慙而失據兮寧忍歸夫故居
 死無能終報兮生莫知其冒圖貴化人之
 冲漠兮絮肥邀以自避蒙垢紛為汙濁兮
 薄日月之吐吞整門竇於荒滅兮屏精明
 以黜聞起飛霞而上征兮遇武夷之神君
 逝者翳于山丘兮夸誕逐其管窺覽三聖
 之古簡兮宣丘實為之彌縫謂道無古今
 兮孰與之傳虛九九而內明兮剛柔錯焉
 以敷宣翫朝步之奇文兮握奇五以黜頰
 建中極而滅端兮成器物之自然湛然一
 以貫兮曷知其後先數京垓以成變兮迎
 拒之而莫偏歛莫知其跡兮為道之全夫
 形既不可以久擅兮神與之為素篤迫朝
 逐而日騁兮引卫命以自絕棘戈爰于車
 道兮精離輪以蕭屑秋陰惜其妻骨兮烟
 螢光之明滅手三秀而不忍茹兮腹殷殷
 其雷裂奄兮愀兮忽以放逸兮何昭昭其

章微 亂曰玄神凌兢兮命壽不得長闡
 茸曼衍兮既樂且康衆皆馴帖兮靈胡然
 而秉方擷雲英兮微光佩雜芳兮彌章駕
 赤鯨兮騰驪絕六虛兮放八荒注北斗為
 漿兮內熱不敢嘗林有桂蘭兮水有鱣魴
 斫思弗見兮奚故鄉挈眇風兮樂未央吁
 嗟逆化兮寧怛傷

廣招

深寧先生乘虬上征江海珍瘁湘纍遺痛
 千載猶一日也柳車爰行瞻望永隔門人
 乘輅竊取宋玉招魂述廣招以反其義其

詞曰

竊獨悲此翳濁兮身鞠慙而莫明服三后
 之貞則兮秉忠純以內兢繩古義以自抗
 兮懷微躬之莫勝懼天命之不吾與兮晚
 更踰以深寧委靈魄於玄宅兮挾清神以
 上征重華除其無容兮矚下矩之險隘侈
 九夷之曠遐兮中前聖之遺戒一去而莫
 返兮八靈孰能以震賊乃命小臣戴維秉
 旄注精高冥而下招曰茫茫封丘膺豕萃

只炳靈奔飛香交會只嬋鳩清芬取返旆
只縱橫幽房雜尾恠只魂兮歸來其益以
駭只東門熒煌平蕪層陰只靈宮紫芝萋
以泯只流鈴搖空訴李淫只玄蛇蒼鼠若
擾馴只魂兮歸來激越吟只題變蹂躪白
蟬飛只滅方鑿迂傳致以肥只鬪青綴白
眩纖奇只折楊黃華司體儀只魂兮歸來
彼相疑只沃隰修吟鞠薺茂只狂夫冶游
胡憮後只南山白石曷以永年只式擷其
薇悵周原只歸來歸來其孰能寐魂只愁
雲旋宇陰籟振幕只素空霏塵清晝激電
只虎雄黃目屏陳設只精鑿後置爍蠹施
張只伊嗚仰天雜猖狂只甘脰恣睢禮不
可防只魂兮歸來悉無以當只魂兮乘桴
登瀛壖只海觀日浴爛紅殿只哲容長裾
聚古先只漆書竹簡遂研鑽只崑崙穹隆
疑有至人只妙顏紫鞋休德日新只吐珍
納和興道為鄰只雕題祝髮禮讓與仁只
桂蠹咀吞味芳辛只幽蘅嘉芷佩孔父只
相羊相繫脰若存只承挹清塵徘徊翩翻

只天光淳耀會弁森尾只肅容展威受多
祐只斬几破觚斯皇輔只龍圖昭回布高
矩只開陰蔽陽庶類蕃嘉只捫歷箕尾建
崇牙只翦理姦巫靜無諱只昭示下土循
義媯只河公海神魂以迅只貝宮鮫室祕
恠雜孕只瓊英琪柯錯續紛只鞭龍誅蛟
需澤湛潤只魂兮遠游載凌素只揚歌舒
躡化幽憤只重曰嗟所思之不得見兮儼
冰雪之遺容緊遲遲而容與兮松柏日其
葱龍悵幢帷之咫尺兮長虬脫馬以追風
蛇塵居之險艱兮捨崇蘭之新封墳篋迭
其和奏兮聯雲車以陪乘繁琳琅之遺編
兮俾泯絕之足證匪離群以自絮兮誠不
忍夫驚駭超整駕以言從兮懼見譏乎後
聖揖虛漠而言旋兮耕書田以振厲諒神
明不吾欺兮庶終承乎嘉惠千秋兮靡長
白雲兮相望魂兮歸來其母我忘也

七觀

翰林先生納榮息機謝白玉之堂將歸于
麻源之山房越公孫懷牘濡穎託物喻志

考圖審曲若鑑之納視言忘而意消類別而理備有郢大夫癯然褐衣目不接乎黼黻耳無聞於律呂鞞而言曰登高能賦淫畧荒忽智專者塊強形滯者物逐昔吳州來觀詩東魯言有度微有擾厲階於枚生濫觴於曹王先生楚產也雲夢汗湯巫峽噴吮胃藏腹蟠公孫不足以教我先生殺青南山積簡羽陵若網有網若墨有繩舉凡暢微我其聆諸

越公孫曰太素烟煜清濁奠儀兩風露雷動植攸孽辨方審良民用不疵六氣以冷日天其世彼諄諄者皇曰汝命實長厭土燥剛相其温涼我生命在天順以受年巖居谷飲中道以隕執書以觀有涕汎瀾陋彭鏗之逆理兮何恣縱而益顏言技可以進道兮吾當繇是以返觀納臆補藏惜忍莫竟石立土踊李萼迂淫吾猶以為天地之病也脩身俟命道之大經先生之正也大夫曰神之所行何體何方拘者為儒請更端以告僕夫

越公孫曰靈曜宣精五紀順明察幽考微法天以行形氣共共吉凶卑高觀象以分韜兮靈根感不以言繇動彰靜百神受祐虛者為音質者為數昔后稷氏之職黍稷蕪蕪智者過謀胡盡其地力民日作慝相攸食墨風雨斯蔽連雲發葉飛不得垂喙履不敢仰視旁營萬家地記萌牙楮衣債蹶而淮水復絕鑄鼎伏姦能沉于淵吁嗟而求桑林之羞要荒擾馴王會盈庭獻琛效珍物不可枚陳雞豚以時父恬孫嬉何助邊蕙思屈曲洲島家累千金資先生昔居列僊之館據要集思謂象以理明妖由人興守諄芒法清寧却走馬于郊謝重譯之雉陋三脊之茅熙熙陶陶舒舒天天不言而歲成無營而事貞夫子不云乎一致而百慮其是之謂乎郢大夫曰汎觀博聞於道彌損顛滌耳以挾其蘊

越公孫曰粵昔居父唯俎豆是敷擊刺坐作曰民以教菟苗輻犇車徒卒究厥令與圖八表同膺四絡交軌月竈風丘冰天桂

海馳心望雲請命款塞千廬呈環八屯山
列羽林繡經飛騎鼓笈然而樂成者難與
圖事守文者不足語智嘗聞之兵農同封
耕戰同功魚鱗鴈行敵莫我敢當府散籍
移萬姓流離強帥拉脅外寇憎肌卒不可
柱支後王鑿觀法日以繁厖者罷者恒者
羸者駢頭引吮食粟而嬉開門納兵百郡
是師何草廬高吟崎嶇雜耕何杜氏之子
傳癘孔深而緩帶以征射以容觀劔以氣
言批亢構虛孰知其隅折衝厥難莫窮其
畔至若握玄圖視龜文縱橫起止與易象
相表裏者驟語之吾懼大夫之諫貽也大
夫曰兵者不祥之器未效此知也

越公孫曰炳靈心君闡乾闥坤情聲相宣
立度出均昭昭鴻藻細縹是存敢先論楚
材而言之濇濇乎形畏垢而將翦也霏霏
乎睫承露而欲訴也荒蹊斷葦燐滅沒而
疑聚也織文揚微攬芳菲而雜組也少馬
商飈蹄鳴金石琮琤逐席搏兕鞞鵬鏃鷹
寄莽蒼於一瞬乘扶搖以孤征終綬轡以

就日愴條淪乎西傾意悲何為哉古有歲
居之士抱奇挾幽漱芳深林憩寤凍流憺
乎其若遺窈兮其若留鈎盤助之為回旋
虛牝答之為獻酬猿三疊而墮淚鶴九轉
而凝愁鈎玄採微迄無終窮瑤席敷張高
歌慨慷語初麗而終放託餘韻於宮商然
此其芟芟者耳攬拾蒼雅刮磨誥盤微繁
貝編飛英露漚何譏乎肉食之鄙猶鄭穆
而魯桓也大夫不聞之乎鍾石絲竹各隨
其聽隆汙有時其所遭者命摩盪堪與吸
呼羲娥矢為帝詞叶為賡歌五嶽贊襄百
靈護呵不棘不茨如砥如磨葢潛漏泉掖
民陽春瑰逸為新簡絮為真列若戶居別
若渭分雍容者玳瑁冲遠者莖莖縷絕而
緒續醴甘而齊清昔之擅名偉著耿兮其
不能以十百程也浮聲切響直意肆志澁
泝旬盍泊滔莫止据理者夸飾言者哇嫫
毋兮姑射鉛刀兮鏌鉞審莫任兮柰何大
夫曰文章與政通玉署之職也文勝質則
史更言其大者

越公孫曰砭砭中壘校讎靡寧世本年紀繫于麟經捨相府圖書泯其緯經炳麟金匱汜罔敢配迺司馬氏決榛鋤翳麗者為譏激者為刺升涉世家表籍作紀言諸侯無史史立周地鄙儒畫場削章刪凡燭火並日卒斯盡莫傳昂荀袁辭約義完何班范家至耿光綿絲相繼擬述百世一律素王簡編如日在天熒煌高張孰敢附肩鴻化以滴研擦益疲穢者聞者聾者濫者洪忍畏禍希企市價諛不表直俚不師雅若聲鼓鍾若盲策馬元經附訛唐曆受呵後有紀略迄莫同科尹石猛志證古比事百不一試歐陽氏出方名山所葺復大同而小異勢不兩立其魯史之謂厥今繫讎川盈記註拂比故志存廢興之源典章酌損益之致登瑤山而神駭游鄧林而目昧般倭効于隨和發涕操觚之士吾將見其心報而神悸也先生登秘丘覽群玉積石倉標朱目墨兵筆削融液手粹精園赫胥鄰大庭大夫宜從下風而乞靈也大夫曰

皇王惟熙帝霸孔熾我心增悲韓愈不為史名以四馳何庸知馬

越公孫曰煌煌古帝列生聚方煥乎陶唐五服五邦五典率常導之無違民用熙熙授之以時聿來攷攷降于三王厥緒曰孳集成于蒼姬黼黻憲章金石命令緝熙太和宣昭群姓織鉅之備祭乎其有秩也豐殺之制屹乎其有截也三光重輝百辟拱列歲時易移而浸淫蘗芽弱者綴旒強者鏃戈智者揅囊勇者拔河搏犀象屠蛟鬪飛矢請命旁午係車焱乎浮雲迅乎奔塵炙轂滑稽之士紛然而並陳棄仁恩假鬼神混君臣各馳騁而懷新數千百年人三而說具勞乎離婁不足以一視也爾乎王良不足以一御也其氣大可病者恬泊守真可以養身不可以治民絕性棄命黔首蝨病孟軻氏有作吾見其髡鉗而舌咋也言未既郢大夫曰天歲山中瑾瑜匿瑕問以辨之厥德曰華儒者詬病卒不能以勝何道窳高子盍陳之母激母勸

越公孫曰古昔顯童受業問塾書數首通
 訓故是屬聲歌象舞目接身服相親有恒
 日用不瀆後帝不相齟齬祀興父之音察
 寥五禮紘紘鏗鏘莫明而聚訟若焚鄭說
 乖誤後圖踵循象制益湮周官別出議者
 欲一繁紊綜錯操綱而入林適越而棘北
 也類禮孔勤五厄莫存後有倣補去取未
 就卒乘虬駮雲字以父合聲以音比旁行
 敷落侏離狄鞮文執同風不能以一致孔
 壁莫推二經蕃廡聲牙為今簡儷為古謂
 道統是傳曷敢有語詩基文王而周召先
 興首章異同衆說沸騰風雅變言美者為
 訾直者為詆魯頌紀異秦誓告終何後學
 瞽瞍迄莫之通麟麟魯經議口法吏謂齊
 晉無褒而日月具刻紛若蠹蝟眇若糠粃
 不虛其心不明厥視遺珠抱疑探篋積毀
 然此特人文之經緯政治之用體也三聖
 述作包河總洛二儀生於心萬化制乎神
 迎之而莫親拒之而彌存疑者遜者愕者
 困者湛兮消兮委兮昭兮沉思遺物形離

越兮漱迴颺兮闕而寥兮縱雲翔兮憺兮
 儒先從我招兮鄧大夫曰始吾見公孫疲
 欲若不足突梯若避辱靡精槁神何斷斷
 然也今知子矣永譽處矣吾與翰林先生
 徜徉此土小年大年猶以為朝暮也

補不佞遺謀守儒黼南故家志學之
 歲先于命緒治書鉅觀史志卷錄部
 第聘見外雜稍長得博考先賢藏書總
 目院院三十年合傳短長運成一家水
 旨程公作歲觀書山房于解源三谷今稱
 賦之遂作七觀捷道源委延祐三年歲
 在丙辰七月癸
 丑會稽袁稱誌

嶽麓圖辭 二章

嶽司南兮齊歎冥懋陽德兮炳靈二老兮
 素綦握鴻濛兮矢詞百泉兮一谷飄為川
 兮為瀆玉霏霏兮日光湛淵默兮含章至
 言兮在圖同八方兮遂初重華逝兮不返
 畫棟帝兮席當坂
 望臺兮靡蕪塞一士兮拮据百楹兮承宇
 輦山瓢兮以為醕松風冷兮瓊瓊儼振佩
 兮高岡朱羲出兮揚靈積陰伏兮大明百
 泉飲兮在齒慄交流兮不可以止嗣德兮
 孔艱清微激兮回瀾

悠然閣辭

鄙之西兮峰圍圍席豹屹兮雄姿綬蜿蜒
兮紮屬旌駛賦兮虹垂之人兮槃阿畏義
娥兮高駝築榮觀兮通明手參差兮以娛
棟隆兮示背榮翼兮肇喙鑑匯雪兮鄙之
區抹有七兮日軒採鞠兮黃裳緝萸兮紮
囊芳冥冥兮夕暉憐獨睇兮擬所思雲飛
英兮山之阜為予留兮不遐以處秉貞兮
神專觴彌劇兮益完山中之樂不可以久
遲予迄兮悠然

楊堅州治孟津金堤成作金堤辭

波湯湯蓄我堤民昏墊晝負携地不寧緣
木棲楊侯之來承帝則順事陰氣神以澤
赤蛇蜿蜒吸桂漿百谷受令故瀆常彼隰
柔桑猗澤維稭侯言神綏曷敢功民言侯
績天心通百妖伏精金石宣明三旬有役
金堤是復

石田山房辭

大梁馬伯庸寓居光州作石田山房為作
辭曰

淮欵波兮練縉峰植秀兮翠旌翦黃榛兮
布耕石芟芟兮稜稜思夫人兮造攻雲雷
合兮追鋒遺鏃兮蓄足壤逸休兮果腹神
符一兮告祺藹惠則兮貽思靈之來兮歲
祠不鄙夷兮以嬉踈房兮筭席温風至兮
靚密儼竹素兮橫陳曰靜脩兮手澤世芬
兮日起百稔兮無數石田兮有秋累胼胝
兮吾奚以愁謹樹藝以自勗兮植先德兮
無媮雖本兮穎豐導泉兮澮通夫豈不知
有善歲兮吾曷敢燕遨以幸逢望八公兮
巖巖王孫悄兮莫還積荒幻以自迷兮捨
息土而弗艾衆芳婉其披離兮秋霜慘不
能以實謝蕪芝之療飢兮治精鑿以煉質
亂曰苗誥誥兮善吾耘兮日出作兮永裕
樂兮學猶殖兮吾將以為則兮

雪江圖辭

雲玄積兮素摩挽羲車兮馮河蘆戢戢兮
倒戈兩伏匿兮鶴鶴昭朗兮夕微群動寐
兮影滅超逍遙兮一舸食穀精兮腹羸地
險兮曷憑馬飲波兮夜騰委素練兮宇清

舉皓首兮吾奚以屏營

垂綸亭辭為宋誠父作

漢滔滔兮日傾東滄浪兮冷泠寒一士兮
沈冥垂芒鉞兮不屑以晉明珥兮貝宮朱
蔚兮青葱魚戢鱗兮為衛兮龍騰章以屏
氣謝娟嫫之嘗巧兮口垂沫以縱恣吾寧
養之以歲年兮寶祕鬱而不宣豈直鉤以
違衆兮守釣道之自然時至而迅舉兮匪
荒幻之詭誘保貞志以遂初兮考銘言于
耆叟世俗眇其莫同兮永訖依夫前聖之
所究

巨峰辭為吳成季作

千嶂兮嶽峯特峰挺兮絕垠衆交流兮織
父粲霄臺兮鱗鱗檜節兮松轟接路兮以
遨儼至人兮清寥休德新兮日昭神曾舉
兮重玄大帝儼兮授簡以宣曰渾沌其無
迹兮孰為之傳氣積兮九乾五緯從兮右
旋逆知來兮順以往握靈機兮測天狀葆
正命兮滅企妄受帝語兮還神京山之下
兮雲亭亭澹獨樂兮復丁則泰始兮道甫

成

雲中辭

氣芒忽兮孰窮其升淵迴旋兮挾以騰圓
為輪兮直者繩握斂散兮莫名山之樹兮
日瞰彼獨黯兮上屯從豐隆兮駿奔需不
進兮恹恹下土兮垢氛靈夷猶兮曷存炯
余視兮屏息桂酒斟兮瑤席法玄化兮以
康食神功昭兮奚以跡衆甫集兮粹精憺
將逝兮廓清

春兩辭

玄陰固兮內凝滄蒼蔚兮溟沐興注兮建
飢疾兮灑兵下土兮沃焦寥倘佯兮紫霄
來弗以趾兮去莫可招澹幽士兮空山息
視聽兮玉顏帝青廓兮躡沉虛牝汨兮潺
湲謂彼有聲兮耳益以贖疑不釋兮詢于
大塊

羲婦辭東平孫珪妻盧氏

彼振煌煌兮過者式之黜予心之初兮孰
或測之紛兮于房伊離孔傷饋兮于堂我
姑永望余不聊生兮矢神告之歲月遷流

兮卒迺復之鸞餅兮飛鵠松柏茂兮朝露
沐石可泐兮志莫虧儼舜英兮介壽祺

哀蘭操

盱江吳允文咸淳末與家君同佐江
東幕府允文慷慨喜論功業倚青溪
檻張鬚頓足籌邊事歷歷在口傲視
府公每一至賓次席甫坐即去督府
舟抵龍灣金陵郡文武郊迎謁入皆
謝不納獨允文立江亭掩袂大慟必
求見始退未幾以王宮教授召方是
時江淮幕府僚佐言性命道德者悉
詭號為知兵得入朝言事而允文疇
昔素論兵尤奇偉可聽故得驟遷為
起居郎復直舍人院流離南方寓虔
州時父丞相總兵兵浸弱允文復以
平時論兵丞相獨傾下之兵日迫丞
相酒酣與允文論生死允文未及答
丞相呼軍校斬之噫允文要為奇男
子其未答也抑將有所為也稍九歲
時嘗拜允文於家君坐上想其風采

凜凜猶有生氣今觀所作墨蘭不自
知其悲之無從也作哀蘭操以尖之
暇日當弄絃輝聲以配易水之悲壯

幽蘭兮秋風炯命兮不逢劍劍兮素蕤零
露衰兮莫持望崇岡兮不得返悵江南兮
愈遠叢棘兮芟芟欲駕兮無轅子中野兮
屏營芳隕失兮玉零謂我為非兮吾何辭
己兮已兮其將何之幽蘭兮勿悲生失援
兮死有期思夫君兮意極從逆化兮何陳

蘭竹操 為子昂作

柔者不卑剛者不凌質質雪霜心兮以寧
且清意招過學恭吾曷敢以從
彼高者矧彼俯者曠各全以生不媚奚慝
尋不可以枉寸能有兩長亦獨何心茲奚
以傷

芟芟兮叢棘高者下兮曲者直揚靈兮靡
怡介石兮誰瀆功成者去兮孰尸其榮辱
為佩兮弗忍以刈為杖兮弗忍以戕杖弗
以扶危佩弗以服香其咎曷當履維德基
其無缺以自陳意

黃可玉哀辭

孔子叙逸民所尚不同愛其近道乎是有感於世也耶又曰不得中行必也狂狷乎狷者有所不取矣剛絜養正矯矯然離垢立竒語益不合行日以褊若是者誠不取矣苟為之不能知之而自警者得一人焉曰南康黃先生可玉可玉名石翁世儒家居廬山下少多疾父母強使為道士讀聖人書能知其心謂道與言不可以有行也必藏智頽放以自養約結制行非介以為異也其著書極於憂患者困之通也嘗曰曼容矯節支離不能也平世易足吾何為乎是空巖隱穴廓然契領至則曰游聲養名非士之實跂而望之去聖逾遠故其所為詩文靜而不馳溢于哀怨則可玉自蹠之曰狷叟者其果知矣可玉所居室多唐宋雜蹟間疾作閉戶反復在手疾止危坐若思容至馳辨榮辱可玉閉目不復答而人始咎之嘗與余言吾鄉善醫曰劉開能已竒疾里人病噎嘔藥不愈劉往視之

云廬山某日雲氣開君憑軒眺引之當愈後卒如其言余少固多疾今疾益劇不知用劉治法可已否相視大笑余來京師報書言茅山陶公黃庭出可急購購成當同議中黃畢法未幾竟以疾死嗚呼可玉言幾六十死矣曷哀也已學老子道志於壽余不志爾謂其世無侶而哀者亦介之的也伯玉砥礪志節歲久益湮讀其自為銘知可哀也已故為作哀辭辭曰朱光絜精受昭質兮熅熅靈根曷幽鬱兮鈎深索竒儼古聖兮德充以尊履制行兮卹彼拱壁奠皇圖兮劓以為隅衆引誣兮啣兪突梯道之非兮扶輶以行慎樞機兮層冰在蹊踐其絜兮幽蘭乞芳誠不敢裂兮清玄返真氣始升兮謝彼菀濁超變騰兮空山闕虛蕙烝散兮滄鳥白雲從我招兮

林彥栗哀辭

道家言黜聰明去健羨形神始完是果為得道耶古者上壽百二十歲竊不死之說

者則曰脩之益真其道彌親壽而無德與名君子耻之故脩短有命遺壽焉猶可言也名德不至其漸盡腐滅又安所取哉古之人若是者衆矣永嘉林寬字彥栗形癯而器温其於學也汲汲然逐日以補有不足焉則力探簡冊以自證其為文必達於理而始精於詞謂詞者載理之具也理不足焉詞雖精無益也深思以求之旁取傳記之說勦絕傳會據宗統原以會于一復懼其未盡是也則秘重自念將周游四方關疑廣聞目擊而心領焉意若可謂勤也矣道散於九流百家彌綸者至矣其弊有不勝言者况濫俚雜尸坐瞠目漸入於無聞之傳余嘗察彥栗知其心有深憂者焉余始見於姑蘇氣和以謙再見于京師愀然以思取士之道非一嚴矜域析毫髮有司者之過遺逸不舉則凡吾徒在官者誠有罪矣彥栗志不在是推彥栗之志在問學為之而不克就若是者是真有命矣悲夫延祐六年三月卒于京師年十

有 其弟宇友謹哭曰吾必奉喪歸姑蘇姑蘇吾先人所藏遂為之辭以申其哀焉
辭曰

氣清明兮受元陽德彌中兮闇以章挈太古兮儼九皇播絜精兮瓊圃芳力未具兮志則專一葦渺兮濟巨川慨不進兮道遠遭白晝速兮陰風旋數實紀兮吾何愆路孔脩兮神獨還靈施翻兮木葉丹儼夫人兮在空山玉蓉冠兮紫佩蘭

前導 玄教大宗師返真朝元歌九章以

雲飄飄丹臺何岩堯中有授經之老顏不彫三光盪摩四時代謝神來歸靈承帝罔敢替 謁珠庭

察陽空洞六聖儼思九垓熙春羣黎受禧昔騰章閭闔通金書儼在水旱功

朝重華

五嶽真形飛車揚鈴翔鸞騰冕金精下視垢濁何沈冥昔者之來運有遭今者之往清且赴 神虞娛

匪衢以乘匪車以征蓋茸兮摩旌洞蕭激
兮泠泠磅礪一氣兮冥冥精思道樞兮號
頌聆 玄雲駝

玉几差差文織成龍章鳳蕭相緯經大言
鴻濛小言臺銖道在瓦礫匪別區念昔人
世我非娛 啓圖籥

煌煌文成厥胤嗣昌靈之紹合永貞陟降
四紀心兢兢視彼成虧凜春冰高朗脫屣
辟世榮 靈宵光

簡兮無言默兮若存生以不生為根死以
不死為門絕學丕傳默其知聞五千之言
世永傳 握重玄

熙洽休明黹蕤朱姜侍 帝左右壽考寧
啓祐玄緒何繩繩嗣昭代歲無害佩鏘鳴
兮衣綵繅 昌期運

高維松層岩岩欽玉顏養金膏鍊形以昇
朝帝青周派萬變鎮神京 佳城高

清容居士集卷第二

清容居士集卷第三

古詩四言

再從姪瑛幼孤學道龍虎山自傷
不能鞠携述祖德以勉之

煌煌玄胄家越徙鄞隱道閔躬三世養真
是生祥符觀光績文占籍浚儀佐邑孔勤
粵有光祿亦奉于越聿魁開封老守于栝
少保恂恂早退靜閱太保靈承逃難乘筏
大臺韜明閭里昏洽篤生衛公喬柯茂豐
敦讓貽則攝獄自公絕募秉仁千人著功
冥報氤氳維垣錫崇於赫少傳受學族祖
諱覺有書解行於世正獻亦師之 習釋典謨正獻同守正
獻首科少傳踵舉 正獻淳熙辛丑登第少傳淳熙丁未中丙科三歲學于正獻公被
神告曰汝子宜遠上南省甲辰闈公被 師以研繫我族父昭穆會稽非宗疇譜同
源迢迢宴堂是叙 少傳說正獻詩曰宴堂
相臣嫉忠同黨同 銅鞮正學少 正學勃興象山武夷相繼登朝
師且亦廢 奉常羽儀維我少傳抱其魁竒曰經武有
本日用不疲絕帶罷書感勵攷攷迺登東

觀迺佐宰司歲為闡茂正肅冠廷嘉正甲戌

進士第一正獻秘監無祭酒當是時越公為秘書無雜密院檢詳越公登第已二十

年正獻休休少傳繩繩載史纂謨致事以

行少傳作程均羸紀經翼翼京邑十載救

寧懷彼介狄迴戈指淮鐵駟馳喧為厲之

階公在宥密展誠弼諧悉卒宵征拉其妖

霾總戎輔京乘燾受齊李全叛以同知樞密院折西制置使

姦沈于淵公歸在里徵彼壽俊縣車告止

于時徵公及東陽等公參政宣公皆不至三公年皆近八十矣三啓公府

永楚賜履復荒于齊終越以祀冢子廬陵

克謹其承曰惟瑞安儉不近名生我俊兄

志學蜚英上試銓曹計偕荐膺余年尚孩

企焉戰兢女紀既象訖錄更符匪曰愚智

阨窮同塗火焚高閣戚戚告瘖不敏其芸

莫植其居泯奄長夜盡然永徂念子之稚

孔蕤孔朗不寧以餽俾游沉荒我雖異途

與汝同情無為幸淫無溺燕朋壹爾氣神

履冰奉盈我宗匪微德芬匪沫來者之榮

逝者之戒沾沾懷新不究其敗鑿彼太素

曷其有壞述我祖德送爾言邁匪窮咏歌

申以用誠

張孝子

汴張元綱之父為南陽屯丞母卒焉

奠於府之南灘元綱痛不得復于里

街悲茹辛縮板負土崇為堂形尺以

二十周廣之度十有二尋屹然而崑

望然而臺楚以陶甃堅靚慎密構亭

于中以庥其神屏傭俊躬畚築謂翰

育之義由己而始盡於是暮年廼成

河南田君秀撫事徵實謂楠俾有述

詩曰

粵若古先巢穴莫居齋齋其仁誥誥其愚

返真玄丘精糜魄枯如蛻斯登如敵斯哨

後王後民百幻具師顧瞻本初寧不爾思

藁裡蓬穎惕焉表微歲月既遷孰封以機

窮恹恹華輟泣而夸力殫於民禮廢于家

千夫丁丁逞巧莫讎風淫雨饗卒為涅沙

嗟嗟小子內省是嗣維張孝子無貨財是

恃無奔走是俾宰如嗔如惟手拮据夕號

其陰朝升其墟我心匪墜我力匪痛焦肺

惕肝鬢鬢慈顏曰天有命茲土是虔宛彼
飛鳥亦集于原隱而卒之有早孔堅塊麻
于所不畏不侮汴水湯湯其流匪沮孤征
云邁入此室處申以顯之以詔爾永慕

徐母表閭

大名徐夫人以節名于夫宗晚居錢
塘有詔表閭江南於是其子大夫
公執憲東浙食豐享榮侈且至矣廣
彤管之懿傳青簡之信春容整嚴執
筆林立四明袁桷廣為頌詩以備道
人之採詩曰

婦道貴柔厥義彌剛柔以內施剛以外防
燁燁秀芝空林自持永辭春榮三秀何虧
維魏徐母玉雪其躬端操靜閑凜焉高風
念昔惇惇黃鵠孔悲婉彼孤雛不能奮飛
春條其柔秋勤其穡聿懷深憂世德靡忒
漢蔭張芝歛却駙馬黃髮稜稜高秀里社
蜀女周度斷髮表心矢言堅石厲躬鍛金
沛有桓女少名其宗援刀割耳之死莫從
繫此三祭代表其閭垂裕莫聞靖言長吁

桓桓大夫退食自公擊鮮具甘是宴是崇
芻豢大夫教忠于朝養和服寬慈令孔昭
四海晏清士節莫著歸為閭範陰教是助
雙闕我我天澤兩表維夫人節維大夫孝
我庸孔勤亦莫我敢效歌此擇辭永言申
之過者必容四方其訓之

致樂堂為鄱陽周南翁作

有巖周門寢宇孔齊溫其碩容西南有閨
爰琢覽楹爾養爾承慎而絜清以燠以明
維大夫母柔恭俾壽嗟余季來教言孔懋
水之彬彬視其同根有滄者雲孰濟而升
伯也于房仲氏中唐先子之淑翕焉以充
我堂如跂我懷靡止載車以行不諫不倚
周京斯弁旨甘有衍匪旨甘則怡樂且靡
違彼堂在阿樹松莪莪黃髮番番童舞婆
娑于以樂康於馬作歌

臺氏舞衣堂

彼崇者堂白雲中央蒼蒼維松舒泉湯湯
有矜孔碩有醜孔芳差池東西率祖以行
令德允修不震不侮孫曰吾祖祖曰吾父

脈其斑瀾式歌且舞飲以大瓢爰擊其缶
維咏維猶垂手以招有髡者髡彼雛夫夫
永祈黃耆福祿宣昭左右承翼見其二毛
厥居安矣亦既完矣樂時水清俾靡俾蕃
肆其幼儀雖雖桓桓宜爾雜服終焉考槃
古詩 五言

舟中雜詠十首

好花避車塵飛入黃河洗河流政治茫茫一
去不得底納汙有至道胡為愛清泚念茲
物理深玄篇從此啓

飛鷹翔南雲避就端有得舊年春風歸雪
花大如席陰陽眇難窺造物司其職慎勿
事炎涼來往任行役

道逢射生船有鶴刷且懼青絲閉其目病
翼寒蕭疎臯禽九天來此豈真吾徒獨憐
羽毛侶盤桓為長吁

家奴拾枯草走免來相親生來不識免却
立驚其神行人笑彼拙歸來始頻呻乃知
持幸脫未信吾奴仁

白葦生寒沙殘花搖微帚燕都百萬家借

爾作薪樵物微生鼠下功用迺堪取大勝
桃李花矜矜開妍醜
清夜視北斗正色搖我前迺知中州殊饒
饒浪談天召公化南國美教來自燕乾坤
儻一致地氣何由偏

紙鳶帖晴空飛輪走盤線東風恣昂藏得
意隨手轉攀雲政相喜墮地忽復怨兒童
豈知此得失終懸懸

惡馬少駕車驚馬多駕船駕船勿戚戚駕
車何翩翩渠命有通塞誰能列咥妍君看
鹽車下淚隕如奔泉

春菘種北土三年變薯菁一為居養移自
覺顏無情南山植松苗深根定生苓千年
化豎魄豈比春菘榮

鸚鵡漾晴空意態極楚楚翻風蒼雪迴轉
日爛銀舞盤旋傲飛鴻清遠敵凡羽須臾
下魚陂愧我覺疾去

車行二十八韻

乘車古云貴此意昔空羨河流露枯沙桑
本接晴甸大車蓬蓬前小車麟殿高綠

縮先登却立駭所見隆如龜戴殼縛如蠶
裹繭效駕何昂昂帖耳復戀戀高岡互回
伏遠樹時隱見禪趺恣掀斂尸寢作瞑眩
初疑肝膽傾漸覺手足顫兩耳傳鳴雷雙
眸瞥飛電縈迴蟻旋磨局促蟲負版氣奔
驚七還心嘔復三咽地軸從此翻日輪肯
同轉軒翰怒交撞戚速急欲戰馬悲望雲
嘶牛走見月喘惡箒恣調伏詈語極鄙賤
中宵不知勞亭午輒告倦措摩解消肉舍
弃足成趺齒慙朝殮薄重勝春醒酒土霧
散游絲沙塵起飛麈咫尺方欲離頃刻已
莫辨素衣緇漸化玄髮白新變人言道途
若我意舟楫便雍容漸追昔麗緝時想緬
輒輪貴尊賢下足表置傳曳柴清時羞高
蓋群牧選况茲執轍同及此寰宇徧詩成
記勞勩旅次時慰言

錢王參議以風帆目力短江空歲
年晚為韻

澄觀學求道八景雲青紅上畏羲娥流鞭
霆跨追風相知不在貌相見誰為容持此

金石心坐閱寒暑中

昂昂萬斛舟浩蕩揚雲縵好風助其端瞬
息千里颿層波激飛雪五色令愈巖坳堂
覆楛水止足拘庸凡

昔年九方臯相馬不以目想其遺玄黃神
氣洞馬腹東方有一士被髮羹不肉居然
使之來不復因邊幅

浮榮一羽輕至道萬鈞力達人固靈根清
靜執寧極淒涼江海念別至勿戚戚空餘
好賢心一夫貫千的

魯聖勤經綸坐席常不暖事來非其意稅
冤或恨晚每懷千歲憂百歲常若短扣牛
有真理短褐歌石爛

機心起風雨平陸能成江苟非養其恬事
至誰能降此心皦明月爽氣通八憲長空
掃林莽寒飈助春撞

銅羹有至味易牙敢加豐醢鹽強調適衆
口終難同澹泊本真性清淳豈纖容一朝
饗帝所祥雲藹晴空

文章工世姝此道非真詣有如東家施捧

心學天麗公文雲雷尊落筆即千歲柴几
生晴漪三沐古錦藉

平居挽士意寶鏡懸秋天清影闌今古寒
光萃虫妍淒涼塵土姿朗鑒勞許銓相親
耿無語相期欲忘年

雛鳳棲桐枝清音起冲遠英英異群羽秀
色日以婉詩書有真託我輩同一荒深根
在永闕衝霄未云晚

次韻虞伯生夜坐

爰晶爍草露木末望西顛靜躁誰為尸翕
忽紛寸抱志士法天運炳燭不在老群經
固其邪積神以為寶陋彼多言生希名太
玄草山林詎心違歲月付幽討擾擾徒為
名努力在此道

地氣環中州橐籥均宇內中宵炎溽頻露
坐猶憤憤遠窮太古雪欲往終有徠馳神
極察靡我筆不可載拙形竹素園萬化等
厯塊相期江湖深慎勿寒暑礙秋風起天
末紉蘭結幽佩

次韻伯生

弱冠事墳典里曲譏淒涼螢爝不勝火矧
敢扶朝光驅車出門交一絮逢清揚蠹尊
實玄酒至饜不在觴慎勿飲世人徒令攬
空腸紛紛五經學遠祖遺仲翔知賢恨已
晚相見復慨慷

至道縣日月無言炳陽秋辟世端有方低
昂少淹留汲古理脩綆寒泉漾清流永懷
魯兩生議禮終秉周我言失造次燥吻譚
郊丘此悔行已止歸田賦宜休空餘六籍
意歲晚期冥搜

再次韻伯生兼簡仲章二首

重柳積清潤曉日疑蒼涼萬化同一氣斯
須變朱光風志尚幽陰清夢時悠揚愧非
酒中聖客至同覆觴委心理縑簡念至迴
中腸時節忽已迅秋雲鷹南翔相期慎素
業載歌慨以慷

俗士同酷暑可人似清秋避逅得二子傾
心為渠留相望塵隕霧相親汗交流積雨
暗京國苔痕生道周神交徑心醉何必登
糟丘著書君已定彈冠我當休唯餘舊詩

律支願費雕搜

德生詩律清遠少與之比嗟歎不足復次韻二首

皎皎明月裾美製異厖涼薄游起嘉譽妙
選歸明光濡毫百王度麗思方抽揚澡身
佩璜珺慎德銘豆觴蕭艾不並處三嗅懷
剛腸永愧斥鷃姿側身廁鵬翔終然頽昏
附竭誠以慨慷

玄鶴警清露遠思凌高秋長松有佳蔭憂
然為之留譬彼明月光那能染黃流洋洋
日以往天風迴不周畏此颯爽涼行當返
浮丘同憂有奇士詩來賦歸休遺絃倘可
理墜緒期彙搜

鞭馬圖 為秋誠父作

生駒萬里意所向知無前圍人忌其德未
試先加鞭要令俛首馴使我常相憐伯樂
死已久此道不復傳駕車困泥塗伏櫪老
歲年所用非所養誰能別虫妍畫師逐時
好謂爾誠當然披圖重嘆嗟我意何由宣

張希益嘉慶圖 其祖伯祖皆年過九十

舜泉清且甘廬山秀而朗淳風邈冷泠舊
俗遺穰穰怡愉二老歡敷厖百歲長銀光
浮勝類素髮垂過項階庭尊孝謹閭里化
廉讓春風連理枝晴日九節杖犢車共東
西漁舫同上下蠶麻課餘閑豚韭隨薄養
薇山悲首陽菊潭陋胡廣愧彼非禮羅居
然嬰世網孫枝孕天葩袒風躡遺響合飴
記疇昔興門慰期獎冥鴻天機韜高松白
雲往緬鳥清風佳庶作高山仰

游長春宮分韻得葉字

珠宮敞殊界積構中天臺神清塵倒景青
紅隱蓬萊羣山助其雄袞袞從西來八荒
昔禹甸為此增崔嵬舊邑環蟻垤清泉覆
流盃雲低落日淨莽蒼同飛埃緬懷古儂
伯采芝雪毡毳長春豈酒國殺氣為之迴
天風起高寒玉珮聲徘徊空餘水中輪塵
錄環春雷之人去已久松聲有餘哀

次韻徐志友雜詠十首 師川編密五世孫

喬木空雪霜孤枿存十一遺聞脩家乘零
落寧有述父勝理固然相道返初質志士

心未降詭勉終惜日

刻志非不工畏惰迺真急勞生悟其機靜
默蕃速害柔觚強浮湛念至時永慨佳人
在空谷不復夸絕代

嘉賓秩初筵至饗不在酒傷哉因飲徒醉
目恣可不獨弦不成音短杖莫回肘恃此
百尺臺誰復憂蟻朽

至道存遺音我琴不堪撫愛此素心人更
僕請遽數文章有正律短計工百沮寡言
徒自高憂熏汗如雨

盈盈道間花秀色爭餘春舉俗競愛之孤
芳愧陳人譬彼鏡中月照影終有塵八荒
已同雲客行復踐踈

玩易悲三陳微服志已迫胡為守其恬正
色養神宅迺知無邪詩經緯貫三百載籍
天所扶終古脫五厄

古來操縵功時至能安絃近復顛倒之擊
石求飛煙我冠儼尸坐委她養脩年獲此
汗簡勞謂可一雉傳

談經各戶情正道誰當承朝菌不知朔夏

蟲復疑水高堂屹崇構相彼甌與瓠師門
有遺訓此語非吾能

豫章古詩法萬折江海偉層波漱奇觀妙
用安可幾安語非不能萋蕭乃氣累東湖
有真傳廊廟振朱屣

天風眇東南碧雲澹凝應嗜芟同苦心相
得不在見黃塵各道里玉雪起清遠七年
有飛鴻為我繫書箭

再次韻答仲章仲寶十首

東南有奇觀萬戶繁如一覽古幽思深擬
筆追七述芳澤同聚塵清淨葆昭質所憂
不可言凝睇悲落日

良苗沒深蕪穡人志其急無端揚飛塵螟
蠶賈深害力耕未達年歲晚空永慨深悲
采芝士却轂全季代

春雲倚春山搖蕩如春酒相親在顏色念
子心獨不薄飯時充腸短袖不掩肘高樓
政清歌盈盈自芳朽

驅車學遠游古劍終夜撫長安袂成雲我
去何足數相知有奇士不畏道里沮寒風

振枯林落葉起清雨

西山鬱佳氣萬古留青春
竄露巖壑姿邀彼車上人
之人有行役莫浣車中塵
空餘曰玉泉隨車走凌跋

長松養華滋

陋彼霜霰迫虬枝結層陰
下庇十畝宅擾擾區中人生
歲寧滿百慎勿以智夸相逢
復相厄

新月無定姿

低昂起初弦南飛有孤鴈
驚沙度踈煙一為居養移來
往忘歲年感物非不多音書
為誰傳

東髮交老蒼

道大誰能承澄心養真源
寒泉護清冰傷哉注巧勞欲
作千金鉅豈無須臾好陶人
愧非能

淵明仕浮湛

投劾志始偉愛此松菊佳
餘年悵無幾八表雲鶴還不
作身後累陶然且就飲軒冕
真弊屣

我家古城南

高木起清懸空江納雲影
清夢時一見相逢故人深各
念居止遠他年東南來贈君
以竹箭

三次韻酬周儀之虞伯生十首

英英雲中君含思歌太一
迴鸞舞天葩流繁香莫述
報之不成章玉雪耿素質
臨風發長謠庸以永今日

昔學空巖居之人怒其怠
哀猿雜山狖驚

肅欲我客天隱神所藏
別之空悵慨桃源

閎深竇亦復知晉代

道逢學仙人御氣不飲酒
我笑初無言彼已嗔我不
哀哉守其愚繫石猶在肘
冥化

隨悲風淪淪骨成朽

遠客思故園孤松為誰撫
露白天宇清鴻歸暮雲數
誓將畢幽討勿為此游沮
念子知我深神交泣天雨

楚歌惜白日燕歌蕩青春
哀樂自逐時流

幻區中人我生功名念素
領無纖塵飛鳶

竟跼跼啄雀徒踐跋

羲娥挾雙輪冉冉老見迫
丹臺漱靈霞瓊

蕊生尺宅控搏無須臾詭
幻已千百慎此

陰陽機迤虛脫真厄

奇樹生南薰清坐彈五弦
淳風邈永古白

雲赴蒼煙世故日以媮
俛仰隨歲年折腰

倘為酒猶足青簡傳

破甑居井眉勺水不得承寒棹轉餘滙天

風助為冰舊質儼有在誰言真破甑愧彼

疑埴功成壞非汝能

龔生天天年苦節亦良偉輪囷閱書傳此

事寧有幾口腹非過謀形骸迺真累所以

商山翁終復著漢屨

少年恣青春歡至無復戀一為關河行常

恐不得見新鷹雲中來飛飛落南遠歸心

耿無寐寒更促浮箭

題汴梁推官周子明三獄詩卷

三章結漢網清淨歌元元後世益以密姦

惱日云繁治法如理絲衆勢政多端一絲

不得直萬緒何由完虛心納衆口至理歲

片言永念死者哀更推生者寃汴州古循

吏三獄成平反天道詎幽遠于公有高門

題弋陽巖山精舍圖

紅塵落青山飛瀑連洗之孕此巖中居寒

膏漾淪漪白雲偉衣冠脩松古鬚眉書聲

出虛北杳杳空中麓桃源有神界天光固

幽機一為漁父游妙筆工研窺至今武陵
郡山水傳清暉

次韻仲章蔡村阻風

足弱躓北騎身輕落南航懷別意澗瀆問

俗心悠揚豚韭供歲歉蠶麥扶時康幽事

不滿眼薄念時迴腸天風進蕭蕭海日懸

涼涼喧逐土囊裂帳蒸雲帆翔衆樹失高

下老鶴追微茫而我獨偈不與子同阻長

靜退實守道躁趨迺捐常愛此金石貞詎

為道里忙相從果無悔後會誰當忘

次韻陳奮齋七首

明月明年何
憂者為韻

秋月如靜士炳然河漢明白雲護其清迓

作飛空瓊此月不受彩却行印中庭白雲

忽不見我思徒英英

靈魄表空輪隨陽產金玦須臾白璧成盈

盈懼顛越陰陽環無端變化終未歇獨恨

今時人相忘舊時月

人言月有桂天風墮微馨開軒睇扶疎西

與銀河傾桂本空中塵那能助虧盈朗鑒

自終古匪待今夕明

舊年客清秋望月如望年長身兀孤影哀
鴻起清圓落葉墮我後北斗戴我前勞生
果有俊念至心懸懸

海觀濯銀雪金精融太和照我身上衣光
耀何其多感此萬里意逝將飲三何三何
豈真樂臨風記長歌

暝樹迴朝光驚鳥不知處群動俱念安客
行有程度熠燿驚宵征熒熒化餘腐豈不
畏跋履眠食在謹護

殘醒強清坐朔風生樹端客袂何皎皎客
扇何團團念此會合意永與明月看他年
返舊壑顏比青松完

蔣商卿叙其先人客金陵與先
于事契末章復以見屬次韻

堂堂金陵州草草石臺路羽書急星馳鋒
車却金錯飛雲古成基積雪寒沙步我舟
欲輕行我馬何踟顧乃翁入門初此夕傾
蓋故寒暄謝浮語信宿陳薄具茲年心尚
狹維時歲云暮艱虞脫九死邂逅欣再遇
貞姿固青松雅曲麋朱鷺二老古先民百

歲等童孺微病隔音容鉅痛割心膈孤根
擢遺肄淳敲悲弱羽緬懷青甕舊力守章
編素伊優笑侏儒占聶陋章句珥貂匪七
葉插架同四庫談空齊諧虛守撲燕說固
芳林極蒼蔚溟海窮混濩迺知山中雲政
異巖下趣心聲要成律易象那可註群賢
凜無幾餘子競自數愛君思如泉愛君美
如瓠頰為汪汪深勿作翁翁附巨構千礎
承珍裘百狐聚混世同舖糟勞生已嘗醋
整冠儼初服拂衣謝紛務溝斷寧繪犧戶
樞詎為蠢情深盡傾倒醉劇多謬誤忘機
絕矜絮落筆化塵腐水深嘉魚潛雲重椽
木怒翩翩林間鶴栖栖井中鮒飄零記疇
昔慷慨合和煦辱贈難與酬臨風復成賦

集廉園

芳菲廉家園換我塵中春古樹不受采白
雲為之賓中列萬寶枝天娜瑤池神背立
飲清露耿耿猩紅新幽蜂集佳吹烟鷺搖
精銀層臺團松蓋其下疑有人奕罷忽仙
去飛花點杆茵高藤水蒼佩再摘誰為絢

濯纓及吾足照暎須眉真暝色起孤鳥寒
光蕩青蘋信美非故居整馬來城闈

次韻仲章杜門

今日慵出門尸坐觀我生忽有故園思
寫之不成聲舍北兩朱櫻翠羽垂流纓舍南
青桐樹亭亭如蓋傾念此永契闊為爾增
拂嬰歸雲跋西山臨風意縱橫

暮歸

馬鳴千柳昏犬吠一星出晴全暗歸道客
子塵滿骨入門視踈燈隱若眼中物展書
弗能誦浩氣彌碑兀古來惜陰士志有不
默突愧我非等倫顧影竦毛髮寒風肅群
動勁氣激清樾飢鳥念其安驚噪落林月
迺知造化理壤壤殊未歇

贈黃教授歸閩中

壺山東銀筆秀色倚車蓋其人清且明十
室九冠帶林鄭陳方劉祥雲布卿霽緬惟
乾淳初朝野實交泰執耳為之盟多士森
弁會澄懷味蘭芷正色炳著蔡彌綸古編
簡繁錯列文具百川已東流未泐攤溝澮

飛霜墮高木變脫等蟬蛻艱難老文學世
德芬未沫布袍黑嶙峋慘澹萬里外希音
繹風雅一鼓瘠萬籟宛彼孤飛鴻鳴聲何
歲歲飢來念其安飲啄欣有賴涼風振脩
衢肅肅返征旆懷賢不成章因之結長嘒

送許世茂歸武昌二首 其祖慶元大魁先公

同朝

岷江下奔流日夜東南趨艱虞六十載蜀
客無完居織脩挂晴練五老為之廬招彼
素心人蒼翠垂流珠峨峨銀臺公懷寶耿
未攄青桐擢孫枝下此佳鳳雛絢爛五采
翼披霞表亨衢清音冥鴻遠逸興蒼鷹俱
食竹戀苦志餐風養真腴誓將八極周覽
德為貞符歲月諒有盡雲端復躊躇躊躇
固吾事荏苒悲征途

蒼莽鸚鵡洲日落楓葉赤昂昂處士恨募
草化為碧之士輕且儻之人何急窄至今
千載下投筆弄鋒鏑銀城太古雪轉首一
消釋雍容詩書郎浩氣裂金石裴回登臨
意寒波靜如席相逢各萬里未契論宿昔

伊憂語未盡征鴈起暝色淒涼衣冠聚山
海窮畢弋翳翳桑榆光人物眇可識停驂
望前坡去馬記初驛

題金華洞圖二首

巍巍靈居秀遙岑擁頰霞聞昔受道時三
洞為其家金精裂飛魄躡武凌青華遺彼
一寸松樛柯養真芽瞬息服光景神丹起
槎牙下有千歲脂百靈靜無譁此豈甚秘
之服食世所夸真凡路永隔輕生竟如麻

其二

五嶽扶神州葛稚川地記言金華能避洪水之患洛水胡為
魚茲山鎮無極不疎復不渝靜閑浩劫理
兩曜躔玄珠稿首二皇君寶冠白雲輿方
瞳駐真眇濁垢紛何如霏煙聳空翠滴露
凝流蘇神鈞合虛牝松聲自笙竽窈兮忽
不見諒此寧非居

送張上卿燎黃上塚

素質超昆侖瓊胎孕崆峒指木為我母問
玄為我翁承暉企春榮百歲如捕風朝暉
何朗輝莫景何蔥蘢返真紫虛臺合歡朱

陵宮迴鸞從舞鳳景命來圓穹妙感非世
窺拂靈懔無蹤湛兮合冥會道一為之宗
沉沉白雲關雙鶴鳴青松念此不得見悵
馬遲相從

壽何平章二首

方壺屹祥觀髮彼綠髮仙執簡朝帝居高
演清淨言雲為八表雨水作四瀆泉炳文
一以施握之不盈拳頰首陳至詞囊括希
其全成鸞匪至理頌言葆真玄
琅琅黃石書功成迺言去豈不思濟時默
馬念其素山中赤松柯云是童所樹長養
媚以深屈曲美無度神光滿澗谷希夷澹
無慮顛持一觴言眉壽在謹護

次韻雜詩五首

有客一馬歸屋角群星明念此惜日苦義
輪何西傾繁繁風中花弱豔夸芳榮而我
獨枯槁欲學身後名

少年觀滄海天濤碧因依下有珊瑚株紅
光射雲輝玩之不忍舍歛吸雙龍飛遠為
塵中游坐覺顏色違衰哉西山士飢食周

原薇

昔狂愛奇士接席多大言中道邂逅之捐
生誓俱存傾家謝其意酒至絕不論此士
今已矣長年常閉門

幽居集奇觀積雪明寢扉湛湛新陽舒寒
光騁熹微伊憂南歸鴈長鳴示其機出處
諒有素觴來為之揮

朝游東門曲壞道荆棘存纍纍者誰冢舉
觴酌其魂死無落魄名生有吐喋言所以
荷篠翁臨流漱潺湲遺簪隱世德忍垢躬

灌園豈忘輕肥念苟得誠少思采采松上
花飢來助吾餐

壽程內翰二首

蕩蕩長壽君丹梯峻蒼旻中有龜鶴所老
仙為之馴維時夏初至園林綠萋萋萬神
裁冠環參差揚七均行雲鎮清樾靈波激
層津振衣游帝青下土何其塵運與千歲
期正色光景新無為理清淨世儒汨其真
君子法簡易坐致羲黃淳

車蓋交道周嘉醕益在房有客東南來高

歌奉清觴一歌白日還再歌青春揚師曠
世固有八音盪翔翔迴鳳下奇雲倚桐非
故岡覽之不食實三嗅遺孤芳皎皎金石
姿令德豫且康窮河觀崑山出日賓扶桑
介此黃髮期因之結成章

列仲章

飄飄貢公綦遠乃至關河關河水為天積
雪流銀沙前有林間鳥後有馬上荔烏啼
思我親笳鳴思我家川流去不息群山赴
嵯峨余行已東南朝醺散微霞念茲日不
見持觴酬餘嗟

列吳養浩十首

以鍾為江海深勿
作盆盎淺為韻

孤矢懸高門卓犖四海願登車遠且遲永
念道里遠雞鳴當宵行執轡上長坂西北
何其高飛雲列奇觀

游神竹素園古聖儼若思至道篤靜極執
簡欲受之上有奇耦文摩盪光離離持以
禦魍魎魍魎不敢為

維東匯為湖浩淼通三江懷哉歎芝叟月
明漱飛淙小言諒以清大言淳且厖去去

日未遠奔流鼓春撞

昔聞方壺居檣欲往滄海操舟迅前邁雲

雨白皚皚層瀾眇空洞內翅不可待朝陽

漱靈霞一食毛髮改

古有無媒女閉門泣春深手擲雲錦梭流

光耀晴陰千葩翠交結宛轉不可尋浮雲

為之佇幽鳳為之吟

昌歎懷古辛在德不在物屈曲寒澗底詎

以險自屈有客同嗜之至享寧勿勿芳年

匪淹留薄采消永鬱

雲和高岡桐龍腹裂冰雹攫之淳且深設

設震寐麻彈者不復語往者誰可作玄雲

浮陰來開戶失雙鶴

緱山仙人居上有玉女盃解髮三沐之清

冰溢寒紋神膏釋翠縷跪坐晞朝暎蟬蛻

有變化螭姑安足論

客來南榮下欣言酌醢盜觴舉壺已空盃

辟復三讓享之不成章何以為客既客言

君當休商聲助予帳

草茂木萋萋水勁石翦翦相思關梁深相

對顏色淺停雲渺為愁般蒸可崇饌食之

寧永飢臨分復三咽

度淮寄養浩

竹清寒房靜殘月在西壁悄悄燈景微尸

坐棄枕席井華飲蟾蜍玄雲成五色明知

非世謀精詣在六籍我行長淮浪凍樹接

春碧夢子白紵寬雙眸炯空激書來妻在

手此意何的的數面不成歡速別迺復惻

歸鴈臨風翔先之寄深臆

懷伯生

春雨消路塵春風散林纈蕩蕩長安門客

子千萬輟城陰有一士淡食羹不毀采彼

松上露煮石化晴雪沈冥護真性觴至那

復說向來舌本談今作耳根熱維南有膠

枝巖溜滋百結在德良自防居屯詎為折

念此長夜深寒光吐殘月

酬蕭靜安提舉二首

溜泉散餘塵稍稍軒檻清孤鳳起天末縹

緲參差鳴佳音寂萬籟異采含蜚英衆葉

豈不光終然多春榮翩翩者何雛和之欲

成聲迺知雲間意非復區中情
有客何方來贈以雙南金維時夏初溽寒
光激玄陰至靜閑真賞獨晤諧希音伊江
渺風濤伊林復崎嶇出處各未得冥思結
長吟於繁不能報泠泠手中琴

題劉充之載月圖

磊落太古月搖蕩湘君波寒晶爍膏露倒
景流銀濁湛湛洲渚淨天風泛飛槎晃蕩
神界中四客歡且歌憑虛歷空洞金粟搖
靈柯流光閃星斗恠影窺蛟鬣服食詎在
河三咽顏為酡俯仰會合初逝者已山阿
昂昂菊間叟秉芳獨婆娑微茫信可傳披
圖重吟哦

壽賈叅議二首

繁繁雪中松八表迴鸞翔下有耒耜叟澄
觀振高岡握著玩鴻濛竹簡儼在旁湛馬
貫粟珠炳變猶龍章笑拍青松言貞固以
自防網緼迺玄化清雲表奇光

嘉平維吉辰初陽起天心彩鳳歛參差落
落空洞音徘徊碧雲宇賓從羅清林神鼎

朝已調芳醴時當斟損益在我手咎齒歌
瓊吟煌煌秉令德矜彼西山岑

次韻揭教授官闈中

鬱鬱太古樹叢生散珠玕明時炳陽德寒
落歛歲寒天風西北來凍海翻層瀾步朽
各有性歲衰詎無端質質冰上屨黠黠塵
中寇宿志不得騎奮飛戢其翰伊南塞一
士羈鴻河之干手持大雅篇八音佐王官
墻陰卧朝日薄飯不滿槃邂逅喜我同金
石生肺肝出處非故意低徊耿相看閩山
渺雲濤東望通三韓居夷聖有在取琴為
君彈

寄題撫州先天觀

浩浩太古石雕鏤矜差我瓊林化飛鸞寶
構窮鬱羅搗首視三光丹青相盪摩上鄰
列僊館西移瑤池柯玉蛟亦受令鞭捷迴
盤渦窺窺雙華表飛鳥不敢過玄鶴時一
來潛鱗淨無波心跡會虛湛神光隱鳴鬣
緬彼巢居于凝睇佩女蘿天風入紫京百
靈莫誰何朗言渾沌後龍馬方負河視之

杳不見嘉名表山阿冥思有至理熟視時
摩挲

送牟景陽教授天台

峨峨陵陽翁麟筆凝秋霜採芝空巖曲白
雲以為糧微言酌太古妙思歌瓊章餘人
涉其藩自謂真班揚此道端未泯我心何
由降

五良秀高門用處各有在伯如幽蘭深仲
若春雲藹叔也端可人芳林起新蕾垂天
得扶搖一決度江海相逢慰傾倒曾次澆
磊砢

天台古儒林秀士英且明君行振遺緒家
學揚清聲文詞尚理性此弊無由更衆咻
方爾群獨拍何當鳴為問舒與胡寒庭草
青青

潤也 潤風梅

功名不願多我輩端可免南州已寥落屈
拍閱諸彥汰如糠在前得若車度坂愛君
不可留尊鱸慰佳願黃塵我何事寒燈起
清歎

雲隱齋

油油山之椒翁忽變平陸下上何其勞一
息返神谷凝光養澄觀清潤積新沐知白
吾未能寒聲起林木

劉翔齋侍郎孫希孟能琴欲訪子

昂觀松雪琴以詩寄之

雨雪戒脩塗蒹葭歲云暮維舟望鄉國煙
樹渺無度永懷松雪翁買田成隱趣齋中
六尺琴清徹仙掌露虛聲合空洞天籟生
馨渥勿為離鷺吟眉壽以保魯

送胡安常河南省負外郎

時有悼
亡之戚

陽春惠澤廣廣蝮動回昭蘇皎皎尚書郎佐
理勤居諸澄懷罄輸納疾首宣訐謨黃流
交道周髣髴桑柘墟驅馬憇枯礫詢彼壟
上夫歌臺久寂塵商聲助清猷昔有屠羊
子慷慨成須臾感激車上禮朔風為之吁
俠氣散鋒鏑侈習翳榛蕪舉觴酌其蹤興
廢今何如三河水門記白髮來東吳願言
表里道坐使民驩虞

次韻張秋泉墨蘭

虛窓秋思集晨興憺無餘墨池漾清泉天

葩散紛敷愛此巖中君贈以碧玉腴微雲
解蒼佩縹緲疑空無遠謝丹白唇詎畏霜
霰滯守黑志有在談玄道非殊愧彼夷與
齊絮腹不受汚相纒慨永古世人陋其迂
臨風嗅餘清是豈真緇徒迺知萬化寂妙
巧窺分銖幽蜂綴踈縈點點游晴虛閉門
謹視之黃塵政紛如

清容居士集卷第三

清容居士集卷第四

古詩五言

夕佳亭

赤雲下平田層巒紫光凝踈鐘息萬籟晴
湖淨奩冰倦翻戢已棲遊雲澹相承吹簫
者誰子空林起孤燈感彼金谷人怪石膠
寒藤壯意耻未沒水涌風憑陵亭亭玉浮
圖百幻隨廢興振衣視天末黯澹銀河升
朝曛詎異境氣寂念始澄

贈養源編脩回巖陵省墓

岾岾白雲阡鬢鬢青松居美蔭同靈根地
易世愈踈清秋子胥濤縈紆達桐廬欲濟
非無航契闊實跂子昔聞祖父言結綬來
京都束書遠鄉國井邑匪異殊俯仰成雲
仍宰木今何如事遠遺謀存審象窺眉鬚
寒暑有代謝念昔同一初躬耕樂真隱漫
仕脩素儒敦叙古所宗和侃寧有渝

贈昌上人二首

蕭蕭湖上波搖蕩群峰秋客有萬古意支
筇赴龍湫龍湫眉叟宴坐足未收飲以

一片冰熟視了不酬長松挂枯飄風靜林
颺颺境足念愈忘道充身益優永謝巖下
人深省聊自備

岩堯蒼玉軒虛聲振寒林我昔行其庭見
影復見心秀嶂出古色浮雲為之陰豈不
念世短所樂非所歆潛珎闕幽墮群弄誇
姝音靖言事當爾江湖眇崎峯送子歸山
阿松風起寒琴

宿竹院次珙橫川韻二首

脩竹手所種參差過屋山微風為之來心
境兩相閑清泉在澗底白雲在松間鐘聲
集跌坐樓深流月殘重遊啓深省解轡思
掩關

昔遊玉几峰老禪肩如山機深削陳迹天
馬初服閑念欲從之遊小築茅三間俛仰
二十載黃塵鬢毛殘亭亭石塔影哀猿守
松關

送宋壽卿侍御迎養建康

葆真林閣下為善心自娛農圃得休息時
讀古人書施食不望報折券不顧餘時至

祿自疎門有駟馬車念昔髫鬣子逸床衣
青襦束髮事編簡操觚入皇都勁氣摩黃
鵠危言伏青蒲眉笑有言鄰曲驚且吁
維南帝王州問俗宣典謨匪規鼎食榮菽
水心晏如種德報已豐願言廣蓄畲蘭生
在堂下深根佇扶疎

廣信陳氏擇勝樓

散髮碧潭際讀書叢竹邊怡情學榮觀卜
築遵自然雲蘿左右嶂雞犬東西阡群動
各有性孰念靜者憐翳翳昔賢居遺迹故
老傳化為神僊宅喬木昧蒼煙松風起萬
壑哀湍助鳴絃觀萬詎在遠泯默師韋編
潘孟陽上書不報歸里作五詠

賈生蘊竒略徒步西上書昊天有正命傷
我杞人愚鵬翼垂雲來魂氣與之俱鼂氏
竟寂寂主父復何如

襄陽孟處士拂衣歸故山放浪巖壑深流
詠遣人間舉袖巖花落擊楫江鷗還羊公
何墮淚水聲日潺潺

梅生一尉卑喋喋正天紀洗心洞玄化削

跡棄妻子龍變孰能馴蟬蛻迺真止松迴
風冷冷水落石齒齒

虞卿舌轉九揣事精微芒事危見交態窮
愁名益光黃金散逝水白壁凝飛霜丈夫

有定志得失非預防

仲連匡世姿揮手却秦軍掩袂停白日登
車抗浮雲射書誠草草孤城生死分辭榮

敦薄俗矯抗離其群

題盧溝煙雨圖

為吳成季作

驅馬上河梁圓暈新雨紋矯首層闕巍翔

鷲散奇氛倚南雙松樹百里風聲聞束髮

入燕京去任心如焚送客酬我觴我酬不

得醺願化為黃鶴朝夕隨飛雲上以奉明

主中以承嚴君往復三千年奇齡合氣氲

結袂安期子啓齒歌瓊文

滑州從事持喪三年將終養其母

郡表其閭

東魯秉周禮化俗何簡愉崎嶇小滕君冠

蓋交道周漢帝仁且明遺令誠伊嚶駟馬

不及舌坐貽千古羞濫觴始膚寸奔流淪

九州昂昂古先進免胄希前脩青松為之
枯慈烏為之留念此歲月短解紱安林丘
華楹表槐柳細石寒泉流泯默區中人章
甫慙沐猴

孟和卿旌表

濯纓息機事枕石聽流泉感彼蟻慕人駢
首爭遺糶黃雲翳平壑持以防歲年河流
滔天來積浪翻中田招携舊鄰曲寒林起

炊煙冥報非我願表宅增惘然紛紛將俠
徒黃金生愛憐原生處蓬戶屢空聊自全

雲中郝孝子

混沌鑿既久重華以孝稱悲哉短喪徒稻
錦顏益矜詩禮行中州眾說交沸騰挽十
不得一閉閤徒凌競芒芒古雲中土屋塗

層冰下有郝氏阡馴鳥為之增大圭出至

璞匪以雕績能寒泉冽古井零露溥蒼藤

淳風詎云遠相傳在雲仍

送沙君寶宰邑

為翰
茂印史

尚印宰百里寒厓水粼粼野曠牛羊低山

深麋鹿馴持觴接耆老種柳迎行人陶然

樂清淨絃歌足青春

次韻馬伯庸供奉書館書事二首

瑤臺麗層雲秋聲起琪樹織翠藻井波凝
碧瑣窻霧雍容列僊集晴雪烟振鷺念昔
經啓初櫛沐合生聚簡冊迄未成春秋奉
神御巍巍冠函夏握筆慙繪句玄尊實明
水越席敷大路崔蔡心匪迂終焉才名誤

其二

神京奉載筆需雲歌肆逖匪謂歲月虛聖
代深養賢微踪愧三入取禾踰十千馳神
竹素圃鴻藻儼古先群雄寶書聚彌綸迺
成編微言耿玉絜潛光媚春妍往聖去已
久八音盪敷宣元運合豹變高閣踵蹕聯
夷齊迺首傳冥思豈其然

送馬伯庸御史奉使河西

青瑣倦迂散執轡踰關河黃流何奔傾積
石何嗟峨承詔撫疲甍驚鳥在林柯沙
場有凍骨野敵無遺禾日夕寒雲聚宿燐
明巖阿訪俗感素心因之聆詠歌

詠歌者誰子被髮號天明婦死不復悲失

兒誰與耕承平五十載不識戰與爭殘雪
流銀液我淚同其傾古云百二險夸誕生
甲兵孰能轉夷途歷劫永清寧

清寧闡文運覽披古帝都秦聲激豪宕洛
詠夸敷腴邠山何纍纍下有白玉跌感彼
乘筆人百金盡其諛死者已寂歷茲文亦
糝糊偉哉龍門生悲憤有遺書

遺書紀河源荒忽不可識君行河之西春
雪深五尺茫茫賀蘭山抽矢石為鏞坐閱
三姓王聖代始斂色沙羊護氈房名駝侯
土驛觀風慘無儔雲端羨飛翼

飛翼西北來遺我書赫蹠中有陳情詞復
憐雙雛啼野曠川無梁積荒氣候淒雞鳴
葡萄根虎嘯首啜畦清霜集素裘斗戴天
益低頓轡不得上雪山在其西

其西何寥寥云有古先生巖居時一食委
形澹無營朝日炫丹碧匪以斤斧成如何
驕縻子騰擊列層城驅力超北海逐影徒
南濱誰能佐玄化泯默有遺情

遺情在相思舉酒不得起永念編簡功篤

志刊綺靡傾蓋已云舊知我實知己送君
河之涓凍柳光蕤蕤脩途馬飛翻少立盡
賸俟植德綏令名眠食慎道里

道里吾何能託身承明廬裁冠養深拙清
塵避脩途驅馬李陵臺望鄉問長鬚長鬚
不能對吾行益次且羨君萬里道晴霞起
襜褕天山諒非遠椎牛植粉榆

月巖

峻壁飛鳥絕積鐵成臺隍感彼玉兔精皎
皎芙蓉床萬古消晦冥六月生陰涼道人
悟空幻跌坐鬢眉蒼觀境不以色湛寂回
真光成虧眾妄集嘉名表其常松聲起萬
籟朝陽曙扶桑

夜集西太一宮分韻得草字

晝寂白雲深聯鑪集瀛島南枝當戶生積
素流羽葆孤鐘息羣動獨鶴候清早石枰
松影侵持觴俗塵掃春風散琪樹頃刻光
灑灑玄談發嘉獎夙昔恣傾倒偶爾同心
期還山寄瑤草

史氏報春堂

白雲在屋角凱風生樹端下有慈竹叢低
昂候平安盈盈玉雪母光若赤瑛盤朝奉
鶴禁恩暮承龜臺歡教兒誦經史清言消
綺紉築堂深且明朱光映庭蘭寸心諒匪
石寵辱非兩干世故疾危岌奉盈身愈完
願言樹明德朝夕應加餐

送于思容助教佐濟南廉司

黃鵠不可招越雞迺司晨圓冠璧水遊玉
雪映陽春篝燈玩太古垂簾避深塵遙望
淮南山下有白頭親平生汗簡意朝昏具
芳幸念之不得見顧影非我身檄書臺上
來駕輿還海濱晴風破遠浪慈鳥飛且巡
雲帆蔽吳粟濟用懷經綸為儒究理道六
籍彌光新空林閔幽蘭嚴霜養備筠明德
在謹勗雍容奉昌辰

天師留公返真空洞步虛詞十章
以導遊

巍巍道祖居層構凌丹臺手持赤龍書八
景剛風開感彼下土人積劫何崔嵬偃伏
永壽命夸誕魂益哀愀然彌不寧招我雲

孫迎白鶴俯前導青童戒俱來

嗟峨金碧關神魚伏深淵呼吸空洞炁子
夜朝諸天頃刺風雨集咫尺星斗懸長蕭
千仞溪寥寥生紫煙飛符戒神魚歲久助
汝僊

玄圃鏡竒觀陽葩霧霏霏玉壺湛清冰瑤
琴銷金微混沌合空洞絕此見象機松風
代揮塵縹緲白敷衣興移暘鳥逝節弭川
虹飛碁局儼未終白日何熹微蓬萊迺故
山為我一來歸真風詎永隔神光澹依依
崑崙鎮螭檉鬱儀交結璘故歲非我歲寧
復論秋春稽首三天師彌綸返真淳精思
彼嘉生雲施均萬民至感發自然不著亦
不嗔運世有通塞六龍無停輪洞章激微
吟長樂自在身蟬蛻迺清淨跡絕虛中塵
挹秀斟醴泉蘭穀鼎初調絳旂開景光下
招徹紫霄連蜺靜夷猶感彼父老邀司命
二十年守素澹不雕蛻蛇澍周原蟲屬尸
江潮瓊章遏清詠丹輿導道遙視之不得
見白雲在山椒

南嶽雲輪困英英生紫華靈旂澹無蹤來
集玉斧家玄螭有遺跡望斗紛騰擘鞭捷
隨三光服食制五霞上經永授之火鈴從
飛車

嶄巖陽平關古松化為人千歲永不飢食
之朝帝真中有一寸玉寒光敵金銀上結
三元炁下援七祖神舉世尊禮之靜念通
至仁

留城平蕪連雲深樹沆寥磅礴經濟心永
劫常不彫河車孕長命方瞳生本條瑩如
珊瑚枝粲若翡翠翹諸天咸唱恭贊我王
晨朝人間倘再至玄化助神光

仙巖鬱寥寥石倉貯餘糧云有狡獪子用
物能陸梁山花聳寶鬢雲蘿曳青裳永念
斷真妄帝令深且長境化道炁增變滅始
真常叅差應虛牝羣峰屹相望月落杳然
去泉鳴玉琮琤

朱棗何纂纂碧桃何團團感賞千古心生
世常苦煎玄翁傲玆館金母和紫鉛三咽
生羽翰空飛集諸天真炁常流灌眇眇復

綿綿桑田海波滿彈指三千年

大名劉節婦吟

孤鶴不累巢離鷺不飲溪溪明難為影巢
成誰與棲飄飄無根雲流麗如虹蜺下有
貞松臺白日晝且凄我思徹霄漢冥邈不
可梯青青東園柳子規當樹啼來者何用
歡去若日以迷擊石端出火擣辛能作齋
妾心倘未明請看井中泥

育王珙禪師示寂二紀嶼上人回

山中因寄塔主

石塔累荒土月落冰稜稜永懷跣趺叟松
風吹不磨山房舊淨供素壁一枝藤語寂
絕禪觀機深超祖乘擊石迸新火諸天化
為燈上有白玉峰丹梯杳難登黃流鉅野
漲虎嘯懸厓崩斯道倘未泯微言足搜微

胡止水家三衢自言文定裔孫來

京師三年念母以歸前述家學二

篇以相勉復成一篇以遲其來
武茂春秋功憤激渡江主寶書恣殺訛竹
簡錯編組素王魯諸臣舊史足徵取是非

紀其真曲直察可觀紛紛燕說徒誣鐵增
巧妬日月例愈深災異說彌盡或言九世
讎晚歲進吳楚摩公骨已朽聖筆孰與語
坐曹徒深文曲學日旁午苦心抱遺經願
言復師古

泰元積磅礴日月佐經緯煌煌往聖學鈞
考合表裏大道伴玄功不偏亦不陂至靜
貫幽顯萬變集蜂蟬漢儒闡其端逐物失
聽視旁行分戶牖蔓說糝涇渭緬惟五峰
翁正色直如矢謝彼憧憧徒感物志愈肆
室虛生至和鼎渥實珍味歸求真吾師勗
哉蹈前軌

神京鬱嵯峨冠佩清且揚秘立積繡帙瑣
窳爛琳琅有客願從遊永言觀國光或云
是釣天九關嚴且防朝望羣馬入往來間
成行彩鳳鳴聲悲裂臆思絕吮知子親見
之素心益徊惶希名養簡默勿為衆所傷
還家拜慈母祝以永壽康春風戒重來歸
鴈同翱翔

贈餘姚岑易直登第歸里二首

東帶登玉署鵠袍立叅差筆海春波融沈
鬱流竒思俳諧詎素願阿世非吾師寥寥
天人際載牘陳雍熙媿青味正說擬玄騁
荒辭劍鼎有至味酸鹹異其宜有客奉瑚
璣頌言播聲詩初歌玄鶴舞載歌鳳來儀
東浙山水國冠帶連畦吟清門徭役空華
屋詩書泯晴江脩竹宅燈火敦孝謹下幃
論唐虞浮榮陋朝控擔登京國遊射策疾
飛隼精思坐待旦古巷絕遊軫蒼松蔭婆
娑丹芝凝蠶菌乘時足變化樹立在備敏

善之僉事兄南歸述懷百韻

並戀承明廬荏苒十七禩陽林集總翠輿
室麗文綺寶函龍鳳章玉佩鷓鴣峙秦帝
興鴻文奎壁憲天紀梗楠購羣才弓帛徵
四起番番古遺直正色論道理深幾虎生
風神契魚在水三光密轆轤一札見萬里
雍容丹地近經緯審國是霜奩賚黃柑水
盤錫朱李蒲萄與法酒承燕時漱齒俯陳
天人際齟舌衆披靡始言官高卑予奪慎
其軌終言瓊林資海寓極鞭箠憺情曲如

鈞讜論直如矢或以首鼠窺或以妖狐伺
奏終慶雲開再拜玉色喜天青回海鴈萬
柳色蕤蕤屬車度居庸整隊行過蟻老臣
汝居守清霜慎顛俟秋風龍虎臺帳殿紅
旂旒前驅列鵝鸛後御蕭犀兕分行獻爪
果傳醴復長跪念昔詞臣功咫尺寫天旨
大令追風雷小言焜蘭並約制如竟寧渾
噩回正始告迂趣揚麻建社追賜璽搗文
具明訓援筆謝填委飛薄捲天吳歷塊超
駭駟伊憂思澤侯過手直三褫園丘導景
化秘祝陋五時漢皇禮鄒枚食粟倡優比
遺恨存至今文俳等方技緬思周廷彥勢
若鹿角倚懷忠牖納約凝命鼎出否追珠
羅寶尊刻鏤羞玉簋朽索馭匪輕深淵涉
無涖煌煌金匱書世守司馬氏春秋尊為
經不復繼魯史朝光鳩鵲明千花爛朱葉
松風轉回廊蒼玉振徙倚龍荒落神武九
域極芟薶羣公儼侍御挾矢佩象珥臨河
誓剖符披圖開賜履永言卑退全罔以強
力恃獻功上王所百一存寶皮龜趺負穹

石浮語極衰侈墨兵勦衆妄筆獄破積毀
 載筆非無能終歲不滿紙坐曹心靡寧渴
 日顧有泚清談雜諧語陡覺兩曜駛自取
 木鴈中俛首供諾唯文章日輪困涉署絕
 戚否或云以彙升拾級上堂祀或云選清
 望後至實奇士迎塵馬交趨候門足爭累
 冥鴻天機深却立賦三已總角勇志道奇
 服曳芳蒞澄觀竹素園讎勸徹昏亂儒宗
 丈人行聞歎輒倒屣深湛皇王學揮手謝
 青靴辭卑相如賦操擬靖節誅淒涼五公
 齋洪忍羞莖仕孤音歎寡和漱石轉商微
 浮雲蒼狗來颺勉渡江汜湯湯黃河道桑
 棗日淪圯耕童戲殘鋏一一古戰壘霜叢
 射新兔春蒲貫王鮪荒州靜無事拍手歌
 于蕪枯灘鐵槎牙積溜玉迤邐太史非好
 遊所歷廣聽視振衣入閭闔姻契論不鄙
 相期在霄漢薄祿慎礪砥趨朝晚同班退
 宿昏共止填膺雙鬢張快意並手抵談經
 陋英茲證字窮文豕斷絃按麟膠滅跡問
 懶隨愛先靜以絮振鷺立水止霧深沐玄

豹日炯察文雉鏞鍾倡鴻聲衆樂奏立伎
 向來論交意瞑目謝諸子出處今不同評
 議實相侶維吳稻蟹區民俗久瘡痍貧樵
 蒲稗齋富廩立嶽庠傾金恣聯絡所至各
 關市令儀養叨憤軟語已詐詭郭解都中
 夷景氏闕內徒坐令撥襖徒終歲力耒耜
 興文植清邵省罰厲廉耻重華政垂衣化
 俾風俗美行行度東魯野水足荷芰微吟
 數魚網薄睡倚烏几漁歌起微茫逸典舟
 戒穢人言居移深嘉橘化成枳不見千金
 泉一畝夷齊擬離羣增幽憂溽暑積恣懣
 登坡帽低昂跋馬益遠企管鮑非利交金
 石誓生死着鞭訝先之稅駕亦逝矣共享
 黃髮年斯文永綏祉

題張中丞東亭圖
 簷壁習真隱新亭幽且妍芳菲家林春引
 睡增推遷令德資先猷嗟噫白雲旰總角
 精典籍承顏綺襦鮮寒泉感逝波喬木矯
 蒼煙欲論林間趣深掃區中綠招携舊鄰
 保舉鵬問華顏雞鳴柳陰直魚跳水紋圓

開田穀盈園種果花滿川
荏苒白玉京念
至心惘然傳忠匪懷祿
立身盡貞堅拔圖
耿素志功成賦歸田

曲陽李孝子

寒雲生秀嶺朔風盪脩林
烏兔日以馳幽
翳增嶽峯朝看壘頭栢
零露珠滂滂有饌
不能舉有酒不得斟
絳月下衣淅瀝壁
上琴登堂痛躑躅
審象陳輿厥重華古孝
帝五十猶素心坐令比
屋封表里存遺音
立名在樹德成戚非所
欽差裁曲陽生束
書振華簪

送趙虛一道士降香南海諸名山

往從廣伯生
降香成都

振策峨眉巔身輕瞥飛鳥
懸厓飲崩流側
石穿暗篠高竈蕩心目
每恨所歷少捧香
南濱使絕足騰腰褭龍淵
明玕秀恍惚百
靈噉乘飈訊八公挂席
招五老巖光候陰
晴水氣變昏曉神君層
巒倚商祭通杳眇
念昔結空寂厓尸絕登
眺希彼巢居子寢
作止林杪鍾鳴驛吏動
危坐萬籟愀餘齡

水赴壑歷塊跡電掃韜精習澄觀俯矚八
紘小

屏山堂

賈星化飛魄脩織屹青冥何人媚幽獨喻
物傳真形想此宴坐時參前平且寧朝霞
紅冉冉暮雲白亭亭中立羞卷舒廓寥慎
儀刑君子法至靜處身視行庭古聖儼未
忘觴豆爰有銘茲峰合混沌胡然命為屏
天空月當戶陰風走山靈

題朝川捕魚圖

洛口疾如箭駢頭鱗尾鱗散網巖隈泊千
漚水花勻朝川蓮社侶百味不入脣時危
涉飄蕩急管悲青春不如漁師樂風水候
昏昕連檣坐翁媪茗糜接婚姻水謝朝市
客炎涼生喜真

子昂墨竹

高風法清聖直筆師素王湛湛玄雲姿靈
籟生幽房解珮白玉京誓將泛滄浪所懷
歲寒友臨分贈琳琅

可竹軒

種竹水邊宅岸幘晞餘清湛湛玄霧姿匪
 以介自名條達辭黑墳英光表朱明寂歷
 巖下泉旋轉空中笙神交習真靜恬養忘
 虧成南國倦海暑鬱陶起深情展席因其
 下仰見踈星行始悟晉諸賢嗜此誠遺榮
 我家十畝園新篔流珠纓邈然送歸棹矯
 首蒼煙橫

子昂雙木竹石圖

朔雲盪空輪祥芳益搖落老木競且嚴化
 此雙鹿角繁彼江南枝歲晚彌卓犖成言
 石五采服之混沌鑿威鳳招不來虛聲起
 阿閣

以劉士先子墨贈薛玄卿

虛堂集萬竈高下旭流螢寒膏玉蟲綴幽
 光取晶焚巡行蟻旋磨龜手日不停範圍
 金屑精膠轄桂杵靈劉氏祖子孫妙訣通
 玄冥沈沈緝熙殿函封英露零龍牋掣鯨
 海黠淡松花馨往事歸逝水殘壁傳千齡
 雲館道氣寂守黑深儀刑散髮結瓊章研
 摩固幽局持此以遠慰點翰補黃庭

飲酒雜詩十二首

春至舊疾作晝眠聽禽聲總角耽六籍萬
 化何縱橫觀象太極初始悟無虧成環中
 秘靈根群動一以貞吾欲乘彩鳳截筮以
 為筮上窮崐崙渾下探渤澥清

夜黑雪初白高卧益自怡起看庭前柳冉
 冉青春姿長松在西山鬚髮流銀澌豈不
 念歲若老壯當固持事至勿獨戚時來詎
 人為得酒且深醉淵明果吾師

京師二十載酒中有深歡大雨即閉戶朔
 風嘗解鞍客至輒笑之是豈宜居官振容
 筮神著鴻飛漸于磐百歲若世短萬鍾非
 我干所以東方生吏隱神益完

陽鳥乘南雲飄飄振奇翮迫此梁稻謀居
 移遂成客愧我食京塵誓墓志未獲雙峰
 十丈松下有千載魄當年侍蓬瀛香芸森
 寶冊高齋集遺編朱墨猶手澤戰兢愧匪
 承永念在行役

少欲觀滄海下取珊瑚枝穹龜負玄文靈
 儲揚朱鬢盪舟不能往寶氣時紛披有客

方壺來授簡雲差差一以參大極九以師
庖犧振衣海神泣舉觴山鬼移

少觀五嶽形五性各有殊神州養深知百
靈受馳驅申申安樂翁定洛為中居契孫
乃九遷舜詎平陽都神京屹金臺五雲玉
芙蓉始知天經旋積氣為堪輿

家鄰天台山云有二子巖巍峩太古石織
脩轟雲尖上棲西竺僧雪色垂鬚髯二子
與之遊作詩清且嚴乳花散窕甌瀑布飛
銀簾醉醒夢見之謂我何留淹

南簷孤生竹歲暮柯葉蒼蒼豈不念道里因
之摧雪霜夷齊盧龍居胡為乃名揚入水
蛤有文踰淮枳彌芳受性諒匪移臨風酌
吾觴

弱冠不飲酒篝燈橫玉繩或云酒中趣湛
湛浮雲蒸棄書試其言杲若烏輪升天根
轉晴雷堅城為之崩妙言繫瓊屑逸興追
飛鷹醉鄉儻可居無功乃真朋

醉中發莊語爛如錦中花急急抱蘆鴈蕭
蕭投林鴉欲別意深省瞑目不復諱愧彼

獨醒人揣摩生咄嗟下馬暮入門雙目含
飛沙醉者忽復悟振衣正烏紗

江梅生空林歲晏美無度挈身踰朔易塊
獨此室處穗房望朝陽耿耿不得語雕籠
繁珍禽悵望秦鄉樹爰居東門止感饗非
素茹臨風嗅其英雅志懷故土

嗟哦白雲阡種松在山腰散之不盈掬離
離如麥苗迎陽漱靈津參差拂雲霄露重
碧天淨玄鶴時來巢俛仰二十年鬢齒日
以彫寄聲謝玄鶴相期躡岩堯

劉氏義門

芸閣寶書輯靖言繇外孫感彼南山豆淒
其北堂萱昂昂壽母懿槐柳植高門潛夫
豈無論莫述寒泉恩時康廣女史願以銀
管存

述郭楚望步月秋雨琴調二首

明月當清空流光滿西墀振衣獨徐行耿
耿長相隨我心如明月萬古無成虧偶逐
區中名遂為塵所欺抱影長夜吟別鶴同
離思行矣歸故山探玄結幽期幽期永勿

謾長嘯彈朱絲

歇枕絕幽夢卧聽秋雨鳴寒葉不自持
撼金石聲清商肅萬物此聲何不平寤歎
生遐心夙昔羞近名千金隴頭客荏苒朱
顏驚此夕秋思深斷續難為情載歌招隱
辭臨風寫餘清

送吳博文歸天台

中年困菽水絕足萬里道舊家天台山清
夢嘗草草秋雲起晴姿思逐冥鴻矯三年
鄞江上微祿紆素抱緬懷揚雄宅古徑雜
幽葆童年手種竹翠羽插雲表還家恍南
山訊俗憑舊老清名天所闕投冠詎終保
鳴鞭踐脩途置用寶國寶英才剪春葩醇
語酌清醪解榻定有人行矣趨徵召青蘿
胷寒猿深啼愁清曉

送人之官遼東

昂昂太湖漿直上遼海東層波起青兕出
日搖蒼龍中有仙人島弁服雙碧瞳手披
古墜簡返真極彌縫季世日以滿神功貫
鴻濛維聖居九夷駕言挹淳風衆情習近

慕飛塵嗚青紅觀瀾悟玄化白雲澹無蹤
遠遊豈不樂感懷非終窮

得一齋

清齋不知歲尸坐觀芸芸神珠護靈淵歷
落光景分先時謹藁齋執機合網緼淳音
出虛牝百靈憺無聞九關蕭夜令星斗森
玄雲永玩泰始體握之密成文緬言延年
士服食為奇歟寶氣倏消蕩景景竟丘墳
念此意愈冷幽居匪離羣

次韻蔣遠靜二首

陽靈貫奇璞棄捐荆山傍悲哉三刑翁炎
空泣飛霜此寶不復試襲緹迺深藏百神
靜護之石老日月荒我我五彩雲散為白
虹光追琢在所用持以登明堂

猗桐生空林繁陰闕道傍永斲雲和器十
指凝冰霜玄鶴何方來鍛翮咸摧藏合為
清商曲行雲渺荒荒素心諒平和鑿彼明
月光置彈集吾聽遺音在高堂

次韻鄭景尹二首

弱歲拾琪葉耿耿金石音遠為關河遊衆

嗜非所欽曳裾入承明寶策紛瓊琳乘筆
直塗竄嗒然養書林維南有佳樹寸雲出
遥岑遲之不肯來辭以道里深政予匪朝
夕盟言在茲今

層臺望桂林華樹在其顛上有青樛枝為
我玄鶴迎良時豈不感盤雲復迴旋瓊英
失零露百卉爭忿恚願言保遺直勿使衆
蔓纏一歌以慨慷再歌朱絲絃

再次韻

潛魚護嘉鱗雛鳳含溥音束髮勇聞道執
御羣公欽痛哭悼賈生敏給卑陳琳荏苒
歲月遷厠身羣玉林飛塵化玄髮所歷多
崑岑精衛有猛志不畏鉅海深遺聞理墜
簡備名匪垂今

古有惜陰子觀日扶桑顛雞鳴起中夜紅
光朗流迤吾欲挽其馭與天同左旋志士
不並世寸心增結悄神澄水鏡淨世閱微
纏纏鄙語雜謬誤奉身直如絃

觀園書次韻景尹

少遊竹素圃學道希心傳祖德允遐聞履

冰凜求全素衣入京洛飛塵浩難前車書
煥皇度末技期雕鐫稽古在簡要敢侈三
萬言煌煌羣玉府遺跡森炳然滄波蓬壺
島古石仇池天方諸變毛穎寒暑隨推遷
感彼傳執數寸心獨悲悄淒其衣冠聚拱
木思昔賢簾金白雲化青箱游蠹旋寥寥
鈞天夢髣像追四懸尤物詎足貴尚德庶
永迤憂君闕神珠出水復媚淵六籍儼遺
訓精思貴誠虔一撫玄鶴操以廣雲和絃

次韻廬山黃伯玉東漢名士十詠

食肝不知味詎為口腹人紛紛五經學講
道踰八瓊古來植名士殺身以成仁念此
七箸微少忍非傷貧高誼動白日正色凌
三軍仲叔固義士井生乃天民

漢季日頽靡莽莽蕭艾業孺子南州彥獨
立風雨中兩為故人吊斯道萬物宗湛兮
如止水脫焉如捕風儉德良辟難栖栖何
為容耕稼詠典籍食志非無功
叔度長閤巷奉高獨先知威德眇莫名鬱
為時所師朗陵一邂逅此豈髣亂兒幽篁

把靜筇游龍隱深改至今百世下清風散
肝脾仕止適天運不喜亦不違薄遊河南
道還家復牛衣

力田南山下久卑不學恭每於風雨時執
禮夷踞中甕墮迺失聲此意人所同厲行
名益彰無懷道之宗郭公果善相千載我
欲從

伯鸞事沉冥作勞賴仁妻身隱不顧文更
治山中棲浩歌五噫詠麥秀何淒淒遐征
詎遊觀鳳鳥不復來贏得慕季子居夷法
宣尼勿無適俗韻與世非寡諧至今青青

冢猶有鳥銜泥

古有逸名士洗耳東海東韜精事肥遯浮
雲藐王公被髮或佯狂垢形滅其蹤季世
事標榜紛紛競罹凶所以康伯徒邈焉不
知終

幼安家北海流徙來東冥一帽常掛頭破
席屢見經六籍躬探微叙說紛聚螢老非
諸侯容肯至三公庭華生竟天折管子終
康寧

龐公老江漢性本愛居山採藥山北涯歸
鷗送之還青林酒一卮白日茅三間時許
眼中士非鷗亦非鸞性不耐束帶矧肯貪
王官侶憐牀下子崎嶇卯金寒靜性閱變
化道充身愈安乘風學輕舉寒籬杳誰攀
中郎天外鳳北海人中龍鳳以五采萎龍
以有悔終失身匪素志尚言乃真窮舉世
習玄默脂韋爭長雄之人佩瓊瑤肆言刺
摩公落口撥真禍悲來事容容蘇公起深
帳蠻江盪舟中

荀陳兩家子龍鼎合雞彝昔嘗窺其圖一
一無吝與空巖古桂樹崔嵬匪今茲想當
下車時羣雛古威儀行酒拜滿戶入門揖
當碑惜哉或與羣巨構頹其基

我家司徒公清德炳漢朝盈盈丙丁綬燁
燁左右貂謂此非世美脫去執敢招榮木
固同根其末千萬條勁節或峭正孤吟或
清寒世遠人事疏耳冷心志消瞻企法天
運感衰感江湖束髮六籍功失言期久要
詩來振遺響縹緲孤鳳蕭前脩果未沫百

世詎云遙

觀真文忠公畫像

摩賢輔絕學嗟峨武夷峯熒熒方瞳光汲
汲汗簡中緬懷文明初蒼珮極匪躬執筆
侍玉署妙語工彌縫飛塵變蒼狗潛淵閱
游龍空餘經濟心勞徠飢飛鴻濁水投神
膠揚清迺奇功喬松不並世寒飈轉秋蓬
生世我已後正緒遺顛蒙惕然拜公像斯
道非終窮

曾大父樞虛越公嘉定辛未與先生
同官奉常寶慶初同為侍從先生故
併識于後
王志簡公嘉定入朝曾大父越公獲
隨班著聖端明公嘉熙間以西山先
生門人歌歷節先公則已捐館楨
向遊學藝女得拜端明公之次子令
其孫家中世遺事繼繼不絕口今復見
懼瞻仰西山先生遺像因敘事表併
以自勵亦以勉夫申伯

陶道士心遠齋

少秉丘壑志養真事深寧清晨脫章甫習
道誦丹經熒煌金碧居明霞敞殊庭逸形
託榮觀漠然守心局矯首西南雲飛蓋垂
流鈴八表散清雨歸林何亭亭緬懷靖節

翁舉觴日沈冥之人靜且脩奇服養遐齡
長松舊云植秀色日以青素心靡違只矢
言寄山靈

寄題郭靖州綱齋

靈曜動橐籥萬物俱光晶湛然齋居子韜
精獨沈冥飛梭織翠霧層冰瑩踈星製為
蟬翼衣無華靜儀刑愴兮神君來不笑亦
不頰一以却氛垢一以永千齡我欲從之
遊車音振泠泠

清容居士集卷第四

清容居士集卷第五

古詩 五言

為賴川連教授賦梅城

稜稜太古根，縈帶鐵不如。飛塵望其藩，却走奔無餘。中有冰玉人，指揮萬瓊琚。低昂受其職，補理成扶胥。天空斗搖寒，令嚴察孤虛。練袍立清夜，鮮明映犀渠。積雪誰為驕，慷慨紛糝糊。陰陽本一氣，開門使之俱。險絕貴有道，面壁非吾徒。司晨起視旦，蝶夢方蘧蘧。

泊貫州次韻仲章

沙塵暗河津，遊雲蕩無餘。忽忽萬里念，眇眇孤鴻俱。風水淹行頓，異縣非故居。雞鳴逐前邁，殘星澹遺珠。空林野氣蕭，古樹慘不舒。飢禽何其悲，驚飛挾鳴雛。雖迺知俛啄，意愧我將焉。如道遠怯驚，隘終憶山中。廬誓言息機，事解纓慎馳。驅初夏鬱新，溽永日誰為娛。因之寓初志，臨風復躊躇。

次韻呂學正古意二首

初筵秩嘉賓，容氣清且明。至饗不在酒，尊

壘察東榮，傷哉崇飲徒。偏宕四坐驚，中有獨醒士。覲然愧非輕，持觴懼濡口。孤吹幽鳳鳴，永飢詎遺禮。俎實期充庭，苦心嗜昌陽。古澗香莫識，之人遠持贈。藉以五色石，密節懷黜章。寒暑端莫易，三咽迴中腸。起止良得力，舉世希妍英。椒蘭政紛職，慎勿強嗜之。對泉澡其德。

次韻元復初春思三首

凍樹迴青陽，羈禽競新哢。喧喧人語溽，稍稍春事動。澄心絕芳華，小睡足幽夢。夢覺天宇新，朝光集飛棟。遊塵逐平臯，秀色醫榛莽。油雲互東西，鬱抑不能兩。昭蘇在玄功，竟夕復迤佇。何當扶其巔，振翮窮委羽。遠客芳草思，湛湛天外舟。坐令親知疎，低徊此淹留。古樹擢奇石，清流匯芳洲。素心諒有在，胡不為茲遊。

兩後聞鶯

衆卉沐新雨，幽光澹餘情。岸憤碧窻冷，卷簾白雲生。起坐調素絃，促軫流鶯鳴。侶言

田家苦招我田中行昨宵隱其雷願言典
滿盈

送李德隆經歷其父居澧陽因乞
郡江陵以便省養

悠悠澧陽川飛鴻去無極白雲眇何方抑
鬱萬里色念之不得從肉臂誰為翼翩然
領南郡解此終歲憶楚宮昔壯麗冠珮列
瑤席瓊英輯佳思落筆洒金碧凄其千載
下正氣堅鐵石想此問俗餘酌酒追寂歷
平生功名意甘旨惕朝夕懷章遂其初居
夷亦云適藝蘭鬻孤芳種橘企嘉植永言
區中塵過隙珠未息

節婦吟為萊氏作

幽蘭淨如洗踰羈桑麻種天低泣清露因
依護紛敷春風遠相負迺在萬里餘明月
流素光願鑿夫君裾荷戈力行役誓將保
無渝難以一日歎永失千歲娛

蕩蕩明河側雙星隨斗移會合靡有覩恍
惚生怪竒古意不復識今情益多疑契闊
三十春百年以為期白首一邂逅孤芳秉

華滋感此初意深臨風託長辭

次韻范德機海鵠篇

黃鵠海上來逍遙遊帝所寥寥九萬里五
采紛異覩朝霏西山霞暮結平地土喧歎
舞晴翠鵠首不復頰孤鳴者何禽振翮亦
遐舉憺兮邂逅之落月耿清侶芝糧產層
巖蘭現在遠浦八表同其光欲言淚如雨
臨分致黃鵠出處各有許方壺渺麟洲輪
困為君佇

送任懷可

跼跼水上為游游釜中魚鳶飛不得息魚
向何時蘇興言夙行邁晴秋振脩途挈衣
海上州出日攝珊瑚采瓊以為糧拾羽以
為裾妙顏感芳蕤流光耀陽烏盛意勿復
沮清氛靜無餘維南有英雲矯首出門初
團團御飛蓋隨君為躊躇曷哉植明德含
章俟昭圖

同復初功遠飲仲章家觀芍藥分
韻得一字

深沈碧雲居錯落紫瓊室芳菲護餘春清

和表昭質高叢吐驛剛新茁角繭粟傾心
愛膏露正色浴初日含香紫宸朝奏舞形
庭佾駢頭澹無妬背而意愈密杯翻王母
下斗碎壯士失霏霏玉生煙漾漾珠吐液
絕容第無雙薄醉飲真一嫣然屬幽賞為
爾寫清逸

洛詠五首示洛人張孟功任大正

晴雲起嵩嶽變化如游龍感彼金谷人聚
散同飛蓬縈紆古灑澗百井爭汲春昔有
陳思王作賦雕層空相望不得語遺情寄
冥鴻金隄手所植荒淫竟無蹤

三川鼎沈淪洛水以土勝如何羣英聚千
載兵甲競僊人王子喬吹笙白雲頂下視
北邙塚今為狐兔穿斷碑化灰劫來者日
以感箕山水泠泠側聽發深省

森森古名園玩芳納玄覽澹然觀物翁欣
至情不減看花烏帽落秀色起晴臉一一
卿相居舉觴雲氣湛尸坐寒暑遺妙言天
地範一去三百年寒松白雲黯

昔有好奇士絕頂觀海浪神泣肝膽翻興

逸天地放泥金與玉檢縱筆紀其妄茲山
久寂寞着屐事幽訪太少何岩芽兩曜隨
下上彩鸞凌風翔疑有帝子降

經郭闡微言理窟洞玄化汲汲嵩山叟反
復窮代謝白壁匪有瑕後賢極譏射麟經
書薨卒外臣不以假如何莽大夫簡牘得
矜詫往聖既莫從掩袂效喑啞

贈汪生

投箸事却掃衙門無雜賓衝檐鳥雀噪魁
梧見斯人遺我以琲珠神光絢嶙峋風雅
久不作雄辭逞斷斷憂君春雲姿回旋轉
空輪飛英不受采積潤凝青蘋老我意苦
短念此情彌親疇昔侍金鑿挽士志莫申
薦禰固百一視君鮮儔倫先聖六籍功願
言善彌綸辱贈莫能報清風響蒼筠

感興

明月不受采澄波偶成文壞壤玄黃中至
理孰與分南山有琪樹蒙彼山上雲層陰
閱朱光積潤養奇芬深林葆真素芳妍澹
無聞昨來京國遊緇塵日芸芸永念丘壑

趣攬衣意如焚

題王眉叟溪月圖

水清不受觸月高不受浴空景兩相忘松
風進虛谷之人閱真靜引手還在目服之
飛上天溪流淨如玉

書孝子卷

道旁拾枯松汲水作糜粥堂前九十母啜
粥端勝肉人言五鼎養形渥迺有辱擊鮮
豈無具彼網不敢觸乃翁三尺墳慈烏為
之築亭亭忘憂花甘露手可掬花開醉春
風百歲初轉轂之士歡有餘之人何不足

夜泊城北有懷孫秦二學士

英英二學士黼黻元祐初功名軋姦黨翰
墨尊寢區維昔淮南邦風流藹清都至今
舊文采老蚌遺神珠百年姐豆廢荒城屹
秋蕪黑首總論武舊老時言儒白雲去已
久來往今何如蒼蒼灌木陰曾聞駐瓊裾
艱難視天運俛首猶唐虞稻米竭秋歛菱
芡餘歲儲白鷗眇天末蘆葦寒蕭疎懷賢
願有在佇立情躊躇

淮口阻雨二首

曉雨壓風力我帆同欵段怙怙蓬底眠晝
日慘易短獨行既無儔欲去不得返冥濛
水雲重寂歷揄柳斷淮流既東馳我行安
可緩縈迂沂三义始覺人語亂艱難意如
斯寒鴉佇江岸

詠史四首

青青虞美人欲舞不解前漫漫劉寄奴醫
國真茫然風迴下相里寒沙起蒼煙徘徊
古壑城亦復多流泉二者骨已朽胡為事
春妍人生要垂芳豈託小草傳丈夫與女
子籍籍同悲憐
寰宇設天險圖書已周知鴻溝定疆理屈
意陳卑辭永觀沛公豪豈無懷土思摩雄
亦鄉黨輕家迺和隨時來各忍性不復兒

女悲它年過沛宮父老垂涕洟井邑圖新
豐難犬猶前時論功食湯沐故里俱無遺
成敗論昔人興懷重嗟咨

留侯晚辟穀端有避禍意速招商山翁不
復為漢計平生老鋒鏑帷幄乃真智南宮
論非諛意冷終有忌雍容視國本孱子匪
神器此坐端可惜欲言且深慮代王豈不
佳語出禍立至羽翼從汝成增繳幸我避
百年願已足投老空立異不見吹簫民功
成終械繫

人言漢淮陰晚歲何卑陴英賢多混跡豈
復論恩讎泊舟楚山川緬懷意悠悠責人
斯無難此意猶前脩近世輕薄兒流落曾
相投飢來或乞食寒至將索裘一朝青雲
上泯默懷深羞高視絕舊好削跡同避仇
當年睚眦意談笑能相酬韓生固瓊瓊終
勝青雲流斯人我非慕微言傲羣媮

次韻仲章初夏即事

吏隱習疏曠晨起遺世情積柳含綠潤幽
葵表朱明誰云地氣高炎暑從茲生新潦

變歎滄飛塵增墳盈養痾尋丈內跬步不
復行雲浮晚色盡平湖起秋聲炎涼在頃
刻變化何縱橫繕性合天和愧彼塵網嬰
有懷金石交飛蓋何由傾

城南亭

平生泉石意勝處時相關侶聞城南亭層
陰絕塵闌初夏結清譙尊尊連珮環涼襟
納虛白妙顏尊渥丹高歌互激越白日虛
且閑志適不願足後會期躋攀晴霞澹天
末迴首疑僊寰

讀范德機東坊橐

范子東坊居深巷蔽樛木架上一帙書牆
東數叢菊明月照西山清夜勤盥沐學為
孤鳳吟非絲亦非竹陰陽合萬籟逸響振
林谷水花不受唾天衣那有觸玉署青裳
枝三嗅羞獨宿滄洲有真趣從此謝榮辱
武當張道士京師禱雨迴山中

古有巖居子抱朴尸玄冥被髮空洞遊蒼

莽窮帝青手持九九文蜿蜒合揚靈維斗
司其紐習坎鞭流霆良疇已懷新燥露滋

明星滌滌原野燄迴風轉塵腥無諱夜下
令瞬息不得停茲人秘元化長跪耳默聆
崕嶠挾黃漢紫霧噓青萍玄鶴滄以淒百
谷奔零零浮侈不足慕趣使歸巖扃天地
古橐籥鍊一清且庭詭幻歲已暮願言養
脩齡

觀梅分韻得影字

月窟迴初陽瑰室習真靜深居碧雲合澄
觀白日永南枝歷煙霧北雪辭嶠嶠嶺蟠柯
翠交加踈萼玉秀整三襲雜纖繪一漱芙
蓉井浴鵝採其光寒蜂妬其影將養憂過
分泯默發深省天空流蟾墮露冷玄鶴警
歌罷誰與言觴至不復逞

送陳仲剛歸番易

浩蕩南客心崢嶸西山雲憶昔登王畿
緗集同文執簡玉署側藻思抽奇芬明世
合儒彥詎有楚越分群姝嫉蛾眉念至肝
膽焚番江匯新田甘兩催初耘不念別者
苦孤翻誰為群重柳積翠霧酒盡不得醺
扁舟鼓新棹晴川淨芸芸

送薛玄卿歸吳予時有上京之行
飄飄江海遊渺渺關河役燕鴻有相避客
子無定跡南山火雲高北山雪新白想此
六月時相顧各動色堆傍青松樹上有雙
鶴翼愛君慎舟楫戒我專寢食擾擾行路
難風花亂如棘

有感

皎皎白面生長缺學短長箕坐激楚聲大
言響高堂有客將止之反脣臂欲攘客退
不敢言彼怒庸何傷盈盈百花露擬作終
歲糧露晞百花墮掩袂翻傍徨

董道士雷泉齋

淵淵養空洞摩盪升天行翻車震崕嶠旋
空紫金明下有五采雲散絲墮珠英以彼
一寸光八表須臾成逆順有正性變合無
流形火以明益枯水以堅始凝無為合冲
澹神化凌上清

三月十二日自 殿廬歸舍梨花

盛開薄暮與陳汝海花下小飲
兩人一百歲共飲三十杯雙花夾蒼檜天

梳倚晴臺白團燕山雪紅注天台酷振鷺
擬高下遊蜂謝徘徊昂首冠接羅捧心舞
毳繆殘日凝餘霞迴風起輕雷不念影寂
寂但惜光皚皚珠衣點綴滅粟尺彌縫裁
團圓粧奩巧宛轉寒紋迴香深妬紫檀色
靚羞蒼苔幸茲艷陽盛不以塵土摧凡卉
工後先孤根靜栽培翫芳悟觀象擷英審
掄材較轡青紫場躡藉錦繡堆高羞折腰
柳逸亞橫枝梅慙慙識花意浩蕩為我開
殿廬龍光動瓊窻駒影催相迎復相恨欲
去還相陪停雲儼若思落月寒如灰當歌
頽秉燭渴吻驚耻壘

送祝丹陽使武當山

夙昔山水郡浮身宅冰霜迴首楚望深乘
車升武當上有天一池夾日紅熒煌玄雲
起丹甲群螭恣騰驤攀崖靈壽杖坐石芙
蓉林琳琅徹迴鸞儼立承天香麻衣採芝
叟百歲鬚眉蒼授子以易知永視元運長
摩挲古金人鞞鞞日月光中臺古昔萃天
風振層岡揮手謝來者下土何遑遑

贈陳文翁求篆扁

往聖扶天巧蟲魚構瑰奇辛勤汗簡功淪
落誰傳茲昂昂子陳子擬拾靡棄遺清齋
淨無塵素壁懸秦碑侶欲卧其下畫腹鬼
神悲氣酣落長牋屈曲生妍姿斷嶂立冰
著迴波捲蓴絲百幻頃刻成長鋒勁如錐
解衣坐晴窓青眸光陸離客喧意自寂手
敏心相違速憐李氏子自謂一代師蒼惶
大夫門筆冷情依依得非金注昏竟墮豪
俠欺我家竹石居甕牖迎春曦煩君作佳
扁朝夕舒頑疲夜月走魑魅晴雲鬱蛟螭
高張駭眾客傳觀恐群兒能事敢強迫妙
處通天機會須風日清醉墨傾淋漓

送李平叔之信陽

維昔文昌公幽蘭閨孤芳高秋振餘清百
卉爭歛蕙颯爽眉髮古我冠坐鄧庠歌詩
闡溫柔宮商起虛堂絢爛五色雲縹緲鳴
鷹風至今老諸生猶能記鏗鏘乘風侍金
華蹇諤懷剛腸諫疏納帝榻百壬歛妖芒
年運既莫從精爽回雲鄉空餘子雲宅澗

水猶湯湯永思古遺直江湖眇相望
謁來芙蓉峰喬木鬱以蒼巍然孫枝秀妙譽參
珪璋投牒山水州清溪赴輕舸群公列贈
語握手揮離觴我生識面晚懷賢意何長
慨茲衣冠宵兼葭墮隕飛霜交衢泣零落寸
心實傍徨斯文儻未墜龍虎回天章願言
紹正學青雲縱翱翔

贈徐中丞二首

南海有玄鶴孤唳雲稜層天池不肯下厭
此魚鼈腥露冷懷長飢慘澹舒寒翎空巖
蔽喬松鬱鬱太古青喬松意何悄陰籟驅
群靈下有散髮翁默誦離騷經妙顏察瓊
芝孰視眸晶瑩鏗然拔長劍神光發新硎
倏忽去已遠玄鶴空晚晚為言來何遲迴
風起前歎

鳧氏哀吉金紅鑪範黃鍾鍾成飾雕簾岌
業蟠虬龍大鳴渾以希小鳴和且冲高懸
饗群帝祥雲布青紅群帝難強留一去三
千秋張筵設尊斝庸錫南諸侯一擊黃鵠
來再擊飛雲收傍徨不敢聽亟以還中州

師曠世本有左高悵誰謀終然侍帝所天
地歌同流

拙訥齋

樗櫟老薪樵鴈以不鳴烹受形既非材卒
莫全其生在昔有至人觀化通百靈至言
貫圖象妙思窺機衡乃為萬物宗熙熙遂
生成髡彼青牛君深根護靈扁永晒鄉原
子木偶欺聲盲設喻深止之跬步增慎兢
世路日榛棘韜精事沈冥滄江渺何許願
言濯吾纓

送鄴陽劉縣令之官宣寧二首

鬼鬼馬邑州火山蒸鬱陶霜勁角弓直草
淨蒼鷹條平沙細成塵迴風湧銀濤想彼
強盛時馳突聲噉嘈烽煙徹雲表低昂望
前旄樓煩古咤襟燕秦據其尻八月秋氣
蕭千家釀蒲萄

帝京布文教列邑施官曹井屋魚鱗齊禾
黍黃雲高幡然土俗變怙首羞雄豪出宰
試敏手良庖靡更刀善政舊謀傳據案除
民饗村村煙火通長塗罷建纛雞鳴流水

遠馬過平波，翔餘情樂觴。詠臨風，謝喧囂。

題文興可風雨墨竹

妙筆扶天巧，黑雲參差高。慳疑受雨深，俊
欲凌風翔。颯爽隨卷舒，清涼散塵囂。湛湛
不受暑，靈籟虛窻號。緬懷文湖州，玉雪人
中豪。想此旁礴時，葆光解天弢。老僧道機
熟，形影隨目逃。持以深贈之，生意窮秋毫。
高齋夜氣寂，定回起層濤。

答李生裕尚書大同公曾孫

英美金華伯，皓首人中龍。橫經古鄆水，歌
詩做群蒙。籀為卿里教授歌風雅以訓諸生 正色侍邇英
微言動宸聰，一疏不合意。孤身轉秋鴻，俯
仰乾坤旋。舊聞眇遺蹤，坐令詩書宅寒雲。
賢孤桐維曾秉文，度月印五采虹。知我夙
昔，但贈言啓春容。清朝集文儒，直筆書清
忠。作史聖有訓，孤裘覲蒙茸。挽士貴無方，
正色誰為宗。虛舟萬斛積，遇順凌剛風。明
時詎淹留，曷德會有逢。

題巨然楓林雅集圖

楓林集虛秋，灑氣轉寥廓。坡危草纖纖，水

露石鑿鑿四子何方來，黃塵滿芒屨。據流
濯其清，班荆坐盤礴。山童注新泉，支鼎拾
薪籜。方囊濟勝具，一一隨取索。想彼談笑
時，天玃脫塵縛。上追巢許高，下陋山王薄。
淒涼金谷宴，腥羶麋雞樂。又疑東山遊，粉
鈿汗花萼。老僧習止觀，雅趣隨筆落。振衣
從之遊，素壁儼酬酢。

避塵軒

飄風捲飛蓬，咫尺隔煙霧。馳車與急騎，憧
憧走當路。各云有所之，瞬息不得語。山陽
荷篠翁，守舍視日暮。酌彼澗下泉，膏沐美
無度。寒光映玉頰，浩論巖中趣。永謝征塗
人，看雲養真素。

次韻伯生榆林中秋

榆林月中來，今月向此出。天低鳥翼滅，野
淨田事畢。驛馬西北鳴，候吏語喧唧。我行
起視夜，烟若積雪白。昂頭望玄宮，耿耿駐
營室。坐令八方澄，不使萬景沒。徘徊清影
孤，躑躅悵後發。

送鄭景尹還里

蟬冕生詩書世胄迺鄙夷沈沈喬木宅風
煙暗茅茨此理固莫詰或言有感衰堂堂
魏王勲談笑帝者師風雲締嘉會青史傳
忠規諸孫靜且秀振鷺遊天池鄉社三十
年永謝紉綺姿興至來上國窺探扶幽奇
聞聞與見見柳下揚鞭躡前聖六籍功尊
聞審群疑江源發甕口濫觴渺無涯願持
一寸膠黃流化晴漪天風捲秋濤舟楫慎
所持時至諒有得衙門詎棲遲

李野齋別墅圖

別墅依平陂翳翳桑麻陰田翁理農具晴
雲起遙岑于時春事初佳樹響鳴禽先生
朝出遊呼童佩瑤琴仲也行比肩叔也聲
相尋興至或坐石臨流散虛襟有客携酒
壺勸我手自斟共言羲皇時古風藹渟深
巍巍居仁里盛德世所欽三鳳在高岡參
飛起清音恂恂化卑讓歲往猶傳今披圖
儼見之慰我夙昔心

子昂人馬圖

飄騰天山霧盪摩玉京雲耿耿萬里姿矯

首空其群迺翁愛神俊泚筆五采分翁歸
侍帝所乘化觀芸芸彼亦與之俱追風超
九垓時松靈翁已
下世一

題墨蘭圖

乘芳空林中介石交不黷飛英散玄佩受
露以膏沐群妖春炫晝墨守益慎獨豈不
念歲晏自獻傷我足矯矯金石交挽之不
盈柶疏清湛虛心板直取絜腹昊天有正
令俛仰萬物肅臨風獨躡躑白駒儼空谷

次韻瑤子過梁山灤三十韻

大野豬東原狂瀾陋左里交流千尋峰會
合百谷水量深恣包藏神靜莫比擬碧瀾
渺無津綠樹失其茨揚帆鳥東西擊楫鷗
沒起長橋篙師歌短渡販客止天平雲覆
暮灣迴路成砥鷹坊嚴聚屯漁舍暎渚汜
柳絲翠如織苻帶組交窺出日浮鉦金明
霞紆綬紫一畝澆腸迴三類慰願泚高掩
列魚貫遠吹生鳳翥前奔何無休後進復
不已遶如林烏旋疾若坂馬駛飄飄愧陳
人歷歷見遺趾流移散空洲烟强尋故壘

波清鳧聚陣日落魚會市土屋危可緣草
广突如峙蓮根漲新圩蒲芽護荒坵水花
碧團團雲葉白迤迤瀆脩出飛泉闐闐搜
故址緬思重華帝允屬夏后氏彛倫著箕
疇偉功傳遷史目力渺無窮行跡端可紀
前村將柔桑沃壤接良耜餘芳錦堆爛宿
麥翠圍侈迺知東魯儒終作中朝士養源
匪混濫包荒納遐邇驅馳屢經過感歎復
慰喜南還幸遂願永雪洗耳耻

憶昔三首

憶昔白雲阡有松如車輪初日炫五采湛
湛珠露勻是時十四五恍不知其因有容
笑指之慈蔭在汝身猛志親六籍百川渺
無津懷刺慎所從一一先朝臣文昌古遺
直談經鬱紛綸授以漆簡書經緯通天人
碧波掣鯨魚瑞錦翻麒麟昌歌世所鄙食
之迺奇珍厠身金鑿中毘倪二十春懼貽
先師羞執筆常逡巡即今已六十誓墓廬
松筠厚德靡有報淚與寒泉淪
外家甘盤宅門閤誠煒煌高懸金碧榜中

有衮繡堂珠璣左右侍絲竹儼成行幼不
識慈顏到彼心徬徨每歲兩過之嚴訓具
有方青梁病居養久爾生惰荒七歲誦詩
書十齡學詞章駸尋志學歲折節師老蒼
紀事法班馬真心契義黃謬與時彥交寶
書閱琳琅今茲乞南歸往事增慨慷興懷
陶與蘇秉筆追耿光凱風有遺思願言繼
餘芳

寥寥帝王州我翁佐其治有亭名朝陽青
溪清且駛旁有籌邊閣群公集裾翠翹翹
萬芰荷兩過爭漪旖飛觴羽書來翕霍江
上燧我冠楹遊談戎弁生縱恣予時侍其
旁側耳聽論議翁言不見取投劾乃謝事
坐令百萬家解甲豎降幟徘徊夕陽亭晉
宗政相伯

重巖圖為劉明史迺翁作

夙昔慕清隱根衣躡層巒飛鳥出天末白
雲生樹端稍覺所歷險撫松獨盤桓緬彼
巖中人塵世靡有干飢食千歲芝朱顏烟
團團一日不見之披圖儼清歡崩崖骨枯

藤迴流起危湍微茫暝色共凌亂生綃寒
心期果冥會願言力加餐

王叔載以江梅有佳實託根桃李
場為韻見貽因次其韻

百川既東流震澤成三江學海詎有窮
源探敦尾緬彼學古人善問如鐘撞
豈在樂樞衣願為邦

六籍會有厄禍繇漢晉開支離起田
孟詵

偽興姚梅綿葦匪正禮區區存曲臺
吟詠

既莫分褒貶以為才

峨峨神京秀轍跡貫九有奉璋弁如
雲執

轡沃在手欲窮義黃心編簡減科斗
研摩

詎無念急景謝衰朽

風雨乖素期山雞鳴喈豈不念夙昔
愛

此日夕佳平明視青天義輪御中街
榮悴

會有時願言壯其懷

高門深寧翁晚歲悲絕筆愛彼樸樾
才化

為樛楠質春花五采妍秋至詎俱實
遺文

稗東楹賤子願敘述

昔聞中書垣上有紫薇閣微言續九
共妙

義追八索嶽岑大厦傾作記金鑿託
深悲

在廣招寥窅鈞天樂

少小不自持曲學蕪繁舉觥一醕之
為

言護深根先天有至理能使月窟溫
談笑

襲師訓詎知雪齋門

斥鷃不能飛欲作槍榆高何如阿閣
鳳守

真始風翔志士惜短日碩人養屯膏
蕭脂

始薦邕食黍迺雪桃

昔年委閭巷初不願祿仕紬書探異
同擬

作前國史念至事益非委命以脩己
勿為

眾所譏不如道旁李

君才如江梅不入桃李場傍徨念先
猷貫

鵠始挽彊後生捕形影爭言早升堂
唯餘

白髮士耿耿無它腸

董生靈上人以叔載韻見貽再次

韻

關河一轍跡耿耿明天江五方各異
俗中

州誠駸尾吾欲上帝闈帝闈不敢撞
終然

返初服養佚歸海邦
遠宦三十年石田今始開觀象慕易
京登

真想仙梅風昔希匠石歲晚成與臺志念
詎不深樸楸慙非才

弱冠慕靜居掩息空萬有老禪深愛之微
笑示以手忍欲如忍事吸醴過三斗終然
寒松勁不作朝菌朽

鞞帽成威施逆耳風其皆昂然望南山愛
彼日夕佳朝來何所見萬馬盈天街所以

巢居子終然養澄懷
辛勤下惟生涌思不停筆範鑪鎔吉金變
化銷其質湛深陋雕蟲多聞覈萍實袖手

母自藏盛世富紀述
匪師禪林秀宛在諸天閣當其調護時危
石繫朽索作賦極剪裁衆物各有託氤氲

荆山玉洋洋咸池樂
玄圃有琪樹不使枝葉繁譬彼績學人芟
蕪養天根歲暮霜雪至銅柯生晏温一為

梁棟才落落懸金門
吾師深寧翁屹屹泰華高佳弄時一遊不
使凡羽翔方壺貯神藥變為五色膏服之

生羽翰陋彼東方旻

稟性非好遊亦不願祿仕感彼獲麟翁歷
聘刪魯史正緒頽有傳固陋敢私己年衰
絕聞見謝彼井上李

少壯勿自摧振容上詞場鷄膏淬寒鋒談
笑摩堅彊藉以雜纖羅貯以白玉堂辱贈
莫知報因之結中腸

芳思亭

大父尚書公治圃南郊有堂亭凡十五

方池脩廊屈折便宜雨甚亦無礙遊事

速今荒廢踰四十年故基陳跡不復可

考近築一亭雜植花木廣不踰畝髣其

萬一名之曰芳思玩其英華將以紬繹

志興翰墨有紹是則 先公之志作詩

示瑾瑾併求親友同賦

侃侃 尚書公投紱理泉石五堂適寒暑

十亭送昕夕瓊英玄圃秀美蔭嘉樹碧脩

廊不受兩來往隨履舄紅雲漲方塘丹霞

耀翠席嘉魚黃金掌瞥見眇莫測辛勤三

十年深逝晦朝蹟遺訓示子孫樹藝比其

德浮雲變須臾百幻倏消蝕空餘鄭公莊

耕稼給衣食，緬彼行樂時。衆植各有職，以
茲一畝園。髣像見疇昔，幽葩與群卉。生意
日不息，朝陽漱靈根。三咽妙絢繹，曠懷事
幽賞。誓矣躬六籍。

次韻袁季厚惠苦筍楊梅二首

食若不願餘，甘迺稱美空。巖養滋味老，
叟清晨起斷之。玉箸圓拾以付稚子，駢頭
萃豪門。咀吞訝金矢，維時朱明中。盛德協
清微，備然在陰翳。儼與松柏峙，玉液生華
池。可廢杜康祀，含章守元吉。黃中本通理，
絜腹表正性。要以除穢滓，初如橄欖食。不
作即且棄，世方尚腥羶。易牙正專味，愧我
清齋客。足音楚然侶。

空巖迸瓊珠，蕭蕭白雲中。恍疑群仙立，欲
脫煙霧叢。招提者誰主，日出撞金鐘。笙簧
漱清濁，旌蓋搖青紅。遂令彼林谷，徵索恨
靡窮。侍臣久歸田，不數蔗椀功。頃筐遠相
致，齒頰生冰風。昂昂長松蓋，下有萬馬容。
同源匪異本，斯文永為宗。

清容居士集卷第五

清容居士集卷第六

古詩七首

題高彥敬桑落洲望廬山圖

為秋
泉作

長江亭亭桑落洲，一塔獨傲蘋花秋。邊聲
已逐擊鼓盡，水氣欲挾漁榔浮。謫仙騎鯨
五柳老，真景變滅隨沙鷗。空餘秦箏與羌
管，斷續不洗琵琶愁。玉堂小窓解蒼佩，宴
坐得意毫端收。空青點雲碧，痕濕方諸取。
月寒光流匡廬老，人在何許侶覺領首相。
遲留佳峯稜稜鐵鈎鎖，寸樹點點銅浮漚。
要知翰墨灑清氣，俗子政爾勞雕鏤。秋泉
山人息機事，青眼不與王公酬。高張素壁
凜太古，擬跨獨鶴還磯頭。人坐江湖在適
意，底用絕俗埋林丘。披圖覽古重嘆息，天
際杳靄疑歸舟。

秋泉德生仲章梅叔章周儀之皆

次余韻題廬山圖再次韻以謝

海郡列成連，沙洲榆柳插。搖清秋，擬從
京國洗氣瘴。黃塵復作煙，花浮西山紫。翠
不可望，但訝積雪如。明鷗愛君寒齋之畫

幅瀟灑不寫人間愁骨中丘壑我豈少奈
此磊嵬難為收宣城詩法挺二妙炯若玉
瓚盛黃流永興天機愛神俊碧眼一顧群
無留千年周子古風月袞袞亦散空中漚
乾坤無言混沌鑿頗恠我輩勞鷓搜沉冥
天台老僊伯清坐自與廬山酬天青無人
月色古縹緲五老疑駢頭功名營身旋蟻
磨芻豢得意崇糟丘何當相從老其下釀
酒一醉黃金舟

張彥清以復古硯贈友人因賦長

句

高皇南遊倦鋒鏑宴坐清都寶出日骨中
筆陣掃玄雲時與端溪評甲乙平生紫玉
無纖塵小窓寄傲茶甌春馬肝生寒出古
色鵝眼獻秀憎妖嬈烏甞已去寧復得蘭
紙昭陵空悵憶猶餘舊賜落人間漆字模
糊記朱色集賢學士胷次高愛此靜閱濡
霜毫迺知貪夫罪懷璧底用長物為神勞
清齋持盃好顏色楚人之弓楚人得平生
弟兄今始知一笑相看竟何惜蕭齋老人

筆如雖松花蕩漾搖輕漪江南採菱曲已
遠願寫燕府虛皇詞

金華曹道士白雲樓

蘇仙念母母苦飢化作白鶴時來飛我聞
欺虛亦官府朝夕往返勞天機何如金華
有真隱菜室空翠搖煙霏松花麩蜜五鼎
養丹砂汲井千年肥我生不識萱草歡孤
身永日懷春暉白雲在天詎可望遲子歲
晏山中歸

賦廣帥平寇還

蒼梧之山利如戟五溪南行水如墨文身
鏤面號為人感口磨牙時剽賊將軍手提
戈二及匹馬直入深林居摩挲銅柱寫殊
績南人自此長為奴檳榔快爵端禦瘴惹
竝不將真避謗繡袍初賜簇金鵬聚米為
圖指豪壯萬里功名非偶然輕身許國誰
為憐莫嫌儒冠守青簡能泮筆鋒書定遠

謝王參議送練春紅二枝

玉堂老仙玩幽獨閉戶無人但初溽倚闌
岸憤領孤芳藪藪輕紅冠羣綠化工有意

甲凡卉積李崇桃空眩目爭先關巧等堪
憐已向東風盡驅逐此花清妍淨如洗妝
拾餘春傲榮辱何郎湯餅徒試粧太真溫
泉空賜浴天然生色鑄真態亭午低頭睡
初足誰言花后家奇絕我恠酪奴能汗觸
媧然一笑奉清懽莫把金樽歌別鶻并刀
妙剪駢頭來珠露淋漓袖新感侶嫌凡子
多京塵却恨高人付流俗傲風澹蕩新雨
生強拭愁容吐殘馥擬將色筆寫清意綺
語非工那忍瀆徘徊中庭月過半翠袖娟
娟泣寒玉

題董簡卿瀟湘圖

瀟湘之水太古色煙樹空濛成寸碧奔騰
日月轉銀丸噴薄峰巒凝鐵石楚棹相將
客獨聞楚歌欸乃人誰識望畫蒼梧不見
雲千古靈均空悵憶

絡馬圖

秋原首藉肥雲屯帖帖此馬和且馴屬車
效駕豈在力愧汗絕足追奔塵良哀不生
造父往公子毫端意悽愴虞淵逐日終飲

河出門加鞭奈爾何

康樂園

長安韓德卿夜夢至一宮
室扁曰康樂園名其室以

李其

至人無夢夢乃真瞪目一視空中塵悲懽
蟻旋水東注遺珠罔象迷其津持蓋敬曰
逞談詭取禾坐極夸榮貴不如長安韓生
道上眠念母還家枕中記紫霞之宮那俗
書煙霏霧結開雲圖虛靈變化在頃刻齧
指疾應維心符城上烏啼畢通尾倚門獨
占乾鵲喜萬里辭親真可憐書來端有平
安字

贈杜秀才歸省荆南

臨江種橘橘易朽滿簾積金金作奴何如
遣兒束書帙婀娜初服游鴻都從師之樂
端解語暫作庭前絲衣舞會待明年春水
生雙槳如龍上天去

贈拙訥子

萬言不啻一杯水刺楮徒費三年功何如
宴坐寂真靜木末時數南飛鴻長安之衢
塵霧霧顏言飲垢如飲蜜鸚鵡作賦真有

才至今江浪猶銜哀

寄南劍李士弘使君

水雲離離千疊峰海日如鏡行天紅使君
新沐坐清樾筆底丘壑生陰風玉蘭之花
不受觸日給飛泉三百斛高春打衙人不
來鶴立蒼苔動新綠

送任道士歸武夷

武夷之峰高插旻浴日離海朝為賓石床
芙蓉迸膏露乳竇醺醑凝疑長春陰崖恠壁
鳥跡絕葛藟當戶苔鱗鱗神君枯魚古蘆
豆曾孫毛竹今霜筠千年金骨幻九目玉
匣九鑠光如新想當精思握宇宙魄質已
化能成身我聞帝居亦官府風馬決滄空
中輪愛君釣鼉避東海笑踏北雪鬚眉銀
寥寥空山太古水清夢入髓時相親誰言
五色亂吾目得意忘象那非真歸來玄鶴
忽不見勸汝速浣征衣塵

送郭天錫還京口

朔風吹塵著馳裘藪藪疑絮玄霜浮城南
泥深攤車轍矮屋夜卧鄉心稠暮春雪消

花始放積柳婀娜沙中洲布帆在手不易
舉目數過翼隨雲流人言檐簷古奇遇避
逅一見能封侯紛綸寸舌有榮辱智士縮
吻成身謀愛君亭亭日中鵲玉色已變扶
桑游蕪芝為糧露為醑北適瀚海觀羣雁
素書滿囊不干世磊落肝膽看吳鉤新編
剪雲彩鷹舞妙筆入木寒藤抽氣耐登臺
望陳迹忱慨直欲微言酬舊家鐵甕古城
下春浪汹湧今悠悠但當清談且飲酒往
事寂歷遺磯頭黃鸝空桑子規怨橡實已
盡榆根留長河滔天怒蛟走底用華表歸
來愁江湖清歡眇去袂風雨疾意催行舟
人生會合定有樂念此別意空綢繆

燕吳閑閑水雪相看

豪門炙熱熱如暑下馬還家汗流雨徒將
嘖笑作清涼萬事回頭總塵土那知道人
玩丘壑一榻高寒閑榻碧雲散作明窓
塵妙墨還為小山霧平生冷語出曾臆頗
恠梅花猶媚嫵崢嶸歲晏凜今夕高權斯
文共樽俎要知冰雪本奇絕正色森寒傳

太古我聞崑崙有至理陰火玉泉誰解煮
會須鐵石起風雷手扶玄關破凝滯人間
寒暑潮去來物外陰陽月吞吐閉門容散
真兩忘竹影離離滿前戶

景陽張節婦瓶中杏枝著花因賦

陶人妙合陰陽機凍壺頃刻回芳菲盈盈
綵房綴冰蘂玉蝶婀娜穿帷飛佳人蓬鬢
不下堂手綉孤鳳橫匡床寶刀剪繒試春
色翠袖慄澹頰無光烏頭可白珠九曲造
物深知憐不足故應試此一枝春點綴扶
踈驚衆目君不聞天上飄驪龍平陸成波
濤又不聞壁間壺兩曜瞬息如跳珠齋諧
茫昧不可詰炯目看朱動成碧張氏之壺
如裁肪真火煉質千年剛枯根借潤表貞
志慎勿語性歸荒唐

仲章與余連舟而行仲章指畫皆
不在人後夜泊甲馬營余舟適先
至仲章有詩曰以奉戲

我船如縮鬣瘦僕凌兢空挽曳掩蓬熟睡
初不知晚向沙頭踏新月君船如生駒追

風破浪爭驩呼青春擢郎紅蔽膝搖唇感
口歌吳歛昨宵甲馬營前宿大侶天公憐
不足回帆望君君不磨出沒高桅轉河曲
人生作計那可既誰能盡己不盡智積薪
居上東方愁相位還須跛男子憶昨都門
經歲除風吹乾雪塵襍糊閉門擁被謝不
出時人背笑何其踈只今船行一千里萬
事乘除總如此愛君玉雪雲中英我歌作
勞君且聽

蒲城孫世英編脩父年九十四歸
嘉遜翁院長而次各賦詩

蒲城之下嘉遜翁銀髮鬢耳雙碧瞳少年
流離老康樂布領踏醉歌春風春風畏人
屢歸去阿翁扶春春始住穿花入市爭捧
盃採藥還家共携路諸孫青襦誦魯論寒
燈夜授鄰壁聞泥深翻疑犢車險雪釋自
訝駝裘溫憶昔種松如指長俯仰鐵鉏參
雲蒼桑田變滅理固有底用化鶴來還鄉
只今翁年九十四萬事如雲日嬉戲迴首
塵中輕薄兒奔走流年竟何事

嶽麓園

積石落落雲中蹶冠以蒼松藉瑤草天柱
脩纖立晴昊絳霄雲嶽誰擊考揚許之君
顏色好冰銷為裳車羽葆永慙垢濁增扎
天湘波層瀾勢瀨漲跳珠浮玉歎洲島一
洗氛瘴蘇衆槁爰築廡麻俛終老出門倚
天心憚恍玄穎浮花落繾綣無跡空飛詭
神媪肘後藏之五色縑念君別去塵浩浩
歸來歸來守其寶

送何太虛歸山中

飄飄兩屐山中雲青眼不受京塵昏意行
扁舟本愛雪獨去五柳猶當門人言江湖
在遲暮立談雙壁非謬誤相逢挽君君不
迴落日蒼茫蹇驢去

同子唯賦水車

挈瓶之智誠有餘抱甕之勞亦良苦何人
嘗巧挾天機河伯逡巡魚鼈舞昂昂長身
卧塋岸捲地翻濤敵驕暑誰云龍骨化梅
梁未信魚身作槁柱縈紆香輪過流水突
兀雲梯卷清雨橫陳歌板促紛綸倒流谷

簾聲齟齬東家饑婦顏色惡步步生蓮空
媚嫵陽烏流爍汗成漿平陸須臾涌銀乳
推移燥濕意本同竊奪陰陽天所怒人言
無運能自至跬步周旋路脩阻不辟滿眼
看黃雲歲晚論功付梁杞君不見田舍翁
年年苦辛與我同天寒破褐麻糠覈仰視
屋壁知誰窮

次韻夏明道紅梅

江南徐生圖沒骨筆底妖妍等塵物此花
絕俗避春風東望扶桑入瑰室閭風羣仙
笑清癖故遣瓊英侍巾拂龍肝麟脯厭腥
臊以斗為盃飲真一媿然乘醉下塵寰欲
向晴空舞紅雪崇桃積李行飛翻固此貞
容莫旌別效顰不語空捧心美好何由在
粧抹懸知正色衆所忌況此纖穠逐時節
憶昨歲暮天號寒炯炯霓裳傲冰月誰言
凍吻不敢吐妙思端須續神筆飢腸雷吼
空九迴勁氣雲摩難百折人間好語詎有
盡三嗅清香應倒絕

雪汚齋那醫取靈福雪者
汗之之語為號

有容飲始如飲墨三尺之泥及馬腹平明
對鏡鮮衣裳意氣摩雲飛食肉清虛不來
空慨慷願君勿走治其狂明窓歎塵在吾
鼎淨洗絲絲冰炭腸

次韻閑閑甲子雪

絳霄僊人雲作席宴坐玄關已知白萬妃
婀娜布青陽淨掃巖疑驅伍陌飛雲散作
平地舞剪絲寧為舊時色西峰秀筆眇何
許侶換當年銅綠格洛陽之人凍吻縮詩
句那能隨燭刺大鈞有意迴昭蘇至寶無
華匪脂澤乾坤偉觀雙眼明高卧元龍須
百尺

贈錢唐吳月湖

葉右班
學黃冠

君不見後湖僊一官掉首餐神丹月明江
上杳然去唯見玉珮雲珊珊又不見她將
軍夜騎黑驪趁劍門飢來青城采芝食童
顏逸足追奔雲人生富貴那可必偷竊陰
陽亦奇崑陰符自與素書通赤松來歸乃
真逸西湖明月不可釣呼吸湖光月隨照
要知心與月同明暫假孤光敵清皎憶昔

黃霧衝八蠻解肉消盡口吻乾萬里生還
真韋尔十年老去猶凄然即今落魄隨塵
緣丹霞玉樹壺中天何年輕舉化飛鶴歸
視城郭同蒼煙

送趙君佐茶使

淮南食若如食粥清曉烹煙出茅屋生來
不識太官羊翁媪相看夸不足連綱貢餘
知幾春排檣接纜來儀真莫言此物常苦
飢船中估客肉常肥

黃臨汝以長句索筆次韻

寸錐欲墨工傳書千載妙蹟遺官奴寶貯
綠沉不易致葫蘆荆管那能無古來志士
心獨苦採菽夜畫灰成圖書窓歲月要有
限作計何必輸人鬚中山卯君被羈束論
功且復歸韓盧柳家鈎鎖本新樣內史筆
勢難為徒遂令陳生檀料事坐出妙語如
擒俘迹來八法益踈陋雞毛免毳爭庭除
姓名僅記政自可文采日泯終何如湖陰
丈人古仙伯舊嗜寶刺窺鴻都飄如晴雲
彩鸞舞勁若暖浪寒蕞舒丹研翠碣已寇

世所恨昨舌懷嘉謨竭來掘筆弄天巧下
視羅趙真其餘詩成醉墨作三絕寒室眩
晃生瓊琚

題翠山嗣禪師雜花世界

寶田琪柯天上種一一五采相紛披深根
清寧出樂國幻境變滅卑仇池藥珠駢頭
滴膏露萼綠擁翠橫新枝陰陽轉旋發天
祕霜雪饕虐虛培靈基戡泥分封慶雲護緹
室應律温風移初疑層臺閭仙下侶笑移
谷愚公癡側金布地素習結剪綵眩畫神
光奇桂宮所斧古莫徵桃源展畫人猶疑
高禪息機月窟坐微笑彈指靈山來嵌空
積鐵不受暑垂溜掛練能成滄巧翻新好
喻空假妙合頃刻窮施為溝塍衍平基局
布巖谷巉削丹泉滋流鶯弄晴暹繚繞幽
鳥觸影搖參差扶筇一觀定已駭飛觥百
罰知何辭眉毛猶存眼非眩意不落相寧
無詞

贈劉醫行禁架術

君不見東漢趙生試奇術禁架相傳人莫

測桑皮為脯水為醪耿耿千年猶廟食復漢趙炳傳今見

思得仙幸勤纂書集奇恠金創一缺完如台州土神是也

前古來長生氣為寶踵息深深神不老肯

將呼吸逐凡庸幸苦徒令顏色槁羨君妙

契合二士萬病相酬一杯水參苓遠棄藥

無功變幻須史人共喜靈龜枯桑終殞生

厲以不鳴曾見烹誰言靜默解自致奔走

岐路方喧爭我生守口今已瘖氣涌如山

空苦心湧將寸穎寫奇崛絲絲過眼誰知

音峻層瘦骨非食肉空洞無塵那有俗金

華玉瀝端可餐要俟它年梨棗熟

次韻旼惟德右司

空齋病起槐幄深碧雲道士遙相臨問之

不肯說姓字笑指庭鶴知余心昔年種松

在台北咫尺十載脩篁侵公當青春立霄

漢我竟日夕還山陰

子昂風林牧馬圖

駟馬不受人間駝春入川原草如髮老髯

背向心已知眼底玄黃總凡骨相親柳下

那作踈泯默此意今為圖竹林之賢固奇
士晚歲絕交真可吁

張氏女七歲賦

皎皎嬌女眉髮鮮筆墨為未書為田家貧
畫地當繡楮能使平陸生雲煙老蛟翻波
注甘澍渴驥齧樞迨寒泉躍如斫陣勢揮
突快若舞劍光回旋青燈阿翁夜授詩誦
聲出屋清且圓天然異質世外寶寸穎入
手真如椽流紅題詩愧飄蕩織錦作字空
纏綿遶床不憂翠袖薄玉雪晃耀蹕花鈿
君不聞祝融之峰魏氏女空中落筆垂瓊
篇閉門養姑吳彩鸞一謫人世知何年道
合變化難具言宿習妙解寧非仙

送儀上人歸天台

三百六旬塵浩浩萬八千丈雲飄飄手提
飛錫絕江去獨飲古澗長生瓢乳彪呼風
小兒語老鶴說月仙人舞空林桂落招不
來冰歇巖頭斷前路

題李廷弼歸安去思碑

人言歸安之水堪耘耔又言歸安之水宜

繭絲移文夜下鄉社集折竹作度魚鱗推
阿翁裹飯立田所大兒應官入城府篝燈
夜算尖角贏百畝塗朱費千楮慈仁李長
官眼明不識催租癩溝塍如杵舊臚理故
王之籍那可毀刮毛龜背羞作腴掉頭據
案難奉符

聖朝旱民極天際山積川量一稊米挂冠
徒步歸即休虛籍誇浮非我計弁山何巘
屹蒼溪何潺湲山君水神各有職樂意禽
魚兩相得君不聞古來吏弘羊烹劉晏死
飛蛾赴膏無有已歸安之碑立如玉父老
摩挲路人讀

題董高閑道士春龍行雨圖

清泠之淵玉為寶呼吸銀丸起晴晝昂頭
躍空朝紫京海若蒼黃河伯走積靈為氣
翻帝車坐今日觀生模糊黃雲離離覆下
地神跡仿象今為圖

送錢唐萬戶還鎮

秋風八月錢唐潮三千組練平明曉吳王
故宮草凝碧一塔突兀凌昂霄將軍宣威

立油幕手燃羽箭調青鷗穿空盤旋彩雲
 墮藉草燔炙羞肝膂酒酣意氣擊玉斗垂
 手逞舞花容嬌百年繁華等流水金谷翠
 樹隨塵消平湖堤柳千萬縷時繫落日傳
 笙簫宴安侈習卒未盡癡兒駭女猶喧佻
 名王之孫古英武韜鈴夜誦聽寒刁徒兵
 畫閱逐奔馬舟師夜渡追輕舸坐令長城
 鎮南服鱷鯢落膽夷茲妖煌煌輿圖久燦
 戴戴燕九陌嘶風騎骨中武庫貴商略談
 笑橫梁真雄超丹書之功在金匱願趾世
 嫩輝 皇朝

嗣天師墨竹

玄雲空飛着無跡濃淡晴溪護寒碧碌碌
 玉石圓且奇古澗因依養顏色僊人紫宮
 朝未移平安日報春熙熙生綃陳情寓初
 意為問白鶴來何遲

送趙簿正卿歸養胙城

淵明投憤酒初熟弘景挂冠丹始成何如
 奉輿歸故里夜聽慈竹平安聲食蓮分甘
 含雲冷得魚入饌泉水清門前槐柳綠陰

直會有雙鶴飛來迎

送保寧萬戶出鎮

古關州

鶴樹飄紅蜀帝飛錦屏橫空十二眉天狼
 夜沉北斗正筆花列陣書成圍拾遺舊題
 山鬼嘯文石縱橫碧苔燒將軍好文歌太
 平桂酒謹迎棹潼廟

子昂寒篠枯槎圖

靈柯連蜷排石角海風吹秋折繁萼亭亭
 明玕左右從呼吸玄雲起陰壑猛思誓欲
 窺河源從者亦返清冷淵河源露重星巖
 莖清冷之淵多蛟龍上天下天意沉惻化
 作蒼龍張素壁王堂之僊墨成沼穎脫淋
 漓翻浩漾鐵幹飛光明月流翠節參差飄
 窈窕昂身突兀太古春崢嶸赤立驚絕人
 支頤觀象洞玄化芳朽成歲非吾真

澧州通濟橋

洞庭水發波湯湯老蛟挾舟恣低昂何人
 空中化樓閣斷鼉為石虹為梁澧陽太守
 默無語朱墨塵深失修舉萬里南來春未
 歸離家想爾曾題柱

近有善書僧日温妙明温華亭人
明眉山人也余嘗識明于玉几山
其年未四十温老矣余識于靈隱
視其書之高下亦類夫年也閏十
月有僧携明書示余遂各為一章
美之且記二子之出處焉

老温作書誰授訣少學潘郎繞城帖興來
搨筆弄春妍霏霏芳叢開飛蝶平生大字
顏魯公晚復真故少露鋒論功古法雖未
至瀟灑要是僧中雄醉裏蒲萄墨為骨秋
葉東西雲鬱勃裹縉急點數玄珠不識公
卿是何物只今書畫名已傳華亭鶴唳悲
流年西方金仙在何天寄聲為了塵中緣

其二

蜀明貌癯肩聳山我與之語清且閑聞其
作書誠險艱自製美筆出袖間流落金題
入清笈魚鑰無聲帳中閱暎水寒尊凝素
波側石枯藤挂斜月西風玉几雲翻翻黃
衣渡江聽清猿逢人醉寫數十紙山僧示
我相誇傳歐陽父子病骨立誠懸繼之天

為泣楚優抵掌真偶然妙解無言君合識
善之攜酒招游西湖值雷雨分韻
得杯字

南山樹影糊輕煤北山雲花玉崔嵬絕憐
我輩少姿媚幻此異景窮奇瑰湖光山色
兩愁絕更挾新雨除飛埃千年龍公睡忽
醒頃刻駕浪鞭春雷我生倦游端有意陳
迹黯淡湯蒼苔擬將鐵笛寫清怨復恐翠
袖含餘哀主人但恠不解樂故結勝侶携
樽疊翩翩六鶴舞晴翻華表清唳雲光開
絕憐山雞強聯翼照水寒影空徘徊謝公
屐齒殊濟勝偈云蓬宇徒低摧娟娟新青
故堤柳片片輕白孤山梅春風佳游詎易
得相與一笑同銜杯

賦金華方君雙魚硯

海上鱗魚雙鬣紅振鬣直上嫦娥宮侶嫌
嫦娥太孤絕耿耿冰雪難為容須臾海枯
不可下駢頭躍入空巖罅翠藤交絡石罅
深太古風雷催變化得意相忘睡酣熟開
眼重光弄蛾綠跳銀破練何足奇共飽雲

腴作寒玉良工感此同死生冥搜巧琢存
其形世人翕霍湯勿頸對此三挹顏為赧
玄英聞孫古俠士脫粟論交傾意氣竭來
風雨泊江干拂拭雙魚落清淚平生謝子
金石交詩魂寐歷飄黃茆此中濡毫作新
誌免與俗子同譏朝

寄張伯雨道士無簡鄧慶長二首

寢扉曉入香爐雲尸坐朝日雙臉醺南山
鐘磬侶有約北山禽鳥如相聞楊枝低昂
碧霞袖藕葉清淺青霓裙更欲深居入林
壑築壇夜禮三茅君
越羅作衫花纂纂今年身長覺衣短垂虹
大堤迎棹船綵袖翩躚酒危暖還家閉門
百不知桐葉題詩綠陰滿鄰坊為約張隱
居細雨湖橋乘款段

清容居士集卷第六

清容居士集卷第七

古詩七言

煮茶圖 并序

煮茶圖一卷髣石窻史處州燕居故事
所作也石窻諱文卿字景賢外高祖忠
定王曾孫儀觀清朗超然綺紈之習聚
四方奇石築堂曰山澤居而自號曰石
窻山樵此圖左列圖卷比束如玉筍錦
繡間錯旁有一童出囊琴拂塵以俟命
右橫重屏石窻手執烏絲欄書展說疑
有所構思屏後一几設茶器數十一童
偃背運碾綠塵滿巾一童篝火候湯甕
層望鼎口若懼主人將索者如意塵尾
巾壺硯紙皆纖悉整具羽衣烏巾玉色
絢起望之真飛僊人予意永和諸賢放
浪泉石當不過是而其泊然宦意翰墨
清灑誠足以方駕而無愧甲午冬十月
其孫公疇出以相示因記而賦之以發
千古之遠想云

石窻山樵晉公子獨鶴蕭蕭煙竹裏月湖

一頃碧琉璃高築虛堂中
江堂深六月生涼秋萬柄
風搖紅旖旎遵南更有山
澤居四面晴峰插天倚憶
昔王門豪盛時甲族丁黃
總朱紫曉趨黃閣袖香塵
俯首脂韋希雋美一官遠去
長安門德色欣欣對妻子
豈如高懷脫榮辱妙出清言
洗統綺郡符一試不挂意
岸幘看雲卧林壑平生嗜
茗茗有癖古井汲泉和石髓
風回翠碾落晴花湯響雲鑿
衮珠藻齒寒意冷復三咽
萬事無言歸坎止何人丹青
悟天巧落筆毫芒研妙理
黃梁初炊夢未古舊事淒零
誰復紀展圖縹渺憶遺蹤
玉珮珊珊響秋水

贈張玉田

循王五世孫
來都設下肆

將軍金甲明如日
勒馬橋邊清警蹕
淮壖徹衛羽書沈
置酒行宮功第一
蟬冠熊軾填高門
英英王照稱聞孫
張鉞號物齋
堂名王照百
年文物意未盡
玉田公子尤超群
紫簫吹殘江水立
野雉驚塵暗原隰
夜攀雪柳踏河冰
竟上燕臺論得失
丈夫未遇空遠遊

秋風浙瀝銷征裘
翩然騎鶴歸海上
一笑相問誇綢繆
兩曜奔飛五朝夕
璇府森芒蠹莫測
要須畫紙為君聽
落落筆嶂黃期破
的壺中白日常高懸
道逢落魄呼醉眠
清歌停雲意慘淡
倚聲更度飛龍篇

題子昂浴馬圖

首着原空雪新積
群馬飢鳴渡江食
大梁公子心未平
一匹宛駒萬夫敵
圍人初浴意氣增
跨戀已晚知無成
雲窻徘徊悄無語
掩卷索索猶風生

送倪德進歸番禺

書眸的的垂玄珠
辨口落落傾冰壺
寶刀挂壁指閭闔
扁舟挾浪辭東吳
低昂黍禾故流道
隱沒桑棗遺宮墟
仰看浮雲勿復語
俯視逝水誰為圖
天衢晴塵接冠蓋
石室古簡搜盤盂
大冑置身並班馬
小却論事追唐虞
懸知擔簦要有得
永愧折簡終難呼
深春無人碧桃靜
落月在屋冥鴻俱
歌聲清琅振金石
筆意橫逸搖瑤琚
苦心寧為爨下木
怙首不作轅中駒
牛毛取士

固當走魚目眩世徒爭姝平原飛埃宿麥
盡長河奔潦柔桑枯還家勿陳賈生策閉
戶趣著神農書相思我亦返屠肆靜念子
豈淹田廬

送僧德芬過松江

海門山人捐竹杖笑指飛濤挾雙槳雲間
鶴唳耳不聞洞下龍歸夢猶想我聞諸天
亦官府一息塵寰總調御黃花滿院人跡
稀霜月離離在前戶

憶陳道士

空巖羽人氣為祖玉立秋空振玄古酒酣
高嘯裂行雲直上鈞天聽漢武白雲一去
誰遺情掉首不問人間名當時雙瞳傲餘
子猶有翰墨傳孤清紫綸交馳丹闕下人
道山中多僕射黃金蛻骨碧藤深夜半寒
光明月價飛鳧縹眇山鬼靈蕙殺一薦端
貴誠欲從桂父乞僊露虛北田漱笙竽聲

病馬圖

青絲屈曲長安道卓午歸來甌中老側身
仰天思遠遊口不能言顏色悄奚官却立

深有疑侶言非病那用醫願乘長風迅絕
足一息八極歸瑤池

次韻張伯雨梅花島

雲屏油幕低覆垂晴日倒映黃琉璃孤根
自有巖壑趣屈曲緹室情依依魏莪青女
來藥珠赤脚獨立層冰渠燧人當陽朝寶
鑑金胥簇陋催銅壺何人曾中藏九島內
火迴環不知曉咄嗟已辨天機深頃刻能
成化工少陰陽在手司帝春坐窻更試明
憲塵江湖遠涉汝良苦門外萬竅笙竽吟

次韻渭川春玉圖二首

至人虛心實其腹手種琅玕如種玉晴雲
散墨春思浮咫尺經營千畝足清標亭亭
儼矜絮笑脫斑斕賜膏沐揚旌植森神君
遊萬籟無聲江水淥此君之志那可量榮
辱相忘在空谷大宜蓬萊之三山小宜武
夷之九曲前如綺園歌散芝後若夷齊侍
孤竹隴麋之墨清且奇脫落玄黃乃真目
幽齋尸居耿相對有客叩門深絕俗天空
日沈碧雲湛細酌寒泉茗秋菊夢迴倚杖

森在迂燁燁雙瞳鬢深綠

瑶林群僊歌捧腹鮮帶蘭皋指佩玉深知
五采眩空花守墨空巖思濯足層冰急雪
成九轉重露輕煙方一沐湘君寶瑟調初
絕唯見遥峰蘸寒淥長空旋宮起萬籟翠
袖無言守山谷紛紛落葉漫渭水耿耿殘
花守韋曲論功歲晚端有意深愧群英不
如竹森然壁立聯堵墻變化淋漓傾衆目
高人宴坐不出門一榻常懸謝鸞俗每令
此君當上坐末席餘清友松菊回首故園
新雨晴無盡春風吹草綠

忍怒堂大都來氏

汝南堂堂卧雪翁飲寒閉戶稱高風吳相
亡何不知止二石醇醪能脫死吾宗高標
兩都史餘子紛紛那足比人生遇事何強
真百年歲月籠中身水清之魚鈞滿餌白
鶴出林紅鶴忌君家兄弟如聯珠熟視不
語疑模糊連理之木多慈烏大兒拱立群
雛趨家僮大勝千木奴冬園芋栗夏芙蓉
壺有美酒架有書不識喜温真何如門前

駟馬填華裾

飛鴻軒新安胡則大

冥冥天機衝紫霄炎洲雪嶺窮遊逸鶴羈
一枝掩目避始信懷土非吾曹勞生貴賤
各有適攘臂何人限南北三足之鳥今不
停寒暑周迴短長刻

李士弘枯木風竹圖

為王陸陳
又新作

狂蛟舞空蒼髯擊雙鐵蒙頂雲交加亭亭
霜標不受悔慘澹天籟扶槎牙西山古淵
人莫測一柱承天萬牛力會須截玉化波
龍拂拭苔光遺劍跡

題茅山道士雪梅障

積金峰頭雲五采天女行空散珠琲為憐
絕怪一枝春玄墨敷調增蓓蕾因風飄零
顏愈真竟日靈藏氣逾倍油轟紛紛成素
旄積鐵離離增練鎧坳如側杯頰承露亂
若銛刀續剪綵雙龍扶軻擬欲上萬馬飛
塵卒難況高齋鐘磬日未曛徙倚橫斜眩
銀海憶昔西湖極遊歷真與逋仙澆菟磊
後知色相端有空百念灰心付真宰我我

茅君儼不死秦帝嘉平年首文精思萬林
元炁存衆卉群芳羞皚皚閉門緹襲坐蒲
團長恐夜深風雨改

廣信奚君靜能家鵝湖以太府掾

出補南康簿子慕其仕止皆武夷

先生講道之地叙言其異同幾於

贅因成長句亦欲知夫先賢箴警

非二途近世學者駸駸虛玄則知

武夷晚年持守之論非矯可不慎

諸

鵝湖盡日鐘磬清不聞昔時絃誦聲愛君

卜居在其側編簡插架猶談經當年群公

水蒼珮繁繁寒芒德呈會投壺雅爭非世

情餘子承風增毀背康廬招提無極篇希

夷入道從茲傳百年脣吻互朝鄙經緯妙

密同先天兩地斯文實元氣宦遊家居總

奇事稽古紛綸三萬言顏生屢空心晏然

次韻王道士其人弟子其韻不

潭潭古僊浮玉顏憫世壯志金城堅丹霞

歎壁接霄漢過客吊古猶思賢王君碧瞳

水蒼珮深恨望諸書絕燕丘公蟬蛻七真
化青史誰能繼二班

送馬季權之官平江州碧梧丞

咸淳十載兵塵高漢江之水纔容舫耽耽

太傅亂天緯權船兩翼鳴春濤中書蛛絲

守空印片紙除書魚貫進相府門前青草

深破席踈簾雙白鬢扁舟疾走歸番江百

城破竹爭迎降紛紛成敗付野史玩芳攀

卧唯軒窓往事淒迷踰四紀華屋空梁歸

逝水洞庭木葉三閭愁淮南桂叢八公死

京城即今相邂逅傾蓋忘年總論舊潁州

推官家譜傳岳陽樓頭水浮天

宋誠甫押送交趾使之武昌

飄飄蒼珮乘風來下視漢水如浮杯坡陀

環堤舊亭障鐵笛穿石聲崔嵬武昌之魚

不可食昔人作歌何寂歷隔江小城大如

斗枉使邊軍暖鋒鏑古來相傳用武地今

作薇垣鎮官吏猩血繁纓金齒來犀皮屬

甲雕題至碧瓦門深鼓角高羅庭椎髻聲

嗽嘈銀甕蒲萄雲葉重錦毳叱撥風花驕

深知王臣有奇筭，蠻使低頭輸密款。勸君莫登黃鶴樓，勸君莫停鸚鵡洲。黃鶴之人白雲杳，鸚鵡之客蒼煙愁。愛君手中青鏤筆，能寫牙籤三萬帙。迄今舊史難整齊，屢屈先皇詔頻出。玉堂日正槐影長，汗青之簡光熒煌。請君直書亡國事，還作觀風窠字記。

送濮陽陳景臯之官忻州

陳侯直氣摩青雲，天馬脫駕羞駑群。毳袍昌言高坐聳餘子，俛首卑塵氛探囊奇策得要領。炙轂妙語通氤氳，京城久居閱冠蓋。酒觴碁局忘昏昕，平生植竹嗜好古。膏沐服食童顏醺，往年濟陰試敏手。桑柘戢戢春田耘，政成烏府考上上。擊鮮釀秫歸榆粉，窮冬邂逅色骯髒。近錫符竹州名忻，自宜骨鯁任獻納。或佐輦轂輸忠勤，群公歎息各賦詠。跋馬操袂愁離分，緬思河東舊雄鎮。甲騎出塞宵踰汾，即今樓臺歌響集。囊下纂纂紛紅裙，愛君胷中人物論。發硎破的無虛文，蓋公之堂本清淨。解帶卧

治收奇勲，此君相從匪朝夕。晝簾煮茗看鑪熏。

送湯道士降香武當山

紫衣山人眼如月，朝捧天香辭鳳闕。柳絲輕拂桃花驄，屈曲層巒過俊鶻。澗中黃銀如僕姑，清淺閃爍隨菖蒲。水流東南天轉北，橐籥妙化誰為圖。沉沉玄帝道淵默，手握神機合無極。密調六氣佐璇璣，魑魅潛藏百神職。暮春之初，傳降靈闕。世已久難稽，評龍虎之章端。莫測龜蛇之光杳，無跡

過高郵湖

七十二湖春浪濃，風刀剪霰跳玲瓏。參差凍柳皂纛重，偃首俟命朝珠宮。淮南田父身龍鍾，灼龜瀝酒占年豐。舊秋積水挾豐隆，長魚揚鬚蒲蕩中。桑顛高下棲冥鴻，黑禾生耳隨飛蓬。瓢囊扶携出城東。

至治天子達四聰，詔書寬大蠲民農。秀麥拳拳翠織茸，赫日出海扶桑紅。歲熟於酉年相逢，擊壤鼓腹歌時雍。展牲美報湖神功。

趙昌荷花

我家東湖三百頃，瑞錦縱橫綠雲凝。森森
晚氣天香飛，星斗光沈水花淨。遠如嬰兒
脫文縵，近若胎僊臨玉鏡。瓊杯欲側兩絲
垂，金掌初調露珠定。盡將機心付鷗鷺，小
兩輕煙穿短艇。京塵烏帽二十年，夢入滄
洲寄清興。趙生畫意不畫格，淺粉輕砂養
真性。韜精斂容羞自陳，三沐無言月華靚。
邇來馮於號，能事老嫩風晴毫髮證。玄黃
已辨神俊枯，逐影之人道中病。高堂視此
青琉璃，香色俱忘保清靜。

京尹旌門

泰山之溜石可穿，磨礪為鏡不問年。人生
作事貴苦堅，砥節厲行通蒼天。武清之祠
世所傳，出門重趼神已憐。五里一堠拜漸
前，寶鑪當曾起霏煙。念我母疾醫難痊，帝
叱二豎沉諸淵。秀眉鶴髮人中僊，伯仲叔
季舞踰躑。脩齡已盡街，苦窳烏傷栢慘羅。
墓田劉愷丁鴻孰，為賢煌煌神州風。化先
槐柳表道綽，楔懸摺紳交喜聯。序篇太史

屬筆慙非椽

乘鸞吹簫圖

繆公荒淫亂天紀，纍纍宮中四十子。懷羸
復作重耳妻，區盪相揮國深耻。娉婷弄玉
誰復看，參差窈窕能合歡。築臺虛聲出天
外，詐言後夜同乘鸞。人言神僊能不死，橐
泉之墳露遺址。哀哀黃鳥飛復來，良藥刀
圭竟誰致。高辛之女隨盤瓠，漢愁匈奴遣
公主。一身能解百城圍，鄙計咄嗟笑千古。
天台之事尤荒唐，劉郎阮郎歸洞房。石橋
雲深樛木骨，披圖相看儼同傳。

雲岡圖為王叔能作

白雲晃晃虛飄飄，群峰磊砢通危橋。蒼髯
側挂截地脉，素練直下來山腰。是中樓閣
誰所居，翠篁高拂寒光遙。憑虛望遠意莫
盡，振衣獨立搏扶搖。王侯出守山水郡，逞
懷盤礴窮清寥。一日不見輒憤憤，卧遊想
像歸生綃。信知俗子謝不去，濟勝有具難
為招。

贈吳江宗尉

太湖三萬六千頃，穰極秋風政相並。吳船
跳擲如飛梭，鳧鴈參差白雲影。連年田舍
無炊煙，吳船出沒平湖前。縣官打衙入湖
去，弓刀夾棹魚升天。元憲之孫為少府，岸
憤看山揮玉塵。飛蝗避境虎渡河，吳船雖
多柰我何。

與相士王月屋

世途紛紛黑如漆，暗中摸索端有術。何人
竊藥廣寒宮，碧眼淋漓論得失。虜頭之子
藍且醜，牙菁夜深鬼神守。麟臺功次不論
渠，當道相逢須疾走。

廬陵梁醫濟生堂

上池之水人莫識，三揖東華借餘瀝。瞳光
透碧千里懸，二豎蒼黃離衽席。南康昔有
劉神醫，鶴骨變化芝朮肥。入門逆意望且
走，吾今見子同其機。

次韻史允叟檜屏

蒼雲之根百歲植，巧匠屈曲空採蟻。淨如
翡翠立亭下，矯若么鳳依闌干。崢嶸要使
頭角出，鞭霆駕電超雲端。扶春萬條豈不

好，猥瑣籬落迎霜殘。君不見，姚江參天兩
雙檜，至今風雨之夜猶清寒。

次韻蔣遠靜

蔣氏祖五代末，與借為友。借落
魏乞食市中，六十七兒常負囊從
之。一日與蔣浴江中，視其背有
目，蔣驚異，是日借化去。迺編勒
也。留布囊與別且云：蔣
氏子孫當代有進士。

唾壺塵尾手所持，白眼對客客不知。出門
俗子多敗意，三語之掾真吾師。曉窻新沐
綠陰淨，碧雲奇峯生九疑。隔隣書聲入幽
耳，茶甌散花酒浮蟻。百年行樂在適意，燕
領頭顱空萬里。君不見，燕山俠客多苦寒，
出門悲歌來日難。

同龕彌勒誰總持，沙上偶坐忘所知。布囊
相傳陋七葉，密記端是人天師。愛君清言
漱金石，酒酣硬語輕丞疑。亦知造物端戲
耳，一室尸居旋磨蟻。東鄰花發西鄰歌，咫
尺相思隔千里。陳郎之約不可寒，我眠痴
去人所難。

廬江羊孝子，兵難時兄弟三人與
其母被掠為奴，後十年復得完聚。

郡表其閭

君不見觀津竇廣國傳舍沐頭深記憶時
 來徒步入長安握手相看淚如滴又不見
 杜羔孝感為尚書兵前失母長歎歔一朝
 老嫗忽邂逅郎君玉貌猶吾夫淮源鐵騎
 排雲來戰骨積雪飛寒灰小兒纍纍繫馬
 尾鬼妾赤脚驅車迴黃塵漲空日將暮母
 子弟兄不知處只今總是太平民那識當
 年亂離苦人言缺月定有圓馬能生角石
 可穿亭亭高門拱槐柳更灑鴻筆傳青編

送潘元卿續溪邑諭

君不聞黃山種松法纍纍如珠茁如髮十
 年拱把百年梁華表相看化豎魄又不聞
 婺源之山高入雲黃流夜作河漢奔醜渠
 漩渦濟川具帖首萬折歸天門魯中之壁
 神兩惜龍馬成圖帝為錫韋編索隱年益
 着此道誰言深默得紫陽老人心習高番
 髮執簡窮秋毫即今羣經束高閣上擬混
 沌中唐堯拱手臯比立環堵哆口紛紛角
 門戶君看黃山之松婺源水師友根源政

相侶

次韻黃松瀑自廣信見寄

開元天子書石經雉頭焚却邊宇寧合宮
 宗祀廣致敬底用物馬登云亭林林碑臺
 刺新出嘉禧殿前稱第一小臣捧
 詔渡江南薑尾渠眉耀晴日裝成分賜諸
 王宮餘墨淋漓遍孤棘古文偽出今文訛
 斷簡誰能究佔畢黃僊盡日鉛槧忙語言
 冰雪容堂堂明時孝治邁千古願借鴻筆
 歌陶唐時奉旨刻八分李經

題黃居寀蒼鷹擊雉圖

坡陁肅秋塵四起逆風雉飛疾如矢蒼鷹
 矯矯凌空來注目穿胃紅披靡山雌藏頭
 入荒篠四視其雄端一死玄雲摩盪寒光
 浮側身翻雲轉輪翅急如冠軍赴猛敵緩
 若計士藏深智蜀山巍高翠周匝狹徑交
 衢不容馬黃生養之愛神俊勇氣縱橫怒
 盈昔想當落筆望平坂回首當關真劇戲
 君不聞其裘可學端有傳諸孫射生養殘
 年黃筌養鷹學畫鷹諸孫皆成獵師

送廬陵陳存道赴廣州教授。

君不見端平崔相國竹杖角巾老辭蜀清
名高節耀千古寒菊孤香出林谷又不見
咸淳張狀元落落大對三千言流離抱忠
葬魚腹要使名字傳遺編即今聲教震南
朔此州文獻端磊落荔枝一色紅雲蒸葛
蒲九節清溪明當年中州人物論風度曲
江之公唐帝顧吳儂信父互譏評坐使官
曹異銓注吾聞八桂山峯如玉簪衣冠之
氣連青雲穹龜負碑百神拱色羊跨乘群
僊尊翩翩陳子天都客萬舞充庭考金石
笑觀滄海雁浮漚鵬飛暫作天池息

送毛道士降香嵩衡淮海

我所思兮在嵩嶽神清之洞何駭愕參差
弄月秋氣高王子飄飄醉騎鶴少室山人
蕙帳空君今駿馬凌春風山中齋聲呼萬
歲我欲同君學蟬蛻

我所思兮在衡山重華玉珮聲珊珊芙蓉
石床秋水冷木葉飛燈光耿耿軒轅道士
人不識澗底拾薪鎔白石我欲與君上九

疑萬民樂康明聖時

我所思兮在桐柏寥寥帝鄉今莫識潛流
倒注平淮成天塹曾為萬人敵金龍護簡
帝令森蜥蜴俛首穹龜沈我欲與君探其
底五兵長纛樂平世

我所思兮在南海鐵網珊瑚援手採沈沈
雲氣方壺深絳節神君侶相待海中颺母
方頑癡朱書短札能捕之此中奇觀通扶
搖吾欲與君觀沃焦

贈番易劉生振

我欲贈君珊瑚枝君言不如貽我雜組蹕
我欲贈君懸黎珠君言不如貽我盤盂書
長衢飛塵日卓午觸暑東遊甬江許目光
陸離衝紙背徑上河源窮織女龍圖龜書
杳無跡弄丸冥搜矢穿的空林看天無底
青虛室生雲十分白幽蘭叢深不當戶盤
露凝膏敵瓊醑泰山積溜石可消鐵硯玄
花散晴乳林林白袍校詞藝鷓鴣鶻淬鋒儼
初礪身同蝶化入寥天欲伴飛僊更斫桂
彤庭會弁開祥雲河口真人昂昂

曾中治安策慎勿謾與深彌綸萬里之行
生足下黃河層湍及奔馬參差柳色暗皇
州龍榜高懸動朝野

句曲山迎真送真詞二章

往歲在翰苑嘗草三茅君制書
近張伯雨道士章示陸魯望句
曲山朝真辭二章蓋每歲大茅
君十二月二日相傳縣天台歸
茅山春三月十八日復歸魯望
所製迺十二月而三月獨歸魯
不按用韻以補後章柳字書
即緯字古率字作華呂道士過
之三茅因書以寄且為異以予真
之資伯雨詞氣清簡必以予言
也為誦

參差窈窕行雲急翠旌飄飄露華濕神君
夷猶疑未來矯首精思各山立瑤臺章微
星斗冷碧扉丹透紅流影春雷迸壑人不
知獨鶴眠松已先醒

右迎真

妙顏朝迎寶衣解乘龍高駝賦遄邁山中
老人年送迎一酌寒泉過玉壑翠氣紛霏
森孔蓋挾以流鈴光燁燁帝子高歌歸去
來白月追雲送飛珮

右送真

龜蒙詩云九華居客寒泉急十絕
翠微然司命終姓未下來焚香抱
神空洞靈華發冷映月纓花醜
紫雲鳳驂飄然解玉斂玄竿礙
真弟子情無言再拜碧杯添沈
跳躍龍一毛益腦髮青靑外開
象消沉一瞬息間空餘月外開
殘碑

贈呂興之

碧窻獨對中秋月伴怪腦華雪霜白瘦筇
直上大茅峰長吟冥思啓玄籥綠蘿丹騰
紅欲走我欲拾之難在手畜精超形朝紫
宮下視塵寰等蒼狗

送瞿伯器還吳

輕鷗不受機心縛良馬端隨敏手馳鄞江
井邑十萬竈簿領積几窮緒披瞿君坐曹
談笑決長官驚誇里閭說豈惟煮茗挹清
風復解停杯問明月澄江雪浪催歸舟洞
簫聲咽行雲留明時掄材在濟用佇看公
府交章酬

竹素園

網帙不作飛白體漆簡端微殺青書哀哉
瀛王兔園冊自比稷禹今何如陳生歌聲
夜漫漫手織雲錦餐琅玕丈夫書功夙有

頽蕩節束帛光丘樊

松聲樓

層樓突兀觀芸芸萬籟沈寥天地分初如
盤車出層巘宛若幽磬穿孤雲上方禪寂
念不起但見白鶴來續紛金鐘風篁儼相
答有客掩耳元無聞

阮受益携郭功父杏山詩來求題

迺知為名門所作因次韻

萬翁迎曦侍東皇笑指梅根之陽岡手揮
桃李植文杏春至古澗流紅香杏華飛時
爛林谷錦繡為天漫翠木即今不識空陂
龍猶指當年舊乘鹿紛紛機事危黃間披
艾之植誰猗蘭青松迴風太古籟移居之
老時回環兩曜跳丸今幾載阮氏隱居端
儼在金章紫綬先譜承鴈塔龍門耳孫待
翩翩俊翮海門山我欲挾之周九寰精思
義皇粹六籍迄願閉戶窮鉛丹支辭濫說
眩媿母正色危坐當前顏神僊之說不可
學月窟謹規環中環

送林以道歸括蒼

書生作官端作勞撫拾歲月如聚毛行年

六十甫墨綬又見納祿還林臯礎溪之翁
誠有道采芝妙顏夸不老明時貪賢在壽
俊未信吾徒竟衰槁君家周官擅彌綸經
緯表裏通天人那能望塵拜太守振衣黑
髮前旒陳松花霏霏散黃霧春盡還家美
無度篝燈讀書目光曙承明之廬我當佇

題明皇擊梧桐圖

胡兒手持玉環侍君側睥睨阿環非一夕
宮中秋葉奏清商笑擊孫枝工按抑嶧陽
之材雲門曲能使薰風生衆綠如何促召
羯鼓催開紫妖紅看不足馬嵬坡下催進
程琅璫檀板悲霖鈴緬思康衢擊壤叟帶
索行歌不知老

清容居士集卷第七

清容居士集卷第八

歌行

吳船行

吳船團團如縮龜終歲浮家船不歸茅檐
 舊業已漂沒一去直北纔無飢清晨煮茶
 茶味惡薄暮熬壑壑力薄不憂江南雲氣
 多止畏淮南風兩作去年水淺留金溝今
 年水深上新州終朝但知行客苦盡歲不
 識離家愁大兒跳踉新九歲小兒學行蓬
 作地維舟未解石舟牢盡日擊篙仰天視
 吳人不解為船頭娶婦通姻譜知是淮南
 舟終日操篙船頭儂莫怨尤它年水深為汝
 捕魚戶寄語鄉儂莫怨尤它年水深為汝
 憂

淮船行

淮船船薄薄如紙客行船頭怒如鬼布衫
 漆黑鶻雙拳避逅相爭渾欲死船長不識
 丹腹巧却識江雲侶飛破風來急鼓響擊
 葵轉艣爭蒿復喧鬧淮東燒鹽白如玉我
 船輕行一萬斛淮陰米麥如京坻我船破
 浪帆如飛為語吳儂莫相勝昔日汝輩同

嬰兒蜿蜿淮山起晴翠船已辭鄉不相對
 轉蓬它日望江南猶勝當年吹出塞

越船行

越船十丈青如螺小船一丈如飛梭平生
 不識飄泊苦旬日此地還經過三江潮來
 日初晚九堰兩慳河未滿當時却解傍朱
 門醉眼看天話長短年來官府催發綱經
 月辛苦鬢已霜布裘漫作鮮貂具入門意
 氣猶猖狂自古魚鮭厭明越明日今朝莫
 論說買魚沽酒不計錢被髮江頭傲明月
 勸君莫作越船婦一去家中有門戶沙上
 攤錢輸不歸却向鄰船盪雙櫓

清明行

東風吹柳鵝眼新家家清明忙殺人微雲
 細兩作春色輕車急馬團飛塵大墳崇臺
 甃花石新檜珠幢當戶植小墳纍纍俱土
 堆高下尊卑人莫識豚肩韭餅雜珎味水
 飯飄零多古意把杯直欲酌重泉頰首填
 膺下真淚須臾無言各環坐折柳攀桃爭
 啜炙新愁已向眼前寬舊事翻疑夢中過

行客徘徊亦留薄暮狂歌下前坂悲歡
盡日總春風白髮年年不知換君不見江
南卿相墓五鳳飛樓鎖煙霧諸郎錢癡恣
歌舞不識當年出勤苦楊花飛盡猶不來
空有啼鳥滿荒樹

河船行

黃河之船如切瓜黑金鋪釘水爬沙高桅
不肖著船底四面綯索相交加輪困薪橐
浮山來淮船爭避吳船開往回南北任衣
食不學蕩子多嫌猜好風千帆亂流去我
獨抱辛走行路後來宴安多後虞一失天
公不相顧解凌已過桃花來黃河正月三
月為桃
花水沂流九曲揚飛埃不聞赤鯉上天
上但見魚鼈爭喧逐船前養驢豕同園借
力於驢共牽挽莫嫌我鞭太麤毒大勝江
南人代畜

鞦韆詞二首

鞦韆高整垂楊樹紅綠周遭華表柱誰家
女子惜餘春東擲西拋不停住不停住日
將暮莫送飛花上天去雲間緩聽玉參差

為問乘鸞在何處

河外吹沙沙裏塵鞦韆架上望行人桃花
柳綠今如許卻背春風踏沙路踏沙路不
歸去泥鶯紫燕驚相語明日清明應未知
回首江南夕陽暮

天祿硯滴歌

為硯山
參議作

君不見南陽宗資墓傍地刻石棱棱絕相
似荒榛暗草風雨頑墨本摩挲了無意又
不見光和玉堂銅作模爬沙引水如渴烏
清流我輩不堪用室與乳臭供歡娛那似
南唐李中主玉軸牙籤日容與聚金為寶
化黃銀一寫形模足織鉅口銜紫芝不敢
茹微捲清波恣吞吐千年異質變真態畫
日書窗起煙霧慵軒老人金鑿仙筆底萬
斛醜清泉坐令口吻不敢燥俛首效用誇
無前麒麟瑞世那可忌獬豸觸邪誰願憐
要知此意政相類可與石鼎同烹煎憶昔
漢家劉生滯空閭青藜一星隕飛魄彼將
辛苦了殘年猶勝時人譏寂寞江南病子
塵滿骨萬事無言成鵲突願求一滴洗餘

昏却怪王公無長物

新安芍藥歌 送胡伯恭之婺源

洛陽花枝如美人 點點不受塵土嗔 輕朱
深白鑄顏色 高亞綠樹爭精神 那如新安
紅芍藥 透日千層光 閃爍碧雲迸出紫 疏
璃風動霓裳凝 綽約我聞種花如種玉 盡
日陰晴看不足 微雲澹蕩增寵光 細雨輕
濛賜湯沐 何人看花不解理 香雪紛綸手
中毀 酒酣跌踢空低昂 得意須臾竟如此
翩翩驪雲中 君愛花直欲留青春 青春春
如流 欲歸去 明年看花君合住

天瓢歌

天瓢之液如黍珠 緹以十襲拱萬夫 帝青
寥寥誰可上 回風扇坐揚焦枯 何人夜坐
守瑰室 九關清嚴集虛一 河車歷錄雲迴
環 帝鼓奔騰山鬼泣 中有一老翁 絳旂朱
幘 鞭飛龍手持赤字書 直入玄冥宮 取瓢
上天去 羲和側馭追豐隆 人言此瓢不易
倒 瞬息人間成浩漭 聊將戲劇轉清涼 玉
散珠跳為渠好 積神為寶寶乃成 語默變

詭通僊靈丹臺紫府杳無跡 丁公壬女徒
多名張俠之妙不可詰 見月入水月豈濕
鮮衣倚樹寒滿襟 遠視銀河暝如漆

晉寧丁節婦歌

明月何團團 不照孤飛鸞 妾心無虧盈 留
作白頭看 堂前青桐樹 慈烏旋繞來無數
朝引三兩雛 返哺日落聲嗚嗚 誰人挾彈
闕我烏守樹 長泣眼為枯 人生莫作陌上
花 東風飄蕩隨泥沙 望夫之石何亭亭 不
如長衫立素屏 流梭夜織燈青熒 黃姑側
聽中屏營 天帝與植雙桓楹 木盤可鑽河
可塞 千年苦心誰復識

哀牢夷 送張子元 命事雲南

哀牢夷 蒼山疊翠雲無梯 洱河西傾去無
底 晴日倒射紅琉璃 相傳沈木兒 背坐曾
遨嬉 築城蜿蜒侶龍尾 千古髯君乃其始
縛繩駕長橋 皮船中蕩擢危巔 石樓高百
尺 子孫生長今漁樵 空林明月手可拾 仰
飲飛流鬚髮濕 寒藤胷徑側 足行飢猿兒
啼 鼠人立 慘淡虛無間 鳥道開人窠 峨眉

東望止一髮參旗玉井閃閃上下隨躋攀
君不聞木皮岡前九折坂客行胡為車欲
返又不聞青溪關上三碛城纍纍戰骨耕
未平輕家許國要有道矍鑠是翁誇不老
張公子當有行繡衣青春照瓊英笑跨紫
燕辭天京朝餐五粒之松子暮食側生紅
入齒從來蠻客尊漢官但飲亡何端有理
南飛鴈足何憧憧不能與日隨西東相思
望君日西下去天一握疑有雲氣時相通

安南行送李景山侍郎出使

輜軒使者安南來紫泥封詔行風雷濕雲
翻空海波立鐵網山裂狂蛟推神京煌煌
鎮無極火鼠燭龍窮髮北彈丸之地何足
論蚯蚓為城霧為城瘴江如墨黃茅昏群
蠻渡江江水渾千年白雪不到地十月青
梅猶滿村赤脚搖脣矜捷鬪竹箭藏蛇雜
猿狖崛強曾誇井底蛙低徊自比泥中獸
龍飛天子元年春萬邦執壁修臣鄰朱干
玉戚廣庭舞笑問銅柱今何人君不聞重
譯之人越蒙氏有道周王輸白雉又不聞

防風之骨能專車神禹震怒行天誅李侯
桓桓水蒼珮舌本懸河四方對後車並載
朝未央稽顙九拜乞取金印歸炎荒

次韻黃可玉古墨行

寶刀晚割千歲松神膏摩盪長檠工明窻
飛塵散玄粉七劑直與黃金同澄心欠伸
初睡起綺疏碧芽烹火龍金星濡毫試輕
重雪跡點點留羈鴻嘗聞老奚對膠法經
月下擲清池中蟄如寒蛟纏鐵柱霹靂光
紅與神遇晴暉淡蕩浮雲陰咫尺鍾山隔
朝暮潘郎再拜口流涎手揣不敢汗其羶
睿思殘珪密封識舉世那得窺完全絕憐
江南文治極清賞沈著志籌邊玉清栽栽
墨卿泣此寶脫幻今無傳星灣寒泉白雲
宅中有舊物懷杯圈銅魚飛符不易合金
釵留股那有緣撐腸拄腹貴善用知白始
解玄中玄暮年長物等爵蠟借此寓意哦
詩篇鄭公諸孫保遺笏滌志龜勉窮韋編
慎勿小智窺寥天嗚呼李生之墨三百有
幾年不如陳郎墨守行千年

李宮人琵琶行

先皇金輿時駐蹕李氏琵琶稱第一素指
推卻春風深行雲停空駐晴日居庸舊流
水浩浩湯湯亂人耳龍岡古松聲寂寂歷
歷不足聽天鵝夜度孤鴈響露鶴月唳哀
猿驚鷓鴣絃水晶絲龍柱珊瑚枝額上千萬
壽復言長相思廣寒殿冷芙蓉秋簇金鵬
祀香不留望瀛風翻浪波急

興聖宮前斂容立花枝羞啼蝶旋舞別調
分明如欲語憶昔從駕三十年宮壺法錦
紅茸艷駝峯馬潼不知數前部聲催檀板
傳長樂晝濃雲五色侍宴那嫌頭漸白禁
柳惹烏飛復翔為言返哺明當還朝進霞
觴辭輦道母子相對猶朱顏君不聞出塞
明妃恨難贖請君換譜迴鄉曲

渝州老人歌 新城彭大雅築

渝州太守築城瞰江堅且牢月挂斗柄山
鬼號州民纍纍下江去蜀水入漢緩容舸
渝州何嗷嘈攀緣翠木參井高不愁艷瀕
作人鮓但願浙米雲安去如馬憶昔彭太

守晚得一州大如斗征西將軍華表柱白
鶴不來猿猶守小兒舞榭紅離離大兒挽
車上棧遲渴飲古澗之層水暮宿古松之
危枝渝江之水人馬瞬息度排石列柵猶
支持年年草青記新曆不識烽火平安是
何夕赫日涌紅輪金雞飛報渝州民空梁
燕回候歸語小墻花發舒啼痕渝州老人
面如漆家住金陵年七十含辛老入巴江
路猶記墳前白楊樹前岡甕崩流復岡虬
成丘社翁相詢傳父祖里婦驚猜訝吳語
澆酒酌墳封四尺程氏之墳從此識君不
聞武擔之山五丁土歲歲春風啼杜宇

大雨醉歌 寄王待制

海風吹天黑嗟哦九衢積溜分江沱壞墻
群蟻上枯木方池遊鯉跳鳴荷侶聞南鄰
王學士閉門把卷工吟哦高張障泥倦行
水垂簾倚枕遊槐柯北鄰老生病無力玩
易忘象窮義媧垂楊說說翠旄舞幽葵湛
湛朱顏配憶昨祠宮醮雷雨所被髮繞夔揮
且訶縛艾搏泥肖龍狗巽酒噴霧刑牲鵝

寸雲在手不受令挾以風伯飛塵剗虛皇
神功絕聲色驛羊帖首辭巖阿君不聞夸
父逐日死飲河愚公避影跡愈多曹相畫
一日亡何草廬高卧梁父歌板築飛詔起
雲蘿百年兩曜如擲梭志士惜日鬢益皓
會須深泥絕行道免使襍穢之士肩足相
累摩

龍尾歌

送文子少著
作調官雲南

朝舞龍尾道暮住龍尾城七尺遊龍當道
鳴春雪未解四蹄輕憶昔哀牢夷來漢窟
蘭倉夜渡歌苦辛皮船之浪墨雲沈沈繩
橋之兩青泥溇溇登山探桐皮側見五粒
松手攀欲入口疑是沈木背坐慘澹悲回
風鳥飛不能住哀猿忽相逢旁有僂耳翁
為言太古之遺蹤諸葛丞相韋郡王村村
列祠堂瓢笠銅鼓群巫舞牛舂蘭藉羞瓊
漿六詔之王無曆紀唐帝傾師邊將死建
隆天子不用武王斧手畫大渡河兩股蠻
酋易馬來黎雅恣言茶錦不當價

神武皇帝開聖元雜獮窟穴張王官篚筐

歲入長安道賈客辭家不知老文著作聽
我辭去天萬里夷民疲織罽瀝猩血煎金
鑄衰蹠夜行碣門夷疾追平明出關面如
泥却來京師望塵拜簇金毳袍向市賣文
著作今典雲南之選部目光透牘提筆署
翦彼荆棘薰蘭當戶西南之人手加額太
史重備考功格

月海歌

水國紅葉下萬山白嗟峨扶胥無垠接天
際望舒力挽沈金波人言老蟾那有光為
借三足之鳥起熒煌烏已入地蟾在天此
說詎得然或言大塊蓬蓬氣為主浮空五
色神后輔顧菟在腹不得吐下入八瀛金
碧聚貝宮樓臺珠結戶穹龜前驅老蛟舞
千人之目皆在水各持一月得歡喜夜闌
斗轉銀河傾變滅消沉去無趾

敬亭歌

送鄭子寔遊敬亭

棗實纂纂羅衣單抱琴背日隨鴈還今年
六月居庸關馬蹴石子流彈丸曉渡灤河
水水渾不見底中有三尺鯉素書不成字

侶疑戒我慎出入五侯之鯖過客止羹覆
手爛將奈何仰視流光去如矢行路大難
歸樵空山或言山有虎豹嶺有榛菅歸漁
于河河有蛟罷去將隨波舊家返渠溝已
塞錢塘煙蕪歸不得敬亭白雲何離離二
僊霞衣坐翠微手持紫玉簫和以丹桂辭
大言泠泠小言纍纍勸子勿為道途苦幽
蘭深谷不當戶空青滿巖玉流乳手繪朝
元之圖萬神舞

秋江釣月圖歌

南山舞空趨翔鷹北山人立如啼猿長流
東來貫其腹謂是浙水屈曲萬丈之上源
大魚奔騰鱗鬣焦小魚委靡隨江潮中有
白玉蟾落落五采凝不消人言此蟾在天
主陰魄淪沒何為水中宅籬籬千尺綸蟾
永不受吞廣寒高居凌紫清日逐烏御不
得停愛此江水碧倒空浴影潛金精感君
纏綿如有素瞬息還須上天去君不聞任
公子東海投竿非小智又不聞嚴先生羊
裘古瀨成高名君家慈母占畢逋百尺樓

觀端可居黃金之釣不復理明月年年在
秋水

二老歌

王景先省郎勿孤祖母及
其母鞠之今迎養京師

烏啼風滿窓機鳴月當房辛勤三十年護
此玉雪郎大母呼孫牀下讀阿嬾烹雞炊
黍熟黍熟不敢嘗命兒奉姑旁姑言春在
長安枝東風滿林深折之一折不得語再
折春無暉白雲何相隨下馬忽在戶驅馬
還家上堂拜婦姑繡衫錦為帶長安之花
果如斗不辭看花飲春酒

三馬歌

東坡三馬贊本

羌水渾蜂解屯瑞至人率獸尊參以陳仰
天門龍為鱗炳虎文驕悍獐效伏馴鑿鑿
鏘馳道遵帝乘虬相攀雲遊無留返崑崙
廬陵劉老人百一歌

昔聞寧皇嘉定時平淮如掌糧如坻襄陽
高屯十萬卒武昌金埒饒軍資四蜀環山
堆錦繡滔滔南紀猴襟首峨眉積雪不動
塵玉壘浮雲古今宙當年行都號全盛翠
箔珠簾爭聞勝西湖不識烽臺愁北關已

絕強鄰聘寶慶天子來自外邸朝諸侯土
疆日窄邊庭憂大帥偃蹇藩鎮倖小壘推
剝租癩稠春城絃管暗煙雨四十一年變
滅同浮漚咸淳太阿已倒持銅山之賊專
官帷樓危金谷山鬼泣舸走白浪江神悲
老人年周一甲子

至元大帝車書合文軌每話承平如夢中
萬事東風過馬耳只今行歲一百一坐閱
天地同昨日秭歸聲苦紅葉翻邯鄲睡熟
黃梁失門前手種青桐百尺長笑指截取
諧官商少君荒唐方朔誕不如老人親見
深谷為高岸我孫之孫為玄孫翔鸞峙鳩
高下飛集駢清門憑公欲補先朝事濡毫
更作長生記

月鑑歌

騰騰玉兔光爬沙人言受日為精華又言
蟾蜍老不死側身躍入廣寒裏信知七寶
合無跡借取山河成戲劇衆人望月見盈
虧君今以月為準式我聞初生時景纍星
爛不敢隨亦如男子墮地在文綵獨抱靜

性無邪歌亭亭三五超象緯雲從于龍魚
有水君臣得志何慷慨千古消沉竟相侶
須臾寒光海中匿山鬼悲吟虎狼藉華亭
聽鶴流年空北海牧羊深雪積我觀帝城
之月如玉輪團團的的無纖塵中有隱默
士範月為鑑驚都人大言穿楊葉小言貫
蟻肝太虛氤氳眇窮髮引酒高坐歌闌干

玉署鼇峰歌 荅伯庸

女媧五色餘刀圭化為蓬萊東海之虹蜺
神君方瞳怒凝睇不如百鍊積鐵永從西
方奎日有三足烏其光映顧菟海有三足
鼇神山歟靈濤吐吞出沒無定時一叱使
之來玉墀大承虛皇小扶銀漢黼黻帝裳
追琢廟瓊森嚴轟轟鎮帝署百鬼却走不
敢侮其或敢侮怒絕其緒繁若珊瑚枝燁
燁三秀姿文理密察儼素樸孚尹旁達藏
玄機我昔坐其側耳冷心彷徨經旬卧向
壁夜夢天孫手授雲錦交龍章漆書誥盤
傳古昔中有寶珠杳無跡散之六合捲如
席視之不見聽以息元氣氤氳龍馬典文

茲石點首詔爾小臣慶非煙霧出如絲綸
矢心濡筆靡有數萬古作式永無極

秋風歌 荅子貞

七月霜清鴈南起美人亭亭望秋水鼇峰
石畔金蓮彫襟被中庭候行止至治丞相
歌充民矢心前榻詞如雲平原黃低翠文
舞寶穡肅肅方調辛巍我虛皇傳令速萬
姓樂康真景福使臣覘言忝未熟八十一
車馬停足

東門行

神皇揮戈度黑河四廂捧日肩相摩金袍
珠縈帽七寶剖符帶礪功難磨年年舞馬
魚麗列宴罷玉帳經南坡嚴更傳警夜氣
肅獬豸千列環象駝華蓋西傾星散雪殿
前蘭膏猶未滅千金匕首肘腋生拉脅摧
霄慘凝血平明群兇坐周盧傳旨東西騎
交迭棄馬之邦身被繫執簡以朝筆猶舌
煌煌厚恩決肌髓悲淚填胷痛天裂金繒
盈車內府竭虎視眈眈終一啞

廬陵海月道人歌

飄飄白玉丸空明歷落行雲端世人不信
之謂是太古圓缺相循環吾欲與子窮端
倪一葦巨浸無東西金精貫珠宮倒影流
銀泥飢蟾飲水不入吻五色吞吐成虹蜺
迺知山嶽積培塿巧遮世目如以手茫茫
水空輪載地行無垠置身浩蕩外光景常
如新吳剛持斧不得休沃焦日夜無停流
紛紛榮辱可奈何仰天一笑君當歌

聯句

東湖

舊學蕪三史新居隘一廛煎熬魚煦轍奔
竄鳥驚弦擬整登山履長伯須乘破浪船出
開塵已遠平德過埭意爭先歸舫攢旆聚長伯
浮梁斷鎖懸潮渾江葑没平德滕破岸藤纏
戍柵依樟密長伯官堤砌石平機閑蚕喚織
眠平德砧響鴈傳箋乍靜喧煩耳長伯猶欣輓轉
具長伯鷺橋華屋廢平德鴉匯曲河連稠實間農
垂肩估客編文貝長伯村家緯木棉生涯疲
剝割平德卅路窘迤邐龕室休行客長伯郵亭

歎遊川
長伯 韓鷹圍獵罷
平德 聯騎縱遊旋路轉

分文港
長伯 川明幻別天
鄭城花已暗
平德 角

水恨空傳
數埃搜唐刻
長伯 題詩紀宋編
會

堂夫子像
平德 汲井隱居泉
海眼藏龍窟
長伯

山心射鹿
田水鳴知棹
急平德 岍走訝途
遷

隱見崗巒
近長伯 低昂橘柚
鮮青山猶五
里

然平德 綠樹已千
年歸櫝如雲
擁長伯 間花侶
火

然平德 苧遊女
淨平德 蘆管野
伶妍繫纜披
團

斃長伯 循溪捨
竹篴徑香幽
菊傲平德 土薄
假

山偏燈火
精廬古長伯 衣冠
故物全登門
論

子姓平德 對坐
斂姻聯金魄
篩窓影長伯 丹
砂

養井淵螢
飛光熠熠平德 鶴
唳翼消消斗
室

橫鳥几長伯 方
床藉素氈塊
清時入夢平德 意

得竟忘筌
過墓成扁戶
長伯 遵湖復扣
舫滄

洲迷秀麥
平德 真隱拱朱
椽碧洞諸天
杳長伯

蒼珉帝畫
鐫梯危頻縮
武平德 像寂且
擎拳

數府商霖
歇長伯 丹書漢
澤宣銅鋪苔
暗蝕

聽平德 經度燕
新穿倦鳥辭
枯柳長伯 遊龜
戴旱

蓮古奮開
澗平德 斜殺綉
漪連淤塞
芙蓉排

劍長伯 洲乾
蓼慘鈿官徵
都尉粟平德 漁
納水

衡錢王絕
山靈泣長伯 祠
荒野老伶紙
旗鄰

社開平德 草
六曲河填此
去真聊爾長
伯 斯行

信偶然柏
幽葳颯題平
德 潭黑袞
蛇雅興

吻吻鹿長
伯 勞生跼
跼焉攬芳
真嚼蔗平
德 寓

絕擬和鉛
鞦跡蕪菁
鬚長伯 麻
棊菜耳綠
貞

娥鬱龍虎
平德 胄相
紹貂蟬宰
木分神隧
長伯

思亭列石
筵風霜翁
仲老平德 香
火釋迦專

楚些招歸
魄長伯 王官
慨昔賢拜
峰誰控勒

阡繁華眸
轉電平德 得
失口垂涎
絮酒悲宗

老長伯 囊
經想地僂
房温連梵
唄平德 市
近接

腥膻破露
生衣濕長
伯 登坡弱
足胼卧牛
遺

扁暗平德 眠
鹿繪容
度金刹從
茲訪長伯 塵
纒

合少蠲伐
山靈運躁
平德 衝雪
子獸顛檜
暖

蜂偷蜜長
伯 蘆寒鳥
咬綿蟹稀
螫數百平
德 樵

夥斧論千
淡日收人
影長伯 空
嵐漲土
蛇蒲

葵遮望眼
平德 蘭紙
論吟篇除
道家僮懶
長伯

偷程地主
僕蟻封徒
曲折平德 駒
隙漫拘牽

碎石行行
直長伯 脩
篁个个圓
深蕞驚雉
翠

碎夾徑聳
楠梗濯錦
芙蓉艷長
伯 飄香桂
子

駢雕楹回復道平德斜閣布陶磚刻畫功難

盡長伯翬飛勢欲翻奉常陳劍履平德尚服錫

紘絕憶織鮫人網長伯惟凝蜀國旃妖姝汗

粉頰平德土偶聳高顛祛石當時力長伯臨淵

昔日權只今留黑業平德何處覓幽禪燕領

風雲會長伯龜跌日月躔蛛窠綠袞服平德鼠

跡上朱邊累僕供朝沃長伯因僧進午餐佳

城蹲五鳳平德素業廢三鱣勝已窮蘭若長伯

名猶慕偃佺臺空霞珮冷平德殿寂羽幢蕩

觀主何年住長伯真官永世鍵畫梁誰復葺

平德美蔭久頻脫木已非真李長伯僧宜賤壽

籤悲來雲幕幕平德恨極水潺湲重嶺歲椒

屋長伯斜暉指惹樛暫歸心未穩平德欲去眼

空眩憶昔窮誅闕長伯如今猛棄捐慈山名

轉赫平德困埃耻誰湔積翠林霏悄長伯流波

海月娟速鐘催宿鳥平德橫笛掛烏捷拄笏

風騷長伯復携壺主僕牽情懷同黍醴平德臭

味比香荃圓澤休論舊長伯華胥復記前乳

彪號澗側平德哀狖嘯雲巔悖族盤殮成長伯

通家笑語聞鵲歸漿熟平德舴舻逆風沿

濟勝應難促長伯臨流且賦遄鷗夷歌遊矣

平德堦鍊形金骨化平德團礎土砂堅破屋啼山

鬼長伯荒碑立老鷗歲時羞野賽平德水早禱

靈箒西帝澄金字長伯東湖鑄玉瞻涼颺舟

泛泛平德晴日草芊芊射鴨繁長弋長伯又魚

擊短鉞酒廬橫矮甕聽屠几斫肥脍街市

僧袍麗長伯招虛販鼓齋登臨難婉戀平德想

像費平銓更欲南窺海長伯誰能北跨燕同

心雙繭緒平德徇俗走珠蟻朗鑿詞聯馮長伯

玄談茗更煎翔翔誠放浪平德匍匐類狂屣

已乏凌雲句長伯時思縮項編還家如夢寐

平德共點曉霞邊長伯

九平德月望師墓相婦歸謂余外高祖忠之盧登

高平德祖少師墓相婦歸謂余外高祖忠之盧登

亦平德為佳氏之興六北於早發蓮山為尚一書二

拜平德叩外場之終無考待制山公守墓左僧清畏與抵

關平德堂庵樓過懷東人聲制山公守墓左僧清畏與抵

借平德堂庵樓過懷東人聲制山公守墓左僧清畏與抵

州平德堂庵樓過懷東人聲制山公守墓左僧清畏與抵

陀平德示相檢波舟忠定湖久所建寺後大有洞墓像平

是讀日揚文元平公碑庵僧洒然領非鄭氏庵七
 示山有宣年七十餘能道指嘉文細定間重遠
 以想十拜忠獻王歸葬復宿鹿野已吳君親命
 翁病產復宿詩成雖不工然二十人綴繁
 華感概悉紀于詩詞雖好遊書者用
 緝于後云己丑十月某日橋書用

遠遊

海鵬跨南雲一去扶浩蕩宛駒踏北雪絕
 足追罔象宵征車載脂長伯明發燈在幌行
 邁念悄悄離愁懷養養違吳始接浙平德過
 越類指掌虹網結遐思羯鼓促新響觴至
 不復避長伯駕逸誰能仿明堂企棟梁武庫
 輸籬蕩氣合芝蘭芬平德學媿蓬麻長大施
 朱弦清小薦金莖沆雲間鶴孤唳長伯天外
 鴻橫上曉舫斲層冰午店愁平壤追攀瞰
 煙濤平德涉歷走塵鞅長淮橋蟬薄霧衰
 驕驥風臺牛一鳴日觀雞三唱團桑沃如
 蓋長伯宿草亂若襪青帘客沽酒素鬢漁叔
 網心歡沂泗流眼豁恒休爽追程騎侵星
 勸耕農植杖俗厚喜豐登平德氣俠存慨慷
 伊河既東流維斗復北仰誰云風土殊始

覺宇宙廣骨聳終超騰神清何懽悅鈞天
 夢非真長伯廣寒步空想銖衣入閭闔芥粒
 視北垞千官紫府榮九奏形庭祀攜文剪
 金炬平德展采簇天仗清都踰咫尺弱水漫
 方丈絳旂雲霧開寶扇日月晃仁聲被八
 表長伯德意蘇群枉泥檢極封崇芬苾嚴肱
 蠻躡錫中帑鳴珂接俊彥平德正笏嫉偏黨
 德人笑採芝遁客棄拾橡茅拔要有方矢
 來本無嚮湘纍但理詞長伯越相僅金像遭
 讒氣徒憤得計身何往豈如及承平相與
 窮昭朗君行步飄飄我滯心悒快輕霜着
 衣帽微霰點草莽離歌起蒹葭平德古製出
 盆益先登匪十獲後至激孤獎城南燈火
 深塞北音書晬東風漸披拂臘水初澗瀆
 詩成愈加險酒盡未為彊雙眸秋水烟累
 語春波盪經行度崎危長伯交友希個儻羈
 遊棄楚荒遠客憐齊偕光陰尺璧重事業
 千金賞平德行還鴈塔題復觀鴻都榜時來
 戒步窘事至勿枝癢脂韋本尺近鐵石乃

忠謙詞林納疵美書田課荒穰列僊會儒
癯群仕趨吏駟陸生疆伊憂陶令終骹髒
貞心百壬避正色上帝享徒為捧心施莫
學畫眉啟功名要無心造物端有相行行
遂初志作事記疇曩

望洞庭山

海嶽雄前武乾坤入壯懷地臨區澤左平德

洞接蜀山涯玄甲呈神禹長伯靈鼇琢女媧

岫橫青一髮聽水引玉三義鴈翅連雲暝

長伯雞聲帶雨皆輕煙滋土脉平德激霧潤蔬

茨橘熟金分穎長伯鱸肥玉饌鮭稻田碁布

局平德草舍篆書齋塔正狂瀾轉長伯圩增古

岸差畫船誰白傅平德香徑獨吳娃伏翼疑

銀乳長伯遊鳧訝翠鞵苑存麋鹿過平德石老

鬼神靈野火分星位長伯剛風直帝街浪高

驚接漢聽天闊欲吞淮鐘遠春聲隔長伯歌

長榜韻諧靜依村社樸平德閑厭市塵哇往

事滄浪古長伯輕裘笠澤佳鷓夷奇策遠平德

季子宿情乖鈿壁銷朱戶長伯香風墮綠槐
卧遊包景象平德目送樂形骸尚憶禾生蟻

長伯誰憐窻產盡江湖終漫浪平德歲月敢安
排語盡情如客長伯杯深醉近俳黑頭宜紫
闈平德白眼笑青緇門掩雲生室長伯庭虛葉
響階墨花浮鴈字平德燈粟綴蠶釵急吹鳴
笙籟長伯同雲屑豆楷行行從此地平德去去
勉吾儕轡聳王良御長伯帆凌博望查會須
攀絕境岸憤訪丹崖

秋雪九月初十四日

白帝欲返馭玄神已先驅南山黯遐睇西
館阻清飲刺雲環珮雜剪水瓊瑰敷金英
受剛絮丹桂遭糝塗高標變鬢髮爽氣通
微軀群陰孤陽債積素五采腴路脩天鷄
疑穴覆野兔呼蟬猶把殘槐鴈仍驚折蘆
澗瀼露莖溜空清冰柱酥或云勢已盡又
言理非殊先時明堂嚴薄刑蓐叔誅浮華
敵春斯歛實伴冬輪慘立各動色沉思儼
徐趨馮鈞轉橐籥緹室潛葭苧觀物昧休
微永歌啓貞符

又九月十五日作

金神縮兌澤水妃表玄英西郊散冰粟北

戶垂珠玕三登發重瑞六莖凌孤清白歲
縞衣舞顛氣霓裳呈楚客迷望眼羌戎候
軍聲桂粉靈杵飛穀精露囊威降霜鄒子
憤停日陽侯爭澄霄鶴失頂空江鷺搖晴
菊貞返素朴木落超空明鏗鏘商籟諧大
小藍璞成蕎花贖壺畝梅葉光檐楹初疑
蚊蚋集漸覺鵝鶴迎漢盤結夜灑韓堂滅
宵禁陽和趣報社嚴凝儼書正掩袂青女
避沾巾素靈驚擊鷹眩莽蒼樹羽登崢嶸
長楊散旃屋五轟增門閤絮團柳殘葉鹽
裹荷留莖鉛飄孀娥匝旄落少昊旌井梧
炫銀牀庭櫻轉珠纓萬入西帝遊六變坤
母寧初驚遽然至忽訝乃爾輕單衣亟搗
素黃裳倏飄瓊陶姬却帳暖唐皇咽蕭橫
昊天有正命殺氣何橫行沈沈宸居肅兩
两台階平朔吹偶先集澤雷久歲鳴碩果
理固在飛葭澹無營

槍竿嶺

伯生

伯長

伯庸

有嶺名槍竿其上若棧閣白雲亂石齒青
峯轉窳脚積冰太古陰出曠無底壑馬飲

沆瀣泉鷹盪扶搖幕轍跡委垂紳人聲發
虛橐鳥飛接鳥背羽沒疑虎鞞霧松秋髮
長霜果春頰薄升樵不知疲獨徃端有愕
競競矛頭浙扞扞井口索凝睇見日觀引
手探月廓南下眇塵海北廣絡沙漢金橋
群僊迎玉幢百神鑿禽鳴蜀帝魂鐵鑄石
郎錯鈞鈐挂闌干攬槍斂鋒鏑屬車建前
旄馳道徇嚴旂載筆三人行珥節半途却

送曾編修

伯長

繼學

奇鶴慕南雲俊鶻欣北雪行箴龜左顧去
住坂九折纂書墨兵從擬制銅史挈佩委
松籟回冠莪星光徹埽花窺日輪井藻旋
風鐵歸思紅葉高家憂蕞荆裂晨裝發五
兩夕祖謝駟驥沙明石痕瘦川遠旆影列
吳歌導鷗舞楚製慘鷄結汀葭青女臨岸
橘黃人揭組練危瀑懸蕭瑟古灘咽詩箋
江神幻目送山君別烟烟鴈集洲挺挺鶴
鳴埕賈颿魚貫直僧屐鷺飛滅前坡指迎
帽舊墓拜表碣明知紹世譜詎肯逐宦輟
兒孤文襁昏女乳粉鈿涅深思振錫原後

胤超鳳穴過都塊非歷去魯浙豈接歌驪
念睽違瞻蟾數盈缺

李成古木

層陰舞玄蛟積溜落銀繭迸空太古枝長
側石千歲蘚寒柯細交椽霜枿釋餘法學維
俯憐巖壑幽仰矚雲霞淺雄姿虎當喙鍛
翮鶴立嚙長身屈迴紋曲盖表繆篆矯矯
却岱封昂昂陋桐剪初疑居移鄙漸覺坐
闕鮮靈光魯國歸屈軼虞廷彥蔽牛我當
容化羊君莫辨山霾養洮沐憲霧勤澡鬣
直非龍鬣觸勢若鹿角偃蒲駘閔馳颺儻
悅集微霞玄黃馬師遺丹青犧尊覩采苓
乃夷猶卧雪何輟轉

清容居士集卷第八

清容居士集卷第九

律詩 五言

次韻善之雜興七首

習隱漸成癖苔光綠映扉避名常好好絕
俗任非非日落長鏡柄天寒白苧衣南鵬
五月息哉翼笑群飛
萬事不滿笑書林盡歲娛未須夸得意底
用哭窮途細雨看移竹秋風學繪纒百年
真急景醉入壁間壺
昔日登臨地狂歌祇自求漢宮空有恨吳
女不知愁雲葉寒沙霽江花古岸秋何人
持鐵板敲徹舊邊樓
學道常無寐披衣聽曉笳精勤慕栢大詭
幻笑藥巴丹熟抽金汞窻明鍊玉沙微陽
端有候一點應吹葭善之近學參同契故張反之
卧遊元不惡佳處絕榮枯雲憶東西寺山
看大小孤行年須白社失意付黃壚何事
遼東鶴空悲景物殊
鄧子清如竹蕭蕭澹世情下帷鄰草色倚
杖愛松聲嗜癖成書賈身窮付筆耕乘槎

空有約何日海邊城

書聲連古巷疑是白雲廬吟苦眠料理塵
深靜破除詞華輕大曆風雅近黃初顧我
相知舊艱難愧不如

月黑

月黑斗杓轉昏昏古柳塚干掬寒戍響窸
堵亂烏啼風定歸潮急門深落葉高向來
江上意無語獨蕭騷

次韻題林隱

移家鄰縣去住久不知年花擁檐前樹泉
歸澗下田丹芽承露浴石乳拾松煎擬欲
題新竹才踈愧惠連

次韻上官伯圭夜坐觀梅二首

愛酒嫌劇飲天寒但欲眠烏啼千樹外
過一燈前霜角悲涼調風幡自在禪平生
江海意袖手送殘年

江梅元楚楚冰雪總相宜肯佐金樽舞寧
辭玉笛吹天心元自正地脉本無私不盡
關山意巡檐與賦詩

題柯自牧救荒記

曾聞於越地千里草青青比屋呼庚癸連
年厄丙丁已傳青社記不用峴山銘近說
天台宅新成太祝廳

壽高舜元父二首

喜見黃鐘月重推絳縣年雪窻温鼎火春
甕養壺天朝市成真隱階庭擁壽僊時吟
五字律獨立晚風前

玩易喜心清年高見太平杖扶靈壽穩松
削養和輕夜月前朝事春風九老盟初造
慙後至立雪捧深觥

打灘

老石太古色遊魚新水姿輕冰養流永急
瀑散飛碁角力誰為挽臨流亦自移南來
多此意北望莫相疑

春陰

寂寂春陰半南來未識花故鄉憶寒食細
雨摘新茶物色供詩句風沙入鬢華山林
元未改客路獨烏紗

懷城南諸友二首

春至長為客愁多始憶君風程江北路水

驛海東雲杜宇深深怨
醅淡醅淡醅行藏
曾共數不是故離群

養性深辭酒全交淺作書寧知故人厚自
愧後生疎春入黃河道雲分碧鳥居江湖
從浩蕩不敢愛吾廬

舟中雜書五首

野色連雲白春聲引樹清
遊魚新浪急歸鳥片帆輕
曉夢三千里風餐第幾程
萍蓬元未穩徒倚問天明

挂席踈星外停舟獨柳邊
團團風始陣帖帖月初孤
龍曲沙成雪吳歌水拍天
行歲有如此把卷獨悠然

春睡元無著鄉心比酒醜
飛花空有意小兩不成容
獨樹疑新埃群鴉侶亂峯
艱難憐浩蕩散髮遂初慵

河落渾無底飄零總客塵
春洲蘆鴈少曉戶柘蠶勻
京洛饒豐稔江湖樂賤貧
低徊吾不恨應有故山筠

桑柘斜陽道天然錦繡機
雲容催溽暑花片憶春霏
水落新魚瘦風清宿麥肥
歸程

時屈指重午試生衣

淮浦

淮水奔如箭舟維岸屢移
斷岡封馬鬣落鴈陣魚麗
白華前朝界青帘古戍基
亂離今已矣風物漸熙熙

立春日宿大清口舟中見新月二

鼓雪作

春月如佳士翩翩欲上船
相逢疑昨日一別又新年
水鏡心曾朗空輪體質全
更深飛雪急直與鬪清妍

次韻陳剛中待制初秋二首

碧樹晚雲餘秋聲入客廬
知公吟蟋蟀勸我憶鱸魚
宦味元無著鄉心得未踈
清塵滿雙鬢蕭瑟不禁梳

岸幘倚書楹寒砧徹四城
馬歸人獨語鴈過月初生
寂寂候蟲急淒淒落葉清
客懷誰與共搔首見參橫

送年元通歸瀘州

西州人物論翁季擅清門
已暗金牛路猶傳鐵騎孫
巴江雲不盡蜀嶺雪空存
邂逅

衣冠聚艱難得共論

夜夢作詩覺因足後韻

薄酒薄於水濃山濃侶春梁間雙語燕天
外獨歸人細柳千重緒飛花一寸塵碧窻
初睡醒新月寫清真

淮陰大風

極目虛無裏飄飄萬馬馳飛蓬旋素蓋虛
谷應填麓春樹元無著晴雲復自持倚舟
沙際穩歸鴈得相隨

題温州太守德政詩後

海郡炎歊重涼風起素秋飛蝗分界去鳴
鶴下陂遊白布官租減黃甘雅詠酬兒童
多好語竹馬擁君留

次韻馬伯庸春思兼簡繼學二首

洛花千萬朵一一為君開粟暈排金縷酥
凝爛玉杯美人乘馬至僊子抱琴來莫學
飛紅侶隨風喚不迴

行窩春匝匝下榻望君來雙玉矜嬌思聯
鑣騁逸才題詩紅袖擁傳詔錦袍迴羞殺
高眠者楊花滿綠苔

送秦巖卿從事出宰北平縣

高秋右北平出宰樂時清白水前朝界黃
雲舊塞城彈琴看鴈過束帶候雞鳴不盡
平蕪際題詩倚馬成

黃河口

徐州城西此隅與黃
樓相衛今從此南流

河落流沙駛茫茫禹甸周昔聞傳北載今
已絕東流俊鷗辭高下輕鷗擅去留百年
文采盡日落認黃樓

徐中丞母八十

謝庭森玉樹漢闕賜金花懿德傳家感耆
年舉世誇晴萱當樞直冬筍隔籬斜拭目
諸孫秀翩翩佩紱綈

送張榮澤

斂板榮陽縣栽花接早春水新魚子散雪
釋馬蹄勻政可箋河伯何須詠洛神桑田
今幾許除籍補疲民

贈瑛上人住洞林

托鉢千巖裏松花凍未開袞猿依講席飢
鳥下生臺潭影留雲定鐘聲送月回山中
太古雪為寄一瓢來

送周南翁集賢南歸省墓

搖曳十洲僊來尋楚尾船金花榮故里石
筍表新汗江橋團霜重水魚鱸雪鮮堦前
雙玉好行賦鹿鳴篇

潞公判永興遊嵩之詩見於翰墨

然卒與右軍之遊汶大率相類名
為造物所忌豈虛語哉今見其孫
璋甫佐西省甘棠遺思至是殆將
見之

渭水落葉盡往來餘碧鷗龍門七十里
塔一千秋吊古麒麟塚衝風驕驕裹寒蕪

明滅處遮馬見君留

劉氏集慶堂

華構出層林春浮院宇深小桃分雜佩新
燕掠鳴琴石乳千年潤松花百尺陰紫皇
方問道那許遂歸心

送蘇子寧和林郎中二首

貂帽護寒沙冰天閱歲華斷溪馳聽水密
雪犬行車雲盡難尋鴈春深未識花昔人
奇絕處八月解乘槎

往歲經遊地寒蕪碧嶙深雲開山後陣水
咽隴頭吟雪白羶房重天青羽檄沈重華
新雨露悲喜候車音

蘇子寧北行詩二首

出塞黃雲盡經春白雪多高樓聞鼓角絕
域靜干戈風急盤鵬嶺冰深飲馬河征鞍
遲明發揮手渭城歌

去去居庸道關山冬氣深雪天孤帳宿寒
月一筇吟石堞棲鴉穩沙場過雁沈粉闌
多暇日歸騎有佳音

吳間閒病起二首

好客頻來往閒雲管送迎花香清病骨松
籟答書聲身世三生夢乾坤萬古情故園
多蕪筍歸興繞江城

客散庭如水春深日似年閒心觀宇宙浮
世閱風煙詩句吟難穩蒲團坐欲穿一聲
松外鶴此意共悠然

題蔚州郭氏永寧亭

華亭絕市巖山崦映岩蕘落葉燃茶鼎長
松挂酒瓢天低雲欲下春盡雪初消歲晚

無王事前村看射鵰

次韻馬伯庸題凌波僊圖

玉衣朝試日寶瑟寫湘雲宛轉鸞歸憶參
差鴈過聞石痕生左角松影印迴紋倚竹
憐雙泣擣蘭憫自焚停驂沙磧近指點認
昭君

伯庸以詩見屬次韻二首

學古陳言少官清雅詠多珠玕明玉海寶
鑑挹金波易賴韋編定書疑汗簡訛斯文
今有託為我補嘉禾

聽君人物論閱世但難多學禮師倉海傳
家繼伏波看山窮北戒惜日愛南訛彩鳳
非無食瓊山自有禾

高掾祖父八十

心跡混漁樵門深絕市囂花前歌舊曲燈
下話先朝白髮書千卷朱顏酒一瓢有孫
遊玉署從此樂逍遙

長春道士禱雨有應

清夜轉崐崙天雷卓午聞平林千樹響古
澗百泉分門靜堆黃葉山空聳白雲神功

滿禾黍尸坐答鍾重

次韻馬御史題漢州喻氏多勝亭

花壓金橋重春風第一州江喧朝灌口雲
擁護遶頭鴈落沙中渚鷓啼竹外洲使君
燈火地為我倚高樓鶴山年少時守漢州
元夕張燈金馬橋斷

次韻伯庸過天寶宮

松暝碧雲深鶴歸人倦尋朝迴香滿室祠
罷月盈襟白鳥分山影黃鸝轉樹陰小溪
流不歇咽咽侶鳴琴

送白誠之赴台州別駕

岩冕巾子峯市近海潮通桂樹團雲濕松
花帶露濃猿隨僧履屐兩鷗送賈帆風盡道
無王事持杯百過空

贈瞽者

尸坐包玄象虛窻萬籟沈聽泉知地脉候
琯合天心風定馬蹄急霜清葉落深弄丸
端可學從此罷鳴琴

送成公履守光州

淮樹連空碧淮山徹底清濯纓羞戀闕佩
印樂專城矚網雲催泊提壺兩勸耕地偏

王事簡數鴈寫琴聲

寄開元奎律師五首

開元古壇主盡日着袈裟社主勤供菜天
神罷送花蒲團黃葉護香鼎白雲遮終歲
無王事緒經到日斜

開元古壇主老至律精嚴洗鉢魚遊水開
門鶴入簾拾薪供茗具滴露寫經蠶已悟
如來意看花不用拈

開元古壇主身世兩相忘客至常扁戶僧
來不下床神光千里鶻玄辨九秋霜白業
渾消盡蓮池任意香

開元古壇主瓦石化丹青侶住元非住無
營類有營念珠金的樂戒鉢鐵晶焚我亦
慙塵垢清齋養性靈

開元古壇主幼歲已相聞我竟飄京國師
方玩水雲一官千日計萬事五更分共約
脩蓮社空林洗垢盆

碧亂侍諸父拜雙峯祠堂未嘗敢

有題詠二十年來接武于玉堂瀛

洲霜露之思缺然有覲近聞平石

長老興廢補仆光紹前聞遂述舊
懷為六詩且申歎仰

沈沈大士閣千嶂萬夫降近樹青禽獨前
松白鶴雙雲霞生几席星斗列軒窻俛首
京塵容生涯愧老龐

慚愧雙峯老光明兩足尊新收釋午窻鈎
竹影凍筆點梅塊齋近烏啼樹禪迴虎伏
門春來有新鴈勸我趣歸轅

經院辛勤日千金記始興創寺時以賜金
十有兩荒蟲蝕拱壁壞鼠緣藤舊觀丹青
復諸天錦繡承短簷增突兀會見出盧能

書來稱選僧堂舊有術士願者故未及之
陰陰虞監宅廣水鬱鬱越公祠掬水不
入獻布金猶受疑流年翁仲守往事苾芻

知澗水交流處曾傳玉帶垂
寒徹清泉底山童上水華定金非在井羅

生電搜腸可當茶人持一月去此月落誰

家

跣跌千樹暝彈指百花春道以東巖的詩

於北澗新歸雲呈住相行籜掃空塵靈鷲
誰公論帝祿正惱人

次韻張希孟凝雲石十詠

我愛凝雲好神交萬化前碧窻圍蜃氣黑
浪家蛟涎化石知何代出山今幾年相從
清思長寸顙起蒼煙

我愛凝雲好飛塵萬馬驅雄深麾將士峭
直傲公孤斷足齧分極摩牙虎負嶠何年
化霖雨慎勿竟虛無

我愛凝雲好雍容諫諍姿虛中超混沌正
色走窮竒潤物非無意成功自有時樓遲
元未晚清坐愧神癡

我愛凝雲好氤氲萬象深鎮浮廊廟體閱
靜雪霜心屈曲蜂房綴玲瓏蟻穴滯玉京
誇獨秀此日汗腰金

我愛凝雲好朝昏境不同金芽養靈谷鐵
網起晴空月色古今正潮痕子午中點頭
那有異吾欲問生公

我愛凝雲好神清湛欲留岷峨千古雪泰
華一天秋獨鶴離群皎層冰出澗幽無言

有深抱山立正陽休

我愛凝雲好模糊老墨僊癡蠶端食月渴
驥欲奔泉守黑壺中日談玄洞裏天煙霞
元自足塵世未為賢

我愛凝雲好翛然一榻棲支機何物詭醒
酒此君低香遠能為霧泉深解作溪未須
鄰綺角端可比夷齊

我愛凝雲好能歸萬古春遺簪三鳥客椎
髻八蠻臣栢子添清供梅花寫舊真天心
元不動東海任揚塵

我愛凝雲好蒼龍擘硤飛振纓悲濁垢整
珮謁清微歲月江翻浪水霜玉韞暉黃塵
今幾許且勿展書闌

山水圖

樹重雲光濕峯寒曉氣清抱琴人欲往門
暗容相迎凍雨生寒溜深雲倚怪藤蹇驢
吟不得指點墨千層

淇綠堂

卜築荆溪下碧陰生晝涼軒昂丈人行蕭
灑此君鄉月候緹山鶴雲催嶰谷凰衛風

朝夕誦底用別詞章

寄砥長老

雙峰不受暑傑閣稱幽禪蕉葉綠雲扇藤
花白雪穗見龍增澗水喜鴈點江天笑我
開平客于今第幾年

送李希白降香武當山

絕壁通靈籟天香簇寶華重明應龍馬習
坎伏龜蛇度嶺金盤日穿雲玉佩霞道逢
采苓叟應與論南華

送永新王東野還里

天際風花黑燈前鬢影蒼方刊肘後秘金
散藥中裝某樹童年種茲丘晚歲藏已忘
朝野事飛鷺起鳴榔

鞞川圖

詩中傳畫意畫裏見詩餘山色無還有雲
光卷復舒前溪漁父宿舊宅梵王居千古
風流在披圖儼起予

贈雪窻上人

少日觀滄海陰山恨未登飢餐太古雪渴
飲萬年冰柳色迷官道鐘聲動客燈聞聞

與見見問我一枝藤

直沽口

二水赴滄海客行殊未休漁舟維病鶴歸
棹起輕鷗雨重雲光溼天低樹色浮京塵
今已洗從此問菟裘

三月二十九日阻風馮家口

飄泊春風怨維舟古渡濱防堤堆馬鬣塵
浪捲龍鱗撒掠吞吳陣紛披障庾塵柳陰
亭午轉人靜白鷗馴

次韻劉明叟

欲知行路苦孤雁促歸期矮屋燈昏際空
林葉落時滄浪誰欵乃權穢笑誇癡點檢
韋囊裏珠璣總屬詩

壽閻承旨三十韻

寶曆書堯甲蒼杓指夏辰脩齡天保魯嘉
瑞嶽生中人物中州正陶鈞淑氣淳舒晴
翹孔翠墮地擢麒麟藻思傳髻綺蜚聲起
措紳文鋪崑玉鏤賦約楚蘭紉樂道車中
聘設經席上珍飛牋油幕佐執簡柏臺賓
黼黻開丹地絲綸演紫宸慶雲圖遠牒甘

澤洗荒塵評論空餘子儀刑倚重臣昂昂
霄漢表皎皎雪霜身滄海鷗忘慮長風騏
絕倫名高諸彥避德威後生親朗鑿中秋
月天和太古春精忠言欵欵獎引語諄諄
書葉題文債詩筒破酒巡筆翻金井凍詞
吐露掩新格律常揚陋篇章鮑謝鄰辛勤
憐我輩銓賞屬斯人南極呈黃道東皇挾
絳輪霓旌紛旖旎香鼎秀氤氳果熟分金
母丹成養谷神心澄眸轉碧光瑩頰浮銀
物色歸青簡年華閱大椿小車花外影馴
鶴竹間真賀履聯行整傳觴捧勸頻踈閑
看遠岫虛靜傲蒼筠往事雲舒卷流年肘
屈伸長生端可學靈壽不須陳

次韻仲章過陳氏城南書隱十韻

矮屋參差倚平蕪黯淡看夢迴榆塞遠愁
絕翠峯寒白髮游絲罥丹心古鏡蟠槐明
金瑣碎筍鑄玉噴屹憶月時看劍臨風復
整冠鄉音憐過鴈古調拂離鷺去矣歌招
隱終焉樂考槃晚知交態薄老識宦途難
口腹非真累母煩饋一簞

入南城遇老醫言山陽舊事因成
十六韻

邂逅山陽老相傳事已訛姦雄歸草莽天
地入悲歌太守籌謀誤將軍禮數苛韃橐
同下吏騶御失前珂洪沁顏如此憑陵事
若何比肩身肯辱却立齒爭摩水捲寒雲
甲風揮白日戈耳聞人作膾眼見血成河
翁霍同么子倉皇類小曙官軍奔及馬婦
女走乘騾自古儒冠忤難將杯酒和功成
真草草先公在府論山陽事去時至復
莪莪漂母恩徒快中郎詠未磨荀羨為中
征遺屯迷斃石郵艾舊浴暗龍渦土沃村
村麥湖深處處荷人生貴行樂何必問銅
駝

壽致政王侍郎八十二韻

壽俊標周士儀刑望魯儒朝川饒詠賦璜
水秘謀謨壯歲丰神整明時膺仕殊東曹
誇鵬擊公府羨鳧趨審象三韓使含章四
皓圖長身昂野鶴正色叱妖狐誓墓文何
早傳家計豈迂鄉稱三老舊人說二難俱

舍並分桃塢田開別芋區水邊時避飲月
下屢嗔扶眼碧看山媚鬚銀映雪癯油車
懸蹠踐野服綴檐榆社肉時相餽春醪不
用沽綵衣新稚子推髻古奚奴鼓擊深
舞茶烹緩緩呼花飛迷去路鳥下避行厨
南極珠分瑞東泉斗借釀造朝看賜杖入
里記垂孤翠栢根如石靈龜息自腴從今
躋壽域底用詫康衢

壽年獻之大理卿七十三十韻

氣際岷山秀風神閬苑僊西州餘故老南
國挺真賢瑞霏垂孤日人思衣繡年清門
開堦慶綠籍紀齡迨止息功參易虛心體
合玄尾眉垂素手漆髮換華顛今歲七十
眉間忽生
鵠杖何期賜牛車不待懸三鱣傳
素緒一鶴記青氎粉社爭為壽蘭堦數擊
鮮風驟追廣莫雲珮憶釣天往事清霜木
希音大古絃五更尊禮絕六老舊堂專居所
正六老
堂遺址
把菊調羹鼎丹砂養井泉慵書乞
米帖羞辦買山錢醉劇簪花舞遊疲枕石
眠黃公終慕隱白傅且逃禪文物傳青史

耆英入繪編弁山寒戢戢若水響娟娟望
海傾朝夕瞻星候次躔登龍身未武執雉
意空傳偏仄徒多恨低違祗自纏窮鄉真
坐井陋室強懷鉛夜月思迨桂秋風學詠
荃終然羞弱植復爾滯孤騫問字瓶空在
傳經席未前牛衣期振拔馬磨費評詮冰
柱垂青嶂蟻珠湛碧淵至言機已息妙技
目無全凡質丹須換精誠溜合穿迥風輪
善頌立雪異敷宣

壽李承旨四十韻

寶曆開三禩瓊章集萬神蒼龍迴插子玉
免侯交辰浴水丹騰渚壺關氣接旻道傳
莘野正學比傅巖醇帝運昌文統師臣秉
國鈞清宮高贊畫潛邸舊經綸意得超今
古才雄異等倫春浮霞錯落秋映玉嶙峋
三執中書柄重開大國酌黃鐘陽脉脉瑤
團霧氤氳僊鼎神膏秘宮壺掌露真恩醲
錫麟脯味薄謝猩脣瞳碧光流漆顏紅色
耀銀垂紳凝泰嶽設席陋平津手挈重華
古心追貞觀新至人專上壽八表樂同仁

非虎者年並猶龍祖譜親息深忘蝶化機
 靜狎鷗馴蕩蕩心無競脫俗易淳極知
 調鼎餽不惜汗車茵竹帛千年事桑麻萬
 里春管商謀可鄙房杜跡常遵斟酌扶元
 氣彌縫護國珎倚風憐竹弱聽雪喜松皴
 玉署親裁詔青蒲獨奉宸蜀江移戍罷浙
 土減租勺榻淨唯烏几堂虛且角巾手揮
 廷下吏目送幕中賓習隱時思許題詩尚
 憶秦秦田溪溜溜花塢澗鄰_《鄰_》問俗停車
 緩貪賢倒屣頻藥囊儲赤箭水鑑徹青蘋
 滄海收毫末空林絕隱淪籍功文館定約
 法論堂詢出處關吾道安危佩一身政須
 陳蹇蹇直與紀麟麟績藝慙班馬抽才頌
 商申占天徒有管望治眇無垠閱歲桃成
 實知年海拂塵扶踈慙小草葱蒨託靈椿
 送文子方著作受交趾使于武昌
 長律二十韻
 萬里蠻陬貢清秋督使馳乘車專述命受
 幣聽陳辭紫舌音聲狡雕題聚族滋玉門
 心愈遜銅柱約難移江漢尊南服星辰拱

太儀趨庭輪齒華授館列膏脂私覲情鈞
 隱公言理折疵彈丸空有險東矢定無疑
 桂蠹消煩溥著龜審事宜要荒工跌宕保
 障慎羈縻鸚鵡寒汀遠蒹葭晚岸歌壯遊
 詩句豁古戍角聲悲月蠹朱簾正山低翠
 浪欺班超空耿耿陸賈政怡怡楚水愁腸
 結銜峯望眼眇過門王事急去魯驛程遲
 緬想垂衣治深求補袞資大夫謀可利小
 客禮須持諭蜀徒煩檄平南漫擬碑佇看
 王會傳端假史臣為

魯子鞏御史分按遼陽作長律五
 十韻愛其精密予今歲亦扈

蹕開平因次其韻

象御天街正烏輪海觀昇省方秋戒慎扈
 蹕歲因仍石迸根駢拇山迴勢左肱塵深
 疑帽重霧密覺衣蒸午頓炊難熟宵征酒
 步勝解鞍心惘惘執轡念競競駘水分壘
 乍通薪筭斗升皮毛均製服脂腴或然燈
 純幕迷高下烽臺閱廢興度關泉水咽出
 口月華澄狼戾官芻峙魚麗餽粟微千房

雲疊疊萬竈墨層層列帳排衣甲行營護
 棘矜旆旋環侶翼鼓發去如繩斗北瞻紅
 棧雲西指白登草肥青穉極松聳翠峻嶒
 積雪疑忘象搏風訝徙鵬屬車橫幄帳行
 殿儼茵憑白氎時逢賈朱衣定指僧翠旄
 逼華蓋金甕耀觚稜觀闕天經界儀臺象
 緯凭依飛拳侶虎鐵杖足如能竹帛司常
 煥丹青職貢增會朝珠帽蒺錫宴寶危疑
 陞立齊垂橐師行陋釋棚廣寒通月窟高
 爽寄涼檜上聖英資異丁年武德弘天戈
 中夜渡星檄百川承同軌嚴行夏明裡耻
 用鄧別州端首異分器定先滕德啓無疆
 眼光傳有道曾皇威宣絕漢陽澤散堅冰
 表正辰居所漸仁水集堦庭開下鳴鳳苑
 廢罷飛鷹舉逸尊加壁掄才鄙貶繒鄧林
 搜八柱瀛海取三凌曲學慙繩祖孤聞穎
 得朋沈思雲外弋冥索澤中罾客議雞同
 鶴人疑驥聚蠅濡毫終有思執簡豈無懲
 謂可兼遐邇胡云立愛憎清芬蘭佩結芳
 薦蕙殺蒸鴻筆吾誠忝輜軒子累乘共知

心耿耿相對髮鬢馬磨誰憐許龍門共
 企膺枚生詞過實揚子德徒稱盛化乾坤
 闢王綱日月恒麟符昭炳蔚豹霧駭超騰
 虛白難為繪空青不受增欲追千古筆為
 付一枝藤

王趙公八十應 制十韻

耆德膺熙洽皇風協泰和公明旁作穆帝
 念叙惟歌粉社新封土蓬壺舊隱窩黃公
 資輔翼白傅退婆娑望日靈龜息擎雲古
 栢柯精神霞炯炯儀觀玉莪莪設醴樽浮
 蟻兼珍釜錫馳擁床爭置笏立馬會鳴珂
 服食丹藏井絲綸錦族窠永須依日月何
 必問煙蘿

壽開府承旨十韻

秦嶽舒紅日天門爛紫霞氤氳生宰輔磅
 礴贊亨嘉文武揚中外寬嚴接通遐遊嵩
 雲擁馭度磧雪飛沙畫戟車流水青編筆
 有花精神春不老器宇海無涯玉殿彌綸
 重金鑿密勿華傳宣花侶斗錫宴棗如瓜
 上壽三千歲元勳第一家山河開賜履早

晚聽宣麻

劉邢公九十應 制十二韻

賜履光華閱迤齡冠帝畿氣氲秋霽嶽茵
蠶露凝芝六聖存遺老千官介壽祺傳宣
鳩飾杖錫宴蟻浮危餐玉銀鎔頰簪花翠
壓眉灌陰機帖帖擊壤樂熙熙坐石雲生
窟澆槐水溜池霜深風脫木冬暖凍消梨
往事先朝夢多情舊日詞魯公方拜後鬻
子定為師用拙長年櫟虛心太古著成功
全靖退樂道過期頤

次韻伯庸畫松十韻

妙思通靈素玄陰接帝青抗顏躬蹇蹇蒙
頂髮星星颯爽龍羞恭蕭疎鶴鍊形壁虛
生地籟斗近界天經蝶夢春濤湧蟲疑曉
日冥雲生停竿候風入倚窻聽屈曲車連
軫騰擎簏列庭戀鄉思海岱封爵鄙云亭
月落孫生嘯天寒屈子醒雄姿輕虎豹浮
跡陋鷗鷗

壽張希孟父郡侯八十二韻

古渭垂綸老康衢擊壤翁星輝騰慶士天

爵貴家公顯氣西郊蕭祥雲北者濃坐班
鳩杖叟舞轉柘枝童壽骨英光聳尾眉厚
德允九重恩詔錫三命偃彌翺麟紋開華
旦龜齡擬少嵩簪花便廣額植菊瑩方瞳
鼎釜兼瓊飲刀圭上藥融傳宣壺燦爛合
宴珮青葱積慶先猷遠詒謀晚福豐靈椿
培世範玉樹挺家風正色通天闕高懷納
楚宮倚風看鴈北就日見雲東君父恩彌
重交遊論盡同竭誠心翬翬移孝思忡忡
意壯追奔馬機忘數過鴻玄參揚子衍書
比伏生工浩蕩漸摩澤昇平塊北功定須
超混沌何必問崆峒

王叔能侍丞相入見王繼學尚書

序其事謹賦十二韻

行殿園氈邸鑿輿擁翠簾重華方聖治上
宰益勞謙臺閣推公幹蒿萊擢孝廉官儀
精考核選格絕停淹議禮心如軫探賢手
自籤都曹清望重瑣闥雅才兼對榻褒嘉
寵垂紳俯伏瞻傳宣桐酒錫拜命襲衣霑
今節薰風細皇恩湛露厭事殊靈壽杖賜

比水精鹽際遇宜朝野矜誇微里閭遺臣
思載筆往恨泣攀髯

清容居士集卷第九

清容居士集卷第十

律詩七言

廉右丞園錦為京城第一名花幾

萬本右丞有詩次韻

閉戶春深詩崇侵卷簾新燕掠清陰亭亭
梅月能消酒肅肅松風獨和琴新筍未容
穿石徑落花時許補雲林主人妙手隨機
轉萬本姚黃磨紫金

楔日與剛中待制至廉園閉門不
內駐馬久之復次韻

雲鑾亭臺煙霧侵難將楔迹擬山陰花飛
竹外疑紅袖水度松間自玉琴駐馬客迴
迷遠路倚闌人在隔清林誰言洞口無消
息一見應須直萬金

送孫道士歸杭

送鴈南飛十五年朔風吹雪上華顛梨花
的的疑蝴蝶燕子深深侶杜鵑東野先生
愁外句西湖處士夢中緣抱琴獨去知無
柰一棹春江水拍天

次韻王寅甫侍讀莅麟長春宮

飄笙鶴雨絲輕聽徹靈曲再成玉案
香分花有影瑤堦松牘露無聲九枝燈裏
開真景三素雲中賀太平莫怪錦袍衣袖
冷還家從此羨長生

蛻骨稜稜侶鶴輕舩壇危震玉為成天街
正供三能色雲所疑呼萬歲聲氣篆通靈
歸廓落心章祈歲報清平金穰上瑞吾皇
意不用神芝朶朶生

題張宗魯編脩詩集

鴈蕩峯寒畫飲冰碧雲為構玉為稜已除
白髮三千丈疑上瑤臺第幾層松頂露涼
旋整鶴原頭火淨撒游鷹何人妙解精新
句剔盡風簷一寸燈

送李伯英秀才歸廬陵

黑頭徒步謁神州蒺藜飛塵鬢已秋日暮
競傳鸚鵡賦天寒誰解驕驕裘鴈聲未歇
砧聲續燈影初銷月影流可是親知留不
得故園清興起滄洲

次韻荅周秀才

湛湛玄雲起研山桃花為色玉為顏溟鵬

水擊三千里天馬風生十二關芳草春濃
堪試筆長空秋盡獨憑闌松階翠影流如
滴遲子携書共往還

次韻成季灤陽見寄

客思如癡日伴羊晚風投憤思悠然看山
不逐馬蹄去得句時從鴈足傳紅綠芟荷
秋岸岸青黃蒲稗雨田田草鱸有興愁無
柰欲問渾河下水船

次韻陳又新

登臺底用惜春非平楚微茫落照時燒後
斷碑遺鳥跡耕餘殘壁隱雙眉泉分去路
蕭蕭玉山聳歸雲蒺藜旗駐馬應須更搔
首速煙翅鴈不勝詩

西湖空濛圖

舊隱湖山筆底收相從京洛意中游昏昏
車馬飛花雨寂寂鐘魚落葉秋千古登臨
翻昨夢百年歌舞漾清愁何當化鶴看滄
海不用呼猿汲澗流

次韻張秋泉盆梅三首

萬里南來帶白雲低徊猶作自由身孤根

鬻雪疑無伴冷藥餐霞別有春頗憶西湖
頻入夢不煩東井與生神相看歲晚真清
絕疑是瑤臺第一人

深明閣裏江南樹老鶴翹翎似病身紙屋
藏雲團白雪丹臺朝日補青春蒼苔有恨
悲山鬼翠袖無言倚洛神回首空林歸未
得淒涼相對獨關人

華頂空餘萬疊雲獨將清影伴吟身虬枝
欲扶窻前月驛信能通塞外春底用施鉛
鄰越女從教剪水恣波神碧虛僊客清無
奈留作新詩故惱人

次韻仲章游南城二首

瑤閣雲深野馬昏分明日月引天門峯廻
九鎖疑無路水過三叉別有村頗怪鶯花
春不負却嫌難黍約誰存山童閉戶茶煙
煖客至溪渠未許論

側身千仞苦不早愛此春從天際浮北雪
西山憐我瘦黃塵白日送君游翩翩目送
雲中鴈杳杳機忘海上鷗今古登臨總陳
迹倚闌何事起清愁

贈王君佐

精神映日碧芙蓉直節昂昂衆不如十載
長安心似水一官淮海食無魚少年已擬
治安策晚歲肯為封禪書聞道功名須結
首鐵冠簪髮莫嫌疎

送蕭立道歸天台

華頂雲寒人不到煩君為上家高層天雞
正叫三更日海鶴曾餐六月水客路微茫
同脫木鄉情依約近歸僧還家莫作採芝
叟背負青天傲大鵬

送李景山使交趾

萬里雲南把一麾日南重見使車馳思家
不作玉門表得句擬題銅柱碑象譯舊傳
周禮樂馬人遺俗漢威儀枕榔溪驛疑飛
雪樹樹梅花九月時

九日書懷

烏帽衝塵鬢漸皤黃花慵插獨婆娑新霜
去鴈天機少落日歸雲雨意多拄笏看山
真我事持螯把酒為君歌登臺欲盡鄉關
望一徑松陰長薜蘿

耐曾道士

積構層巔聳玉臺松花浮翠雪體體終然
一笑騎鯨去可是長眠化蝶來身外乾坤
憐納芥壺中日月隘浮盃何人欲問先天
事隱几蒼鬚換不廻

抵滄州先簡善之應奉

黃金臺上英賢論白玉堂中步武新愧我
清塵暗顏色羨君碧眼映精神春風未信
看花少午夜應知視草頻北望五雲開曉
霧相思那得勝相親

送李彥謙赴西臺御史

百二山河驄馬游西風渭水思悠悠鶴翻
古栢千年雪鷲擊平蕪九月秋桂笏漢陵
尋玉鴈解鞍蜀道問金牛官曹朱墨何時
了一榻清吟是勝流

張虛靖園菴扁曰歸鶴次韻

招僂游館構亭亭萬疊松寒曉日青玉局
講殘春換劫石臺丹在草通靈紅羊赤馬
悲滄海白虎蒼龍儼大庭為愛子喬笙鶴
美月涼時許夜深聽

送華道士降香武當山

神君壽與玉皇同歲歲香傳第一峯龍虎
使來紅日擁龜蛇靈在碧苔封萬年松子
天風奏九節蒲根澗水春博士文工成故
事石林為採玉芙蓉

送虞伯生降香還蜀省墓

玉雪祠官貂帽低笑乘飛燕上天梯寶幡
繡重團金粟鈿合香嚴印紫泥官饌每供
千歲鹿驛程深聽五更雞流沙可是河源
地揺首揚鞭更欲西

丞相墳前雙闕摧泉聲隱隱栢崔嵬金牛

已向秦中去銅馬空傳渭上來叢竹雨留
銀燭淚落花風颭楮錢灰百年華表塵千
劫聞道曾孫始一回

再次韻

振衣千仞笑雲低捫歷星辰履劔梯度坂
政須三尺蕪入關應笑一尤淫神君祭重
祠青馬墨客才工頌碧雞萬里遨頭端不
負花開緩醉玉東西
閣道新平舊石摧望鄉使客意鬼鬼犀牛

坐見降王去，杜宇聲隨望帝來。三卯錄成
竟有隣，五丁神泣劫揚灰。推醜欲作鄉鄰
會，揮手先催弩矢回。

三次韻

觸石危藤壓路低，哀猿送客上丹梯。一百
八盤雲亦雨，二十四番花似泥。解佩浮游
憐野馬，振衣亭育聽天雞。拾遺已去武侯
逸，空聽祠堂與漢西。

時平弔古莫心推，去驛斜陽拍馬冤。曲
松陰隨帽轉，層層山影入杯來。草玄有意
池留墨，觀象無心箭畫灰。為問丈人今在
否，青牛穿嶺日千回。

送王繼學脩撰馬伯庸應奉分院

上都二首

玉京高處雪流脂，連插難翹綠鬢垂。蹀躞
有泥歌獨漉，琵琶無夢說相思。黑河舊樂
催填譜，白海名花擬進詞。羽獵上林俱罷
賦，卿雲何以報明時。

淺坡平疊積漫漫，拂嶺青帘疊畫看。甌屋
起營羊，脾熟土房催頓。馬通乾桐官走驛

傳金椀，冰正今奩貯。玉盤莫上鄉臺望，南
北白雲微處是槍竿。

寄王儀伯太守

維揚太守文章伯，故壘荒煙取次題。逆浪
風高淮水上，寒沙雲落海青低。極知后土
花如雪，不惜平山醉似泥。跋馬使君官驛
畔，揚鞭却在夕陽西。

壽劉承旨

茲審齡開希有文，潤太平玉杖造
朝樂堯堦之化日，銖衣拂石歌舜
殿之薰風。壽擁靈椿，歡傳故梓，敢
陳善頌庸贊令辰。

稜稜鶴髮，朕方瞳玉帶，桓圭一品崇。禁署
清名行世久，高門盛德與天通。升堂衣並
老萊子，做國詩傳衛武公。共道榴花宜結
實，綠陰濃淡駐杯中。

孟習卿都事母八十歸省關中其

家四世科第，祖十五當金三時舉

進士終待制

鶴髮初開九九年，東西雙鳳集庭前。
乃兄官錄

佳亦歸
書母 篋藏龍榜金花淡案捧驚書鈿軸

鮮竹筍清甘宜夕饌萱花芳遠傲春妍風

流文物關中舊點檢諸孫射策編

送李元章宰陝縣

稅冕觚壇匹馬歸冥鴻斜日悟天機明時

法律心常鄙小邑弦歌願豈違潁水初霜

黃葉下華山新雨碧雲飛當今人物湏公

等行見鋒車入帝畿

次韻李伯宗苦熱

庭院無眠夜氣深繁星閃閃漏沉沉祝融

炊火翻初劫姑射疑冰易奮心角枕雲蒸

紋欲斷蠟燈煙暖淚難禁蕭騷忽作還家

夢翠木扶疎萬竹森

次韻程士安睡鶴

疏翎慵受朔風侵谷口雲歸自在心蝶化

不知人事改蟻酣空憶世塵深珠宮胎息

天濤靜寶所神游斗柄沉何事驚鳥繞林

樹月殘衝曉議晴陰

次韻陳海陰

三月雪花飛作豔春風侶欲駐新年夢當

好處成鳥有歌到狂時近自然村樹綠齊
黃鳥界海山青盡白鷗天何人會得龐公
意布領長披不上船

次韻院長退朝書懷兼送李元章

廟令三首

踐昨篇陳夙致齋明良慶會叶榮懷南山

豹聳文章潤解谷鳳鳴律呂諧黃閣規模

深倚注金鑿人物費推排夜光照坐羣傾

動誰道驪龍左耳乖

朝迴深坐碧雲齋無限家林入素懷整頓

乾坤新禹貢剪裁冰雪舊齊諧稜稜望日

紅蓮擁蹀躞看山玉筍排魚水政親那棄

得白鷗相對莫相乖

曾着蟬冠會宿齋陽春玉雪映澄懷黑頭

瑞世頃奇遇白眼論交自寡諧騷裏當堦

身獨障有乘馬入廟者此出之含桃薦廟手親排蕭

蕭匹馬投山縣人事相權侶好乖

題鯉齋

蒙蒙眇眇傲滄溟羞殺任公夢未醒寄館
蠅鬚猶綺靡深歲黍粒獨清寧掌中旋舞

憐飛燕案上能行笑巨靈惆悵九衢長劍
容駢肩堂下慕遺腥

送東平程太守

泰嶽巖巖鄆水清分符投老得安榮百年
禮樂維時舉比屋衣冠合旦評馬鬣奮封
蒼檜老龍鱗古殿綠蕪平高唐路近羊生
泣東望憑公為寫情

送周南翁分刺池陽

柳亭松露十分甜秋浦天青鴈拂簷黃葉
滿庭君吏隱白頭掩卷我郎潛風催帆影
送紅蓼江送歌聲入畫簾惆悵九華金碧
洞謫僊人遠月織纖

次韻雙頭菊三首

袖舞西風大小垂駢頭顛立傲霜姿步搖
高擁車同入笑靨初鈿坐共移素質斷金
疑並蒂閑情餐玉喜浮眉蓮池睡冷鴛鴦
起伯怨秋聲有恨離

碧雲低壓玉繩垂鷺鷥交翔表異姿白帝
司秋金已肅黃人捧日馭初移藥宮罷講
扶雙髻挂館霜餘却十眉剩掃雕搜兒女

態象中明兩見黃離

空庭雲盡露珠垂翠羽交分大雅姿氣服
中黃心獨苦光浮大白眼爭移智瓊有約
徒誇顛京兆多情却畫眉桃李爭妍真不
遜故留雙玉伴支離

閻皂山青玉軒晦庵容齋諸賢觴

詠之地虞伯生作記吳成季令賦

詩

江南琳館蕭開地一一新文付集賢真誥
總傳天外語禁經未數酒中僊步虛巖近
琅玕響禮斗壇空薜荔綠諸老會文題詠
絕誰將鳳觜續離珩

題揭曼碩詩卷

深湛妙思筆鋒收的的冥鴻楚岸秋直以
紫芝招綺夏擬將白羽定曹劉松濤夜漲
驚金谷花雨春濃爛錦洲此意徬徨人未
識期君說月上南樓

送衛大隱回錢塘

諤諤中丞骨已僊滄洲漁火起寒煙魏公
賜宅猶傳笏元子磨厓可賣錢夜雨鼠鬚

編素業春風塵尾話行年西湖雲鎖梅花
凍休浪狂歌酌酒船

送華道士住宗陽宮

黑髮桐官佩水蒼萬松深處對虛皇黃柑
有法能為酒紫朮無飢可當糧招鶴舞虛
山月冷撒龍吹兩海天涼瑤池欲問長生
事汲澗研朱寫綠章

剪刀草

手截溪流護翠苗陰淡蕩碧雲嬌秋風
玉殿釵留股晴日朱筵舞折腰眉缺可能
分燕尾頂荒猶解插雞翹翻思往歲南方
厄羣采空波恨未銷虎此一各剪刀一名
方健歲 燕尾尔雅乃是也南

馬伯庸擬李商隱無題次韻四首

金縷歌殘月滿江玉顏曾憶侍油幢象牀
雲重恩專壹鯨錦波翻賜疊雙春淺正宜
豔作幕夜涼深恨統為窻浣沙可是無靈
匹側足寒溪澗石淙
翠簾匝匝護朱光千葉宮桃滿院香闌苑
有鷺通尺素靈橋無鵲寄流黃上林賦罷

歸巴蜀興慶詞工謫夜郎不是月中親度
曲世人那解聽霓裳

相期心侶石城潮日望晴虹結彩橋却月

眉愁歌漸遠凌波步近意非遥抽琴有恨

廻清角疊袖無塵轉綠腰弄玉最憐隨鳳

去秋來誰與伴吹簫

白髮詞臣兩耳垂華談堆笏陋牛醫宮城

引燭催麻日院吏傳更寫制時蠟灺化生

秋夕賜翠標疊勝歲華移低頭欲說唐朝

舊顛侍虛皇進玉卮

送浦如淵辭官南歸

厭聽朝雞擁被吟吳船水滑碧千尋平洲

種橘清霜重小墅栽花綠霧深瞿鶴真能

談孟浪鷗夷端自愛浮湛因君搖蕩還家

思燭影秋房恨不禁

送李公敏薊州之官

幼着儒官佩楚蘭文章乞不給飢寒風前

野馬停盃却天際冥鴻拄笏看作計政須

千樹栗養生那用九還丹偏州事簡登臨

足花下題詩更倚闌

劉婦表門 王中丞錄

空林露下菊無馨
玉雪深闌養暮齡
河水沉舟雲取取
湘潭鼓瑟雨冥冥
夜燈孤雁鳴何切
古鏡離鷺舞已停
晚歲不須多感慨
雙楹高亞柳枝青

永新 羅氏義門

銀髮稜稜鶴骨尊
舊傳庭誥付諸孫
要同公藝書芸館
還擬白倫標換門
春酒緩歌常棣雅
夜燈深候鶻鴞原
他年欲向廬陵客
詢是瀧岡第幾村

送柳唐佐出守懷孟

甬道塵深曉倦趨
河山環挹暫分符
花開屬縣詩頻賦
竹暗名園酒易沽
積雪翠峯通小有
祥雲朱邸接虛無
冠恂可是專河內
入覲應須馬疾驅

次韻大亨待制賦院中御馬櫻花

華林清切謝塵纒
坐閱朱英不下堂
九就當曾猩血淺
六駟飛翻鴈行長
擎天力重朝承露
向日心專夜歛香
清陰政須容小草
肯同羣卉鬪妍芳

賦文子方篔簹亭竹影五首

篔簹亭裏畫天然
穠淡踈明筆有奇
水底青蘋羞宛轉
月中丹桂妬嬋娟
錯刀側布難為贈
鈎鎖橫陳不受填
午夜碧窻人獨坐
分明清派出丹淵 文與可現丹淵集

瑣窻午色墨花鎔
側側低低隔面濃
日映黃離金瑣碎
雲開白貴玉瓏鬆
蕭疎忽印青禽獨
旖旎疑分翠羽重
二子定知忘食色
高齋今喜見遺蹤

霧縠禪衣網翠裳
倚風蕭瑟轉琳琅
縱橫直欲攻堅白
濃淡渾疑榻硬黃
劔氣低昂動天地
神光離合幻陰陽
陶生久矣知形累
歲晚沉冥託贈章 形贈

玄覽切深萬化遺
一窻光透白差梳
梳風構雨呈千手
却月橫雲鬪十眉
形蛇已忘身有累
神交應許我相知
暗中摸索誰消得
阮籍途窮眼未移

朔吹南塵久避招
閉門白醉獨逍遙
玉淵龍起鬚騰擲
銀箔蠶登繭動搖
露井珠輝湘女淚
雲屏翠暈沈郎腰
象中直欲窺參

伍肯學紛紛个字嬌畫竹來
总个字

粟氏玩芳亭

納納羣芳入小亭
熾光霧彩思沉冥
飛花成列粘碁局
高樹參前列
畫屏鶴避晚煙
茶半熟鶯啼午日
酒初醒春風可是饒
紅紫一片蒼痕眼倍青

送车景陽信州監征二首

風帽霜鞍絳闕邊
晚隨陽鴈度新年
榻前諫笏家猶寶
架上經箱客總傳
世事不知蒼狗變
機心端與白鷗眠
冰天車碾淮南路
痛爵梅花一惘然

上饒山蒺水精屏
江左諸賢冢樹零
鬼谷橋寒松化珀
僊巖土暖草通靈
丹鉛有法供烹煮
筍蕨無租給使令
盡道中年多作惡
相看鬢影各星星

送巨德新四川省郎中

金鑿清密簿曹稀
挂笏看雲數鴈飛
蜀省地尊卿月重
漢江家近使星歸
草堂舊詠迷陳迹
石室殘經卧落輝
戰壘已從芳草換
未妨晴雨晚摩圍

退食公庭日未西
浣溪清雨換障泥
篝邊舊式傳銅馬
弔古新詩問石犀
荔子綠陰鷄鷄過
杏花紅影秭歸啼
遊遨雅集須頻領
不惜那筒取次攜

送樂德敬甘肅儒學提舉二首

磅礴坤輿摠帝圖
手提文印化沮渠
旋宮更問涼州譚
尚右時通楚國書
枸杞夜深歸端入
驛蒲萄秋落易盈車
飛沙斜日頻回首
歸鴈相迎亦惘如

月支城下泉如酒
祁連山前雪似沙
虎頭萬里飛驎堆
蝶夢五更驚塞笳
范老籌邊心磊嶷
李王堅壁骨槎牙
白頭太史欲歸去
時立東城數暮鴉

示從子瑛

聞子欲通靈寶祕
天台洞客眼深青
弄瓦底問月消兩
服食那能老復丁
隔竹引龜心有想
按圖索驥術難靈
吾衰端有先天易
不用山中採茯苓

送玉筍山聶道士

五月凌風龜殼船
梁山深澗白鷗鮮
神清

侶飲金莖露病已何須玉井蓮墨閣小春
刊畫錄碧窻新月補瓊篇相親每憶相忘
處北望歸鴻倍惘然

人日立春子昂承旨賦詩次韻

鳳曆調元二節并泥牛華勝得相迎剪花
欲擬丹心巧縷萊深憐白髮生日轉扶桑
瀛海曙陽廻析木歲華明登高可是無芳
思歸鴈南來倍客情

帝京節物喜相并挾日晴暄淑景迎鳳輦
雲開人共仰烏輪海轉子初生是夜庚正
立春明日
甲子岸容梅柳風光動澤腹魚龍水氣明誰
惜玉堂春晝永汗青無補若為情

書懷寄從子瑛二首

越公舊築鄞江宅風捲飛花劫火新子竟
尋真餐白石我方作史玩青春金張嫡綬
本欺世王謝烏衣亦可人誓墓政須堅晚
歲雙峰擁髻碧嶙峋

當年羣從玉參差炙輟談天不數奇剪葉
舞空山鬼泣唱籌量日曆人疑深春柳下
爭飛騎小雨花前聞奕碁我最少年唯明

戶篝燈爇藥學題詩

送李仲因雲南憲使

鋒車春倚少城邊上冢還家思惘然就日
雲低天尺五圖南路近里三千相如作使
文如綺諸葛篝邊筆侶掾自是蓬壺舊僊
客望瀛新曲鴈飛傳

送馮士啓淮東憲司幕長

遠涉江湖奉板輿離亭柳色易枝梧英標
共擬崑山玉符采堪鄰甌社珠土竈煙高
濕黃葦沙溝水淺漲青蒲煩君敏手須甚
月天際回朝認烏鳧

送李仁父歸高安

枝藤雙屐玩青春北戴登臨筆有神東海
競傳垂釣客南山魯取上書人解凌水滑
千帆直禁火煙消萬柳新從此閉門聞見
絕高齋顏樂養天真

送王繼學御史分司汴省

松階並對影參差君竟乘驄佐聖時每恨
同情不同調可堪相送復相思楚山春夢
行雲識汴水秋聲落葉知我老江湖盍歸

去少留定刷錦囊詩

院長有子在外從許州募得之院

中華賦詩

衣繡門楣五色新明珠還浦竟相親月中
顧免分傳的天上麒麟抱送真僊李蟠根
元指姓露桃食實始知春青箱萬卷能傳
業佇看它年演世綸

題東平張善父野堂

秦嶽當軒積翠環野堂高築稱身間深春
藤榭花溪醉小雨芒鞋藥市還九老尋盟
歌窈窕諸孫勸壽舞斑斕客來欲說人間
事松滿踈簾月滿關

贈姑蘇陳生

陳東昌遇大水買舟渡避水者二千得官

清秋水落渺無津河伯登林竈有鱗用力
定知非一日論切何止活千人放龜晚歲
川如掌渡蟻當年筆有神堪笑乘輿溱洧
者孤舟空艤竟摧輪

送鄭景尹游麗水

冰雪長身膜漆腫岩崑深處靨青葱碧窻
讀易猿啼樹石洞題詩鶴舞空強項政須

消世慮折腰元不為身窮玉堂倚馬須英
俊佇看鵬程振祖風

次韻院長新製安車

禁路繁迂雪護沙老來丞相許乘車向推
紅日頭如葆今看青天眼未花馬識輪聲
嘶外廐鶴追轍迹過僊家侶聞相杵新堤
曲歷錄催朝扈翠華

送張道士降香龍虎山

天香歲歲下名山雪浦春融作使還鶴引
老樵渾碧眼燕迎舊主的朱顏雲浮玉佩
身疑舉霧結層樓手可攀暇日瀆回侍郎
宅好題脩竹聽潺潺龍州張特制之淡孫

寄貫酸齋侍讀

解珮瀟湘已廣騷因風更望子胥濤身輕
奮食青精飯思遠新貽金錯刀紅蓼秋清
堪數鴈黃橙霜熟且持螯龜趺林立嚴題
品得意那無一字褒

次韻蓬萊暢師

西山秋冷雪皚皚駐馬頻聽出塞歌短艇
水生歸鴈急故園春盡落花多登山見月

雲光淡坐石臨溪樹影裁海上故人機事
息詩來勸我老漁叢

次韻天童岫禪師

太白峯高積翠明老禪的的寄深情相思
沙磧唯懷健獨立鄉臺近子卿舊業久荒
松露立浮名空眩槿朝榮定須結社備真
隱寒月深燈了梵經

吳門頴上人年甚少訪余田舍且

惠詩次韻

草舍苔深徑已荒何人著履試初霜飲水
嚼石精神聳蒼若跑泉齒頰香愧我歲窮
驚浪走愛君年盛鄙清狂古松流水平生
顏後會蒲團共燭光

冀寧徐母表閣

月落孤幃霜滿舞篝燈深護襟中兒肯為
別鶻相思操得見慈烏返哺詞槐柳拂雲
森宅里芝蘭擁砌映門楣高堂筍坐雙眸
炯時說初年涕淚順

清容居士集卷第十

清容居士集卷第十一

律詩七言

過揚州憶昔六首

今感化鶴千年返列子御風旬日游已信
銷沉同此意莫將寂歷起清愁江流今古
空陳迹山色有無知幾秋赫赫當年成底
事斜陽明滅隱滄洲

漢東之國古隨州一老昂藏死即休黑髮

虎頭真骨相青春塵尾聞風流人言謝傅

為朝鎮誰信鐘儀作楚囚浩蕩乾坤納今

古好將汗簡寓千秋

空遺蒸壤白如銀不見當年指畫因高視

漢庭無出右清談洛學竟成真極知羽扇

為癡具更恨烏衣是偶人六合車書端有

意百年荆棘已生春

蕭蕭凍雨濕旌旄猶著殷紅奮戰袍金盃

昔聞歸馬埒牙牌誰肯信龍韜樓頭換箭

鼓聲急堂上傳盃歌韻高到底姦雄有真

態木綿菴畔鬼車號

連檣米艦接江湄鞭撻東南力已疲虛籍

漸成藩鎮侈辟書時被廟堂移清風號野
黃蘆淨亂雨傳更畫角悲從此甲兵端不
用書生有味老清時

四城賦擬張衡麗十鑑書同賈誼哀四公有

賦江東腹裏春秋納雲夢案頭今古起風

雷青衫不受折腰辱舊附慈溪為郡守屬文翁勅去白眼

豈知徒步回道歸里間舟泊城南更回首寒

風吹淚下天台此詩屬胡懷寧三省

觀物

黃河不信從天下濟水那知有伏流自古

乾坤合神化空將簡牘費冥摛張華博物

身終死鄒衍談天舌竟休我亦從今銷綺

語春風碧眼玩沙鷗

客中端午簡善之

海城紅憶石榴新海子空看芍藥春節物

似憐游宦客風埃終媿醒吟人已無蒲酒

澆清恨那用蘭湯浣素塵健羨南坊鄧供

奉團藥圍坐笑歌頻

再次韻

尚憶山城節序新榴花疑是十分春田園

慶慶祠蠶祖濟間以蠶門戶家家插艾
人可怪詩書成白眼却從車馬識紅塵思
家那似携家樂尊酒招邀莫厭頻

次韻酬王叅議

槐陰散髮亭亭午花影持盃拍拍春佳節
擬酬懷古意清風不礙笑雲人光陰滿眼
消黃妳世事忘言煮綠塵相望江湖知己
久相親杖履莫嫌頻

玉堂合歡花初開鄭潛昭率同院

賦詩次韻

一樹高花冠玉堂知時舒卷欲雲翔馬嘶
不動游纓聳雉尾初開翠扇張奮渴未湏
餐玉屑嘉名端合紀青裳雲窻霧冷文書
靜留取餘清散速香崔野古今注青裳名合歡今但名合歡

名而青裳之不著

笑塵春菲綠滿堂翩翩清暑獨高翔錦雞
朝日輕霞吐彩鳳舒雲密翠張中散舍傍
銷綠綺捷好扇底泣黃裳芭蕉可是無情
思一展隨風不解香

風流一老笑烘堂解佩看花欲共翔夜露

未歸歸翼斂朝陽初旭怒髯張霧窻不用
青綾被天闕誰縫綠縹裳朱摧黃葵效開
斂爭妍那得有清香

次韻鄭應奉苦雨

漏天有術那能補息壤無功不顯豐漢漢
雲陰來委羽昏昏水氣接垂虹吳門甚水車
塵已逐油泥黑龍火潭疑野燒紅萬里乘
除同此意相看吐吐且書空

觀閑閑齋紅梅次蘇公姿字韻四

首

莫恨飛瓊花信遲相看冰雪已芳時藻珠
霞補春風面萼綠雲開旭日姿骨相未湏
嫌火色精神真欲傲冰肌何人瀟洒紅綾
裏巧暈輕煤畫折枝

臘底飛雲瑞已遲天將絳雪報清時施朱
可是良工手補袞端歸大雅姿溜溜温泉
傳賜浴斑斑厚井愧淪肌閉門已覺寒如
許迴首江南竹外枝

雲閣香温睡覺遲不堪殘角曉鐘時玉妃
瓊屑難為從青女鉛華敢弄姿可怪絞綃

能幻色誰將猩血解填肌團團侶就迴文
錦薄暮凝愁下翠枝

筆底冰清落句遲花神已報艷陽時疎明
不作顛狂夢嫵媚猶存諫詩姿酒力衝寒
端著臉枕痕破曉欲侵肌道人不愛人間
色乞取初開第一枝

壽善之

二月柳青春論枝十分蕉葉不湏辭黑頭
政謝赤松子碧眼故憐黃口兒玉井蟾蜍
吞暗浪錦袍蛟蝶舞游絲雲窻松暝文書
靜蚤晚行修野外儀

次韻仲章游長春

積翠中天下昏坡陁深處轉金門松間
不遇采芝客雲裏空憐打麥村華表鶴歸
城已換滄洲人去柳空存高堂靈骨疑金
鑠應許重游得細論

八極端能合寸眸丹梯危盡覺身浮手持
玉笛誰為贈背負青天我獨游山影西來
疑駐馬雲光南去侶輕鷗人間底用重迴
首樂極無愁果有愁

次韻仲章舟中思南湖

綠陰濃慶彩毫揮忽憶春殘理棹歸約略
晚花圍錦幄招邀雅筍試斑衣長年客影
如雲度五月湖光似雪飛從此清林供笑
傲莫看迴鴈損天機

再次韻

到手清觴不用揮蒲川帆影逐風歸花前
自憶堂前竹道上重看身上衣虛牝鳴秋
通澗急伏雌驚曉隔林飛還家絕勝從游
樂只恐雲窻趣斷機

倦客慵將塵尾揮倚蓬日日聽催歸澄波
自映烏紗帽小雨深憐白紵衣花徑春殘
人獨立松林雲冷鶴孤飛相思此地今如
許萬里重迴且息機

次韻仲章過彭城

山影涵青蒺藜來周遭城角漸低回梁分
曲直雙龍下水合縱橫萬馬迴鑄冶已銷
游子俠登樓誰負謫仙才淒涼正字寒如
許萬疊蒼雲鎖翠苔

仲章詩律大進數日道中論詩亦

頗相合復次前韻以勉之

氣摩屈賈欲平揮格律論詩要有歸石髓
定成千歲乳藕絲空綴五銖衣寒原草盡
蒼鷹攫涼月松陰白鶴飛從此窮河天已
近還家何用詫支機

仲章詩律已入唐人風調而下語

猶未刷妥殆類禪人過橋斷橋之
意近世學者類有此失仲章德業
遠大當不若是此殆其弄翰也次
韻

落落懸河巧發揮盤渦洄洑竟東歸苦心
欲寄千年簡妙語誰傳半夜衣野馬功名
甘却走雕蟲翰墨愧橫飛多言要是平生
累瞪目相忘杜德機

五色橫陳羽扇揮江湖邂逅侶忘歸終憐

古調難為瑟誰信天香不染衣汀草弄妍
成背怨山雞照影惜分飛鮫人兩夜珠成
滴清曉知裁第幾機

平生俗客手曾揮愛子清新欲倦歸北闕
正鳴蒼玉佩南湖空製芰荷衣麒麟瑞世

非關走鵬鷲呈空不為飛薄宦政須成吏
隱莫將奔逐墮危機

舟行將次淮南行復叙別而仲章
歸程可還家作端午次韻述情

曾憶登舟送客揮艱難何事獨南歸楚鄉
水暖沈菰黍江國雲深潤葛衣坡筍綠迎
馴鹿過海榴紅駐小鶯飛笑顏已極誰為
語絕倒無嫌侶陸機

中秋次韻貴白

桂子香飄露濕巾廣寒疑使月為賓流螢
不受十分采過鴈真成一點塵吹徹梅花
天外思飲殘竹葉夢中身靈河自有乘槎
便擬轉神山閱爛銀

寄王叅議

朝川新樹綠勻勻睡起慵軒岸葛巾穿石
養魚短小隱盈缸釀秫補長春胃歲醫國
三年父天與傳家一角麟蒼狗白雲今已
定不應談笑卷經綸

玉堂文杏合歡枝共說僊翁賦有詩日暮
團團空翡翠雨寒點點自燕脂塗鴉舊詔

追遺事揮塵清談補雅詞千古襟期誰與
共相親那得勝相思

泊支家口望瓠山僅一舍復寄

天平水闊鴈參差下有高人坐不移懸榻
定知延孺子汎舟無柰侶微之晴雲滿塢
開新畫落月穿梁想令姿眼底憐才誰復
近裏糧端擬話心期

次韻應德茂寒食見懷

寒食光陰君莫游亂花羞別古枝頭山家
蠶浴雨穿屋海步魚腥浪蹴舟楊柳飛時
疑是老杜鶻啼處不緣愁詩來未盡相思
意刁斗寒清月過樓

次韻史猷父春游夜歸

留取餘春伴白頭落花如雪翠如流提壺
不用頻沽酒垂柳偏能獨繫舟過雨月開
雲母障隔湖燈映水晶毬還家已覺衣裳
冷遙聽鐘聲是竹洲

戲贈黃仲正

好花不受丹青鑄碧眼難將白黑分萬里
宛駒出龍種十年野鶴異雞羣知卿未盡

才難數酌我母多酒易醺午夜池塘有新
夢好將色筆寫春雲

再用韻答仲正

愛子十年燈火勤相看不惜錦機分飛花
映水空憐色去鴈出雲終念羣一寸春霏
生速思五更清夢了殘醺詩來陡覺秋濤
袞海嶼青飛片片雲

泊彭城復懷黃樓

黃樓高下復誰識白塔短長應得知萬里
風煙歸傑作百年雨露起深思文章自昔
為時忌翰墨于今作世師從此江湖掩蓬
去碧雲斜日數游絲

泗水

泗水青於古蔚藍因依碧藻淨相涵遊魚
細數心空羨活火新烹舌自甘可怪然犀
望牛渚底煩斬虎觸蛟潭清湍混混歸滄
海不惜臨流浣舊衫

歌風臺

長安菹醢忠猖狂頭白翻思守四方不悟
官中由呂氏却憂身後有吳王老翁後嗣

真癡弱遊子故鄉空慨慷千古英雄多此
意荒臺清淺水微茫

清明

水落渾黃風晦冥不知節物是清明道旁
新塚悲欲盡柳下長亭聚散輕門靜鞦韆
歸燕逐沙寒簦笠過魚驚河南禁酒河陽
飲醉醒相看總有情

宜遠樓

蒸翠光中擁翠鬢分明倒影落西山遊塵
自逐鐘聲去過雨能將月色還萬里關河
新勝際一天星斗奮躋攀絕憐想像空題
詠後會應須共倚闌

李學士畫壁初成席上分韻得毫

字

春樹纖穠隱碧桃秋山磊落湧銀濤天邊
雨露歸青障物外煙霞入素毫有客支笻
臨水徑何人解珮憶蘭臯滄洲景物供題
品准擬淋漓奪錦袍

次韻危公遠道士

筆勢翩翩千丈坡一天清遠佩飛霞金莖

欲採珠宮露鐵箭能敲玉壁砂人物滄洲
憐我輩冰霜喬木擅君家百年此意知誰
會相視無言眼倍花

閉門積雪擁平坡誰把餘醺散綺霞掛瀑
解裁天外練熬波竟化海中砂機心着物
那成語句眼論詩合到家從此相親勝相
望不妨渴墨醉成花

再次韻

家世清聲起諫坡江湖邂逅忽披霞新姿
正似三眠柳妙語能為九轉砂杯寫黃封
來禁道噫留白醉近仙家慙慙懸榻何時
下準擬寒空詠雪花

朱顏冰雪映瑤坡清曉朝陽漱碧霞神目
豈堪容玉屑聖胎端可化金砂碧桃有實
誰為種玄鶴無心莫問家可怪春風滿詞
筆硯池頻與滌冰花

游城南次韻陳玉峯

市橋水斷綠交加蒺騎隄尋屢士家坐聽
蟲聲行木葉卧看雲影落簷花清晨來露
筠籠重薄暮沾春烏帽斜一徑寒英端手

種好烹晴綠代煎茶

送真定任生

束髮從戎天外萍還家何事說飄零花前
秉燭頭疑黑馬上看書眼倍青倚劍獨憐
今古月吹笳特憶短長亭故人烏府頻相
問一笑惟尋雙玉瓶

次韻史允叟殘菊

白鴈西風幾夕陽故園牢落是它鄉獨憐
壽客三秋晚不受玄神一夜霜曉沐綏垂
蒼玉珮晚粧愁帶紫羅囊凝香深院誰消
得時許飛瓊點額黃

次韻元復初簡危公遠

客舍光陰幾驛亭天邊白日轉重溟擬持
竹葉留春住共慰杏花隨雨零鷺入上林
貪翠萼鶴旋華頂傲青冥十年道舊元文
學為笑無心侶水萍

蔡逢原編備婦翁壽八十

堂堂經學古儒風三世相傳八十翁靈壽
杖扶雲兩屐延年水飲月雙瞳閑逢好客
猶花一倦憶前朝侶夢中間社從今誇盛

集重行彩袖舞杯空

次韻陳無我題石窻故居

煙雨歸來別有春支頤曾作笑雲人還家
未信三千里拂石今看第幾塵往事黃梁
方就枕多情白髮竟沾巾故園未覺秋容
淡留取孤香次第新

夜別俞生

半秋歸夢常繚繞三十六雷煙樹重所居
山名
台人謂山
高震為雷欲別祇看今夜月無眠更聽五
更鐘青帘出市橋邊路白鴈連天海上峯
聞道還家有新樂不妨雲榻卧高春

次韻正旦會朝

閭闔春迴旭日鮮花光搖曳珮儂僊金蓮
漏下催初刻玉筍班齊祝萬年香旌衣龍
開舖坐風迴笙鶴舞鈞天朝元法曲誰傳
得歸醉蓬萊話日邊

送山人還江南

白鴈南來愛朔風掉頭我亦一枝筇澄江
去浪疑奔馬古洞歸雲侶伏龍釣石水移
黃葉滿丹爐煙冷碧苔封從今不說人間

事更上岩峩第幾重

次韻田師孟詠牡丹

積翠瑤京玉作層笑餐承露議誰勝腰寬
侶稱黃金重心巧終憐刺楮能蜀客錦機
流水浣茅僊丹鼎彩雲騰道人香色都忘
却月落空闌始一凭

交枝風動碧層層揮手芳塵謝不勝解帶
暮雲真韻勝斂襟午日是驕能取青娘白
憐雕鏤抱蒸迴黃合變騰宮錦競傳新拾
得沉香亭檻喚誰凭

紫府淵淵十二層濃春如酒力初勝苦心
侶怨鮫綃薄敏手難誇羯鼓能兩立無言
慙委靡地行何術可超騰雲窻烏几誰消
得時許飛瓊月下凭

次韻師孟西曹即事無簡子貞儀

曹二首時議定
律令

咸世昭明復古初掃除弊事獨温舒牛毛
置令心徒褊鳥跡遺文體本踈齊相避堂
憐獄市鄭人鑄鼎泣刑書畫簾一度薰風
曲欲寫琴心愧不如

蕭疎門巷落花初楊柳陰中指望舒辨拙
莫窮三耳妄塵深坐見二毛疎覆蕉得鹿
非真夢點筆成蠅豈誤書慷慨聽君人物
論雕蟲我亦陋相如

次韻贈歲眉侯道士築宮江陵

白苧藤冠自在身獨看潭影認清真還丹
已化千年雪玩易重尋太古春楚觀江流
通白帝蜀山雲氣接青神冥鴻南北疑無
跡萬里乘風問世人

次韻陳貴白中秋見懷

玉人海上振衣來一曲清商鐵笛裁碎露
晶瑩疑水立橫雲缺落侶山頽卯君端有
鏡銀術西帝慙無斫桂才徃歲相思江北
路夜闌曾上望鄉臺

次韻鄭景尹詠梅十首

笑壓羣芳雪霽吟點粧詞筆補春林衝風
曳白疑含笑暎日抽黃轉苦心鐵石橫陳
羣羽避冰霜獨立二毛深阿戎故是調羹
種可為閑情淚滿襟

醉倚孤根散髮吟他年鼎籟出園林黃鬢

雅相非凡種白面清談豈素心湖月歌殘
銀燭吟湘雲弄罷玉龍深踈明可是無春
思角曉霜清整翠襟

幽人為愛水邊吟雪滿踈籬月滿林蔥冷
不知荏叟化神清難撓楚王心寒蜂戀蜜
須猶綴霜螭含漿色轉深千古湘纍詎無
意廣騷從此醉靈襟

手提色筆朗飛吟雲佩衝寒入寶林雅操
獨高淹海角微陽初動識天心鏤冰嘗巧
機猶淺切玉疑神用始深回首羣芳半麤
俗倚風三嗅為開襟

回首白頭悲故吟清愁萬疊起雲林東君
密注非無意北客相逢訝有心絳闕雲低
珠藥迸碧潭風定玉徽深色香要是人間
世更上凌虛始散襟

萬里相逢得放吟醉措雙目傲瓊林龍沙
慘澹明妃怨漁笛淒清處士心餐玉侶嫵
玄圃冷笑雲應喜翠微深何人更作江南
句翻使兒曹競挽襟

欲看南雪倚簷吟點檢春風第一林天典

陽和誰借力晚持精白轉虛心冰蠶半蛻
眉猶濕凍蠟初銷淚漸深夜半花神應有
語覆觴從此斷祥襟

梳風帶雨為渠吟揮手唐昌陋鶴林壯髮
初生齊映額童顏已就靜齋心野蠶成繭
輪囷富玉兔抽毫刻畫深莫遣風姨強攘
袂故教月姊與聯襟

十分深酌十分吟烏帽枝筇故繞林月下
無言疑背面水邊獨立侶傷心珠成蠟鳳
王郎巧笙徹青鸞帝子深歲晚自知誰與
伴風篁搖影互交襟

參殘霜急尚孤吟恍恍神游古蹕林四皓
局殘惟一色三郎鼓罷了無心珠游鐵網
青琅潤苔補虬枝壞袖深擬把鷹膠固青
簾未須殘雪墮衣襟

贈潘山人

夢中得前二句因續之

布韞青鞋今已矣看山舊眼碧深深空憐
石馬駐荒塚不見金魚飛翠峯地鏡有書
穿石乳土圭何術候天心行年七十足稱
老牛卧前坡為指尋

次韻景尹醅醪二首

光陰風雨短長亭花到春餘倍有情翠蔓
倚松超直幹錦江綠酒錫嘉名蛻蛟纏影
青雲聳公鳳蹄步新雨輕白面郎君休翦
綵好將椽筆賦西京

不將名字博西涼留取餘春在一觴當辰
珠衣迎面立曲房寶鬘捧心裝碧雲一色
行明月翠幄千層護夕陽揮手朱殷空爛
熳敢將清思寄幽風

可久齋二首

虛室心源百尺澄深深龜息養空清一川
鷗鷺古儀表四海弟兄真性情璧玉誰人
傳至撲鏽鍾何處問希聲芒鞋直訪蒼溪
上雪透梅枝鬪月明

三十六宮春不老何人月窟重推陳亭亭
倚蓋浮空碧匝匝空輪颺素塵郢客詞工
端自苦海翁機息可相親支頤擬問庖犧
易笑指靈著侶有神

送長洲江都史

官曹無事日提壺一榻深明晝倚梧稻蟹

水低歌拍拍尊鱸秋冷夢蘧蘧長年薄領
漸錐子晚歲生涯羨木奴千里布帆歸思
好鴈聲伊軋起菰蒲

昌上人游京師欲言禪林弊事甫
入國門若使之去者昌余里人幼
歲留吳東郡遺老及穎秀自異者
多處其地以余所識聞若承天了
天平恩穹隆林開元茂皆可依止
遂各一詩以問訊虎丘永從游尤
久聞其謝世末為一章以悼

人說江湖少舊僧懸崖深掛一枝藤採苓
欲取千年魄擊石曾烹六月水天上星夜
端塵塵甑中樓閣自層層相逢止說前朝
事知是松源第四燈

青鞋高掛天平壁指點雲門三兩峯禪榻
已容黃葉覆詩瓢從把碧苔封曉風殘月
千村櫓細雨疎煙隔水春我向京城疑老
盡吳山清淺越山濃

獨木山寮不出門一籠一鉢送朝昏巖迷
鳥跡千崖泣松乳龍吟萬壑奔掩息端如

雞抱子愛閑屢見竹生孫海門月落寒潮
急準擬乘槎與共論

玉几峯頭第一枝老禪吃吃我深知曾持
鐵杵敲冰骨伴怪鉛刀割蜜脾法外無心
猶涉解句中有眼即成疑袈裟不展蒲團
穩此是開元妙揔持

我識甯丘三十年精神霄漢鶻張拳機當
危處即燒印語到盡時難續絃路涉兩岐
空有泣溪流一滴竟無傳雙峯古樹蒼藤
骨時有子規啼徹天

手調千歲廣寒藥擬補月輪蟾已飛眼見
昔人歸逝水心憐志士惜殘暉孤花苦別
生香樹急雪深憐壞色衣為愛同鄉復同
客絕慙同調不同歸

山人歸去意何如八尺方牀自卷舒側岸
採茶敲石火隔峯翦竹溜清渠碧潭印月
菱花鏡白鴈橫空貝葉書後日相尋定何
處不於吳下即康廬

次韻王繼學

蕭蕭寒雀下庭除一榻蘧蔭是我居雪後

看山雙眼淨風前攬鏡二毛疎退之掌制
慙存荼退之四十一歲知制誥一年僅存
在草戶部一制余年相同亦草一
制伯玉知非定止車深愧年華增老大還
家早注故山書

除夜雪

黃雲黯淡夜如何晚勢參差更馭娑着地
不隨人跡亂舞空偏入麥苗多鴉驚列炬
穿珠樹馬趁初朝映玉珂歲律詎隨人事
改故將嚴冷轉陽和

元日朝廻

積素稜層厚載坤天雞三唱日初暎千官
山立歸文石六衛嵩呼徹禁門花帽舞風
喧法曲椒觴冰露湛皇恩新年欲奉瑤池
對顏借扶搖與化鯤
萬國桴航滿禁衢卉裳象譯語音殊鳳簫
聲送纖腰舞雉扇行分兩翼趨花氣欲浮
金鑿落雲光疑下錦流蘇詞臣不識金泥
秘點指薇垣頌六符

偶術末章答繼學

承明三入並時流俯仰深慙此地游誰謂

東南無美箭極知西北有高樓韋編舊學
陰陽秘汗簡功深歲月修三史如山詩思
少那能走馬過長楸
金鑿深處是家甌玉雪青春不負賢會見
鳳毛能掌制定知麟角可膠鬲浮榮芻狗
寧居後曲學雕蟲敢避先慙愧南州徐孺
子每看塵榻屢潛然

雪後

畫角初消已弄晴曉看突兀眼偏明寒窻
駐景成虛白凍樹裁春點素瓊北戶埋藏
疑有跡南枝搖曳若為情憑君欲問飛靈
巧水自白雲山自橫

送李署丞歸許下

春風得意故還鄉月白霜清傍曉裝燕領
定承新鳳詔馬蹄猶戀舊鴉行溪邊父老
欣相過燈下兒童訝已長我亦辭家經一
載青天歸鴈攬離腸

清容居士集卷第十一

清谷居士集卷第十二

律詩 七言

送俞道士歸蜀

真與力相李
公為布衣交

鶴骨輕輕碧眼鮮
五千言裏契重有定知
德裕曾傳道久與長源共學仙
金籙夜調丹井永紫衣春染御爐煙
掉頭不說人間事
指點白雲尋醉眠

趙郡睦孝子真逸堂

青松手植已成雲
盡日庵廬不出門
屋角慈烏議晴雨
階前馴鹿候晨昏
清秋釀黍備鄉約
深夜篝燈課魯論
明世詎堪成隱癖
舉頭束帛起丘園

五老堂

鬢眉雪色古儀容
五老雍雍氣象同
菊水定知延上壽
桃源今解識高風
弟兄黃卷傳儒素
娉如青燈教女紅
慣說前朝征戰事
醉拖筇竹數歸鴻

送河中段惟德應奉除西臺御史

千年青簡正紛如
還著鐵冠歸故居
妙筆醉欺紅芍藥
丰姿鮮映玉芙蓉
過家上塚

爭驚喜柱笏看山任卷舒
試上樂遊原上望綠陰芳草正扶疎

韓參議家慶圖

叔祖暨父
各九十

丹泉為醴菊為菹的的厖眉侶
畫圖萬石齒高勤澣洗二疏年
並得歡娛兵前父老難尋伴
眼底孫曾總業儒欲向碧桃花下
醉斑衣紫綬兩相扶

吳成季父母壽八十

延陵季子古高賢
雲耳于今壽種傳
有道定知真有子
齊眉更喜復齊年
蒼龍雙擁宮醪湛白鶴重歸
丹井鮮自是君家多孝感
玉杯甘露會羣仙
吳誦事父母至孝後
有玉林甘露之威

白雲平章致仕

曉看明鏡欲休休
萬里功名陋帶頭
絳闕直辭黃鼎貴
白雲終伴赤松游
侍臣傳醴真殊遇
退傅揮金得自由
感代東封催告禮更須
尤老侍垂旒

寄題成都李御史萬竹亭

亭亭萬竹封侯貴
聞說西州植此人
風送笙竿聯雅奏
月留鷺鷥寫清真
山頭密護

千年雪地脉潜行八月春舊言竹鞭
上岷峨探游事煩君指點浣花津

送鄧君用教授歸廣信山

光陰那俟日懸車拋却荷衣即故吾置對
直如朱伯厚退休還侶邵堯夫白鷗遠水
清秋鏡紅葉前峯落照圖耆舊即今同逝
水早將鴻筆為傳模以謝疊山

壽李承旨二首

兩曜迎陽合璧時卯君乘瑞佐昌期閣中
像有功臣贊圯上書為帝者師碧眼閨人
如水鑑丹心許國有天知歲周甲子今重
轉消息梅花第一枝

清時得意恣逍遙雪色鬢眉兩鬢饒碁局
春風深閉戶酒樽涼月獨吹簫豹韜袖手
終傳采鶴杖無心強造朝門外種松今百
尺它年為我掛山瓢

安西老人

方瞳如漆耳輪高喜見曾孫守碧桃鳩杖
月明尋杓杞鳳簫春暖醉蒲萄故人天上
方蟬冕老子山中但豹韜欲問汝南耆舊

事且乘龜殼把雙螯

早朝

興聖宮次韻

萬馬東西甬路斜銀河初曙起宮鴉天香
隨輦凝三素風絮沾袍點六花銅史漏浮
催卓午玉奴聲轉進流霞詞臣點綴瑤池
事底用秋風海上查

次韻周南翁退朝三首

蹕道聲迴覲后皇霞旌雙引拂朱光龜臺
新按霓裳曲獸鼎重然甲煎香歌板遏雲
穿泮溝酒車流水度汪洋重輪瑞世思齊
聖傳信應須屬子長

雉尾高張擁玉皇彤庭金榜察明光舞階
飛絮傳滕六執衛傳臚轉阿香珠帽簫聲
雙窈窕翠旌雲影五方洋侍臣誰近前螭
立願紀堯年化日長

蛾眉斑立肅皇皇恰匝松陰陋午光舞翻
當軒初進酒表函登陞促傳香六龍捧御
雲中日三象輪琛嶺外洋欲識兩宮清淨
理薰風殿閣漏初長

和游岡子原韻

棠花淡淡柳花濃岡子原頭立晚風三月
兩聲人共喜一樽春色我難同麒麟卧草
青山外驪褭穿雲綠樹中晚歲滄江情不
盡想看清淺數鳧翁

用早朝韻酬伯生試院見懷

玉署松深月半斜研朱和露勘塗鴉射熊
心苦穿揚葉吐鳳聲清飽竹花過眼侶迷
三里霧騰身誰上九層霞故人掉首南山
去應釣秋風漢水槎

酬周南翁子二首

小榻燈殘鴈影斜詩成重點墨如鴉皇禽
警露呈三疊天馬追風剪五花郢客有才
歌白雪相累無計佩飛霞璿源自是天邊
路不用贏糧學泛槎

碧篔簹長短聞車斜玉雪青春髻侶鴉博物
已知窮海棗苦心端欲鑿水花山中伐木
鳴搏黍馬上看塵起落霞健羨雲窻無限
好慈烏雅雅鵲槎槎

送儒醫何大方歸信州

雙檜鷺鳴野水高天風落葉響林皇空堂
桂露流金乳舊鼎鉛霜長玉膏丹府久虛
存夜氣上池新飲察秋毫山中猿鶴驚相
問肯為緇塵染素袍

次韻周南翁拜孔林二首

陵廟陰森佳氣蟠湯湯洙泗接淵源硯傳
昔日王官得履憶當年漢庫存手板文裁
措舊植髮冠香守檜殘唐文皇以孔林
措舊植髮冠香守檜殘根木裁手板賜
月行天地萬古韋紳沐聖恩

山簇平林野水清整冠下馬得徐行壇空
尚憶風雩樂宅近惟聞金石聲環珮齊趨
文有度豆邊初秩禮為程百年雨露同車
執郡國千官奠帛生

贈豫章蔡叡歸里以鄉舉不
中來京師

抵掌彈冠謝未能立談白壁且擔簦厭聽
長衢三尺雨愁飲深冬半片冰冠蓋情傾
年運往簡編心苦歲華增去來聞見冥鴻
迹岸情雲峯撫大鵬

次韻院長題趙崇德脩撰玉菴集

誦君家世倚樓句不侶玉簪留詠深鳳髓
獨傳天外實襄蹄端出水中金停盃蘸甲
難陪和對鏡搔頭敢擬尋可是因花攪情
思相君題品的知音

送朱本初住玉隆萬壽宮

聲華文采動公卿忽縮烏條出帝城
目薄書空汗漫飛空樓閣正崢嶸浮雲變態
西山盡往事灰心北斗驚肯作蕉池談笑
住瑤壇笙鶴夜深清

寄城南友人

三入承明願已酬蓬瀛又復接清流
碧歲時驚飛花恨實瑟曾傳細雨愁
夢繞故園追過鴈眼穿鄉樹認歸舟
茶蘼落盡啼鶯急慙愧羣公得縱游

寄史允叟

故國王孫佩碧蘭春雲涼月倚朱欄
玉簫曲趁鶯聲轉金鼎香隨蝶夢殘
碧沚波清堪把釣黃塵風急倦彈冠
外家文采唯君在笑我冰鬢跨曉鞍

寄陳文卿

窻對平湖柳對門隔鄰鐘磬送昏昕
水煎菊本傳家舊酷壓桃花勸客醺
擬向蠻溪誇矍鑠爭如月窟養網緼
通家欲說先賢事兩岸書燈點點分

寄蔣遠靜

金甌家氈五百年城南喬木儼蒼然
久知華屋慙卿長肯向深盃品聖賢
虛白夜窻刊墨譜硬黃冰硯補瓊篇
年開六袞未云老桂斧重脩月定圓

寄鄭景尹

大傳東山卧白雲經巖勤拾付諸孫
玉堂舊見中興舊制堦芒見黃閨深切百一存
玉堂某作一傳位詔金盃宅深春雨暗烏衣巷
靜夜潮宣佳花奇竹勤題品莫學儒酸老瓦盆

寄開元恩禪師

恩公遯跡閭門寺欲下繩牀謝不能
露滴花光珠五采月涵江影塔千層
石榴紅帽明如火海艾青氈今侶冰
俛首西山人物論獨聽孤鴈對殘燈

寄本中峯

天目峯前萬石蹲坐看晴晝白雲昏山河
有象百神泣鍾磬無聲兩足尊古澗老猿
啼子母荒林野葛斷兒孫空王法嚴誰傳
得不展袈裟不出門

題郝伯常馮足詩

深羈孤館鬢毛斑猛虎搖鬚障海寰玉樹
已歌歸逝水羽書難射隔平山不須羸乳
終回漢肯學雞鳴詐度關一寸蠟丸憑鴈
寄明年春盡竟生還

霜落風高恣所如歸期回首是春初上
林天子瘦弓繳窮海粟臣有帛書中統
十五年九月一日放獨獲者勿殺國信
大使郝經書于真州忠勇軍營新館
中統十五年乃至之
十一年明年奉使還

送王景先赴燕南僉事

一疏朝天罷柄臣河南井邑萬花新繡衣
暫着明銀漢青鎖初辭應紫宸朝膳平反
娛壽母露困直指活飢民清時經濟須公
等佇見鋒車入覲頻

小院四月十二日牡丹始開乃單

臺花也余將上開平作詩示瑩

暖風吹雨佐花開送我灤陽第四迴內苑

賜曾傳側帶舊賞花宴有大江南畫不數
重臺徐熙牡丹無重瓣者至崇嗣始有
之重臺碑之下者見常談云耳迴
黃抱紫傳真訣嫩白抽青陋小才自是妖
紅居第一它年折桂莫驚猜韓魏公牡丹
詩自題折桂
翰先手差教妖紅作狀元
魏公第三王堯臣第一

初夏即事

斜暉庭院樹陰移翠蔓交加靜對宜幸有
花王能引酒慙無草聖助題詩鴈隨雲影
還鄉近燕惜春光築壘遲尊蒲東湖嘗不
得笑看羊酪寫相思

壽椿堂為王正
臣作

嘉樹婆娑十畝勻笑扶靈壽日千巡風迴
空籟笙竽轉雪壓長柯鐵石新欲從六龍
遮赫日佇看五鳳舞長春銖衣拂石方成
劫侶笑莊生說未真

送湖廣萬戶

壯歲軒騰碧海鯤英安玉立暎朝曦昔司
魚鑰曾通籍今佩麟符輟偃藩渚對紅蓮
便羽扇岸臨朱橘傲清尊郢宮疑在平蕪
際為淪蘭湯些楚魂

次韻宋誠夫二首

風雨寒簷雞報晨書聲盡歲徹比鄰食其
不作三千客射策端為第一人吳郡壯游
追子美楚宮陳迹酌春申少年覽歷真奇
絕侶勝宣尼厄在陳

蹇驢入局走寅晨落月相隨擬結鄰鴻蹟
鉅編伴古帝虬髯英貌想天人亥書深恐
經三寫乙令何妨著五申明世經綸頌國
士它年宣室頌前陳

高內宰母漁陽郡夫人李氏表門

高門槐柳綠陰勻鶴髮浮光銜坐新繡出
人間金孔雀孕成天上玉麒麟萱花北戶
丹心炯竹葉初筵素臉真曾向瑤池侍清
燕碧桃傳種六千春

壽劉彥良宣慰母夫人九十五

英英壽母步踰躑疑是瑤臺墮地仙眼見
九朝全盛事身經三世有餘年百壺傳賜
黃封濕束帛加恩繡段鮮指點斑衣聽訓
語清忠報國紹家甞

送湛師校經回杭

寒峯雲聳翠霏凝靉靆着青鞋侍帝庭貝
葉頻刊塵几淨天花新墜寶臺馨兩翻荷
露閑鷗立風攪松濤睡鶴醒絕世樞機真
止水從今掩息畫堂局

送雪竇長老校經回里

翠鎖松關疊疊高坐看明月負金龜已將
禪板傳心印暫下繩床披毳袍聖諦無聲
機獨露經筵有誤日難逃塵中白髮誰消
得歸掩山寮聽雪濤

送董教授之淮南為上都教授多善績

五月寒深冰滿鬚碧天雲冷竟何如聽駝
度磧心彌折隨鴈還家計未踈禮殿競傳
周籛籛論堂新整魯詩書明年又作淮南
客蘆荻業深看捕魚

寄上都子貞伯庸繼學三學士

侍臣親切見銀河不用虛無八月槎蟬報
早秋歸木未龍拖殘雪度山阿琵琶雲冷
相思切蹀躞泥深獨立多今歲同行詩墨
壯飛觥擊鉢正橫戈

遠客三年親友簡絕獨開尤鄰僧

以書茗相寄

廿載神京汗漫游，玉堂深處得無愁。
隨龍北上迷三伏，送鴈南歸憶九秋。
親友共嫌疏，問信律師屢約勸歸休。
南湖出日西湖月，應許明年共泛舟。

進史 明仁殿書事

大帝仁功徧八寰，敢將鉛筆強脩刪。
寶輿花覆簫聲赴，黃道松分佩影環。
仗簇金吾開雉尾，香浮黼坐仰龍顏。
還家陡覺詞臣貴，獨恨年深鬢已斑。

寄開元奎律師

雙塔亭亭透夕陽，芭蕉深處碧窻涼。
江神夜聽光明偈，天女朝分鮮脫香。
齋鉢午空鳥守樹，經臺雲冷鶴歸房。
平生欲結西方社，侶怪淵明作吏忙。

伯庸開平書事次韻七首

沉沉梭殿內門西，曲宴名王舞馬低。
桂蠹除煩來五嶺，冰蠶却暑貢三齊。
金罍醕重凝花露，翠釜膏浮透杏泥。
寂愛禁城千樹柳，歸鴉揀盡不曾棲。

尚方新製玉東西，一曲生香舞袖低。
閬苑春濃巾角濕，巫山雲冷帽簷齊。
前行按曲停檀板，內直催宣印紫泥。
可是年深慵應詔，道人自愛碧山栖。

身如病鶴倦梳翎，往事猶存舊汗青。
伏日賜冰來上苑，晚風傳竹度疎櫺。
承恩裁詔心抽繭，落筆誅姦眼拔釘。
惆悵當今人物論，披衣危坐望晨星。

客子老陰疾箭翎，徘徊玉署愧紆青。
當階翠影翻紅藥，連瑣回紋認綠櫺。
賦擬卿雲羞輒茁，文追班馬黜灰釘。
北門英彥璋重朝，論證量比秤星。

的的新愁漲碧波，可堪跋馬上危坡。
明知風伯秋當路，更候天孫夜度河。
沙磧共傳歌救勒，陰山那復見延陀。
周廷王會須椽筆，慙愧陳人柰老何。

馬足曾窮五色河，更將古本品浮槎。
新聲促軫傳三疊，寶構懸鈴鎮四阿。
短榻鴈來愁不柰，小窻人去酌毋多。
白頭慵作東封頌，願效諸生賦止戈。

侍臣底用賦明河西海曾看貫月槎向矣
伏蒲移塞外終然加壁耀山阿羨君一鷄
孤難並愧我雙鳧數侶多舊讀韜鈴工七
縱裏瘡從此額投戈

送梅叔章官東流簿

江水東流八百里縣市南遷五十家寒蘆
捲風散晴雪野燐照川成暮霞眼看平楚
堪舉酒睡足高春方打衙都官之孫詩有
種玉板日給飛龍蛇

次韻景尹觀菊

輪郭團團漢五銖身輕疑食碧雲腴翠蕤
建纛煙凝紫金粟搔頭露迸珠初日正宜
催玉立清霜那使作銀鋪城南兄弟空相
憶插盡黃花更插萸

託根不復辨殊方朶朶參差列鴈行曠日
巧心端補袞迎霜生面侶含香飛英獨佩
疑湘浦笑靨初鈿陋壽陽惆悵千林正寥
落故將清冷閨秋老

送杜輝卿還蜀

浣花溪上水粼粼化治能為五色春奇錦

鶯穿金婀娜粉箋花印玉精神百年文物
毛錐舊萬里車書馬足新仁壽堂前乾鶴
喜綵衣歌舞動比鄰

送石上人還江西

圓帽方袍入帝都秋風惆悵意何如雪
飛北口蘆花絮鴈落南空貝葉書聞見迥
忘雙解艫行藏無住一蘆條南泉安衆千
五百從此跣趺滅太虛

送李巖夫四川譯史

玉雪精神睜彩霞清秋馳坂忽還家心聲
珠貫通三象日力機深洞五犯青簡世傳
端合繼黑頭早貴實堪誇子雲猶有江邊
宅好續方言振國華

紀生書經罷歸還里

烏帽梭鞋四十程壯懷鵬翼決南溟定須
金匱題銀管不羨鴻都寫石經落葉行階
疑急霰流螢穿樹侶踈星白頭病客思歸
切欲別無言酒易醒

示皇甫生

矻矻窮年皇甫生眼瞳如漆暎書明神清

古鑑金莖露佩雜寒英玉井瑣賜谷久知
螢燭陋丹山深愛鳳雛清玉堂老叟端歸
去龍榜蜚聲遲子成

再送紀生

荆園書臺有紀生眼穿紙背倍分明聲音
雜比昭華瑄跬步周旋夏后璜賦律意深
慙策刺詞華情近忌輕清老來贈語多謀
誤歲晚相期玉汝成

鄉友南歸客舍凄然再次韻

雙棹迴波沒復生人隨帆影去邊明愁雲
亂疊數重席寒月初弦掛半璜漁泊汶橋
煙樹暝費圍淮浦海潮清方林獨坐愁無
着萬籟笙竽奏九成

睡覺東西書燈猶明喜勉元達無
示瑾子

兩家聞見參臺閣諸老論思聳廟堂莫畏
大名辭繼紹顛超允子脫輕揚文章正始
師先漢格律黃初謝晚唐師友淵源端有
緒老夫推枕起論量

省中議事回元達有詩次韻

烏帽黃塵久 帝城紫掖深處得陪行擬
將直筆酬延閣欲抱遺經進邇英老去病
多傳桂酒秋來情重憶尊羹蕭蕭易水聲
悲壯不盡襟期白髮生

馬伯庸以詩餽兔次韻

閉門膝六散銀星對坐累憊白玉屏琴匣
冷光棲綠綺壁騰寒蹊起青萍凍雲縹緲
迷圓嶠小酌無何入大庭知我年來雙眼
眊特分明視了殘經

十一月十四日駕至京城楊仲禮
有詩次韻

金輿清蹕發龍城乾雪坡陀甬道晴師起
晉陽戈盡倒今傳代邸轡徐行鷲皇合奏
雲光逼龍虎交章曙色明欲認雞翹新法
從駝車深處聽鈴聲

題馬氏先塋記後曹子貞求作自
崇寧傳至今

衣冠異代劫灰平眼見佳城歷變更曲水
護田成委佩織峯當戶侶疑兵王蠶零落
威王塚石馬縱橫晁氏塋威德獨傳三百
載好將遺事述新銘

甲子立春

泰定元年新甲子天門

上聖啓瑤圖日融凍樹青煙煥土圻晴蔬
碧雪鋪五鳳彩樓催羯鼓雙龍絳闕勘魚
符侍臣廿載題春帖從此歸休拾澗蒲

瑄次韻復成爲隱居計

京塵二紀榻蘧條近喜家兒報宅圖移石
近堂雲亂擁栽梅當徑解重鋪留春定合
簾花譜品水應頂置竹符晶晶南山看積
雪青青古澗玩新蒲

病中玩易復次韻

丙寅老人五十九猶是先天第二圖桃竹
杖輕藤杖換蘆花絮冷柳花鋪當陽山立
隨羲御後夜尸居奪晉符已識羲皇真太
極不須黃獨與蒼蒲

三次韻

濟勝閑身倩給扶家林應許畫爲圖空巖
有象飛泉舞古徑無蹤落葉鋪壯歲思僊
尋火記暮年制氣習陰符松花一七能消
得猶憶南州笋及蒲

武氏母八十

玄髮離離聳黑鴟桑田滄海事如麻魚穿
水腹宜供饌泉躍江心可煮茶烏繞楔門
爭玉樹鸞開錦誥印金花閑居欲效潘郎
賦準擬家園製小車

安山曉泊

兩袖飛仙舞玉龍曉來朝嶽日華東門當
楊柳灣灣碧水貼芙蓉岸岸紅隔艇茶香
知楚客連罾魚熟總吳儂白頭已忘干戈
事不用乘軒問土風

發御河

一棹黃流去復回飛沙積岸雪皚皚梨花
亂逐沙鷗起燕子深隨野馬來晚歲宦情
初岸情暮雲鄉思獨停盃茶蘼滿架留春
住知我將歸爲緩開

次韻砥平石

金門吏隱愧相如歲月逡巡翰墨疎拄笏
有時看白鴈濯纓無復聽金魚倦游築室
成真隱作意還山了舊書更與老禪深結
社平生黑業總消除

次韻謝定水

禪板蒲團振祖風故將妙語起衰翁青氈
舊學慙多缺玉佩清朝愧罔直以簡編
窺往聖敢將翰墨擬宗工壯年永感辭庭
訓晚歲何由繼五公

次韻昌國宗聖上人

海上秋潮候月生島中瑶草不知名每思
大士起禪觀獨恨秦王苦望瀛龍吐戒珠
殘照影鴈橫梵字故鄉情妙年碧眼才翻
錦為念衰翁強入城

贈徐秀才還里

西風擁騎出前郊紅葉玲瓏透遠坳家近
不須傳鴈帛縣開曾是用牛刀蜚聲展綵
春眠柳文思裁珠夜泣鮫師友淵源吾豈
敢會看翡翠聳林梢

送劉明叟治鹽事還省

海上銀沙百鍊成年年飛騎走縱橫人傳
一馬二童至春在十洲三島生烏帽多情
替菊藥瑤琴有意送潮聲經綸滿腹須時
用早上囊封致太平

次韻荅西山道逢原

招提遠在岩崑上曾有耆龐說法來澆澆
玉泉澄戒鉢團團翠柏護經臺平疇隔水
橫碁局遠嶂飛空擲酒盃聞道幽人經論
罷支頤掩息獨徘徊

送韋仲和教授之官池陽

亭亭秋浦玉芙蓉無限樓臺落照中定見
揮毫題妙句更須拄笏繼高風當年故壘
遺金鏤此日清溪漾碧甯人機世機心何日
了持觴為酌九華公

梅隱齋

萬藥踈明鐵石堅肯同餘卉鬪芳妍青雲
覆幕水承柱白玉為堂雪作氈橘叟不知
身外事壺公唯識洞中天何人欲問調羹
法一榻蒙頭謝醉眠

次韻鄭景尹重九四首

年年京國度重陽禁路風高徹骨涼坐覺
衣寬藏宿土行疑靴冷怯新霜紫萸曾憶
童時佩黃菊須看歲晚香惆悵東山在何
許挑燈無寐坐方牀

無復金絨與覆鸞
屢看秋月缺還圓
風塵自覺真衰矣
勲業深思盍舍旃
烏帽塵荒憐遠客
白衣酒熟慰癯仙
深慙涉世脂韋火
獨項何能效董宣

還家兩歲見重陽
過鴈橫空拂曉涼
尚憶傾心朝午日
欲將勁節拒朝霜
禽魚有樂隨天性
蜂蝶無知戀晚香
從此林間端見一
不妨枕易睡匡牀

久矣懸車微坐羈
天機渾沌默方圓
披沙經窟知非矣
秉燭書林尚勉旃
愧我詞華端近俗
愛君詩律已通僊
門前種菊高如許
亦欲紛披五采宣

齋前海棠秋日著數花
謹首賦詩

次韻

四山紅葉報秋殘
驂目家林認未端
螢點流星驚乍曉
鳳銜初日怯輕寒
鮮鮮敏手橫新錦
炯炯芳心吐故丹
西帝已能回藻景
為言莫作杏花看

金祇當御衆芳殘
忽見奇葩表樹端
霞臉已拚千日醉
絳唇自怯五更寒
燈籠錦就

霞衣帔箭鏃
砂成寶鼎丹
政此凄清端
慰藉停盃擬作百回看

次韻吳門聲上人

翠棧經院多高人
翠棧寺有碧窻點翰五
采新天機不受梁
燕語逸興直與江
鷗親羨君解衣浣
流水愧我束帶陪
禁宸屈指當今人
物論從此有約同
垂綸

至人天隱樂有餘
良玉不顛為雕璣
昂昂盤石大坐相
杳杳歸鴈彥行書
白蓮解結碧雲座
綠蕉不羨青葱裾
道人緇經悟空假
始信塵世非真如

憶雙溪

清溪明霞水交流
萬井鱗鱗冠蓋稠
杯凝玉光明月入
幕遮翠影落花留
雲生古洞千山雨
風送層樓萬壑秋
麗澤祠前家佳絕
藕花零亂勝滄洲

寄張希孟內翰

君方習隱食翠柏
我亦採真歌白蘋
千嶂連樓堪岸幘
百泉當戶足垂綸
尊鱸水閣滄洲晚
稻蟹田肥澤國春
日夕相思看過

鴈客來無惜寄書頻

清容居士集卷第十三

絕句七言

團扇圖

玉樹秋殘翠影疎
掩門何處望金輿
昭陽殿裏渾閑事
最恨當年李婕妤

擊梧圖

萬樹梨園已失春
秋聲颯颯起胡塵
君王獨立梧桐下
不見當年鎖諫人

韓幹五王出游圖

花萼樓高怯翠衾
平明聯騎走芳林
讓皇可是無忠益
一曲涼州恨最深

夜讀唐將遺事二首

合江雨暗裂珠旗
鞞鼓夔夔怒促圍
不是帝靶車上去
元戎那得袞衣歸

雉尾雲深漢殿開
將軍鐵馬響春雷
太平未覩匆匆去
空憶君王白玉盃

秋山圖

簇簇麻姑十二闌
倚空搖落總塵寰
卧遊京洛誰消得
一榻松風響珮環

童時侍先人泊京口旅樓一月正

對江山樓繁麗特甚江津流民散
處不可悉數今皆不復有追憶舊
事因成絕句十首

碧瓦參差第一樓風旗獵獵喚行舟兵厨
有酒真堪飲不學弓刀也白頭

紅袖娟娟舞旋齊鑿江一曲唱尤奇西湖
院落曾翻得未識君王知不知

燈火闌珊月色低少年乘醉馬東西樓頭
畫角聲悲壯又聽歌聲促曉雞

白葦蕭疎野火焚流民草舍各星分沙田
土瘦新耕得寧死江頭不作軍

朱門高棹相風旗千里船行總得知稻米
流脂江上去健軍何處是男兒

日日樓頭算酒錢裁冠太守號籌邊鳴騶
傳入丹陽館為是行都過客船

淮馬低低如果下騮春風小隊打紅毬日斜
臺上人爭看銀盃分明第一籌

明月曾愁多景樓幅巾長袖是清流金焦
山勢元相望不揜諸公富貴羞

劉改之舊
有山梅諸
羞之句

硯山園下將軍宅脫却兜鍪強學儒聞說
高堂擁紅粉醉翻筆陣墨模糊

白雲一去愁千疊此地重來百不如空憶
當年覓梨棗小樓燈火了殘書

先人諱子
最嚴時在

雪中招虞伯生祝丹陽
空林一色十分春羞殺高眠獨笑人喚取

東坊虞博士紅爐同點奪胎銀
金芽初熟白皚皚袖手爐邊未盡開為請

招真老高士且須騎馬抱琴來
梁山樂

千頃芙蓉送我船碧香紅影弄娟娟梁山
風景能消得不到西湖却十年

支家口
蕩底天鵝雜橈聲南鄉今有幾長亭錢湖
未盡滄洲興卧看荷花十二汀

黃河
乘槎使者問河源織女相逢事惘然從此
競傳天上去不知滄海幾桑田

取山

一簇山腰總賣薪語音猶是舊吳人江湖水闊從今住更肯輕生學買臣

古黃河口

温温河水侶湯泉送我南歸意萬千入海定從天上去不知重會是何年

黃樓

詩到徐州不用題危濤千尺壓金堤羣峯翠盡蘇仙去萬古黃流日又西

伏日度淮

伏日陰陰盪棹船詩腸水雪碧淮鮮黃塵自是人間暑不識薰風在五絃

過高郵

一片歸雲一片帆芰荷深處綠蒲灣鴉鵲可是無情思不及沙鷗自在閑

覽社湖

覽社湖中新水清風牽荇帶引帆行靈妃夜度霓裳冷輕折菱花翫月明

聞見

飛蝗眼見度淮鄉又聽吳田水渺茫總怨春來雪五尺變風變雨變年荒

渡揚子江

一舸中冷煙雨飄片帆閃閃浪招招倚闌僧在半空語南去北來今幾潮

俞光遠治余別墅口占奉謝

種竹澆花俟我還花成雲塢竹成山相逢且說相思恨更說何時得共閑

周子敬三年不寄一書口占奉寄

伏日松陰酒一壺抱琴身與鶴身癯故人天外慵傳信唯憶楞伽是舊書

聞仲正新得掌珠道中奉寄

知君已厭添丁事與我同看納甲書別後匡床清夢少春來又獲掌中珠

懷應德茂

瘦石支筇偏仄吟吳山雲冷越雲深江湖老盡誰知己獨聽寒泉響玉琴

明皇醉歸圖

日暮毬場醉欲歸停鞭更進紫霞杯老髯未省霖鈴曲猶願君王款款回

過故人墓

湖曲深深鎖墓田種松成本起蒼煙欲窮

精爽周流颯雲在青山月在天

送昌上人

江南山水一枝藤更上雲中第五層昨夜
西風傳鴈信露華如雪月如水
方袍圓帽眼如鷺問訊紅衣不點頭剛道
西天同佛住笙篔琴瑟勝南州

題葛仙翁移居圖

翁媪相攜入翠微轉頭猶有可憐兒丹砂
不是神僊藥勾滿歸來鬢已絲

黃松瀑索酒

殘春聽雨元無着恰侶槽床淺滴聲活水
飛花誰駐得願隨小榼夜深傾

祝丹陽飲馬圖

天馬從來不受塵水清深愛自由身髯奴
未識相忘處手控青絲強屈伸

舊春花下與東嘉周子敬聯詩有

人到中年始憶家之句余坐舟中

五十日因憶此詩作俳諧體奉寄

平生愛詩復愛酒晚歲畏名兼畏茶年過

五十不歸去底用中年始憶家

四明衣冠山水窟人道風流勝永嘉爾來
愁絕各閉戶方信中年始憶家

我眠船中五十日飯有飛塵鬢有沙古言
墨頭須萬里底用中年始憶家

春風一架爛金沙憶非同醉遺烏紗山東
禁酒不得飲方信中年始憶家

題鄭潛昭玉堂藁

雲漢天孫古錦機秋風槎上解相期迴鸞
舞鳳曾翻得不用人間五色絲

春睡牽人渴思濃小窻誰贈密雲龍自憐
舌本那知許急寫緘題侶舊封

宮娥奕棊圖

爭先春色在眉端圍坐佳人着意看可是
相憐饒不得東風自怯五更寒

求酒

為愛雲房酒盞清消消殘溜滴春聲夜來
梅月十分白嗅盡梅花看月明

輕輕梅花春風面却侶道人微醉時只恐
花飛失君意更酌叵羅歌小詞

小詞歌徹飲叵羅一寸清霏柰客何窻外

馬蹄猶不住誰道江南春水多

我家舊釀碧琉璃色壓花枝朵朵低頗怪
春深未歸去花下杜鵑應亂啼

伯生約賦竹枝詞因再用韻

君家竹葉江水清我家竹枝三峽聲三峽
水隨江上去迴首望鄉終眼明

簇簇青帘蕩子期飄飄紅杏三月時青帘
紅杏總輕薄自展碧牋書我詞

暮雲纖纖如越羅勸子不去知子何桃花
水深放船了却憶關山塵土多

愛君酒滑滑如泥白眼叉手頭愈低南鄰
琵琶不堪聽自舞柘枝驚春帝

舟中得功速瓊花露戲成三絕

瓊花瑞露十分清客裏相看眼倍明自是
江南春色好錯教騎馬到京城

平生嗜酒不帶飲最憶停盃微醉時花下
盈盈侶相待莫教春倒最濃枝

繁禧觀裏花如雪留取清陰待我來應有
真真花底坐生香一曲舞三臺

梁山樂

梁山水樂八百里容得碧鷗千萬羣愧我
扁舟數歸路晚風掠陣入蒼雲

嫩草豐茸間軟蒲一川晴綠映春蕪平岡
散牧分雲錦簇簇斜陽是畫圖

大船曬網小船罾知是吳儂喚得鷹共說
五湖難住却朔風吹雨捲千滕

仲章以余賦瓊花露因成陽臺之
句次韻

月下看花花氣清羨君不飲更分明五雲
破曉迴歸馬疑上天邊碧玉城

我愛瓊花賦酒詩雪香憔悴可憐時平山
芍藥開如斗擬揀肥紅作贈枝

相如肺渴非關酒多病却迴江上來可是
春風消不得白頭吟憶舊琴臺

送危功遠

翩翩海燕近宮城的的天鵝度上京癡坐
江南未歸客夜聽春樹袞潮聲

居庸關外雪糝糊簇騎分明侶畫圖猶有
深春後歸鴈見君曾宿洞庭湖

天柱峯前第一詞風清月冷鶴先知京城

可是無吟思眼看飛花下筆遲

送吳成季五絕

牆東杏樹花千片片隨風到馬頭只恐
花飛不解走度闌時蒨暮雲羞

北雪初消未見山馱鈴聲雜佩珊珊廉家
池館春風好獨看牡丹惟我閑

上京新酒玉津津薄醉深春惱殺人截取
當年釣竿竹捲筒相寄不嫌頻

詩瓢浙瀝風前樹雪在深村月在梅從此
不須生感慨晚寒更上望鄉臺

鼇峯路與僊峯近取次詩筒日往來慙愧
阿戎松下坐洞門深鎖碧桃開

長沙鄧醫年七十餘遊京師二兒
扶小車得酒即醉類有道者劉充

之號曰壽軒且令賦詩

大兒椎髻小兒丫拍手青天在小車剛道
人間易榮辱醉歸齋插碧桃花

南極星明湘水邊七還猶是小行年囊中
紫粉誰傳得酒盡君歸我亦眠

醉面頰如紫玉盤天風吹上月團團擬翻

新譜朝元引雪壓梅花鐵笛寒

平原賈氏戲綵堂

鶴髮稜稜水石村飛花蛺蝶舞兒孫人間
朱紫爭新取落日微茫政倚門

晚訪仲章不遇

小院春濃落照開碧篁相對乳禽還晚風
陣歇游絲盡留得歸雲在屋山

梅溪圖

玉人楚楚意逍遙隔水攜琴不受招回首
芳林真嫵媚春風歌館聽吹簫

三逕圖

逸舍山青流水新春風吹玉綠勻勻意行
已復支筇去徙此何須問主人

靜芳亭

簾外群山當畫屏白雲如水度中庭松花
落逕無人掃失却莓苔一半青

貯香亭

長安何處認飛花片片相隨十萬家唯有
碧桃天外種露華清淺玉交加

大年宿鴈圖

寒夜沙汀睡已成，鴈奴翹首獨深驚。
朝陵閑說燕王事，恨殺人間兄弟情。

次韻馬伯庸應奉絕句一十八首

玄都觀裏桃花句，沉香亭前芍藥詞。
今年春風侶憐我，明年春風更相思。

肥紅盈盈錦步障，淺黃深深綠油幕。
絕憐

舊嫁小娉婷，一曲生香淚雙落。

垂髻雙雙白馬郎，看花不語愁晝長。
堂前有婦不肯守，遍愛吳姬與趙娼。

綠柳高低千萬樹，翠竹橫斜三兩家。
妾非

江南蕩子婦，不許郎君烏帽斜。

五臺山前雪如席，千古萬古搖銀光。
驅馬

莫飲澗邊水，澗水能令馬穿腸。

小樓昨夜聽琵琶，推手却手怨王家。
不辭

遠嫁盧龍道，可憐長城骨如沙。

海南不愁珠翠少，家家共籠秦吉了。
夜聽

吉了侶秦聲，賈客年年不知老。

紅衣夜唱娑羅樹，云是西天好兒孫。
吹螺

日飲官法酒，笑渠騎馬傍人門。

吳兒蕩漾楚兒癡，酒酣垂手索題詩。
桃葉

不傳渡江曲，竹枝空歌三峽詞。
老鶴攀松舞月色，哀猿坐樹啼天光。
一喜

一悲盡今古，慷慨不如秦舞陽。

誰家弄玉矜少年，採蓮艇子歌娟娟。
轉首

那知顏色老，猶抹橫雲帶鏡前。

京華作客不知老，燈花明滅搖寒房。
為問

涉江下灑灑，何如種竹滿簷簷。

金門羽客恣狡獪，清曉玄父總不看。
朝騎

白馬穿閭苑，夜乘白鶴下天壇。

妾顏不比天桃枝，妾心不如傾日葵。
羞著

主衣當筵舞蓬鬢，荆釵却自宜。

燕山芍藥大如斗，千朵萬朵凝春煙。
健美

南京馬供奉，醉著宮袍不上船。

向曾六月拒州住，雪歌前巖散冰樹。
王郎

馬郎太愁生，兩騎雙雙辭我去。

吳門艇子淮南船，我慣乘之眼欲穿。
老來

愛酒不得飲，歸向桃源種秫田。

烏靴窄窄稱宮袍，雙鬢風翻見二毛。
聞道

中山止十驛，急須乘馬釀松膠。

還馬伯庸文葉

乘槎深夜問支機，天女流梭舞鳳飛。迴首人間金粟尺，剪燈愁製五銖衣。

逸馬圖

瑤池宴罷周王老，牛首蛇身騁怪靈。漢使近從西極返，龍媒元是世間形。

試馬圖

二駿翩翩勢並驅，轉頭槽枥總清奴。秋風萬里雲容與，不用青絲強繫拘。

散馬圖

秋盡川原草樹空，冷雲嗚咽侶呼風。太平天子彘弓矢，留得閒身落照中。

次韻繼學伯庸上都見寄

陰陰樓殿水雲蒼，鴟鵂風微夏日長。渾侶醴泉宮畔境，十官齊立從文皇。

紗縠單衣珮水蒼，碧牋裁詔繭絲長。日斜雙入通明殿，雲母屏前對玉皇。

相思盡日鬢毛蒼，赤土塵深怨路長。忽憶鏡湖明月夜，竊花清淺棹餘皇。

題危功遠山水

雲作模糊水作稜，玉峯深鎖鐵峻嶒。欲問

先天觀前路，釣叟捲篷終不磨。

孔節婦表門

鳳逐麒麟天上飛，深鍾涼月獨鳴機。春風猶是人間世，華表亭亭護落暉。

墨梅圖

鐵石冰霜百世身，疎明瘦直一生真。玄雲借我凌寒便，直上鈞天試早春。

雪滿輕葦絕點塵，小窻晴日得橫陳。夢回猶記溪橋路，黯澹相看喜侶人。

蜀女繡牛圖

絕壁連雲翠木稠，五丁空作蜀王羞。浣花女子聞鶻苦，繡作春風萬古愁。

錢舜舉折枝菊

醉別南山十五秋，鴈聲深恨夕陽樓。寒香侶寫歸來夢，背立西風替蝶愁。

子昂控馬圖

雪積流沙冰歇巖，天池飛舞入轂函。奚官可是相拘檢，笑領春風白玉銜。

渡水羅漢圖

洞口泉分岸渺茫，意行的的水中央。相看

總絕神通想不用折蘆歸故鄉

次韻繼學天寶宮禱雨見懷

小著羅衫涼侶秋梨花寒重雪交流瓊林
宴罷傳宣急不許祠官用虎頭
的的雲團白玉杯可堪羊角兩駝開松花
深處塵如雪知是龍歸鶴未來
千林紅紫闌京城一朵姚黃露有聲惆悵
可人何處覓獨行花下到天明
新雨悠揚人未歸遠山凝碧綴雲衣捲簾
擬作庭前舞點點團沙柳絮飛

送嶼上人

玉几前峯慘翠顏瘦藤挑雪度三關黃塵
侶作松花落歸鴈南來我北還

東南蕭寺梵王音禪榻蛛絲薜荔深我欲
與君同面壁首拚雙屐挂松林

東溪老子詩三畧的的瑛盤貯夜光擬把
玉簫松頂坐穿雲吹徹九天涼

月暎寒燈雪暎簷故鄉夢斷酒初忺因思
舊宅梅霖後新竹齊抽碧玉尖

寄天童岫長老

太白山高雪四圍孤峯翠織五銖衣誰言
老子寒無力獨擁紅爐更下幃

贈南嶽道士歐陽君

丹鼎芙蓉生玉床紫泥封固結玄霜道人
急歸巖屋守不使月明騰夜光

崔白竹

昔年家住篔簹谷葉葉凌雲對此同近日
畫師爭斂手垂頭疑在柳陰中

往歲南歸商隱長老遠惠佳句不獲承貺次韻叙懷

席帽京塵廿載強風前數髮白於霜芸編
不檢蛛絲羃斑馬專門萬古香

桑乾嶺上是天心萬樹松花積翠深兩度
灤陽三伏節片雲飛雪是晴陰

烏紗承笠霏霏土短袖持鞭窄窄風冬盡
不知梅菜白春來深愧杏花紅

商隱長老以余歸喜溢翰墨愧歎
之餘次韻以謝

少年學道惡加鞭掩息支頤絕語言玉几
老禪曾對坐茶甌如雪閉寮門

沈沈雲頂絕天風不展袈裟萬念同眼見
永師傳妙密虎丘殘塔夕陽中
龍歸石落無消息碧眼長身振祖傳江上
白鷗元不礙潮回月出滿樓前

春日奉

旨侍祠太乙朝罷觀齋中紅梅花
藏春塢裏功夫密一一羣英點絳唇共道
紫皇分上瑞須知太乙露天真

斗柄分明指孟陬紅鱸橫簇化工收
先皇寶曆今重建應許南枝在上頭

次韻砥平石

北載冰霜興已終復於馬上送年窮雙峯
閣上憑欄立疑有子規啼晚風
燕山長驛四十五雪擁金臺玉作層疑是
黃蘗消不得何年投老得依僧

我翁綠野舊精廬樓閣連雲畫不如贏得
高人歇枕卧膳瓶水蘂樂冬餘

恩師高住湖邊寺清夏菱花閱錦波妙趣
通玄鄰繁可清言協律近陰何

砥師平地湧金僊不說虛空不說禪怪我

往來增白髮雲龍新碾汲清泉

省庵

三十六宮春寂寂月華如水碧雲真空齋
宴坐天心轉知是羲皇太古人

姚子中左司墨竹

雪花摇曳被春欺的的琅玕待玉墀千歲
玄霜誰拾得紫薇花畔寓參差

斗巖

搖光游戲下塵寰曾被山僧駐不還從此
夜深隨鶴度玉衣清淺珮珊珊

歸德王瓊母表閭

寶奩香瑣綉羅衣不許春來蛺蝶飛得見
慈烏好顏色門前槐柳引雛歸

西寧李處士碑元復初作

堂堂吏部睢陽叙耿耿中郎有道碑點檢
清河金石錄的於處士絕諛辭

博平王獻妻徐氏表閭

無子無夫鬢影蓬兩家王母事相同王遠原妻
有傳臨川妙筆傳青史我輩空令兩耳紅

離宮圖

龍首渠開王氣埋淺沙殘草認天街當年
金屋寒鴉聚時有耕人拾寶釵

子昂逸馬圖

神駿飄飄得自閑天池飛躍下塵寰青絲
絡首誰收得留與春風十二閑

通叟狀元以秘書滿職言歸泊然若無
營者摘舊輿

殿廬詳定得通叟卷氣完以充議者爭
緘口今其南歸以子昂畫馬求言愴然
以別吾徒之責深缺然矣至治元年八
月二十九日摘書

薛濤牋

蜀王宮樹雪初消銀管填青點點描可是
春山留不住子規聲斷促歸朝

十樣蠻牋起薛濤黃荃禽鳥趙昌桃浣花
舊事何人記萬劫春風燐火高

理皇題馬麟野芳佳木圖

上題丙午歲

重慶城頭翠木圓陽羅堡畔野花稀卅年
竟換人間世弦管西湖認落暉

丙午至乙亥拾卅年

題寒拾圖

三人携手共朝吟古殿脩廊自在尋石壁
忽開靈怪絕可禁飛瀑海潮音

舒貴和以黃菊相贈賞挹逾六十
日短句奉還深碧齋

九秋風度玉精神的寒英不落塵還向
清齋調火候明年散作萬枝春

雲峯圖

融融洩洩五低昂絕頂瓊冠白玉裳聞道
溪南三尺雨道人推枕召驂羊

揚節婦傳

風蕭吹徹碧雲天眼見孤凰淚欲穿回首
春風三十載槐花如玉柳如綿

宮女賞花園

一架薔薇錦障稠滿庭蜂蝶替人愁玉環
已侍昭陽殿側近傳杯得自由

宮女度曲圖

望瀛法曲紫霞鶻更按伊州奉玉皇翠竹
涼深宮院密新聲那得過宮牆

靜中齋

玉宇寥寥星斗沉千林籟寂印天心羲皇

猶是人間世，嶰谷參差不用尋。

張氏承祜堂

幼弄青梅共繞床，白頭舉按話尊嫜。竹花已老桐花發，雛鳳參飛到畫堂。

題何尊師醉貓

縱橫社宧恣穿窬，抵掌摩鬚不柰渠。賴有連錢能遣醉，晚風殘日卧庭除。

題初平起羊圖

舊跨驄羊入帝青，天瓢如注散清冷。明知制氣歸吾手，好與松間護茯苓。

題鮮于伯機拱北樓樂府

氣湧如山壓海潮，高樓明月更吹簫。從茲徑直虛皇筆，春蚓秋蛇擅市朝。

簡馬伯庸

象榻香濃翠幌春，美人倦繡態橫陳。平明欲進朝天履，小立蘭燈熨帖頻。

山水圖

高閣何人傲獨醒，蒼松流水倍分明。絕怜艇子搖山影，猶與行人管送迎。

書懷

二紀驅馳鬢已班，臨風數鴈悟知還。山中舊種松千樹，從此歸休手自芟。

三月廿九日，女孫生朝。今七歲，父客京師，未嘗食其湯餅。舊見林廬齋為女孫作絕句事，適相類。瑾子

云當次林韻，且錄林詩于後。

福慧曾傳兩足尊，願將清貴屬高門。大家女誠夫人筆，付與袁家第一孫。

憶昨華光侍至，壽袖香清，晚供金門。宿留書冊，今猶在時，故然筆教女孫。

隱居放言

憐子憐孫玉雪顏，更憐諸壻守家山。若教總使紆青紫，老盡京師更不還。

古道寥寥世不聞，麥舟高誼薄青雲。邇來忽作苞苴看，買得南宮免校文。

以琴弦寄永嘉周子敬

五色鸞膠世莫傳，春雷迸石響流泉。永嘉七十四居士，玄鶴來時就榻眠。

堯民圖

宋定甲子題

衡尊深酌舞踰躑，鼗鼓腹行歌樂自然共。道帝堯新紹運九州，重見上元年。

育王長老見惠茶瓜次韻奉答

玉几峯橫寶塔前，彌天消息是真傳。蒲團

禪板都忘却，侶笑當時手指天。

迸石春芽寶所藏，枯松手拾許深烹。能令

星斗珠璣綻，要使江山錦繡張。

道人種玉光千頃，深陋長安畝一金。只恐

冰霜難下齒，特將妙語助清音。

蜀江圖

三峽盤渦灩澦堆，層巒百丈鼓聲催。從今

盡向金牛路，杜宇深啼喚不回。

巢溪堂

風攪危巢樹，樹秋更騎牛。背濯清流舉頭

總是人間世，朝市山林且自由。

餘慶堂

閉門春熟酒，醪香深夜書。聲度北堂不羨

崔盧官譜好，盛栽松竹俟成行。

題李士弘墨竹

漫山桃李艷紛紛，歲晚相看有此君。昨夜

墨池新雨過，澹煙輕掃一窻雲。

碧海無塵玉作壺，琅玕清淺露流珠。相思

忽憶侯都史，為爾疏封墨大夫。

題管道士雷谷

古竇陰陰一線泉，中有伏龍方晝眠。何人

握固坐其下，霹靂送雲催上天。

盧溝符氏酒亭

茅屋踈煙報午鷄，金沙清淺水亭低。羲和

勸汝一杯酒，勿與行人東復西。

牧羊圖後有閻先生詩次韻感舊

因成二首

嬰兒御氣草堤眠，能使雙羊合自然。莊叟

不知蝴蝶夢，覺來重作養生篇。

玉質堂堂地下眠，雲龍風虎各加鞭。松陰

舊日趨庭客，整佩蘭皋駐集仙。

李唐牛

穉穉原空蟋蟀吟，秋來乞得自由身。平蕪

又見粼粼綠，復與田翁共苦辛。

閻思齋調閩府

榕葉陰陰荔子丹，碧巖深處漱潺湲。秋聲

只在瑤琴上，曾聽龍吟杳靄間。

道山堂上文書靜，寺寺題詩滿碧蕉。昨夜

海神隨而過綠牋為作小詞招

水僊圖

日暮佳人十二鬟臨風鮮佩意閒當年
曾立通明殿笑押蛾眉第一班

百鷺圖

紫宸深處立清班聽履雖難得自閑歸向
江湖尋老伴展圖猶在五雲間

絕句 五言

信州招真觀二十八詠

小隱巖

山鬼小兒足木精游女神據會學真隱下
視飛花塵

馨香巖

深睡失明珠猛走飛流涎松花卷輕雨滴
滴百重泉

學堂巖

露盤下金薤雲笈流珠纓冷冷寒巖下猶
有嬰兒聲

鬼谷巖

縱橫太古石短長千歲藤感彼巖居子獨

飲古澗冰

昇僊臺

寥寥入太清金門繚紫垣或云有官府微
誦五千言

釣臺

垂綸落澄潭小魚儵然來大魚引之去釣
石何崔嵬

一線天

茲山可容天舉世皆笑之我不答此語鼓
腹支其頤

五面石

分一只成五五石各有一誰能據其上面
面不相失

寒月泉

曉汲寒泉清明月各在在空不見月引
水復在手

金沙嶺

金沙雖為貴履之傷我足愧彼側布人欲
獲無量福

長生池

飲水人已去山中多白頭青嶺空淺處時
見玉蟾游

老人峯

高帽側整整秀嶺深重重積此太古雪遂
名老人峯

三山石

三山不可度絕壁峙書堂流水日浩浩太
極彌茫茫

磔潭

沉沉無底谷央央太古雲赤日焦下土老
蛟眠不聞

玉簾泉

截玉作明簾不知簾外事應有碧眼僊隔
簾見人至

石人峯

食玉未得法變成楚囚九轉乞換骨三
沐期點頭

僊足巖

山深猿狖驚瞬息下神步空飛本無蹤長
嘯上天去

月巖

顧菟樂嬉遨入地不得騁化為白玉泉彷彿
徑返東井

雷公巖

神鈞起空洞陰火生羽翰我耳若不聞白
雲在天冠

道人巖

道人本無姓對客那有言龍口迸石髓鳥
跡開雲根

丹井

金鼎閔寒泉真火彌不壞年深定飛騰子
夜吐光怪

洗藥池

靈根乘月吠肉芝生土肥濯以上源水千
歲永不饑

鳳山

孤飛千仞岡兩翼化為石年年春風時山
花成五色

風洞

罡風轉空輪浩劫不停息此為天地根視

之杳無跡

逍遙巖

形留非自在何者為逍遙青松在谷口白

雲在山腰

長廊巖

飛吟起霞珮馭氣躡天梯碧雲布參差纖

脩與巖齊

龍口巖

弄月紅玻璃匿雲紫芙蓉近已厭狡獪納

息玄虛中

靈湫

靈龜道其前游儵殿其後歲久深自韜清

夜巖下走

朱窩楊柳青地近滄州余愛其名

雅作古調五首

朱窩楊柳青明日是清明地下不識醉悲

歡總人情

朱窩楊柳青客亭塵漫漫為你多離別我

生無由完

朱窩楊柳青黃河瀉如注還俟飛絮時相

同入海去

朱窩楊柳青自愛青青好亦如遠行客相

逢不知老

朱窩楊柳青桃杏闢顏色顏色雖不同時

節各自得

墨蘭

飛瓊散天葩因依空巖側守黑聊自韜不

與眾草碧

僊人紫玉枝化為水蒼佩獨立搖落中秋

風得相貸

次韻宿清風軒

游浦正覺寺

天風淨雲衣海眼卷石髮醉起撲殘燈獨

看端正月

石湫二水橋

寧為千丈清不作一尺渾古語有涇渭橋

水何人分

虛一

欲問鴻荒事何如鰲極時三三與七七在

手不須知

題應德茂游吳紀事二絕

澗東冰泉咽松懸月露清何人會真趣細
坐與君評

聽鶴驚湖曉呼猿驚嶺昏十年南北恨無
語獨銷魂

雲鏡

團團白玉光直入寒奩底昭徹誰為容空
飛本無趾

霧香

含章楚澤東晚思凄冥冥剖之久不食三
嗅揚其靈

竹西

前導扶桑日廣招閩闔風天心須正位不
必問西東

清容居士集卷第十三

清容居士集卷第十四

絕句 五言 六言 七言 雜詩 附

雙鴈圖

秋風限南北何事往來頻並宿寒蕪際應
憐自在身

六月二十四日夜夢剡源師同游

山寺主僧延入丈室出梅花畫卷

賦詩旁有胡用章先生坐主僧下

時剡源對席僕居其次案上綠竹

一枝青翠可愛剡源賦詩椅即授

筆

一白不受采重玄今罷論窻前有綠竹密

雪打黃昏

漁樵問答圖

翠嶺邀黃鳥蒼波玩白鷗偶因平地坐始

識世間愁

新安郡嶺南十詠

清江釣月

神魚竊金液為龍復為光平波無纖雲有

餌不肯嘗

空谷耕雲

斜側龜背戲高下魚麗圖阿童踵其後黃
犢為前驅

蒼峯卓筆

仰手判虛空昭回爛星斗遂令山下泉復
作之玄走

碧嶽舒屏

古藤青步障曲曲靜相宜春晚巖花發生
綉印折枝

楓林巢鶴

絕頂秋聲急盤旋作我家不須金掌露且
服赤城霞

雪澗浮龜

飛湍齧雲根千載見五色中有九九文舉
世人不識

峻嶺扶車

前行已可戒後行復何如懷哉王陽生靜
言表其間

圓岡揭斗

晞髮步上帝空巖泣山妖歷歷化為石喬

松導前杓

古寺垂虹

飛虹飲長澗垂首不能收僧從背上行水
流橋不流

雙溪合璧

鳴玉抱山根上有金蟾翁指揮鐵如意化
為雙白龍

子昂蘭竹墨戲

玄霜落銀繭飄飄湘江佩服媚疑褻之碧
憲靜相對

迸地麟角精摩空鳳毛筆寒泓散晴煤桃
李爭色動

題龍帚圖

玉淵發靈籟摩盪超九天調鉛靜召之帖
首在我前

寒松翳幽篁得意當路隅急以真一乘坐
令侍瓊琚

墨竹四絕

蹇蹇凌雲志霜餘節更存春風宜管領生
意屬兒孫

右老

奮雷初出地承露已凌煙顛從朝元駕為
旄拂九天

右嫩

直道犯無隱虛心明且清側身思遠舉巖
壑養深情

右風

曉沐換新綠萬采成空塵守黑心不緇同
玄道彌真

右雨

墨蘭蕙四絕

金明秋林清月白楚天碧美人眇愁子服
媚永今夕

采芝不成仙食薇難療飢結茲以為佩臨
風酌湘纍

天香落銀楮秋聲入玄筆何如湘夫人促
軫鼓靈瑟

組綬何承承琲珠復纍纍相視不以色紛
披蹊簾帷

題悟律師詩卷

萬樹叢雲裏千巖急雪時世塵俱不到端
坐誦君詩

壞衲翻經帙匡牀點律科看山無限思一
一付吟哦

子昂枯木竹石圖

亭亭木上坐楚楚湘夫人因依太古石融
液無邊春

六言

厚齋先生以詩借玩辭次韻

項子沈冥學古芸芸萬變觀文閉閣清香
宴坐斯人端可神交

已悟長年坎離更窮逆數先知補亡已論
三篋問事誰携一箬

題湖曲小景

穆陵御
題詩白

流水無言寂寂落花有意耗耗往事空餘
華屋倚闌愁絕江南

送鄧師禹歸龍虎山

小帽飛花一寸輕舟流水三分落日獨歸
洞口隔溪短笛猶聞

葦菴圖

細草豐茸古洞斜柯歷落寒雲信道乾坤
消息端須類聚同群

孤雲

在水同源一色出山萬緒千條欲趁驟寫

整整更同笙鶴飄飄

規矩方圓在手輕清重濁隨形宋子不須

苦賦屈生為我揚靈

白鴈侶憐片影碧潭深暎無心獨上紫霄

峯半參差吹徹飛吟

題陳文翁畫扇

淡淡孤花欲笑娟娟雙蝶疑愁無奈寒蟬

得意竟專落日啼秋

題美人圖

西施

辭家已意存越入宮誰解圖吳故苑秋風

麋鹿扁舟夜月江湖

昭君

鬢影愁添塞雪花枝羞殺宮春誰道佳人

傾國解從絕域和親

馮妃

目送亭亭秋水腰迴款款春風為問下車

搏帟何如仰坐當熊

班姬

望幸眸凝秋水倚愁眉羨春山已悟篋中

純扇須看鏡裏朱顏

洛妃

可怪夢中說夢底須愁裏添愁落日春風

王子多情不解綢繆

綠珠

金谷煙迷清曉玉簫春怯餘寒可恨花鈿

委地當時莫倚危欄

壽陽

一片花飛宮裏十分春湍眉端底用流酥

點綴更煩圓玉搵團

張麗華

結綺塵空樓暗景陽春斷鐘遲紅葉無言

在手同成井上臙脂

次韻潛昭焚香

意絕豈能生慧心清定解通神一穗黃雲

滿几故將綺語撩人

甲煎煙消吐艷鷓斑湯暖凝脂道人機心

已盡清坐唯餐兩梨

紙帳溫雲如醉綺樓春夢成虛知見何須

盡絕詩成要是禪餘

宮樣昔傳心字羅紋指甲爭工徃事桃花
流水黃塵蔓草寒風

潜昭九日贈龍團次韻

月張舊裁玉胯雲爐温浴銀芽九日殷勤
相贈淡羅猶記金花

閱世已成清玩傳觀那識餘甘寶篋政須
千巖窈窕未許同參

題伯庸所藏子昂竹石

伯夷清宜典禮子路勇誠冠軍日落虎驚
没羽潭幽龍走凌雲

曾中丘壑玩世眼底煙雲凜秋岸憤欲澆
磊砢解水深聽颼颼

墨竹

蘆葉不禁秋色柳枝那解春聲醉閱小窻
橫幅風回兩轉雲清

子昂墨萱扇為湖南揚晉母作

墨蝶巧分釵股玄蟬高緞冠梁莫厭南州
炎溽為添北戶清涼

雪谷曉行圖

過翼淒淒巖谷曠懷納納乾坤我欲相思

命駕人猶高卧局門

高彦敬遠山木石圖為紀夢符學士作

身比寒厓枯木心似浮雲太虛落日前峯
堪隱丹青渺渺愁予

復成

黃髮蒼顏並轡白雲青山比肩誰道風流
已矣只今圖畫依然

春雲出岫

駘蕩巫山態度悠揚洛浦精神春去侶歸
閨裏月出端疑水濱

謝氏梅坡

謝家孺行兄弟一枝偏出南州低昂肯受
殘雪滿洒猶堪感秋

劉生還廣信省親就試

萬馬隨雲北上孤鴻趁暑南飛欲踏三山
海浪顛隨寸草春暉

頤齋

多言不直杯水異味能生五兵何侶深深
閉息丹臺出日初清

禮闈倡酬 乙卯

次韻禮部李公二首

明詔傳巖谷携

入

帝京心同蛛網織意擬鵲巢營選德圭璋
器掄材杞梓楹龍門能化鯉端不負平生

又

黼坐思文渙號行鵠袍林立萃 天京鈞
絲已具六鼇手彩筆誰專五鳳名寶鑑懸
空深照影神鋒躍冶莫容情百年禮樂重
開運此道何須問兩生

次韻監試李仲困御史四首

高墉護脩庭列仗嚴棘闈昭代闡文治多
士舒且遲謬言職緘膝晝日深下帷昂昂
子大夫咫尺瞻天威顛罄悃欵忠少奉白
玉輝直言諒無隱寧懼菲與萋

中朝尊壽俊入徵垂安車念彼巖谷生惠
然命來趨鵬飛企天池鳳息思高梧煌煌
六籍切不與稊稗俱明皇燭遐邇迨玆璠
與璣雅詠廣棫樸仁風暢騶虞

高堂集羣英搖佩蒼玉寒朗鑑明月高雅

量滄海寬上承丹袞心舉逸脩廢官繻童
入關內芝叟辭商顏陋彼馬上翁慷慨空
溺冠

皎皎鵠袍子旅進翔廣庭明時昭曠典如
醉眸初醒稽古迺正學敢言效桓榮昌歌
詎正味咸池在希聲古去儒匪迂雍容佐
文明餘思續皇雅黼黻歌昇平

次韻郭巖卿

清穆黼坐更化絳儒館集議招列僊玉堂
射策興羣賢鵠袍賈勇思登先輪困奏牘
誰三千利若武庫森牙鋌巍如繩直清廟
堦常山之蛇首尾連冒臆結約言不愆哉
歲相國水鏡懸手捧詔墨金花鮮大為梁
柱小杖椽令巖虎士齊烽煙游絲日靜風
翼翺羣曹坐井難觀天大鈞橐籥品物甄
代天有命司其權錙銖美醜精評詮方臯
相馬遺黃玄蟻母敢作千金妍工翰守度
成方圓萬目一口非幸然斟酌損益牛無
全慶雲五色果愚邊形庭珠貫臚聲聯明
堂正席開九筵扶杖觀化嗟華顛煌煌龍

榜天門前金吾控騎青絲鞭夾道動色爭
駢肩詩書往昔成遺捐聲教丕合今無偏
瓦金之注同一延慎勿逞說窮雕鐫
皇元文運齊天年

秋闈倡和丁巳

次韻席士文御史

至道白璧重小言浮雲輕詞場次後先理
致貴坦明捧心匪正色偏師乃奇兵駢駢
白袍子昂首爭疾行味道絕嫵媚清心養
和平塞謬御史公懼我遭譏評當道謝驚
駘朝陽歌鳳鳴

次韻士文感興

宣尼倦游躅冥思立天紀洗心悟盈虛應
物合參倚羣雄爭霸盟騁意立私史崎嶇
東周君削弱絕統體約言正墜典執筆乃
託始後王迭雄長正閏亂朱紫說吻江海
深短長爭四起大羹實錮鼎玄冕表朱裏
返真非無人末派失玄理金碧騰虛空謂
是可不死或言影響功駭愕壓餘子齊居
玩芸芸作事首存悔洗心探義文變動實

由己神珠守深淵光怪孰可比矯矯林中
鶴絮白不受耻紛紛堂下蟻聚羶亦無幾
流光企義娥慎獨守素履之人金石心年
運任坎止中年勇聞道晚歲復未已驅車
望前川標轂敢濡軌

八月二十有二日范京尹同會秋

聞 天使傳

召命 溫問試策貢士 賜以法

酒臣梅等望

闕再拜以叙飲膳錄官翰林應奉

臣翼述其歌詩謹用次韻

五雲閣闔祥鸞流

紫皇御極圖神洲巍煌京師首文化計吏
四出巖阿求城南儒宮極蕭爽古木落月
凝清秋麻衣東西白鵲峙烏帽高下寒鴉
稠朱顏廣顙察胄子佩服鱗礪懸吳鉤兵
奇欲奪趙氏壁氣盛直卧允龍樓范侯機
深妙彈塵雞翹蚤歲承
宸旒傳 宣
溫訓慎去取瓦釜勿以黃金酬宮壺午傳

瑞露重翠質，纈栗絨封周。微臣望拜感，莫語頽上史館書。

微猷百年隆，典起盛世慶。雲五色開公侯，興文去初道。任重滄海浩，渺難方舟眉山。之蘇詎常士，過眼獨賞湏。梅歐夜闌心，棹不得語瑟。縮凍叻歌玉休。

次韻王正臣書史試院書事二首

貢士搜天巧，經營縹緲間。露蟲吟嘖嘖，兩葉戰潛潛。董賈傳醇正，揚劉陋險艱。銓衡同水鏡，辱贈不知還。

古殿蒼雲裏，踈星出樹間。案燈光閃閃，簷溜滴潛潛。便覺登瀛易，誰言與選艱。白頭心更苦，滄海探珠還。

次韻宋質夫應奉秋闈書事二首

廣寒清徹桂花黃，影落空庭夜露涼。七札巧穿誰矢直，六鼇連舉我竿長。神清難入華胥國，賦古須看古戰場。一朵紅雲傳湛露，夜深齒頰凝天香。

草廬星列藉寒沙，欲擬隆中事若何。倚筆看天塵境絕，袞駢翻海怒濤多。持衡要使

心常赤題榜，誰言髮盡皤。盛世崇文遍，寰宇遺賢寧。肯老巖阿。

次韻席士文御史六首

煌煌文運起，賓興樸學無。知謝未能北，斗夜橫東壁。正露簷危坐，獨凌兢。槐木森森雲影開，諸生曳履起輕埃。明河可是人間物，端用乘槎八月來。

文鋒鏖戰白差差，沉着無聲午漏時。掣海碧鯨翻古製，翔雲彩鳳吐芳辭。

倚筆看天思獨難，懸庭秦鏡敢藏奸。東方射策三千牘，姑信明時取士寬。

多病支離百不堪，挑燈眼眩語清談。廣寒果有娑羅樹，須踏天梯上蔚藍。

烏府先生玉雪清，論文冲淡去浮輕。要令我輩平如砥，不使輿言負聖明。

秋闈倡和 丙寅江浙

至治三年八月十五日乘駟騎抵

榆林于時善之祭酒仲困學士伯

生伯庸二待制同在驛舍觸感增

悵今忽同校文于江浙因述舊懷
萬馬穿塵入渺茫遺臣一日九迴腸碧雲
碎碎琉璃影白月離離齒齒光鴈足無書
來海島龍髯有恨遶衡湘誰知此日同文
館把手無辭醉十觴

三十年前與倪仲深泛湖作中秋

今幸同與校文中庭月色如晝短

句叙舊

昔年同泛凌風舸白眼論交屈指難楓葉
參差山影轟竊花凌亂水聲乾我方烏帽
穿黃霧君正羊裘淅碧瀾歸隱始知人世
換無端此地更憑闌

中秋柬周儀之推官伯朋都事兄
氣與西山爽氣高酒酣燈吟各稱豪不隨
北雪追燕騎徑上南雲踏海蘆桂酌的知
侔沆瀣蔗漿端可敵蒲萄衰年投綬慙真
隱更為君王選俊髦

汪叔濟推官鄧復初判官周本道

判官同校文江浙因思歐陽充公

王岐公事政相類不可無一言以

成故事短章述懷

長冠黑髮鴈行齊謙對彤庭陋木雞直以
中聲生玉瑄更將五采籍玄圭文章瞻覈
期穿札經術精深鄙印泥我輩直須雙目
炯肯令餘子訥昏迷

次韻段省掾

妙筆翻空塵杳茫更馳紫電聘沙場珠璣
已緘三千牘斧藻能成十二章易水臺高
招國俊廣寒路近衰天香相君威德憐鶯
劣給燭分茶與激揚

再次韻

白頭歸隱駿荒荒那識當年古戰場文雉
朝陽金吐綬潛虬迸霧火為章才超董賈
文如織語塵淵雲墨有香會見彤庭冠多
士始知我輩陋宣揚

挽詩

謝尚書

學易書臺地黃州有李鼎林廣詞林起壯

猷家空辭蜀道祿薄度南州曾知封州復

愛石雲生坐看書月過樓淒涼角水曲風

竹自蕭颯

晚歲功名異蒲輪禮數温嘉謀傳竹帛肥
遯寄丘園散號南儒貴自號為初 裁冠北
客尊冥冥乘鶴去空想典刑存

史觀文

奕世調元貴東南第一家熬綸傳密札綠
髮擁高牙往事霜前木餘齡霧裏花陽明
真洞啓跨鶴整飛霞

故國衣冠聚凋零獨此賢勞生樂蟬蛻遺
鬼寄牛眠丹旄前官貴青箱舊物全衰榮
今莫比笳鼓聞晴川

李宣慰思行

宏才卓犖聳羣雌悵望心期晚歲遠江海
夜長談舌杜關山春斷客魂飛批風給月
文空在逐電追雲事竟非神理繚繚那得
盡冢頭新栢翠成圍

白首功名汗漫休一官鍛翮玩清秋終憐
蒼涼難消瘴肯用蒲萄強博州萬事浮雲
今已定百年公論與誰謀羊生未洒西門
淚落日寒江水亂流

史猷父

少小昂昂竟長冠脫綺襦交游金谷聚談
笑玉山扶舊雨三槐宅西風五柳湖空令
後生輩彈缺陋為儒
妙語千年簡英姿百世期忍聞淮水絕不
見雍門悲往事雲歸壑空言水覆巖相從
今已矣寒淚滴水澌

王尚書

秋水雙蓮孕英英吐異芬詞章納雲夢禮
樂訂河汾丹詔三軍泣清名四海聞西峯
傾落日乘鶴叩蒼雲

晚歲艱難意衙門老病身蜀山迷望帝楚
澤痛靈均皮弁終辭微深衣晚任真蓋棺
今已定千載有遺民

燕說經生濫齊諧學究輕微言空有意獨
拍已無聲墨澤雖林貴青氈虎觀榮新銘
前進士幽抱付誰明

再世登龍舊淵源許管窺西山遺正緒東
澗結冥知腹笥名空在眉梨壽竟違重歌
妾薄命寒淚滴塵甑

楊夫人

丹桂香殘紫菊驚
轉頭何自失芳年
錦裙奮繡空為記
玉軫新聲已莫傳
散騎文成殘月淚
彩鸞書罷白雲仙
人間總有相思恨
不用松風激澗泉

潘少白

星曆張平子
丹砂葛稚川
書田終晚歲
酒國送長年
世味雲行水
心期月印天
諸郎聞競爽
蒼碣定重鐫

史湖州夫人

清白吳興守
稜稜老吏師
風霜冢上木
玉雪閣中儀
種德桑千本
傳家桂一枝
春暉有餘報
遺範合蒼碑

文集賢

家聲垂宇宙
更作列僊儒
素潔那無傳
嵇康已不孤
金雞官驛暝
白鷺古洲蕪
不盡修文意
端從地下圖

死者不可作家兒
常自嫌奉與
薊門角叱馭
越山尖
猿落三更淚
霜飛六月爽
人方愛嵇紹
我亦愧陶潛

前朝三百載
慷慨盡斯人
天地有消息
江湖多賤貧
許人憐老母
叱馭作忠臣
邂逅成丘首
猿啼侶有神

黃夫人

錦堂鶴髮玉稜層
猶是承平舊典刑
鷹詰日邊傳御札
我鞅花外候仙軒
室如明鏡心如水
庭有斑衣案有經
回首人間真蝶夢
澗松搖佩起泠泠

悼章斯遠

學道求僊二十年
飲冰齧雪竟蒼然
錦機斷幅朝乞賜
銀燭殘膏醮斗傳
役鬼有靈符絕筆
燒金無術鼎飛鉛
昨宵同我堦前飲
今日憐君地下眠

烏府先生聲侶鍾
希年噩夢喜溶溶
擬看廣顙傳青簡
誰信方瞳學赤松
秋月白於銀鑿落
夕陽紅侶錦芙蓉
燕山角水五千里
從此空飛滅去蹤

悼張道士

海上神山十二驂
思君疑在有無間
桃花褪水青春急
柳絮團風白日閑
笑室燈昏

螢閃閃藥壇雨冷竹斑斑它生欲了重玄
事煩乞神膏駐好顏

吳君載 金谿人

妙年玉雪佩幽蘭塵尾英賢接往還萬里
出門車折軸九天無路虎當關青燈黃卷
家仍在古木清溪福竟怪賴有韓公三世
舊已將椽筆誌瑤環

夏昭文

晚歲心清眼界平看雲投憤養脩名徒令
化鶴悲滄海不見迴鷹下玉京觀物無心
玄草論愛吟有句墨花輕蒼山日落簫聲
急侶有仙家白鹿迎

熊慶士

三閭千古恨五柳一生賢石護栽花徑泉
分種秫田松高青取耿竹淨綠娟娟欲識
淒涼意埋銘手自填

危功遠道士

紅日翳黃埃騎鯨徹九垓詩瓢風歷歷丹
鼎雪皚皚紫府調仙掌朱宮育聖胎相期
千古意獨立重徘徊

劉古昂教授

矯矯南鵬翼昂昂野鶴姿剪燈千古事彈
缺半生詩棋罷黃梁熟歌殘玉樹萎溽雲
催雨急相送不勝悲

成都何德之

處士 蕭應奉其弟子也 晚居興元

江漢清秋老岷峨故國身潛川珠玑璨韞
匱玉孚尹逸興蟬離垢癯容鶴寫神發矧
經席正灸鼓辨鋒新素業書千麓幽居黍
一困非辭魯生徵自樂管寧淳水近蘋交
佩巖低溜墊巾詩清猿母泣詞整燕雛親
夢往蕉疑鹿書成筆感麟山觀天外象梅
閑靜中春燐黑兔猶慘槐黃事可詢極知
情惘惘徒憶走趁趁故里傳遺橐空堂象
素真故人調鼎籛茅子演絲綸靖節名堪
繼文中躅可循悠然端有意念此竟誰陳

吳饒公

種德槐三樹傳清桂一枝晚香年款款天
爵歲熙熙大賚開茅社殊恩辨土宜執謙
容受谷詠道樂沿沂玉帶朝元服朱顏浴
日姿菊泉便上壽橘井養清資引竹藤侵

屨看花柳拂危跨鞍人共仰扶杖客爭疑
霜暖柑分釀年豐黍作糜黃封浮瑞露白
醉擁晴曦京國輸甘旨鄉閭表羽儀齊年
堂上扁道德里間帽謂可疇離祉胡然不
慙遺鳥傷情有感蟬蛻樂無涯孝養傾千
古褒榮盛一時誰成太史傳會俟侍臣碑

王秋山

翩翩玉雪養脩名絕頂穿松午日青別墅
忽迴迎客犬空林猶隱讀書螢苔荒琴薦
春無迹風攪詩瓢樹有靈萬疊蒼雲埋玉
去好將銀管寫沉冥

廬陵李主簿應珩

青衫黯淡畫圖中鴈塔塵深進士空可恨
餘熱收汗馬極知往事費雕蟲暮年榮辱
非吾意此道升沉屬至公松竹蕭蕭白今
古清秋裁些託冥鴻

趙令人永陽郡王與某女

靈漢雲昏彩鳳沉參差聲絕露沾巾高堂
玉樹竟芳殞寶篋金花空素陳鮫室不知
珠滴浚仙壇曾見海揚塵百年精爽真冥

會一掬清溪是劍津

吳夫人上饒休寧民王簿母

玉樹彫殘浩劫遷稜稜鶴髮獨清全種桑
不作十年計指廩能生萬竈煙白璧養成
玄圃失華堂歌罷板輿懸坡陁積翠松千
本準擬飛雲歸墓田

黃如山

兵後還家意苦辛白雲零落淚沾巾松花
麩蜜厨常淨貝葉書經筆有神蝸角可憐
蠻氏國鶻聲猶記蜀王身白頭編簡成春
夢的的餘熱付後人

劉伯宣中丞死三十年延祐丁巳

歲始得謚忠憲朝中各為挽詩

烏臺雲黯栢蕭蕭秋雨聲悲北四橋置獄
可能生長倩入門端不祭臯繇墓前飛鳥
傳新象身後騎鯨下大招 聖代昭明青
史著願將直筆紀姦妖

東平段衛率

壯歲投鞭夜渡江前茅親受百城降後車
長物唯書篋別墅開情獨酒缸燕憶香銷

塵瀾榻鶴驚琴冷月當窻傳家舊有藏金
諺手種堦前壁一雙

何德之處士

雲色鬚眉兩臉春市中能作笑雲人簪花
欲舞烏啼急放鶴初迴蝶夢真茶竈煙收
門掩畫詩瓢風動筆生塵婷婷小女思翁
醉欲剪巾紗淚滿唇家賣烏紗染入得宜丈夫成取之

播州宣撫楊資德

掌武傳無敵崇儀續上多精忠書竹帛英
譽蓋山河絕北驚遼海投南鎮大和嚴封
網滿篋錫誥錦成窠皎皎明玕樹亭亭碧
玉柯之無文緜認宮羽短襦哦魏帝奇何
並唐皇悅李過幼成端有種

帝鑿的無頗玉帳龍韜秘青箱鳳篆摩教
民風偃草撫俗水旋渦斥境嚴銅柱征戎
指鏃戈雅遊春結佩小隊曉鳴珂士飽歌
于為軍懽醕巨羅追三窮古澗濟勝極幽
蘿寸地歸王化羣蠻守詔科細甌伴密纒
善馬敵名馳客有依劉感人傳嗣產歌氣
融汶領雪量納蜀江波葛相切猶在韋王

事若何雲仍賢莫比君長禮無苛閉戶時
披褐看山輟脫鞞填詞鶯轉切促軫鴈聲
搓芝嶺圖空想桃源境類訛盛年真國器
妙質竟山阿世德輝聯倫家聲驥子裁播
川彌震耀峴石詎沉磨

真史史萬戶

高陽之徒也至死忽題詩而逝

一身靈作爾兩曜蟻旋磨投筆人境忘長
蕭泉下卧

月流白羽觴風送朱絲絃欲識無生樂熟
瞞三千年

玉雪陽春五十年詩成書罷珮翩躚擬將
北斗為罌缶不向人間酌酒泉

臨江熊君

浮湛元不礙清影透溪扉木落行雲泣山
空病鶴飛詩書誰素業江海獨天機此意
何人會哀笳慘暮暉

至治丞相挽詩次韻李仲因學士

重玄開襟命

上聖席蘿圖盛德函諸夏深仁浹八區降
靈中作翰稽古禹陳謨初日行黃道羣星

拱蒸樞神羊庭辨直貪獸鼎垂模練帛招
賢俊鋼金辟佞諛撫牀論密勿借筋契都
俞明月青銅鑑中秋白玉壺律成懸象魏
禮缺補鴻都士進三千牘姦誅十二衢彌
縫前後正損益古今殊相業專橋梓英標
瑞竹梧凝墓元有兔猛虎果非驅內坐占
華蓋中階仰泰符令嚴顯白帝漏下俟黃

姑萬騎玄雲蔽羣狐黑夜呼銜枚竟有約
解帶僕云痛象燬端因齒龍眠竟失珠聞
驚燧人氏事異夏區夫闡戟交馳驛重弓
競接途殺青誰執簡泣血漫成湖史紀羹
鼎賜經傳齒馬誅陰氛動天地遺痛感糶
蘇故壘煙攢棘荒原磷積蕪邦刑窮勦絕
陽澤起萎枯趙氏兒猶在山公汝不孤勲
名昭令甲精爽與天徒帝所隨陞降神山
辨有無

雜詩

破衣僧

檀花楮絲象纂新迺成弊鐵絨及肉身剛
柔亦摧毀真空掃真壞大願開大智渴欲

飲清泉飢欲思美味隨彼所願心以解嘆
惱累王侯與長者糞土金玉貴何以慰彼
思長壽只歡喜壽本同我衣仰箭勢還墜
堅忍及精進設衣以自譬懼彼不信我投
焰五乘異老僧機已寂贊嘆非本意意絕
道始輒從此斷三世

熾盛光佛偈

寶光生虛空旋如火車輪肉眼一見之欣
怖難思議謂光由身生我身與汝同口眼
鼻舌心光亦何從出無生亦無滅是躡定
慧成衆生受五濁七曜日鑒臨四餘在虛
空摩盪不暫停列宿直四方好樂各有職
或增彼貪真或增彼淫慾居處各侈靡恣
飽窮膏脂天神與魔鬼行住陰伺察爰假
躔次環俾汝作疾忒佛言彼有罪須當盡
懺悔若更攘割之安得名慈悲矧此缺陷
世植果會有因臯既從是消福亦從是增
般若無損益萬念墮積劫還彼清淨根衆
生永安樂

綠陰堂山偈十首奉寄開元斷江

長老

綠陰堂前碧樹齊千枝萬枝雲萋萋生臺
不令鷓鴣舞禪板時許倉庚啼
綠陰堂前春筍生大着錦綉小織成老禪
一一點頭角要使參天來鳳鳴
綠陰堂前初夏涼芭蕉為扇椒為漿日汲
井華三百斛側聽漁父歌滄浪
綠陰堂前古佛身劫火不壞金色新笑殺
丹霞斷知見暖得病軀生障塵
綠陰堂前萬境空掩息不語超鴻濛有人
立雪問大意山神泣走號寒松
綠陰堂前自在時不拈公案不題詩僧來
住夏與竹杖客去逢春贈柳枝
綠陰堂前秋葉彫湖翻白浪魚龍驕我有
鐵鉢水一勺彈指送爾歸扶搖
綠陰堂前夏木清千紅掃盡雲層層有僧
忽問栢樹子斫却栢枝僧始磨
綠陰堂前結小叅以手直指車司南現前
虛空付大梵過去功德歸瞿曇
綠陰堂前合自然不學吟詩不學禪應許

清容老居士睡盡高春猶愛眠

還源卷

沃焦山下水歸東端與銀河一點通誰信
道人能掩息手提渾沌擲虛空

清容居士集卷第十四

清容居士集卷第十五

開平第一集 甲寅

延祐改元五月三日分院十五日
始達開平得詩數篇錄示兒曹

居庸關

太行領羣山萬馬高下拜平巒轉城隍隱
隱南北界危坡互交牙寒溜瀉泮泮陰風
玄虬湧巨石忽崩壞周遭青松根下有古
木砧石皮散青銅云是舊戰鎧天險不足
憑歷劫有成敗驅車上林杪出日浴光恠
蕭蕭空巖秋天風迅行邁

雨中度南口

山寒絕禽鳥獨聞子規啼石壁飛雨驟泉
木搖淒淒瘦馬蹴亂石高下齧其蹄陟巘
沮洳深漸覺所歷低暝色起亭午土屋流
寒泥須臾過雷聲倏忽生晴電水清亦可
渡戒僕踰前溪

重午日宿南口小店

寒雨鳴石峽蕭蕭五月秋道逢采藥人不
識葵輿榴氣清諧令節暑溽想南州涼颼

木未來動色思重裘猶持一卮酒慰彼湘
纍愁

桑乾嶺

漠漠清都近天梯爾許長青帘轟山影烏
帽拂雲光行客穿珠曲居人綴窰房端窮
萬里目那惜九迴腸

渡懷來沙磧

沙清圓石瘦千里聞風聲驅此駭轅車索
索莎鷄鳴遠山列翠席近坡環碧城高下
各有險轍迹那由平驚免導我前歷錄為
之驚天低雲搖蕩土曠塵縱橫謬膺翰墨
選遠行有期程迴頭望南坂初月隨風生

草地

帶水殘沙似暗潮平坡軟草綠迢迢不須
迴首更南望下馬同兒摘地椒

龍門

瀚海雙龍鐵鱗甲捲怒擊雲躡翼闕千象
百道湊東南急雨翻空迸晴雪古言神禹
功寂多導山鑿石疏九河幽都之地不復
顧迺使雙龍下地成盤渦陰風何颼颼磅

礪太古秋崩崖落車礪惟木森戈矛碎沙
晴日鋪金越云是昔日當關挽勁之僕姑
寒泉組練結九曲亭午赫日光模糊車聲
何麟麟昨宵急水迷無津垂堂之言猶在
耳游子商人行不已子規徹天呼我歸翠
華北幸那得避龍門之石高不磨泚筆書
我龍門歌

彈琴峽 在居庸

寒泉飛玉峽誰彈使成聲下有戰士骨鳴
咽水中鳴絲石本異調摩戛生麝成鑿跡
匪神禹佳兵構秦羸駐馬為聽之逝者何
不平虛牝納新雨急促濁復清重華初省
方百神靜相迎為作薰風弦散彼巖下情

雲州

天閣雲中郡剛風起沈寥氈房聯澗曲土
屋覆山榭撞布朝朝市通薪戶戶燒遙看
塵起處深羨霍嫫媯

次韻虞伯生題祝丹陽道士摹元

歌圖

玉眸精佇朝玉皇五采萬物迎初陽神鈞

空洞光茫蒞瑶席合奏樂未央沉幾絃綸
白為章膚寸帝青下填阬朝袂朱鳥招八
方旋轉風輪盪金剛君山之峰隴可望玉
女鼓瑟哀不傷世職玄籍元運昌靈壽給
扶顏色蒼賜齡金篋難度量仲氏之道誰
為長深根抱一真有常下憫濁世生復三
浴精昧谷暎扶桑察陽昭德森九芒亘劫
永寶天地光安流舒舒復湯湯儼思白髯
謝汝將歷險有戒毋垂堂乘鯉從豹何陸
梁菰蒲拒粒救弦管張積變不化游益荒屈
子調苦心忠良歌罷雲暈投靈湘簫巫鼓
胥紛莫詳嚴嚴祝冊遺鉛黃握管用九神
歸藏出入森衛視錦囊

伏日書懷二首

伏日急雨來端坐披重裘中天異寒暑茲
維帝王州碧草記初夏堅冰在餘溝野曠
無留禽積潦不復收飛雲屢晴陰蒼莽天
宇秋營營壁間蠅就暖旬日謀玄冥自成
歲高下各有求悵彼南飛鷹素心愧難酬
晨起萬竈烟墨雲何輪困念昔種松者用

志良苦辛寒沙草湯湯萬騎未無津樹之
侶雲柵積雪迷秋春大車棟復楹小車樵
與薪空餘千歲脂成此官路塵我衣素脩
絮糝汙不敢真俛焉拾餘煤作書記其曰
題李士弘學士畫明復齋風竹
虛聲出素壁冷冷天地秋矧此三伏涼居
然索重裘盪摩神光旋屐擊玄露浮浩蕩
白玉京頃刻瀟湘洲昂昂負嶠僊筆底寒
颼颼高齋嚴道氣深根澹無求

慈雲堂

周南翁祖母

萬竹鳳岡下虛堂偉翠微隔林聽返哺前
嶺望孤飛山立斑斕服牛眠錦繡圍諸孫
有遺範致樂報春暉

南翁近築致樂堂奉母

送濯伯玉之官雲南

蕩蕩哀宇國耕桑樓不毛皮船乘驛穩銅
鼓報衙高事簡歸王化民淳汰吏曹端知
清淨理山水縱遊遨

次韻玉堂畫壁

至人悟窮達歛迹寓龍取良苗貴深扶掖
土戒蒿莠靄靄新陽浮高下接紫宙跨橫

東南行問事一俛首新雨瀉溝塍交流媚
川后輟耕非素心帝命資左右相彼前山
雲條速復還岫卷舒樂繁澗署壁寓其舊
清秋暎空谷風雨百神守夙昔經濟姿志
不在杯酒要使風俗溥斯民樂仁壽

再次韻

秋谷辨雲

明月入水底摩盪空江雪昂昂垂綸翁在
雪不在月悟彼玄化理不寐坐明發我舟
非無槩我車詎無軌迂儒守繩樞世胄貫
華閥類以千尺竿栽為濟川筏
粵商有阿衡肥遯樂畎畝深畊力其勤嘉
穀寧有莠時來起立園勲業冠宇宙持此
金石心詭勉佐元首維敬在一德維訓守
先后高風邈難追白雲在前岫堂堂匡濟
功匪以夙昔舊壁彼執御人先道謹為石
精忠百壬避正色九關守我昔夢見之再
拜酌卮酒空谷秋思深圖之奉千壽
維昔師尚父垂老鬚眉雪突兀江海姿韜
精忌歲月坐石投其竿秘籥時一發載車
與之歸在德不在軌念昔經濟人事之始

功閱寒江眇風濤乘桴可如後

上都客舍士弘為作風竹

門巷泥深笑獨清此君蕭灑未忘情無端
昨夜風花急却送秋聲作雨聲

金主畫孟浩然騎驢圖

生前明主已遭嗔身後君王為寫真家國
總緣詩句廢灞陵猶勝蔡州塵

木葉山前雪似銀軟裘難作自由身想應
晚歲朝陵後故寓騎驢處士真

北關明言不上書塞驢何自入西都開元
天子元無分留與他生作畫圖

李陵臺

矢盡券空計未踈囊封朝奏侶憐渠漢家
天子春秋責從此降臣直筆書

雪冱寒沙風袞衣眼穿猶上望鄉臺隴西
可是無迴鷹不寄平安一字來

上都楊節婦

吹徹玉參差孤鷺天外飛匣藏身後劍篋
寶嫁時衣壽樂厖眉聳心清鶴骨肥諸郎

新玉立孝謹報春暉

開平第二集 已未

登侯臺

蜿蜒西龍岡綠草搖晴波旁有雙玉井石
角增差我明良佐神運目力窮坡陁層垣
睥睨雄寶構通義娥昂昂鐵竿聳飛鳥光
盪摩土屋粘蜜房文氈圍錦窠緬思皇猷
速默止松林戈匪以清暑游跋履勞鳴珂
陰森晚色晦寒沙聚群駝悲茹月初上戴
斗瞻天河

次韻伯宗同行至上都

游塵捲飛蓬積水翻驚波羣山擁雙闕勇
勢凌岷峨藉草各小憩側身復登陀纖峰
脩眉聳佇立愁湘娥仰視北斗光燁燁疑
肩摩田父指我言昔日搜鷗窠吾皇罷畢
弋射生久投戈二客何舒遲直可鳴朝珂
銀鬕傳綠蟻翠釜登紫駝出處愧我異憂
君筆聽河

再次韻荅李彥方應奉

良會難具陳歲月流頽波念昔邂逅初黑
髮雲冠我羣公擅碑板雄文記頭陀于時

接英武奉身如素娥，祭祭白玉署墨沼。爭
漸摩所思筆成塚，不計印積窠。君時皎冰
雪，正色羞倒戈。習隱吏金馬，弔古師銅駝。
瞬息已廿載，愧彼桑乾河。

伯宗再次韻復叙舊

玉署日倒影，綺窓水迴波。堂前雙琪樹，暑
清綠雲裁。君時坐其下，涼漪起陂陁。悲商
激湘壘，急羽凌韓娥。執簡諒且直，惜日勤
編摩。盛世昭休明，卑枝鳥爭窠。掀髯紀其
瑞，刻佞倖鉛戈。占風念靈烏，聽水悲老駝。
俯仰各努力，解珮投于河。

伯宗遊華嚴寺次韻二首

平蕪寒磧際，突兀梵宮尊。白石開金地，青
蓮攤紺園。城低千嶂擁，塔靜一鈴喧。夙昔
莊嚴果，無言急掩軒。

欲問生公法，年深不上堂。斷雲成密樹，深
柳當疎篁。十地三乘要，諸天百和香。玄機
吾素解，何日勘禪房。

上京雜詠

雲護中街日，風開北戶天。千溝凝白雪，萬

竈起青煙午，滌曾持扇朝。寒却衣綿，松林
空有界，剪伐不知年。

土屋層層綠，沙坡簇簇黃。馬鳴知電急，鴈
過識天涼。墨菊清秋色，金蓮細雨香。內園
通闕苑，千樹壓羣芳。

天闕虛無裏，城低納速山。白榆迷鷹塞，青
草補龍灣。市簇家家近，官清日日閒。重游
深問俗，漸恨鬢毛斑。

舊歲寒冬惡，霏霏土雨迷。門荒聽馬革，草
淨絕牛蹄。列帳烟光慘，空營月色低。縣官
捐粟帛，歲晚得扶携。

上國饒為客，天涼眼倍青。白魚沙際網，黃
鼠草間翎。芍藥圍紅斗，摩姑綴玉釘。漸知
塵骨換，振佩接青冥。

天錫清涼國，晴霞綻雪峰。月低疑墮兔，雲
近得攀龍。寶鑑頒冰徹，筠籠賜果封。白頭
貂帽客，為我話深冬。

駝鼓村村應，傳更趣進程。草肥涼露白，樹
薄曉風清。帳殿橫金屋，氈房簇錦城。屬車
流水度，細點侍臣名。

伏日瓊林宴名王總內朝帽尖花塵翠衣
角錦團貂炙熟牛酥笔醅深馬乳澆柘枝
旋舞急宛轉稱纖腰

市狹難馳馬泥深易沒車凍蠅爭日聚新
燕掠風斜晚汲喧沙井晨炊斷木槎閭閻
通若酪俗簡未全奢

長夏崇真館踈簾洒靜便支頤推萬古止
息契重玄月窟窓如雪天瓢酒似泉主人
憐老客下榻不曾懸

再次韻

帝京環陸海平野接冰天龍吐青林火狼
沈熬塞烟風花秋黯淡雲葉雨連綿昔日
君臣意深符卜洛年

寶閣凌空涌金壺暎日黃梵音通朔漠法
曲廣伊涼御榻惟經帙宮爐獨篆香吾皇
清淨德銀管頽垂芳

高下雲中樹疎明雪外山坡凹茅結屋嶺
轉水回灣禁路分馳道沙塲當內閣通明
風露冷時許侍清班

晨起儀臺立烟青望眼迷草低鷹側日車

逼馬迴蹄風勁弓弦直泥融柱礎低蚊蠅
深斂跡塵尾不須携

紫極中天正森森接帝青鷹歸傳帛信雉
落舞紅翎寶所金千頃朱門帶萬釘瀛洲
清淺處高坐納空冥

昔年曾扈蹕宿直對鰲峰錦掣蘭若翠波
翻墨沼龍起居青簡注除拜紫泥封共說
先皇日千官總住冬

土驛高低置蒼茫七日程馬通分熠燿牛
酪注深清殘雪明珠闌繁星列火城前山
黃白處草藥不知名

千蝶蜂腰凸羣山馬首朝沙塲調俊鷓草
窟射豐貂鬧舞花頻簇狂歌酒恣澆今年
春事減土舍雪齊腰

箭落驚遊騎鈴傳督運車土風殊楚越驛
道做褒斜細雨三更枕清秋八月槎夜聽
繁管急漸習五陵奢

長齋孤館靜捧腹睡便便酒斷昨凝碧塵
深鬢返玄凍蜂粘暖草乳燕啄冰泉過翼
時頻數鄉心日夜懸

李陵臺次韻李彥方應奉

前坡聳頽基云是望鄉臺往事已歷歷亂石何嵬嵬想此二子別袂結不能開河梁白日速朔風來沙堆漠法重失律輕生表奇才一跌不得返歎歎壯心摧形影胡越分骨內參商乖萬事已瓦解誰能寫余哀昂昂司馬生義色興壯懷子卿固偉崑屬國何低徊褒功實譚淺議刑良刻哉坐令衛律輩歲望邊城來

次韻李齊卿呈開闢嗣師

清都逼紫微瑤光流玉壇陰厓太古雪伏日生午寒澄懷集遐思黑髮竹皮冠玄關轉輕雷銀潢激層瀾取彼白石詞寄巨朱絲彈一彈去日短再彈行路難兩曜疾飛隼歸雲生樹端遠游感夙昔努力慎風餐西京李齊卿讀所贈吳公詩愛之

遂次其韻

温温紫玉姿陽休升觚壇維時夜氣肅璇璣動芒寒辟公閱多士謂宜錫冠冠環水會文海俾爾揚清瀾東南有高楼繁吹和

急彈我獨念子意希聲世知難遺情寄寥廓冥鴈渺雲端去住靡所止精思勿忘餐

伏日

伏日陰陰九月天雲邊桂露十分鮮侍臣已入清涼境不到凌虛未是僊偷桃暑情語言尖伏日歸來割肉廉那似蓬萊風露冷重裘端坐絕趨炎

松林行

陰陰松林八百里昔日相傳為界址奇雲捲甲天馬來雪兔霜狐先委靡山前犬牙十六州石郎屈膝輕相投淺沙圓石古轍迹草青草枯無盡愁拂天鎮南北萬井燃松煙侶墨大車龍角全小車輪困束矛戟松花落子復抽不知昔日當道稠採薪之人不辭出郭十里爭相酬君不聞雪山之西銅柱南溟同鴨綠成東漸金山橐駝爭貢寶翦取平林作馳道

採摩姑

官山摩姑天下無迸石齒橫寶珠阿香執御雲中驅天瓢急注爭葩萼玉京高門

散金銷刺欲點綴完無膚為釘寶帶山澤
癭圓如佛螺綴頭顱累如柁黍連二稔羶
根未許相糝糊料泉石鼎鳴笙竽急投小
烹養甘腴上池三咽生醍醐五芝高著神
農書吾欲比之議匪迂天衣代址嚴貢輸
永言定論兄弟俱

尚尊賜張上卿薛玄卿賦詩次韻

龜眸鶴骨煉純陽言合靈著行有常黼坐
近瞻堯日月屬車速度漠封疆英雲玉佩
開僊府湛露瓊巵出尚方可恠相如多病
渴顛分金掌接恩光

再次韻

居庸曉次日初陽蕭蕭龍旂出奉常獸殿
頻趨恩有秩鵲爐深祝壽無疆冰壺酒滑
通真一雲閣香清接上方靜夜屢陪談麈
樂燈搖寒燼目搖光

復成二篇

羞逐羣芳度艷陽丰神弘景筆元常兼雄
轉旆攻秦壁色正登壇復魯疆易玩天皇
遊太古書看王會補殊方平生生物論深淫

渭寶鑑懸空皆透光

孤鳳清聲出峯陽冲天來羽越尋常清心
侍帝真醫國束髮從師屢出疆明月乘鷲
通碧落空江瘞鶴憶朱方詩囊取次傾珠
琲一一清圓敵夜光

西京任庭瑞樂善齋

大鈞妙無心變化各有職元陽執樞紐羣
動遂生息達人洞顯幽語默絕窺測尸居
碧窓曉觀萬養真寂春葩陽林秀眾采紛
蕤蕤上有黃鸝鳴下有游鹿跡嗒然遺世
情至道在几席芝眉紫綸巾舉酒起玉色
桐孫護清風竹女引白石素心絕榮侈天
爵篋有得敦厖古遺民過里車已式顛言
表其閭庶以昭帝則

白雲閑齋

武當靈峰通廊寨下有白雲護山腰朝入
寢扉結翠被暮宿丹井騰金瓢神君握機
不盈寸頃刻倒影旌幢飄道人夙昔慣所
見更上岩窈抉斗杓

送金華王生

不到金華洞于今二紀餘偶逢騎鶴客為
覓牧羊書芸莢秋消蠹堂暮饌魚江湖
易衰感慙且問樵漁

建昌李生城南別墅

雲樹黑微茫依稀見竹房山空遼鶴化市
近海鷗藏逸興王官谷幽禪華子岡展圖
塵眼眯剩欲濯滄浪

開平第三集 辛酉

至治元年二月庚戌至京城壬子入禮闈
考進士三月甲戌朔入集賢院供職四月
甲子扈

蹕開平與東平王繼學待制陳景仁都事
同行不任鞍馬八日始達留開平一百有
五日繼學同邸八月甲寅還大都得詩凡
六十二首道塗良勞心思彫落姑錄以記
出處耳是歲八月來梅序

次韻繼學途中竹枝詞

居庸夾山僧屋多鑿石化作金彌陀但看
行車度流水不見舉拂談懸河
紅袍旋風漾金泥車前把酒長跪齊忽聽

琵琶相思曲迎郎北來背面啼

氈房錦幄花簇勻酥凝疊餅生玉塵晚傳

宮壺檀板急酒轉一巡先吐茵

土屋苔草成磨麻前床翁媪後小姑我郎

南來得小婦蘆笛聲聲吹鷓鴣

雲州山如五孕雲老松積鐵靈青春遂今

古雪不肯化萬杵千爐煎真銀

山後天寒不識花家家高曬芍藥芽南客

初來未諳俗下馬入門猶索茶

寒風捲蓬沙轉黃駐馬問路路轉長紅衣

簇簇入新市指點壚頭稱上方

朔雲蕩蕩愁燭籠土房擁被睡高春披衣

上馬過前驛清霜急雪時相逢

瀛洲往歲侍宸居一度還家一度疎近行

開平十二驛眼望南鴈傳鄉書

閭闔雲低接熬宮水精涼殿起薰風侍臣

一曲無懷操能使八方歌會同

四月二十六日曉霜

遠坡殘月露零零曉壓樹花玉作屏他年
若向南州說疑是鄒生逞恠靈

戲題桦皮

褐裳新脫玉層層紅葉未蕉謝不能擬製
小冠韜短髮意行雲水一枝藤

望雲州

望雲州裏松花白金閣山前木葉丹駐馬
搖鞭游不到還家寫作畫圖看

次韻薛玄卿南還題驛二首

思君月落見參旗碧眼微醺倍陸離北上
開午復南去却如這棹刺溪時

碧窓雲冷思萋萋曉榻黃庭眼未迷宜向
山陰道中住聽風聽雨聽猿啼

次韻荅陳明復

漢殿高懸五丈旗羽人朝奏佩江離綠章
已徹蒲團坐正是金門月上時

碧雲深處草萋萋誰道桃源路已迷昨夜
紫霄峰頂坐天鷄子夜獨先啼

再次韻

行殿風高十二旗碧雲深處紫流離相如
獻賦誰能繼有客瀛洲獨立時

烟籠沙磧凍雲萋錦簇樹花五色迷不是

朝天騎馬倦寒雞自怯曉鐘啼

次韻李伯宗學士途中述懷

山巍磧瘦馬逶遲盡日雲陰變四時曉度
桑乾雪新作倚松叅坐聞題詩

李陵臺下日遲遲惆悵河梁執別時漢武
不知歌四牡千年競作五言詩

縈紆馳道屬車遲白髮微臣際盛時侍獵
能追上林賦登臺額繼柏梁詩

紫禁天低夏日遲深紅芍藥勝春時共仰
雲孫李學士樂府新填更進詩

內宴初筵舞尉遲榴花未吐艾花時宮詞
久矣無王建把筆爭傳應制詩

鰲峰上冷菊花遲滴滴金明八月時留取
東平老學士烹羊分韻酒催詩

端午謝吳開闕惠酒

客裏端陽景物殊侍晨分釀出偏壺松間
尚積千年雪澗底難尋九節蒲霏玉論陳

醫國艾研朱手寫辟兵符侍臣陟覺蓬萊
近簇簇宮花徧紫珠

榆林

白榆天上生北塞傳真種漢皇究邊略盛
秋此為重

神武開 帝京赤縣官曹擁井邑生聚繁
折戟出畊壟考昔所種榆禾黍日暮蕃繁
紛雜伎部一一承天寵感哀諒有時前山
碧雲涌

龍虎臺

羣山朝宸居層臺納靈秀百泉暗東西千

嶂明左右多沙磧水

先皇雄略深省方歲巡狩翠華懸中天問
俗首耕耨沉沉貌貅壘濯濯鷹犬藪前行
節駝鼓執御各在手侍臣仰天威長跪四
方奏往聞父老言羅拜上萬壽山桃與黍
酒怒齒時一嗅乘雲去無蹤過者必稽首
登坡望儲胥紫氣微牛斗

居庸關

扈蹕朝上京嚴裝戒備速首夏天宇肅寒
雲慘不舒足弱跨鞍窘喋喋詢前途紮紆
入南口松籟吹笙竽在昔恃險隘當關守
千夫一朝天馬來巖岬成康衢大統叶天

運神武開皇謨信矣經啓功聿起神禹圖

桑乾嶺

茲山西北來旋轉十二雷昔人望鄉處生
別何崔嵬我來坐絕頂雲漠森昭回出日
騰金鉅積露流銀臺長空不受暑雪華散
皚皚龜車引繩過屈曲腸九迴微踪愧三
至南望心低徊長風馬耳迅何當賦歸來

李老谷

層巒積明秀深掩采蔥園千松受新雨一
一流珠璣少憩倚屋才清湍激林霏睡醒
日亭午隔溪啼犊歸昔有山水癖毘勉登
王畿欣此澗谷幽亭亭白雲飛素心儻自
踰出處諒無違

龍門

蒼厓出雙闕羣山頰首尊陰風起晴雷摩
盪晝日昏鏡峽擁偈及百川為之奔疑下
有龍漱逞恠躡天門滄号出膚寸頃刻黃
流渾側徑出石壁巨浸存遺痕緬昔設天
險事久難窮論征衣屨輕雨神君儼雲根

獨石

亂石各參布茲山以獨稱磅礴太素初星
墮遺其形磊落絕衆附昂昂耿晶熒此土
積陰泣草木無光精疑有華表人宴坐陳
廢興前車何繩繩去馬何騰騰問之了不
應油然白雲升

曉發

蓐食慎王事曉呈當前戶跨馬官道行細
草泣寒露亂石鳴琮琤啼鳥守荒樹行行
未十里問埃坐當路年衰壯力拘望遠彌
窘步天風捲飛蓬白日互吞吐深知非世
才歸畊檐先墓

合門嶺

寒沙高岡聚積溜開土門地媪神功奇茲
馬奉帝尊先皇歲巡幸屬車爛華軒令嚴
植前茅高下相攀援魚貫別後殿蟻行定
前屯飛丸落千尺嘗裂驚危棘履險深自
持人情戒居安寒雲蔽出日去去踰前村

赤城

茲山浴曉日墻壁流丹砂昔聞天台峰云
受珠宮霞地氣有南北變化無殊差埴墳

登禹書頽壤勞民嗟感彼山上松黑錢留
槎牙形色有正性深入徒增夸至今温泉
下金鼎烹靈芽

灤河

近山馬昂鬣遠山鳳騰羽百谷奔亂流屈
曲長地赴維時雨新過急溜槽床注居人
匯為井千屨集沙步寒光澄玉膏甘列過
牛乳茲泉成白溝巨浸合沮如蓮芡充餽
糧魚蝦足租賦塞翁話疇昔陋彼成險固
往事不復論云云日東去

次韻虞伯生墨竹畫壁

墨雲參差平地湧碧窓浙瀝寒風生截為
崕峒白玉管蟄龍夜嘯幽風鳴六月雪花
飄上京崢嶸直與星斗平出門忽作江海
興推枕先聞金石聲

楊花曲

上都楊柳瘦且堅葉葉不展圓如錢年年
飛花作端午遠客乍見心茫然上都飄雪
不知數此花與雪相旋舞黃鸝聲絕孤鷹
鳴萬騎千車互來去手攀短條心欲絕宛

轉成愁恨初結寒風飛蓬捲車輪點點相
亞隨明滅南隣蕩子衣夜單曉望出日如
黃綿辛勤掇拾不敢棄顛刮龜毛同作甕
伯宗學士悲和郵作唐律叙謝
我寇踈髮老詞臣筆底花飛點點春千里
關山勞夢寐百年泉石換精神蕪城賦罷
生新恨夔府詩成嘆絕塵更有御園紅芍
藥生香一曲拓枝新

四月廿一日與繼學同出健德門
而伯庸以是日入都城作詩寄之
二子出北門一客南門來燕鴻兩相避箴
首氣崔嵬客有百和香我有蒲萄杯把杯
客不見我心為之灰願留百和香以待二
子回

乞酒潘景梁學士

長夏蕭齋學畫眠鬢峰深霞酒如泉山瓢
從此通來往準擬宮袍不上船

次韻繼學

急電散晴雪仲夏天氣清閉戶北窓坐稍
稍新月生客至設碁局言忘遺世情盡日

無王事白雲與蒼平

重午醮句

夏峰表奇雲天京俛端陽寒嚴宮羅輕瑞
登水鏡光烏輪麗北陸龍舟競南湘蠅席
逞王國蜥蜴巖帝房事訛汙習陋風烈壚
壤剛擁貂繫絲絲飛鞭賭瓊漿帶重公莫
舞簪飄艾如張鴈分列瑤席魚貫登紫廊
白乳謝角黍青海截鷲肪重離天門正習
坎地軸方靈符瑩丹砂羽箭穿白楊戀闕
葵日傾懷家麥秋涼羹鼎傳太官懸席步
天罡鴟噤百壬斂蠢動九子昌截障翠屏
偃浩漾白海長扇藏婕妤泣標儻飛廉忙
紅苞當階藥碧縷雕盤香宮花金抹額麻
仗玉鏤錫鈴催寶貼進拍奏霓裳揚舉鼎
凝脂膏載車寶餼餽蒲萄漱灑瀉琵琶宛
轉傷蟾蜍未乖驕驕裘難藏伏日蝨果
貢薰風鑑冰洋瀛洲畏獨往玉署思同翔

裘馬曲

絲絲絡頭百寶裘猩血入纓火齊光錫鈴
交驅八風轉東西夾翼雙龍岡伏日翠裘

不知重珠帽齊肩顛金鳳絳闌恣曬旭日
初逐雷迴颺斗光動寶刀羽箭鳴玲瓏鷹
翅却立朝重瞳沱沱樓殿雲五色法曲初
奏歌薰風嗣官庭前列千斛萬甕滴菊疑
熬玉鮪峯熊掌翠釜珍碧實冰監行陸續
須史玉卮黃帕覆寶訓傳宣爭頰首黑河
夜渡辛苦多畫戟雕閣控勳舊龍媒嘶風
日將暮宛轉琵琶前起舞鳴鞭靜蹕宮門
閉長跪齊聲呼萬歲

嘉禾圖

土膏滌陽春連畛垂黃雲仁聲九域被地
瑞昭人文穰穰大同郡嘉穗表奇芳擢莖
秀雙岐駢首擔不分穉聯珠琲光苞簇纓
受紋老農善視之神化非耕耘維皇調玉
燭歲功合氤氳帝力畎畝深擊壤歌放勛
圖成上金匱寶軸森香芸侍臣丹筆工乘
心述前聞願旅天子命補三追典墳

蘇武牧羊抱雛圖

寒窳留盡節旄稀野曠風低短草肥忽見
嬋娟新月上却疑身似夢中歸

李仲賓墨竹圖

筆底玄雲冰雪安瀛洲玉佩映參差如何
昔日閭中今晚歲羞稱老畫師

開元恩長老以詩送北禪講師游

上京末章見及見余于灤陽次韻
乘槎親見玉繩流底用蒲萄與海榴紫塞
接天星戴斗白雲垂地水浮漚蠅頭可但
窮三藏塵尾懸知又九州問訊開元老禪
伯詩瓢今向太湖浮

王澹游墨竹

陰陰密葉鐵鈎鎖淡淡疎柯水玉簪客向
流離渾老盡臨風題筆望江南

次韻繼學竹枝宛轉詞

長年久客學吳儂應對嫦娥認妾容聞道
秋來三十日雪花飄處似深冬

聞郎腰瘦寄當歸望盡天邊破鏡飛昨夜
燈花圓似粟倚門不肯送郎衣

宮羅疊雪燃金龍郎去香奩手自封還家
貂裘綿百結教妾今年兩度縫

年年河鼓度天津郎在灤陽見得真今夕

定知郎到日桂華浮魄滿香輪約八月十五日抵京

陳景仁都事以詩惠酒次韻

閉門擁膝絕知聞壞壁行蝸古篆文誰遣

白衣傳剝啄新詩如雪酒如雲

短髮藤冠似晉賢瀛洲獨坐思如泉明知

白眼輕餘子客至題詩視屋椽

贈翰林何生

殘月疎星送曉鐘伊吾聲徹炯雙瞳盛年

事業須黃卷盡日交游謝碧筍案上蟾蜍

承夜露門前叱噉立秋風君家居士多陰

德佇看雞翹列殿中

嗣天師墨戲四絕

橫塘野色深聳身對秋水守獨匪自夸感

彼蜻蛉子枯蓮孤鶩

守雌氣之母見一道之宗配合貴有得丹

光結芙蓉枯蓮鴛鴦

二禽詎無知秋聲起天外蘆枝為我旌蓮

葉為我蓋蘆荷水禽

萬籟日惻惻水花澹無蹤孤鴻招不來泛

泛以自容蘆荷孤鳧

果老圖

御氣如嬰兒變化能成形再過趙州橋滅
跡絕恠靈

清容居士集卷第十五



清容居士集卷第十六

開平第四集 壬戌

至治二年三月甲戌改除翰林直學士四月乙丑出健德門買小車卧行八日至開平舍于崇真宮有 百道士免扈從宮中聞無人聲

車駕五月中旬始至書詔簡絕僅為祝父十三道內已糾悲愉感發一寓於詩而同院亦寡倡和率意為題得一百篇閏五月

上幸五臺山以實錄未畢趣史院官屬咸

還京是月丁巳發笑矣還寓舍五月灤陽

大寒閏月道中大暑觀是詩者亦足知夫

馳驅之為勞隱逸之為可慕也六月丁卯

朔桐叙

端午日繇車中抵開平客中三度

端陽愴然有懷

居庸昔日逢端午子規聲聲勸歸去舊歲灤陽萬壽宮九節菖蒲泛瓊醕今年車中飽掀歎盲風北來雨如注沙坡馬鬣高下迎土屋魚鱗先後附舊家松篁百尋碧簷

葡萄花前石榴樹停車俛首不得語鄰牆簫聲雜駝鼓勞生得意同蝸牛奮臂却行等蠅席

崇真宮闌無一人經宗師丹房惟蒲苗楊柳感舊有作

雙斛青蒲苗中庭綠楊枝門鎖碧窓窈窕徘徊心不怡辛勤四十載逢辰構崇基寒日淡無華翔風助之悲想此鸞鶴侶長嘯悟成虧往昔玉局翁言罷白雲隨懷賢感夙昔悼念成淨漢夜夢忽邂逅掀髯歌紫芝

閒間真人未至

崇真觀裏獨徘徊門鎖蛛絲燕子猜玄度來遲愁欲絕為憑白鶴寄書催

舊歲端陽與王吏部同客灤陽因成七言奉寄

舊年同飲端陽酒擊鉢聯詩日未斜我戴夫須重出塞君飄躒躑獨留家雪花帶雨催前馬草色連空趁後車萬里功名頭竟白張騫何事苦乘槎

寓舍玄卿舊住今歸龍席山書壁

言懷

明珩出海見奇姿
價壓連城賈客知
往歲曾為大鵬賦
今秋且作小山詞
黑頭好景傳杯樂
白眼長年按劍疑
君去我來同此榻
鴈回何處寫相思

五月八日雨霰

黑雲轉飛蓋
晴空落珠丸
急響通疎密
馳驟杳無端
仰視烏輪光
繫繫不可干
陰晴界南北
咫尺分寒暄
紋人有暗淚
乘陽湧冰瀾
又疑天女下
百琲隨輕紈
采之不滿把
瞬息何彌漫
東墻古楊枝
含思碧雲寒
留取宛轉花
伏日為君看

開平昔賢有詩片雲三尺雪一日

四時天曲盡其景
遂用其語為十

詩

茫茫廣莫區
屈曲層城建
昔云水雲陔
伐木嚴築鍵
寒沙雜軟草
其下有冰片
雙龍赴魏關
雲氣時隱見
巍哉中天居
百里見行殿

唐皇極睿筭
憂邊罷從軍
種松八百里
壁

畫疆理分立
象有定數後
王策奇勳千
車昂頭來
萬竈生墨雲
天險尚莫恃
人謀安足云

曉日出東門
寒光靜相涵
黑雲何方來
玉妃為之駭
頃刻變昏晝
陰晴常日三
宸居逼象緯
熒煌斗司南
世儒窘六合
鄒子成虛談

義和當中街
重裘慘顏色
詢彼住冬人
封戶雪踰尺
松煙暗踈箔
羅坐圍文席
南鄰時相通
北門悅未識
冰天與火井
受地各有職

近山如雕鞍
遠山如削鐵
洎洎落黃流
嗚咽恨未雪
坡陀下前坂
颯爽萬境滅
馬嘶不肯行
沙寒草如茁
氈廬峙前岡
一望初月

駕鷲帖雲飛
下懼鷹眼疾
空墟無鴉棲
壞穴見鼠出
楊枝尚斂色
吐絮朝伏日
羌巴雜蠻獠
異服狀非一
風土諒不同
刪述在史筆

煌煌千賈區
奇貨耀出日
方言互欺詆
粉

澤變初質開張通若酪談笑合膠漆憶昔
關市寬崇墉積如銜梯航際窮髮均輸乃
疎術

城南水沮洳飲之不盈七遠汲沙水甘容
云汝縱恣客竟遺河魚投以百金劑筆歌
乃真空飾情果為累祖公解朝暮不復計
三四

亭亭芍藥枝朱明勝春時金蓮與墨菊兄
弟相等推陽艷深摧藏後秀真奇姿盛時
匪自棄願與松栢期有客同爾心臨風結

長思

皦皦三伏日沉沉九秋天雷鳴過床下月
出在樹顛手持五采筆直侍虛皇前大以
書龜圖小以傳瑤編綸言廣聖澤載歌千
萬年

南望

急霰輕雷五月天觥船手把趣裝綿燕山
南望十三驛紅杏枝頭別有天

天鷲曲

天鷲頰瘦身重肥夜宿官蕩羣成圍蘆根

健捷水蒲滑翅足蹙曳難輕飛參差旋地
數百尺宛轉培風借雙翻翻身入雲高帖
天下陋蓬蒿去無跡五坊手擎海東青側
眼光透瑤臺層解條脫帽窮碧落以掌疾
擗東西傾離披交旋百尋袞蒼鷹助擊隨
勢速初如風輪舞長竿未若銀毬下平坂
蓬頭喘息來獻官天顏一笑催傳餐不如
家雞柵中生死守免使羽林春秋水邊走
李老峪山水深類 先公墓田左

右悠然白雲之思

積翠叢層巒恍然家山圖陰實水屈曲古
樹雲扶疎是時月新出歸鴈飛躊躇疑我
久離鄉問我今何如云昔所種松靈籟吹
笙竽捻角守庭訓六籍師鴻儒幸以鉛槧
勤三入承明廬風景果有侶舉目諒不殊
信美非我土誓言敢終渝

偶成

午雷嬰兒聲晚月大士面頃刻備四時陰
晴足千變空齋嚴重裘塵壁委團扇昔為
居養移今愧筋骸倦

鼇峰后

劫風吹沫孕玲瓏度海鞭霆駕六龍聲合
八音驚俗耳重均九鼎動天空庭露冷
珠璣綻阿閣雲開錦繡封匝匝金蓮隨地
擁侶催夜直佩琤琮石下皆金蓮花

子規詞三首

不如歸去君家南山松萬樹我欲送君歸
憐汝歲上灤陽路

去不如歸江南春深筍蕨肥筍蕨肥子苦
飢見子手持一片冰下馬坐看白雲飛

歸去不如我是蜀王魄化聲呱呱君不歸
請看錢塘雪浪千尺帆踏歌起舞去復還

盧彥威與余同為待制下世已八
年觀行院題名舊跡感愴寓情

長鬚黑髮佩鳴珂嗜飲常持金巨羅詩艷
欲退長吉製詞新深愛小蠻歌鳳池聯轡

情偏重鸞鏡重粧病已魔身成再照一題
壁淒涼悲二妙元公近亦葬山阿

元復初學士舊歲同官集賢會于
上都改除翰林學士見其飲酒數

十觥倍常時今年以疾卒不起觀
行院題壁為四韻以挽

慷慨論交二十年深慙經術荷推先龜跌
林立毛雖秃麟筆星垂汗簡傳直以曠懷
招側目肯於凡品說齊肩舊聞蘇李曾生
別行院重来倍泫然

潘景梁學士同在集賢朝夕與余
論宏詞源委後俱罷去新政肇更

皆得復入舊歲同會上都景梁還
都不一月下世僕忝入翰林過視

草堂有感

鑿坡清切平生志粉省烏臺謝不能當除
行臺侍御皆不樂意在水白夜剔蘭鐙書葉亂凍呵鐵

硯墨花凝蟻穿九曲誰傳授蠲化枯枝果
變騰欲說玄機吾豈敢碧天雲黯喚難應

客舍書事八首

客景真愁絕淒涼倍舊年草穿沙觫縮雲
住屋頭偏窻冷厨烟濕窓低簷雷懸畏寒

難出戶盡日得高眠
日永空庭淨清齋罷煮茶無羊誰闕市有

客共思家巷近逢歸馬門閑數過車衰年
行六十那得老風沙

愁極吟肩聳塵深望眼迷屋隨冰上下山
趁雪高低乾酪瓶爭挈生鹽斗可提日斜
看不足蹋舞共扶攜

蟾影穿窓蠹龍光拂席流淒淒三伏暑浙
瀝九天秋水惡停泥井冰堅宿尾溝年年
游上國那識望鄉愁

問俗過閭里淒涼說住冬凍瓶粘在手暖
扇縛當宵雪急蘆條響風高楫杻鬆寒更
傳警夜飛騎急憧憧

禁堞防危石官衢漾淺沙犬能搜兔窟馬
解避馳車童剪青蔬甲僧分墨菊芽飄零
堪慰藉小雨墊烏紗

宿霧成疎雨寒蓬捲細塵雲飛趁到地草
長不知春香几蜂喧密寒房燕語真白頭
關塞外猶作未歸人

燈影微微焰鐘聲隱隱清歸鴻天際度去
騎月邊行久客心無着微醺夢易成攬衣
中夜起北斗正南橫

視草堂四詠

視草堂前月淒清十倍秋銀河斜處響玉
斧暗中俯隱約娑羅見微茫顧菟流電裳

端可補頽入廣寒游
視草堂前雪飛花具四時老疑潘鬢重舞
覺沈腰羸妙合絲綸巧功調鼎竈奇虛皇

瞻咫尺顛賦玉京詩
視草堂前兩飛空萬象新隨龍下膏澤滌
顏布陽春脉霖能生物霑濡不受塵巫山

空有賦難作楚王臣
視草堂前日傳宣趣制詞藁裁初列上朝
罷八磚移烏御行黃道龍光暎玉墀薰風

生殿閣小立獨多時
華嚴寺

寶構煒煌接帝青行營列峙火晶熒運斤
巧闢攢千柱相杵歌長築萬釘殿基水泉
湧沸以木

雲擁殿心團寶蓋風翻簷角
響金鈴諭知帝力超前古側布端能動地

靈

贈華嚴長老二首

贈華嚴長老二首

四年上國扈金輿燕處高齋得起予篋寶

寸珠光不老爐存片雪色相如抱琴有意

傳流水擊拂無言指太虛二十里松親見

得塔中古佛白毫舒華嚴洞下宗常祥四
明太白禮宏智塔宏

智相傳古
佛再世

丈室蕭蕭畫掩扉蒲團不下得忘機塔前

菊本先春種門外楊花伏日飛向落珠璣

禪客誦象嚴金碧梵王威知余猶是青山

伴話盡斜陽指翠微

書邢遵道二父家傳

蜚聲秀采動時賢書帙如山酒侶泉已恨

人間雙壁化共誇身後一夔傳藥囊有底

陰功滿詩卷相輝盛事全會見門楣成晚

秀瀛洲委佩接羣僊

贈馮真侏生

丹青妍醜世間形碧眼看天畫未成夢覺

已傳商相似神閑能寫趙郎情沙塲燕領

愁中樂客舍鶯肩暗裏驚彩筆聞人頭漸

白長曰眸子識公卿

贈李道士

高安李道士僨藥繞灤城竹杖常隨手茶
甌與解醒住冬饒活計聽雨話平生欲說
前朝事年深記不成

行路難五首

桑乾嶺上十八盤赫日東出紅團團迴頭

平田樹如髮北去沙石何彌湯青帘高低

知客倦勸汝一杯下前坂馬蹄護鐵聲琮

琤帖石朱欄列危棧度嶺林昏泊官驛冰

湧虛泥踰五尺馬行猶知泥淺深重車沒

蹠路莫尋

松林巨木官採搜千斧斫根膏液流翠旄

離披仆巨壑百谷震動狐狼愁大車以載

牛馬喘歷整凌深不能挽車頭挂昏齋聲

呼一步一移日將晚經春踰夏來京都雕

梁繡柱天人居錦茵花磚淺深護歲久不

知行路苦

昔聞萬迴僧空中轉足如飛鷹又聞麥八

百側徑迴旋去無跡牙牌校尉夸快行急
張一日來京城人言脛中有肉燕籥雲躡
電那能名古云行路難今作等閑看君不

見明王坐朝疲心思日行天下人不知
金谷園頭土如酥瓊花琪樹凝流蘇文鴛
甃磚藻影動飛鳳團礎雲光腴紫絲步障
三十里百和生香交旖旎美人羅襪不動
塵匝匝金蓮隨步起須臾急騎圍四隅瞬
息突兀生寒蕪綠珠危樓百尺墜行路之
難却成易

樊裘蒙茸蘇季子兩足重趼行不已一朝
佩印何纍纍列鼎腥羶李國士班生遠出
玉門關被甲夜度隨黃間飛沙擊面燕領
失晚望落日思生還書生守株燈火勤終
歲不通南北鄰一朝安車入關內老不能
言願求退

賣薪行

老兵縛薪穿市賣雙手如龜布衣壞低頭
望日南階行背負槎牙北風殺大車輪困
小車聚我薪不如一杯土黃公壚前烟霧
高揮手相譏不相顧暮歸置薪眠土屋望
月清歌聲斷續丈夫窮達會有時買臣懷
章人始奇

視草堂歲久傾圮述懷二首

視草堂前草木青微臣三入鬢星星壞墻
兩透蝸生角舊竈泥深菌露釘深恐兩鐘
催曉箭獨聽寒殿響風鈴堂堂諸老冰漸
盡病叟應歸種茯苓

昔時壽俊佩騙躑人物於今侶眇然倚馬
誰憐才獨步屠龍端信技無全頌冰伏日
金奩重賜果薰風綺席鮮可是虛皇踈顧
問玉堂舊事少人傳

翰林故事莫盛於唐宋聊述舊聞
擬宮詞十首

禁鐘初動趣傳宣衣袖薰香到御前漸近
宮門扶下馬內官分引導金蓮

御筆圓封草相麻龍戩香透擁金花儀鸞
勅設庭前候賜酒方終更賜茶

制草塗鴉未敢刪內璫宣引侍龍顏已分
筆格金蟾滴更賜端溪紫硯山

春帖分裁閣今多宮娥爭餽纈綃羅青絲
菜併銀盃送愔勝新題墨旋磨

文思如泉涌墨林屏風院吏不須尋舊時

內相諸孫在猶有當年掃閣金

入院聽宣席未温賜金已向案頭存故事入院

傳百單賜葉金 十兩始草制 清晨上馬還家去內出黃

麻付閣門

清馥香温酒玉脂祝文已撰報都知夜來

奉旨傳丞相五朵雲濃押省咨

天孫夜度玉潢清內托銀盤湧化生秋思

未多團扇在擬題宮怨月分明

盤鷗暈錦是冬衣鴿炭初生酒力微聞道

邊臣風雪苦口宣鵬藥布皇威

贊書騰副節樓前筐篋盈庭邸吏傳深恨

葫蘆陶學士受渠犀玉索金錢

書懷

曉來重續避風簷午着輕羅更上簾可是

炎涼隨世態病多時節要抽添

五月二十日甘雨如注江南呼為

分龍雨

平疇龜拆禱龍君百頃青黃兩界分匝岸

已霑三尺雨隔溪唯見一川雲誰家襍襖

涼如水此地祇裊火欲焚共道神功有南

北老農元不廢耕耘

五月廿六日大寒二十二韻

地界幽都正風傳委羽來陰機堅積泓空

竅起荒埃炎帝舜施設玄神擅展裁氣疑

翻溟滓勢欲壓恢台北戶嚴雲結中街宿

霧霾曠流驚炙轂叨咽訝銜枚野曠狐歸

穴林荒雀下臺赴虛人瑟縮走驛吏徘徊

舊篋衷頰索殘爐火易灰當陽紉扇棄薄

暮酒尊催牛喘猶瞻月龍藏敢挾雷曉吟

肩峭直午睡髮毳繆締綵聊增艱簾帷莫

浪開鼎温延上客竈場集羣核鳥認南枝

宿駝鳴北路回沅寒河漢接滌澹雪霜堆

重甲身僵仆銖衣說詭談已知鄒子的更

覺杜生哀澤國朝曦赫奮田潯雨催鴻鈞

陶石爍金鑑煮冰摧舊俗慙卑窘新聞騁

博該廣寒今已到姑射不須陪

御天門聽 詔

大樂出端門金龍日正噉千官齊跪聽萬

姓列行屯親衛周廬列王徭尺籍存侍臣

頭已白宣室願陳論

露立

空庭露立意茫然簇簇飛雲萬馬旋擬變
清涼成佛國不教人喚四時天

喜吳宗師至

飛鶴馭空來春濃洞府開燈光爭夜月簷
韻起春雷玉斗朝雲禮金門就日回的知
僊桂種玉斧更深培

食杏有感

筠籠賜杏得嘗新一一如拳醉臉勻準擬
重尋舊門館空庭繫馬燕飛巡

寄王繼學吏部

青春王吏部束閣久相陪聽雪聯詩送看
花並轡迴如何千里別不寄一書來拂拭
題名記深知吐鳳才

皇城曲

堂堂瞿曇生王宮幼年夙悟它心通梵書
未觀口已誦底用城闕窮西東淨居老人
幻境異故作恐怖生愁容世間習妄了莫
喻要以神化開旨韻歲時相仍作游事皇
城集隊喧憧憧吹螺擊鼓雜部伎千優百

戲羣追從寶車瑰奇耀晴日舞馬裝轡搖
玲瓏紅衣飄裾火山聳白傘撐空雲葉叢
王官跪酒頭叩地朱輪獨坐顏酡烘出眠
聚觀汗揮兩士女簇坐唇搖風人生有身
要有患百歲會盡顏誰童西方之國道里
通至今生老病死與世同

天童山圓上人遠來開平訪華嚴

以舊詩求題

三尺枯藤一卷詩五千里外訪相知鄉音
未改眉毛在曉過嶺西聞子規

手探驪珠顆顆圓清如秋月獨當天舊棧
太白寒禁得更上開平擬過年

題信上人手書

南湖涼觀碧芙蕖屢見臨池曉日初一去
天台隔生死重來應寫梵天書

客舍四詠

膚才出巖遲亭亭大雅姿肯因風共去獨
與月相隨似絮飛無着如山立不移崑岡

有片玉歲晚話深期

孤雲

寒燄出房微前山尚落暉酒醒光耿耿鐘

空影依依蝶夢疑方化螢流竟不飛廿年
長作客獨照合玄機

孤燈

舊日江湖伴多回塞北分身單追暮雨翼
冷帖秋雲肯向蘆邊宿還應枕上聞沙洲
增繳滿不是故離羣

孤鷹

絕頂看秋月星沉萬象奇難隨黃鶴侶獨
與白雲期野性便金洞清聲徹玉墀山中
王子過時一聽參差

孤鶴

次韻圓上人

大荒沙漠境全真平楚天低絕見聞此處
無愁誰會得琵琶一曲問昭君

我家鄧水望江神君住鄧山半嶺雲同向
天涯作行客定知猿鶴有移文

萬斛千言任所之一花五葉檢牟尼九龍
峰鎖難分別會見芙蓉長玉池

次韻華嚴賀李彥方除監察御史

秀采寒光敵楚金詞鋒能繼九州箴鳳池
舊直驚人海烏府新除表士林甄紹家聲
真素業簡騰民瘼是丹心華嚴蓮社相期
速應許遺民得共尋

彭法師禱雨有感

神京歲歲春夏交乾風捲塵喧四郊銀潢
清寒不可挽火礫燥露焚烏巢廟堂憂惶
走犀望桂酒跪瀝陳牲殺飛雲厓無恣強
魁古澗偃蹇專幽蛟拾蜴旋舞破甕岳髣
龍作形糜藁莖或夸巫言擊長劍或騁梵
語鳴銅鏡老彭之孫赤松派尸坐直欲鴻
濛包深知天水本一炁山澤妙感窮羲爻
三玄上章給鳳扎九淵投簡驚鮫綃大青
小青各受令旋轉急注搜巖坳初疑飛縉
蔽雲頂恍若銀竹穿林梢鳥衝沉冥舊栖
失虎度泥淖前林咆迺知至道在瓦礫芒
刃不缺須良庖皇皇真宰燭萬類神運溥
博民同胞前驅招搖後玄武朱冠鐵騎森
旄旂精誠相通顏咫尺靜謐未識徒譏朝
白頭太史詎妄記顛以彩筆窮模描

近為盧真人作桐柏山賦以舊賢

四詠復令賦詩次韻

雙闕高躄僊境分深留絕頂獨耕耘雞啼
流水村非遠犬吠隔溪人始聞翠萼滿林

俱上藥黃雲封戶總回文層霄笙鶴須史
見不用談空李少君

王子乘鸞八極周參差吹徹以淹留緱山
未信雙軒速滄海端如一日浮碑聳蛟螭
擎雨露賦鏗金石閱春秋莫言劉阮歸無
跡政與寒巖二子游

遠瞰神山接海潮群峰匝翠周遭漆書
舊宇開蒼蘚金鼎寒光映碧桃瀑濺花香
疑過兩風回松吹侶驚濤昔年曾說王靈
寶冷笑人間有二毛

雷起平田過兩脛居民猶說老龍靈泉流
洞口凝鍾乳月落松間照茯苓琴罷忽驚
人樓世丹成深勸客延齡僊翁久作朝元
客贏得瑤壇滿鶴翎

再次韻

門首穹碑字八分寸田尺宅勸鋤耘雲歸
古洞疑無着雷過前山侶不聞磨石旋風
空世劫梭溪織水起寒紋年年秋月層臺
上駟驂虛無下帝君

堂堂王子憫宗周不住緱山此地留玉髓

定將金篋貯滄波能使羽觴浮絳桃帶兩
飄紅雪翠樹停雲起素秋絕頂銀盤宮闕
爛不須更向紫霄游

夾山松瀑侶秋潮老鶴調雛日一遭欲與
雙成同勸酒却嫌方朔強偷桃草沿碧澗
千年藥雪釋瓊城百尺濤聞道玉蟾三度
到通明金骨舊皮毛玉蟾或云在羅浮未化

久食青精厭世腥無心折草總通靈望雲
岸幘招歸鶴滴露濡毫傳負苓峰頂丹成
真九轉洞中棊罷已千齡嗟余猶是征塗
客四上開平數鴈翎

上上人游開平回四明

圓帽方袍上上京看山碧眼雪分明南來
白鴈先秋去我輩無情合有情

成君輔廣濟堂

車馬填門日不停刀圭上藥已通靈應須
重作鐵門限坐見堯民壽百齡

內宴二首

寶勒猩纓鴈翅屯錫鑿款款奏南薰珠冠
聳翠千行列雉扇交鸞五采分官漏解留

黃道日御爐能接紫霄雲漢家天子空英
武置酒爭功始考文

樓殿沉沉曉日清靜鞭初徹四無聲桐官
玉乳千車送酒正瓊漿萬甕行肯以駝峰
專比饌不須瑤柱詫南烹

先皇雄略函諸夏擬勝周家宴鎬京

伏日

伏日車中閉炎蒸不自由轉旋疑病酒掀
簸侶驚舟山色随眸轉溪聲着耳流艱難
吾敢讓猿鶴故山秋

龍門

君恩八度過龍門眼見蜿蜒守黑雲漠漠
沙田荒礫滿空將霖雨一溪分
巨靈何日擘雙門千古英雄底死論落日
碎金寒澗裏銷磨猶是僕姑痕

戲題開平四集

開平四集詩百首不是故歌行路難竹簟
暑風茅屋下它年擬作畫圖看

奉題開平百首詩後 王士熙

玉海雲生貝闕高騎鯨人去採芝遨灤江

一夕秋風到瑟瑟珊瑚湧翠濤

清容居士集卷第十六

清容居士集卷第十七

贊

劉敏叔畫八君子圖贊

五季橫潰萬姓阻傷剗舊布新赫日蕩光
變通維時君臣爾詳丕顯韓王應運斯翔
佐帝立極肇服衆國銷兵弛財邦本茂植
獨相十年黎獻安謐弼違雍容不撓厥色
百壬肆妖喬嶽漂搖智深如谷終止且消
金滕天開軒冕以朝簡在帝心王勲日昭
燕尾之眉貫玉之姿炳靈丹青庶或類之

右韓王

堂堂魏王龍章鳳質天實生之以佐王室
射策玉墀慶雲耀日中外踐更執德惟一
西陲繹騷將弛卒驕往綏爾戎薄陳武韜
濯以清泉釋其煎熬入秉國鈞衆味畢調
不懾不渝送康皇圖取日虞淵登于天衢
朝野罔知繫王明謨危疑之際以身調娛
兩宮熙熙萬姓于于桓圭赤舄清廟配食
於鏢厥勲千古罔極

右魏王

赫赫潞公不震不動威以服戎寬以濟衆
宏淵雅譽磅礴肆著蚤年登庸具正百度
貝盜斯興命公于征振旅震發不日以平
國財未殫抗議省兵激懦抑貪朝廷清明
以德報怨以爵為勸強虜效貢却立改觀
名倡九牧進善無倦四朝師臣邦家之珍
委蛇兩河如松如椿燕領淳庖給背輪囷
何以比之永古茂聞

右潞公

儒以稽古酌時斯正用非所宜祇益其病
在漢懿侯治守清淨惟爾荆公行修于躬
耽精古籍慨想遐風懷寶陸沉患莫已逢
激而翹之以達天聰高配五帝著視七制
廷議籍籍斷以辯毅復古之志與帝俱銳
發政累名公是喪朋晚歸鍾陵惆兮慎兢
蹇驢空山悟披愛憎矯矯貞安涅而不緇
吾將疇依為學是師

右荆公

帝宇永清文治斯舉取青娥白臙巧闔媼
赤派橫流獨手莫禦弊極斯反誰受天祐

萬生歐公鴻碩之宗鼓以雷霆驅以雨風
如日之明如川之東肇正古始四方攸同
獎善矻矻英俊滿席彼有未至憂見于色
補衮之功其繩則直以退為完以供為安
高風邈如審象以觀

右歐公

任當其誼三褫無畏用不展志好爵斯避
允顯溫公為世張弛執中秉德享帝活國
熙豐紛紜朝有奸慝歸卧洛師纂緝載籍
允祐之初大矢厥謀狼莠既深百穀未敷
畀成于天力疾以除佐佑王室公心如日
獨樂之園以迂自佚生無榮養歿有餘泣
深衣幅巾天骨嶙峋中有至道不以示人
唯誠與敬千載如新

右溫公

岷嶷之山扶輿綢緼誕育至英絕類離群
溢為江河乘為風雲高絕俊穎探賸炳文
承明適英紬思運精聘轡以行華夷是讎
蹇蹇匪躬上通帝靈才以敗官謗以長名
播遷徼荒百虐寇攘繕性養神獨介獨剛

盤桓南歸百神從行誰謂巨浸一葦以航
瞻彼德容春陽秋霜炯然方瞳如積初生
切雲峩峩野服蒼蒼往代莫從鑒茲耿光

右蘇公

云云脩水誕弘文明維太史氏穎敏之功
由彼岐嶷揚譽上京服襲瑰璋綜覈文藝
剖析幽翳謝絕前驅屈宋擁篲玄言逍遙
夙昔超詣正宗江西歛衽嗣裔厠身著庭
正氣果毅筆者未成削者已繼秉畀濁流
孰怨孰尤不怛其化心君天游精神瀟腹
瞻望不足烝烝孝友猶在眉目清塵高風
曷其有終

右黃太史

祝道士龍贊

靈碑碑三五一視若存水神立玄為光高
原粒天門開靈受秩

墨竹贊二首

墨以韜智玄以御柔淦焉雲興脫兮凜秋
寥寥天標下為岩峩執茲混沌函三爾超
乘剛庸升實志勿讎比焉彙亨烝徒繩繩

纓者如偃若佩而組墨卿司玄騰汝于堵

子昂集賢真贊

審中聲以比磬箏之音證瑩簡以啓載籍之蘊承明三入而不居江海一麾而無愠遺世而深憂盡言而寡尤瓌璋萬物金石橫流敷文太微慶雲瑞芝超然巖壑寄於筆翰者吾猶以為杜德機也

張廣徵金書陰符經贊

選哉古帝握契眇綿沌沌混混超天地先執靜御動茲為坤乾虛九藏一書圖發鈴範圍包絡佐理密堅氣毋受要納息以傳泥金著文其曄玄玄鋒淬穎脫乘雲大圓雲中龍贊

雲中龍贊

握玄機騰八荒愔雲中閣以彰九九合下土光返珠淵終智滅

龍贊

御乾入坤萬靈嫫姚止水飛立廻旋上朝神后布令蘊蔭黜逃功成返淵重玄以韜

又

玄雲蘊氣為毋騰靈湫匿星斗握以機數

九九百教

有

太上授經圖贊

混元希夷空洞眇綿方圓緯經言孰可宣憫彼世醜述玄五千紫雲升空重席九筵跪坐受聽萬神參前研幾察微如珠善淵德為之初道迺自然

辛稼軒畫像贊

妖雛殂江八方沸騰手提糲糊仗義南興閩越荆湘是鎮是繩智名勇功蔑如浮雲讒屢尼之耳若不聞聲裂金石湛厥心君運有南北孰言一之時有未完矢詞室之卒全其歸莫能躡之帶湖維居喬木鬱新目光皆甲佩弓振振審象式瞻宛其不泯仁廟御書除官贊

於赫

仁考御龍中天追琢王度左右惟賢思索

俊髭嘉量達權稽古九官匪曰叙遷嚴嚴

秩宗維直且清佐理大政宰士是程皇畿

膺籙具瞻靡輕率彼緇流出納糾繩八柄

馭臣首爵以貴或超或常執管淵思昭哉

雲章銖黍莫置勿私以恩不悅其媚番番
老臣卒秉國鈞山立陽明如歲之春 帝
賓于天執簡涕淪虹光徹極萬億日新

至治丞相真贊

以元勳開國之孫佐大明麗天之主肩一
德以正人心集衆思以清庶務玉絮而彌
溫山立而有度審象以觀斯為太平之宰
輔

又

階符耀騰河嶽炳靈寔生上相秉鈞以成
儼兮德容束衣蔥衡山立其威玉絮其清
陟降 帝所翼翼是承 帝曰相賢佐我
治平雲龍從類鼎鉉利貞懋昭顯功象于
丹青於赫 寶璽虹光爛明用求厥箴詔
爾雲仍

英廟御書開經偈贊特為皇太子

日升咸池五采耀騰昭徹水源濁垢斯澄
維彼寸額執一貫萬鉅纖受形莫測其變
驪珠陸離光被寰海允符龍圖昭示億載

自贊

幼承 父師之準繩壯緝文獻之淵懿守
先天之中為初心究三聖之易為一致氣
弱而詞愈卑學疏而用益疑察察兩京耳
受目接者不能紹傳吁何可言

王承旨畫像贊

於赫乾運天造者武肇敏王公察飭皇度
越于江濤率圖籍以朝秉直在庭不激不
雕矢辭瓊瑤風舒霽消益之以甘雨濯其
嘉苗佐理髦思敷繹靜規民甫息瘼勿煩
以疵懿德法法如山出雲有聞無聲爰澤
後昆珮玉峩冠審象是傳之問之美百世
弗謏

王叔能真贊

心清而行全守廉而益堅不汲汲於利達
專丘壑以自完若是者五采不能以傳至
若炯炯方瞳藹然孝悌之實發于粹容人
知其為臺閣之秀彥蘊經綸而猶未盡其
用者也

自贊

訥文詞而三直承明之廬拙騎射而五游

朔漢之域居安以窮犧爻之變比事以紂
麟經之釋至於見幾歸田服恬淡而守貞
白識者謂為知止而獨慊然猶以為有形
迹也

馬元帥真贊

養恬而智無遺息機而事能應贊黃閣弗
居其功坐烏臺獨守其正制變於劇郡若
郢人之斤鎮戎於大藩若秦王之鏡服芝
朮以養羊將見安車造朝守規隨而樂清
淨也

瑞檜贊

老子之道以恬泊真靜為根本而其嚴靚
清密非窮極壯偉不足以為榮觀故所至
丹腹土木與浮屠氏相埒殊庭廣寬候靈
苻於致祠之際尤加嚴焉四明玄妙觀構
寶殿傲南城之長春法式具備主者呂法
師顧瞻中唐作而曰茲不可不加竦肅手
植蒼檜列若幢節厥土墳剛風潤雨濡膏
脉日起旁達翁鬱連累相承泰定三年春
正月中斲上聳結為鳳冠觀者林立考諸

釋檜者曰乍檜乍栢一枝而能屢變唯檜
為然觀是則知釋者之非妄矣或曰厥今
聖天子嗣位歷更上元洋洋乎盛德覆被
動植疊瑞重休四方承畏不敢以獻以告
而祝釐儲社道家者流有所不得辭讓迺
繪為圖以光天之休為之贊曰
緊檜在廷三光炳靈膏涵于膚湛其晶榮
化為鳳雛珥冠儀刑乘風鞭雷上于帝青
曰有德者祥茲為利貞爰祝萬壽九垓永
寧

雷氏龍吟琴贊為閩思齋作

四田八日用疑於神攫之也深養之也淳
風生於木莫窮其聲比物引類錫茲嘉名
杳杳變化雲升雨澍憂如銅盤茲其為作
者之助

吳閑閑真贊

德不形禮為翼熙熙冲靜之神侃侃孝友
之色籠古絡今其詞如雲佐理以無為智
淵而若存朝承龍暮撫松鶴心徹九九
坐石盤礴是所謂養其尺宅守玄以生白

者耶

仰山熙禪師真贊

蜀僧曇簡以文詞振林下繇是東南學
者翕然師之育王觀禪師才辯繼其學
弟子熙公復繼之有詩名焉咸淳間試
嘉慶圖詩禁中定為第一余獲見于淨
慈植節刻行言語若冰雪欲以蜀學廣
其徒後歸隱仰山以逝其嗣隆教師祖
瑛以遺象從海上請余贊迺為贊曰

心之精神繇言以宣匪事琢雕合於自然
維師集思泉湧雲溢億萬森列復貫以一
蜀學日淪志士是惜瞻彼肅容以楷以式
南湖入法師真贊

目穿書林心超義海體用不違切斯十倍
審多岐之亡羊悟忘筌以得魚追琢其詞
不浮不蕪外嚴內熙蕭然野鶴之姿斯其
成祖庭之羽翼絕塵世之樞機

定水源禪師真贊

持律以攝心習教以騁辯語默兩忘微旨
益闡薄飯一盂福不稱其德至於據席握

機颺回電激誠禪林之準式也

雪厓吳法師真贊

雪厓吳法師飭身制行道流所尊企弟
子呂虛夷請贊

長齋以養年持敬以顯天若難抱轂如珠
守淵望之山林即之珪璋知止葆靜合太
古之淳厖夫如是逍遙乎白雲之鄉

歲

存悔箴

天君亭亭巖石永貞執樞維機莫我敢膺
鉤聲割名如蠱如螟微焉髮毛戰兢是承
謂善實繇小而過不在大雷以鼓之良以
配之合動而後繇靜斯會昔顏氏子悔實
莫可名筮人司著敢告司局

遵誨堂箴

肅肅祖父誦戒孔昭亶惟矩衡匪矜匪幅
式瞻里門養真筆瓢何棟題爰業肆其夸
驕金縻玉毀迄用不紹巷有居人燕明曾
駟右觴左饌以遊以遨何白首高位顧影
踟吶伊堂既深亦具室奧偃躬徐行慨焉

煮蒿戶冊崇崇陟降以悚於乎後生勿夢
夢是從爰繹具訓敢告嗣宗

貞一齋箴

昭哉森著鉅織受形順天之樞執動以承
尸居者誰不震不隨謂珠箴於淵主靜是
師太虛無體曷思曷為聚為物均散為返
真由感以遷若火之燎原在昔夸父逐日
走偃鑿觀河圖繇是成數成復捨之厥數
愈具庶物滂滂若冰斯泮固而斯應迺事
之幹絕仁棄智望道彌渙必寂爾心必完
爾神筮人司易敢告靈君

誠求堂箴

肫肫者仁婉婉者孺彼孺不言容動斯具
以食為喜以帝為怒感匪物遷孰司昭先
黜思絕為迄全其天揣知者誕矢激滋遠
順陰保陽若執玉以裸太素烟熅至靜無
根見之猶龍望之如雲倚儒守賢曰魯氏
子言邁于京戶冊是規

銘

復菴銘

弁陽老人周公謹父卜終老之丘於先中
丞公墓左築室其上揭名曰復庵謂其故
人子秉楫曰復反也反諸其本也聖人作
易之義深矣余取斯名也厥有旨昔太公
表東諸侯歸葬於營丘禮以謂不忘其本
余家故齊人雖南徙吳興而其遺禮三世
猶守之自余失仕居錢塘非有酣豢之樂
而忘其歸不幸而不得歸者勢也今老矣
苟終無所歸則於復之道異取抑嘗推死
生晝夜之理其變無窮反身而觀虛一而
明者物莫能禦則茲丘之樂殆與造物者
去來而莫窮其所止也子為我暢繹而銘
之銘曰
大明麗天隱於崑崙晦冥有時以全其根
海氣騰溢為雲為澤吐奇滋生復反故壑
嗟彼昏氓睚睚涼涼齒駸日化莫知其鄉
馳車羊腸倒戈蟻垤少夸老棄運往一跌
維子周子心君天游顧瞻松栢肇謀菟裘
峯迴泉滄虎伏馬立鬱為斯丘不龜以吉
煌煌先德如珠在淵既揚其輝終閱其妍

盤桓斯丘豈不念歸三返晝夜以為德機
伊復之道其微如芒礪礪一氣變化以軼
原本稽中是則是象謹獨內觀動靜交養
他年逍遙駕風御雲匪為江河炳為星辰
其來無趾其去孰止為善是嗣貽于孫子

君子齋銘

大裘無華完玉不琢飾美自將其實愈落
善不可為名不可近恕以養仁敬以崇謹
謂我獨賢於德彌損八表同雲一決終債
謂世實賢睚眦孔憐肥遯斯耻却行乃前
人我之道拜節兩忘汝不我瑕我不汝望
煌煌嘉名揭茲戶冊希賢是求探蘊觀曠
盤旋九州俯仰千古發劓淬鋒門轍戶屨
君子之泰君子之和永言銘之以宴以歌

澄心齋銘

大梁劉君彥清佐鄞幕清淨畫一希蓋公
之道逾月而治愈簡及暮而人莫能議噫
使佐天下由是道也果何病今世汨汨然
外治者多矣神明粹精交蔽而愈失其於
內也蓋不暇夫虛明之體絕慮而求者非

正或者謂老氏之說近此因屏不復取今
劉君以澄心名齋動靜交用有合於聖人
之說四明東楠因銘以廣之

存神內觀形不能以久完刻意外治氣由
是而彌衰水煩土敝維物之灾人為物靈
其道安在內不可穢外不可悖湛然長存
於物何類故操尺寸之智者成尋丈之失
勤錙銖之功者獲倍蓰之益御天地之一
氣持陰陽之兩端吾見其清而不介絮而
自全也

雪房銘

錢塘孫道士構雪為房居江南度不能久
得比如京師將遂焉久之復越居庸以
游始固有之迺屬萊捐銘銘曰

養絮沮洳其變莫渝納明屋漏其神莫究
執天之宜允成德機機可轉不可緩緩則
懼懼無以據窮駿之北以儀以則爰謹視
之母忌母慝

崇真觀鐘銘

治吉金構坎離為氣用震以時深則安安

迺旋鎮無極億萬年

朝陽堂銘

焯彼曜靈光融曲阿翼翼玄黃繫其鬱華
寃觀厥功構精沉淵若穀斯伏若珠斯潛
內陰以藏外遷以進含施無垠執斗憲運
衆瞻嘉明企而則諸言升于咸昏旦乞殊
丹流金騰下土若昧疎心惕思怠曷可悔
嗟哉夸父競不救暘大聖維姬慎茲明發
爰興爰慶寸測短長少菴勿荒永儀朝陽

藏書室銘

六學鴻烈代天昭明精思纂微辭以立誠
匪事於言不文奚宣析理日繁直致衍傳
謂默足以通絕其知聞敬焉執持誠焉執
存趙郡氏蘇崇其書楹剖抉雲章緯經有
程靈根湛虛服習粹精廣以觀萬約以守
一迎之莫尋倚兮不躡仰止元聖學海彌
溢

極高明齋銘

謂天穹隆環於九泉謂日陽靈始於虞淵
邈焉具瞻荒忽漫漶銖黍立鈞億萬以正

行遠陟遐跬步攸定維先聖彛訓大賢是
證理一分殊等級辨分不博以求孰為彌
綸不約以觀孰歸其根積小斯高用晦斯
明罔有僭差是準是繩戶冊孔昭爰矢厥
銘

九思堂銘

虛中實中圖書之紐實以分殊虛以一受
理原於初思曷為九於赫玄聖分言為中
上由體生下應景從維李氏子受訓倥侗
戶冊孔昭執玉靡隆數窮於玄陰陽以類
則皇極之言罔有偏陂

淵靜齋銘 為蒙道士作

倚鈞盤審鯁拒蜀叟蒙拱以觀悵無極規
晏溫默雷聲守絲絲珠在宮百神環時既
至乘風搏

清容居士集卷第十七

清容居士集卷第十八

記

慶之路郵縣學記

粵昔授受緒絕空虛固陋之學淪於人心
言理者人人殊師記問者質而不化詞章
策刺决裂六藝糜爛而不可救師儒有憂
之據道德性命之要毫分縷析鑿鑿乎其
不可相紊也繇是士得以一其視聽皇王
之道復興於千數百年之後可謂盛矣

世祖皇帝混同區夏崇學校定國子學成
憲皆東南儒先而朱文公所說咸取以為
經史模楷於是窮微絕域中州萬里之內
外悉家有其書然而急近功者勦取其近
侶以為口耳之實天人禮樂損益消長切
於施為所宜精思而熟攷者一以為允近
迂緩而不講至於脩身養心或相背戾而
不相侶則緣飾儼默望之莫有以窺其涖
際夫明絕學以承先聖之統可謂難矣弊
生於苟易守其說而湮其本將不勝其弊
載籍極博莫嚴於五經教人之法莫詳於

三物揚子雲云丘陵學山而不至于山惡
夫畫也郵奮有學王文公安石為宰時延
會稽杜先生醇教之學者輩出至大二年
郡大火學燬之主邑之學曰孔文雋董儒
金始建講堂禮殿未及完而去皇慶二年
三衢姚熙載實來是歲

天子下科舉詔同知郡事吳郡張侯某顧
瞻陋蕪首曰其何以稱

上意迺率郡官而助之邑令梅君遇春丞
簿龐君滋范君祐咸曰吾長於是茲後曷
可遠嚴工庀程戒隸業者咸輸以佐閱二
年夫子像成侑從有叙門廡庖庾塗牖繚
繞之屬堅密精潔學宮之制完且具矣姚
君迺曰郵號多士昉杜先生宜作先賢祠
以祀郵士之興其自今始乎嘗謂學校宮
室殿謁循行風俗之使者未嘗不督厲脩
繕獨教法未定雖聰明自任猶不敢高下
以議今 明詔四出郡侯首創其原姚君
又能推本前人尊師之旨深有所寓梅雖
官 朝廷因姚君之請知張侯之美遂以

學校之弊首叙其說庶幾吾里秀士強敏自備詢考著哲篤行於顯微內外之實文質交資上承詳延將以復乎昔時之盛則姚君之闡微其意深矣庸刻于石願有以俟焉

鄭山書院記

粵若古儒先各以方國所尊祭于學社自漢而降定孔子祀餘悉徹廢今百年來始有事于先師其居邑講習治官游衍之地崇闡相望或者病焉夫氣流六虛神而存之聚者易推遠者難窮聲音笑貌之感若將企焉如弗及者理有在也合吳越楚蜀之地咸尊以師惟朱文公

世祖皇帝一海寓定胄子學取文公訓註為學制郡縣益遵守而祀於江南者復得推衍大德二年四明趙壽家儒科慨然請于朝曰伊吾祖鄂州善待從文公游今天子興是學願割田別居以祠而名曰鄭山事甫下趙氏即世七年三山林德載氏奉命祇事屋毀弗稱旋辟田沒不可問覈

故整地實完實成莫薦齋明陟降儼肅賓老佐祭侯伯合餽又三年俾繫其事于石秉桷曰維我四明薦紳先生辨釋著微實相表裏源同流分塗殊轍一合私而惡異標榜之弊也炳然尋訓理何外焉學以殖身德以敦本斯道立矣執空說以為證弊不勝舉惟性與道匪言是夸桷懼茲久願相與勉焉林君精敏慎脩宜展於世文公之學不墜審由是也大德丁未春後學秉桷記

鄞縣興造記

鄞為縣延亘三百里環山帶江西為沃區其民盡地利近東瀕為湖土廣而俗雜逐島嶼魚鹽之利出沒于海上歲千百數林藪川澤之隸于鄞者不假于外故號為劇邑邑復輔城以居尤為難治縣上事郡署曲直縱舍承指意一不得便輒指擿辱撓閔臨相通縣勢始振後允為縣者率用是自治而民益困矣大德七年帥府始移鎮控扼水陸衆曰郡有二府縣益不可理八

年真定盧廷信氏丞于茲推勤服廉沉斷
靜備罪疏于囹訟釋于庭朞月而郡侯尊
焉大府任焉宅邑之讞咸質以定旁郡之
賊悉檄以正顧瞻四周令主簿是謀先時
縣燬經始陋庠不足廣廼撤而新鳩材于
山負者以競輸役于徒民以不病首于臺
門廳堂亭廡凡五十有楹智周而勞簡
噦然以深翼然以容詔者趨者視聽易慮
於臯者艾謹然以謠曰伊丞之來吾民不
知吏儻既荒吾民相忘彼庭開明維丞之
平雍雍其堂富民恐傷有亭是休思賢悠
悠丞之戾止毋譁以喜後兮今兮維今是
侶咸謂楹嘗職太史筆削無避溢遂不得
讓後始於乙巳之十月越明年 月成丞
嘗為行掾中書有吏能令長忻都次為東
平周汝弼氏簿澄江朱申氏也余愛其成
紀以示後俾知鄞為可治大德十年十二
月日袁楠記

西洛書院記

河南薛公遵先君子之命建義學于永寧

矣龍頭山有故跡焉蒼崖嶄然宋元祐中
天台羅適正之大刻其上曰洛書錫禹之
地正之安定胡先生門人善水利所至通
陂埭屯田之美按地志永寧併長水縣長
水東臨洛川記傳去洛書所出今龍頭山
新立禹祠而薛公仰止亦近得請于朝
為書院遂更其名曰西洛且俾夫後人知
禹洛書之誠有自粵昔九疇垂象示文夸
誣相矜祖緯韻符漢世明經之士汨於休
咎莫窺其真歷千餘年儒先大興闡天人
之祕方圓相通正學以明然同黨之說勝
一以為己是一以為傳授數精理湮皇極
之建卒無以大通民有恒性君師作之以
修以綏如彼北辰樞紐運行內靜若動莫
窮其化允厥有生極廼固有性者為聖復
者為賢作而新之維后是訓庸保其極則
民永以乂保極者民作極者君運而制諸
若九之在握輪之在御皆聽命於戒孰先
後焉孰終始焉四時萬化之理繇是而備
謂之收叙夫豈捨己而隨彼也昔大禹佐

理水土攸平君臣交修抑亦有定制洛為天下中碩儒訓傳家有其書慎厚遜讓猶有先王之遺風陞西洛之堂者當慨然以思謹其執中將見夫作人如新之驗由鄉而達于邦國勸之翼之示諸于掌皇極之訓其效可成也薛公名友諒溫密有文今為翰林直學士推先志之私淑煥而廣之為屋允若干楹又將延師以教後之學者而屬筆於楸故以昔之所聞者著為之記

建城夫子廟堂記

景城縣東南三十里有故城焉曰建城漢為中水縣地金大定中以其地北臨漳沱南薄御河徙縣於今所二水交流名之曰交河焉皇慶元年保定王君領縣簿事循河故堤水落冬月先期率民以補其缺頽霖雨時至則因其防而巡督之河不橫流政簡民佚觀風省俗聿來于茲望其井屋聯屬誠早且康於是士林之秀曰劉國芝者老韓昌等言曰建城舊有先聖廟城址日圯而廟莫敢廢在昔許文簡公安仁嘗

撤而新之未幾金三居室燬蕩而獨歸然以存至元戊子國芝之父禎遂易於文簡公之故居以詔于里士彥誦之聲家至而日化矣王君周旋里門念崇而新之於是治書侍御史張侯完以書來曰吾里夫子廟易代有存許劉儒先作新之志子盍廣諸敢以楮幣若干為里人勸於是下令輯工莫方闡基表植巷道庭宇邃嚴以丹以塗論講有堂游息有廡明年率其儒生落而祀之廼介刑部員外郎葉蘇君俾志其事粵自塾庠序學之制不明而士無所於學州縣有學率歲時奠祭貿貿道途謹備其故常於造士乎何有成周之學備四代而畿內為序十有二為庠三百左右之塾復不預焉噫先王教學之興何其盛也學必釋菜於先師虞庠為鄉學有堂有序得行釋菜之禮記禮者之言也釋菜於廟則自魏晉始也遵古之學從今之禮損益之變不亦可乎且鄉校不毀鄭人美之今天子下詔明鄉里選舉之法建城之學者

由是而陞司徒者將皆敦讓重厚敏者謹其藝能恂恂于于仰止昔賢舉不絕書而王君化民成俗之美庶得以傳于後王君以習國語始為樞密院從事名某治縣有法類是

封龍山書院重脩記

世祖皇帝以威德深仁正位纂圖越二年始立翰林院真定李文正公首以碩德耆壽俊召為翰林學士未幾告老以歸隱于封龍山封龍在恒山之陽公幼侍東平府君受業焉地舊有書院兵革蹂躪公拮据盡力以成之故其居 朝廷也食息不忘茲山

天子察憫其志俾食致政之祿以終老於是公作新斯文遠近之士咸秀出暨公下世踰二十年其從公而顯者曰史忠武公諸子曰杠曰 曰杞曰輝廉訪使荆幼紀集賢學士焦養直廉訪僉事張翼宣撫崔某其餘贊成均授鄉里名不能悉數而真定之學者升公之堂拜公之像未嘗不肅

容以增遠想也皇慶二年其曾孫慎言為翰林屬

仁宗有詔省掾用儒士擢入佐左司院中選都事僉曰李文正公為翰林肇端其曾孫宜以居未幾拜監察御史而於封龍也倦倦悉如公之志歲久蕪漶不治往往治允年為司農屬時請于司農符下其道廉訪丹漆木甍悉撤以新御史有言曰繼述志事子孫所謹我先公之為茲也實將以佐 國家之盛顛子記之楸曰致太平經濟之道章句佔畢不能以盡也文正公恬於進取率躬以化其鄉耄至而辟祿德之本也導掖其秀民仁之至也其徒卒昌於時孰不曰文正公所作成也今遺書具存在於書院者宜究其委源考三代之所以長秦漢之所以失反躬以思平治之道如指諸掌將反覆以陳于上李氏世守家法則書院永永代有嘉譽其繕脩也益廣於今日矣本末具前記不再書

慶元路醫學記

醫之書作於上古乎後人猶疑焉陰陽氣運之說與易書禮相脗合蟲魚草木之精詳於詩尤近之然其辭義與古卒莫能通曉非專治者不能也先王知之始為之師以教之後復立學以長之生人之本繇是脩矣至元壬辰濟南陳公祥為肅政廉訪副使來四明遵 詔立醫學學成甫十有八年燬焉其地近市狹紊成病展事鄞縣西有故主簿廳事基及傍近地蕪礫不治於是教授徐君源道等請于郡遷以廣之迺斥其舊地得財若干以治土木郡侯完顏公首為之勸推官賀某贊補其役隸于醫籍者胥率錢以輔之逾年而學完殿廡翼成軒闕深靜會予自 京師還里屬記其事余幼嘗聞長老言鄉里多名醫皆脩謹退讓呐呐然若不勝衣察脉視色必原於井谷經絡之微眇調製湯液必通乎風土之宜甘辛燥濕內外相為表裏者悉參取於經傳故其術百不一失懷疑審問求正於勝已無忌悻之謬道同而氣和相

遜以禮相處以義而昔時公卿家激厲獎與之道又能使盡其術而無愧噫亦盛矣今 皇宇恢廓五方士民參雜乎州里拘而不達將不勝其弊率焉以僥倖懼其深有所失也徐君世儒醫教授是邦今二十餘年重靜而不撓昔之所聞徐君深知之廣

天子好生之德諄諄然語之使後之學者誦其書毋執一以自滿虛心遜志復昔時之長厚不幸罹于疾病將得盡其順受無天闕之害則徐君之教不亦闡乎余歸田里尚幸而有見也

白石書院記

釋奠先聖先師之著於祀典而鄉社之所宜祭皆廢不舉宋初肇建四書院釋奠釋菜之禮悉遵令甲若鄭玄所言高堂生毛公制氏之徒皆不得專祭僅列於從祀濂洛之說行於是先賢之祠競立首於其鄉復推其居官游歷之地甚者謂其觀風宣化雖其足跡之所不至亦當有祠夫古不

墓祭謂其神專於其居室也又曰不敬非類謂懼其瀆而不正也今郡縣朱文公祠窮廣各慕悅胥勸終莫能有病之者繇是空巖海嶼屹然歸立而入仕者借是以為資歷何先賢祠祀先後盛衰之不同也朱文公之高第曰黃文肅公天下尊之曰勉齋先生其學以持敬為先探微鉤深以極夫操履之實懼其守之不專則蚤夜以思歛其粹精絕其枝蔓正誼明道見於經濟故其臨川漢陽之政惓惓於征繕獄訟而論者始不敢以儒為侮守邊議戎衆皆咎時宰用非所宜而公益得以摠其素講事至而不懼政成而不迫是則儒者之效惟先生足以及之先生嘗曰吾於江東之友得三人焉曰李敬子胡伯量蔡允思時廣信之儒先劉君養浩蓋獲登其門朝夕習益悉以先生之指授者為標準寶慶元年入太學舍法成淳祐七年授寧國府教授後進之士從劉君者無虛日相地於白石山為精舍以處學者祥刑使者建安蔡公

抗扁之曰白石書院蔡公之於文肅皆文公之門人從劉君者悉稱為白石先生天運合一白石之子安緝其齋廡曰先君之承先師曷敢墜替誦聲屢武益廣其舊後為湖廣儒學副提舉以歿有子曰光復慨然曰大父師友之傳不可以不垂久遠文公祠遍江南祠文公則文肅道得以尊久遂買田築官中為禮殿書院之制悉備殿北立文公祠以文肅侑食後立大父祠繇是傳授之旨益信所隸有司上其事于中書省省允其言始定置山長入選調既成俾稍書始末著于石章憲文肅文公之忠臣也疑者補之異者同之不以一時之辨爭而立其黨與見于成書故其巨輔之功若文公之於程子今之尊文肅者能若是斯得矣光今為史院編脩官敏達知治體文肅之學是誠有望焉者也

昌國州重脩學記

青社韓侯益是州踰年顧瞻學宮頽圯日至喟然嘆曰化民成俗必自學始爰相厥

收鉤稽負逋治其島租墾其閒田宛整是先秦定元年十月甲子役興用工二千有八百計緡錢二千有五百匠石日食之費則諸生欣輸以佐於是殿堂門廡齋庖池徑咸得備具謂稱繇翰苑歸俾記其事稱嘗聞之先儒以明理為綱領識誅漢唐不少假濂洛之說盛行誠敬忠恕毫分縷析一以體用知行槩而申之繇是髫鬣之童悉能誦習高視闊步轉相傳授禮樂刑政之具獄訟兵甲之實悉有所不講哆口避席謝非所急言詞之不工則曰吾何以華藻為哉考覈之不精則曰吾何以援摺為哉吾惟理是先惟一是貫科舉承踵駸駸乎魏晉之清談疆宇之南北不接乎視聽馴致社亡求其授命死事率非昔時言性理之士後之學者寧勿置論而循其故習者哉昌國惟四明海中州士之興起自紹熙始著樓宣獻公袁正獻公楊文元公尚書深寧王公嘗記其建學論堂之本始揚雄有言曰百川學海而至于海善喻者也

首之以訓詁之精次及夫名物度數之密由小成至于大成非積年不能以至周官鄉三物之教詎止執一而以為傳道之要殆不可也委流安行由蹇而達訖歸于海學之功也佳名博字仲舉既興其學廼復儒役以為大比之勸學之士子寧不自勵敢執筆以俟是役也州之長某州同知黃棟孫判官張信吏目陳益學正孫恕皆叶贊其事秦定二年二月癸卯具官袁楠記

昌國州醫學記

醫之道即夫人身以備三才其說與易箕疇詩禮相表裏亦大矣哉蓋昔之君師聰明神聖因夫五行以寓于五常之形氣致坎離之用以合其陰陽推其運行以齊夫寒暑考九州風土之宜別溫涼燥濕之高下蟲魚草木纖悉備具非博習廣聞者不能也至於七情既發之偏必求其中以返于正皆吾儒傳心之極論有察於聲氣臭味之眇忽考之於遺書受之於家庭積歲年不能以竟而掌政令者從是稽其醫事

以制廩祿是則寧有天閔痲癘之憾也哉
南北地氣有大不同而為之醫者各執己
論近者急於好尚而恣縱不能商度十失
五六誠可罪也秦漢之主卒望海求不死

藥藥詎能令不死蓋其空巖絕島磅礪於

巨浸之際絕囂塵接雲霧靈根異草得地

氣之正方外隱士時採其奇絕精良以療

治輒奇中而功倍今所謂海上方皆其苗

裔而昔之集方論者復蒐類于蛟龍之窟

穴海於天地間號窠鉅焉得以有遺也昌

國為州四履皆海至元二十九年始立三

皇祠綿絕不稱韓侯治儒學既竟復莅醫

學茲曷以奉揭虔廣其故址而二倍之泰

定元年冬十月正殿成復立論堂翼以東

西前為儀門外為神門廊廡有序祠象儼

赫首以圭租勸民胥成不三月咸樂以助

復遵 詔旨為惠民藥局工既畢書來俾

書其事于石梅嘗謂疾痛苛癢切於吾身

者猶民之身也民困魚鹽俟能紓之儒病

微科俟能復之既憂其生又懼其罹於疾

病使夫習為醫者講肄以精其術故余歷
叙醫家者流其學實難三聖之書昭然具
存反覆細繹皆得以究其生是侯仁政之
本愈遠而愈不可忘也

定海縣重脩記

定海為縣自昔號重地鎮遏戍守異於它

所南受諸蕃絕域之颿舶東控島夷不庭

之邦商賈舟楫噴薄出沒擾會濟勝實東

南之奇觀也

皇元考圖受貢益倍于異代信使香幣渡

海歲不絕縣令將迎日疲於供事視公宇

若傳舍歲益圯剝至治二年忻都君始莅

事曰吾受

天子命長邑於是失撫字則奚以任歲適

大歉徵租於民將不勝逋負計歲所入一

萬有奇遂覈其實止輸奇于官鹽賦歲不

登民益以困卒請而蠲若干嚴飭官驛置

隸人以候過客而復其役久而曰吾將治

所居以聳民視瞻一撤以新為楹五十餘

銳覽木石丹漆箭鐵皆堅緻可永久教諭

蔣君昭先列其行事俾為記余謂治縣莫先於宜民承上意而不鳴其疾苦甚者增羨以求媚善譽乎何有縣當水陸之衝輒默計歲月得解職即謝去植仆舉弊終其身未能也若是則忻都君之行事汲汲慕古將有以大其所為夫豈苟計目前之功效者哉余特記其興造使來者有攷蔣君所述多善政不復著推其所為舉綱以遺目蓋可知矣是役也尹曹敏中主簿薛炳悉力贊治故迄用有成

新建鄞縣尉廳記

郡治絕江其地名甬東吳王居甬句為古浹口甬甬江在今海濱海達于江入於奉化西灑于餘姚縈紆回曲綿亘百餘里鄞為縣分東西以浮梁為界東之民習網罟魚鹽以自業其地膏沃有湖可以灌浸率不善墾治春至輒率其子弟文身權歌出沒於海島伺危薄險對面成姦究憲令昭著至死有所不避尉以巡督為職自宋雍熙間置尉治於彼蓋重其地以鎮遏迄今

數百年游手益夥捕繫無虛日厝燬于兵踰五十年尉率其兵徒隨所寓無常地訊錄之所不具於觀瞻莫格其非而任益以困矣至治三年廬陵周君一夔來視故址曰吾不可不自重首為外門復為廨門中建聽事披以賓榮輔以吏舍後設燕居以休其勞清流匯池花木列植周繚塗牖皆足以支永久吏有言者曰尉職在察盜囹圄不立奚尉之為茲土之民俗弊已久醜禁之嚴莫窮其窟穴朝夕怯發纍纍旁午不有以居將曷能以有處尉笑曰道德齊禮夫子之訓也獄市無擾相國之言也閱數月獄以空告於是輿人有言曰尉之申申非取異以求新塞其姦愞養其淳真彼疇鱗鱗良苗氤氳尉之去兮將以告夫後之人役始於泰定元年秋八月成於二年之二月郡人具官表楠記

浙東廉訪司重建澄清堂記

國家肇置肅政廉訪司浙之東以婺女為總治而行部使者允六人讞審殿黜循歷

于六郡總治之使二人坐鎮于婺六郡歲終必以其成牘歸于總治定其可否以上于御史臺持綜覈之實執與奪之柄厥任實不輕矣夫以輿地之廣貢賦之夥天子不能以自治必假於首令焉守令不能以公其心又假於耳目焉以重其寄大其居室聳其視瞻廉遠堂高非直為觀美也聽事之所繇唐歷宋歲久頽剝不治至治二年中奉大夫馬公為使于是邦顧瞻政容曰茲不可不為先務邦之菴倪亦曰茲實聽政之本於是郡請于中書行省計郡餘財以為匠費崇其堂隍稍北以構柱甍孔新庭廡邃密名之曰澄清復為燕居之室于其後曰迎華觀經始於是年之九月明年五月告成中奉拜湖廣行省叅知政事以去資善大夫思蘭公甫至則曰中奉公之惠後若是宜紀其事未幾拜南臺中丞資政大夫岳烈公繼為使亦曰是誠不可軼於是僉命楠為之記中奉資政嘗牧于吾鄉皆得而接識往會中奉公于

京師謂余曰民之多寃繇循行者不盡其辭吾往浙東將使六郡之苛穢亦切於吾身後聞其所行果有所不避資政公廉而守正牧民如己子遺愛于四明人能言之中丞公得見于會通河議論氷雪以刺劾為己任是則三公之行事深有合夫至公之論抑又聞之事患有所不明知而有所舉藉藉于道塗之民口不可以防也苟明矣不少恕焉則法舉而德不足以化今使者五人皆遴選在位于以見聖上振整之初政登斯堂也則相與講習見於施設不藪以避不苛以求陽煦陰肅吏民率服胥保惠以承于上其治豈不偉哉夫志同議同任事同七郡之民孰不鼓舞以齊詠太平之盛楠舊職太史慕前賢壁記警戒之實因以謏聞而為之辭

明遠堂記

澄清堂成紀興繕之本末矣叅政馬公奉聖天子明詔巡行江浙復至婺女見其燕居之堂舊曰迎華觀者而更其名曰明遠

取其切于觀風之道副使馬公經歷俎君
冕復求記於余於是屬筆為之辭曰今夫
七郡之黜劾悉萃於澄清吏抱其牘鴈鷺
以進卒不敢妄議其可否將求其生欲重
其罰情皆不能以得也精思以究必退省
焉以品節之事窘於一庭而智足以見萬
里古之善馭吏者不泥於法律不事於朱
墨故其革姦警讐無言而化成必有其本
也在昔聖人明目達聰百僚在官定於三
載之考績夫豈有他哉維東浙負山聯海
風俗不一強者雜設詐柔者率罷軟撫摩
之道各有攸處登斯堂也必攝齊肅容悉
議其所宜行退于燕居申申天天燭照數
計考七郡之幽隱如指諸掌名之曰明遠
孰曰不宜今叅政公之按行非家至而戶
到也是則明遠之旨講之熟矣則允復之
來者益得以省察俾勿壞泰定三年四月
丁丑具官袁桷記

新修司獄司記

國朝肇置司獄司專以掌守囚禁職卑而

勞猥為其官常憤憤不得志浮湛坐曹日
數歲月希善代謁吏部者每請託求免注
縣是視為傳舍狴犴之不修桎梏之不整
所至皆是憲部審決亦有所不暇及簡漏
相仍其勢然也永嘉林君龍澤之來守是
官也曰吾不可不自振考其成牘剔疑槓
姦重者上憲府輕者白郡守多有所變易
罪以不寃囚民宜之久之曰獄不可不繕
營至大二年獄既燬支弊植仆僅存其制
於是除地撤瓦築堂三楹曰平恕堂後燕
室曰種德左右翼軒環以吏廡廼築高門
廼闢園土養疾有堂奉神有祠繚以瓦垣
浚以甘井取足備具各中繩墨蓋先之以
己俸而官若民廼悉為之助不旬月而告
成憲亦難矣昔人言不卑小官於林君見
之州縣疑獄郡輒以委林君揣情以求其
生量事以正其罪羣吏抱案詣庭下無虛
日是則林君之果能令官大也書曰典獄
非訖于威惟訖于富若是則寧有私謁者
乎余直集賢林君時為掾史處事立具今

觀其政績顯白足可稱道庸紀歲月是役也興于某年某月成於某年某月泰定三年歲在丙寅郡人具官袁楠記

慈溪縣興造記

泰定二年冬十一月保定孫公楫循行四明至于慈溪觀其縣治壯麗整密咨嗟徘徊詢諸縣人邑長為誰咸曰此昔烏忠顯之所成也忠顯為縣首治董孝子祠以化俗次修孔子廟三皇祠曰儒以長民醫以養民又治社壇嚴其齋宿以謹水旱迺曰迎詔禮賓茲不可不度傳驛休息宜慎其寒煥興繕既畢始曰吾亦得以廣居于是矣語未終孫公曰是誠可紀載於是命進士翁心傳為圖俾楠為之記聽事五楹高其前三楹焉堂曰清清淳化中尹張叔達題書之所褒因其名而築之者也挾以吏舍厨福獄室縣門鼓樓前後有序縣治之後有小湖湖之中為洲花竹四列風蓮水柳映翳繚繞為亭以庥其居有四曰思政佐治以察民隱也曰柳意勝覽以樂其神

觀也圖既畢復言忠顯之政暨業輯三役不病於民去其姦饜以為政本今其去十有三年思如一日而其繕營足以支永久於是其始也利以誘之終三年更徵需歛散一聽其命戶稅更易拱手莫與之抗甚者為之囊橐可哀也已孫公之來茲邑也其亦有所感表去尹之美亦將以警夫來者余昔在太史觀循吏之實書以示後忠顯不求名而名自至孫公之為使者夫豈計目前以為黜陟哉始忠顯之滌篆也漫不可考謹視之實秭歸縣印言於攸司而更正之其精覈率類是則允今之為縣者廣使者之用心以減其政績楠雖老尚當記之泰定二年歲在乙丑冬十有二月甲午郡人具官袁楠記

定海縣學藏書記

定海為縣南接鹽島汪洋數千里食息可至厥今號為重屯四方語言咿憂侏離交衢旁午褒衣儒冠見者嘗議考諸郡乘惟

沈端憲一人嗣後接武猶班班可致秦定二年春某官始來為令迺曰縣固有學學必聚書冥行空言講習何補武城弦歌先聖是取進鄉小民首於文辭其必自聚書始迺與主簿龐君首捐俸資復命教諭汪宗江出學粟俾儒職樊惟肖胡驥縣杖置經史若干卷又諭學之耆老曰經以窮理史以究成敗廣聞備辭惟子集是宜是亦不可缺復得若干卷將刻石列目以示永久謁記於余念昔在 殿廬見令尹之兄在廡下察其儀貌莊肅知非允近後果為進士第一見令尹于國學儀端語溫審其頡頏萃于一門今茲掌其邑尤以教學為己任抑嘗聞之聚書非難寶書為難校官之不職悉資以奉權貴甚者竊其故籍挾之以進其家甚者漫漶散落一不掛眼三者之病比比皆是今刻于石將杜其漸後之來者寧得不自勉乎

慶元路重備先聖廟記

河南郭侯視郡事之初首定役法郡民曰

困蹇事旬月按覈數嘗不登郭侯知其奸利迺言曰病在私商潛轉輸其所贏餘卒不入公籍民病不可藥也於是罷賈區今四廂俾總之鱗醢鼓脯各趨其時視計口之授略相等復疎然曰吾職司學校茲曷可少緩督大小學謹授業斥其偽冒以其餘粟大修孔子廟於是進郡博士陸晉之學正錄胡某毛某而言曰漢文翁立學歷唐宋幾二千年猶完緻君等知其故乎少間曰教在不墜其不廢在繕修迺曰若殿若儀門風雨剝圯在丹雘先聖崇嚴列祀肅雖在作繪定章服在禮象又曰講有堂書有樓吾亦曷敢後姑徐徐為之吾願俾是邦服習仁義秀又林立遣詣 王朝將自茲始梅縣禁署歸里允三年愛中和樂職之詩首為詩以咏贊侯名郁字文卿所至官以興學為本詩曰
茫茫海甸聿仁義邦圭組積榮失其敦
歲亦云祖夸侈則降維侯之來靡瘼不知
曰維泮宮風化攸基竦其具瞻象神之儀

藻井繪樞綯兮承式降陟有嚴是奉是翼
匪土木之工職教攸則瞻彼戟門有飛戾
止斯暈煌煌五采屬纒鏘鏘八音繁曰在
耳嗟爾後生無媮以誕無逸豫伴奭遵我
侯度以靖以獻奉璋有莪伊侯之頌

鄞縣學興造記

延祐元年楠記鄞學之興造矣甫一紀職
鄞學者括蒼林君傳以事狀來言昔之經
度踰於舊址廩入不給故其結構塗墍缺
馬未周鄞之尹曰阮君周翰治縣未幾有
恪殿謁首以興繕為急割俸以勵儒生於
是步履有甃繚繞有墉礮以密石華以堊
丹象設有嚴講席齋廬足以稱弦誦而從
祀一百有五悉易以塑合儒先之宜祀者
為祠以庠少間曰既完矣盍廣教以振士
類立小學師二人而增弟子負凡五十人
泰定三年二月朔告成復命楠記維鄞自
王文公廷杜先生以君師為端本故後之
繼承經術淵懿蹇蹇大節見於史傳者凡
數公衣冠日隆徽近功利而懷忠抱德盛

於乾道淳熙之際遺言正學傳於今猶未
泯周翰之先公嘗今刺是邦厖眉褒衣諸
老森立蓋嘗極尊賢之禮矣今茲作新亦
將有意夫斯道考問德業吾猶以為有在
也周翰名申之池陽人林君字以道非怠
其職以苟度者於是乎見魯公修宮形於
歌頌系以詩曰

維鄞之峯煌煌金精其江縈紆挾城以行
磅礴元化孕茲羣英其英伊何鬱彼瑚璉
不戚施以求是則是憲發其精忠匪石可
轉曰尹之束庭誥是遵顧瞻廟廷風墮兩
昏土金丹漆有炳其文宮既完矣失教則
缺循循子佩自今以始罔敢越以道氏林
葺構揭揭杜先之訓百世服膺有失其猷
將夸誕是興凡升論堂戰兢以承

清容居士集卷第十八

清容居士集卷第十九

記

馬九帥防倭記

自昔待蠻夷之國必傳 詔令以諭說之
稍失撫馭則狙詐百出甚者嗜錙銖之甘
傾接如素所交往失上國體歎侮訕笑於
茲有年矣

今天子考獻令於疆域中書省奏曰蠻夷
之不庭實守禦長吏餌利忘公弊不可日
長維定海實慶元屬縣附海司鎮遏導考
舊蹟茲其為泊艦之所船有定制輸其物
以上于官勿入郡城勿止貿易則得以永
遠虛聲生疑駱驛傳騎三益也是宜選帥
臣清白有譽望者制置其事

上可其奏泰定二年冬十月倭人以舟至
海口於是行省僉曰非馬公孰得當是選
公乘驛至縣即宣諭

上意始疑駭不肯承命反復申諭訖如教
於是整官軍合四部以一號召列邏船以
示儆禦哉科調減騶從除征商之姦嚴巡

警之實慮民之投憲為文以諭收其帆櫓
器械而舶法卒不敢移減自便事既畢賈
區市虛陳列分錯啾擾爭奇踏歌轉舞川
后山君德色效靈而公之淵思曲畫若防
之制水不可得以殫述自始訖終凡一百
三十有七日古之禦邊莫踰於諸葛武侯
韋皇善繼史有述焉今公創始於前願後
之賢帥規隨以成非惟鄉里之真安則國
家懷來將自茲始王會之篇楠額有繼焉

兩浙轉運鹽使分司記

國朝定煮海之賦倍於前代邦用是資其
選官委任為不輕兩浙設總司於杭東西
屬郡率置分司以董督四明號為東浙繁
夥饑饉荐罹逋負益廣急之則疲蕭愁嘆
黧色骨立見於菴稚故受其任者為窳難
楠官翰林時預議中書堂嘗白丞相乞減
歲額丞相領其議于時大臣咸然其說卒
以戶部籍不能易是後憂國者迄減其直
繼今善謀邦計之士亦將有以待也泰定
元年冬分司燬三年張侯伯威蒞是邦以

官楮若干委于郡郡守郭侯曰茲役不可緩必擇善於營繕者是屬曰阮君申之縣庠之興尹能紹之曰尉周君一變尉廨久湮尉能起之茲其以是屬僉謀曰取於山里胥是刪鬻於市大賈以喜將視其材市於民堅完鎮密是則不負於郭侯之教矣六月闡工九月告成聽事崇嚴夾舍拱揖門臺有叙百堵具列斧斤鑿鼓不徹于垣周君則曰尉雖不才困圖之設非我職矧轉運府設是則益以病盍去諸復以楮之餘者歸于司官常患不得其人急奉於公怨讟滋興况復因之以竊其利周君則不然人皆曰作之登登周君是承去其榜笞民完以熙若是則任其職者絕叫囂息追逮其賦寧有不登于

天府昔之使者遺愛揭於堅珉矣後之來者登斯堂也譎然仁政將屢書不絕楠老矣尚當見之泰定四年二月庚寅具官袁楠記

鄞縣小溪巡檢司記

城南門折行四十五里曰小溪鎮宋元豐置焉唐曰光溪鎮以監酒稅煙火得名治平元年罷酒稅以便民獨掌煙火凡言煙火職民訟水火盜賊其地三境交接大江貫其中羣溪畢會水清冷如明鏡巖巖擁秀千篙競發碧瓦朱甍翬鱗比望之如神仙居宋紹興中北客多樂居之魏文節公結園墅與客大梁張武子為詩友其宅如安儀同孫王尚書相繼卜築而為是鎮者于于養恬承接履焉爭鬪絕庭下楠幼歲舟至溪上猶能記髻髻也

皇朝一海寓立巡檢司于是地而舊鎮久廢故家亦湮沒毀散仕者率苟循歲月虞隘踵陋不復以崇嚴為事泰定元年白君察罕不抱莅是職與父老言曰司徵之所不在荒寂則在穢惡吾獨愛是溪有先賢之遺俗薪者販者前歌後休絕枹鼓之警羈干楨之邏吾心固勤焉亦是土循謹之素顛廣聽事以表茲溪咸曰然於是木踵以至甃效以來三年夏闡工九月告成遠

迎龍湫近接虹梁舉觴以落而懷牒巧訟者各屏息以避有合夫道德齊禮之義延相與歌曰

作之烝烝罔聞其聲養其高明心清以寧不卑其官惟後來是承

吳江重建長橋記

震澤東受羣川汪洋巨浸至吳江尤廣衍地為南北衝千帆競發風怒濤春擊噴薄一失便利莫能制唐刺史王仲舒築石堤以順牽挽宋慶曆八年邑宰李問始造長橋繇是各捨舟以途來往若織水蠶木腐歲一治葺益為民病泰定元年冬州判官張君顯祖始蒞事曰茲實首政稽工程財莫知攷出當謀於民民有調役維浮屠善計度長衢廣殿瞬息以具吾語諸其有獲廣濟僧崇敬寔來敬言伐木為梁弗克支遠易以石其迄有濟參知政事馬思忽公以督運至吳延采其議周詢以籌首捐貲以勸敬復曰作事謀始不可不慎有善士姚嘉禾人能任大工役必屈以委

繪圖相收經畫畢具咸服姚議於是參政諉郡守郭侯鵬翼役未興丞相荅刺罕公朝京師迴道繇吳江郡白橋議丞相曰吾必首倡即捐萬緡而府縣士民相胥以勸平章高公貫公繇湖廣江西來自江浙力屬張君俾終是工杜侯貞來守是土亦曰張之言然聞正月建橋明年二月橋成長一千三百尺有奇捷以巨石下連層淵積石既高環若半月為梁六十有一醜其剽悍廣中三梁為丈三百以通巨舟層欄後狃危柱巖巖楚以文覺過者如席奮有亭名垂虹周遭差戾因名以增榮觀焉是役也敬師鳩徒輸財實三之二贏財十萬復以為寶帶橋助姚摠其綱張君首議出於仁政事有脗合而是州興役見知於丞相誠出大章厥今運舟相聯驛使旁午咸曰丞相謀國經遠張君美績繇是得書將永遠無極繫之以詩曰

茫茫禹甸昔鄰於魚維四載功茲為具區有失其防群螭喁喁曰維李侯構茲虹梁

經始孔艱任肩揚揚歲老水泐臨履若驚
張君莅官飭我初政曰茲橋匪脩涉者益
病召彼耆老貨布莫競相國之來六轡徐
徐詢事審宜以究以圖割其緡錢俾民樂
輸橋既成矣虹飛于江千柱承宇羣流迴
砥儼兮層城爛其軒窻張君籌思相國成
之彼清淨士式克承之千歲永賴我庸以
銘之

陸氏捨田記

吳越舊俗敬事鬼神後千餘年爭崇尚浮
屠老子學棟薨徧郡縣宋帝南渡公卿大
臣多出兩浙而制令入政府得建宮院崇
祖禩驅石輦木空巖聞寂之地高下晃耀
財日益耗而弊莫可救矣故稍自給足者
亦承風效施跬步矚目日不勝其繁吁可
禁哉宋社亡故家日降辱過昔所崇建揮
手若不相識甚者翦夷其墓田豚蹄之祭
不通於焄蒿而卒未有能懲戒夫厲階於
初其習聞者不變故雖善說巧譬終莫能
以改也夫錫山陸允俊以其母夫人楊氏

捨田之狀且告曰陸故吳望族大父凱恬
靜絕企驚觀老子書若有得所與交多聞
人是生先府君愈孝謹自治讀司馬公書
不釋手人勸之仕則曰吾承事於家者未
至安能弊內以益外哉未幾大父母相繼
卒吾府君拮据治窳窳不幸以毀卒又不
幸弟鐵孫卒於是吾母曰為物為變鬼之
屈而不能伸者也氣化則鬼升求於家祭
記禮者盡之矣求於窈冥則莫若清淨焉
是依汝父若弟其往也無悔而吾惓惓者
情有盡而哀終身不可以有盡也今將割
田若干歸于城北之洞虛觀以廣其時思
吾知守禮者矜其情而曲許之焉事不永
久則吾之志墮當求能文詞者為之傳其
文傳田不復可易矣田不可易則汝父弟
與吾志俱不朽矣其言若是俾余信其言
者吾友陽穀李君希哲也希哲於陸母為
姻聯善屬文遜於子者求徵以示公也徵
其子孫而余前言惓惓復將以徵夫觀中
之徒知以與言為可畏也表稱記

野月觀記

養生說有二焉北祖全真其學首以耐勞
 苦力耕作故允居處服食非其所自為不
 敢享蓬垢踈糲絕憂患慕義人所不堪者
 能安之調伏攝持將以復其性死生壽夭
 泊然無繫念駸駸乎坐乾氏之學矣東南
 師魏伯陽其傳以不死為宗本於黃帝籀
 精鍊形御六氣以游夫萬物之表其壽命
 益長者謂之僊而所傳確有派繫先儒深
 有取焉夫人之所受為命其天闕戕賊必
 不能盡其年過於厚者非自裕也盡性知
 天踐形以全其正斯二者俱得之矣天台
 多羽人居遺跡勝所相望不絕宋世有大
 梁趙公宗卿某佐縣黃巖樂而家焉踰二
 百年子孫益繁衍詩書孝友簪笏不絕於
 家乘四世孫與慶虛中父遜世樂道從北
 方之學者而慕之志彊氣堅脅不至席今
 踰十年矣遂築室委羽山之西北八牖四
 房兩翼三楹靚深以明于以坐忘不知寒
 暑之代謝順其天年以入於自然者也而

名之曰野月焉月猶身也則而象之者得
 無侶乎吾按其圖東西仙源南企大有北
 顧商丘誠僊人棲息之所境清則神湛嘗
 聞張平叔產是州王子晉居桐栢山二人
 皆以不死傳信盡性可以至命虛中得至
 靜之說顏平叔書讀之將見王子而肅
 之矣道無異同不偏於一者則盡善梅也
 行南歸顛踵門請其說尚當賦之至治元
 年九月四明袁梅記

冲菴記

御史臺都事開封賈君華甫以冲名其居
 謂袁梅曰為我敷繹而記之余於易先後
 天之說精思以求而嘗得其說焉冲漢無
 迹易之初也二儀定位其氣果有分哉是
 氣也陰陽得之則為日月星辰為河漢為
 山嶽凝而瑞於世為甘露為慶雲形而在
 下四靈連理之應係焉其於人也受中以
 生則與天地之未判同也曰生矣氣亦果
 有分哉曰寂然者初之未始離者也感以
 應不動乎內者也心君清寧行乎六氣而

不沴震乎寒暑而無背則中和者內外之
樞紐也昔之聖人言夫上者為道下者為
器變通事業允屬夫人若是則全其大和
以養吾生休休焉復奚遜焉存誠以立乾
之本也持敬以直坤之本也聖人惓惓致
辭焉陰陽之用備矣氣生於無形成於有
形聚散反復晝夜不置勗哉勉夫將不能
以病矣華甫官京師踰二十年踐歷清劇
其於事物也充然若迎刃與人交謙以善
防臧否之色絕頰面而損益高下各有攸
當是其養之有素外不能動者矣其名曰
冲不幾侶夫華甫竦然曰唯遂為之記

順堂記

大德八年余與天台陳君剛中為翰林屬
剛中素簡曠不耐酬接獨其族子萬里禪
益俛仰客至能使盡歡禮洽而氣和真翩
翩良子弟也家居于台之三台山之下凡
十有一世宋世第科日聲譽序代有其人
焉古之言今族必曰荀陳曰王謝非貴華
腴也薰德以為善積小以為高絕於聲音

矣貌篤躬以行者斯近矣萬里三游京師
未嘗不與之言齊家脩身察其所養益充
厚調官以歸謂余曰遠築堂以奉吾母兄
第三人而仲弟居于外今將挽之以歸抑
反身而思之我不能和協以至於是邪則
又曰遠其母以妻孥之私若是邪昔之歌
常棣之詩情義之曲盡焉者也而夫子菽
之曰順頤則順焉其殆庶幾矣楠曰天地
以順動不順為逆焉字于辰為震為孽春
秋紀之順天地之經義者孝之本矣陳仲
子喻於槁壤世人行事不若仲子則升斯
堂油然以興不遠而復何憂焉化由身始
蓋何病焉為之歌曰

彼山嶢屹孰啓源兮世十有一嗣宗蕃兮
木之詵詵本可分兮謂本可分兮枝局以
存季也孔艱憂心薰兮伯也鬱陶求于原
兮歸來歸來兮我母永歆兮

積慶堂記

性歲朝廷廣錫類之澤於中外繇是執政
大臣得追榮其三世今集賢大學士平章

大慈公時為翰林承旨捧

制書告于厥曾暨祖考惕然以思曰嗣子
守先緒敬篤弗敢替陟降帝廷嘉惠日接
靡有間茲惟前人寵綬功我康懿公潛光
葆真植德在拱把至安惠公封樹益慶美
陰磅礴蓄久而未振逮先考文敏公則亦
旁達秀發聞譽光灼矣然祿弗稱其報今
膺是穹顯居室完好弗先烈是思蜀稱永
久遂扁其堂曰積慶有取於坤之文言如
臨如存知所以近

天子之光者實有攸自桷也獲殿次集賢
得升公之堂而俾有言焉古之能孝者食
息跬步不忘其本而詩人之推原則亦曰
孝孫有慶是皆其先祖之俎賚夫源深則
流長恃而不浚將壅焉以竭譬之善賈貨
殖之積所從來久矣因其饒而日取之用
殆有盡今平章公朝夕承顧問委心微言
觸類以感悟廣聞以通導善經達權以天
下休戚為己任所陳於上者外雖不能知
觀命名之意若堂焉以構播焉以獲實崇

迺先公之德以垂裕於萬子孫毋怠則九
登斯堂者亦將倣以尊祖河潤九里夫豈
徒言乎哉

樂全齋記

真定李君允希微甫故儒家幼慕冲曠閱
其游記曰登恒山聆天雞觀出日焉遵太
行上王屋山嵩華少室視昔時好奇之士
遺蹟鏡刻悲愉怪愕歷歷在目而傲福頌
語何侈愚也南踰江淮地險不足恃矣震
澤禹功能知尊之錢塘故王都鷺溽靡習
未有改遂窺禹穴望蓬萊久之歷天台赤
城知孫興公司馬承禎肥遯益有言武夷
九曲其仙者誠然與道統之傳有自矣過
九江審猪匯之本匡山之截乎長江者非
偶然也衡山為南嶽瀟山望祭柳深疑之
氣舒而神完則曰吾於鍾山其止乎遂日
廣松竹桃杏鼎壺几硯之屬于以娛其容
且益以自佚鍾山故衣冠之所僑寓也繇
晉以南名士居焉今將居是丘以樂之為
何如益展其地曰山房堂曰靜脩齋曰樂

全軒曰松風而命其樂全者俾余記余嘗
悲好游之士名足以成矣文足以傳矣而
不能全其身蓋其沈恣養恃才以肆危
機駭浪蹈之而莫知遇事瓦解其悔恨悼
惜若無所容其生非若夫子之宋之陳之
衛之不過蓋德以輔名道以喻志捨是則
非以自豫也希微生盛明之世居于中州
以仕焉若水達于川孰能禦遏今而曰卜
居于南土豈託而逃者與余居京師見持
政柄者皆善思索位置遇大利害輒執咎
不能解而南士以疏遠得免希微之居南
夫豈遂其靜退與抑亦耳目之所接有感
而然與遂為之辭曰
顯顯鍾山霸基承兮英光盪摩隱德貞兮
泉纒纒兮玉鈴松搖搖兮翠旌維繫士之
定居兮山神憺兮以受令合正命兮萬化
成神無方兮養千齡

竹鳳石屏記

繇開平西南行七百里稍折西北其地有
泉如懸簾五色貫射在昔

世祖皇帝名之曰三不刺以其國語志之
也地曠衍均成沙居民鮮少地所宜惟瓜
悉發南戍卒墾樹之瓜絕甘美按燉煌多
種瓜沙土疏利根蔓善達分水無沮如昔
常以江漢人廣其田號會稽其事政相侶
至治元年
今天子巡北邊望祭陵寢昭文館學士史
公以屬車從旄旂交章鼓柝傳警頻次之
暇則詢其遺俗千里一色林光野燒絕不
接目睫怪石犬牙層巖迭見遂得一屏若
水玉澄澈雲根屹成巖嶸雕鏤其上有業
竹森列旁出一木綠葉密成前隱采鳳迴
珠尊前以飛五采紛敷不假於琢削而生
意屈曲造物有以畀之者因名之曰竹梧
來鳳為圖以紀之余嘗聞地之宜於五穀
者男女必繁夥充斥盡力以食其土若夫
絕漠廣域其實玉光怪不可名狀而其人
類寡鮮得非夫地之氣其凝結者為星辰
為河嶽其聖其賢者為君師以長牧之至
於不能以自見者則萃其精明剛絜之質

以伏于荒野一得所遭而其緹齷繅薦又甚於他好豈不幸哉方今

天子寶賢飭躬以孚佑于下民茲石之瑞和氣之感與抑亦開太平之應以告成于天與史公往在至光間從

大帝出征嘗得二石中空如墳出虛成奏其一具北斗形余嘗聞史公好養生說玉石吾寶視於內者何如也至治三年三月
棗梅記

曰生堂記

天台道士項君子虛通岐黃書其治病不擇富貧輒徒步以往屢藥候脉有源委蓋所居鄉有老醫能理傷寒受其說傷寒首經絡未有不通是而能為醫者治所居室名之以曰生且求記於余意今之醫未嘗不以生為心也技薄而學淺貿貿然以遊人之門恣意剖決遂使夫人之壽夭不得以盡其正命十盖有五六者焉薄人之危剛燥疏補重其疾以利用賞則允所謂生者不存於其心矣天地之於品物寒暑代

謝日用而不能以知為之君師以正其綱常為之醫以療其疾病是醫之道其贊化育者厥功茂著仁為人心操存動止於醫殆得其全矣余嘗聞道家者言陶弘景增本草飛走蟲魚類例有殺生心此蓋誘俗鄙俚之論犧牲養人千萬世不能以易糲不如古人挾一囊以自行巢氏之說畢具於所挾矯誣滋甚矧有若予前所言者其為醫之禍家速矣子虛氣正而色剛立志不苟視財帛如糞土耐習勞苦師全真之說養心若保赤子其未通者必有以日廣活人愈多仰俯不作斯其為德也大矣庸俟以紀至治三年九月棗梅記

信州貴溪縣楊林橋記

貴溪環山為縣大溪貫其中支流為楊林秋夏水至奔瀆莫能禦歲病涉焉當淳熙年有僧允懷任其事懷陸出也象山文安公勉之曰徒枉輿梁觀政之本是則昔時盛平轉輸供調之勞守令有所不暇及矣考於成周除成梁道於先王之財賄不用

役民之法其無適因其隙而用之故不煩於官者良有以也二千年來著律令者長吏率遵守文具飾傳舍除驛道為急使者所弗至不復計省民所必趨而顯受其害於是乎有倡義者焉懼其畜於財也則復有利益之說焉憲民之所利上所當興顧其力有不能事與勢實有違者夫豈惟今也哉龍虎山為老子祖宮其民食其業以游於襄陝廣蜀歲幾萬人而江淮復不與道縣楊林咸惴惴焉求於上則有未及謀於私則曰亦盍思以為永久於是山之道士曰傳其章某首出資以倡之主茲山者董某曰事宜是鄉之耆老某亦曰吾等詎坐視遂伐木聚石聳為飛梁危湍駛流帖俯於履轍之下訖成於至治元年十有一月明年董君罷常來京師命余以記余讀老子之書曰修之鄉德延長又曰儉故能廣刻志繕行則其自貶損者夫豈厚生以自養民困於徭役牧之者不能以告于上因令所著而強之將轉散而他徃清淨之

學不有衛翊其何以為教三君子之志深且遠永詔後之來楊林之橋其何有廢焉

小領水亭記

薛君玄卿自京師歸上清二年矣習靜脩德日治其文詞刊落雕飾以求進于道暇日游小領領分為兩側足以上過者爰業然龍虎山為治所其教行南北故允驛騎之旁午商賈之輻湊皆本於龍虎而道必繇於小領玄卿坐其旁見行者之至是皆假以憇息良憫其勞貴賤固一等也遂築館于領之西曰崇賢作亭于領之東曰振衣命道人日具茗水承接以休其心昔之善喻者曰夸父逐日而不返今世汲汲然道途者皆夸父也故其捫歷河漢而不懼困阮蠻瘴而不懼方其去鄉里聲妻子漠然無惻惻之色其羈窮逆旅饘粥藥餌之不給而猶曰我有命焉奚以憂至於久勞而思逸若登茲領然者未嘗不心一而念同當是時使幡然有得吾知其絕跡於是途必矣玄卿曰領之東古象山陸文安公

講道之地其西為臺山突兀秀峙南為雲
林塵湖聖井琵琶諸峯歷歷可數北則潛
山之井邑稠密高下雞犬桑柘望之如神
僊居吾知夫仕焉而已登茲嶺也必曰吾
不復為人間事矣其善蓄而給足者則曰
吾行其少息矣王公貴臣捧香而來于山
亦知老子不辱莫先于善退徃來鮮少將
見夫青牛白鹿之士倚古松而聽流水登
斯亭也顛為之執鞭以俟焉斯可矣遂掇
其語而為之文泰定元年正月壬寅清容
居士棗栢記

友恭堂記

余幼居鄉合郡里巷考門閥之高者十居
其六七焉先公撫余首而言曰自圭組
之日盛而兄弟之虧有不可勝言者今可
稱道惟史忠獻王與汝曾外祖忠宣公白
首若一次則曰余忠惠其季尚書負無副
衣出入互易賈且死也約同葬尚書之子
寺丞不替是道以京秩讓其弟所後子二
百年來登顯仕三慮數十姓中外宦簿俱

徧歷獨號能盡兄弟道為難蓋其貴戚之
極勢軋於相等稍避嫌以退則若無所容
其身以為吾才不能以見用者兄弟使然
也不再傳而其祖父之所蓄棟積稠聚各
私利其美好黨署賓客強凌很勝歲時叙
昭穆占對簡略觴豆不設強成禮即退言
至是良可哀也又曰吾之事賓州汝雖嫡
長讓其爵於兄子允世所慕好吾一不以
問怡色拱立若幼子弟積誠以感遂悔焉
而益以親汝以孤子承吾宗何憂焉若有
子孫衆多能率我以行則知吾門殆未艾
也受其言于今四十年余官集賢日近醫
藥命次子瑾來侍久之復還翰林屢謁告
以請不得命長子權撤舊室之蠹腐構新
堂以俟歸書屢至將以盡侍養之道余曰
父子異宮兄弟同處古之制也幸有尚書
公之堂在可以逸老則斯堂若兄弟居之
誠宜遂名曰友恭實取夫先公之遺訓焉
夫為公侯之後得為韋矣恣其私心以泯
夫天倫氓隸之所不忍因詩書而成衣冠

不幸不勝衣冠而卒泯其詩書則昔之高門今不能一二者其病首在是 越公之書在山中而余再世之積實倍焉二子能讀而守之又將見吾諸孫之有成而翁授首之泰定元年 月 日清容居士記

種德堂記

蔡侯茂先以其先郡侯之狀求銘撫其行事古君子也少間謁余為種德堂記其名實侯崇祖之本意昭揭于戶冊者集賢大學士郭公安道之所篆而歌詠其事以光顯悉余同院之故人也若是則余何敢辭郡侯之樹德蓋不止於銘銘之所紀而因事以詠則宜有取於行實昔人有言陰德猶耳焉想其平居篤厚廣施於鄉惻然以求其急難御於家也敏其力者賞之不足者周之懼飭躬之未能蚤夜以思則曰所求合乎古未能也靳正乎有道之士則曰吾所為能盡善邪燭計利害得無慊邪施於族者洽於肌髓與訓於家者蹈履足以日化與朝培而夕備望歲焉不求報豐養

之以年祝之於子期之於孫磅礴浸漬斯其為種德之本旨也茂先今為良二千石其季為太守鸞翥鶴峙羽儀清朝盡忠補過以光其祖父吾知其曾雲少者謹于里門長者服于王庭恂恂孝慎日補其未脩考其興隆與德良未艾也書曰率乃祖考之攸行又曰汝克昭乃顯祖願相與勉楠也亦從是得以有益焉泰定元年冬十月甲子四明袁桷記

春暉堂記

翰林院都事韓君友謙居京師有年矣往歲築堂以奉其母夫人未幾下世今復名其堂曰春暉示不忘初也命余記其事焉孟子生於戰國距舜之時幾二千餘載矣而其言終身之慕者則必曰惟舜一人焉耳矣昔之聖人懼其不能皆然也為之令以教之為之表以勸之而作史者復取其卓異者以彰明之教益詳而行益微吁可嘆也矣孝根於心人之所同縣古而論宜不若是薄然而缺焉所從來久立其名者

良有以也。杯圈手澤存而不察，非孝之實。吾知夫韓君之升斯堂也，雖鳴則思其進，盥之儀，饋食以列，則思其嗜好之。若初將，惕然而奉之日入，而息陳其枕，筆閣手其有聞也。故其居於家也，望之而在前，思之而若著其處於鄉也，身無虧焉，言無擇焉。鄉之老者曰：韓氏之澤有在矣。其先人之教未忘也。立於班朝，無有父母，兢兢若臨于其側，而人始曰：若是者，其殆幾於永慕矣。吾聞友謙佐治大尹，執禮自持，不為苛刻，矯亢人安其業，而化俗敦教，飢渴之於飲食，義方之訓有自來矣。昔孟氏之子於其羈愁困窮之際，始矢於言情之感也。友謙仕不離鄉，遭世隆平，卒取其言感之正也。楠也，官于朝，七稔矣，升春暉之堂，得無愧乎？

賀蘭堂記

靈武李公居錢塘三十年，築其第之堂，而名曰賀蘭，志不忘本也。會楠自京師還，延命誌之，楠嘗細書于太史，按賀蘭山在靈

武保靜縣西草木青白望之如駁馬然者，土音語駁為賀蘭，而昔之居是山者，復因以為姓。在唐天寶時，靈武號要衝，後卒能以一旅之衆興復舊業。至李王有其地，天下易代，凡九姓獨靈武以十餘州相傳者三百餘年。其民沉鷲尚勇，土壤沃曠，醜醜駝馬，給足無凶，歟國狹而慮密，各以金革相保，衛患難垂乏絕，不少變，精急專一，迄能奉其君長，蓋傳愈久，則俗愈定。

太祖皇帝經略西土，為武功首，靈夏舊地，始臣服，委質然猶強節好義，策殊勲，受上賞者，史不絕書。李公之仕於江南也，常兢兢然，惠綏不忍，侮其鰥寡，而其於浙東也，事若有素，今所領七郡，四為其守矣。風俗嫩惡，皆示諸掌，而惓惓思於賀蘭者，亦將有以振夫萎蕭之習，使吳越之士如吾賀蘭者，斯可矣。古者氏族之別，必錫于其土，雖遠處他邑，其不系般者，因是以有考賀蘭之山，承平日滋，昔時之草木，意其豐茸嘉美，當盛于公去鄉里之日，而斯堂之封

植五采文錯密然成文者心猶以為賀蘭也食必祭先耕則祭耆斯湏不敢遺其初種德崇報有開必先以俚以續殆將見之公其以余言為徵也

沉香石記

唐虞之時曷有玩其耳目哉余讀貢書至青州則有怪石者焉今文登諸島洲往往掇拾珍怪置几席間物易得而可喜則雖聖人是誠有所不廢矣浙東括蒼山松化為石其文理真如松或曰踰千年迺爾人為至靈其化之不可測也為聖焉為神焉受成而不變者木與石至積之歲月則貫射於日星磅礴於霜露光怪駭愕充然黝然為珀為玉有不可悉名者矣嘉穀為莠穠夫憂之鷹之為鳩橘之為枳其遷之若是則亦有美惡存於其中焉京城田舜舉為太醫院屬治其燕居明絮觀幽得一石望之如水沉摻結宛轉巖岬刻削薦以文石過者咸以為海南土產也俚是而非其為怪石也奚以疑故變至於道君子之所

勉子孟慎諸

樂善堂記

雲間繇魏晉以降多文人磅礴秀絮故其言辭幽麗瑰雅喻物形狀無留道常驚動海宇是其人誠精於言者也或曰其地介海挾江波濤魚龍善質薄變化人居其中者咸侶之宋世文儒益光顯冠帶相望數十年來習始變舟楫極蠻島奇貨善物往往充上國力事生產廣田侈居擬於王侯而仕者亦爭願食於其土夫事久則變變則迭為乘除因其見聞上之人寧有不遏其萌芽定其準式者與惟烏溪趙質夫之居於鄉也悃悃以無營恂恂里閭足不踐公府汰其侈華日安於平素其鄉人之不善者避之嘗曰積豪以希富富不能永也積書以教子吾其盡心焉勸之仕不能動苟利於人者誠求之泉石以為腴德充以完嗒然忘世其樂道肥遯焉者歟未幾其子庭芝登進士第人始有言曰是殆將復其初矣昔故多文物不幸為大家以財雄

是其地氣厚積之使然也趙君不屑意焉於是以前名抑進之則必以文顯文與行相須以成余嘗上庭芝之文於殿廷繇是以求之探源汴流苟不止則其學益粹聲聞之遠無疑矣庭芝詣門曰嚴君以樂善名堂願有記退而詢諸其往來遂以行事為之記質夫名宗文大父以積善聞于鄉樂善之義祖是

亦樂齋記

永嘉陳子敬客京師居城南東隅車輪馬蹄之聲奔激若雷電大雨泥淖入數尺賈區豕圈叅錯啾唧土俗雜南北不可辨入子敬門槐陰植幢蓋寒苔斑菊側布疎窗清泉滿洗白雲在戶坐者不欲去去者復再至君蒼髯抵掌一榻為席顧余而言曰此亦樂齋也高王父宣撫公受薦史大師太師若高外大父奮家遺德泯然罹變更漆園吏之意為我終始而言之夸者以愧感者以喟不幾於道乎摘幼聞長老言君里宅雄甲勝樓重樓疏軒旁薄倒景飛鳥

怖而海雲伏也君方少年挾策以自劬漢然其中若不能一朝廢稍壯入太學喜名而益奇薰葭笑藻之蕭爽招提屠廡之空絕境寂意冷疾筆落紙自得於香靄千頃之外望者知非綺紈世子弟而視窶人子復不相侶何其盛也今一廢不得復廢復坐刻畫居京師十年無知已力慷慨引助視重始積戾頑然持牒爭洗濯不三宿告去君意氣當復摧抑闡肯而怡然以理勝豈榮觀之旨託焉以自述者與屢空晏如榮辱不足以累豆羹見色情怵于內也使向時沉溺自恣卒遇不遂意宜朝夕弗給又安得為十年計天乎其成之者至矣噫使果止是耶則亦無以自樂夫強之而不復必異德以處太夫人春秋高不能自明寧勿歸也少賤以求樂於是乎有在陳子勉乎哉慎交而寡言正車于塗其終能有以直矣

清容居士集卷第二十

記

邵庵記

雍虞伯生界其居之偏為庵廬焉溫清之隙則怡怡然飽食以歌宴休于中其廬溫密樸質具粹且深中而虛之若鋒而環若鑑而明樞圜而扉方闔闢以動止其溫燥也楊以舒其清焉其淒厲也隩以休其和焉左顧右矚神止氣竅晝握其動夜根其靜不丐飾于外據萬物之會將以極其榮觀者焉廬不廣尋丈旁設易圖圖除其卦五十有六瞪而視之首擊而尾應迎而存之風至而水涌審聲遠形盜原其情忽然控浮游以上征則搏制控伏圜于其內而不能以自恣或曰非輕世遠舉者不得以專是伯生曰維昔邵先遭時明康玩芳以嬉不漱不隨順其隆汗儒者之準也吾將葺其廬曰邵庵何如栢曰可乎哉言無鄙乎夫敦厚而靈明者君之先也峻簡而絮精者君之光也自君之出名日以張莫窮

其鄉黽然聲音笑貌之學詎昔之志也勉之哉茲廬之制易而不卑簡而不倚其取諸物非鑠我者也由質以成禮無踰矣迺觴以祝之介其休明日烟烟煜煜維道之門悃悃款款維德之本美哉廬乎足以為永居乎栢栢記

古劍記

吳成季得劍一于故吳之區窮首以度合周尺二十有一寸下縮而圓人盡其握琬倍於臘東西半馬鐔長五寸有奇口懸三空古飾以琤具者金氣消竭玉質湛湛然望其鋒肅而不刺黝乎以溫如鑑之示明揣其章若冰之在防養其寒光泊焉不知所凝日出而觀則陸離以陳為丹為碧起滅於膏理風雨以休之隱隱歷歷欲泄而強抑容曰此何祥也成季曰粵古至人絕世遁逃有不得已則託劍以象五金之精竊陰據陽繇神以成非劍之能也維吾道祖以劍印授受為漢世遺物傳信可根據劍歸宣和今得于吳吳為故都庸詎知非

昔之所寶且夫化而沉於淵物之靈也送之於山物之完也或曰以神不以形又曰以德不以物形與物其果有變手來梅記

昭真山水記

廣信昭真山晉王僊居山祖閩武夷宗為天冠巖翼行數十里左右扈挾悉至觀延伏北俯貴溪又正北當縣居中匯泉曰寒月泉與藥池丹井通遵井南鱗尾削列成廡有泉懸溜廡下拾級以井曰金沙益南至于昇僊臺臺石天設空明無依傳言王僊化是又南石室坐可二十席下視屋邑蟻髮旋縷凡登是山者不盡適不返故寇以逍遙焉上巘為靈湫逍遙西多故賢居三山品列徐紹宗隱益下北麓陸文安公書堂莫焉循西有吳緬石潛谷巖小隱巖皆以處士著吳緬石形成五嶽復曰五面迤東為峰二曰老人石人東屈而下得名六學堂以虛名僊足月巖以形名鬼谷以真隱名鬼谷東石壁中穴環好風出湧泉曰風洞輔東益高有石箕瓢器物成球潭

深不測以磔潭名又東極下水鉤盤巖壁削立旌陽許令刺蛟于是唐名曰馨香觀道士祝丹陽繪圖俾志且言其山清冽深古多異石名木歲不識伏日泉品與惠山同自唐李商隱劉大用王荆公毛澤民而下著詠可傳信夫山南為陽主陽賓陰鍾其所極鬱之而不化可慕可愕不一以足然神獨嗇之使冲漠者專其靜居絮絮然好游之士少紆其耳目而卒不異何也世言名山多方外居益以昭真為信丙午二月來梅記

東山精舍記

自民迫於生而儒日益病清宗華門淪圯垂接闐然絕環珮聲東裝韞衣方偃伏却立而甚者貿貿途路間益困若不復振或以謂升降迭偶之理使然耳噫首是說者其未知所養與予客京師豫章周儀之甥冷有泰復先辱其游問其年則宜若與昔不相接近而甚頌且文子始異之儀之曰不然冷為分寧故族官簿相接所居曰

東山橫重屏方列峯刻其尊正叔治屋一區負山為居治堂翼然疏沼縈然幽林絮石竒梧秀竹之森爽以繚以屬前拱而導則黃龍幕阜蜿蜒效馬平峯沃盼鱗集備焉朝光夕霏戶牖進而几席納也正舛閉門幾三十年服居士衣設文席講論終日危坐清思無纖芥糠粃時為詩詞凌厲頓伏索索裂金石舉觴雅歌耄稚以叙酬酢揖讓猶昔時衣冠家氣度而卒相避會恍然知為非人間世也嘗聞正舛舉童子時意功業可拾取今迺摧落刊實益自歛避彬彬文質久而蓋彌章焉夫不急於外者宜有裕於後大江以西士風炳如於是乎則故予首書其慨然者以厲吾黨知正叔為可徵四明袁桷記

采芝亭記

太行首於三危伏於河折北而尊為恒山支巒複岡畢赴於燕秩秩然復纏屬以東數十百里入於海上土人以其西來號曰西山或曰駿極于是山急而堅凝地多空

寒不可以飛域又曰是為都城之衝自北而南太和薰然捨是奚所適於是工部尚書郝公景文惕然維思實震且陰迺相其大塋先君子之藏祔陋而善崩始遷而謀焉大德甲辰得卜於某山下者曰是山之形翼容而味鳴日中而升戴坎以寧以華以承及既塋明年守冢以芝告公弗信展于墓下登坡而望則數者莫者燁然于山效獻以萬歸以示其容袁桷噫是果為芝邪今舉世之言瑞者必首於芝芝不常有於世故窮夸闡珍得一二焉輒指以自瑞使誠瑞邪寸畛尺壘其融液變化不若是之固而甚者竭四海之類夫芝者聚焉以觀不亦陋乎夫土和則芝生始公之心懼親之不寧故擇其溫密以永其幽菌蠹而擢靈土之和也盈數為萬非昔之固也不侈以求異德之質也維山之陽彌鞏彌剛子孫之祥也孝感而文著於瑞乎何有

梅亭記

廣信據江浙閩越之衝萬山交牙四顧羅

劍戟其氣蜿蜒磅礴為丹碧玉石長溪貫其中凝膏溢藍愈積愈完山水之秀甲諸郡故其俗多剌厲自奮矜謹節義言文學道德者為儒宗治政事者為吏師建炎初中原縉紳家多居是州其舊聞遺語尊守傳信歷歷可數皆數百年文獻源委非如野人窶子擬拾目近為利祿地方是時人物之勝足以甲山水而浮屠老氏之跡實不與焉弋陽為縣山益深水益清車輪馬足之聲不入于其境寒泉蒼巖百里一色山之陽有陳隱君居焉隱君守儒以自信閉門授書朝夕盥饋合其孫曾嬪婦男女將百人年九十四以終有子曰德父教授帶湖十年法當得致仕官以鄉博士歸于家廼築室旁近之華山為雲居雲居之西為梅亭曰香月於是其子敏學志仲官京師伊予記之且言曰自吾大父恂恂之於是居也詩書以持稼穡以時門無忿色而少長以叙吾不知其化之及於里也自吾父觀之今七十餘矣誦聲滿戶而樽筭在

曠氣完而色康其行舒舒其語徐徐視吾祖之孫曾亦相邇也意禁何以過是棗栢曰天地之理嗇者豐之始周流于六虛其暗也實明其闕也實闕昔之澹然而無營者德之基也養之于其身而施之于其後充以引之吾知其孝謹於家者日益廣爵祿於朝者日益修視斯亭之手植豐融娑娑連理而並實陰陽之生物其不出於是明矣詩曰高山仰止景行行止亦曰以勉夫志仲焉

西泉記

高君舜臣通敏才智之士也治其齋心之居表其類曰西泉為予言曰太行之山合于恒山隱伏聯亘北東以入于海肅慎朝鮮屹然表于其地者皆支絡也衆生於西歸於東陰陽之常性也周人有言曰肅慎燕亳吾北土也昔之疆理吾於是乎考則凡北紀之山水絲西徂東所繇來審矣為我記之舜臣於金為大姓官簿歷歷可紀居京師數世邈其泉源知其晝夜之不止

必達于其里禮不忘其本其高君之謂與
予官京師踰十餘年望所謂西山者蒼桮
翠峭實太行之苗裔水流無窮演迤洋溢
導之為漕渠止之為陂塘資國用以為民
食者泉之利也其次達官貴人曰之以立
鰥濬其別清挹其回環蔭藉蕃廡將利其
子孫以求全乎茲山之下不知其幾至於
淡泊空曠之士則又扶尋幽深滄膏匯甘
使夫絕塵稅駕者止焉以嗟歟焉以留無
有窮已意西泉之效誠博矣哉在易之象
曰山下出泉蒙其險釋矣謹其所之君子
之用也高君致用以推本厥旨明矣究反
復之道益驗於身將見其百折而不撓獨
行而不懼非茲泉也與念其祖德繫命名
之意與其先堯臣閉門窮經沉思篤行予
得與之交將並游夫西山感夫昔之廢典
不在於險則泉之東其寧有已邪

懃庵記

慈溪黃彥實少喜豪士湯游故都見世所
稱知名人率脂韋自保私惋恨無可與語

酒酣氣雄謂海寓方宴安休明宜取天下
事置念慮以入計畫否則搜抉險幽浩然
為萬里游遇不遇命也未幾沂采石上漢
江西游荆襄歷觀用武關要荒捺廢壘猶
有能言昔時得失益慷慨自振而所見公
卿大夫與夫布衣之士則皆與昔交游者
無大異於是治其居曰懃庵以自徵求記
於予亟請焉昔之養生者志專而若愚遺
世絕俗懼其名之至也介然以迤泊然以
遨聖人憂之慮其器之不弘不足以任斯
道也然舉世之士樂同而惡異曲者常安
直者易危則寧直焉者斯近矣彥實智通
於事物行幾於古人視今世之懃者吾能
言之章野游京師決臆裂帛不顧生死詣
廟堂求奇中書未出袖而利祿萌於中非
懃也鄉里稱任俠大言斷是否陰持短長
以利己非懃也佯不絮清詆罵排觸而私
有揣摩問之而若撲即之而彌汙若是者
又其侶而靡者也彥實先大夫文節先生
為史館官咸淳上殿論浮屠不宜入禁掖

度宗大怒手詔出國門未幾貳守桐江與
宰相兄子爭事卒易他郡薨無以易此矣
古之君子事至而名隨人棄我取自謙之
道也聞彥實居山中閉門讀書益不妄交
求古聖賢摧折困踣之本護而不可犯者
養之至也予歸里聆其言斯知之矣延祐
五年夏四月越袁桷記

桂山堂記

江南地宜桂故凡廣居室者必植之以為
美觀焉釋木者曰桂白華叢生冬夏常青
人取以自近良有以也地記言八公從淮
南王後入山為僊作叢桂詞與漢史所記
異予獨愛其簡絮幽古為文章宗師申言
攀援非自息於林莽者讀其辭可悲也矣
上饒周君居龍肅山曰其地之隆植
桂于上築堂面之而名曰桂山徵記於予
予曰今龍肅山為道家統宗金碧晃曜出
于縣官搜竒扶幽異夫昔時之荒煙古木
軼相結而袂相接也周君至畫諾以極其
榮觀則今之所命名者若不相似何也然

予嘗聞古之至人其顏恂恂其言諄諄執
中以權損益其未備黜紛華以從事于寂
寞者非有所激也周君智周於身謙抑自
持思夫山林之靜養其冲泊先事以自警
古之所謂備豫而能立者近之矣周氏之
先得道於希夷陳先生當熙寧時猶三恙
見其曾玄離世樂善樹德之訓有自來矣
且夫託物以喻志詩人之心也仰觀於山
徐視吾手植者風雨冰雪貫四時而不改
擬諸形容得無似之乎異日將游山中詠
八公之辭及拓寫心僕援筆未敢以老為
辭也

張尚書救荒後記

儒學提舉天台柯謙自牧為序一通言今
工部尚書張公之佐江浙也活飢民襁負
帥為去思帥能歌詩者追美之是可謂無
負張公矣往歲桷以翰苑屬歸里里人言
元帥府始治婺女有恣戎官鎮慶元言慶
元聯蠻國入海窳近稍失控御兵鬻不可
測乘驛入都白利害時太傅丞相坐省中

盛言控戎非兼元帥不足以重鎮太傅察其言有私便後雖移鎮而卒用常調官如

舊制馬大德十一年歲大饑浙東副帥

命屬吏疾傳詣行省告變曰慶元接海口僅數十里羣盜據島嶼出沒將入城剽劫願速分行省軍往翦其窟穴緩則不可治行省大驚將如議張公時為郎中丞相謂公曰計安出公以調兵非所預丞相固問則曰果有變帥府當印署白省副帥獨遣非完議也召屬吏問變妄自府有鎮守官今上變為何地屬吏頰首不能對遂移檄問盜今安在帥府得檄大驚咸言無是事繇是卒不發兵而慶元迄無它噫方副帥造謀時當饑侵窮困之急稍加以兵山海通窟寧能斂手以快鋒鏑一有抗拒誣以叛逆則凡故家大姓蔓延於園囿之下將不可勝計人能知救荒之為美績而不知吾里之人微張公之言有不待賑恤而皆置於死地矣敢書以補郡乘俾知夫立帥府本末蓋如是張公名字士瞻衛郡

人處事明遠知大體若是事寧勿為記其可乎

晚香堂記

延陵吳成季父奉萬年之祀于崇真大德甲辰二月承詔為祠官于衡山復命歸祠其受道之山曰龍虎龍虎於番為接壤番於成季為鄉井於是其嚴君偕七十矣迺避館屏鷓却入里閭舉觴再拜以祝以壽宗黨姻友旁列叙坐勸酬以禮進退維度聚而言曰嘻其盛哉成季曰不然繫昔遠祖挈國以讓晚交兵間既壽且康至于番君墜緒呂興維用之嗇報必以厚自吾少時聞為是州一不承意則交喙爭誚而吾父子吟詠佔畢吶吶謙讓不能出諸口至論成敗衰盛嘗掩卷三歎以自警厲而今也二老人康強起居佐理內外冠帶童仆咸立左右其迨乎遠祖之意類築堂以奉而名曰晚香其何如衆曰唯唯未幾未京師屢屬予以記予以謂大夫士之養莫侈於羊犬豕而世之希年遠引者至以金

石草木為可久菊水之壽效極於胡廣昔
之議廣猶若糞土則名與年較不相並今
成季榮於其身顯於其親倦倦然企本支
之盛吾見吳氏子孫孝謹遜于里門秀敏
有列于朝而者耆老人方遊遨嬉戲擊鮮
養釀若古之所謂借老而終隱者其不在
茲也傳記言王公大人晚歲託言神僊多
以遠禍成季游乎方外之吟憂世嫉邪嘗
不自置異時承渥流問則司馬子微之對
殆猶糠粃而名以晚香者非獨為吳氏美
是特有待於成季也四明束栢記

玉冠記

大德乙巳歲二月甲申

皇帝受釐于玉德延命尚服出玉冠以賜
玄教真人張公其製為山形空其梁迷温
粟精潤隆殺悉等莫有究其收始束栢見
之曰此紹興宴居所服韜髮冠也舊聞長
老言思陵為清暑樓聚金石奇刻飛湍清
機森鬱蕭爽伏日退朝衣白縠羽衣冠小
玉冠閱定書蹟其殆是與維古弁冕雜飾

以玉至晉宋間君臣上下崇習玄理清逸
修簡始為玉冠今世所傳元帝像及晉賢
圖軸與此無毫髮異則紹興所冠猶古帝
王遺物按道家書言神君始達飛天玉冠
其製與遠游爵弁微近疑有差等含玄秉
陽舒精吐光繫冠維則欽承是天寵進道
之篤其不在茲乎夫玉者陽中之陰也首
者體形之上神精明之主也陽非陰不能
以成合而凝之出入于斯易之門也方今
張公以清淨理贊益熙洽縝密而不露乎
尹而不泄遠而望之誠理勝矣庸述其始
以示于後束栢謹記

孝思亭記

三山吳明之築亭於陽岡大父之墓側名
之曰孝思按昔之言禮者則曰魂歸于所
居將致其一焉墓有祭有亭為非古矣善
乎延陵季子之言曰魂氣無不之也夫專
于祠宇不意若是拘也物精神著其氣護
揚者出于丘壟是則必首於墓將奚以疑
古之聖人懼其瀆且數也嚴為之防速貧

速朽夫豈非夫子之語祭墓為尸是墓有祭矣祭而不屋失祭之禮矣繇宋宰輔侈其墓田不復拘甲令層樓巍閣空青金碧巋然于坡陀之早過者必式其防遏森翊誠以為千百年無慮也乾坤合運頽垣廢址上牛羊而履荆棘欲求子孫不可得而明之方慎其繚圍構亭以綏其體魄是則過於盛者必有衰吳君之志追遠以求旨微意深鬱勃之興將自茲始大舜五十而慕昔以為難能也邈而推之探其微旨亦難能也禮抱孫不抱子附于王父幽明之通瞭然而莫遺明之審之而克行之稱也故國之公孫其思于祖父也罔敢替目繹其旨為之記

福源精舍記

建炎初秉義李君以勇略捍衛鄉社僦儻急義植德流衍諸孫以詩學接武科目恂恂退讓望知為秉義家子弟衣冠浸微獨溧水府君之子登仕君寄隱廬市尾眉幅巾治生產益有理年逾七十廼卒予請告

歸里其子印傳以事狀踵門求記其精舍俾永遠嘉熙間溧水君卒于縣治登仕甫八歲祖母朱氏奉其喪以歸將塋于上元之祖塋朱母泣然曰孤兒奚依少不利必隳其先祀相于慈溪東嶺楊輿之山卜告以吉結為四塋昭穆以叙而以其殤女附于旁近登仕長有室曰茹氏朱母即世既葬茹氏曰吾姑以橐中裘成是山夫君獲有成立新婦不泚紹先繼志弗展擴則奚以緝前人光亦斥奩資廣山壑建祠屋精舍以奉其舅姑茹氏沒于至元之十九年登仕君沒于至大之四年大德六年印傳與其妻胡氏同入山拜墓顧瞻周迴蕪圯日廣胡氏曰再世尊章有成妾獨不能少效萬一聞佛氏有大報恩而用其法名為福源精舍命僧以居遂一以浮屠所需者咸備具復買田若干命僧某首主俾其弟子相次以繼其所度僧非李氏不得入子愕而有言曰吾里鄉相什百各以功德院為請有以其田園與子孫共分析求利益

穹樓矗塔坡阜松柏蔽翳綿數十里時運更易各降在皂隸孤童負囊偃偃不能以入每恨其祖父作是為無益也予嘗過其祠宇薪草雜糶破爐穀煤而主茲所者憫然有曰彼昔承寵恩故幸若是其子孫何能預至于士夫之家庵廬相接幸其不為有司之所隸羣聚毀撤甚者發其丘壑噫可勝道哉予謂三孝婦之志人莫能並心純而孝專發於自然非過信以溺于異端思其創始思其悠久是則秉義之澤良未艾也為浮屠者聞予之說寧不有泚其頰印傳復為穴三一以葬生母張氏其二則夫婦曰以預備云

治平寺記

治平寺至者以建寺本末謁予為記其狀曰寺在城南門外渡江曰銅涇浦鄉曰鄧塘平疇鬱密松竹環植望之竦然其間者即治平也寺建校後唐清泰僧曰道隆以法華勸民習誦持善果初是地三十畝有奇始居之復得別業為畝六十其初曰東

李浦院錢忠懿王侁給符牒俾永遠又改為保豐院宋英宗更元治平祀明堂始易今名法智大師以教乘闡東南習學皆其徒故號為天台宗元豐間有性法師講法華別立機要從者雲集而田租漸廣居民潦疴下疾師呪水飲之飲者日益眾師呪於池悉愈寺舊有東西池今呪水池猶甘冽可鑑師號山堂卒葬於是寺嘉熙三年寺燬于時上師實主是寺遂新三門法堂廊廡等若干延謝去淳祐六年堯師始成殿宇居室所宜有者悉備咸淳八年子直良法師至曰吾不可不私泐後學戶履日接簡約暢隱法華之說大備而治平名益著率由是陞于南湖者凡數人南湖四明之祖庭也復曰一蓀守是山今十有五年緊前脩是承昔之營構皆腐折傾漏不可支今幸完復粗備惟創建昔人歛軼靡有紀願登其事于石楸以為今之為牧守者苟度歲月堤防津梁田野之不治尚何能望究其本始為世胄者日隳其先祖父名

諱近在數十年間有不能答未有如浮圖氏汧源推根若是之詳者道散於九流百家各自奮植吾儒之教末俗以空言為高卒不能勝甚者去其舊籍郡縣養士之田皆淪漶不可考如蓀師所為寧不有愧庸回其狀以紀亦以勵吾徒之為師長者云

海會庵記

出城西門皆良田白水高下綠樹雞犬相聞翦然農家善於其業者也予繇京師回艤舟驛亭望之則朱甍碧瓦傑然為人天居佛之道以枯槁堅忍為能事卉衣糲食樹下塚間不求其豐足故從者樂然如歸二千餘年為之說者以莊嚴為善果愚者益信狂者益飾而梵宮寶刹合郡縣山水之勝恣為所據日增月益有不可勝言者四明海之東絕處為補陀巖大士顯焉鄭之東為育王山釋迦舍利塔焉遵南為岳林為天台皆游歷之所而補陀育王自天子至於王公百司乘驛奉香幣不絕於道四方之民終歲膜拜至於西門始求其

渡海之路然而觸風濤煙霧率莫志處所又舟人伺其危殆時有不利目接其事而來者益不止豈非其教足以傾動而為善者有以復其良心也有僧曰妙壽以其建庵之始末告曰茲庵之初專以奉補陀育王岳林天台之游者也初卜地於城西郡民任氏首不過地千步屋三楹有同志僧妙然日習宗尚善勸募傾捨駢集又有僧元安清持以行業振勵信者俱至善士翁文堅翼輔之首建佛宮且割田以濟未幾宣慰楊侯棹益買田以贄相由是拓地為畝十五屋百楹殿堂門廡迎賓習靜各有其地泛海有舟放生有池獨不設方丈懼後人之佚樂以自恣也不請寺額曰海會庵懼其奪攘以為茲所之凌替也其狀若是願請記以求永久予曰博施濟眾昔之聖人猶以為慊浮屠氏日丐假於外而皆足以慰其志意蓋其說汪洋博參之以報應而為惡者懼吾儒之說百姓日用而不知卒之以道政齊刑者不得已之具也

逃空虛絕人事釋氏本旨而其生產作業皆取於吾教若今有司興繕則民不勝怨咨海會之成相胥以勸何其易也妙壽深湛善思事為之防曲為之制其惓惓于後者厥慮若是雖欲勿永久其得勿永久乎

重建延福院記

予繇集賢還里居有僧永華躡屩重趺踰數千里南康來介天平恩大師求記延福院興造者其狀曰院在南康建昌州西山曰龍城唐馬大師嘗憩齋焉殿有記宋雍熙間廣陵沙門震暹所撰歲久蕪圯宋末郡始署開陽院僧紹志主之墾殖磨刮集材庀工鐘閣齋室凡僧之所居處者咸屹然以成至大德庚子主茲山三十餘年矣命其徒曰吾宜藏密以興造事付汝等咸頓首曰曷敢不承繼曰繼福廼報院事首建三門及外門曰繼祖繼壽永翌廣賓至之所視昔居處之宜益廓且完繼祐廼曰吾新殿視瞻廣博謂色身小大擬於形容良非吾道然徧滿充塞當有是事按諸空

幻則俱非實相宜改而正諸遂易舊象得舍利五色於佛骨背間宋咸平僧道志所建或曰是若有膠合然者歟於是梵唄贊頌而若子若孫皆勇猛赴事謁於事佛之徒增飾金紺象設尊重瓶鉢精潔烜然如人天居復增其田若干紹志終于大德七年壽七十五葬寺東之陽今守其遺言祖子孫相繼如初孫七人曰永岫永豈永岍永華宗松宗槐宗權讀狀畢廼問華曰志師能植立若是宜有本始華拱手曰昔圓悟大師得法弟子曰真牧大師賢度其徒幾千人志其派緒也予嘗聞釋氏服勤壞形實本持攝至於廣居榮觀將以帽伏庸駭除其侈心非專以是為能事生而不居死而不餘故其道益固傳有言曰又何加焉曰教之能仁之教書遍中國為禪學者不立文字而其徒復守師說文字益繁今而曰教之於二者將焉取乎哉他年或杖游匡廬西游龍城問聰明道理其必有以告我則予之記興建亦得以永久也

資教寺修三門記

吾里法智大師以至行約言闡揚天台大
行于浙東西謂城南延慶為祖庭故四明
旁邑近郊雖丈室尋地多博辯秀出之後
過於他郡西山資教其一也西山在郡西
四十里周顯德元年踰廣德院宋治平改
曰資教負山面湖有菱荷鳧鷗舟楫亭橋
之勝凡郡人之游于湖者必至是寺湖湮
為田游者不復至而寺漸頽圯紹定中月
公首授徒是山後謝事上竺額復領之世
言上竺第一院西山號寂卑繇月公再居
而寺益重故講說者爭趨之延祐年道
師達原以郡選主之其徒亦曰彼學專靜
選不可易也予舟過先墓必望所謂資教
者焉空巖傾欹樹木翦落將不堪其居比
還里則昔之頽然以興重簷翬飛表表出
林杪道師曰吾首新三門餘以次繕治不
田以食廢其教將有愧集徒講肆則庶幾
希前人光三門紀修額以厲焉考諸禮經
制有五門雉門居中故曰三門秦漢損益

不遵於周連門為三唯王宮得用官署降
殺非雉門之制又矣釋老宮室擬於乘輿
雖儀制有令不得禁天台以明靜為宗弊
衣惡食脫氛垢廠榮觀汲汲以土木為急
崇信興敬將於是乎取夫像設之教首于
西方其能傾動禍福必召募焉以集事師
謝不肯寺久廢得人焉以興則吾徒之為
校官者竊食自嬉寧得無愧焉

吉祥寺重建記

主吉祥寺崇柏師以其興造本末為狀一
通俾予為記其狀曰初寺在翁洲南香柏
巖唐有僧慧超相收築居峻潔厲行居民
傾信寺遂以成漢乾祐中賜額曰崇福至
宋咸平有真大師善持呪能愈閭巷疾病
彌真大悲崇奉益廣邑中尉曰可漸以柏
巖峻絕困登陟易於廣平環以九峰繚以
清溪審勢辨方各當其職宋治平始賜今
額曰吉祥紹興中給事中黃龜年以謙論
忤時宰避禍絕人事僑居絕島獨與方外
交每至寺中時有宏智覺禪師至天童宣

密挾妙師表叢林其大弟子輝王是山傾動島嶼黃公敬之施所藏辟支佛牙為階以度而寺益增重遂為海上寺居甲乙人稱之為小天童繇輝師始也皇慶二年火一師始作法堂會遷它所不果終至是柏居之首建大殿三門次以藏室僧堂凡僧居之所宜營繕者畢具泰定三年告成俗姓虞氏其父酉發嘗為海運官有兄曰庭桂曰庭芝慨然曰吾不可不相吾弟三世佛像吾與弟共成之今夫浮屠氏宮室率為禍福說以誘民陰奪其財民日以耗有國者憂之若師所成就不丐假於外竭其贏餘以復舊觀怡愉相資將瘁躬以完築凌陰廣腴田以為後人補緝費志專念遠是果能興其教者也余誌釋民建置每有感於學校若是則又重有所感也師居淨慈嗣法於慧禪師屏外持攝慧之學益有光矣勉之哉

妙果寺記

廬山東林寺以遠法師為祖庭其教行乎

海寓閱年滋多厖幻雜糅壞宮夷址將絕其遺教寺僧普度慨然興復率弟子十人芒屨草服詣京師上書演為萬言又集歷代經杜緣起作蓮宗寶鑑十卷仁宗在東宮閱其書盡初帙問曰得無欲布施乎合指謝不敢又問曰得無欲補僧職乎復謝無是想惟蓮教墜絕願殿下振復時武宗皇帝在御近臣以其事奏即以詔旨慰撫如律令至大四年始播告中外而度俾職其教為優曇主師丹陽人在縣為竹林山妙果寺率徒喻俗將大廣其居以稱聖天子崇重之意予嘗謂象無形儀域無遠邇遠公之言曰思專想寂三昧之本彼所謂邦國之殊異相好之莊嚴蓋將絕其邪惑一淡泊而無所逢大雄氏設喻警蒙攝持示境界由心發境滅返真清淨安樂包括宇宙是知道者又安有四履之分別哉度師博習教乘示於衆者頌焉以導其

師曰禪師久居東林後主天童嘗率善士
脩遠公法來於江西者踵不絕度師興其
教是果能有傳也記寺興造撫其綱要以
明初志云

石夫人廟記

州東北隅有山昂然以尊秀特瑰異望之
若貞女獨立凜乎莫能犯水旱祈祭輒應
土人因其形侶而名之曰夫人山唐咸通
八年主簿李成矩記其廟貞固之封見於
祠部嘉定十七年加昭德順應咸淳六年
加福祐

皇元合一郡縣大脩祀典茲山必預焉秦
定三年州判官張思訥承命致祭肅瞻廟
庭棟塵既圯心駭目瞪折旋冥思喟然有
言其何以稱 上命遂謀於州尹曰蘇君
同知焦君鼎州判官塔海復語其僚俎
穀許裡割資以佐工役而凡隸於祠下者
胥勸相事是歲廟成乞記於楹原夫宓妃
靜波神女行雲此騷人墨客之寄興也二
孤望夫至今游覽者着言之若夫天姥雲

母穹窿磊落淫言鄙語不能以入是則茲
山之靈功在水旱餘奚以議傳曰山澤通
氣記禮者曰地秉陰竅于山川炳靈赫奕
民社是依崧高之詩實有考焉遂作迎享
送神詞詞曰

磅礴兮上征滄兮積兮縞繒樛木蠹兮翠
旌恍綏顧兮揚靈抱貞固兮合窈冥奇功
教兮集鏤墜隨兮稜稜駿兮烝烝帝祀兮
永承其一 來兮弗趾去兮莫視有穰兮
億秭後不祥兮盪瀾密石兮牲繫俛精思
兮帝制百神擁兮森衛苾芬歆兮歲歲其

信州自鳴山加封記

至元十四年玄教大宗師張留孫扈從
世祖皇帝于兩京言信州自鳴山神有靈
狀敢詣 闕下教禮官崇顯之是歲
皇帝命侍臣李衆劉子中降香實銀奩旂
以金錦顯其神三十一年
成宗皇帝有詔遣使致祭嶽瀆在昔登載
者如式崇奉大德三年三十八代天師張
平錢塘潮言神以雲雨昭著自鳴山

事見郡乘宋元符始有廟號繇宣和迄咸淳制書凡十五下乞如今皇帝詔令於是符于州考證無異辭至大三年玄教嗣師崇文私道真人吳全節乃言曰吾徒食茲山有年矣闔閭摩盪繫陰陽是資變以行神神繇以興今

天子禋奉祠祭吾教益昌自鳴於龍席封畛相入捨是其何言遂復請于朝得加封為明仁廣孝翊化真君稱待罪翰林十有五年矣嗣師曰龍席紀述吾不以累子茲山盼嚮紹定之際先正肅公嘗紀之矣子誠不得辭稱嘗聞之地秉陰山川竅焉通而後能鳴石之徵也聲生於空因山以著昧其初而以為神者其諸異乎石之鳴也風霆流形神始出焉神非妄也茲道之妙老氏深知之矣子何敢語延祐三年四月會稽束棹記

隱仙記

宋開慶初伯父賓州我先考郡公將除大父尚書公喪相與議曰崇親報本唯躬

行是先蒸蒿悽愴鬱然而莫能見者將導達之則屈伸之義足以考聞諸老氏有黃錄齋善攝度彼果能濟則吾父將超然于物表非崇泥以求福也齋既成以尚書公所遺祠部牒度道士三人王君德華在是選二人皆三化不復紀獨王君服道士服幾七十年往來束氏門且五世貴饒侈盛嘗親見之至枯泊頽葡則過門風雨不少阻且曰吾寧負束門哉其於宜所學者曰章奏符籙兩賜疾疫親究而遠扣方外士來質衣以請百誑不倦以其勤且無悔故有所成就今年八十有八而請者益勤迺語予曰今卜藏于城西隅名之曰隱仙仙也者返真之義也魂升魄歸死生之大義也而釋仙者謂為不死古果有是若吾徒者寧能企是哉稱今年六十有一矣考其入道先於吾生死者若蜉蝣生者若稊稗推一門之盛衰足以驗一郡之興廢而掩也以謙薄之技獲官清朝今仕焉而止願與王君考游歷之舊指其歸藏則曰委

順觀化寧有怛於心懼後人不能以紹志
俾預書千昔之出處且以勵于後今主焚
修于玄妙聰明不衰壽益未艾家世定海
縣自號曰蓬山志不當初也泰定三年四
月甲午見一居士乘栢記

通玄觀賈道士記

通玄觀道士賈志福年八十三化于其居
有徒曰王道深考言曰吾師以不言為宗
其學澄寂寡約不為翕翕說幻楮衣草屨
寒暑自得有問其道者不以對機藏齋啓
指喻微密羞口授而耳屬也始為汝南民
弱寇得法於棲雲王真人王曰知者不言
子游四方能果不言以自全乎後游南陽
遇軍帥脅以語不對復辱以箠榎師正色
畫地作無語二字軍帥竦愧謝以白金將
築室奉之會得間走京兆復遇其師曰汝
志已完忍辱易忍寵難其居京師以觀子
之有成於是迄歸於京師會有數薦于
先朝者復即遁去然居通玄而號清靜散
人實洞明祁公之所強也又曰師少時嘗

得奇疾夢一老人授以七匙食之寤而愈
其傲家為道士者凡七人有弟曰德常亦
守其學今居大名之嶽祠韜靜完絜與吾
師無異願有述以廣其道迺為之詞曰
賢摩兜健厥機孔艱維柱下學知者不言
納息于踵養神于淵匪曰不言其道已完
道豈文傳文實累智虛辭借浮一跌千里
竊陰據陽詭立名字孛者逐魂固者死枝
嗟此嗒然奧密是造不懈其躬不喪其實
心焉死灰頭若蓬葆藏明委順是曰至道
翩翩二難孰去孰存厥徒允從匪私其溫
恍馬松聲彼聽莫聞勵爾後人永矢勿護

清容居士集卷第二十

清容居士集卷第二十一

保藏書

序

易三圖序

上饒謝先生遊於建安番易吳生蟾往受
 易焉後出其圖曰建安之學為彭翁彭翁
 之傳為武夷君而莫知所授或曰託以隱
 秘故謂之武夷君焉復曰吾易神也易何
 為而神也神者易之始也易不可以強名
 也不名則曰易顛叙其旨萊稍曰夫曰易
 者非聖人之本旨也神以合聖人之易斯
 得矣然則曷為神無端而莫可見也惟無
 端焉故無體焉存而明之而數以生焉數
 生矣而始有變變立矣而會以理理者其
 一也理不能以盡易因數以立者理也用
 變以逆者非理也故曰陰陽不測之謂神
 始晁以道紀傳易統緒截立疆理俛後無
 以偽至荊州袁溉道絜始受於薛翁而易
 復傳袁延以授永嘉薛季宣士龍始薛授
 索時嘗言洛遺學多在蜀漢間故士大夫
 聞是說者爭陰購之後有二張曰行成精

象數曰續通於玄寂後朱文公屬其友蔡
 季通如荊州復入峽始得其三圖焉或言
 洛書之傳文公不得而見今蔡氏所傳書
 訛不著圖藏其孫抗秘不復出臨邛魏了
 翁氏嘗疑之欲經緯而卒不可得季通家
 武夷今彭翁所圖疑出蔡氏惜彭不具本
 始謝先生名字今不著其終也世能道之

易集傳序

觀象畫卦庖犧之本旨也因言意而廣象
 焉三聖人之本旨也王弼後出附小象以
 言理儒先莫能病若繫辭傳說卦等篇弼
 莫能措辭審是則弼筴一偏矣十翼之作
 有象焉有象焉專於理而作象象傳焉者
 夫子之志也然則文王周公之象象其悲
 皆理與曰非也卦本於象八卦首之定名
 以為象則井鼎小過是也言意以為象伏
 羲言而人不能知之文王周公始申言之
 文王之言見於象周公之言見於爻是則
 不俟予言也易有聖人之道四象象傳果
 唯言意焉則變占乎何取曰有變焉有占

馬伏義畫不變於九六則變見之占則文王於彖附言之象未始分文王始離之變之疾者莫先於蠱憂世之深也若分象則師晉小畜之類是也爻變於占因筮以見者也其即見者漸小畜訟之類是也彖爻合四者而言之夫子不一言之何與曰傷哉夫子之志也事莫尚乎辭辭非理不能以定人事吉凶繇妄而咎以興先之以變占是易殆卜筮之書矣器繇動成動斯靜矣取靜觀動將於是乎則斯其為象也大矣夫子於說卦馬始彙之彙以窮其變占則變占者筮之始也故其首章先於著二章次於卦先天之說七言之懼溺於占也後天之說一言之人事之本也而終之以象焉維昔康節邵先生作方圓環中圖合於天人皆本說卦充類以至知夫聰明特達之士不在於諄告也若繫辭傳設卦之方窮神之妙其詳於爻者毫釐不能以易積數以成變易以動肇於方寸散於六合幽眇廣大取而莫窮應而若遺回卦以測

善筭喻者不能窮也舉世舍是矛盾互持雖百世莫能以解吾故曰非繫辭傳不能以知易是說也邵子之說非僕之說也稍不佞讀易二十年歲月逾邁所見益懼純石烈君希元篤志嗜古於易精思以求搜揅疑義私嘗歎然莫能以對卒能先予以成書不鑿以求通不拘以強附會其粹精足以垂世故以予昔之所告冠於篇首俾知夫同馬以異者將以革夫株守偏弊之失則予之所著其果有同乎其無同乎

新安程子見四書圖訓序

象數可以圖言名意不得以圖言以圖言之其亦有所本乎昔者聖人觀象著圖因圖為書範圍發揮由書而始通則夫圖之秘非書不能以盡是書之明於圖者也後聖繼述遵文演圖器度物象之微剛柔善惡之應若天旋之默運于樞紐其不可以繪畫得之者猶曰名以立義此圖之輔於書而不可廢焉者也二者之用各有先後合而言之者吾不知其說也自正心誠意

之說興茫無畔岸朱子憂之遂以其可據依者為之主而體用知之說實切於學者之功用後百餘年五經廢棄遂復勦取其近似端坐塗飾而根柢源委悉不復攷禮主於敬理主於善一言以蔽講學之法糜爛而不可救矣新安程子見取論孟中庸大學之書切於吾身者析而為圖以輔翼朱子之教抑亦使夫人知為學之叙非字義之可盡條分目舉必有能篤行而親識之者斯足以盡夫斯道之要其勤且備可謂能矣昔真文忠公作讀書記仁義性命之說各以類從先正肅公作書止之曰使若書成學者將得以自肆今是書具在視今之言理者與古賢無異論其所學則又甚於朱子之憂矣子見之圖其必有以極諸

輔漢卿先生語孟註序

解經莫嚴於聖賢見於語孟其語簡其旨明子思之釋經尤得聖人之微旨今其書具在也自漢傳註之學興蓊辭衍說浸淫

乎萬言魏晉一切掃削明理之說歸乎空玄二者之弊遂淪於偏滯學者昧昧無所依憑馬踰千有餘載矣至宋春陵顧儒開伊洛之緒正說至道繫於簡冊良謂大備後朱文公出懼其剽竊之近似也源同而派別之統宗極要蓋將使夫學者不躐等而進若律之有均衡之有權不得以錙銖差也既又懼其疑之未釋復為問答以曲喻之其詳且盡不復可以有加矣書大行於天下而後之師慕者類天台釋氏之教文旁行側注挈綱立目茫乎皓首不足以窺其藩籬卒至於聖人之經旨莫之有解日從事于口耳孩提之童齊襟拱手相與言道德性命者皆是也稍幼承父師獨取黃輔二先生之書而讀之黃公之書嘗輔翼其未備若可疑者則以昔之所聞於先師而申明之至於輔公則直彰其義衍者隱之幽者暢之文理炳著不別為標的以盡夫事師之道微文小義簡焉以釋經為急而其知行體用之說不斲合而有合矣

二公所為是誠有益於後世而今世補文公之遺書夸多務博雜然前陳莫知揀擇余獨病之合黃輔以傳則文公授受之旨益得以遠輔公書其子季章舊刻於武岡兵禍散軼今其後孫政與其子華亭丞友仁相與謀曰遺書不傳吾輔氏子孫責曷敢緩遂刻先生之書于家塾俾序其事予獨連言於黃公者將使夫後人知二公為文公親授黃公之澤已斬輔氏為未墜是可哀也已是可嘉也已願勉哉正學之興其必在是也

郭好德論語義序

唐儒作五經正義疏必先之以衍義而始明其傳註其先之者何懼汨於經也釋之以義疏焉者有訓詁焉有制度焉至於名物象器疆理飛走潛動之辨不博不足以盡約之以衍義非背於傳經之說也理唯約足以見漢稽古三萬言後世嗤之至朱文公承濂洛之正傳始為語孟精義久之憮然曰宜尊所聞今所傳集註具訓中外

下逮荒陬絕島家有而人誦文與義古至於不揣者斷章譏駁識者哂之京兆郭君好德秉彛父授徒于其鄉塾懼世之不達於辭者習譏駁之病操其精微合於簡易將使夫初學者若循塗以進遇險以休使少室焉必由是而達在易之蹇曰險而能止知矣哉蹇斯通矣抑嘗聞文公之教於其家也謂集義之作義理詳而訓詁略別為一書曰訓蒙口義今此書不存秉彛是書殆深得文公之意近世東南諸儒旁行側注鄰於釋教之學濫觴而不可禁予得讀是書深有合夫訓蒙之說孔賈遺有能以遠紹其不在茲書也歟

龔氏四書朱陸會同序

五經專門之說不一既定於石渠鴻都嗣後學者靡知有異同矣易學以辭象變占為主得失可稽也王輔嗣出一切理喻漢學幾於絕熄宋邵子朱子震始申言之後八百餘年而始興者也春秋家劉歆尊左氏杜預說行公穀廢不講啖趙出聖人之

有微見劉敞氏葉夢得氏呂大圭氏其家
 而始著者也尊王褒貶則幾於贊是千餘年
 馴致後宋時則有若吳棫氏趙汝談氏陳
 振孫氏疑焉有考過千百年而能獨明者
 也詩本於大小叙諸家詩已廢毛公說尊
 獨蘇轍氏始刪鄭樵氏悉去之朱子祖之
 此又幾二千年而置議焉者三禮守鄭玄
 氏正義皆旁正曲附唐趙匡氏始知其非
 宋諸儒駁鄭幾不能以立甚者疑周官非
 聖人書卓識獨見雖逾千百世亘萬古而
 不泯是則寧能以一時之論為是哉曩朱
 文公承絕學之傳其書叙疑非西京於孝
 經則刊誤焉詩去其叙易異程氏中庸疑
 於龜山楊氏程楊朱子本以傳授者也審
 為門弟子世固未以病文公也陸文安公
 生同時仕同朝其辨爭者朋友麗澤之益
 朱陸書牘具在不百餘年異黨之說興深
 文巧闢而為陸學者不勝其謗屹然墨守
 是猶以丸泥而障流杯水以止燎何益也

淳祐中番易湯中氏合朱陸之說至其猶
 子端明文清公漢蓋闡同之足以補兩家
 之未備抑又聞之當寶慶紹定間黃公幹
 在朱子門人不敢以先人所傳為別錄黃
 既死夸多務廣有語錄焉有語類焉望塵
 承風相與刻棹而二家矛盾大行於南北
 矣廣信龔君靈松始發憤為朱陸會同舉
 要於四書集陸子及其學者所講授俾來
 者有攷刪繁蓄精余於龔君復有望焉夫
 事定於千百年則固有異論故歷舉興廢
 之說若是噫龔君之書有俟夫後若余言
 亦殆將得以同傳也至治二年八月辛未
 袁桷序

五經約說序

古之學者三十而立五經立方其時以力田
 致養為先本春出于野冬始入邑其勤懇
 懇然日不能給暇日入學歲率不滿十旬
 焉噫何其敏且成如是之易也蓋先王盛
 時鄉遂溝洫之制明冠昏賓蜡之禮具絃
 歌俎豆鐘鼓弓矢之事周旋品節皆身親

而日化則所謂通其義者道德性命之理也簡牘日繁專門經師夸宏務奇漢世儒者白首莫一微言既絕撮拾枝蔓而媮意惰業率自涯而返良有以也夫子之翼易二戴之傳古禮解經之準的也訓詁別立為小學析文以言字曰字以生義究其大較邈不相入然則士何自知經旨哉唐孔賈氏尊漢儒宗知其迂陋猶旁諱曲覆如臨師保不敢有犯獨啖趙出口指摘無所避至劉原父氏歐陽氏始慷慨直論未幾言經者銖分毫別疆畫同異亦駸駸乎漢儒矣夫一道德而同風俗作者之事也復古而不至焉者儒者之責也六藝之道莫急於禮樂書廢已久而儀禮迄不得立學官遺音舊器莫可尋辨登降進退揖讓之損益臨事取具致就企及卒泥夫近古吾獨謂學古之士猶足以語夫此也廬陵宋元翁為童子時能明經明經舉廢已久獨元翁興起其事弱冠復約為大義先王墜典炳然其專美矣夫天人之奧昔人之

所罕言而昔之耳聞目見接熟素履今皆棄置不講元翁氣清德茂養泉糞木必以源本約而同之與道俱會後之學者將由是則焉敢誦所聞而美之

鄧淳翁春秋集傳序

因褒貶而傳春秋馬聖人之餘意也悉貶而遺其褒馬非聖人之本旨也粵自周室既遷史列於諸侯典策之藏世莫得見而其紀載之法踈稱近古故凡是非善惡之實天灾時變之著直書而不隱逮于戰國執簡侍史者猶守而未墜然而攻劫凌據之侈相尋而莫之顧實由夫外史之職不行于邦國其史之存於國者又將日幸淪棄而無所傳證故益得以逞其驕而恣其所行若是者二百餘年矣聖人始出然後因其史之本文而修明之別為之書以信于後善乎孟子之言曰孔子成春秋而亂臣賊子懼若是則春秋其果為褒貶哉三家之傳事與義例輟轉殺紊刻者若去吏博者若辯士上下二千餘載各執所嗜介

不相並而玩獵蒐擇髣其音聲蓋遺其形傳愈疏而經益湮矣夫因義例以明聖人之意懼義與例不得而盡廣其記聞不燭於理則事益無以自附春秋之道幽而明無傳而著論至於良有以也自唐以來合三傳者始各以其長自見然而求於外者必謹於內純明粹精非自外至焉者耳先王之典禮舊章具於傳記悉心以推之聞而日彰墜而復完則禮者又春秋之標準也邵武鄧淳翁慨不行於今特立己任纂而為編復因胡氏七家而增廣之余嘗謂審乎人情酌乎事變非春秋其誰準感而通天下之故則易之用其與是相並始於春秋而終於易者邵子之學也淳翁學首於是必有其本敢因以訂諸

王先生困學紀聞序

世之為學非止於辭章而已也不明乎理曷能以窮夫道德性命之蘊理至而辭不達茲其為害也大矣是故先儒有憂之且夫子之言有曰興於詩立於禮成於樂其

品節備具見於禮之經解夫事不燭不足以盡天下之智物不窮不足以推天下之用考於史冊求其精粗得失之要非卓然有識者不能也若是其殆得之矣在易之居業則曰脩辭立誠而畜德懿德必在夫聞見之廣旁曲通辭是則經史之外立凡舉例屈指不能以遽盡也揚雄氏作法言其意亦有取夫是後千餘年禮部尚書王先生出知濂洛之學泚于吾徒之功至溥然簡便日趨偷薄固陋瞠目拱手面墻背世滔滔相承恬不以為耻於是為困學紀聞二十卷具訓以警原其旨要揚雄氏之志也先生年未五十諸經皆有說晚歲悉焚棄而獨成是書其語淵奧精實非紬繹玩味不能解下世三十年肅政司副使馬速忽公僉事孫公楫濟川分治慶元振起儒學始命入梓榻游公門最久官翰苑時欲悉以其所著書進于朝廷因循不果今也二公謂稱知先生事為詳俛首為序庸書作書之本旨亦以厲

夫後之學者先生諱應麟字伯厚自號深寧居士泰定二年冬十月門人具官袁桷序

大易通義序

郡侯郭文卿示易通義一帙曰此真定侯先生所述也先生多喪明聆群兒誦書不終日能悉記其所授稍長習詞章自謂不學可造詣既而悔曰吾明於心利華食實莫首於理理以載道原易以求則為得之於是精意讀易旁通曲會參以己說而名之曰通義讀其書浩乎其詳也簡乎其著也因理以測象若遺焉而不敢廢也桷學易蓋亦有年矣原夫八卦既列象斯立焉故卦有理者焉有象者焉理有以言為象象有以理為用理與象不得而偏也聖人懼其言之雜也諸卦之彖專言夫理而取身取物悉見於爻辭矣又懼夫設卦之理彖不足以盡也復繫之以上下傳而其象位之明著悉見於說卦至矣盡矣後之儒先言理者過於浮略象廣喻而泥象者微

言隻字咸取以為象角立交病三聖之旨泯然莫知所歸自朱文公發變象之說學者始知所宗君思深而識幽據會提要蓋將為程子之忠臣倣文公以入夫邵子之室非潛心尊聞者不能也今年逾九十康色未艾先生名克中字正卿郭侯俾叙其書將入于梓不讓而為之序焉

老子講義序

昔之善言老子者謂其同者合於易其不同於孔子者皆槁世之弊此論千萬年不能以易也新安程泰之作易老通言余意深得其旨讀之茫然不能以脗合語簡則理得大美玄酒夫豈旨於味乎老子之五千言不得已而為言也道為乾坤之體德為咸恒之用繹其辭旨觀妙觀微見天下之曠而擬諸形容者也衆妙之門易之門也功成弗居治盡之道也使民無知無欲百姓日用而不知也挫銳解紛洗心藏密之旨也多言數窮吉人之辭寡也谷神不死生生之謂易也後其身外其身以前民

用之道也水善利萬物坎之行有尚也持盈揣銳君子有終也生而不有為而不恃無思無為也埏埴為器戶牖為室十三卦制器之義也有之以為利無之以為用民咸用之謂之神也為腹不為目觀我朵頤之凶也寄於天下託於天下知進退存亡而不失其正者也迎之不見其首隨之不見其後神無方而易無體也善為士之章出入以度無有師保如臨父母之謂也觀復復其見天地之心也皆謂我自然不事王侯高尚其事也若夫十八十九二十十章鳩世之言也其中有物其中有精坎離之體未濟既濟之用也不自伐故有功謙之義也有不信焉亦鳩言也改者不立鼎析足不勝其任也有物混成易有太極也輕則失臣躁則失君君不密則失臣臣不密則失身之義也善人者不善人之師益道也知白守黑窮神知化之義也去甚去奢去泰致恭以存其位者也將軍居左師左次无咎也道之在天下變動不居周流六

虛之義也自知者明顏子之不遠復也自勝者強君子之自強不息也終不為大虛以受人也視之不見聽之不聞極深而研幾也不疾而速不行而至也柔弱勝剛強坤至柔而動剛也利器不可以示人君子藏器於身也守萬物將自化神而化之使民宜之也上德不德章鳩言也謂得一者貞夫一者也萬物生於有有生於無蔡氏曰兩儀之先其易無體兩儀之後其易有體有無之義於斯見之明道進道探賾索隱鈎深致遠之謂也道生一一生二二生三三生萬物石林葉氏曰易之數見於大傳者乾坤之策也物亦非萬之所能盡該微見其緒曰引而伸之觸類而長之天下之能事畢矣老氏言數曰道生一一生二二生三三生萬物莊周言數曰一與言為二二與一為三自此以往巧歷不能算老氏所謂三生萬物者猶易之言當萬物之數而不盡其說也莊周所謂巧歷所不能算者猶易之言引而伸之觸類而長之而

不窮其變也至漢言律歷者於是始於易數之外起黃鍾之一而三積之至於十七萬七千一百四十有以為五行之數備已而又為三統之說以五行相錯由三微三著積之始於太極而終於二千三百六十三萬九千四十而復於太極上元以為天下之能事畢無為老子之旨義與生而不有同旨既同則無思無為之義同矣知足不辱知止不殆諸卦之上九類之清靜為天下正憧憧往來之反說也知足常足繫于苞桑也其出彌遠其知彌少稱名也小取類也大之義也為學日益為道日損無損益而言也懲忿窒慾損也見善則遷有過則改益也聖人皆孩之退藏於密吉凶與民同患也善攝生老子之本旨致一之義近之矣道生德畜乾坤之用也生而不有變化云為也塞其兌言行君子之樞機也慎言語塞兌之本也閉其門行其庭不見其人之謂也介然有知知微知彰知柔知剛介于石之義也善建者不拔確乎其

不可拔也修身至天下中庸之論也精之至和之至男女構精化生之道也玄同不見是而無悶也以奇用兵以此毒天下而民從也禍兮福之所倚福兮禍之所伏輦帶之三禱也治人事天莫若嗇卑而不可踰貳簋可用享也有國之母可以長久安土敦乎仁愛之道也非其鬼不神睽之羣疑也也大國取小國小國取大國湯文王是也謙之上六得之矣道者萬物之與廣大悉備也何棄之有容民畜衆也坐進此道藉用白茅无咎也圖難於其易為大於其細易簡而天下之理得矣為之於未有治之於未亂履霜堅冰也合抱之木生於毫末喻積小以高大也下二章亦同也民之難治以其智多禁民為非曰義則智去矣江海為百谷王天水違行而由一以生也下者水之道需而蹇蹇則通矣下濟而光明之義得矣曰慈天地之大德曰生也曰儉損之道也曰不敢為天下先巽以行權也善為士夫子於益或擊

之立心勿恒凶之爻詳言之矣用兵有言仁者無敵也吾言甚易知易知則有親也知不知勝口說也民不畏威不威不懲滅趾滅耳之爻得之矣勇於敢則殺天道虧盈而益謙也民之饑節以制度則不傷財不害民矣人之生章原始反終故知死生之說也天之道其猶張弓日往月來之義也天下柔弱莫過於水坎之內爻堅強者也故險之時用大矣哉受國之垢國君含垢也明夷之義於斯見之常與善人積善之家有餘慶也小國寡民章通其變使民不倦也利而不害乾不言所利保合大和乃利于貞矣為而不爭地爭城老子之親見也王侯設險以守其國夫豈有爭哉予固嘗以易釋其旨而未有成也同里呂君與之故儒家聞世益深游於方外以其著老子一編見示甚倡夫予之所見其文詳順而實援據以精築室於海島孤絕之地黜聰窒明以養其泰和且又將窮極山川之幽勝以求正於有道誠可謂老而能

學者也故輯舊說列于前凡我同志知予之不妥許可者有在也泰定二年七月清容居士衷栢序

高一清醫書十事序

班固氏輯劉氏七略為藝文志其序醫經方藥終以神僊十家殿之尋宗探本厥旨深秘近世習老氏者則以為薄清淨務名實若班氏去取未足為吾學輕重其不習老氏者因其先後遂以為尊吾聖人莫若班氏緣聲附響深切明著之道二者皆所未喻也醫經方藥具訓于先古其不得已而為之意世莫之曉惟空林隱竇刺意繕性之士必極其本致而後能知之故其察五行乘剋之理七情摩盪之原兢兢揣揣使夫身不至於已病而餘功後效積精以適神者斯近夫神僊之說矣班氏深存其義而隱其說故世之方士皆荒忽詭幻復別為一家以自侈靡而所謂非聖不言者則有戾五福之彛訓仁者靜壽之義於道何取焉予嘗謂有經天下之志必有經天

下之事胼胝之勞在陳之厄其饑寒困苦雖九死不得以自悔視夫彈冠結綬爭奪得喪談性命之空而忘事理之實者則有間矣故每信而不敢自異居里時獨高君彭一清慕方外學嘗以為醫經為性命之本若治金鍊石諸秘詭事皆不取彈極年

歲悉取上古漢晉諸經方以及唐宋所續出經分緯別定其精良刪其繁雜別為十事謂必由此足以通夫僊道而其意與班氏適相脗合高氏衣冠為四明望自獻簡公閱掌成均定學制當秦氏廢錮正士即致事以春秋禮學教授鄉里內翰公文虎禮部公似孫父子皆以文學致清顯至大宗伯衡孫馮端平正士備儀偉貌年八十餘手抄見聞及方技諸書疊疊道舊不輟一清為諸孫得於宗伯為多淵懿之深簡聞小誦非所可擬疑駁駁乎與學僊之道通故今自號為通僊子云然予幼聞諸老言舊天民曾景建以神僊說游公卿清言玉雪苦意水蘂見者憐而欲成之後卒不

就窀後里人王丹池復以是說游亦不就十事之成於吾徒誠有賴未知通僊之本旨其果能有成也朱文公於老氏嘗曰恐逆天理信而不泯然未始與浮屠者同其議悼日月之如流知玄髮之易化高君其奚以辭因叙而致意焉

四明志序

成周疆理之制審於王畿首合同姓以夾輔至於四履則必假異姓焉以控遏之先後疏附曲盡其制何周且詳也四方之志猶懼其不能以悉知也則必以外史掌之社已入秦而書具在區區刀筆吏獨能收其書據要漢中夫豈偶然也哉世祖皇帝聖德神武混宇寰宇首命秘書監儒臣輯大一統志沉幾遠略與昔聖人意旨脗合然而郡志缺落其遺軼未備焉者不復以徹于上馬侯澤潤之固嘗為中祕官知之矣暨守四明迺曰明舊有志今為帥大府浙東七州推明為首阨塞戶版物產地利是宜究察以待問清風舊德與

昔之高閎巨闕屬於宅里者猶可考也謂
楫父為史官宜有述楫嘗聞之洙泗遺俗
稽之以久遠者道德之澤也詭錙銖之利
以害于吾民昔人之所不道空虛說增農
日益困甚者紀其山林屋室之盛奉書詣
庭若執符契爭莫能已是殆昔之無知者
根其禍也管夷吾作書訓子弟良厚而內
政以漁鹽為急儒者詬之維明負山橫江
歲厄於水旱河渠是先牧民之本推其沿
革覽其山川知昔時得人之盛宮室戶口
之無恒釋道遺文之盛衰是皆足以增其
永歎焉者矣迺為十二考以志其事遂不
敢以荒落而有辭也馬侯為政愷悌惻隱
以宜于民民以不病郡博士吳君某勤恪
承令詢索州縣之所宜聞者良備因是得
以成書焉

李景山鳩巢編後序

楫過永嘉張宗魯書塾度河間李景山氏
手校朱子詩傳謹視之旁行側注朱墨定
竄精善心慕焉雖未熟詳知其名能詩吾

意非近世詩士也近世言詩家頗輩出凌
厲極致止於清麗視建安黃初諸子作已
憤憤不復省鈞英掇妍刻畫眉目而形幹
離脫不可支輔其凡偶拙近者率悻悻直
致棄萬物之比興謂道由是顯六義之旨
闕如也是歲冬見于京師始讀其詩於
雍虞德生質而不倨綺而不踰嚴衆芳之
英融寄于窮屋絕域之地而審其昔日之
心滿意肆蓋將冲寂寡廓脫然以逸焉者
也夫子之言曰詩可以怨然不怨可也怨
已則責難於天誠不怨邪幽蘭之辭湘纍
之賦得而廢之矣若公之詩非悲其不遇
也凜焉以持者正也反而言之斯怨矣又
何病焉予嘗從問雲南土風歲弄兵不止
計安出公曰理則人擾則獸豈獨雲南哉
退已書諸牘復識于序後若德生所論次
者不復著

劉內翰文集序

至元二十四年間南康劉公為內相宋社
未三桷髫年侍先處州府君子錢塘獲

識之議論雄偉誠奇士也後有容自京師來者必詢其詞命制作多愷悅不能道踰十餘年獲入禁林得玉堂制草而讀之編次荒略詞臣之名十不存四五是則劉公之文無目而推考焉者矣至治元年冬十月其嗣判官君某彙其遺文相過馬侗有叙栢讀之手不以釋夫集腋於裘擣珍於鼎非精別者不能也尊其所聞足以信後諛言美說非後進之所宜為也東平李公謙評公之文曰學問該洽性理精詣承旨王公構則曰深妥雄健博碩光明廣平宋公渤亦曰氣盛辭卓溫饒宏雅嘉禾張公伯淳則又曰浩蕩橫逸是數公者司衡挈繩將俾夫後之學者翕焉以從其傳信何疑矣夫以理為主文常患於不工雕鏤委心茫然而無以畔岸是則為是者良難矣命焉而得所遺事久則論益定觀其詩文於當世羣賢之言有考焉斯得矣

樂侍郎詩集序

故吏部侍郎河南尹樂公詩一編其季子

克誠以家集散軼守其記憶者得若干篇將刻于梓俾有叙栢讀而作曰嗚呼旨哉方南北分裂兩帝所尚唯眉山蘇氏學至理學興而詩始廢大率皆以模寫宛曲為非道夫明於理者猶足以發先王之底蘊其不明理則錯冗猥俚散馬不能以成章而諉曰吾唯理是言詩實病焉今夫遂歌巷語風見之矣至於二雅公卿大夫之言鎮而有度曲而不倨將盡夫萬物之藻麗以極其形容贊美之盛若是者非夸且誣也五經言理莫詳於易其辭深且密闡幽顯微不敢以直易言之考於經皆然也宋之三也詩不勝其樊金之三一時儒先猶秉舊聞於感慨窮困之際不改其度出語若一故中統至元間皆昔時之緒餘一一能有以自見若吏部公則親受承安貞祐之傳故其詩清切俊邁足以振數百年之速響俾置諸中州之所編次其何能以辨公諱舉字用之彌藏齋與父運副皆金進士家世源委所從來有據傳以永久孰曰

不宜

曹邦衡教授詩文序

大江以南地為荆揚郡不過百十其言語風俗起居飲食之異邈不相近世方理文治而士大夫言詞章高下復人人殊數十年來文益媮體益弊乘高駕浮滑稽恣睢恍乎其不可詰絜而至於道者不懼則債遡源而論之蓋方承平時師表日增士以其類至尊其所傳過於自守而樂凡近者尤矜矜然祕重不妄與一道德而同風俗先王之教誠不若是也余嘗會文於同志反復力議而卒以自病廬山曹邦衡客京師三年矣閉門弦歌絕造請之跡顧屢察之而卒未之與議將行始示其詩文一編蒐竒粹精炳然而橫陳列懸于簾櫳珎于鼎聲味相屬而凌厲感悻蓋將合律呂之變適酸鹹之宜者也夫不自是其是必有則於古守其私說不能以自廣將固且隘博以求之精以思之日遷而歲異當於是乎益今四海一國士之不可強為者猶豈

而及文教之洽由是而一曹君勉乎哉往慎迺塗正轅而行其寧有不至者耶

清容居士集卷第二十一

清容居士集卷第二十二

序

韓泗州老人詩序

往八十年金感于汴盡汴民咸勝兵抗鬪
不得息聞其父老泣撫黃稚謂不幸生亂
離使言承平時疑卒未見果承平耶余弗
得見得見焉必若等也不十年而金亡又
四十年

世祖一轍迹郡縣轉輸屯戍徭徭江以北
悉撤省而汴為樂土今三十年矣私恠當
時父老言合龜卜特不知得年者幾何人
又不知得年而果佚樂者為何如人夫壽
與富天不能並畀錙銖之較類與計莫以
勝也大德丙午韓泗州君美書來 京師
曰余家嚴君偕老于汴俱八十矣梅與泗
州交家深官於吾鄉家久與之言文詞道
政事切直近實今守於泗泗與汴水陸相
望甘旨致問不絕汴總河南十數州得領
公府事上汴奉觴跪行盡其私歡二老人
方彊明艾和游戲間里登坡陁極榛翳臨

車飛礮動在耳眼嘗指而慨已而以喜而
泗州又能清謹愷悌祝其神明以養其志
慮休休焉不知其將耄古所謂陶唐氏
之民者於韓氏見之矣 都之士咸美而
賦四明袁桷為之序

張氏宗譜序

宗以族言斯古也別以為宗記始也大宗
非諸侯之制也居小宗而遺大宗自鄭氏
大記之釋失之缺其大宗小宗乎何取然
則曷為大宗也大宗之法不施於庶昆弟
謂之別者大夫學士悉有宗也天子以國
諸侯以封世守其祀莫敢為宗下于庶人
而言宗焉遺其大宗不可也大夫士有常
宗由大宗而為小宗小宗不可以承祖故
分而言之小宗之嫡斯大宗矣此繼別之
義也張氏之各得為宗也奈何張譜始於
東平東平其大父善也東平之長子禮為
豐縣丞豐縣東平之大宗也其季義居於
東昌死復葬焉有子五人長曰叔溫為高
沙屯官東昌之大宗也古者適於他國皆

別為宗國一而地異別之義斯近矣張譜
 軼於兵迎而數之首豐縣之禰悉張氏子
 孫更數十百年宗不能易也高沙之禰居
 東昌合豐縣為小宗始高沙為大宗宗各
 有別尊祖之道斯備矣張姓出于姬至周
 而氏著祖于韓其得望者十二曰襄陽洛
 陽河東始興馮翊吳郡平原清河河間中
 山曰魏曰蜀東平譜祖以上名不得而次
 合賢與貴侈而書之失近據速譜其疑矣
 惟貴與賢不偕同也誠貴矣非賢不能傳
 使果賢邪雖弗貴焉可也張氏之先墓墮
 於河族厄于逃今其孫若曾咸曰別為始
 者猶邇也至東昌而復別何敢忘之太和
 之季叔恭敬父則曰為譜辨宗百世猶今
 也且昔之不幸吾猶慊慊焉意敬父之心
 思而深肅肅然念其先敏儒以自持其興
 也於是乎在敬父今為宗正府左右司都
 事大德丁未作亭于東昌之墓旁表曰宗
 會翰林學士廣平程公為之記太子父學
 魏郡元君復初系之以詩而俾余為譜史

官表補述

廬陵羅氏世譜序

黃帝二十五宗距唐堯猶未遠世系昭穆
 混錯若不可考置而不論者謂其詳不可
 聞也禮莫詳於周展親別宗強本弱枝之
 慮品式備具不數百年難生於所親兵車
 日尋卒之顛覆償絕何也其所以繼之者
 非其道也禮生於人情貴親親禮之大
 經繇貴而失親聖如周公猶不能以制宗
 法之不講所由來舊矣後漢鄭康成謂諸
 侯之別子為大宗自大夫士而下皆不當
 有由是常宗之法廢貴為王公其所以承
 攝者止於五世鄭氏之說誤也譜謀學廢
 姓氏殼雜獨孔氏子孫更數千百年歷歷
 可紀而姬氏享國八百餘祀秦漢之際已
 散軼僅存後王盛衰抑無以議為矣或者
 謂孔子垂世立訓貴不以位故其所傳以
 遠然考諸傳記蠻夷小邦率一姓數十世
 噫立禮以辨位位尊而益爭昔之聖人夫
 豈不知其有是哉消長之理相尋於無窮

其不可詰者數存焉耳矣廬陵羅氏譜跡唐至今為世凡十有五為派凡十有八旁行邪上如指諸掌合職方氏小史之記貴盛累葉者亦莫能並統宗合源一其所尚必有其道參差不齊物之理也先之以孝謹終之以卑讓黜爵貴德雖百世可推也桡也公侯之子孫因羅氏之譜謀將有感夫昔時之興廢企焉若不及而終之以自勉者亦羅氏譜之徽旨也延祐丙辰八月史官束桡序

臨川危氏族譜序

姓氏之學魏晉以下無稽焉歐陽子作宰相世系切切然將私其親然卒數世三軼是則凡言譜謀者缺之焉得矣氏族混於周之東遷祖以為氏猶之可也別族改氏因其官簿以相沿嚴益繁多矣繇是為賜姓為缺文一氏而兩望同源而別派至於推律觀物慕風嚮化雜然而前陳其避禍者託焉以自逃承宗繼絕湯不可考竄易傳會紛然莫能辯者數千百年皆是也宗

法之不講所從來久謂百世不遷者德如右稷焉斯可矣后稷而不能則凡為吾徒者得無懼乎孟子有言曰君子之澤五世而斬均小人而言之何邪昔之親盡蓋見于孟子然而私淑之道充孟子而能為之者吾於危氏之譜其殆庶幾矣夫遠而不可明者理之常也究其初以合乎貴賤貧富其心博其旨微將使夫困者通盈者持危氏之盛循環無窮於是乎有考焉是矣維漳州大夫於桡曾大父樞密越公同淳熙進士同乙科同著作同為番陽文敏公之門人其弟南昌君族祖正肅公寶銘其墓桡來京師族孫有成嘗曰兩家疇昔若是譜非子叙不可不幸有成卒其弟歸其骨于臨川遂不負其言而序之

熊西玉文集序

粵昔以經賦科進天下士有司崇尚日異辟雍居俊游尤為準繩音節程度更創迭變雲翕影附各以其伎進拘者輒因躓不得上方是時蜚英溢行為時所推重連百

州之地不能以什一數遡音聲之近絕師
弟子之敬和筆繕扎傳誦不止其好慕實
使之然也當咸淳初江以東言熊公馬余
師剡源戴公言為同舍郎時學官始授題
熊公據案瞪目鈎深摘微落筆澄澈理融
意新蠶則績而珠纒屬也未幾失仕東歸
沉冥簡編空林窮佳之怨橫溢間發而安
之有命不憤不悱猶昔日年壯意盛之所
作擬諸於德殆其微與意陶唐氏之三歷
年滋多精深憂思愈速愈在極周陵遲諸
子相繼有作是則先王之澤不可以一日
泯自漢而下殆無以議何則理不勝弊焉
故爾夫弊不極不足以自振此強仁者之
所宜知嘗聞公閉門盡心索六藝之蘊以
極遠紹後之學者是宜有考故不知其不
能而申其說命序之者實壻張拱辰氏也

陳元吉韻海序

近世儒先以韻書首於江左其理未竟論
者疑焉夫聲與韻文字之自然童歌巷語
擊於唐虞旁叶偶傳與君臣賡歌相表裏

非若今世拘拘然以清濁為高下論也小
學廢已久言六書皆本於許慎或者謂揚
雄太玄奇字與許氏不合皆其私臆殊不
知屈氏而下若司馬諸賦其不易解辨豈
亦其所自製故昌黎韓子謂凡為文宜略
識字則世所為許學者苟趨省易實秦相
斯之學也按魏李登始為聲韻增益衍廣
實原七均七均之說成於江左江左之文
綺而萎其於韻若法律為師條分目析錙
銖之不可混也降於隋唐守其說而莫之
變能變者宋惟吳棫氏今世所行唐韻博
極群籍之要見於其序而近世附益終莫
能已噫學其果有止也邪眉山陳君元吉
少以春秋試有司第一南極交廣以游夫
幽冀之平衍搜奇尊聞包絡攬拾因韻以
廣卒為是書名曰韻海班然而居編懸在
庭各得其職雖第而輕重之同律呂也屬
辭比事春秋之教殆猶其微與昔顏魯公
為韻海鏡源集古今韻字凡三百餘卷識
者謂其摭華撮要該於理著四庫散落不

具而今也卒俟君以成合流納污愈遠愈清至於海者百川之功聚也敢誦所聞而回以序之

鄆城馬節婦詩序

詩始婦人先王盛時天地萬物之理推變審情者若是矣不幸而大故守中秉德合於自然憂辱恐懼蓋不能以相動也二南之化行於天下未及數百年陵夷變遷首杖國君夫人聖人憂之錄於風雅書於春秋後有述作尤惓惓焉以致其意嗟夫乾坤之道相濟以成者也

皇元一海宇累下 詔郡縣孝子節婦按

實旌植是謹鄆城王母其狀曰馬氏年少喪夫養姑鞠子織粟盡恩禮閭戶循飭四十年終始不易由是鄉老言于州州上其事禮部繇是得加桓表馬楠待罪太史歲終常會以 奏書然陳詩以觀史官之職也凡我同志什為詠歌先之以憂勤終之以燕樂足以見夫國家德化之廣非止為王氏榮也豈不美歟長子質山東宣慰府

掾李獻今為翰林院都事云

蕭克有字序

在昔先民理得於簡易其言動視聽之方不求合於禮而所謂禮者何其日用而不知也唐虞之際黎民時雍至於湯武出而禮益立於是升降揖讓以成其容為之珎璜以節其步武為之弁冕以嚴其首服黼黻有度尊彝有數溫柔剛毅寬嚴張弛之教復品節而備具之噫可謂至矣世益衰而法益繁悉刑以防其情民之日不幸者非天之所與殊也俗媮而說厖教不足以勝靡然後上以自治其亦未知其本始焉者也周之衰諸子馳騁激於世者黜仁絕禮以自高急於近功則皆苛迫峭刻益莫知其所措聖人政刑德禮之論幾乎其息書曰臣人克有常憲解之者曰憲猶法也奉有其常者也民之初生淵乎其仁詩書禮樂造士之具也不由是而推奉法以為固有夏后氏之世吾誠知其不若是也廬陵蕭御史之子憲其師黃君字曰克有請

其說於余詩曰天生烝民有物有則克有之義備矣假於外以為常將失其所謂由己之道修其由己之道莫若乎禮故余先言其得於天者如是而復以學禮之說告

袁氏舊書目序

袁氏舊書目者目袁氏舊書之存于今者也始曾大父越公舉進士時貧不能得書書多乎抄強記至用高祖妣齊國夫人魚魴冠學書後官中都凡二十有五年乃務置書以償宿昔所志其世所未有則從中祕書及故家傳錄以歸於是書始備矣于時國家承平四方無兵革之虞多用文儒為牧守公私間暇擊鮮享醴會寮屬以校讎刻書為美績至於細民亦皆轉相模倣以取衣食而閩之建蜀之益其最著者也紹定辛卯公自宥府歸里遂累土為堂貯所得書於東西榮公日處其中客至不復道世事顧嗜陳黃詩擇其適意者手書為編寓物詠歌興道游邀休休馬不知其年之將耄如是者七年而薨舊書之傳

距于今四世矣桐幼聞公後學正獻公時有手校九經旁說疑義皆附書左右竄為精善欲後諸父一觀而未得又欲合諸父之藏分第為目錄亦不果竊嘗謂天下之物聚多者終必散或者早計於未散則庶幾幸有一存之理遂悉藏於山中己丑之灾偕家人渡江以逃袁氏之書一夕而盡昔之預計者乃幸而獲全嗚呼此公之靈有以啓其衷也惟公以勤勞起家其書之傳不幸而不存固當歸之於數其幸而獲存者敢不嚴藏心思而躬踐之以求無忘前人之意謹次其本始書以為舊書目序

袁氏新書目序

余少讀書有五失焉雅觀而無擇濫閱而少思其失也博而寡要攷古人之言行意常退縮不敢望其失也懦而無立纂錄史籍之故實一未終而屢更端其失也勞而無成聞人之長唯恐不及將疾趨從之而輒出其後其失也欲速而過高好學為文未能蓄其本經術隱奧茫乎其無所適從

泛然而無所關決是又失之甚者也夫為學之道用志不能不一用力不能不專農夫莽而廣種不如狹壑之為實也工人泛而雜學不如一藝之為精也往者書未模印時爭傳寫授讀較余所藏之書不能十而士以三年通一經其自得之實皆足以傳世垂後其視余之書多無成者豈古人所謂沃土無善民之說與往年春書燬于火偃仰草莽所失物不復追憶而於書獨不能忘懷已乃思前之五失一旦而悟將從事於內以求自得之實其年夏大人過故都復購遺闕篋載以歸意者斯文之富將過乎昔而余又思旁搜遠錄俾夫昔日之藏矣噫年未至於壯其五失可以亟改也而古人之志余亦竊有慕焉用識吾過以為袁氏新書目序首

文子方安南行記序

始余讀戴記帝王疆理不盡於衡山而虞書致日廼南極交州是則要荒不責其貢賦使者雖歲往返三害也馬伏波議兵法

與建武帝合勞民入於潦霧蟒蛇之地其得意自叙反不若賈君房建羅擊議時俗升降略地定功後王所尚者然與唐置安南都護府獻令鮮薄同羈縻州開元詔太史測天下畧交州為南履準事與唐帝類不聞其有僭拒事也萌芽侈心承詔旨以肆誅索一不得意而曰損國體者是誠盜臣也已

世祖父武皇帝神幾洞察不加以兵而安南畏威不敢朝終五世削王爵以奉貢今天子即位頌正朔議遣使於是文君子方拜禮部郎中為使副以行辭命專達儀注品節唯子方是毗入其境不旬日卒致命以還稽諸往使五十年所未有也還都示予行記一編夫誦詩專對夫子之訓也予於書獨有取焉宣上意做有衆誓命焉有考山川導別表土俗以宜于民莫詳於貢書至若贊帝德以傳示永久是非史官不能子方以論譔奉使事三者將兼而取之誠於詩書殆相表裏矣蠻荒酋長俾知

夫中國有人焉者其自子方始窮極瓊麗
媚上以營夫已者子方不知其說也是宜
廣梓以告于後之使者云年月日來梅序

白李清母夫人受新封詩序

春秋經錫命之制後王以品秩益展其退
榮倣古則今至于是大備

今皇帝嗣大歷服楫時在翰林得與議典
章儀注僉曰勲爵古制以人子所居官褒
崇之罔俾專美于前代定其格入奏

皇帝曰可輕外重內非廣孝道視所居官
咸大賚之 詔下皆叩首望闕謝浙東元

帥府都事白君湛即以其所宜封者為母
盧夫人請于 朝得封太原郡太君盧白

皆中原望族盧以父詞鳴翰林白氏再世
持雄辨清言冰雪繼藉聞者莫不興起若

是者尤足以振耀也意世之惓然因其夫
與子蒙爵命者多矣未有若盧白之清望

足以厭服于當代恃其世家白君之所不
敢朝夕溫清陳白其所行事秉心以公張

弛興革孰不曰是真世家彼夸詡者誠不

足為兩家重也郡之儒士相率為歌詩以
贊俾梅首為序泰定元年冬十有一月前
史官來梅書

甬山集序

文章與時為高下誠哉是言也宋祚將亡
國學考文其悲哀促急不能一朝居四方
翁然取則凌躐上第至今殘編斷牘讀之
令人歎恨不已蓋士生斯時能自拔以表
見者不一二數有一人焉則又韜匿冲晦
與世若不相接始予少時見三江李君在
明于史塾其貌癯然其語泊然僅知其為
長者也下世十餘年子汲以所為詩文十
卷號甬山集相示貫穿籠絡悉本于五經
之微旨而優柔反覆躡而不怨曲而不佞
藹然六義之懿宮商相宣各叶其體情至
理盡守之以嚴無直致之失世之號能為
詩文者率不過是較一時之輩流實居其
寡惜乎昔時之承接不足以知其為一也
維昔秉義公以盛德燾裕世科聯踵今五
傳矣論其詞章則擬於先世為有光汲能

廣而傳之惠於吾鄉俾其子孫得以遵守
豈不韙哉泰定二年冬十月杲摘序

蓬萊閣詩序

會稽為禹會諸侯之所自嬴政一登而其
山水之勝迄兩漢孫吳莫有表章或者謂
當是時征伐蠻粵為用武地而士大夫在
朝廷簪筆執牘以奉天子之游宴顧安得
從事於荆榛險絕以暢其耳目哉惟太史
遷出於流落不偶以至而見於賦詠實自
東晉始方王謝諸賢南徙渡江北望丘壟
其悲離感愴不在於仕進故其意念殊絕
搜竒扶幽樂天以俟命而會稽踰為南鎮
將騁懷以攄其所尚故今之言游山水實
自會稽始繇是而降游者益廣而專枚守
之任者得無有而畢具矣元微之以觀察
使鎮會稽所辟幕客皆知名士號為絕倡
後人作為蓬萊閣蓋取微之詩語唐宋鉅
作悉刻于其上雲內王侯赫能父蒞是邦
政簡訟平百廢俱飭復閣之舊迺曰昔之
諸賢意必有在登斯閣也將見夫同寅之

肅和察察之靖共飛觥擊壺以仿夫微之
昔時之盛巖壑交映神閑意消不苛刻以
暇豫彼俗吏瑣瑣夫豈知是也哉同郡儒
士合賦詩若干首杲與叔能同官于朝
審平昔清靜簡易之論於是乎見雖老尚
能為侯賦之泰定三年正月甲子清容居
士四明杲摘序

馬氏族譜序

譜以遠言懼其非吾祖也以近言有悲吾
之不得已也金徙于南衣冠故族扶挈僵
仆十失其九者有焉百不得其一者有焉
難甫定遺童孤鬼想像先人之容儀音聲
僅得於髣髴推名諱至於祖則有能言者
矣上而高曾不復有能言矣余嘗攷夫譜
謀之書秦漢以後牽強附會世表姓纂僅
取其近侶作史者不得不爾凡為子孫者
罔敢以是為傳信河陽馬氏蓋皆昔時之
望族今元帥公知夫高曾以上之不可以
譜遂斷自其可知者為之旁行側注官位
名諱以明其始卒葬年月以慎其終用意

弘遠將以期其子孫之日盛嗚呼百年之計莫先於德德愈種則見於後人者不俟而自至晉丞相王文獻公導渡江始立家譜不及三世而蕃衍盛大史不絕書馬公之意蓋若是顛相與勉乎哉則得之矣泰定二年七月乙卯前史官袁桷書

鄭原善思親詩編序

廣信鄭君復初舉進士之歲時維三月值其嚴君始生之朝作為歌詩而終之曰移忠云自茲其立志誠遠且大矣夫仕莫不欲榮其親仕貴矣所尚貴乎自立不爾則其於貴也乎何有故昔之學仕者必求夫大賢者之格言以佩服之若鄭君者策名未離乎都門超識遠抱先之以不苟若是余嘗於 殿廬識之冲然其容介然其操審必鮮有異乎衆也暨余還里咸言其在官也奇衮不入於市貴俠不登于庭盡職而無所顧避是其所蓄足以行所願矣泰定三年秋八月同校文江浙始見其屬和者凡一編嗟夫古之果於正誼必寧夫親

而為親者計其誦辱將與之同患難而不之避故載於史傳者不一鄭君之志見初筮數歷既遠聲譽益振始信夫家庭之教在乎夙昔誠不在夫今日也因申其旨而為之辭丙寅歲八月壬辰袁桷序

周彥祥存樂堂詩序

往者淮甸為南北要衝耕耨不足以盡其地力彌望數十里皆草屋星散高下每歲春秋避兵輒土窖稻麥老稚潛匿叢薄中丁男健婦守舍相偵伺黃塵翳天猶能在旁近結集保護卒然有相接持挺蓋盡力以抗其甚不幸者則皆係累長驅銜車逐馬故凡淮民之家子不識其父弟不知其兄因循苟活慈孝恭敬施於家庭之懿者未能也吁誠可悲也夫

世祖皇帝一海宇淮始為樂土今四十餘年昔之父老言昔時之事未嘗不先之以教歛繼之以幸喜野無間民而詩書庠序是作堂以奉其二親而名曰存樂予嘗以

為生乎今之世有幸不幸存於其間故其愈後者則愈樂而生乎其前者若彥祥之二親是也彥祥之奉親當補其昔時之不可致推彥祥之年亂離崎嶇猶耳接而身受至其諸孫則蔑有知之者噫豈非愈後者則愈樂然則彥祥之心所以樂其父母昆弟者可勝道哉太學博士姚君為之記善為歌詩者將別為一編廼首為之序彥祥今為某官

白鶴詩序

泰定元年春二月有白鶴於崇真萬壽宮特進宗師吳公主祠事越四日有白鶴三集雲中指殿前五日復至旭日晏溫執事有恪皆承睫仰視一口贊慶士大夫各為歌詩以侈其異嘗聞禮儀神明之事莫嚴於精意而諸物之畢至良係乎聖德之通感惟令天子踐祚之初詢賢考能歛福以錫庶民籲天請命實不私於己祠祭之事遵叙以行罔有偏好昔漢宣帝勵精圖治嚴歲祠

事時則有白鶴集于廟庭異代同符稽諸行事實過於彼而祝釐奉祀以承上命者罔敢暇逸吳公蓋有之焉絕地天通昔之聖人將以止夫機祥之說天人之際合於自然蓋有不期然而然者不然詩書所稱其得而廢之與詩若干首遂為之序

春臺詩序

老氏之學以澹然無欲為至道故凡人之所同然者必激言以相反至於榮觀燕處其徒日廣其說則曰吾教必若是侈靡盛大浸淫於天下其言曰如登春臺彼嘗非而鄙之今考其所為若不相侶視其言者吾猶以為近古也延平余君惟熙於是取以為齋名焉昔之盛時淳厚給足充然樂其身非直為耳目之美觀日作夕息相安於閭里康衢之謠擊壤之歌其教易行也今海宇一轍戶口田野休養蕃庶涵濟聖澤庶幾時雍之治惟熙慕古於是乎得之矣理適乎中人情之同隨物而遷者過也極枯槁禁制以為至樂矯然者也惟熙

嘗為威茂安撫司僉事今屬 國史府通
敏守禮推命名之雅其將樂夫天年同眾
以求用於世者與集賢大學士郭公大書
其戶冊 朝之卿士咸為歌詩

曹伯明文集序

江西之文曰歐陽王曾自慶曆以來為正
宗舉天下師之無異辭宗金分裂群然師
眉山公氣盛意新於科舉為尤宜至乾道
淳熙江西諸賢別為宗派竊取國策莊周
之詞雜進語未畢而更事遽起而輟斷續
鉤棘小者一二言長者數十言迎之莫能
以窺其涯而荒唐變幻席豹竦而魚龍雜
也嗚呼三公之文其思厚以深其理精以
正凌厲乎諸子貞元而下曾勃然不肯自
讓後之人懼縮齷之譏卒至於濫觴淪胥
而莫能以救可勝恨哉大德中梅與端明
曹公之子伯明甫為翰林屬其為詩文如
桑麻穀粟切於日用不求酸鹹苦澁以傷
乎味之正薦實渾厚與其履踐見於事物
者實相表裏夫行以為先言實次之言不

勝不足以害道翕翕誇詡含譏以射人者
猶懼其不解方手指其說曰吾意蓋有在
若而是而罹于人禍者多矣伯明以親老再
為編脩官補外以去幾二十年來 京師
為文若干卷得而讀之其哀窮舉躓略枝
葉之學春容雅馴以循夫規矩它不能以
詬病也夫慕其輕浮而欲求侶於瑣瑣者
伯明之所不忍抑有聞焉老而能學吾二
人之所宜繼炳燭之勤願相與切磋焉

清容居士集卷第二十二

清容居士集卷第二十三

序

送鄧善之應聘序

近世先達之士類言求進于京師者多羈
困不偶煦煦道途間麻衣弊冠柔聲媚色
無以動上意其言若諱切懇款後進之士
懷疑而不進百以十數然遇不遇命也而
言若是則抱道自足者益無忌於世而或
者亦得以窺其介且固焉夫道成於同而
弊於孤雲龍之相從風水之相應其理然
也往歲余與巴西鄧君道所以嘗以為今
世無是決矣吾徒當力學為己閉門息心
耕六籍之圃溉根以茂實若古逸民高士
退靜自樂其於道也無害方是時君家錢
塘囂塵五達之衝意寂而體舒無造門囁
嚅之勞下帷授書衿佩森立公卿貴人皆
傾下愛慕獨君無少矜喜而去來朋徒各
盡恩意以相周奉其有不可強猶謙挹慰
藉人咸以為其未遇也已異夫褊心者之
論則其遇當不止若是今年春承徵將如

京師告余以行余固喜夫人之所期者有
驗而其行也復將有說焉君子之出也大
言以行道者夸誣之流也相時而行守身
於不辱謹得避難貞白而無愧斯近之矣
方今食太官衣御府巨慮數百擬之漢世
為盛吾意吾丘周仁之徒道不相類若貢
禹之經明行絜區區車馬之對亦若無可
取者苟不以此是進則其氣昌而愈完行周
而無躓於得喪益無病矣夫處順者逆言
莫能入嗜味者腊毒無終悔予與君疇昔
相好無所隱思處贈之誼而密以告焉

送曹伯明序

議者謂故家世官陽明精絜之氣極于簡
冊溢于圭組盛衰消長始相尋為無端焉
嗟夫豈誠有是理哉百尋之木上干雲霄
盤礴慘舒履之而後至其風雨雪霜之變
適其事會理之不可詰者誰得而辨而苟
一時之得失以自詭吾未之信也士患不
自知而卒病夫知者迄莫可究至於凌高
躐深恟怩疾進幸其安肆顛越而莫救則

豈其父兄之過至不幸糜爛墜覆與世為
始終者要未得以成敗論也廬山曹伯明
官翰林十有二年始為編修官議當叙遷
曰愚名居先願以讓秩再滿則又曰大夫
人春秋高願補邑以行吾知其盛衰消長
之理炳于胸中確乎不能以易者也維昔
役祖文簡公既老來朝翩然東歸位不充
其德未幾先正端明公敦知止之誼慷慨
力去邀乎高風趾嫩不墜謙以居之仁以
成之振世德之緒使議者之言不出乎口
其自伯明始固其行序以識之

送范德機序

四方士游京師則必囊筆楮飾賦詠以
偵候于王公之門當不當良不論也審焉
以求售者乘必駸食必稻足跣而腹果介
然莫有所遭夫爭藝以自進宜有不擇焉
者心誠知之孰慙其非故幸得之則歸于
能其不得之則歸于人惕然而自治吾未
之見也臨江范德機游于茲三年矣語焉
簡然行焉恂然畚其菁華韜焉以深視世

之言文辭位貴重者新新不自表夫子曰
道不同不相為謀范君誠審焉抑不可知
使不可知則凡辱與游者責莫能以辭也
君所為詩文幽絮而靜深怨與不怨皆存
乎天慨然南歸善治其學猶謹所徇使果
擇士耶無以易矣譬之璞焉蓄極而光遇
寧有不遂者乎惜其行解以俟之

送周子敬序

溫與閩地犬牙相入俗秀而矜絮子弟勝
衣能文詞父兄相與言命束裝負書以行
四方廟切感動約不有所就不復見故凡
困于有司則適從諸公貴人職戕記劇談
論翺游以自逞其橫厲捷獲者讀太公孫
吳書橐鞬轅門建功業萬里樂生重遷卒
無所思其故土然視閩俗為家少意弊成
于過高安其所常義不能以自勝恬不知
改積數十年來蔑有以議亦固矣當咸淳
間周子敬以治經游錢塘聲至士避未幾
而科舉絕來四明授業于嘗所知己南望
數十驛每悒悒不自置罄囊橐以歸拜其

家君焉得奉終于其家夫情合於中情至而不從者非罪也縱情而不返極其所從於理乎何有始於榮其親終於私其身漠然而不接茲惑滋甚視子敬之道得以愧矣子敬將終老于吾鄉棄其田廬畀于季弟以奉先人之祀今年夏季弟疾亟貧不能以行天台趙叔度官于溫載與俱歸審其心於季弟友且怡也摘與之交窳深慕其靜安絕毫髮偽妄蒼然長身風雨一室無子弟欣助而清韻雅語舉觴晏如與之違寧無介然者乎今歸于家其耄者必曰當終樂於我此土也幼者則曰先生老于行悉于事某聞某戒顛執簡以受去魯之意吾未知所決也化民成俗之道必自上始因俗以徵其謬子敬其何遜敢俟而質諸

送劉習卿序

今之為守令者據文法以具事事弊而法具雖更百吏焉無易也事當而文不具一撓詰之齟舌無所對歲部使者入境吏曹

取舊牘相考訂附益完善至名押題署恣所補不復問使者坐所治決事搜摭十不得一二然皆毫末靡細於政體不相涉故稱能吏者或以苛察議噫徒法不足以致理任情而失實故先王為法以禁其過久而繁滋則審於治者簡而易之使不病焉斯可矣大德丁未浙東西以饑告殍移日屬于道官會其數于鄉將賑活之其不實者究焉鄉登名于縣縣審而始聞于郡郡以事至重闔郡索以議其一以故不預則旬月以俟迺得達部使者部發使於鄉復詢察而周詳始定其議如今夫幸民之饑乘而弊焉者群下之過也因其弊而持久之則民之死者日益甚法顧安得以救有司者之意夫豈不知是拘於文狃於故相安而不改其勢然也今年夏中書掾汴劉習卿御史府舉為浙右肅政從事習卿精敏簡廉與余議古今事嘗欲以無法為法其施張而品節之者必中理道至於條據辨析灼與繩墨脗合向宦江南洒然無俗

吏意據鞍賦詩危坐終日一語不及律令
今從事職掌蹄總所部為至重故余舉今
之所急者以告俾毋汨於常而變通焉彼
瑣瑣守文者又烏足與語是

送祝道士南歸序

世祖皇帝取江南首 詔召龍虎山嗣漢
天師掌其教或曰其父觀妙公嘗推天人
之要教繇是尊元貞制書嘗言之 今上
即位歲以 天壽節命使者祝香于茲山
延祐四年天寇山道士祝君為祠官將行
求予言以餞噫盛衰消長相尋為無窮禎
祥之說儒者之所不道守經執中則必一
其說以立教然而窮居巖穴之士精思據
會其為書也幽明簡深由變察來使之默
焉以知畏將以定夫天下之象夫豈荒忽
以眩於衆理有所不能逃焉者若是矣老
子之學法於簡易陰陽闔闢必本於其身
因身以及物故凡水旱疾癘必責其徒其
徒則曰吾無為也何取是若是則其教之
廢也久矣昔先正肅公守饒觀妙公始十

四五以禳祭上章入靜室正肅公嘗與之
論天運環合之道觀妙公愀然有言曰公
老不復見當在四十年以後于時族祖永
州親聆其說亟言之龍虎由觀妙以興祝
君多藝能沉靜篤志其歸山中正辭永命
予不能以告敢誦所聞願有以推究則世
人之所深望將不憚煩豈若彼大言者飽
食自嬉以無聞於後姑勉乎哉

贈宣城注澤民登第歸里序

今世論道理詞章為二塗師道德之說者
毫分縷析派其近似而刪黜之其言博以
約據會統宗謂一足以總萬也然懼其辭
工而勝理則必直致近譬山林頽放諺俗
之語皆於是乎取甚者金石著述勤其說
而師倣之莫得有議焉者矣昔者夫子言
行見記於門弟子簡絮精粹嘗並於五經
初非有意於辭也謂不若是不足以有傳
也性與天道不可得聞私獨怪近世學者
參錯輩出過子貢十百倍將惟其所尚而
然邪抑群聖之道存於書涵泳濡濟不期

然而能者歟科舉廢已久 今天子崇闡
文治損益條制以興其賢能以表之士連
輜結袂于然以來然而沿襲之弊相尋於
無窮愛憎之說若不相似宣城汪君叔志
首上于春官報罷以歸則曰吾學未至焉
耳揅幽闡微遂益治其業戊午歲復來
京師擢乙科授同知平江州以歸則又曰
仕優而益學斯可矣將行求余贈言以歸
余固感夫二者之不相同也綴言以續文
將以明理也理不自得剽襲以求之文益
弊而理日益遠將焉以為準興之以化成
天下實自有司始操繩墨審程度有司盡
之矣合八音以成律呂師曠猶難之意有
司之任其果能有同乎維昔端明公誥命
擅天下制作具備集衆美之效也慶流雲
仍叔志之踵傳科于今十世矣志專而氣
昌異於凡近其異也必能以復古家世趾
嫩莫叔志若也故余以昔之有疑者告之
而因以勉焉夏四月越東桐序

送吳成季歸省序

噫吾徒來 京師視成季有三愧焉居
京師者不宜以塊處蓬蓬然結鞅整袂惜
日以進其不能是者目以為固野成季則
不然閉門展書視日蚤莫冰渟而川止也
達公貴人語未脫口納柔奉佞千巧百詭
成季獨正色指畫朗言某事未當至論天
下休養大計龜灼繩直聽者喑舌方疾趨
以行不勝其愧成季幼為方外士常所置
論必曰吾父母皆耆年矣惕焉不得以朝
夕養而吾徒將捐棄尊愛荒塵敗屋啜蔬
飯糲業官以為生如無所容歸若是者愧
之大者也今年春承 詔如南得省其親
樂不能以已而懷愧者亦爭道而交贊天
人之情於道不遠極其所驚而卒莫之救
化之者不足以導歟將人事之未思不復
以致此歟唐之陽城語若鄙近薰然而歸
養者凡數十人何則機使之然也儒於道
窮高力不勝其弊則成季之出處吾當疾
馳馬從而慕之整轅於四達之衢斯得矣
又何愧焉因其行序以侈之

送達無善祠祭山川序

古之為使者亦難矣哉存撫省聘諭言語
協辭令必盡其誼嫚有致辱之道焉愠則
媮簡則侮約而有常敬以成禮斯其為使
者之事矣然此特平世而言之也飛矢旁
午國聽於三寸之舌探機以析明輕重揣
情偽定議於瞬息使不亦重乎哉奉天子
命持節萬里外懾之而莫屈而因事專輒
宣威布德函首入覲非夫勇智超絕不足
至此歷千百年數人而已矣吾嘗觀夫列
國諸臣禮以定儀言以叙志結袷執玉若
合符節而其諷諭陳白足以截其驕恭蔑
有敗事非強辭以言是其夙昔之所素備
夫子之言曰專對不能其警夫四方之使
與

皇元一海宇偏陬遠島縮侏賓館無事
於使者而歲以祠祭使望於山川分道四
出其為使也若甚易至治三年集賢修撰
達君無善以使由恒山濟源東南上于會
稽吾於無善有言焉恒山古真定地也二

河交流濁漳貫其旁郡縣築防歲不得息
或言有運河在焉民居墊蕩宜詢其俗而
條紀之濟源在懷州懷河南地相接昔之
括地興賦民不勝其害河流靡常空灘遺
磧墾殖以自肥者其誰與會稽杭相襟帶
粟帛絲布丹漆綺繡之作倍於他郡奇袤
夸誕故都之習不能以革獨會稽山水秀
朗民朴安業往承大饑荒墾彌望猶不能
盡耕昔有逸民戴安道賀知章其故家曰
王謝能有若斯人者宜表而出之悉疏歸
以俟 明天子之清問則得之矣因其行
故序以告之

送曾巽堂南歸序

景定中樞密東陽馬公帥臨安先子職酒
正入幕府于時廬陵御史曾公相後先佩
鳴纓剽剖吏牘若破竹俱欲以功業自致
運數合一兩家子弟東西數千里過庭入
塾志同業同而僕適先為史院屬會御史
仲子于 京師年富志銳屢策馬以傲不
能止也皇慶承徵入翰林復會季子焉氣

清貌謙不為汲汲計嘗曰仕以傳世岌然以取誚誠不敢平進以求而猶曰未宜吾有不甘焉今為應奉文字論者始斂口蓋其為文敏而新其待人周以和夫孰曰不宜春三月謁告盡室以歸求言以處梅曰今居顯榮清密者凜凜不自置名至矣文不能以稱文不能以稱造物之所不卑於是乎有覆絕之憂焉燁然以興萎然隨之是則得者失之兆君何憾焉梅官翰林踰二十年老不戒止念之至者滋以懼將歸故山究五經之蘊為書以靳速文詞之任老不能以進炳燭之勤願相與勉焉泰定元年三月四明袁梅序

贈崔兵部序

高句麗崔君耐卿往督征稅於京城不私其餘以進于官既又懼為後來者之莫繼也則慊然曰吾豈為奉上之罪人哉復疏以告于上曰事適然願勿以為程數噫崔君仁矣哉今世善言利者皆括虛籍峻鞭朴以求媚嘗認認以告吾所居官能贏

餘以自效當升夫資秩相率以效股削日廣而其徒爭不肯自置其猥闇者則攘臂以取不顧利害其弊有不可勝言者今崔君兩得之不希于公不病于民絮矩之道至而做夫在位者皆得以同是道也崔君往為內史府官見天子于王邸大器異之今即位首拜兵部員外郎兵曹之事多於昔飛符調發水陸之需頃刻在立辨寬則事不能以濟稍苛急民之病有甚於專征之弊崔君推昔日之心明以核之仁以恕之政績之著有踰於昔將步武日躋廣經濟之志不愆於素守梅也願拭目以觀因志其美以俟焉泰定元年三月癸卯四明袁梅序

送王叔能守會稽序

梅與北京王叔能交幾二十年其贊行省於江浙也盡心而不苛合上下之情婉而加且詳焉弗亟以邀美弗固以逞志執政宜之寮案服之至治元年丞相慎選左司之熟於政體者叔能在選為都事

贈孟久夫南臺掾序

英宗皇帝更庶政除前相所行不便事下詔天下命御史臺樞密翰林集賢集議梅時得預末席叔能首言江南兩稅已定復增費區銀賦賈無常居賦重即遁逃今徵額籍具使無餘輸將併於主户主户既主徭役是徭役之外別有銀賦將不勝其害群公以為然 新詔既下取首建議為多古之善言利者莫先於劉晏晏所行不至急刻而晏迄不善後是興利為害身本也躁於求進卒之自唐以來如晏者皆無以自保吁可不懼哉叔能世居燕北而樂於江南於江南厭其囂煩而樂於山水屢丐補於外宰輔察其志 秦守會稽會稽王謝之所居泉石清美有不可勝道逸少安石經世素蘊託丘壑以自負蓋深取而有擬也昔之陳迹按行而搜撫之舉觴以酌其訪於民俗也不察其毛疵事至而應無欲以自化將見獄空訟息少者避於道老者游於衢擊壤以歌沐太平之治郡守之賢必以王公為第一矣因其行序以祝之

世嘗病夫儒與吏其道不同卒莫有一其說者為吏者曰法定於後王微忽不可以相混也徵調出入官簿淺深不可以踰越也童而師之猶不能以盡今儒者之說急於所緩高而迂滯而踈卒一遇焉吾深知其莫能成事矣儒者則曰法有不忍人之意焉審官別人制用有常沾沾然迎好以刻意非為治之本也然而為儒者莫有以見於用間嘗用之其肯繁節脉融貫昭哲之理疑有所滯而益得以藉口吁是誠難矣 今天子崇尚儒術立進士科昔之舉後才者咸試吏以盡其材智憲府舉按守令閭閻纖粟令式高下日接千耳目果勤而敏修善視鑑焉賧其妍醜無有逃遁於是儒吏之一倣自今始吏部從事孟君久夫以茂才舉者也兩屬于司憲復辟御史府矜抑自將盡其庶隅入吏部朝夕謹書事人莫有識其面遇事守令甲不踰越旁暢曲就藹然猶守儒素吾知足以有用於

世矣未幾江南御史臺復辟為掾將行束
梏告之曰御史臺職諸道黜陟歲終會事
以廉直舉者不能得一二人黜者何多陟
者恒寡激獎之道豈上有所未備邪守法
而不變視其成績惻然以求仁善人
心非隳法以為直也州縣賢否孟君嘗知
之矣執中以權使無偏焉亦儒者之說也
故重之以言

崔君都事餞行詩序

今之言贊畫者以撫拾為能群吏抱成牘
入幕府一不可意輒曠日相持不決由是
揣摩迎合弊有不勝言者矣昔人之善吏
治事決於頃刻理定於造次安于其自然
人莫能有以為非者心出乎公也海右帥
府事踰窳簡其治於民者七郡之守令係
焉寓於軍旅總戎夫長之職任焉今而曰
某事所行吾將諭之以從我又曰吾不能
坐視其利病更謁送請繇是有撓政侵官
之譏雖不面議退而悉數其長短者皆是
也夫其職在於奉行先之以更張上所增

疑而下益得以議是殆昧於守官之道矣
大名崔君義甫之為都事也未明攬衣坐
署執筆無滯礙其不便者白於長官從大
府以行一介之卒不入於所隸敦厚侃侃
守正以自律其給之者謝不與較養恬藏
智閭巷之人不知崔君之贊帥府三歲解
去而其不知者始曰詎不知崔君無囑託
於州縣吾是以不知今而曰知殆惜其去
而願後來者之與崔君同也噫功利增羨
人所願學每率得奇禍而猶接踵不悟視
崔君所為其果有悔乎郡之文士相率為
歌詩以餞梅遂為之序

贈陳太初序

戰國之士以雄辯長說游諸侯立致卿相
故其高自譽道無所顧藉雖困躓有不肯
悔揣摩相師遺言成編今七十二子之書
皆足以為游之具也漢世尊尚黃老游士
屏息武帝開絕域於萬里外游者復至盡
其足之所歷圖寫險阨立功效能以其荒
怪異物輸于地圖而口舌之學悉廢與戰

國之游有異矣南北分裂游不越其國游之效不能以著唐立科舉各挾策自奮窮山水之勝履危陟幽則皆其羈窮不遇之所為見於詠歌蓋不以為利達富貴也若是則游之道幾廢矣宋承唐舊巖居逸士見於聘徵游者益耻至於季年下第不偶者輒為篇章以謁藩府京淮閩廣旁午道路數十年不歸子弟不識其面目囊金輦粟求筦庫之職以自活視前之游憂憂然難相並矣

世祖皇帝大一海宇招徠四方俾盡計畫以自效雖誕謬無所罪游復廣於昔弊裘破履袖其囊封卒空言無當以其無所罪也合類以進省署禁闥駢肩攀緣卒無所成就余嘗入禮部預考其長短十不得一將遇其游以喻之游者訖不悟

朝廷固未嘗拔一人以勸使果拔一人將傾南北之士老於游而不止也今游之窳夥者莫如江西其拙游者惟浙東浙之東天台以能游稱四明之士不著於游錄餘

五郡間一見之括蒼陳太初壯歲能詞章得濟勝之理西適錢塘復來四明以其藝游公卿多深獎之業儒以為本復挾能以自張其寧有不遇者故余歷言游者之幸不幸太初之游夫豈若是然哉生之高祖容州府君與先樞密越公同為淳熙進士於其行得盡其言且命二子為歌詩以

餞

送俞教授回里序

吾郡教官繇至元丙子以來見於題名者三慮數十人皆得而接識之其通於綜核者善移易故籍結熟郡守鉅士口不得發歲時表章經說疑義卒假耆舊以陰助誦聲察察講授不立不復以師道自任繇是諸生之三賴者挾短長以剽竊廩稍而貴駿之子弟恃其可侮益得以恣睢有終歲不入于學宮極於弊壞而勸學之詔屢下為虛文矣始余以為吾郡惟然後官京師見教官選于吏部凡數百人罷老不勝任十居其六若吾郡之弊十有三其俊

秀博習則皆為館閣掄選各得以自見而所謂若人者十僅居其一焉噫考昔時得人必在教官今不如昔或者謂入仕之門必慎其始故今之為教官不三考已致其事尚何能冀其惠淑之益哉合吾郡之教官得一人焉曰天台吳君宗彥吳以牋記游公卿其文辭亦闢絡合時用去三十餘年復得一人焉曰永嘉俞君希魯用中父其屬筆纏麗若錦機然五采彰而文密也其行溫然其容粹然聽其言若飲醇酎而愈恭也論理而不泛取友而不雜余交於俞君不一年而知其所為若是惜吾郡之後進習於故常不能以請業於其行序以餞之為歌詩凡若干併見于後

送陳山長序

郡博士而下其尊且尊者莫若書院數十年來朱文公之說行祠宇徧東南各以四書為標準毫杪擿扶於其所不必疑者而疑之口誦心臆核提之童皆大言以欺世故其用功少而取效近禮樂刑政之本興

衰治亂之迹茫不能以知纍纍冠綬礙於銓部老死下僚卒莫能以自見良有以也蘭亭有書院自東平王侯始右軍之學非止於一藝也經綸憂世寧不仕焉以見其志審勢陳害瞭然指掌非善於謀國者不能也語必堯舜高自譽道卒至變易紛擾而莫可救視右軍之行事誠何如哉參政清敏陳公之曾孫鑑翁為長于蘭亭求余以言家世之正學不能以告憫夫世之通弊知長于彼者考右軍之傳倣其所言陳白于太守太守王侯通達國體求儒以自近君有言其寧有不遭乎

送蔡府尹歸里序

郡守之任亦重矣視其精神為之折衝鈎抉一不加意吏挾以侮民逞以姦故其食息嘗內省外顧非智與力兩全者不能也朝廷察為仕者之有病於吾民也於是著致事令而其罷軟昏眊不待年而具者朝廷亦不能以限之也余官京師見有請于廟堂自陳其剛強矍鑠雖不之許察其意

猶有缺望意着惡是非人皆有之若是果何如哉濟寧蔡侯茂先之守於四明也屢引年以請于上考其年猶未至也既而曰吾宜休而不得謝可若何遂移疾家居踰三月始告于其同官及嘗所往來曰吾具舟江許將行矣於是咸驚且誦曰蔡侯之來民實不知載其奇哀返于雍熙不苛不黷歲則大熟侯復于所再命作牧自余歸里中數聆其議論明而通相時以行無矯激之過焉保其身若是人孰得以議審侯之進退將以為不知止之勸聞于

天朝其寧使夫終老於里閭則其去也蓋抑將以有進也文學之士是宜為歌詩以餞遂首為辭泰定二年九月丙寅郡人前史官棗楠序

送閔思齊調閩府序

閩郡縣蕃產饒給仕於彼者咸曰可善更蓋其疆理與京師相遠浙為要衝貢賦考工之役使者督責正虛月而閩獨以締繡為勞視若重任較二浙為十一耳閩浙

二帥府府史更迭受任然終以閩地烟瘴蒙犯少優其歲月隴西閔君思齊繇浙東更於閩則曰不然九州分設唐虞之制也今

皇元以仁武函諸夏卉裳重譯罔不臣服幅貞倍古限南北取士非上意也立賢無方是則

世祖之明訓而凡吾徒之居於南者稍得致通顯輒言財用擬奇禍或言刑法致深父根株排連牢不可破守正脩己悉不復自達矣楠曰珠玉蘊于山淵採擇者必之夫絕域是寧有遠邇耶

世祖皇帝遣使徵聘必先夫江南歲月既遠聞者益荒見者益狹彼區區售技自獻者實不與昔時並思齊敏不自夸百受而不撓精於琴知急焉不足以知操縵將緩以求深懼其為孱緩也考其中聲按抑止泊澹兮若無營激兮若有感是則於政事文學法理於此盡矣茂有加矣楠老矣遲君之還猶能鼓南風之弦歌明月之篇其

果有合乎泰定三年秋七月清容居士來
楠序

送薛景詢教授常熟序

泰定元年吾里進士上南宮曰薛君景詢
程君時叔史君車父三人者皆故宦家所
居皆在城東志同道同聲聞同意其歷階
以陞比肩而袂接也未幾獨景詢下第于
時余編試 殿廬景詢不以咎而余獨恨
景詢之不果遭也

天子新即位推龍飛恩授常熟教授以歸
將之官求言以導其行抑嘗考隋唐選舉
之法不久即弊今夫所謂經疑者以知行
體用而鈐約之不中不遠經說萃于一家
按其形模而脫整焉不敢以自異也有司
守固陋而程式之千士一律欲求其總核
同異會衆美以合乎至論不可得矣賦貴
於鋪揚因雕蟲之譏而以理致為長屈宋
兩漢之作誠不若是之易也至於考晁董
之對則方諸近作有不待辨而明者自設
科取士楠未嘗不預議焉嚴以取之則近

於隘俛以售之則鄰於率心惡焉以不釋
薛君較藝於 京師誠知其有幸不幸操
車於四達之衢險阻曲直惟御是審則淑
於是州者必有其道吾將見褻然秀出者
推是州為首是則薛君之教也

清容居士集卷第二十三

清容居士集卷第二十四

序

李慶長御史餞行序

昔之公卿貴人居處要地言語出口足為世重輕也故希進之士聯袂接屨望塵伺色日若有所不足者其勢然也登用更迭一旦謝去則引結儔類議其短長甚者旁及其子弟姻黨得者未報其不得者常忿誹若是則毀譽之說固不足以為誠然矣大德癸卯柄以太史屬事承旨閻先生於翰林先生色莊慎許可待院屬必面質其長質之而猶以為疑也卒詢於嘗往還以考其詞學焉柄入院五日先生召堂上曰子能為制誥乎柄謝不敏頃之出片紙令試制草即具藁以進閱一月將登車輒命撰廟學詔如漢詔令體冬十月大會院屬令擬進五朝寶錄表柄得預擬焉先生始察而獎之即署為應奉文字間以事詣門下甥婿却立奉唯諾不敢仰視庭肅然也夫爭名者群進速化之道莫易於自獻為

之上者審焉而彌詳則其怨謗也實多矣而議定必視其取士當不當固可考也先生壻隴西李慶長館于公有年矣朝舉優老之制為高唐州同知以便侍養先生下世議者之口始曰先生已矣繼之者其果有能近之者歟慶長之仕不急於進方壻田樹桑以裕其衣食翰林退先生之德舉以為佐未幾臺徵為西臺御史柄始曰先生去國與歿幾一紀翰林追思其壻焉誠不亡矣臺紉天下士之清濁銖考而始用之慶長之平昔可見矣始為得人賀而終以見夫先生之行事焉則柄也亦竊有榮也已矣歌詩以光其行者皆朝紳柄以舊好不讓而為之序

平章政事王公歸省魯公餞行詩

序

延祐六年平章政事王公居中書三年矣每奏事輒請于

上曰臣疲懦不稱臣父年過八袞

陛下赦其愚俾遂終養臣不任大願請諭

四五不允後有 詔曰宜官其子本郡以侍祖父公卒謝不敢冬十月

皇太子受玉冊詔示中外始以其子某傳詔歸東平因省魯公馬魯公往歲嘗對詔使具奏曰臣齒髮未脫落願以弱息盡力事 陛下公之雍容廟堂魯公之志也

然公歲數請不置十有二月卒未始出

允旨公拜手稽首望 闕謝翌日蓐食策

馬遂行公卿大夫設祖席門外至則無及

矣廼遣使者傳 旨以內醞精幣錫魯公

猗歟盛哉梅嘗聞之君臣際會終始之道

難矣昔之大臣一斥而不復者往往見於

傳記今公之在位也精白自持卑讓若不

足超然遠去詎捨國以自全也粵若稽古

明王求忠臣於孝子之門吾知公之在家

也閭里往還益知夫守令之賢否其不便

於民者熟詢而究論之四方之使乘傳入

驛將脩容門下水旱盜賊之原財穀徵役

之害虛心以求筆于簡牘歲時附奏益以

彰畎畝不忘之忠而魯公方精彊遨嬉充

然孺子之色或徹于 上聽出處之道是皆不能以豫計也維今

聖天子孝治隆古昔一時廷臣生榮其親

不一二數鋪揚詠歌詞林之職也遂各為

歌詩庸敢不讓而首序焉

瑞芝亭賦詠序

昔之聖人建中和之本畜四靈以為應焉

麟鳳則其儀龜龍效其文脩火之利以制

五穀養其太初壹情性以齊形色四方不

同而養生送死莫敢有異焉者教使之然

也中古而降道德不能以一而昔之所睹

悉以為異表章鋪模圖記所載不常有於

動植遂名之曰瑞馬繇是眩幽抉奇之士

棄所服食吸空制景烹冶飛伏卒枯槁無

所成就甚者則曰吾治法有未盡吁可哀

也矣延祐五年中和夏真人明適承

詔祝祠上清宮精一不懈竣事態館于崇

真院松竹交列觀廡墳壤擢莖而光玉質

鏗章瑩然以敷成曰是芝也誠為瑞稽圖

徵史復曰無以異遂積竹為亭以落之廼

曰繫吾道祖之應焉耳矣鏗舂容櫛藻
獻秀筆爭綴而簡爭續也余讀而歎曰頌
聲之變基於魯登高能賦始之以洋溢終
之以託寓其理然也神農書定芝為上品
神僊家服之云可得上壽蜿蜒清淑之氣
嘗閱而不發地非愛其寶待其人而始彰
也維今開府大宗師張公際休明之運陟
降 帝所樂五十年子孫繼承罔敢暇豫
是芝之瑞吾見耆期稱道益莊而愈完表
于山中夫豈榮觀之美挹其粹和道充氣
腴異日駕青牛之車歸返故山撫芝一笑
則其為瑞也畢矣願叙以為徵

壽樂堂詩序

延祐乙卯季夏桐乘驛留杭間則與友人
泛舟一游葛嶺諸山穿幽入窮嘉木叢柳
鬱然上下而相望也遂遵其蹊以升其坡
陔有堂歸址粗完而不華冊其顏曰壽樂
群峰蜿蜒水光相屬前挹左舞顧登其堂
而異之客曰此容齋李公習靜之所非所
謂臺榭苑囿之觀也且昔之翬翼而侈者

於公乎何取世有專鍾鼎之貴其得意盛
時未嘗不寓興於山林泉石之清美疲精
竭資仿象其舊游卒不知其所造今斯堂
也不專乎構築不勞乎藝植心領於物外
其得乎湖山者是幾有道之士也于時李
公領元帥之符于海右桐復以間歸里因
得贊茲堂之勝公笑且言曰土木之夸吾
深鄙之洛陽名園多矣擅名專美於後世
今何人哉夫動靜交養迺成其性錢唐諸
山水渟泄起伏大者為盛衰小者為榮辱
有得乎是則視茲堂之樸簡其旨深矣至
人之心如珠在淵樂之至者終身而不厭
取諸在外非有損於內也願與爾邦之士
率為歌詩而子序之退不得讓遂以昔之
聞見者次而為之序

送彭道士侍親詩序

范父正公守番更定學宮咸言嗣是番為
衣冠聚未幾彭尚書舉進士第一正直朝
著為吳楚間領袖其弟忠毅公不幸城守
身死二忠易名見於宋史作史者深有感

焉嘉定初 先正獻公越公俱在著作庭
深言朱墨史避忌而宣政實錄為魯諱時
宰厓之後六十餘年

皇元大一統宋故家子孫變滅漸盡獨忠
毅公裔孫南陽作而曰吾宜游於方外矣
其道祖位秩視三公於視聽也尊且榮起
處也不佞假以自貶嗣師吳公方藻思瑰
識將樂其同而進之況於親者乎未踰年
則曰詎宜久 京師居母氏春秋高歸以
奉則庶幾幸不墜矣將行且丐叙其情楠
於是深有愧焉忠孝秉彛皇極之訓中古
肇分重華是著更秦暴強而死節謹書踰
千百年迄不能一二數獨於彭氏見之歌
詩者寧得以辭也

送文子方使安南序

安南繇秦漢以來內郡縣

世祖神武皇帝取宋荆揚益三州之全土
大一統東踞高句麗西度流沙金山王業
之基不知紀極坐朝按圖指銖黍地曰茲
南交州乎得不為武寧能以中國民甘心

而係頸之遂俾成要荒之禮以歸蠻夷多
疑其子常稱病不至禮謹會同尤嚴於錫
命故其自署表曰世子臣某其所以容受
而畏懼者實在是

新天子即位更元曰至治遣使 詔諭故
事必遣近臣為之又擇能文辭通達

國體者以貳之於是僉曰翰林修撰文君
子方有使才實可任迺名上子

天子而許之遂增秩為禮部郎中以行將
行其友棗楠曰往使者鄱陽李侍郎思衍

鄱丘李侍郎衍天台陳郎中孚河間李侍
郎京皆得與交交人言鄱陽清介質直不

絕口聞其俗善儉巧館餼供帳故不如法
俟詰讓始成禮入其境也必迂途清野或

謝以病緩歲月始迎春氣萌達黃霧苦雨
然後拜使者而送焉其粗詐率類此而不

知者常逞夸肆豪以受多言之羞昔讀左
氏傳見列國諸臣取詩斷章以成好焉簡

而明易而且和信由於衷而禮以辯之也
故夫子之言曰雖多亦奚以為列國之臣

得之矣況於朝廷乎又嘗聞李公言使者入境詰其館人一草木名字之微必聞於世子翌日涉筆始具對璧陝遠人設施周密若是無它馬懼削其土也交州之土產道里見地記而昔之入貢者又皆淺薄不足取於其不知者寧缺如也子方以余言為然乎若夫周折之宜守經以揚文德則必曰

天子仁聖明達萬里外子方優言之是則余無以告矣

送程士安官南康序

朝廷清望官曰翰林曰國子監職誥令授經籍必遴選焉始命獨東平之士什居六七或曰洙泗先聖之遺澤也誠宜然又曰其浸汪洋溇伏昔東諸侯闡興文儒飛矢交集弦歌之聲不輟於黌序有自來矣桐向為翰林屬所與交多東平他郡僅二三焉若南士則猶夫稊米矣士樂得所依連彙以進各以其所向上有以挽之下有以承之勢使之然也程君士安則不然程君

魯士也獨游夫江之南幾四十年詢其先友則皆在上位者不獲於上豈程君之藝有未至焉者與嘗得其詩詞讀之視其同郡之仕於朝者亦殆相侔其大過人者誠顯矣而視與程君同者則誠枉而不達者焉少仕於南御史臺後為吾里元帥府掾強貴者蟻之卒得白而程君亦年以浸老今年調南康理曹以還嗟夫類聚以方士患不得之既得之則不宜以遺佚隨聲媚容置之良是矣才馬而不遇則在上者寧得以蹕其責焉曰其行叙以慰之夫子曰不怨天不尤人則亦曰有命焉耳矣咸為詩章凡若干首

送陳景仁調官雲南序

至治元年中書省選集賢都事陳君景仁調雲南官簿將行謂棗梅曰吾與子交久子寧無一言以贈乎於是言曰在昔世祖皇帝寧一海宇幅員廣廣凡為仕者力不能以自達于京師故歲必遣朝廷望官即其地如選部注授焉省之遠

者曰湖廣曰江西福建曰雲南其竄遠莫如雲南故自三品而下皆得除擬奏而後出命視他省為竄重其受任使者非清慎明正不足以當之維

世祖繇壬子入吐蕃破蒙段二姓宋金所不能臣至是踰三百年始定神武偉著時則有若賽公稱合上意羈縻而綏撫者厥有攸治夫以蠻獠之俗俾安其素習誠不在於煩促苛削也因其民風而俾之為官者長子孫不越於其境則安而簡易矣邊隙之生所從來久出於長民之貪黷殿竄莫巖於考課循歲月以善解視其成績則調是官者雖離婁之明將何以辨之哉庶今御史循行郡縣察採是不而坐驛頃刻促具食上馬懼夫事之填委將終歲不能以盡也今之為遷調者居于是邦雍容詠歌得覽其山川詢其阨塞仕焉而已者入問以問之其隱而在下者詳延以博詢之則仕於彼之士吾將瞭焉骨髓而示諸掌矣不然拾級循叙朱墨之職一介吏足以

辦何假於陳君乎陳君清不近名慎而有守明足以養其厚正無失於過舉若是則足當其選矣余將奚言焉是宜率為歌詩以迓其歸

送李漑之致祠山川序

病矣夫幅負嘗不能以合也五方之俗惟不能以合故地氣各乖於一偏昔之赫然以統率之者嚴於方嶽望瀆海之為帝所由來久矣必皆致祀焉夫山澤通氣騰降蟠際卒之以立民食豈以它故哉在昔感時惟漢唐近古能偏至而遵行之然而巫祝之祕或鄰於方士其餘偏方分裂帝躅尊輿車輪馬跡南北不相踵接僞立望祭神弗顧格責之以一風俗成時雍者亦難矣

世祖皇帝以仁武英靈成大一統考先代祀典曰茲職方氏登載實萬姓重事遂歲遣從臣捧香幣各分道四出郡縣祗恪候驛謹絮視他使者為有加粵昔唐虞黜陟成於四岳昔之善使者不專於所命水旱

疾病承制以便利之今守職如守法非儒者不足以語而生事者不保惜復將有以病馬抑難矣至治二年集賢都事李君灑之承 詔首北嶽遵濟源轉北海終會稽馬以登其於行也將見夫挈瓢囊以就食者馬又將見夫餐餼之不給於適館者馬踰於大江東南之民外侈內枵罷於不作不役而歌臺暖榭心目飛蕩以貽無窮之害若是者不能以悉言矣溉之明園體所歷彫瘼顛悉疏以白于執政若夫悲愉駭慕深林危徑矣於言辭而使夫人傳誦者於其歸也桷雖還里尚能叙而廣之

郭子昭淮東廉司經歷餞行詩序

淮南地廣袤昔蒲用武故其勁悍伉率遇事嫌曲輒私剖決以直不復上官府水有菱芡魚蟹之富平陸則免鹿馳逐飛鳧鳴鴈蔭翳陂澤網獵足食不丐假於外事簡而易治夫以易治而強治則變易不安曹相之治天下豈不用其心哉則亦曰煩擾非所先也余嘗過淮南道繇肅政府日未

午官吏上馬去故視他道為最優汝寧郭子昭今為其幕長馬子昭之吏事不拘文以求苛者也若驪渠於川順其自然激射穿齧不能以逆水之性學優而辭工將考其山川詢其廢興抉搜幽奇悉出於翰墨廣陵有儒丈人曰王今達原文甚古臨川王荆公敬企之願求其書以廣方今四海又平將化其斷斷褒衣長襜使與計吏偕是則子昭之教在所急也為歌詩者俾余首為叙

王正臣浙東廉司經歷餞行詩序

朝廷置廉訪司總司曰監司曰使其屬有三每歲循行不與止受其成牘議輕重職簡且尊視聽黜陟專於一郡而所部他郡不復考故其毀譽常若不及或者病馬權莫重於循行今之言者曰歲五六月錄囚秋七八月出司明年春還司所歷有程限疲精於其所則足跡不能盡於是有料簡之法焉民懷其寬卒無以自白相率以告於總治疑矜其情而許之矣議者則曰是

在於行部侵越則事繁事繁則察察不相
協安於平素守官以自全者為善計矣夫
行部之寄為最重泛常以治之民不勝其
病告于其上卒拒之以辭使一振舉之則
歲之分治將悉心以究是它郡之事悉總
於我謂專於一郡者非知言者也聊城王
正臣以內臺掾出為浙東幕幕長通達治體
守儒善斷今監司馬公嘗鎮江西諸郡皆
嚴憚之是能知總制之道輔之以正臣事
可立具浙東民俗簡易春溫冬嚴相濟以
須吾知其足以振采於一道於其行序以
告之且率能歌詩者以餞焉

送朱君美序

許文正公定學制悉取資朱文公至

仁宗皇帝集群儒定貢舉法五經皆本建
安書蔡氏為文公門人而春秋傳則正字
胡公之後父文定公師友授受宗于一門
會于一郡至若訓蒙士正史統度積筆錄
悉師于文公何其盛也夷考地圖閩粵繇
秦漢始通今九州之地非不廣而道德師

表不敢有異於文公者繇文正公獨建大
議而

聖天子有以成之也今之為議者則曰南
士淺薄不足取又曰其文學論議與中原
大異夫行事必本於經考成均之法惟文
公是師而南士獨有皆何耶余嘗入議者
之室其服食器用由南以來者頗若恹所
好其無延賁物而賤士與識患於不弘黨
患於過偏自昔創業之君合一海寓必取
遐陬荒域之士以自近輔維昔

世祖皇帝能知之選取蓋可稽也文公五
世孫煒君美以

宸旨入國學議者亦若不滿然以其所受

學皆文公也視其子孫少假之今以書考
之法出仕將行求余以言念昔先正獻公
與文公俱以偽學坐禁錮政治更新善類
彙進文公書大行於東南今六合一家文
公之學行於天下矣士能通其學者其寧
有固執之弊擗官京師踰二十年見昔
時諸老津津於南士者甚衆考其異同其

亦南士之不如昔耶其亦異者之不如於
群公邪君美以世濟令德將見於蒞民經
術政事余不能以告故歷南北好惡而知
吾文公之道千萬世南北不能以易也

送陳道士歸龍席山序

往歲見福唐張君見獨于京師貌清氣
完語簡而意消察其退靜泊然無求者也
山中之人曰張君居室靚邃滋蘭藝松藏
善本書盈庋督教其弟子恂恂卑讓見之
者必知為其徒也至治元年嗣天師入
覲君死且十年侍劍印者曰陳某物初一
見之甚侶吾張君也問之則曰亦福唐人
也閩為儒林經典釋文陸公德明所校定
天下遵守莫敢異夫閩昔為荒陬言語不
合於中土六經表章旁及諸子繇唐世始
空而獨取於閩何邪九州之士未始以南
北限陸公書積六七百年而不廢則其疑
息而無可議者矣今則曰揚以南為蠻夷
吾不知其何所自也其亦有所激也歟余
將有言焉而未之能也嘗聞龍虎山尊崇

吾聖人書絃誦之聲接於兩廡往銘空山
雷君其於書若飢之於五穀朝暮不敢棄
故其門人樹立偉著推張君蓄書之心觀
陳子之甚侶知其刻厲寧能以中畫也邪
兩京雄富夫既身履而目受之豪勁厖錯
可夸可愕接於歌謠風氣之盛必將失言
沉深以鳴夫太平身安道充必不戚戚以
求外也老子嘗曰無為無不為園之本也
顏歸以究之異日詢咨以承專美於前者
將有繼矣勉乎戎事豫則備若然則其寧
有不能者邪凡我同志宜為詩以餞

送劉生歸鄉試序

漢五經各立博士唐兼以詞賦取士至宋
廢置不一然各精其能者始得為主司五
經難以兼而詞賦號為淺且難以淺且難
而兼五經孔鄭復生不能為也科舉廢既
久
先皇帝慨然崇文酌損為進士條制今將
十年巖居谷隱習其學者家傳而戶授其
蕪拙而宜黜者主司之任也余嘗預考進

士于禮部鄉貢而來者蓋疑之而不敢有汰也汰則德傷而體損繇江以南求試于外省多至八千餘人司繩墨者其無延失於銓考與抑亦以其耳目聞見之不接者而疑之與以昔賢之所難而兼之其於任也實重古學之不講于今有年矣卒然加士林之上冒焉以承不咎于己而曰試者之未至故取之常合其譟薄進于禮部禮部不得已足其數觀其所取者則咎禮部之未至禮部諉受其責吾知夫八千之士功深而學優者詎不大有遺者矣廣信劉生任時來 京師試入國學將叙次佐胄子講誦今歸省其母試于鄉生敏于文從余游焉厄人事不能以悉告嘗有年成父先生於群經有攷而為書者也於詞學父師之所授充然而炳鏘然而和東南西蜀蔑以有及也生負笈而問之若登泰山瞳乎有失矣使先生不以耄老辭則東南之士類于禮部者將拔穎以進生蓋亦有得矣勉之哉

仰高倡酬詩卷序

今年春房山高公彥敬歸休于舊隱夏五月延陵吳君成季首為歌詩以致其懷賢之思於是次于其後者凡十餘人矣獨清河張侯與成季復肆奇逞敏纒纒用韻不輟筆未脫手語未終舌而兩家使者各踵戶限故其飛籌急置如督餉道於劍閣棧道之險也角形擇利如薄虎象於菟狩之野也風恬而水湧欲挂席而爭進也弓良而矢直欲並發而連的也至於夸豪競富金張之靡崇愷之侈焉噫何其至多若是也古之言倡酬者曰元白其次莫若皮陸彼皆因其事物之偶然有合於風雲泉石之清適故麗者流於情羈者鄰於怨而今也因房山之賢有以其思復因其思以發其所養異夫逐物而忘己者多矣房山筆精墨潤澹然丘壑日見於游藝此詩之作其所以惓惓不忘者難與俗子語姑以見夫思賢之心在於寬閒自得之後不在於爵祿有列之時也詩成凡若干首云

送陳仲剛序

昔之職文墨議論者必擇其瑰逸俊磊以自近唯取其才焉才與德不相並或者譏之謂德不勝不足以為君子也今有番禺陳仲剛焉其言恂恂其度謹且循於事也不欲察其是否見一善焉不知其為矯且詐也翕而譽之人議之我且直之其不善也人議之則曰彼豈誠不善也將訓迪之俛有以悛之嗚呼是則人誰有議焉者矣黨同惡異以其類至鼎臠之遺酒食之失足以亡其國而廢其身可勝道哉吁是則有可憫者矣余向為史屬見南士焉執案牘者刻若法吏其滑稽跖弛不善避忌酒酣大言無所顧吾深憂之未幾而陳仲剛亦受其讒以去仲剛之失在不能以自斷彼之言者一無犯何慄也今

時清明孰敢少肆其毒不十年間今皆斷盡無在可歎也已可哀也已仲剛調湖廣將行于以悼其窮亦以激其有自立文辭之素能者不敢以告勉之哉

陳彥恂餞行詩後序

士之為吏病飭於內而驚於外者多矣飭乎內者無赫赫之功而亦不足以取仕鶩於外者自處善士之目率先得大官厚祿故仕而臨民雖百里之邑其勢亦足以動衆智亦足以防口凡所居官將解印綬必諷諭能為文章者書刻其政績方古循吏殆未愜意間有不肯操筆輒成脅罪誅閭里耆艾爭相效承長鯨巨軸聯衢表道先出郊餞祖語嘖嘖不自已迨其去官猶視彼黜陟為廢置而士不幸為師儒之官者則不能是蓋其秩最卑勢最下其行事不能以致衆方苟度歲月以冀脫去故來也無聞去也無迹而傳者之道愈缺然矣噫先王致治之效必本於學校之興廢而謂其道不致以致譽以自棄者則過矣且譽

果可以致而得哉余父友陳君以越博士歸于家三年將調官行邁越之鄉大夫以及博士弟子詠述遺愛致詞于家詩凡若干首同里之姻黨異郡之交友爭歎美贊誦詩亦凡若干首而天台胡公復叙昔日與人之意圭璋交輝金石迭響殊績細行拍掌畢具斯亦偉矣夫不求而自至者非媚也歲久而名益彰者非強也彼勞甚而無聞者非過也庸叙其言期以信于後敢繫于篇末云

送洽師歸吳序

四明學行於浙東西而南湖延慶寺實尊者闡繹之遺址陳忠肅公原觀想而為之記甲於東南至嘉定中史忠獻傾意營繕莊嚴妙密學子林立運逢壞空不四十年兩遭燬厄寺缺王者僉以為石泉洽公宜主是席至之日除榛削磔一以己任而四明罹旱疫之灾信者靡替施者莫能迺慨然曰吾故吳產也吳多信士凡頽垣廢址吾徒一詣其門輒金帛踵至高者蠹雲霄

樸者絢丹碧崇信生於心斥其餘財以貽浮屠氏非有所利益也嘗聞洽公化行吳中所至傾接蓋以能靜止息之道廣為辟釋夫安於給足而哀樂喜怒為其營役則聞洽公之說者孰不開朗故其欣然以輪肅然以接夫豈聲音笑貌之傾動差夫露臺百金十家之產而大雄氏以側布為未足化其吝心非大言不足以警若是則是行也見其稠載以歸不日以就罔俾忠獻專美於前而忠肅之學願竊有取焉

清容居士集卷第二十四

清容居士集卷第二十五

碑

獻州交河縣先聖廟碑

尊聖人而親之有為廟之道焉廟也者享之以寧其神者也氣行于太虛莫窮其神天地日月星辰久而不息者也聖人之道與天地並而其炳然立言品節備具則猶夫日月星辰也人生則有死渙而復之亦必有道著其思以立其誠焄蒿悽愴沒世而不忘故立廟之制親盡而桃桃而壇壇其愈速者情不得而推也自唐以來祖立先聖廟天下郡縣皆以上丁致祭升降迎享有侶夫宗廟而復琢範土木象其神明故其廟也有堂無廂重屋四阿具體而制簡禮緣人情敬生於其心其從來也久則今之為廟者不得而廢矣夫子嘗曰祭神如神在神無在無不在有其誠斯知神矣獻州交河縣舊有廟學廟狹庠不足展事皇慶元年王君某為縣主簿治事之隙日率胥徒入學以受講迺與其令長僚屬勸

士民出其贏財廣新孔子廟越明年十月告成維昔獻王纂輯古文補正六藝今州以是得名儒術之士宜為歌詩以侈厥美於是鄉大夫刑部員外郎葉蘇君俾志經始且請之以詩詩曰

兩河舒舒民迄奠居理政孰先學廡是圖禮殿弗度墉棟庠穿我寃我環築營燥堅嗟爾士子康色以喜出粟載車以相胥宇松柏覽石維鐵丹碧翼然崇崇聿完有恤王君之始民不知至暨來衅成其徒烝烝仰止獻德胙土啓國絕續闡微維聖是則聖有載籍德脩靡忒母辨以夸母質而阿洋洋在庭若聞厥聲視而新宮以淑以繩

獻州交河縣三皇廟碑

司馬氏作史記斷自五帝世之言三皇者著天地人之說而強名之孔安國序書以伏羲神農黃帝為三皇或者疑焉晉皇甫謐述帝王世紀謂八卦之畫切於人身水火升降得以有象百病之理得以有類神農黃帝設五穀藥石為生民本謚之論是

殆謂醫家者流而專言之也唐天寶禮官
定議尊古帝祀三皇適與謚合

皇元啓運詔天下郡縣立醫學曰奉三皇
以廟春秋謹祠之昔人有言曰庖犧神農
順民之性育之者也黃帝除民之害救之
者也乾坤之道合變以成民用之而不知
象而示之凡所以各得其正者也誠在中
矣宮居粒食順形色之正將以養而安之
忘其和乎慕其所之疾疾生焉博施濟衆
堯舜猶不能以全其功則夫三聖人者法
施於人而祀之誠宜也皇慶元年保定王
君來主交河縣簿三月朔日有事于三皇
敝垣蕪壇虛位望祀拜伏瞬息而禮以成
告顧瞻惕若謀於令長語于若屬曰象設
弗嚴其何以肅衆神道設教其會通之道
也迺即其攸廣而崇之削荒黜幽楹甍嚴
密資鳩於民役成於工相胥以勸而莫知
其勞為鏹三萬有贏其用之不給者悉輔
而足之明年殿成三聖峩峩有嚴有飭遂
落而祀之維我

世祖皇帝神武不殺混合寰宇憂民之不
全其天崇祀廣法俾尊其道術幸已厚矣
不幸或罹于非辜此誠牧民者之責餘何
咎焉民有興言交河之政有匿其婦而誣
其姑者維我王君迹而推之婦姑以完盜
徃攻劫吏隱之使緩王君之至越境斯得
嗟夫六氣之流行壽夭不齊上之人尤惓
惓然極閔之而不至陷而攘之則其為疾
沴灾旱者吾不知其何心也王君為政若
是稱職在太史紀成宇而附書之

奉化州三皇廟碑

馬侯為州急先崇儒建尊經閣成作而曰
學無田曷足養士表圭田租勵之於是鄉
之儒合言茲實吾黨耻鄉校日毀青衿賦
焉館禁有加士子知教益助田以成侯志
侯復曰先賢遺則惠養存歿規曷敢湮廢
正籍端本耻格貪哉於是始言曰噫
世祖皇帝行仁肇邦萬世永憲今獲守茲
土疾沴不治黎民何辜迺建三皇殿初殿
在廢觀址後徙寺旁庫隘弗稱詢圖考初

厥地奕亢遂廣土而興之百柱翼成萬瓦
 鱗比厚者效泉力者輸俊官不出賦而歸
 然光尊者老贊企願紀其建立以彰侯績
 抑嘗聞庖犧闡極人居其中靈根湛純萬
 化是生坎離致用窮夫陰陽之機壽夭不
 齊彼實戕竊維大聖憂之樹藝五穀輔之
 以醫藥剛柔燥濕各施諸用神農之功也
 目其厚生迄於傷生以憫以原為之經問
 教之以知懼使各盡性命之道則夫黃帝
 之功詎少矣哉三聖炳著尊祀肇唐皇甫
 謚之論合於醫說道不虛矣為作樂章俾
 歌以祀表侯於無窮侯名驥德字致遠官
 奉議大夫明爽幹飭吏民畏而愛焉是役
 也州之官咸佐之鄉老皇甫簡董役訖成
 前門九楹廊廡齋序二十八楹講堂五楹
 禮器備充圍繚丹堊咸曰美哉歌曰
 判鴻濛精一中八方圓握以通稽聖作逆
 不達神之游雲霓從嗟彭殤曷恣縱簡差
 差指厥蹤玄籥啓人喬松煌煌大聖萬世
 功

天昭昭日月星變化周純粹精木石土金
 盪至靈飛走食物各受令一日屢蘇民廼
 備齡覽九州雲泠泠是州秀淑守著能性
 具肥酒齊馨

日出作晦冥息守厥故常民用不極何顛
 債自傷縱恣作慝帝有憂筆載籍目視臺
 釐脉寸尺智者驚保厥德雲龍之鬣杳無
 跡祀靡數千萬億

衢州重修三皇廟碑

混沌既判民生之用日滋制器創物首於
 三聖詳見於宣尼之繫易儒者皓首焚莫
 能以究周外史掌三皇書秦厄既盡而其
 遺言間見於諸子可得而考者唯醫家者
 流見之天經時訓書禮之準也察其循環
 考其氣運不惑是不足以言醫之本也至
 於推萬化之原別九州之宜調神嗇精按
 摩導引湯液炮灸無一不究地利土膏率
 有合於農書之說若是者其繁且難有甚
 於吾儒則凡為醫者良不易言也小司馬
 作三皇本紀其精約不出於大傳而荒誕

不稽悉得以訾病史遷之不作良有以也
伏羲神農之書見於易黃帝書具在有依
駟而為之者亦不失本旨自唐肇建三皇
祠

世祖皇帝遵舊令遍祠州郡推仁濟衆比
合前聖泰定元年夏三衢郡侯赫斯趙侯
仲禮僉曰

天子神聖不殺稱上意俾洽于群生莫若
立醫學於是與府判官定住君勸糾于其
徒爭輸幣以助不三月殿以成告繪象有
嚴禮器畢具惠民有廬校官有居閱明年
廉訪副使真定白侯鐸拜謁廟學首肯口
贊且割官沙田為畝若干以奉時祭咸願
刻石以著永遠繫以詩曰

太素絢縵品物類分經緯五行濟用立勳
茫茫開元通幽合神炳諸典墳是究是勤
盪摩三光區別九土沮洳晦冥或折或沮
潤澤滲漉順而居處正陽昭晰以保純嘏
有簡斯彰翫覲覈纂組民用不知其仁如天
大帝述明播于垓埏春臺以登鴻澤日宣

嘉穗合畝采鱗游川俾絕癘疾享其大年
三衢之宮伊侯所築濟濟者徒惕若奉玉
研精韋編以介蓋穀侯云去矣祝彼千祿
我庸作詩相祀是蕭

饒州安仁縣柳侯廟碑

古昔祈報之禮得行於州黨閭里民神相
通禦捍於無形厥有常祀一有水旱疾癘
為其所憑依者尤卓然偉著五行之精成
於太素摩盪鞶韞主宰以名國有典禮莫
得而僭維神依人以行實有姓字烈山氏
之柱共工之勾龍周之先后稷死為其主
後又擇其功德之高者代而承之噫積虛
以為氣氣散以為變居陰假陽人鬼之化
行則凡今之列于祀典者皆本于是
皇朝列聖下制詔以通幽潛遺德著功表
見郡國雖數千年皆尊顯崇祀至大二
年崇文弘道玄德真人吳全節蒙被殊遇
推榮其親退伏自念昔為孩提黨榮族醜
從我父兄觴而祝之繫神是賴神之闡微
肇唐咸通至宋宣和以來由侯以王貯鑿

休嘉鄉大夫湯巾炳志于祠下矣今歲時
昇康神靈熙熙祥風甘雨莫窮其徵犬牙
接壤咸稱神效願上其事于禮部全節敢
稽首集賢敷奏

天子以昭神惠秋七月

武宗皇帝御朝封顯靈溥惠冲祐真君命
詞臣宣制而褒錫之是歲真人歸至安仁
縣以制書授神及饒國公饒國夫人吏士
再拜吳氏長幼亦再拜禮成還風交雷挾
兩來應安仁之人或言曰明有禮樂幽有
鬼神孝以揚之誠以昭之茲邑之美一舉
而兼備孝生於心神之相之孰使之然哉
縣長吏將刺神制書于祠真人屬為記按
舊記真君姓柳名敬德迺為作迎享送神
詞三章以廣民思詞曰
結玄雲兮文虬的容與兮山榭光晶熒兮
橫流帝鼓導兮前驅山之阿兮神居迎群
睇兮與留儼素容兮絜貞佩冷音兮始停
筍席兮翠遺棘七兮紫搖露零零兮墮珠
嘉薦湛兮以陶揮上牲兮吸秀芝巫揚廷

兮靈之娛靈娛兮心降日簡兮益康
日聽車兮松冥千童憐兮控鞞鼓坎坎兮
輪碎恍欲去兮心不寧神居兮山承宇汝
居兮山下神誰去兮愁汝執玄德兮歷九
疑超無為兮終焉以歸

徐州呂梁神廟碑

神禹水功龍門呂梁惟窳艱聖人述書隱
而不言懼荒恠以汨真也步于上帝受圖
于河其事偉著豈誣也哉余宦京師過
今呂梁者焉春水盛壯湍石瀾漫不復辨
左迴右激舟檣林立擊鼓集壯稚循崖側
足負綆相進挽又募習水者專刺擢水洄
則巖崿畢露沚沫懸水轉為回淵束為飛
泉頃刻不謹敗露立見故凡舟至是必禱
于神神固靈矣夫集誠以致神靈繇衆成
往之自信不惑者猶感悼自恐則今之所
謂祿利奔走而不息寧得無慊于其中也
邪昔
世祖皇帝征南絕淮夢神扈蹕以行
詔所至立護國祠呂梁故祠相傳歲已久

此邦之人曰其湍險復增重之繇是南北之舟至于祠下必禱焉彭城隸歸德太守曰君以事謁祠下肅瞻有加迺命立石以侈神績於是鄉之耆老鄭安仁復廣其廟基象設密嚴棟宇軒靚薦醑登降嚴飭有秩遂介總管錢塘姚君具圖狀願刻其事于石余待罪太史觀前代職方神祠徐州有廟曰孚濟曰顯濟皆曰龍神呂梁信天下奇險處也非神孰尸非龍孰居嶽瀆有祠不以姓氏著呂梁為河下流奔赴南海一息千里昔之神受令神禹顯微無常代謝上下隨運以化則今之神猶古之神也皇朝一四海貢輸金珠綺縵犀象水土精翫之物悉出東南舳舻相銜晝夜不絕道必繇徐州神司其職訖固敢替怠依神以行相戒無虞神任匪輕矣迺作詩曰首河崑崙厥行靡恒或伏而舒或迅以凌在昔堯帝孟門震騰授禹以圖百神罔不承九野既䟽沆水渾渾挾河以行比東斯奔積鐵懸壁怒雷赴川如雷斯注如蛟斯

騫自涯刊山訖達其源河既南矣帝迹眇漫赫赫

世祖威神耀天爰率貢琛萬旄盤旋引梯後繩以登以升菴歌雅和鑿鼓受聽懼夫佐前水師試命曰吾神是依捨神則病駢駢士子亦有商女爰集宇下釀酒致祀金龍蜿蜒以肖起止導其棘流如席如砥此邦之人仰神之來昂昂石松雲旂離離匪惟護之將永綏之山川出雲古言祠之崇堂豐堵耆老相宇戒而叫囂母作神侮捨級有叙勿黷貨以沮神告萬年天子受枯

奉化州開河碑

奉化諸溪至龍潭畢會汪洋行匯陂塘澗溝合流赴資國紆行凡六十里始達于江歲霖雨不時溪江相迎上下交射漫流田堤或漂民廬舍昔之為政者懼焉於是築埭善坊潦至則泄旱則蓄以灌輸繇資國埭注市橋循三山為廣平湖凡言湖通畎澮也湖之下有斗門必嚴其水則至是通

鄭家滙古有陰溝或為滙溝皆取以達水
今言滙名之省聲之記也溪至是循明山
稍折為揚橋水以折始善行將達江復限
之為縣門曰進林曰常浦又益限之以埭
曰車者提閘有程則水旱不病今之善吏
治者挈挈奉公上不自保政不能及此廣
平馬侯驥德至州曰

皇元陞江南縣為州實租戶口戶繁租瘠
何以稱綏惠田疇蕪闕茲惟殿窳首吾視
茲土抑溝洫漫滅以害吾民邪遂窮上源
首資國者老咸言市橋達車者有故河往
宋舟楫聯絡今趨江以行驚駭濤浪高賈
不赴而市用益匱濬廣復舊則民其有瘵
遂遵市橋至陳橋具畚鍤表深廣未及終
日而遺石斷絕皆舊蹟儼著至何家埭或
曰是郡乘不登積為豪民利水至是當行
何障固焉於是決隄仆石埭復置卒守水
門亦如之易資國埭為水門別立小柵以
謹通塞廣平增斗門志舊有贍卒租亦復
之於是昔之言紆行六十里皆得舟行以

連于江矣史遷作河渠書能吏所紀僅一
二數謝太傅守淮南水利博濟則自方之
以召伯謝公偉功迄不廢馬侯之政良近
矣迺係以詩俾勿墜詩曰

閔閔汙萊舉趾厥艱婦媿子任大墾水莖
相彼高下粵昔庶蕃有隄相之有泉養之
崩奔交來設險以防彼防弗亟時其兩暘
謀于在野集作會節低昂疏儲究爾墜遏
饗強恣專訖孰俾是罰馬侯自南宣承
皇風相攸以圖鞠草茂豐耆艾交謁茲馬
商功千鍤剖壤頽堤赴壑宛其遺基白石
鑿鑿復常彌堅匪夸以不作泉流湯湯陰
洩陽潴江流馬奔懼而舒徐千帆縈紆入
于市區河既復址侯斯戾止嘉穀羨穰甘
棠蕤蕤維河之新告來者勿替

碑陰

凡大工役必資僚屬長官某同知某判
官某吏目某實僉贊之州民之耆長大
家某等歷考舊蹟且佐厥役吏奉令曰
某等董工庀程州之南復有梁家難

碑戚家溪悉濬治之足溉田萬畝開
河績窳著庸附碑右以見侯政小者亦
若是

許州衛君去思碑

至元初詔議立五事為牧民根本後數歲
憂其有不奉行者輒總覈敷厲又時遣重
臣循行以振植之大德七年分命宣撫使
糾嚴黜陟多罷所居官獨未聞有治行第
一入徵為謀議適臣者使者以功狀上丞
相府府下東曹掾掾守法謂事任固當是
束狀入書度不復省繇是註墨抵訾歲率
常書于憲部夫法不足以成政先王馭臣
必先之以序爵其不幸而奪廢之者誠不
忍於人也民為天下本郡縣守令常長於
民民病其長歲有所黜率天下之民常不
善其長民獨何心哉余每過通邑大府碑
首高下表植衢道讀其行事無一不皆古
循吏而焯焯在人耳目又若相及甚者謂
懼其威使而以媚夫人之為也俗偷而日
艱濟之以淺薄之論上益以不信則是守

令考課蹈規嚴常安所從超越哉皇慶癸
丑秋七月

天子遣御史分察天下牧民賢否咸屏息
俟命國子助教許昌趙君師顏言衛大夫
氏守許賢解官三年矣其承大夫者亦已
去過時而政存可以登紀子職在太史不
溢美不希諂宜表石以昭永母固辭謝
不敢則又曰余叔父廉訪公師表河南置
論少許可言大夫賢無異語誠不憚書衛
大夫事第以州里嫌故遂雅屬子始始謝
不辭於是退以其郡士劉君廷瑞耆長郝
守寧之狀撫而叙曰大夫為州質靜無亢
異視民便害黜計而成除之州賦戶二百
歲久已絕無所徵別輸他民以逭責民莫
敢訴許為要衝通馬戶率多逃去竟三歲
以民籍戶四十二代之戶代而民籍徭調
如故大夫請于官而悉除之厚風俗敦尚
孝讓考漢魏塚墓若陳太丘而下立鄉賢
堂以祀于學復構廊宇以庥諸生而使之
竟業臨潁縣有鄧艾口故地河南撤大夫

按視將屯之大夫署筆曰鄧艾故屯繇魏
下千餘歲未嘗復今有民若千耕其地墳
壘居室環地左右一旦官墾闢大不便願
俾民以已耕田歲入官賦猶屯田也河南
是其議民往謝之大夫曰吾職也何謝為
今世揭揭然以商權為仕進路使大夫廣
屯穀名得十萬石顯要可立致不忍數百
民命為備許人之思大夫宜社而祝之相
與望其儀于

天朝以德我許人者日永久廼繫之以詩
以篤不忘大夫名佐字君用廣平人詩曰
瞻彼具茨英英其雲不稷不徐粵維邦君
邦君之來我民不聞曰秋而嘗曰春而耘
木之寵窳維侯之宅侯嚮在掌言戾于學
有挈有任亦叩其角亦飲其醑言攷耆耄
潁川之流其下黍稌嗟余遠祖及我鯨寡
是播是蕝曷余敢震侮潁水之湄哉哉其
牛利言鼓簧將復其陂陂云當復云誰之
來邦君痾痛維衡大夫大夫言邁匪愠斯
怒有輦者居有墳者墓咎匪我執言遵其

所陂既完矣大夫旋矣熟而豚肩進其繁
矣曰我不敢嘗爾歸爾鄉墓門之柏鳥飛
鼓鼙中田之廬椅桐稜稜云昔不如今永
歌以康侯歸其組三載云遠許民之思復
日以旦侯車在東彼從如龍侯車偃里誰
為之朋有弁斯綏大庭團團瘳躬在公匪
食其殮式昭去思攻珉以鑄嗣初維終慎
永我傳

華嚴寺碑

太祖皇帝肇定區夏視居庸以北為內地
戶族散處皆安其簡易在

憲宗皇帝時將有事西南底慎舊章建置
靡遑時則

世祖皇帝治軍和林相厥地利曰維灤陽
展親會朝茲為道里得中稽衆契龜僉告

允吉因城而名之曰開平焉歲在庚申
世祖承大歷服建 國改元削儲靖亂宗

王殊邦奉貢效牽咸會同于開平繇是定
為上都大興為大都兩京之制協於古昔

矣省方有常庶職收叙商旅子來置而勿

征首建廟學乾良二隅立二佛寺曰乾元曰龍光華嚴復立老子宮於東西化俗警蒙相須以成具訓淵遠將垂憲永以為民則

仁宗皇帝在東宮如華嚴惕然永思粵維皇祖置慮弘廓建都功業弗克崇闡紹開是我子孫不大彰顯爰命守臣臣某撤而廣之踰十年將成

仁宗陟方

繼天體道敬文仁武大昭孝皇帝北巡狩回上都首幸華嚴若曰

列聖在天神化合一朕罔敢有替述修聖明將於是有人在廣植冥福神御周流宜得以屆止其以

先帝所構殿鎮于後維五方佛像在

世祖時素有感異復廣大殿以居之梵相東西挾翼以從凡尊事棲息悉如其教以備又別賜吳田百頃安食其衆至治三年

夏六月丁卯丞相入宿衛上都留守司同知臣某傳 旨命翰林宜為碑紀其成績

俾萬姓蒙祉庶得以昭朕奉思臣摘竊曰為天地生物無心以成維

聖人有憂則曰物有不齊皇極是訓大雄氏則亦曰性本至善遷以隨欲欲由妄生性日益昏故為物為變至於摩盪輾轉生死靡分於是有所懺解之說焉有追崇之說焉使生得以斷死得以離則本性湛空無有垢累道奚病矣華嚴設辭以富貴為喻終之以返真復初俾世之所景慕由境以入因境而悟入於無相其於喻也深有旨矣

世祖命名亦將以警夫迷俗愍濟群動與前聖相合者實在是 聖聖繼承靡有銖異臣摘屢從屬車聞首至是山者曰至溫師以妙密鎮緻為本行傳宗洞山與太保劉文貞公秉忠為方外交磊落有大計因得見

世祖於潛邸陳對明朗遂大器之六傳曰惟壽今授司徒際遇隆赫於法祖有光壽能文辭守其道專固則永巨傳謹再拜稽

首為之銘曰
於赫

世祖武緯文經廣莫相攸堅壙斯城鑿觀
群生厥性有恒驕鷲忿聞失常是行沉昭
昏惑執妄是成維政與德具訓以做善本
性初為明為靜猗與覺皇功始戒定或喻
呂空或設呂境空解境悟真慧永證巍煌
華嚴窮珍極瑰龍伏藻井雲凝瑤臺積香
浮浮側篔枚枚耄稚畢觀心掉膽摧相既
永離虛空如埃

世祖稽古是則是效暨于

仁皇益闡乘教維 皇御極承志廣孝曰
列聖在天鴻績靡報顧瞻咨嗟展飾殊妙
錫福兆民 列聖之心拯彼大迷覺皇具
陳謨烈顯承如歲之春物無癘痲膏熙沐
淳億萬卜年刻銘堅珉

興福頭陀院碑

興福院在都城保大坊北院既成其主僧
左捨塵以其狀來謁曰捨塵王姓膠州即
墨人也家世素奉佛今之言佛教有三禪

以喻空教以顯實律則攝其威儀禁妄絕
非鼎立以陳融會莫究惟頭陀教吾佛宣
演形色自然汨其紛華而悲惱集焉外守
或憐內持益離參而範之將釋諸塵以成
安樂若是者誠有端緒矣教始於西竺盛
於齊梁

皇元建國今其教凡十傳捨塵始與其徒
劉普照摠志游 京師刺意問道日唯一
食精嚴自牧以勞役為調伏菲薄為精進
草屨安寄束身堅忍至元中今平章政事
王公毅樞密副使吳公珪福建宣慰使李
公果見而異之始買今院地至大德 年
平章政事賈公某通院居審捨塵積行無
退意遂與其夫人林氏引見于
皇后下教出財帛建其殿曰慈尊俾開府
知院月魯公暨賈公奏其事於

皇帝

皇太后咸曰可其悉以

皇后私府輸助之延祐五年院告成復奉
宸旨禁護而掌其教者錫名清修妙行以

褒美之是役也齋庖廡室皆捨塵所鳩建
嘗謂釋氏之說福田利益始警誘盲騃若
曰離愛辭榮非感物而動者也真性虛湛
奚假於外則其說近矣詞曰

粵昔能仁蟬蛻侈華細縵泰始雪霜勵磨
厥性眇微五采眩訶毀形壞衣其儀不頗
空假廣陳蕩恣斯病佩規帶衡迄莫內省
茲惟艱哉爰參以竟惱絲樂積煩以欲騁
除彼垢紛曰執中無競女德效坤靜於鴻
濛維大雄是師頭陀是宗人憫厥勞熙然
以充善士日來格于群公

三宮清穆昭事孔肅鑒觀宇縣作極錫福
考榮逐魂是究是度秉持法權俾民不黷
伊教之興泊然纘承千覽固室百礎拱楹
式尊其初匪維誕矜戒爾後人戰兢永寧

清容居士集卷第二十五

清容居士集卷第二十六

神道碑銘

武義將軍梁公神道碑

梁公諱楨字用之大名元城人父金吾公
千為大名兵馬都總管既卒長子汴嚴職
會用兵江南復籍新軍別擇將家子統領
中書樞密二府議以汴兼領公憫然曰兵
事至重寧能使吾兄獨受責邪楨宜行死
國效命弗辭也二府壯之攝授以新軍千
夫長俾鎮睢州帥領兵將渡河攻宋宋將
夏貴迎拒遂領所部分擊斬首若干級帥
上功狀拜為真中統三年李璿叛攝本軍
帥出擊功益竄璿受擒方璿叛山東時調
發旁午璿善戰故將士多失亡璿受誅軍
帥俱恨之議悉屠其黨公密白宗王哈
必赤曰璿逆黨非土著俱東南狂士宜汰
擇以安新土宗王然其言從攻襄樊功益
著加授武略將軍至元十一年鎮邳州十
三年王師渡江州郡望風下常州獨守
世祖皇帝命大帥率堅銳併圍之州嬰守

益固有將築橋登城城督中將死檄公代將即輦木石齊城雉刻其險塹緣附以登城陷第功授武義將軍佩金符後改鎮嘉興群盜出沒江湖伺疑釁竊發獨展誠撫綏申令飭罰使不能少越繩墨會歲大饑捐已儲粟以食餓者郡益寧靜性沈默善計事天性孝友出於自然始公之考金吾衛上將軍當金三時傍邑盜起侵掠金吾率眾列柵守鄉上天兵南下越境率父老持牛酒搗師城以降得完宋將彭斌渡河城中大震搜其首亂者誅之辛卯歲郡將蘇椿叛入南大將阿朮魯怒將屠城金吾率宗人悉輸金帛詣軍前請命卒獲免公之妣張氏訓整有則金吾以兵亂失元配董氏踰二十年董氏還夫人即歸家政退處裕如也噫觀公卓然成就蓋其家教有自再世樹德傾身出口活人於大難其豐報蓋有以也王父而上兵難事遠不獲考至元三十年年未七十願解兵致其事大德元年正月某日卒于里舍年七十有一

其年四月某日葬柩大名府西南白水村之先塋娶張氏大名織染局提舉津之女子紹祖嚴爵佩金符仍鎮嘉興嚴重遠慮鎮遏表隱悉不使入境後鎮烏江詢盜踪跡在海濱遣兵擒磔之郡鎮肅然延祐四年年六十終于軍四月某日柩先塋公女二人長適李居忠温州路照磨次適張鉉濬州判官紹祖娶天水郡侯秦穩女生子女各一人曰成嚴祖職佩金符娶大名府安撫使宋天祐女女嫁承直郎佩金符穎州萬戶府管軍千戶劉興與之父中順君今為雲南屯田萬戶府同知興與之游最稔善議論嘗言昔時離亂大名城中幾駢首就死獨賴梁金吾得全活空郊敗井隱然鋒鏑遺跡猶在廡今梁公子孫世顯抑為善之報善有傳性史良不誣也興以事狀來請銘迺不復辭銘曰

草昧肇區兩雷風驅崩角喪元孰完厥居業業單壘斧鋌就屠壯哉金吾請命發途稽顙瀝血氣填以歎春冰朗日稚菴夾扶

或偃或興聚其室廬是生武義趾嫩以繼
粵維叛臣率黨狂獬交兵飛芻靡有寧歲
既殲彼魁迺徒斯難武義曰吁罪有等第
宜磔其兇此土何戾再世興仁陰功齋齋
如璞斯玉如山斯雲大田多豐曷耔曷耘
番番餘齡終樂里枋靖共以儀不瑕以温
金符後先祖曾子孫白水之城松栢茂直
為艱斯通爰表初植大名之城大堦日膺
永言金吾曷其有極煌煌譜宗接佩踵舄
有來墓門肅立以式公德允昭後裔承則
資善大夫資國院使贈資政大夫
江浙等處行中書省左丞上護軍
順義郡公謚貞惠王呂伯里公神
道碑銘并序

至元二十九年

世祖皇帝詔立肅政廉訪司監治諸郡濟
南陳公實治慶元按覈官吏大小餘
百人故工部尚書資國院使順義郡公時
為治中獨受委任條其不便於民者上府
力去之會大饑乘驛詣行省言慶元瀕海

地陞隘歲熟猶仰給他郡非官賑給將移
徙不便執政然其言為發粟石四萬後為
廉訪副使復治慶元遺愛炳著耄稚一口
迄稱叙不置大德中備負翰苑屬時公
為侍從每得奉議論必歷問衣冠緒族惓
惓於舊治彌厚公薨將十年其子和上以
儒雅善正論擢監察御史栢亦待罪集賢
相與言公遺事御史則曰子實知吾先公
為詳且神道之碑未樹子宜為銘栢謝不
得辭遂次其官闕世譜而為叙曰公系出
玉呂伯里氏諱伯行大父阿魯家西北部
世安其俗精騎射父忽都勇冠軍伍
天兵定中原因從征冒陣略地以積功領
南宿州軍分鎮蘄縣後家于大名路之清
豐縣焉公幼歲失蘄縣母夫人徐氏躬牧
蒔紉織以贍稍長命從學里中張蔡公尹
大名見而奇之後從丞相阿朮公征襄樊
南渡江率先登復從丞相阿答海鎮揚州
議以州所領四萬戶軍移鎮鄂而易鄂兩
萬戶軍更成於揚奏已準白於鄂省丞相

阿里海牙使者相望訖不肯發軍淮省丞相念非公不能辦即乘驛宣上旨語竟鄂相色赤反目公前曰丞相何怒受上旨怒怒且不敬丞相懼答曰吾怒阿答海公復前曰上旨非淮相所造公怒殆怒上願亟歸相益懼具酒食謝悔迺發軍丞相奇之錄其勞以通國語專奏對歲率乘驛六七返

世祖見而喜曰是黑髯使臣復來矣至元二十二年授承事郎調金壇縣長省執政官計慮江浙事繁夥非條達敷對莫能稱上意時征日本事不便念所使有詰難必忤旨遂選公驛奏奏至即罷兵遷承直郎行省理問官省中事急速必命公詣御前皆得允旨以歸

世祖曰伯行昔朕以黑髯使臣目之今察其相貌誠溫暖絜正俾以重任宜無負相桑哥方柄政寢命不下即再守舊職丞相移省江西征獯寇奏公自輔授奉議大夫行省都鎮撫二十九年授慶元路治中

慶元多故宋公相家時翰林學士王公應麟閉門不納客公首尊禮開說俾學者師事之里胥黷黷士族著片紙叱名立召庭下公責吏數罪俾書故官吏復聚謀行權酷法壞富室釀具當益官利三倍公毀其牘不行州民某氏某以事遁江淮間傳王旨起大家十餘姓徙置淮南傲睨指畫莫敢忤郡貳南士也益張大翕霍公察其姦利曰民籍始定上計此非淮南分地曷得徙願上省白事卒止之承接聲影纍纍出氓爭願出其門下會偽造印牒事敗大興路獲得其所署偽籍下郡逮捕公時再為理問群氓造庭叩首伏罪公憫緩其事卒得賞大德元年遷浙東海右道肅政廉訪副使復分治慶元縣有廢湖總戎官久據湮為田將輸官租以絕口公立決以溉民田撫循瘡痍磨刮驕冗皆素所習知而獨於鄉校諄切訓諭謂為宣化所宜急至今盖有賴焉同分治官斲弛日弄事爭上謁出入無禁公手疏力按之太傅丞相答刺

罕公審察賢士擢工部侍郎日從丞相騎具言江南弊事數百條丞相首肯之且命治西京賈人積逋鉅萬得其實大德八年成宗召對賜侍宴嚴衣十一年

成宗崩丞相受遺鎮遏嚴整獨命公掌諸庫藏鍵鑰唯謹諸王會朝頒賚有等日公品節纖粟毋敢謹丞相益器之遂陞尚書至大元年

今上皇帝時為皇太子以本部官見問今何階官再拜謝不敢遂加正議大夫俾稱其職值營繕推佛寺恩賞悉謝不受後

皇太子如五臺山頓迹如法而不病於民賜白金名馬以寵之太夫人喪暮年乞歸里特賜上尊俾祭于墓仍疾趣還朝以視

事省更尚書授兩浙都轉運使力丐辭再授資善大夫資國院使復辭不允三年奉旨過江南具條所行事宜即得疾卧寓舍

四年三月己卯薨年六十有一公平居簡默絕聲色謙抑自閑遇事有發發即不可犯崇善斥惡若飢渴裁冠深衣于于庭廡

曲盡恩意所至率招師訓諸子御史之教寔有自來晚自號德齋延祐四年特贈資

政大夫江浙等處行中書省左丞上護軍

順義郡公謚貞惠娶曲律氏嚴整內治一

不累公故所居官益自裕今封順義郡夫

人男四長即御史次貌罕真習儒業以門

功讓其季曰教化今為武略將軍同知沔

陽府事女一適衡山奴江西廉訪司僉事

孫男聖童銅臺清涼山孫女二長適太傅

鐵哥孫伯顏直省舍人次適駙馬丞相亦

都護朶兒赤長子南無釋迦以是年八月

甲申葬公魏縣廼為銘銘曰

伊涼之西沈鷲悍剛挽強策良樂其騰驤

天祚神聖授兵龍荒湊輯部族以先顏行

剗剗赴功星流電驅顯允宿州飛矢執及

襄塘先登探甲以趨履彼樂土籍魏奠居

篤生尚書積學以蘊力探其本游於鄉校

不忤不怨展武誓身江流渾渾踣襄擣樊舟濟合盾計其功多司譯省中敷奏簡亮

走驛歲終黑鬚長身儀動帝瞳罷征除徭

音詞鴻鐘靡忒其行弗矜以辭彼權抑之
訖莫與之再官游歲究覈謬欺輕疑除慕
納于春熙丞相受命捕獠西江辟公佐戎
解甲受降彼強先覆輟于油幢摩之沃之
革其愚狂佐政海孺恤鰥廣賑尊而儒先
俾職具訓曰維此土衣冠振振勿為隳辱
養真復淳儒彥在堂父老在廡壽毋委蛇
介彼春醕歲亦有康絜而稅稌去馬駢駢
執轡如雨公復有來爭任爭扶悅其條教
激頑蘇枯同列冒憲書章効鋤端揆審官
俾執事樞不譁以嚴不激以正庀工斯程
賞至偃命品秩日崇經國陳政膏竭木萎
水涸魚病積憂載馳夜關我身計其便宜
咋舌莫陳教子惟忠以報國恩不夸其贏
淑施後人魏縣之原松柏堅貞錫命孔熿
衰對以承倬彼光大維公之成勒銘表阡
永垂厥慶

資德大夫紹慶珍州南平沿邊宣

慰使播州安撫使侍衛親軍都指

揮使上護軍追贈推忠效順功臣

銀青榮祿大夫平章政事柱國封

播國公謚忠宣楊公神道碑銘

世祖聖德神功文武皇帝奉辭興師于宋
厥相賈某黷愆違信誓郡將悉解體不用
命播州安撫使楊惠敏公邦憲罷土守邊
至是十八世矣誓于衆曰喻合感隘荆州
喘不保宋主且已降吾州速王化聞大國
有聖人當署欵奉籍俾若等耆稚完聚果
後降汗鋒鏑吾寧忍哉衆稽首一口曰公
言是無緩於是瀝誠挈州額上職方氏
世祖大悅即璽書慰諭曰宋內附邊臣莫
敢後播未奉命宜詔諭汝能承朕意其悉
如宋制授官至元二十二年公薨是生公
諱漢英字熙載年甫五齡母夫人田氏携
朝于上京眉目刻削儀矩習如成人上
摩其頂熟視之諭宰臣曰楊氏子孤弱可
憇母子遠來宜悉以父爵錫爵之賜名賽
回不花公之為仕也授金帛符龍帟衛上
將軍紹慶珍州南平等處沿邊宣慰使行
播州軍民安撫使後加管軍萬戶復拜侍

衛親軍都指揮使進資德大夫勳上護軍其治邊也改南詔驛道罷順元宣慰司升安撫司為宣撫司分定雲地以東隸播以西隸新部減郡縣之冗負者若干屯丁之糧三去其一焉黃平素屬播宣慰使幹羅思誘諸酋長詐以為新闢境獻于朝公發其姦而歸我使耻不勝誣言舊有雄威忠勝軍思播匿不以告當籍之交州公言納土時已隸籍為別戶臺審叢如公言使益不得志詣樞密府白其事竟遣使者乘急傳將械公丞相與昔審叢官言無是事而幹羅思卒以擅掠邊民獄具罷歸部蠻桑柘亂省議用兵公言賊勢方盛宜招諭之兵久無功而卒以公議相繼請降 天兵討南詔道由播大發卒輦運以濟軍食隆濟賊日熾合鄂蜀二省重臣統師出征檄公以民兵從甫出師卒與賊遇公力急戰大軍繼之降阿直拔乍籠賊復合拒迄縛隆濟阿女以歸大德四年南蠻盧奔掠劫大姓依險翳自固黎魯在新部者亦嘯劫

蟻聚攻守議未決卒命公撫諭二賊請命遂置戍兵以歸六年 詔出師復征蠻命公與田茂忠率二州民兵專討之茂忠以討他寇未至公獨分兵五道以進賊始却部蠻爭合從公度深入絕後應乃全師還次黃平七年茂忠始來議分民兵守險而公以疾薨于師年止四十公之治郡殺妖民王忠以絕芽孽大修泮宮招蜀之名士教厲以化夷俗至元二十七年詔郡縣上計播鄰壤不奉命公即括戶口租稅籍以進 上大器之八朝京師弓矢鞍幣之賜不絕以平南功特賜玉帶兩被 璽書俾世守其土預 御宴輒與國戚相齒 世祖嘗曰此兒聰解殆得天賦 仁宗則曰此子貌沈厚類畏吾人復賜譯經佛圖象以寵之二相貞憲王忠獻王尤加器敬性純孝睦宗黨二兄歿道中請于朝而服其爵寬序重然諾嘗約以善馬贈士友友死趣贈之南北寇蓋相依者無虛歲少讀濂洛書為詩文以體要為主所著

書有明括要覽九十卷桃溪內外集六十卷幼嗜山水九州雄勝悉窮力以遊別自號為中齋子男四嘉貞嘉慕嘉祐嘉禧娶田氏榮祿大夫義敏公謹賢之女喜書史善筆札封遵義郡夫人公薨之歲秋七月葬于掩溪祖域之東曾祖价宋任閭門宣贊舍人雄威軍都統贈威武寧武忠正軍節度使賜廟忠顯封威靈英烈侯妣田氏封齊安和政安康郡夫人贈永寧郡夫人祖文宗任和州防禦使播州沿邊安撫使國朝贈榮祿大夫同知樞密院事柱國封播國公謚崇德妣田氏封播國夫人謚章靖父即惠敏公宋任左金吾衛上將軍安遠軍承宣使播州沿邊安撫使國朝授龍肅衛上將軍侍衛親軍都指揮使紹慶珍州南平沿邊宣慰使播州安撫使累贈推忠效順功臣銀青榮祿大夫平章政事柱國封播國公妣田氏封播國夫人謚貞順至治二年秋八月嘉貞來朝見天子於大明殿拜跪興即錫名曰延禮

花禮宴如故事嘉貞昧死言曰先臣歿有年卹典未獲敢以請 詔下翰林禮部太常趣議追錫迺贈推忠效順功臣銀青榮祿大夫平章政事柱國封播國公謚忠宣田氏亦封播國太夫人而以忠宣所受官服其子嘉貞為資德大夫紹慶珍州南平等處沿邊宣慰使行播州軍民宣撫使播州等處管軍萬戶侍衛親軍都指揮使上護軍嘉貞踵門言曰子職在太史植德彰善宜以傳信先公隧碑未立願有述楬謝不得辭而為銘曰播唐內州解于啓兵憬彼西夷蹂躪弗庭帝欲激激谷川震騰乾符鼎移五季嗣興維并楊氏太師肇初徃理其疆以黜以鋤相繼象賢執武靈驅奕葉昭宣臣宗奉圖中令之支踵德趾嫩再世死忠守節彌勵枕戈復讎斬首以謝燁燁展功贄貢不替宋社踰南間道以前是生忠顯探甲開先三師締徽痛不有年立廟錫封歲時牲牲繇太師以降十有四傳崇德效奇按民脫

危貽于後昆惠敏攸祗實天有命我弗敢
違委心效誠

世祖色怡審彼逆順朕不汝疵恭承赫奕
恪事 四帝弱齡奏言宵臆默計宵征邁
途敷敵鍛鑄成諭以生或矢以誓提鄣一
方不泯世勲盛德法如山出雲壽番爵
穹奚憾之云揭碑隧門萬子孫紹聞

漳州路同知朝列大夫贈汴梁路
同知騎都尉開封郡伯馬公神道

碑銘

鳳翔府兵馬總判公諱昔里吉思以忠節
死難廟食於治所汴為金南遷都作褒忠
廟悉合享死事之臣兵馬公預焉兵馬贈
恒州刺史鎮國上將軍夫人王氏太尉明
德公女方公提孤兵守空壘力抗不敵盡
室投巨饑一媪抱嬰兒以逸是為禮部尚
書諱月合幼歲悲憤感厲其先居天山因
以兵馬官為馬氏植德秉志贖士人之為
掣者後皆為達官而子孫更業儒術卒致
光顯焉禮部子諱世昌為尚書省左右司

郎中傾貲粟結雋彥家日困落子孫益用
儒自振是生漳州諱潤字仲澤父即以文
墨入官初署荆湖道宣慰司令史遷吉州
路經歷陞兩淮轉運司經歷改太平路當
塗縣長官再調常州路武進縣長官進奉
訓大夫知光州改漳州路同知皇慶二年
卒于漳州實十一月某日年五十有九其
佐荆湖調漕舟討夔府山壁夾江峻轟膠
木葛藟率藏敵者以衝突公上計帥府焚
伐蔽翳取木藟結絢索挽舟銜尾以進漕
事廼不缺在吉州治豪民絕其柄持郡守
以刻急自任公以寬輔之郡事不撓有劫
盜獄株連百餘戶閱牘論止坐十餘人
守終不能以奪也為轉運募商人爭後先
歲終鹽直不售公請刻籌第甲乙實巨筭
俾商人自揀以抽鹽卒以辦縣當塗上疏
言括馬科民徙戶增賦為不便時柄臣桑
哥力主議公獨以邑宰能奮言之其治武
進如當塗刑其無良者而貸假之觴詠簡
適皆相慕以化有拾松薪易酒滓尉以盜

論公慰釋之守光州取官粟之羨者廣弟子負以食光父為用武地司馬丞相生于光公歲率諸生以祠民始知為儒以自重會有言利者請籍光閒田歲可得粟十萬石河南省下其事公執筆不肯署吏固請公曰官可免筆不可署卒不行州無茶租民間採山谷微末以食轉運司掩捕抵法會奉使出諸道問疾苦公疏所以轉運生事者各降官三資漳州負海障崖龍巖漳浦數反易公命吏宣布上意始受令漸寧謚會有言漳州地產水精卒以獻言者代公始罷當塗時居儀真幾十年母夫人張氏語家世官簿微警之廼復仕所為詩曰樵隱集若干卷觀其命名足以知志意矣韋布踵門降席倒屣傾家治具輟所得俸高下賢否以奉而其教子畧刺不肯置以門功讓其弟禮長子祖常皇慶初稱得交于京師其為文詞深湛有師法嘗默器而期之科舉行祖常試汴梁南省皆第一於廷對以尊國民族為第二祖義鄉貢進

士祖烈江浙行省宣使祖孝與祖常同登進士第將仕郎陳州判官祖信國子生試中承事郎同知冀寧路保德州事女二長適金雲次適劉某孫男五人武子以公蔭授將仕郎監常州路宜興州稅文子獻子懿子惠子女孫五祖常官翰林應奉時請于朝贈尚書為正議大夫治書侍御史謚忠懿夫人白氏追封梁郡夫人公亦贈朝列大夫同知汴梁路總管府事騎都尉開封郡伯夫人楊氏追封開封郡君於是郎中之夫人張氏年八十有四矣祖常今為翰林待制承直郎兼國史院編脩官願以其封婦者回授于張夫人意感矣哉某年某月某甲子將葬公于光州西樊原柩厚為文字交知且深乃來請銘銘曰節以起宗儒以紹傳誰其任之宗伯維先再世是承漳州象賢佐政慈寬智名不居養其熙光發于詩書尊聞厲行飭躬日劬載籍之蘊心聲為言仰止不愆茲為德源積小以高本本元元雲興崇山百穀頽粟

鑿觀厥初豐報匪嗇揭其德華昭銘以述

武略將軍裕州知州李公神道碑

銘

太祖皇帝略定函夏以河南北要害為分地徵科供索從守令取具版籍缺落富瘠莫能考至

憲宗用兵西南調發煩重推擇宜民人者為尤難時則有若故武略李侯排解勸勵鄉人德之死逾數十年仁聲善政歷歷在口耳在昔考循吏繇身後始定今於是見之侯諱英字彥臣滑州白馬縣人弱冠嚴叔父宥爵以宣武將軍知滑州立條教惇孝讓會歲饑賦入莫能輸率其州民見世祖于汴啓曰兵興值饑民即逃亡將使此州為空城敢昧死請

世祖動色從其啓中統元年蝗食桑蠶賦病民獨建言約秋熟並取果適負當以身任後至秋悉如約以入滑隸大名遠三百里糧餉轉輸不便俟請儲本州俟遠近朝廷是其請方兵興時鎧甲糧餼率從豪

民稱侯子毋轉息旬月相倍豪民倚州督取復入見于上言不可陳對感切下其

議執政執政咸是之繇是官償其本去其倍息別為內府籍以誌本始行田諮詢旌別勤惰如是治滑者三十年至元二年改順德路判官尹清豐南宮兩縣二十一年授武略將軍知裕州二十五年改知房州所至以治滑為準而滑以久任其事益章灼可考不妄嘗言叔父撫我良厚今得以官業自按即歸其爵兄子儀觀脩整酌庶務靜要而理得才不盡用多士惜之三十一年十月六日卒年六十有九娶郭氏先一年卒卒時年七十學浮屠法慈儉有度靡密總核允宜其家夫人有貽焉是歲合葬于白馬縣大吳村曾祖義祖信父祐二子長元德奉政大夫龍陽州知州次元忠朝列大夫慶元路治中女四適和義郭君寶馮德臨魏仁元德娶張氏子二熹燾燾燾世女一適郭從道元忠娶孫氏子二熙杰女一適郭守中始元德以給事東

官授贛州判官元忠佐御史府授新淦州同知公及見之戒曰壯歲長民宜清謹自重我昔罹兵艱赤手立職業若等展世勿棄暴則先德永有紹我語弗可忘也今二子所至植立滑州之效於是乎見之稍待罪太史預修 累朝諸名臣列傳是則滑州行事宜有紀謁告歸里元忠以事狀請銘銘曰

粵若生民大君長之幅員芒芒牧守是資飢匪設療疾匪命醫承化觀風察其阨屨展也李侯百罹是逢誅管援溺不希其功天聽匪高失言率從不苛以夸不阿以容社有美榆田有嘉穀輿言無浮唯侯斯祝侯云逝矣厥績謾謾種德孔深豐報有僕白馬之原松柏茂鮮詢彼耆倪遺愛是言家教允遵罔有虧愆爰表銘詩孫曾永傳奉政大夫同知東昌路總管府事

蔡公神道碑銘

延祐年紀丙辰

仁宗皇帝推恩群臣考視品秩榮其祖禰

及其曾大父繇是單父蔡侯衍以簽事廉訪贈府君諱良輔汝弼南奉政大夫同知東昌路總管府事驍騎尉單父縣子妣李氏單父縣君泰定元年

新天子下詔大賚內外俾就所居官皆錫命蔡侯時為慶元路總管又贈嘉議大夫

路總管上輕車都尉 郡侯妣某氏 郡夫人 梅謁告歸里侯以郡侯事

狀來請銘詳厥原自則由侯之祖父總轄府君諱旺始總轄嘗語于單父君曰吾遠

祖世居徐州樹善不懈吾祿弗及食汝必有後後果興汝其與榮焉單父亦嘗語于

侯曰汝祖訓語猶在耳若兄弟仕進皆祖德啓佑總轄當金南遷時限河南為內界

禁不得渡河歲大饑民爭就食河北潛戒舟夜渡所全活不可紀金愈迫河南北亦轉

徙皆竊據自保郡人丁統領集眾萬人為宋前導總轄往依之署以部伍徐說曰宋

師入汴兵弱不可用彼將無固志難與共事統領後其策歸兵為農而宋將卒敗

以適所居曹州鄉曰東村有益氏善居貨
自厚總轄避難因家焉後與益相雄長而
卒以米帛調其閭里之貧細歲鬻鹽增滲
淤筭以售市恣便之至元十九年八月卒
年八十有三集其姻黨與素往來者叙遺
言端坐以逝夫人孫氏閱十有二日相繼
卒治葬東村閭板塋舊所乘馬負衣冠以
從至塋悲鳴躑躅即死讀其行事則單父
之追命侯兄弟聯仕之效實總轄君啓之
單父天性明朗其所待接與其父率相類
官雖卑一毫不以病民民益宜之家僮久
後服者毀其約俾自便僮不忍去額服田
以終老年八十一得與束帛令以卒卒時
在大德十年九月某日夫人李氏權某州
之女俱附于總轄塋所衍以臺察官入仕
其行事正不近名去衰黜妖愷悌以宜于
民而寬厚有度迪祖父遺訓復以燾後興
蓋未可測也李曰衡 大夫趙州尹女
一適汶上李 孫五冲霄敏學山住某某
孫女三適石定安石公安益欽曾孫一奇

山梅嘗謂為善無不報根固膏沃彌積以
興責成旦暮考其所為不能以遠久宜矣
若蔡氏祖父是誠可紀銘曰

水蹇於山積流必東磅礴安順不希其逢
有截之椿鬱子輪囷秀儀長身巖和服醇
匪高其門厥慶日增如茨之茂如木之升
父緝子承既壽且康詔爾諸孫以受簡穰
厚德匪浮是庸紀錄表于隧門以闡以續

清容居士集卷第二十六

清容居士集卷第二十七

神道碑銘

朝列大夫同僉太常禮儀院事白

公神道碑銘

白於太原為令族至金源氏興太原衣冠為家咸而白氏兄弟相繼踵儒科故中大夫樞密院判官兼右同郎中輕車都尉南陽郡伯諱華字文舉其季也唐宋樞密無判官金天興帝賞器之特置職以寵由是相仍自郡伯始郡伯後居真定生子四人俱有時名君諱恪字敬甫少警敏三歲善作字書八卦八字有以見于鄉先生元公好問公作詩淡器之郡守上其能將薦于朝郡伯謝弗許稍長里之先進張先生耀卿愛其才獎拔力成就至元中

世祖遣使詣州郡試明經生復門役君首預選弱冠試吏掾森拔寬獄具御史不能撓後為河南按察司書吏有尉卒利孀婦財未終喪強贅於姑家既而虐其婦復不禮其姑姑告於官絕之尉卒隱其罪屢訴

終喪無明文事久不決君悉疏所犯聚邑人以告婦得終養其姑焉至元十四年江南建行臺御史大夫相威公慎簡所屬署君為掾史即條不便事凡二十大夫見世祖力陳之凡十有八家著令者大辟成獄上刑部聽報可賈某公田租歲減什二十八年授從仕郎江東建康道提刑按察司經歷改荆湖占城等處行省都事時荆湖省臣某括財恣威福君度不可與共事辭不拜後果受誅二十四年改浙西提刑按察司經歷遷平江丁母羅夫人憂以夫人喪葬于吳將終老焉會 詔舉不附權臣自晦者有以君辭前湖事薦于上除福建宣慰司經歷閩郡廣遠豐歛不同是歲汀州穀善收成兵所給糧不登數福泉興化穀驟踊有司議移三郡穀于汀君建言道途轉輸大無益發貴粟以賑三郡歸直于汀可多得穀誠兩便有司難之君署記曰使有罪類乙獨受卒如其議而官之贏糧果增倍宣慰司復為省君治六

曹文績以俟平章某公知君簿領有能名受其籍以付吏三十一年丞相太傅公為湖廣平章君時為都事俾陳樞密院及本省利便侍丞相入覲有旨乞其奏復陞員外郎湖廣聯絡左右江官吏秩祿歲一再受俸於省地遠得不償旅食有棄俸不領受者君建議隨所部以給迄今行之衡永成兵耕閒田官出牛輸其租牛死不得落籍成兵歲率鐵數十萬以酬君惻然計之曰牛死當納皮角子官除故籍而以官租捐納之則得矣戍兵由是免害有省臣獻廣西地肥沃可為田徙湖南居民往耕之當調戶五千君力言不可平章公是其議奏止之獻田者復調兵征思明發運粟入賊境道遠雨淖荷擔者各持去志君憂有他變出直募民民樂受以往峽州歲饑請粟于官有欲核驗始發君言饑民朝不及夕使核驗死當過半矣大德二年進本省理問官推誠燭幽莫有滯濫而言論風采彬彬文雅蓋以吏治濟其儒行者與四年

政江西省理問官究偽楮獄得直于時翰林承旨閻公復持士論賢否有言曰白文舉父子兄弟俱有文名敬甫幼負俊聲老不入翰林各將誰執奏為翰林待制復同僉太常禮儀院事儀度閒整贊導禮祀動不踰矩蒼顏玉立真善為頌者也梅向為翰林應奉幸得侍同朝聆議論接顏色寬厚平實言金詰老行事歷歷指掌晚自號竹梧其為文不事雕飾扶掖後進侃侃自持知其於孝友有加也生丙午歲十有二月至大二年己酉四月卒于官年六十有三積階至朝列大夫有詩文若干卷藏于家某年某月某日葬于真定路真定縣之朱洛村曾祖仲溫隱德里居妣李氏祖宗寔金故贈朝列大夫輕車都尉南陽郡伯祖妣李氏妣張氏羅氏君羅出也娶盧氏中書架閣管勾順之女翰林承旨摯之女弟男五洲安福州儒學教授沅蘄州路蒙古教授皆登世湛今承事郎浙東道宣慰司都元帥府都事洙國子學正灝江西湖

東道憲司書吏先卒女三長適李崇靜江
 路稅課提領次適甄遂良李適李權河間
 路某州樂壽縣尹孫男八貞采暹辟楸
 樞桂孫女四曾孫男一女三湛為元帥府
 都事楠適請告歸里以事狀拜且言先君
 子嘗得與子同院銘莫如子楠謝不敢辭
 乃為之銘曰

有完者圭藉之以韋不泄其溫裡祀用祇
 受中以生剛柔是宜木神則仁其用不敗
 顯用太常幼敏且岐挹其粹精飭躬以教
 黜明養潛爰燭姦暴匪伊求之我曷望報
 道在一源挈以簡要詹詹炎炎益飾其巧
 佩玉舒徐六轡濡如執間以陳矢言不迂
 彼計功者承色善趨較以虧成卒喪其軀
 有高維閔茲為守儒恒山之陽松柏茂直
 詔于雲初是謹是則撫任之初堦簾踵奕
 詢彼故老曰惟祖德我銘孔昭庸告爾無
 數

贈翰林學士嘉議大夫馬公神道

碑銘

浙東道宣慰使都元帥馬公踵門以告曰
 惟吾先公隧道碑未立子職在太史勲舊
 死事貞逸之士嘗焯焯紀著登載金匱先
 公仕雖不顯其見知于

世祖受學于碩師河內後進猶能誦習遺
 事故以行實告它日上其事史官則子實
 前史官庶幾傳信可永久故再拜以請謹
 按公諱充實字士輝覃懷河內人父庭大
 父某

皇朝入中原略地定圖貢詔大帥專除授
 嘗得署郡縣副貳兵亂大父以上名諱弗
 可攷公八歲遭大喪從母完顏氏攜載以
 從其夫李侯侯長萬夫隨征六盤善謀畫
 裨贊李益承自助六盤為高昌要衝高昌
 之俗收經史立校官地與西域接故其聲
 音文字詳於諸國公得其說而習焉

世祖皇帝大一寰宇命以其國語別立文
 字用於印章宣勅其字與西域相近公
 苟曲通暢單出雜比會其指歸學者爭詣
 門請業許文正公薦于

上以儒服入見于柵林委曲問時事悉以國語對

上大喜錫以錦帽語翰林學士承旨某公左丞相耶律公宜以為稠人師遂僉授將仕郎懷孟路蒙古教授再授承事郎襄陽路均州判官然不樂仕進嘗曰我能知樹藝遂力治其閒田因原隰以種所宜木春華秋實茂鬱滿道過者咸曰此馬公手植也縣西有田二十餘頃皆先世業歲久勢家悉占其肥沃後服公純德始顛歸其田卒酬直以受方許文正公講授鄉里時靳許可遊其門者察以歲月始命執弟子禮獨見公薦厚溫謹即俾就列授性理大義以躬行為先公能守之故其退讓無干進之念而恂恂里閭克脩克儉皆師訓也文正公侍

帝所無虛日懷孟素產地黃可釀酒其脩治貴精謹

上問文正御弟子孰為誠實即以公對公素知製法得山中石泉如法釀以進許公

之薦將由是俾嚮用而事若不偶公復不以為介豈安於命分者與後有奏為河渠使者又將奏為蒙古院學士皆力謝不受里中有德大師余內族年過百齡能知人壽夭前後俱尊異之公甫生一日德夢其故友宋讓曰吾今為馬家子矣後抱示之摩頂即為笑容噫死生事不可詰若前史所載又有若侶焉者寧勿書卒于至元二十九年四月六日年六十葬于河內縣青平村先塋之次娶劉氏征西萬戶某之女後公四年卒生二子長鑄即元帥公次鎔朝列大夫廣西海北道肅政廉訪副史次娶李氏生二子銳奉議大夫廣州路治中次鋼皆蚤世女五人適陳吉甫張漢卿王某朱仲德楊某鑄男四長德潛內監尚衣次德源德淳皆國子生德淳今為鎔後德淵府學生女四適太祝王世昌戴彥實李起宗郭成可銳男二德潤德溫曾孫一孟孫至大三年鑄為禮部郎中推恩得贈翰林學士嘉議大夫上輕車都尉扶風郡侯

諡莊惠劉氏贈扶風郡太夫人李氏封扶風郡夫人鑄官中奉大夫浙東道宣慰使都元帥又贈公某官劉氏贈某夫人大父贈某官大母完顏氏贈某夫人梅於是而言曰仕嘗患弗及其身歿而子榮推其榮以及其先而為善之效著矣世固有極其顯光歿無德以傳卒至于子孫流播可勝道哉元帥公中外揚歷清白益者令帥浙東事不苛求而明燭幽隱不為己甚遺其後者猶先公之志是宜銘詩以昭來世銘曰

相彼土田或隰或陵滋根平培翦焉以升實者缶之若者釜之梓漆是供絲枲是輔種不亟求曰惟歲年視彼種德亦云其然温温馬公植善無倦任匪蹇時從我之顛經緯聲音暇習訓則奉盈彌謙以退以默詔爾孫魯戰競是承蔽芾長松勿替厥聲

翰林學士承旨榮祿大夫遙授平

章政事贈光祿大夫大司徒上柱

國永國公謚文康簡公神道碑銘

世祖皇帝應期握圖肇函諸夏文經武緯各當厥職粵惟東平地接鄒魯時則有嚴忠武公披荆翦蕪扶植儒學作成達拔卒猷數文 帝庭風動八表鄆之得人蹕稱至盛而闕徐李孟世名以四傑焉自至元至于大德更進迭用誥令典冊則皆闕公所獨擅公諱復字子靜幼入東平府學蜚聲炳著操筆綴詞賦音節和暢融液事理率占為舉自幼從贈翰林學士康公康大器之太常徐公道隆年長有聞譽不敢以後進待公在翰林家久贊書積几高下輕重擬議精切傳誦以為楷則其待寮案擇敏秀者自近不滿意者不復強以文墨任論不調雖請託亦不得以叙遷故事表牋自待制而下分謨公命各為一通輯其精良融為一家而別擬以示其屬始任東平行臺書記御史臺掾至元八年入翰林為應奉文字進脩誤十六年陞翰林直學士十七年侍講明年兼集賢侍講學士于時兩院皆領會同館由是自應奉至侍講皆

策會同二十三年陞翰林學士改集賢學士大德元年復除翰林學士四年拜翰林學士承旨而知制誥脩國史皆視其職以進其補外職則僉河北河南道提刑按察司事浙西道肅政廉訪使

世祖陟方台公革詔于上都

成宗繼崩復召公上都

武宗即位首上疏曰惜名器明賞罰擇人材朝論題之賜金錦白金以彰其直願公老矣類致事以歸乃進階榮祿大夫遂授平章政事給半俸以供其老且命婿李嗣宗特授承直郎同知高唐州以待養

仁宗在東宮時知公歸特遣使賜幣命公卿設祖帳于都門外橋營以院屬侍公入議事堂鶴峙山立中外各改容以奉語簡意足不屑屑持辨爭丞相而下皆傾動一日草詔書其語意難以入國語大臣疑之有集賢學士亦出微語公台掾史具紙筆請學士改謨學士大愧卻立會食畢公改為之而前詔一字不復用一坐大驚公以

文墨自任不肖為緊要官罷尚書省時世祖召入便殿諭以卿為執政官何如公謝不能

世祖曰知讓誠美事宜勿強

成宗擇相台公密問曰左丞相缺孰可任以江浙行省左丞相某對益稱

上意其陳于上者大較若定孔子主祀賜孔林泗埽及祀田皆所建明興國學論廟樂所助為多而其在憲府以敦本崇化為先務當大德星變疏十九事皆切中弊壞

成宗賜楮錢萬以優寵公受知

成宗為濛常問其所師承金玉幣器錫香有加

仁宗初政首命台公以疾辭皇慶元年三月某日年七十有七薨其年五月英于先塋之側公將薨時夢游祠宮有道士迎問公年口占一詩以答覺而言曰吾殆云逝矣世方倚公為重而公不復少留可慨也矣其所為文靜軒集內外制集若干卷

將傳于世，稍由泰定元年得告歸里。越明年公之壻奉直大夫南臺監察御史李嗣宗以書來海濱，告曰：子職在太史，出處大。致子侍承，知為詳。隧碑未立，願登其事。于石以貽永遠。稍跋踏莫辭，謹按閻氏平陽人。今居高唐州。曾大父衍贈嘉議大夫大司農卿永安郡公。謚懿德。妣趙氏永安郡夫人。祖和叔贈昭文館大學士資善大夫永安郡公。諡獻妣武氏封永安郡夫人。考忠故高唐主簿贈銀青榮祿大夫大司徒永國公。謚惠穆。妣牛氏劉氏。追封永國夫人。娶尹氏趙氏李氏男一嗣。慶以蔭授奉訓大夫廣平路威州知州。未任以疾卒。女一孫男二翁安翁壽女適即御史君也。公既下世，婦弟淮東宣慰使李處恭時為吏部侍郎，慨然曰：吾寧使閻公終無以易名。遂請于朝，得贈光祿大夫大司徒上柱國永國公。諡文康。其仲亦封永國夫人。而公三世亦以令典，得追贈並榮。猗歟休哉！銘曰：

泰伯之曾，食采於閻。因邑為氏，慶源涓涓。太原之閻，顯武後唐。戰多著名，公茅為王。有孫曰象，決科就父。撫綏降邦，拯其溺焚。迨迨裔孫，實家平陽。試邑死事，和川歸藏。是生惠穆，占籍名郡。推誠急施，樂善不靳。教子有行，俾離其鄉。業精行成，何求不償。顯允文康，以文偉著。執其牛耳，莫或敢侮。斟酌泰和，密勿元氣。英露霏雲，萬物屬轟。鎮于詞垣，幾四十年。矜彼不能，擢才進賢。維我

世祖養茲國，珍薦更

三宗猶昔，舊臣公歸。白雲多士，盡悼允今。曰能亦公所造，何以遠貽。有豐其碑，實茂聲弘。播于銘詩。

周瑞州神道碑銘

景定之二，閻賈相某隱城下，盟罔宋帝。理宗遯奇功，外受強寇。內括民業，送神鉗舌。奉風旨，稍異議。輒詆，基臣斥去。小者歸田。里大者入壘。障時則有豫章周公，以史館檢閱入對。曰：李璣由山東采歸，實急而求。

我區區一旅瞭然可見借援無功彼敗我辱招釁之道梁武在位四十餘年卒墮其計陛下臨御日久不宜復蹈前轍父全逆叛著在信史已登告于祖廟壇乞改正此作史者誣枉逆全行事淮東人猶能道此亦陛下在宥之所覩因歎技林誠不可使縱意干紊又曰臣近覩輔郡和市富室田業以脩軍餉良以和糴廣造楮多楮多則楮益賤是誠不可不變通也今所在置司擇其上腴低直以酬又欲令賣田之主抱佃輸租歲或荒歉田主必當割他租以補他租既竭歸于耕夫耕夫逃亡歸于鄉役可謂獲近效而忘遠慮自漢以來納粟補官應代循用輸粟既微補爵亦輕不足以動豪民臣宜以為由尚書省樞密院吏負為出身定品格立止法則大家相胥以勸可以立辨粟可無糴楮可減造矣疏入相大怒言者急擊去而公風節言論著江表公諱應合字淳叟七歲授詩書通習大義

年七父如翼贈朝奉郎母胡氏贈安人

相繼即世逮事王父友賢以卓行稱宋寧宗朝嘗旌其閭書棟華扁以賜冠為棟華周氏嘗從棟華君至近郊望邑有火光亟返奉安人柩入祠堂袖神主以出王父奇之紹定四年詞賦應鄉書不中始悔曰吾安能事雕刻乃學春秋經結廬淡密按微索幽從者益衆淳祐九年應試兩浙轉運司果冠諸生十年有旨試轉運司者入別院復在首選授江陵府府學教授待次歸里授生徒曲為講說會歲饑首率鄉黨立三事一曰貸貧民二曰濟疾苦三曰賑游末乞公恠記曰是三者足補義社倉之未備十三年官江陵首講孟子曰壯者以暇日脩其孝弟忠信此允民也士無一日而不脩士不當以壯幼論師友言行去其偏黨據會立要學者淑德之創鄉射齋申勵武備別立允例以脩郡乘趙丞相葵雅知名會宣撫荆湖辟為元寮以志書未成辭馬公光祖帥荆湖師援夔路俾為屬主贊畫蜀事益急詔趣馬公援蜀馬公聽群議

不決公獨贊進師乃解開慶二年馬公帥沿江復佐江東兼長明道書院淳公嗣父純詢諸池陽得五世孫偃孫以主奉粹二程遺語若干卷復以馬公命為新金陵志自史館歸外補通判饒州後攝郡事決疑剖姦絕煩提催督部使者爭薦之咸淳三年主管華州雲臺觀四年通判寧國府其治如昔而請其前通復攝郡事大脩學宮除翰苗之不便於民復梅都官諸孫斥豪禁吏人不致以犯湘帥汪公立信舊同寮秦辟通判潭州兼叅議官丞相審治行自諸賢文章無虛歲亦欲俾出門下諭意長沙毋行公不可相聞益怒會江文忠公在相位以國子監簿進擬亟命御史李珣禱勅德祐元年登極恩復官是歲賈相兵敗走維揚起守寧國江西以瑞缺守辟知瑞州將治兵為固圍計與帥議不合勅去素善訓子長子天驥年六歲敏記誦宋有童子科俾習之年十一以能文詞舉後登上第人取以為法策字合一天驥守吉州迎

以養卻甘茹蔬感慨適迹人不知太守為有父至元十七年卒年六十有八眉山程尚書公許嘗語曰君理義則濂溪章表佐平園以漢園自歸為宜維周氏籍會稽唐以憲銜官鎮遏江州曰勅為御史中丞銀青光祿大夫因家江州六世孫曰師教訓生徒里人稱曰一經居士又三世曰昌元妣胡氏是生棟華君子男四長即天驥次天常天鳳天龍女適朝奉郎經略叅議官吳疇吉州教授劉明仲從仕郎潭州路湘陰令冷頤孫男十二志道某官志仁志德志學志義志立志遠志禮志行志敏志伊志崇曾孫男十六女二十四世孫十有八五世孫三娶王氏繼萬氏俱封安人其美在吉水縣同水鄉臻善里鷓鴣山之原天鳳幼歲入官熟昔時言行罔缺輒倚翰苑屬與之言論傾倒身履目接人則曰官簿不足恃久而曰彼兩家不可輕稱授綬歸里強使校文天鳳以泉州推官同在院未幾稱以喪子歸天鳳請銘銘曰

審蹇史君內剛以文察其要機叩于帝聞
蒙耻冒切厥脛四聞我后不知惟相之云
佐郡未幾輒劾以去實心委順不懼伊沮
山鏡野利勤彼纂組謂宜掌制命則不遇
教子有謀見其提符我實故臣逃空以謀
叔也秉文庭誥靡渝說說者孫冠佩是侶
官若不偶名則因替昭銘松阡以告良史
有元故贈中憲大夫中書吏部侍郎
郎騎都尉陳留郡伯郭公神道碑

銘

大德十一年梅再入翰苑郭侯郁文卿時
為江浙行省都事獲締交焉見其受易學
于侯先生得見尊公子庭下延祐五年文
卿為中書檢校余時直集賢來往益密而
其尊公正席老坐允辱交于文卿者咸執
弟子禮嘗聆其言曰吾兒幸竊祿位不敢
以自喜其所行事未嘗不察其指要而足
以垂後者亦將以示吾子若孫居吾語子
為始兒以吏能及格為掾都省定水縣門
計切以便民民不敢謾而官費以省晉山

荐饑且疾疫親歷其家去偽冒為善藥以
治得活者三千人為宣徽都事行省都事
向稽奉公增餼羊若干而浚役于松江者
去其二直十有六萬石吾懼其瘠于民也
民不以病是則吾之所深喜也于時衛府
調卒萬五千至都城計其往復俾俱以九
月集白于省大臣大臣許之至則器甲精
銳士馬肅給為諸省冠其餘繕工會程而
不志苛刻於余諸孫良有望矣其在浮梁
也迎余以養見其治學宮立鄉校廣弟子
員知余後裔之必有以儒術顯者矣公之
語於余者知其嗣必昌也公飲酒不亂道
金朝遺老行事猶能反復感慨鄉人尊為
隱君是年八月卒于京師得年七十有
六公諱天祐字祐之世居汴梁封丘縣呂
村祖進考誠嘗職民千夫長娶林氏汴梁
為金遷都兵逼野處僑居大名大帥器之
因以長千夫郭氏大墓數十兵亂蹂躪不
可攷而新塚猶存三房審其為大家明矣
延祐六年八月某日葬于先塋郁為浮梁

州以大賚恩進封奉政大夫知宜興州驍
騎尉延祐七年都授中順大夫知高郵府
至治三年授中憲大夫同知兩浙都轉運
鹽使司事泰定元年授亞中大夫僉江西
湖東道肅政廉訪司事二年七月贈公中
憲大夫中書吏部侍郎騎都尉陳留郡伯
未幾都改授慶元路總管檇嘗以謂貴顯
之及於親必原於遠祖親榮矣而考其若
子之行事是猶望於後也自侍郎之無祿
亞中公四應要官梅略其治狀以侍郎之
言為可證豐功茂德見於去思誠不在是
也配李氏累贈陳留郡君公男四長亞中
次迪嘗為錢穀官厚海道運糧萬戶府百
戶仁以黃陂主簿今為江浙行省掾都娶
孫氏封陳留郡君子三澍渥園子生壽蚤
卒迪娶崔氏子三厚娶崔氏子四仁娶孫
氏亞中來乞銘銘曰

大梁之區厄為兵燹層城構我以難以鋤
維郭氏先歷有譜圖迨迨郭公在唐紫朱
吏部有謙弗克以居以其先聞維訓舊畬

味道養齡擊鮮以娛治官莅民考于庭趨
大樸弗雕威德莫踰維公有子克遵令謨
述銘孔昭勿替勿渝

王氏先塋碑銘

延祐四年中書左丞王公出為江浙省右
丞將行

天子遣使由上京傳 旨曰毅其勿行七
月拜中書省平章政事由是推恩如令式
得贈其曾祖為正奉大夫山東東西道宣
慰使上護軍魯郡公妣周氏魯郡夫人於
是平章拜命惕然有言曰維我祖蓄德閔
華慶貽孫曾稚昧實茂克稱

天子寵綏于臣子厥亦共厚額叙先德以
收合宗譜子職在太史為我表而銘之梅
謝不得辭謹按郡公名汜世家德州平原
金將止士族奔播南徙郡公有子全甫七
歲隨從母走亳州稍長墾田氏由須城鄆
城三徙後占籍汝上晚歲嘗謂子曰吾幼
罹兵凶僅能記我考姓名字遺課舊事不
復省今祖墓在平原郭東北五十里曰水

務鎮我死力不能歸英若等毋忘平原也
今以平章累贈資德大夫江浙等處行中
書省右丞魯國公公二子長田玉次曰傑
二女嫁張氏葛氏玉嘗一試吏輒謝去謙
約無表襪策杖鄉社通慶弔煦煦無億意
今年八十有四以榮祿大夫河南江北等
處行中書省平章政事柱國魯國公致政
于家始平章以詹事歸養魯公曰

聖天子軫齒召至渥我雖耄尚善飯汝不
效犬馬報居家何為也又附 詔使奏曰
不佞老臣骸骨堅且強謹遣臣毅一心事
陛下

上大喜特授集賢學士資德大夫其配郭
氏朱氏封魯郡夫人後以推恩進郡公訖
封魯公魯公子三人長平章平章子思恭
思齊思聖思誠思明次子謙謙子思禮思
義幼子鼎鼎子思道思問曰傑魯公弟也
子四人愿讓諒懋傑孫思正思進思忠思
温思益慧平原之墓由郡公得封今始有
表焉郡公之若祖若父名字弗可考隆然

地城則皆在其上而諸孫之與平章同高
祖者凡四房猶在平原居平章振興于百
年之後因郡公之追榮合譜繫族俾五世
之本支橫列旁附將使之孝謹自將益昌
其祖可謂厚也已銘曰

酌酌平原土墳宅舒民用泰寧聿勤佃漁
自河雲奔邑屋播道有壤者雖宵衣走徒
九於其行益南以趨由毫投汝靡定厥止
稅于須城容鄆以俟復還于汝以錡以耜
望彼北河有隆坡陀企焉音容戰兢弗磨
衛門之棟韜精養和曰我此有籍我墓伊
何戒而孫子勿忘勿忘勿忘番番魯公樂道趾
嫩乞也魯公不術以試藝而黍稷亦有飴
鯉遊嬉大耋訖用燾祉薦生辨章為國之
梁夸毗弗師佩瑀秉璋諤諤蓋言百壬避
剛始事 東宮爰高偃讓告疾過歸厥聲
四揚魯公在堂曰汝來庭因思靡效慎其
寐興汝車疾驅我錡斯寧鴻化惟幾靖希
隆平勿念以媚勿喜以私
帝曰汝嘉庸漫南征乃晉平章衮衣具榮

視品退秩三世是錫平原之瑩松柏茂植
維高維魯爰勗懿德寸雲數切下土濡澤
嬋媽祖芬肅爾承翼合宗別支秩秩毋紊
瞻彼中林王氏之本匪祖曷思匪譜孰辨
春秋墓門墊墊在嘷紹聞象賢繩武以昌
平章之心孝思不忘刻銘先瑩久戴用光

邢氏先瑩碑

邢氏世居彰德安陽之交口村金亡大姓
散走譜謀塚墓軼塞率高曾莫能考名字
維邢由酒使君始著君諱植字子實幼隨
父母竄處林谷親瘦死從兄林歸里力樹
藪自給厚德卑讓以先業奉其兄後居城
中蓄善貨取贏頗以財自振尚義急賑兄
無子訖盡力治生死每日齋用近禮愛物
近仁執信守常吾何憚焉坐肆中有客數
人貿纁於肆者眾肆纁有白金遺焉退客
莫及明日客至君先授之客曰果有遺不
意在君所誠大長者相謝以去庚戌歲大
災郡蕭侯率民攜綆缶力用命不可減至
君舍乃反風侯敬禮之始以推擇為酒使

歲終第籍上府窶戶無所納乃悉以已財
補輸之書券於君者毀不問後不有仕鄉
閭化之至元二十四年三月二十有二日
以壽卒于家年九十有六初娶李氏繼楊
氏李生子曰德裕字裕御風度皎峻展君
所行整暢為儒吏擢本路錄事路隸某王
公土俾復為酒使至元四年銓選格行授
將仕郎博州路錄事遷潞州判官再遷從
仕郎陽翟縣尹又遷承事郎藁城縣尹其
滋博州調征南軍不使富民委役於貧潞
州有疑獄立剖之而獻陽翟獄尤著民王
氏有婢竊其簪珥酒壺以逃盜不可得註
誤相連坐乃密詢其素所往來或曰王氏
姪誘婢他之度不可俱行因殺之以利財
後卒獲其姪一訊輒引服縣人大驚爭持
酒報以賀在藁城會真定無極縣軍隊長
匿戍卒錄二萬五千緝詒言室中夜遇盜
告于官三年不能獲捕盜官多受罪挾疑
侶坐獄者三十餘人府以白樞密院咸曰
是能決陽翟疑獄者檄君以問入其室左

右視驗實無有盜跡呼其孥二人別居之
所對皆異辭遂直入其室發床下軍鎧咸
在即日獄具而君以二十九年六月一日

卒于官年六十有七初配王氏再配郭氏
皆葬于交口之祖塋有子五人長曰秉仁
字仁甫曰秉義某官曰秉禮曰秉智某官
曰秉信女四人皆適士族孫七人女孫七
人仁甫始由憲司筮仕入掾臺省兩為太
醫院行省都事鐵冶正副提舉一再為二
千石治撫州興學禮士盜不敢入境治廣
平亦以善理究獄有能名郡民立去思碑
以祝之今以嘉議大夫禮部尚書致仕于
家而藁城君卒以尚書為提舉時推恩得
贈朝列大夫騎都尉河間郡伯王氏郭氏
皆封河間郡太君尚書之長子溫字孟直
更迭省部由御史編歷中書左司官諳習
故事而克謙慎脩以禮度自處今授亞中
大夫大名路總管將之官致尚書公之命
曰父子俱受

朝廷殊遇列三品夙夜兢惕實為先德淳

善再世以昌慰後人徒知邢氏之威而莫
知二祖之勛善培本者寔是額刻諸墓上
因子銘以昭示于後乃銘曰

雲雷之交經綸靡寧上降下騰甲拆是承
幼儉于躬不吝其成善極斯泰奕奕振亨
折獄按情罔用口才善以裕眾茲維艱哉
維子維孫享其胚胎仰俯橋梓播美益培
霜雨濡降永思彌虔詔而後昆絮其籃蓬
任以飭身止以樂全過者必式茲為邢氏
厚德之阡

任氏先塋碑銘

青齊由尚父啟封土沃民阜擅魚鹽之利
山水險阨雄偉冠鄰壤昔時宰輔顧優逸
自便者爭乞守是土滕概見於職方氏數
千年盛矣劉豫親父子背宋以千里赤子
驅為兵徒犯順滅德金主悟其元惡傳旨
就戮而青齊戶口物故過半完聚未幾李
璫復懷逆抗拒齊部所領益恭為墜落痛
矣我任姓世著滕州傳緒益遠有元帥府
君諱杞以宏諱府君為遠祖葬于薛河源

宏有七子擢文武科墓碑燬落今由元帥
府君始可譜府君娶王氏二子長曰銳金
武舉進士終千夫長次曰釗字某某幼長
戈革薦考古今成敗以進取自任鬱不得
志持素所講習訓導鄉黨陳義抑惡片言
總榮耻薰受以化咸曰繫任公所成就都
縣以其行舉于朝辟行軍總管再舉沂州
臨沂令皆謝疾不就始由沂州歸于滕萊
室祖墓一日蔓火燎于野逼墓次公號泣
伏墓所有頃火由它行郡嘗上其事府君
曰吾得歸故里守丘隴奚外慕焉美鬢善
容凋僮以隱逸自傲至元二十四年九月
六日年八十有一卒以孫貴贈樂安郡伯
娶周氏贈樂安郡君三子長曰榮曰滋曰
英榮由元帥府知事陞闕海道提刑按察
司經歷以不樂入嶺嶠改授廬州嘉興總
管府知事善心計仕泊如也以子貴贈某
官樂安郡侯娶單氏贈樂安郡君生子四
長曰居敬善吏事所至有能名為建康般
陽路總管今以通議大夫禮部尚書致仕

娶王氏樂安郡夫人尚書子擇善承務郎
樞密院都事執善江南諸道行御史臺譯
從事女三孫三曾孫三曾孫女一曰居禮
房娶李氏七子師善中政院管庫兼善泰
寧路司獄思善蚤世明善進善悅善從善
始學仕曰居仁房居仁為鷹房總管府經
歷娶王氏馬氏志善適善達善宗善曰居
義房娶丁氏伯善性善友善合子孫與魯
孫四十一人郡伯次子曰滋房娶李氏生
子四居安居信居寬居 合孫與女二十
一人郡伯季子曰英房四子居實居慶居
厚居德合子女十人嗚呼由府君至于今
允五世通其譜幾百人世莫可儼豈非其
孝感于鬼神蓄極以通故仕者振于
朝而其未仕者各相勉思緝祖武以自顯
匪表于墓則曷以彰盛德擇善浚湛惟思
見事不苟與梅同倫屬翰苑厚善而尚書
亦屢瞻其儀度俾有述焉奚敢辭銘曰
滕薛之間任國首封傳於東都蓋秩有崇
禮食是問邀其遺風泱泱三齊絲系沃豐

執智秉機厥俗攸同允也府君厄於兵難
閱詳興哀訓言閒閒左閭右塾化其恂恂
隱身墓廬以甓以攀仕不強希榮取莫于
雲藏靈湖磅礴蔚蔚朝躋于陵百谷瀟瀟
德盛莫居子孫秩秩聿來墓門展祀芬苾
叙昭辨穆孝謹罔失

清容居士集卷第二十七

清容居士集卷第二十八

墓誌銘

翰林學士嘉議大夫知制誥兼

脩國史趙公墓誌銘

長代作

大德七年正月辛亥翰林學士趙公晦叔
卒於官其年十月中書右丞相入對

天子曰趙與票事

世祖皇帝幾二十年事

陛下亦將十年敦確清謹今既死無以歸

骨於里敢奏以請於是

天子命有司諱緝五千復給舟車傳費俾

其喪歸將行孟實等以狀來請銘復往歲

直翰林公為待制其叙遷也亦相先後知

公尤詳義不得辭方至元十四年間公以

驛來朝澣衣幅巾見

世祖于上京冰澄玉瑩詞氣整朗言宋止

根本所在親切感動

世祖傾屬自是入翰林為待制為直學士

累遷為真學士公之為侍講也言江南箕

斂急督移括大姓宋世丘壑暴露皆大臣

擅易書詔明旨又言庚戌歲大霧蔽塞正月甲辰雩來西域其微為下臣執權蔽政言雖不行而公閉門待罪後司徒公俾同列諭意始復入署公每視職清望近思欲以言議實直理道確近條縷報上故所言嘗若剴切無隱而

世祖皇帝沉幾先物神量莫測或為公懼至平章政事不灰木公為公奏私負歲積皇帝曰得非指故臣為常者宜官酬其遺別給廩粟布帛以養由是始知君臣相與聘合明著如是曾祖伯洙宋朝議大夫知南外宗正事祖師雍宋朝議大夫直寶章閣考希聖宋宣教師史館校勘高祖宗正某南遷時丞台州黃巖因家焉伯祖師淵與朱文公慕次通鑑綱目允例微言奧語耳受身履故公所行尤近嘗與許公仲平論伊洛間域首言力行致知清簡惟高沈默自秘皆東南極獎文以顯道捨是無以識許公澁然之至觀公待人愛士恩禮周洽不為疏覈翕訕其持家簡泊無復商榷

計慮非淺知道者不能也天性孝友自宗正而下四世力請于朝而復其役贖姻黨男女為奴而不能歸者九十有一人始登宋卒未進士第為鄂州教授由鄂來京師迄為翰林學士知制誥同脩國史積官至嘉議大夫年六十有二其所成就不為甚過而公以榮祿豐遇為可愧不獲老田里為可恨隱公之心如是而已矣初娶夫人舒氏不一歲卒歸橐中喪于婦翁不取令夫人史氏三男子孟實以公為侍講時特官為承事郎同知瑞安州事孟賚温州路蒙古學教授孟實將以蔭入官以某年某月某日歸葬于黃巖塔山之原復嘗讀大雅文王之詩曰商之孫子其庶不億上帝既命侯于周服侯服于周天命靡常殷士膚敏裸將于京以知文王之德之盛商士之恪謹溫遜薦承天心維我

世祖明德造邦式混區夏內外小大共為帝臣而公涉降左右承賚接錫終始若一至於不幸而死今

天子復申命而寵綏之則公死猶無死也是宜銘銘曰

祿不斂贏謀不課利我以其拙彼以其智衣敝策驚內深玉靈誦聲清泠鏗出金鐵審審九闕壬人殞魂維帝有訓四方子聞之身云亡之德不爽丘環蒼茂一息以往繫昇之豐維時之通尚詔後人以封以崇

奉訓大夫昌平等處屯田總管贈

亞中大夫永平路總管輕車都尉

宣寧郡侯劉公墓誌銘

太祖皇帝沈默整武威金踰南乃肇定中原物土萌蘖橫出迭變莫能稱上意將草芟而獸蒐之久而曰噫吾赤子也始料其民俾執藝丕作故家大姓爭占籍自詣遂得脫鋒鏑野處以居飭材辦器咸精其能而人益效用國以富強猗歟哉故昌平屯田總管劉侯之祖仁時為金軍器局副使治于汴至是率其屬徙北以行副使之考秉文家河南世儒族讀書通大義審金將止兩河大饑家故饒傾所積以食餓

者或曰歲荐饑宜善蓄以俟府君曰國迫民流旦夕當走守穀可乎守子孫可乎後副使由燕居宣德奉府君以養終莫于宣德為祖城首馬副使隨軍而北也諸匠官所領道亡過半獨副使整部任工作皆完繕帥大人奇勉之曰吾當入白上擢以美官卒俾見

太宗皇帝授諸路人匠提舉後陞總管以終其配馬氏故涿郡馬令公之女孫男三人長伯英雲州判官季伯豪安平縣尹仲即昌平君諱伯傑字巨卿習土俗騎射尤善諸部語言初從其父至大興見尹郭汝極郭以能理劇知名善鑒識一見即命佐麾下使候賓館使者鞭帽駢集指畫不可辨能悉其語意周折省約使各慰謝以去尹益取自近壬子春

憲宗獵涿州柘林尹日扈從治供頓一日上問尹近郊歲入州戶籍多寡尹愕謝莫對輒從旁具對甚習上喜顧侍臣曰是人宜為官官寧有不能會供應官忤自受

誅乃授警巡院判官即不避署事先白所
司言京師號實區奇貨善物可立致官減
其直歲盡且不與雖百置布令無益卒如
所白而官取需始輯秩滿府咸曰捨劉君
孰使遷本院副使再遷院使歷院四曰大
興宛平易縣樂陵循撫慰煦倉卒決索不
假氣色卒不使煩擾事益以理古言京師
號難治谷內縣得一善滿輒蹈足以去君
所為官冗七遷皆畿赤繁職使忤貴近一
斥不復上驅民迎合將促數苛擾曷得更
取迭用以自顯若是則其治狀可無愧矣
其治樂陵也鷹房數百人從荀縣來糗肉
滿馬尾意樂陵可稱意讀令諭之召其首
曰使果犯誠不肯汝卒避去推樂陵所為
政其治它縣與府院蓋可知也後為昌平
路屯田總管積官至奉訓大夫卒以至元
二十三年四月某日年六十有五其葬在
大興縣招賢鄉烽臺村之原男六安易縣
尉蚤世弼監太倉支納致事

裕宗皇帝年勞補官積遷中大夫建康路

總管府事佐承務郎同知涇州事敏從任
郎涇州判官敬承事郎藏珍庫使女三長
適幽州賀進次適承務郎尚舍監丞蕭某
次適蒿州判官田從義孫男九可大將任
郎同知馬籠州事可蚤世可浩崇祥院
尚印可任幼事 東宮進義校尉行篋司
藥局副使可復可真國子生餘尚幼孫女
五長適安平王某次適幽州郭炫保定于
傑幽州朱棟蔚州宋某延祐中贈典行致
官三品得贈二代始退封亞中大夫永平
路總管輕車都尉宣寧郡侯夫人宋氏宣
寧郡夫人而祖父亦贈中順大夫宣德府
知府驍騎尉宣寧郡伯配某氏宣寧郡君
楠往與太常博士楊君宗瑞游過其塾見
劉氏諸孫齊襟受經雍穆有度而建康公
禮法自持未老倦游肅然以門戶訓勉令
觀博士行述儒素之積實由河南來禮不
忘其本遭時熙明將於是乎振遂不讓而

為銘銘曰
魏魏

元后成玄切鉅戈誕指中州從麇驚眾窺
老與童土金石木獸草工各飭攸職程作
供徒彼儒族漸勁雄寂甲奉貢朝紫宮語
言清琅纒耳聰指掌代對剖臆胸天府赤
縣更選庸貴瘡瘡伏祗顯顯游刃不缺至
理通大椿靈根壤墳豐美蔭蔽芾宏闡崇
鏡銘堅珉德彌隆

將仕佐郎信州路儒學教授陳君

墓誌銘

大德丁未余供奉翰林與廣信陳志仲游
粹然以容慎密不妄言間語昔時祖子孫
家慶故事志仲莞爾言曰吾大父迪功君
大母程夫人濯兵難時年七十餘我嚴君
衛鄉保入侍二老人嬉戲盥饋奉禮如昔
迪功君年愈高別築華山梅堂以奉益不
復知有世事于時諸孫實五世矣迪功君
號南隱翁翁終時年九十有四方南隱翁
無恙時諸父皆逝唯吾老人力整門戶訓
兄弟子後以儒術興者凡若干人幸為我
記華山焉已酉歲秩滿南歸余師剡源戴

先生教授信州亦還言廣信多郡博士獨
陳博士溫讓材智為素慎行為第一方有
司急庸調徵儒生幾二千人能力言而盡
復其後汝官京師有名敏學字志仲者其
子也與之游乎未幾志仲以信州教授致
仕命歸榮其親後為官師府司經典籍稍
遷太常留錢塘遇之則又曰吾親年七十
時嘗為書授敏學曰年至而仕非古也壯
者必仕仕不求祿養吾視大父年不敢跂
幸氣血康完若二兄恂恂善持家勉若以
仕勿懼也皇慶癸丑余復入史館志仲則
以太常舉將為博士冬十有一月訃至允
所與游者皆入弔越三日凶服踵門泣不
能言以國子博士虞集之狀授稱俾為銘
君諱萬里字德甫弋陽縣人幼善屬文長
從工部侍郎諱公禾學詞章起居郎徐公
直方受理學謝公枋得張公卿弼植志節
咸淳癸酉薦于鄉後起家廣信書院大修
燕居堂而帶湖立諸生論古今成敗道理
遺言微旨文質益損皆口授手畫諸生不

忍去請于官留帶湖凡十年南隱翁卒學者咸會其焉雅性寬厚善清言與人交久而彌篤歎歲疾札發粟施藥以全活家多書譬證成善本謂諸子孫天佚吾老吾遺爾書守儒為準守身為本餘何言哉壯歲

慨然慕詞學故於章啟語尤精噫方宋文治時立博學宏詞科番陽三洪公周文忠公造致清顯至呂成公真文忠公關正學彌貴重真傳諸徐鳳徐鳳傳諸尚書王公應麟公曰中是科者實有命晚歲問難無以承諸生徒自辱爾梅聞是語愧汗累日今幸與志仲交意謂從廣信山中論竟斯道今不可得矣屬曠之日戒勿用浮屠事實以九月某日卒得年七十有六以某月某日將奠于永年鄉之吉田曾祖謙道祖應隆考文光即迪功君也長子誼次天驥皆為郡學官先娶程氏出次敏學將仕郎太常太祝今方氏出女三長適方晟次徐某次方天祐孫男七人長師中第五孫弘為大都路儒學錄孫女五人曾孫女二人

構嘗謂士患不得名巖居谷隱一時推可多任俠尚輕重翁先生者休然養名平造安時鄉閭化之郡縣公之孫曾承之歿有餘德古所謂鄉先生者陳氏之門見之矣是宜為銘銘曰

日幼其躬以濟其達不違樂天脩齡以終帶湖之徒來會幽官彼別者泉樹之青松而子而孫慎其延弘式昭墓門百祀弗窮

陳士直墓誌銘

咸淳三年浙西提點刑獄戶部陳公卒大臣以公清直挺著特官其子鬻伯是曰貴白甫有子命名長曰紹廉季曰紹庭廉言清庭言直也壬午歲余過奉化入其里居拜戶部夫人于堂下退揖責白甫于賓次識二子焉其季紺項斑襦眉目刺成燁然碧光流几席稍長羣諸生誦聲琅圓端默絕外嗜又十年貴白甫居徙江滸復入城僑館則季已加冠字曰士直神益完貌益整肅容侍立無倚息退具醪茗動中周折不復俟指頤間從士直坐書室鉛黃森錯

卷帙整束受業退暇琴書潤花竹手植如幢列人咸曰誠有子稱則曰是宜壽且傳噫世青彫蕭夸者馳侈靡早者淪頽仆幼儀雅言耳目不相接垂三十年晚有蘇自樹植皆野人窶子椎魯不入經墨獨士直以故家免接受薰熟而貴白甫身教簡易故人皆愛士直靜且和足以蔚其宗余亦愛士直將孳而充之使益有令聞大德丁未余官禁林有言士直遵海東游京師遲之不復至己酉歸里貴白甫泣且言曰吾紹庭甫壯以九月某日以矣其死也遺筆叙訣無怛語獨屬兄置後以慰父母明年春兄果得男曰鑄配汪氏遂育以成其言葬地在宅西嶼山以辛亥十有二月某日定俾梅銘謹按官譜曾祖諱某宣義郎致仕贈朝散郎祖諱肖孫朝奉大夫戶部郎中浙西提點刑獄嗟夫世患不能持身既壯且脩振衣康莊御轡遠騁其進莫可止輪掾乾敗卒歸于命貴白甫秉德師古迨達不淑莫紓其悲以貌期緝余復失之

天乎是果不可知也庸銘以慰而翁銘曰有燁者珠復沈于淵云誰尸之蒼蒼維天雲乘嶼山地食歸復詔而兄子以衍以續

戴先生墓誌銘

先生諱表元字帥初一字曾伯世為慶元奉化州人七歲學古詩文多奇語年十三即加冠入鄉校從里師習詞賦輒棄不肖學諸父強之乃游臨安于時新定方尚書達辰廬陵劉博士辰翁以論策表厲進士得先生程文大奇之咸淳己巳入太學改歲以三舍法升內舍生又踰年卒未試禮部第十人登進士乙科授建康府教授赴乙亥歲由建康歸遷臨安府教授行戶部掌故皆不就積階至文林郎大德甲辰先生年六十一矣會執政薦于朝起家拜信州教授秩滿授婺州以疾辭至大庚戌三月卒享年六十有七先生在建康時先處州通守是邦朝夕互還往先生眉目炯偉慷慨自奮欲以言語筆札為己任嘗曰科舉取士弊不復可改革得仕矣宜濯然自

異斯可也後二年失仕歸刻遂俾構事先生始盡棄聲律文字力言後宋百五十餘年理學興而文藝絕永嘉之學志非不勤也孝之而不至其失也姜江西諸賢力肆于辭斷章近語雜然陳列體益新而變日多故言浩漫者蕩而倨極援證者廣而類俳諧之詞獲絕于近世而一切直致棄壞繩墨焚爛不可舉文不在茲其何以垂後先生淡澗焉方是時禮部尚書王公應麟天台舒公岳祥師表一代先生獨執子弟禮寸聞隻語悉囿以為文其文清澹整雅蓄而始發間事篆畫而隅角不露施於人者多尤自秘重不妄許與晚歲翰林集賢以倩撰博士二職薦論而先生不可復出矣維先子與先生總角相厚善暨先生登進士年盛氣邁故舊貶抑者不敢自進先子正色相輔復以不肖孤托于先生誘之迪之獲不失其身往歲解官南歸於是先子相館踰一紀矣先生始愴然曰先公之德幸勿墜嗚呼朋友道喪久矣過時而哀

梅實何敢忘自昔孔門首分四科歷代之士率不能兼有尊德行者後文學世嘗病焉先生為文尤多於忠厚孝悌之語後之纂言者其必有所考夫文以蘄遠果能遠矣而近者五六十年或止百餘年其不幸者又皆為水火燬沒亡紀使誠盡傳也則世有能名者不一二數然視今世焯焯所傳又皆無是事意傳與朽始固不論也曾祖辛妣劉氏祖汝明妣鄭氏考灝妣王氏世多儒科伯祖杰端平初為宗學諭薦厚為時輩所尊先生詩文若干卷疾革猶手加繕定以所居鄉名曰剡源集治窳張村葬以至大元年三月某日娶陸氏子男四初陽次紀後庚幼儒女四壻曰陸孟孫孫肖翁徐公說袁廣孫孫男女八始先生兩授徒于鄧于宣于杞其徒散處莫會初陽等謂從學家久而知吾父者宜莫如梅遂俾誌其墓乃泣對不敢辭銘曰
桓桓戴系立氏以謚信都九江集禮秉衛在漢國鈞守正忠毅別籍于剡貞德彌勵

琅然孤桐不諱其逢浩歸衡門邀寫冥鴻
二季重輝續其高風箋經暢隱雅言春容
厥壤大牙畜邑是著方門之支本茂葉附
展世斯共宗警攸輔說說餘慶幸踵先武
振聲鋪華先生是承有焯者光不疎不凌
在泮我冠掩耳以行曲裾長襜祇繫其亨
千塗競譌一轍交走正歧前驅白首莫疚
發其粹精如瘖脫口如嚙在手如藥在肘
屢躓于艱秉禮益閒有泉潺湲有佩珊珊
駕言東游曰知者天卒昌其文以終丘樊
張原之柏先生手植彼高為南彼鬱者北
告而嗣子以順以則昭銘墓門過者必式

周隱君墓誌銘

先王盛時以三物教民六行之不備則設
刑以糾之是六者切於人道之日用故嚴
以為之防其理然也降於戰國異倫益數
孝友著於列傳擁強贊持短長縱恣郡國
作史者復傳其事豈誠有激於世乎納粟
之令行虛文益張實不見於鄉黨執筆以
揚人之美不偽則佞吁可懼也矣廬陵曾

君巽申與梅同在翰林狀其姻家周隱君
之行曰君諱天錫字極翁吉安路安福州
人曾大父大成大父宗元平實自持以累
舉恩授迪功郎臨江軍新喻縣丞兄九鼎
篤信行歲饑能損粟直以售遇朋友急厄
傾貲解援裕如也牟內翰林領史事將薦
以自近後不果父丞相信公靳許可扁其
齋居曰信太學博士劉君辰翁實銘之是
生隱君嘗以詞賦上轉運所江丞相讀其
文奇之事親盡孝侍疾治喪悉如禮以遵
父志其待於族姻洽於鄉鄰者彌有廣焉
性不事表襮勸之仕謝曰吾求全吾初遂
因以自競至元二十九年十一月年五十
有二以卒娶蕭氏男長孺將仕郎征東等
處儒學提舉孫男三福祺禎孫女四延祐
五年四月甲辰葬柏溪之橫原讀其狀則
知夫厚德之延非一世繼志紹聞久而彌
光泉塞於山木生於地磅礪鬱積有自來
矣君之遠祖廣為南唐節度押衙積憲銜
為御史階金紫唐廣明以來有是官曾君

平居語不妄孫禎曾婿也魯之先君監察御史縣桂陽時為湖南主文實按君為首選事可證若是銘曰

有錦綉之有玉匱之蓄兮續之是用毅之廬陵之原豐碑秩秩昭其幽光詞不以溢

楊府君墓誌銘

江南官簿大家運繞合一諸陞祿穀流降不復可考或者謂聲聞詭激德不稱名馴致是理味其語淵乎有旨哉箕疇叙五福首次以富終之以考終命而祿位弗叙若

公君直純仁之祖教授君某其事親有誣其考以重罪君總角詣庭直其寃其居室銖黍克勑使善裕其施于鄉捐粟直以濟鐵買田以助縣庠其宅南有重巖水石君

劉隱君墓誌銘

世以祿夸我弗企之積小以高莫或躋之我我長松美蔭日疏迨樂其全弗偕弗踰武石之山固爾體魄羨廣墓門過者是式

劉君正仲諱莊孫始憤然曰吾不能接響相附和尊聞紹言各為論著不沒其實而先儒之傳益顯所為書曰易志一十卷詩傳音指補二十卷書傳上下篇二十卷周官集傳二十卷春秋本義二十卷其論春秋為魯史之舊是則發揚先儒之遺旨喜著書能以詞藻達幽隱復為論語章指老子發微楚辭補註音釋深衣考而其兩為詩文曰芳潤藁凡五十卷和陶詩一卷噫多矣哉學患不博博矣其必不能以精也士生于今會衆以合一由谷而之川以達于海蓋其書具在獵英聚珍朝成夕上敏而求之者良不以為艱是則於劉君見之君少學古文湛深隱伏不見其涯淡落筆數百語詩工次和愈作愈平順而幽愁感歎思其平昔狀其羈窘鑿燭清激物莫有逃遁者性嗜酒不解治生業幼侍其父府君昇自為師弟子從聞風舒先生兵祥游唱和不輒空林絕嶂目接耳受一寓於諷詠晚歲先會稽郡公延入塾教諸甥

構相與論經旨往復不避輩行益君篤信周官而不鄙每置議君亦不以為忤在太學五年不善為同輩文字不獲釋褐今其所為書先師尚書王公總而叙之大德六年十二月某日卒年六十有九娶王氏後七年卒子三長主一早天次存翁學翁女一適董可傳英于士與之龜峰劉為寧海儒族八世祖世克為吳越王錢氏叔授官閩風里有二劉曰和叔曰克叔於君為曾叔祖有父名不大光顯至君父子亦若是今遺書具在詎果無傳也邪曾祖某祖某妣某氏其子存翁嘗請銘以久官翰林不克為至是二十有四年矣今復有請愀然謝曰隱君振華績光將大有傳者舊漸盡構敢不自勵銘曰

探微證墜前指功後學剽襲証額蒙偉哉卓識合異同輪囷卷帙浩不窮冥揆去矣歌風颯弄筆為戲箋魚燕辟雍三黜命英達紀述有在蓄極通墓門永揭昭儒宗

曹士弘墓誌銘

褒貶論春秋解經者失之作史者祖之則益失其旨矣宋祚歷三百餘年經國之綱領治迹之盛衰實書以示後其義自見深文巧避多出其子孫而為國諱者掩而益彰治亂不決何以傳信吾友曹士弘甫深憂之蒐撫遺逸不替於昔時之議論自成一家其實穿出入年經月緯誅其私心附以旁證莫能逃遁梅往歲亦嘗以是自任故書燬廢不復敢因微言曰帝在房陵豈乾侯之例邪外大夫不書卒書卒者其是邪士弘甫撫掌大以愚言為然嘗約吾二人當必任是事嗚呼士弘甫今往矣以余之識聞志荒不復能有成矣士弘甫讀書目過即成誦理財養兵禮樂刑政之損益折衷於古經而以通今所宜行者為之準其見於用也不卑於簿領而志足以展用取於友也盡其所長覆護以捨短故舉世一時以為賢奉親孝事兄以恭訓諸生專席廣說耳領心會爭踵門受業後卒致顯仕初為郡史燕公公楠為大司農辟以自

近應婺州純孝慶元大亭廣德陳揚村枕村巡檢後入銓曹復授陳揚村楊村父老咸曰是嘗攝吾里者矣言者善撫字今年饑必賑我我何之君諱毅武惠王裔孫五世祖某從隆祐太后避兵過廬陵因家焉曾祖某祖某父某有詩集六卷祖妣鄒氏妣羅氏鄒氏以叔父某太學釋褐恩封孺人所為文若干卷纂言行編曰鉤玄凡五十六卷疾革命諸子曰必返汝祖母故瑩吾魂氣無不之得地即埋我卒以至大年四月某日年五十有二子男五人汝霖今為兩浙轉運司書吏汝舟鏡州器資宣州皆以秀才舉馳以醫業入仕幼桐孫女一適劉某先卒孫男女七嗚呼人嘗恨位卑齷齪媚上甚則策功利以求進名在罪籍不自悔王公貴人持與奪生殺身死無足稱道較士弘兩負所傳得失為何如也先師禮部尚書王公應麟為文錢之曰闕里高第再有用牙樊邊為右士弘為此官文武同方之道也侍講學士張公伯淳則

曰伯淳官慶元士弘在慈谿與之友不取
吏朱雲也汝霖汝舟皆能世其學泰定二
年汝舟以書抵余求銘實不敢辭銘曰
乾也不食我心孔悲聿求王明以策以馳
輪困知聞如山茲雲纂史闡名不屑於文
緝墜紹緒執筆是紀年不稱德傳世則偉
作銘乞哀以詔我同志

陳縣尉墓誌銘

咸淳閱十稷諸縣獨奉化號多士流出入
太學上南宮上慮十餘人于時蜚聲秀穎
而縣皆斂手避讓一時傳誦習讀謂清選
不歲月可馴致未幾

皇元合一皆失仕歸里挾策後徒踈羈自
給俱不能享中壽子弟不自振飭復歸為
農陳君亦咸淳甲戌進士不自矜襍接幼
待賤謙挹愈加混迹蒿醫不知其為故官
而得年且八十有一有子漢復能以儒自
守其視前數公良賈過矣君諱觀字國秀
嘗調臨安府新城縣尉十世祖崇尉奉化
因占籍焉子孫日蕃其家顯者曰太學博

士著於君為兄博士倅貳臨安君館于其
家君之考承務亦在館既策名客館其兄
復賀其父人咸榮之晚歲足不入城府州
爭迎致率諸生以請業君一至即謝去倘
倅叢壑倚博士窮幽抉竒連唱屬和有快
曰棟芻集其自為詩文曰竅蚓集蒿里集
延祐五年三月疾忽作猶力書中庸一章
以授漢是月某日卒祖諱某妣戴氏以守
節著事見州志考某承務郎妣臧氏董氏
孫男二時說時敏孫女一已嫁次未行今
墓刻源鄉畢駐里耐于曾祖迪功某之地
銘曰

日垂崦岫亦既見斗實命不逢怨則屢取
布衣便便迄享大年執其章編戒子于傳
維陳令族詩書是績作銘胎胎以告必復
靜清處士史君墓誌銘

大德七年梅官翰林史先生以書見貽不
獲領後二十年子壁孫橐其書藁以示反
復痛悼策勵于梅為甚重今據要而表之
曰斯文剝喪餘數十年師表郡縣學者應

格則得未嘗于其人後生不說學亦未嘗知學別偽務實而挽之古子宜勉焉非可以虛談異也又曰吾將死得子文表於墓楸拜手讀之泫然以泣先生於外家為舅氏猶記拜先生於獨善坊論官族纒屬文詞顯著獨缺自吳丞相開新河有相者曰通後當踵有之甥宜自重先生於諸經窮探微旨證墜緝缺不溺於說聞剖釋正大而折衷一歸於前括論古今得失必揆情偽以暴其罪正色憤排若造庭而受其責也為文邃古不雜異說手抄口講更僕不能以盡孝悌遜讓知其出自然也先生諱蒙卿字景正生而奇領秀目七歲善屬文年十二入國子學通春秋周官經復兼詞賦江文忠公萬里常參政提時為大小司成器待之咸淳元年登進士第授迪功郎復州景陵縣主簿呂少保文德帥鄂檄入兼呂命先生勉蜀帥溫和解正陽圍溫疑呂猜阻不肯發微語撼之即就道允所需器物一夕以辨溫實先公帳下校卻立曰

史監軍誠有子調穿山鹽場諭義勸輸戶不知有筭榷十年改江陰教授復改平江至是不復仕故其詩文多感憤自諭禮部尚書王公應麟嘗勉曰思深辭悲學陶靖節其得之維鄧史族競相門曾祖諱法登天贈中散大夫祖諱彌翠司封郎中贈少師司封以儒學致顯當貴盛時獨卑退自持鄉人稱為獨善先生妣臧氏華國夫人考諱宥之中大夫湖北提刑兼知常德府贈太中大夫妣趙氏周氏碩人太中熟邊事折衝料變有大帥才時宰尼之太中在湖北時謁告歸省從巴川陽公岳學易春秋一年復歸國學乃中上第士常患固陋株守皓首不寤先生識足以窺淵懿經緯一原合師友之旨老而彌實確而不懈故其成就若是自澆靜清晚歲罹厄窮講道不輟從者益衆天台多名山心樂之僑居者八年大德十年七月某日卒享年六十疾漸革語諸子曰我死必歸葬不能得資良果汝汝有志其果能成也是歲十有一

月樞歸祖墓明年葬于陽堂鄉穆與之原
娶陸氏朝請大夫將作監合之女子壁孫
孫探翁仲忱適紹興中書舍人潘公良貴
之曾孫世演二女未行有文集二十卷易
完一十卷託永遠於少賤誠不敢承命歲
月逾邁而壁孫能遵守不貳奉遺言以請
易敢以不腆為辭銘曰

貞絮陸沈志裂金石秉言無郵厄則孰職
騏伏于襄不稱其德塊獨結約念決胸臆
持丸障瀾盡瘁不休卒昌者名屢空靡憂
生為完人歸藏于丘有子紹學昌怨以尤

清容居士集卷第二十八

清容居士集卷第二十九

墓誌銘

浦經厯墓誌銘

大德丙午梅與吳郡浦源如湖同佐史局
史局總翰林職清簡屬筆將既輒群坐感
否今古如湖响不出口一日正襟瞪目援
酌是否纒纒數百語經史綜錯滾切治道
且曰吾家君重然諾慷慨子歸且往見是
歲還吳始納謁焉見其設席尋文車履沓
戶限若絕觴舉輒口數州郡靡傲事傾耳
點首皆僞寫達官奇其言將引以為他日
助未幾授漕運府知事朝貴人俾乘驛來
京師昌言漕計十數事不便朝從其言即
陞為經歷壬子歲梅留吳家久遂益得奉
議論痛言田稅民役上下交困之將繕治
其說於素所傾密者于時以婉語止之曰
害不什一除苟出苛擾殆將重病之君立
悟乃止後授黃州錄事判官延祐乙丑君
年六十一矣嘗謂知己多行事少平時措
念挺挺可表著迄莫能自見一有委使排

根扶蠹將欣然盡瘁方受檄推考而卒以疾至大故實四月庚午也嗚呼成周以三物教萬民降于司馬遷憤世嫉邪獨致意任俠君周於事物激不近刻任重致遠出戶而日晷愆幸歟其不幸歟浦為吳郡著姓君諱椿字 世家崑山州魯大父某

大父某植德潛閎父某貧而好施君少試吏以曲直視事不宥有高下簡易絕城府鮮排紕微磊落輒自許壯歲耻同冗輩始辟漕運府史熟其利害府薦于 朝為昭磨三遷為府經歷晚授黃州而志意莫遂詎命也夫娶陳氏男五長源以編脩官授承事郎常熟州判官次厚與陳夫人先七歲卒次湜浩津女嫁同里嚴震孫男五孫女二六月乙酉莫長洲縣陳整之原銘曰璞隱于荆彼士泣之驥伏于車易子繫之成者匪天為者匪人不成不為其風朏朏聿昌其始有子文偉高丘永安是謂受祉

司天管白焦君墓誌銘

長安焦氏世遠軼莫究宗譜有諱紹先者

金汰武時始著進士籍生子繼祖為河南招討使招討生餘慶第詞賦科任至中順大夫雲陽縣令金將亡國勢感備日孳都南徙連官重族棄播不自保雲陽號儒家乃讀建除侯占等書察便利生死法為隱避計死未幾有子曰永字某益究術自秘天兵下陝率里閭孳屬二百九人道金洋入蜀門蜀附定悉完聚歸後家岐陽遂以術顯靈臺因官焉至元庚辰靈臺卒年六十有八男二榮陝西四川陰陽提舉顯廣元路歸興倉使女一適輔某孫男四澤臨洮府稅務大使混將仕郎同知益良州事渥岳州路陰陽教授沈延安路陰陽教授其莫在咸寧縣龍首鄉南岡合配胡氏祠大德丁未孫沈奉集賢宋公所為先塋碑與靈臺君之事狀謁某京師且曰吾祖不顯于儒躬遭險艱食蕘保緒晚歲聚經史探玩意若有俟性溫重無忤色紛難急乏力盡不奔諸父兄斲然自持承茲振華孳孳自厲匪我祖先德疇克有賴敢以是乞

銘銘曰

起儒維魯逃艱以承魄歲止止昭爾孫子
俾復其始

滕縣尉徐君墓誌銘

君諱之綱字漢臣金以詞賦舉進士君為
詞賦大有能名會金將亡不得試作賦說
以示學者窮幽闡微合金宋體指摘昔人
鉅作截然不少讓上論隋唐曲盡幽眇之
而曰是果為學邪益按道理以河南二程
江南朱張胡蔡為根柢窮春秋易二經其
言春秋失始三傳左氏誣為甚常事不書
聖人之旨也易更三聖麻衣誠偽書夫子
十翼功並日月其言與朱文公合當是時
南北蓋未混也意識卓絕尚友於千載其
言論金士疑之宋競以儒立國論亦如君
言其所為書東齋默志三卷皆經說也通
駢賦說三卷舉子學也麟臺雜著七卷其
所為詩文也

皇元略中原定地戊戌歲始招輯儒士君
以明經選益都于時李璣以諸侯兵分省

君以府學教授佐省事璣喜儒間問攻戰
成敗陰蓄甲士習勞若君講經曰使民以
時相君不知也璣默然又曰平王威烈周
之衰也戰國之士知諸侯而不尊周唐世
河北將士尊藩鎮而不知有唐其言簡直
遂黜為滕州滕縣尉讒者復以默志羅君
禍後璣果就誅而君亦已下世中統四年
八月某日也年七十有五配李氏郭氏嗚
呼崎恒兵塵士悉以童習自守磅礴河漢
橫流塞而天源深非君其誰邪淄川楊公
序其文矣君世家單州後徙濟州祖鐸父
革俱金進士配翟氏子敬至元十三年中
明經無祿即世孫天麟十七年亦中明經
次鳳以積勞為益都路臨朐縣尹今承務
郎慶之路總管府經歷次士龍代州儒學
正曾孫若千人鳳靖共宜官愀然言曰祖
父節行經學先招推重子嘗為文字官願
誌墓道遂讀其所為書以叙乃為銘銘曰
魯聖絕學蕪榛菅曲說恣聽紛翻浮聲
急響曼以繁青紫決拾靡覩頽夫子勇志

開冥頑手持寸膠清潭瀾雲陰駭霽白日
還佐鎮陳誼數斥森拂衣避席彼構譏寧
寥道統孰異分正輟前趨南北貫厥功茂
著儒碩先遺文傳信銘永刊

龍興路司獄潘君墓誌銘

元貞元年梅掌呂成公麗澤祠于時壽俊
有數公能言乾道淳熙遺事嘗曰麗澤選
不輕二潘君真名士子繼二潘亦僅僅焉
大潘君吾里人以介直念世死小潘君弼
良輔處之麗水人介亦相近氣邁年盛用
世必得善譽子善識之未幾良輔來金華
望之魁偉壁立瞪目拱手廣席叅錯未始
出半語稍論古事輒躍然纒屬穿貫握手
曰大潘君死吾與子真交承矣後游京師
授贛州教授見中丞崔公議論剴發相感
動關絡解剔不為翕翕附中丞喜聞四方
利病即奏授廣東廉訪司管句架閣兼照
磨是後余亦入為太史屬臺使者苟午入
奏事咸言良輔有御史才廣東副元帥囊
橐峒寇稍廉察即縱寇搖動斂手弗敢問

遂悉發其姦錮德慶路官適糧三萬石勅
具幕長不法數事聞于臺立罷之監司欽
察公悉付以事副帥益鬱怒誘引上賴誣
讖會省臺停其職而以君勅罷者復所居
官未幾御史言論初者罪著不宜復然君
卒以是去江南行臺御史列署薦君宜久
任憲職于時崔公已即世不復任君矣大
德十年復為贛州教授以昔之治廣者為
準闢田築宮訓士嚴整力請于官而復其
後皇慶二年授龍興路司獄不卑其職悉
疏宜行者以盡心焉部使者佟公憲府舊
屬命治佐劄專利者允得八百人悉除去
之會佟公去官不逞復以他事相誑誤強
詆者引君然君自是抑氣不能食以死嗟
夫士患不得名名與謫常角立昧昧後福
善不近名誠有為而言也若是者君幾近
之矣君族祖父曰叔豹曰杞世儒科皆至
二千石曾祖恕樂道不仕大父厘太學進
士脩職郎平江府吳江縣丞父應發薦于
鄉文行瑰偉士尊稱之君幼孤母項氏抱

師教授俾植立其為文辭浩澹勢感銜激
巖藏風止瀾靜卒不露飄泊其善養氣者
與所為文競宜山集若干卷讀易管見四
卷詩一卷藏于家元配何氏子二人曰龍
吉鳳翎女三人長適常翰次林定老徐天
祐再娶陸氏子二人鼎臣銜孫女一人適
林街三娶陳氏女二人尚幼曰昇曰鑑皆
庶生孫男女各四人君卒於延祐 年七
月某日卒年五十有八稱在翰苑時嘗以
君薦于承旨程公程公曰吾固知之得無
以南士累乎相笑而止至治元年二月承
徵至 京師預考禮部進士策名得林定
老後登上第授奉化州同知定老踵門拜
且言曰潘君實婦翁先生嘗知之矣將以
今年八月庚申葬朱溪祖墓敢以銘請又
言婦翁嘗從先人先人卒定老生未周斲
斲撫字終以女妻之由是悲且歎曰師友
道喪久矣是尤宜書銘曰

長紳歲冠日出脂韋莫室其逢委蛇以嬉
白駒在谷不屑不辱決臆過都孰繫其足

生人匪難成之實難九泥障流彼駸者繁
氣直以堅維德之完謂隘不由其名奚傳
江陵儒學教授岑君墓誌銘

慈溪黃宗仰震之季子叔英彥實甫婿餘
姚岑氏咸言岑氏善擇婿彥實館其家以
詩書授子第彬彬于子鉤深慕玄融液品
節各就條貫捍鞅於詞場者尤宜焉延祐
五年岑君良卿以詩義上禮部第二稱時
為 殿試請卷官定甲乙七年其第士貴
貢于鄉稱以至治元年再入集賢預校文
選詞賦工者權前列登拆名則士貴也
國朝治定踰百年始立科舉江南行省有
三而襄郢東西淮之士亦隸南選三歲止
七十五人登名上于庭者三黜其二岑氏
連取之盛矣哉論德考實必推其前人士
貴懷牒南歸以其先府君之狀來請銘君
諱翔龍字雲起踰弱冠即起家為高節書
院長調和州教授又調江陵教授幼警敏
能文辭性慕高潔以禮自持植廢舉缺罔
有怠事鄉里稱孝謹事大府能使貴戚者

咸受重之大德九年卒年四十有五吏部
教官格年踰五十始得入州教授州不滿
三十而接踵嘗數百人十五年始得授且
守缺近三四年遠至七八年故多不能食
祿而陞于路者非耆年則下世矣君以盛
年徧應宜涖于民不得年以沒前俟後室
若有感者未一紀兄子登進士又三年子
亦進士較其得失是則亦奚有感焉也矣
娶王氏先九年卒子男五文仲朝瑞為伯
父後士貴今授某官季德盛楚材女一適
鄧范某至大元年葬於上林鄉台輿之原
古者銘藏于幽後揭於墓道懼人之弗先
見也禮生於人情弗忍焉耳矣乃表以銘
曰
蒼姬展親岑亭啟封棘陽專居傳漢益隆
矯矯舞陽佐運闡切後興儒碩錮禁以終
定籍會稽支居鹽官三相佐唐偉績彌刊
或鳴以詩載車和鑿降宋中微其譜實完
窶兮在山不歎不償卒達于川百折混混
孰導其先孰開其蘊肇者不居來者益振

執券獲酬雙壁是陳載考令德其馨網緼
我銘以昭益勵後人

河間清鹽使郝君墓誌銘

君諱從字從之霸州信安縣人壯歲秀整
植聲節與人交不為儉薄意極其急難里
人推德之至元十三年為河間清鹽使副
後陞正使治弗煩擾而政日以理始君從
第彬弱冠事

裕宗後為工部尚書官寢顯從之曰吾郝
氏由大父宛平君多惠政後宜有顯者微
在尚書吾仕宜己矣會得末疾息心斷家
事調任寒暑力補治策杖間里如平時踰
二十年嘗謂其子志善曰才能不如古人
擇今世賢公卿如古人者事之斯近之翕
然取貴艷非進身本也志善從太傅丞相
之子大夫游始為北郊署丞為監察御史
而君與世咤然益若相遺者焉延祐五年
十月某日卒年七十有一懿士患不知命
逐日希影孳孳然不返若若能知止矣而
其第參大政罷歸閉門幾十年亦不出今

拜大司農郝氏之昌殆未易量也考諱德仁妣李氏宛平縣君諱政以叅政贈資德大夫尚書右丞追封薊國公謚康靖賈氏薊國夫人配劉氏女二長適楊居義次適集賢照磨李忠將以十有二月某日莫宛平君墓左御史來乞銘銘曰

始奇終閔覲德日溫訓言衛門不華以尊曄曄大椿灌膏培根弗利其身利其後昆

翰林學士承旨贈大司徒魯國王父肅公墓誌銘

翰林承旨贈大司徒魯國王父肅公至大三年六十有六薨京師假葬于城東隅至治元年其孤翰林待制士熙始克奉極以某月某日莫東平祖塋孤山之原士熙拜且泣曰墓上碑則父友翰林學士陳公儼屬比銘之矣今葬日薄知吾先公莫若子幸誌其庶官行事納諸幽堂楸不敢辭為之辭曰公諱構字有堂年弱冠以詞賦入鄉校賈文正公一見器偉之禮載以歸俾教授其子遂來京師至元十一年授翰林

國史院編脩官由院中叙遷應奉脩撰陞侍講進翰林學士訖承旨佐丞相府為司直應吏部禮部二郎中太常為少卿於臺外江北淮東道提刑按察使副內治書侍御史入省叅議中書省事復出守濟南公之在翰林也辭命詔令多所謨述其家傳于朝者曰

世祖皇帝謚冊追謚

太祖冊

武宗皇后冊於寶錄預脩

世祖成宗兩皇帝定

武宗上尊號親享

太廟儀在太常考輯因革有叙其佐丞相府刻刮蠹獎更始選士丞相齊魯公信從之為治書時值桑菑擅中書政柄嫉方直士檄公偕翰林承旨魯國文貞卜忽木公覈究燕南錢穀約一月治辦公先事計畫不以累魯公會桑菑誅乃得免其按淮西不切切近名而吏亦不敢慢事治吏禮二部無缺緩同列見公署事不復視成績以

行叅議府六年一時執政聽南士陳利便
搜括田賦時平章政事何公榮祖與公正
色不少讓推萌折貪卒俾其謀以寢始
天兵平宋詔徵賢能李學士槃同受 旨
公至杭首言宋三館圖籍太常天章禮器
與仗儀注當悉輦歸于 朝董趙公文炳
從其言今宋實錄正史藏史院由公以完
守濟南寬貧民官逋情閔子祠復學田繕
詠自娛而訟益以簡承旨李公謙幼師之
遭應奉卒推以先始受命勤敏通博一時
鉅公皆屈己期獎後卒與相並史館辟署
凶憲數十人今相躡清要皆門下士其為
文閉閣詠諷落筆纒屬不止於王言為尤
長臺閣故事資公始能奉行事兄戶部侍
郎桓如嚴父惇姻睦宗在中書迄不宥私
其親人益伏之同里陳公儼為孔顏益教
授年幾五十矣入徵拜監察御史未幾為
翰林直學士蓋公昔嘗薦之王愷年七十
為編脩官公請于 朝以待制致其事資
應猶叙銓衡所宜守文字官陞擢詔旨具

在後為繼者緘口不薦一士視公誠可愧
也公之系由瑯琊居東平自八世祖為宋
司農卿守鄆因家焉魯祖瑀登金進士第
官奉訓大夫滄州無棣令妣范氏祖鐸以
公官承旨贈正奉大夫太常大卿妣杜氏
臨沂郡夫人父公淵贈昭文館大學士資
德大夫妣薛氏瑯琊郡夫人昭文當金亡
時有兄三人攜妻孥南徙昭文私自念王
氏大墓盡族以行孰與守下車伏草莽兄
呼其名第不復得後騎迫大慟以去昭文
傭保自活迄全其墓厚德勃興於公見之
矣娶薛氏魯國夫人是生士熙再娶許氏
皆先卒晚歲得二子士點士然女一嫁薛
晉士熙能文辭有聲將大用於世推薦賢
之功王氏殆未艾也銘曰
德充智周世莫與儔士林之標獎士無方
譽覽珪璋孰阮其遭文鳴盛世金石雜比
厥聲四昭子也先文戰兢紹聞嗚呼乎公
之名益以高

磁州知州程君墓誌銘

程君諱翔字鵬舉以孝友聞于州里後其子若第官江南恂恂愉愉負然異衣冠常流於是江南之士族咸取以為則嗟夫世降俗偷能竭力以養者有矣友于之乖君師之嚴不能以戶化若程君者發於良心成於身教是宜揭豐碑以昭示薄俗按其狀曰世家廣平大墓在城西南兵難譜軼獨記其父名約是生三子長即鵬舉仲曰翱仕至僉浙東廉訪司事叔曰翼吉州治中二季以官業表著皆君之教君綜家治生服其勤勞婢第悉意問學聚書延師靡容業雜一不使亂意弟則曰匪我之能維吾兄之成其事父承接意指日侍食候可否或卻食即不敢食懷甘割鮮斥幼者避席以立佐治湯液時其寒燠卒能以上壽終既除喪謹上冢禮脩誠厲行分寸不使越繩墨鄉閭尊之昭文學士張公孔孫集賢學士劉公慈曰吾徒不能以卓行薦諸朝是誠有愧年七十有一卒於元貞二年正月七日葬某鄉娶張氏子四良弼良輔

良佑良佐君疾革呼諸子曰父死異財違古禮慎遵我訓若君者懿德斯脩而復以囑其子程氏之澤良未艾也良佑始仕在中書右司應參議府戶部宣徽院改授太常太祝出為鎮江常州推官浙東道宣慰司都元帥府都事甫解職以選守令授奉政大夫上都路興州知州孫十人孫女九人良佑來請銘君第之子良能松江府橫浦場司丞良士温州路永嘉場監運亦曰伯父事實將湮使宜速銘以詒後君以推恩贈奉政大夫磁州知州驍騎尉追封廣平縣子張氏追封廣平縣君銘曰

惟民初生其仁眈眈摩盪恣情有度彞倫展也磁州執德養淳奉盈臨淵跼蹐以遵陳饌在堂手函脆新侯顏以趨厥容孔溫爰用則之施于家人濟濟雁行厥聲四聞永裕是嗣振于朝紳城南之塋有大維椿爰勵薄俗表茲堅珉

榮祿大夫大司徒特進饒國吳公饒國夫人舒氏墓誌銘

至大三年

武宗皇帝廣孝錫類以翰林學士中順大夫致仕吳公克己特授榮祿大夫大司徒封饒國公妻舒氏饒國夫人夫婦同日受封其子玄德真人玄教嗣師全節歸饒州安仁縣下馬入里門奉 制書跪堂上二老人卻立望 闕拜命誠夙軼前古延祐元年壽八十

仁宗皇帝遵

先帝故事錫上尊文錦以尊顯之表署宅里榮耀極致人子之崇侈其親者茲亦備矣玄教嗣師實開府大宗師張公留孫之大弟子延祐六年公與夫人壽八十有五五月丙辰公薨全節號泣不食得請子上倍道星馳以歸十有一月某日饒國夫人相繼即世嗚呼生榮死戚訖同以歸咸矣哉人子之事其親情至矣而養弗能以盡養足以盡而祿弗及者千萬焉責極於王侯褒追之禮見於墓下則允通顯之事親者十無二三焉合唐宋講背幾七百年

具慶僅一二見吳氏之德胚胎磅礴是誠有攸來矣喪禮莫嚴於儒者飾情表行哀不足而溢於禮者多矣玄德力行而兼有之茲難能也至治二年春全節泣且告曰將以九月某日合葬于崇德鄉山田原願述我先公先夫人之世系而銘之隧道有碑翰林學士元公則為之矣古者墓而不墳藏銘于幽懼世之久而弗知也視其姓名有不忍人之心焉後之慮其親者則曰立於墓人之見之者不忍矣何藏焉碑於隧斯敬矣銘於墓斯仁矣謹按番禺吳氏皆祖番禺君芮饒公曾祖岳祖夢旂父鑑退封某官謚文靖妣陳氏追封饒國夫人公字祥甫卑讓自持不善者避之善者從之身貴矣禮鄉黨以和視後進煦然以獎誘觴至益持重戒其子侍

帝左右母以我耄為往返夫人舒氏諱妙真世儒族祖某父某公蚤事舅姑盡孝敬晚歲主祭享親滌濯遇諱日淚涕滿頤睫內闈姻黨咸儀則之高堂齊眉人以為福

德具脩何憾焉子四詢承事郎誠蚤卒叔
即玄德君季全義女二嫁某官孫男五人
善集賢情謨能文詞孫女若干曾孫男女
九人銘曰

抑抑吳伯植節秉仁毀形以逃克昌胤孫
傳國中圮是生蕃君得其民心徙王策勲
代有顯賢支庶日繁廟食演裔饒惟邇親
執經武彘源同派分是生饒公守謙以文
大盈彌虛黜驕鏡昏厥配氏舒廬江之蕃
相唐始興矢辭派騫楚吳犬牙譜牒是遵
德儀媿賢象服祔祔訓子以忠不私其門
顯晦偕老死生同根道以易俾德以簡尊
悼哉令宗乞顯
皇元

海陰陳處士墓誌銘

咸淳元二間吾里陳公肖孫以善政事驟
用由大理寺丞知嘉興輔郡未幾兼浙西
提點刑獄踰年兼度支郎官人謂且大用
矣會旁郡山寇起罷歸不數月疾卒喪除
其子嵩伯侯平章賈某子馬前平章入政

事堂謂宰屬曰陳肖孫一廉可取宜與致
仕思官其子當上奏餘人勿得為例既授
將仕郎宋社亡不復可仕矣鄉人尊之為
海陰先生先生少歲力古學不屑事科舉
聚群經師說商略鑿證下逮荀聞曲記遺
言鏗行譜牒星曆之說皆手抄與梓本書
相竝蕙於信行傾急辭難道里寒暑不廢
其學深湛詳博尊聞傳信懼恬解者汨其
真嘗禁止之非其友不友既友矣必反覆
護衛不使有議之者友或叛去先生泊然
不為言人益服之稱先處州府君於朋友
義尤敦叙而先生行事亦相近故交好尤
善厚先府君即世時來城中愛撫彌厚嘗
曰汝父宜有後昔百受欺今詎使一無報
邪大德五年稱倫翰苑屬後屢遷先生喜
溢眉睫曰吾所期誠不妄延祐六年二月
得微疾作書與常往來戒勿用浮屠事且
命稱誌其墓幸以故人子何敢辭先生字
貴白甫世居奉化之鴉鵲山卒時年七十
有七葬某鄉某原妣方氏封安人曾祖聰

謀妣孫氏祖師稷以度支明堂恩贈朝散郎妣陸氏鄔氏退封安人娶樓氏子二人紹廡船庭孫二人先生仕不達時學不展用熙熙然以壽終於後人有微可無銘以俟銘曰

駕車康衢佐夔龍日吳之離命不達寤言弗告隱志充奮田瘁耕黍稷豐考覈琬琰手澤功大椿養齡蔭龍獲靈璞久閱合鴻濛是式是侶後當隆

處士黃仲正甫墓誌銘

嗚呼自聘舉之法疏人得以易售抱德執者羞之後法始密益不肖自進有薦之人不盡識或曰彼士奚足取又或曰士若是者衆使一取之將或踵以至楠官翰林家久故有若吾黃仲正甫之賢明經博聞卒不能啟口以告于當路嗚呼今亡矣果使無傳則誠有罪矣仲正事母孝居家無語笑聲待弟姪不使有忤意持敬讓以禮宗姻鄉黨長者洽之幼者慕之其學汪洋暢整經以載道必考其精微幽顯之委折於

史辨疆理氏族制度官名之興廢多搜博微曲而通確而明故為文辭纒屬不能以窮將臻乎極而始底于用欲以名世者不在仕進也有司三奉科舉令卒不應試而嘗以其說授于其徒昔者聖賢憂道不行於時由列國言之誠過焉斯得矣今天下一轍達而上者其說具在布衣焉以遺逸舉進以秩祿惡縮在下不能有為仲正之不屑者在是儒病通乎古而不知今昔之在上位顯重名其行事執復誤後世甚者竊高爵講說他方以鉤徵台仲正嘗勃然不喜然竟不假以年則誠可哀也已仲正諱叔雅父震宗正少鄉提舉浙東常平茶鹽咸淳間號名二千石晚歲高趣以卒仲正不仕繼志焉耳矣世居慶元慈溪縣鳴鶴鄉曾祖世姪祖一鷄贈朝奉郎妣趙氏配鄭氏司農寺主簿大澤之女子二人正倫正倩今墓章家與之原延祐七年五月二十二日卒年五十有四銘曰

闕觀稱貞舉世顯榮肥遯靡求孰為之升

君允矣恬寡奇淑英求知者天卒韜智名
有年不脩莫究其成我銘孔哀以永厥聲

將作監主簿蔣公墓誌銘

朝奉大夫將作監主簿蔣公諱曉字堯臣
淳祐七年進士以至元二十四年卒年七
十有一葬奉化州長壽鄉郇與之麓曾祖
梗朝奉郎通判台州贈中奉大夫祖如愚
朝請郎通判隆興府贈太中大夫曾祖妣
張氏楊氏伍氏贈令人祖妣諸葛氏贈安
人贈淑人考嶠文林郎池州貴溪縣丞贈
朝奉大夫妣湯氏贈宜人既葬三十有六
年長子景先卒無子次子昭先次其先德
家譜來請曰蔣實望族七世昭穆皆鉅公
著銘罔缺軼我先人在時子以子孫禮見
且承學今子在太史非子銘其誰宜稱不
敢讓銘曰

蔣姓宗姬正亭漢侯居鄞發祥唐季是稠
厥孫評事清淨急施有嗣金紫益振以義
忠肅陳公謫明純朋俾子允師連桂以登
曰高祖考宰邑孤高相京傳私卒忤以逃

是生台州繼以隆興倅貳有聲再世是繩
說說貴池丞邑退年厥兄諫議職寧聞馳
愍弟有孤將授門切公謝弗受迨升南宮
試簿仙居復攝寧海卻妖節浮民靡匱貸
入理京獄直囚不刑按其隱森大尹以驚
出邑武進造易分水巖盜獫狘台公頹治
摩礫贏頑請粟食賑楮帛賦繁直疏罷進
神存心祀學飾新象彼庖者叟祠祝泣想
爰倅于越撫民彌加計臣增輸贖諫戢譁
佐餉既終監舶滋溫香珠翠毳罔游于門
輯為成書以儆墨愾彼相嫉廉改司軌函
白壁銀緹卒罹其譴晚佐繕營國步日窘
整實食貧絕見喜愠少窺刑書復入詞學
記言博精灑墨清華譜書庚申文紀甲子
視階郎中澤奏家嗣歲行丁亥九月庚戌
飾巾辭終壽七十一厥嬪氏曹箋詩之曾
子曰景先無祿絕承有李昭先守儒俟徵
墓在州南先域接抱集藏于家厥帙為十
維公儀觀偉古動人前聞後訛指掌剖陳
龜坐若尸不傾不破彼詔有徒正色以止

耆舊川淪來者荒塞臨銘墓門以作後則

清容居士集卷第二十九

清容居士集卷第三十

墓誌銘 墓表 葬記 附

宣武將軍壽春副萬戶吳侯墓誌

銘

往者壽春為宿亳要衝犬牙相承城郭樓櫓移易無常所草舍殘缺狐兔出沒道途間築覆土窖以避妻子短兵迎接利不利不復計猶持農器治田壤惴惴求活歲率如是

世祖皇帝以天兵取江南捨兩淮為最後至元十一年冬渡江十二年平江東抵錢塘宋社告亡十三年兩淮爭奉地圖以降無鏃刃之費天下大定而淮始得為樂土矣當是時吳侯祐以壽春歸職方其子安民字惠卿侍父居頗行率部伍招輯潰卒控曹橋下獨松渡越江略定會稽台温三城南踰閩嶺拔莆田擒將李雄生俘其守臣而以功歸其父二大帥曰吳氏子宜第其戰多別有以賞勵乃署千夫長十四年父卒始齎爵佩金符為管軍總管鎮揚州

十八年大治兵伐日本拜疏請行授宣武將軍征東副萬戶領淮東西兵以先舟師抵其國八月颶風大作器械軍士沈溺物故枷破舟亂流以經海島高麗日本二國常不相能遇高麗邏人問所以載與還而先帝亦厭兵罷征矣二十年建黃華反奉命往討之至政和縣獲賊將度九峯嶺接戰益急得其偽署圖籍虜驍將以歸十有二月昧爽進軍平溪華盡死力拒皆赤巖山盡俘其器甲族屬黃華始平廻鎮揚州二十一年省治杭州從與俱其年鎮湖州路南潯明年調嘉興路海鹽未幾復還南潯又還鎮壽春二十四年詔領軍討交趾至黃州罷兵二十六年鍾世明叛江西吳太仲叛興國縣搏奇蹂虛率以底寧上功司勳輒早退不欲言三十年移鎮和州大德四年七月某日即世年五十有七娶楊氏先卒子男若干人長繼武罷其爵葬于宣武侯之墓左曾祖某祖某妣某氏子嘗聞古名将垂老吶吶若不能言祕畫勇

略壯歲所施無留蘊閱成敗得失已盡醇酒鍾鼓夫豈託焉以自完者與烏江馬君某言吳侯知儒書後悟浮屠氏禪學充然若有得其女弟亦能為禪人偈語是皆世所鮮有者銘曰

維昔淮甸勁雄莫侔一夫當百鉞戈怒投裹彼乾餼聿嚴盛秋養安懷惛芭桑靡謀天錫

大帝神武興邦捨其喉襟投鞭浮江俘驚擒驍百城春撞視彼彈丸後夫卒降桓桓吳侯效命奉職以其素能昭代著績褰裳先登颶掠電激或乘其熾或躡其跡瞻彼霍山雲流無蹤昔困于兵今黍芄芄繫帝之功維民之逢侯之幽宮松柏茂直告而孫子靡懈靡忒法其退謙恬靜以默我思于淮作銘示刻

同知樂平州事許世茂墓誌銘

端平三年蜀破衣冠大姓順流下東南至江陵十不存一二皆舟觸巖嶸瞬息以死淳祐三年蜀益蹙避兵來南其物故與端

平無異宋主憫其流離悉擢列在位大者
輔政機備獻納外為閫臣郡將經術史學
四方取以為宗則宋既亡故國世臣益困
辱不自振淪胥泥塗非獨蜀士然也大德
七年相備史屬選與虞忠肅公孫集交許
君松以湖廣掾上計 京師詢其官簿則
顯謨閣學士給事中少保諱奕之曾孫中
奉大夫知紹熙府謚介節諱彪祖之孫奉
議郎通判涪州諱長源之子君字世茂懿
範世則珠貫而櫛比語四蜀事歷歷在指
掌清言雅儀筆札擅簡古卑讓耻與後進
較酒至醉愈恭不復作世俗語遂締與之
交至大元年授潭州權茶副使再見之貌
益溫論事盡繩墨智圓氣完欲以政理自
表見故其為茶官也不務苛刻而課有贏
羨

家繇開慶初辭簡池寓南康墳墓井邑生
別踰五十年貧不能忘祿齷齪州縣弗得
以文墨顯吾何為哉其治婺源益自振剔
絕蔓揀疑明以近民而盜跡不敢入境至
治二年見其神益清貌益癯舉酒屢酌却
雋永猶喜議當世事相與翰林直學士曹
君元用子貞共署薦為湖廣提舉儒學思
以供其老集賢直學士鄧君文原善之亦
曰是舉誠不忝吾為江東分部使者嘗舉
其政事文學矣十一月授承直郎饒州路
同知樂平州事歲終得上氣疾正月甲午
終于邸舍年七十有二曾祖妣某氏祖妣
某氏妣某氏娶趙氏再娶陳氏子男若干
人女若干人孫男若干人始君居南康開
門授徒以奉母右丞燕公公楠開營田司
知其賢取以為佐後遷行大司農益任之
掾湖廣省六七年能以儒術輔法令事明
理融無底滯固陋一時吏師尊禮之君始
生踰百日晝夜啼不止有僧祝其頂曰汝
為許氏子啼何為耶啼乃止未幾涪州下

世年八歲隨舅氏茶馬趙君寓江陵里有
灾能取涪州神主奉以逃稍長益自奮勵
諸老咸器偉故晚歲宦業雖不大顯而行
事有足稱者其喪歸以某月某日葬于某
原于昨踵門以廣信劉君光事狀泣曰願
請銘柄泣相向不復辭嘉定更元韓侂胄
誅解偽學禁先少師正獻公會大父樞密
越公相繼入著作庭給事中少保許公魏
科首班著善類肅穆天下傾動未幾少保
論外戚不合去今幾百二十年閱昔時題
名求其嗣續率皆澌盡銷鑠而柄與世茂
俱為曾孫相顧自保仄編墜簡證世德之
舊於世茂實有望今死矣雖欲勿哀其可
乎銘曰

承流離拮据守其書嬴儒以飭身政以裕
名匪急於祿抗宗希成凡我士族藥范是
懲東南之區凜其春秋我思許君是用述
銘

任隱君墓誌銘

鄧甬東橫溪多郡宗故家柄之七世祖祥
符丞而下娶婦皆楊氏少保夫人曰申國
太保曰越國魯國太師曰齊國幾三百年
矣楊表為中外表歲時往還無虛日而甬
東任氏與楊姻婭亦十餘傳一日任氏子
元善介予表兄楊仁之以其先君子之狀
求銘復錄其十九世祖唐建州司馬遠之
葬記以示其記曰建州生佶檢校尚書工
部員外郎兼侍御史是生崇試循州司馬
循州生貞幹元和十三年補集賢殿供奉
承旨後為越州都督府功曹叅軍以終集
賢生行規大中時以明經薦于鄉舉上第
為蘇州司兵叅軍吾里士族莫先於棲表
揚蔣作郡志者於任有缺仕莫榮於集賢
承旨承旨布衣為者也職撰述校理在元

和時任不輕畀司兵以明經登唐上第尤
偉著志亦不紀考孫吳有任光任奕皆鄧
句章人今其地為鄧縣則建州蓋二賢之
裔而先賢皆遺軼比予補郡乘亦缺然有
愧矣嘗考大中以後鄧數為盜侵掠城燬
蕩遷徙錢氏以宗親專節鎮租稅刮剝民

不堪奉昔時故族躡藉銷鑠於任氏槩可
見至宋受版圖興文儒鄧士在汴始盛渡
江以南雲滄川湧幾二百年而不幸數十
年詩書廢墜望塵執隸欲為任氏十九世
之傳不可得噫可勝嘆哉可勝道哉任君
名天祺字君瑞曾祖汝諒祖用康父逢龍
其居鄉善保衛徵調數起先事以備縣胥
不能高下友其弟天麟弟病酒死曰吾不
可使弟無後殞其喪俟我死必俱葬也大
德七年六月某日卒年五十有八未幾弟
婦顧氏亦卒以其遺言大德十一年十二
月丁酉奉柩與弟及婦俱葬于吳公山之
祖塋妻屠氏四子元善可善承弟後達善
兼善孫男四立道弘道鳴道原道孫女三

立道楊氏壻也銘曰
世胄日顛任譜完堂堂文藝志錄傳普通
今晦理則然鄉井急誼手可捐金裁東僂
下泓泉蹇極遇順盈百川我銘考官以昭
先歷十九世緒益延焯哉任恤德靡愆率
而雲仍亘千年

史景賢墓誌銘

君諱韋卿字景賢鄧史氏故國世臣太師
丞相保寧軍節度使越忠定王諱浩為曾
祖妣貝氏魏越國夫人太師中書令保寧
昭信軍節度使衛忠獻王諱彌遠為祖妣
潘氏齊魯國夫人觀文殿學士正奉大夫
奉化郡公諱宇之為考妣趙氏高平郡主
君幼成合矩度進退持奉侍立占對識者
知真王孫筆墨書史楚楚自將皆有法郡
公目送深念之稍長鉛采自陶駕蒼松斷
崖昂然有遺世意宮商敷宣絲鸞詠而鳳
幽鳴也退靜韜匿冥會于千載之上察其
念良是矣郡公職二品君當以京官入仕
生晚祿弗及至治三年秋八月得上氣疾

却藥賦詩出別語於宗親桷時官 京師

呼桷子權立林下曰為吾語而翁求銘以
昭吾志焉越翌日辛酉果卒嗚呼年甫四
十有八章綬積骸隱顯有定數至於年亦
不得永是可哀也已維忠定王桷外高祖
幼習外家獻文世德相業焯在宋史不敢
論獨叙三世壽考以增君之悲維忠定以
三公居東湖三十年陪祠慶壽秀骨山立
多士秉笏交語曰史太師真壽相年八十
有九即世忠獻獨相二宗二十有七年總
核庶政燭照藪納固有缺年七十以終郡
公恂退善癯儒虎眉素毫冰玉照焜鄉黨
年七十有九迺終壽種彰灼若是君才不
得一見施設年又不能以紹傳是大可哀
也已子一性孫女二將以某年某月葬鄞
縣陽堂鄉金輿之原銘曰
寥寥東陵瓜圃熟沈冥里間企高躅達人
知命化不惡手持參差入雲谷周公魯公
儼初服奉著以占剝斯復學詩習禮在嗣
續我銘孔悲辭匪瀆佳城鬱蒼峴宰木

袁州知事孔君墓誌銘

大德初元孔君昭孫明遠甫為慶元儒學
正于時禮部尚書王先生應麟師表後進
門無雜賓明遠以通家子執疑證訛桷每
連席請益時則有教授某恣睢自負語侵
先生迺憤然曰吾不能與之共馳疏其謬
誕十數事鳴于憲府人益竒其伉直有先
中丞遺風是後為蘄陽教授蘄陽舊為邊
障地君能化其俗使稍就學久之丕變為
儒士皇慶元年授慈溪縣主簿郡人咸曰
是斥故教授者飭躬以廉民莫敢病未幾
江浙省取為掾會歲侵計富人籍田出粟
以賑吏不能舞文粟悉入市其直輒減宰
輔竒之延祐二年授從仕郎袁州知事秩
滿泰定元年以疾卒時年六十有二君實
孔子五十二世孫中丞為大宗傳四十有
七世中奉公傳與其從子玠南徙三衢賜
廟譜諱章灼而君之考諱某咸淳間為名
太守後僉書樞密院事職進資政殿大學
士而大父某亦贈太子少師謚文介曾大

父諱某贈某官妣某氏某氏某氏俱贈郡夫人噫士常患為世家紹宗趾熒懼難以繼仕顯矣德不稱無取也言足以斥姦發揚剛毅是則於孔君見之仕雖不大振於孔君何憾焉予嘗與君繇義烏同邸宿至婺學旬日危坐論古今各欲以名節相勉而懷竒抱介予輒讓不敢今歸老田里期為全人思一見明遠不可得至是淇來請銘安得勿哭也已娶王氏前進士集之女男六淇淮繼兄後海蚤世消繼弟後建德儒學正瀛慶元昌國州儒學正澣早夭女二適山陰王壩富春張順可某年某月葬葉水浮河原銘曰

金剛而永清行之成也白兮不繼德之貞也憤世嫉阿全粹精也謝彼戚施實蜻蛉也銘以揭之歸藏永寧也

僉事范君墓誌銘

大德六年范君子誠為平江路經歷于時柄將之京師道具其郡大夫疑忌事多不決范君抱牘堂上定可否大夫領領不復

有異議人皆曰是真贊畫才嗣後為掾中書

仁宗皇帝在東宮興崇禮文廣廟祭凡視執政者率增贊書榻時日具紙墨君排剔研討使各中繩式莫有訾議嗣爾厭繁劇告外補湖州推官又為黃巖州州與鄞相犬牙治跡賢否嘗耳接巷議州民來鄞必曰吾州黃氏子號豪民范侯能挫抑之帖首受罪後予直集賢黃巖之儒生暨商于城垆者咸告曰黃生易黃冠訴范侯以不直遂議于大學士郭公訖不受其說精神籠絡貫穿于儒術法律將大展其用而其子景文踵門泣以告曰先君之不祿在泰定二年閏月某日得年七十道遠不克歸葬以是歲二月某日與大父奉議君俱葬于平江路長洲縣武丘鄉白蓮橋之北原知先君莫如子敢以銘請謹按君諱忠其先京兆藍田人後籍真定今三世矣其為仕首受史丞相之孫耀辟為浙東宣慰府掾改受蘭溪主簿再辟江浙行省掾迺授

平江路經歷又授揚州路經歷不赴改辟
都省掾授湖州路推官以選能為海道府
千戶分治四明知台州黃巖州

英宗皇帝詔風憲舉守令再知徽州婺源
改同知福建轉運鹽司事泰定元年擢僉
江南浙西道肅政廉訪司事其簿蘭溪嘗
攝尉事捕造偽楮當受賞君謝不取在湖
州有訟弟死非命且疑弟婦受賂焚其尸
君錄囚考弟實以聞死婦始得脫湖多淫
祠毀三百六十以治官舍分漕四明首拓
廳事嚴竦治具新天妃宮以肅祠使其治
黃巖黃氏事冢著正彝倫絕攘奪尸祝口
誦宜著于郡乘婺源俗尚競渡易其舟為
浮梁民不病涉在閩中鹽足於民而私貿
者悉絕考其所居官興建鋤擊為己任絕
功利守名實為君素志迄不展大用壽與
祿不失其願亦可無憾矣嘗鑄禮殿祭器
書二千卷歸于鄉學集賢王公仲常為文
以美薦于慈孝頌宗錄孤故贈禮部郎中
白公某壯歲深奇之妻以女君感知己凡

所為樂府稗刻以傳曾祖昂霄金大安元
年進士官正議大夫同知靜難軍節度使
兼邠州觀察使祖元泰 元授從仕郎同
知解州事父天祐汀州路經歷贈奉議大
夫真定路趙州知州驍騎尉元氏縣子景
文由臨安主簿辟江浙行省掾敏備善吏
事其進將未艾孫二公琇公琰孫女五乃
為銘曰

吏詬于儒以儒為拘儒以病吏其刺莫渝
據會統宗孰承其傳温温范侯趾嫩紹先
化其奇觚不急以干削豪翦強欲援以手
謂不大逢亦既祿壽世方尚名我獨倚之
彼喜以功縮武避之武丘之原松柏峙植
竟無不之子孫承式

鄭照磨墓誌銘

鄭威敏公驥以靖康虜難死同州紹興錄
孤褒忠賜廟愍節至于其孫建德登進士
第延賞守祠世嗣不絕五世孫諱元貞實
奉祠事生孫曰端是生汝賢為江西安撫
司準遣生檜為都酒庫官君之父也君諱

文瑞字子祥生而骨相殊特府君深奇之稍長從鄉先生課程文有能聲科舉既廢居里閭以孝謹稱至元間下令舉儒吏實預首選試郡功曹移典玉山郡俟復取自近省授監平江路倉轉海道萬戶案牘官再為海鹽州案牘轉行省鈔庫副使平江庾氏歲入浩夥不得脫君獨以治辦稱海鹽多豪民殺人率遣奴償死君能直之行省積弊楮三年不毀君上言申其數而歲除之後取以為法恭定元年勅授將仕郎浙東道宣慰司照磨兼承發架閣予見君子京師言議鎮密剗苛冗中繁節暨官帥司下帷沈思吏跡不入戶勾稽研覈充然益有餘地古之善居官者必自持家始自衣冠丘墟不復給足荷戈負耒何可勝道念昔信實要衝君獨善理其身掇拾化治任能竭力相其天時權其贏奇卒昌於官以發其素蘊是殆於君見之抑又聞之流光演休首於死節宋社云亡忠義之錄一二僅見則威敏之澤雖十世未艾君續

其承猗與盛哉其卒在恭定三年九月某日年六十有三某月某日葬某縣某鄉子男四謙亨復亨鼎亨恭亨女三嫁黃中正孫良玘葉原道皆仕族孫男七孫女七娶姚氏魯祖妣蓮氏祖妣劉氏妣謝氏謙亨奉柩將歸里踵門泣以告曰先生故大門知官譜唯詳而吾里獲銘者數家矧先子世系若是敢以請銘曰

志專豐崇足昌其躬家傳於忠蹇事于公美玉韞之良馬繫之不泄不辱去紹以續作之怍怍承之競競而子而孫視我斯銘

文清薛處士墓誌銘

孔子叙逸民謂其求志達道超然於塵垢之外心若槁木形若蟬蛻動莫有跡行莫可名其混世也物莫與俱冥神內觀返真潛虛若是者其近之矣故昔之善晦匿者草衣菲食不導引以壽養其天年恣縱泉石歷探遠挹興至而若遺擇幽絮以養其雅操求於世吾不得而見之矣今得一人焉曰處士薛君勉薛君信州貴溪故儒家

自其曾大父子儼以儒科縣南丹大父琢
父士亨繼業進士君益以儒自勵居鄉黨
教授名不蕪彰冲然有容守約自裕游湖
湘極交廣返築室于宜陽納幽據勝為堂
曰寶善以示子孫泰定三年四月某日卒
年六十有八族黨姻戚咸會哭曰先生儒
以紹傳茲其為文也宜矣固窮而無求貽
書以遺後其得不謂之清乎遂私謚之曰
文清子二玄義玄儀玄義與余為方外交
在崇真宮數評議吾徒所當為事詞章清
峭翰墨簡絮每視之嘗以為不可及君既
死求銘於余實不敢辭在易蠱之上九不
事王侯高尚其志而初爻則曰有子考無
咎嗟夫離世絕俗念不存於家非子承意
曷克臻濟是肥遯者猶相須以成也妣王
氏配孔氏孫男二女一以某月某日葬銘
曰

徐真藏名永裕嘉問振振有子益昌者名
三光盪摩服其粹精有大之松清風泠泠
非培曷成非繼孰承
海鹽州儒學教授秉府君墓表
維秉氏四明大族縣處州太守諱幹試開
封府第一登嘉祐四年進士第佐蘇文忠
守杭文忠為同年生後贈光祿大夫生倉
部郎中諱灼得罪政和以歸生贈朝奉諱
炯朝奉生通議大夫諱文通議生龍圖閣
學士贈少師諱夢嘗以禮部侍郎專史事
謚正獻天下稱為絜齋先生柄七世祖諱
彞試開封以中書守當官遷祥符縣丞生
曾孫為少傳同知樞密院事諱韶贈太師
越國公受學正獻公於宗譜為族子相踵
登淳熙進士第同入秘書省為史官先後
為侍從緡紳榮之正獻生子四人俱至名
卿尚書東宮官而第三子取清顯嘉定七
年進士第一再世國子祭酒仕至兵部尚
書給事中實錄史院修撰諱甫贈少傳謚
正肅天下稱為蒙齋先生正肅次子諱俔

通判潭州是生君諱衷字德平以安定長授海鹽州儒學教授未拜延祐七年六月二十日卒年六十有一嗚呼甲族鼎貴莫盛吾里薨棟接耀郡守丞監官議婚對未肯齒椒華腴爭高姿度悅澤可愛念遇大變故困辱不自完業無依歸質質以死者多矣方至元十五六年間故家猶止恚海鹽時年二十摘年十四五私相議曰宦族父當地宜蘄為傳遠計未幾正獻宅火留城南遂各盡晝夜濬源鈞思探索幽隱以黜陳辭為己任考閱蜀東浙永嘉湖南江西之儒先合其異同不在於貴耳雜書罷訖輯言行者尊之吾與子所當辦更二十年各宦游四方君以憂窘困躓酒酣語豪卒不少貶折詩筆益溫雅簡絮察其學猶以昔所言自任桐縣集賢罷歸往拜焉病且瘠不能起忽手書曰夜夢游南嶽署已判官遂釋之曰南正火也火為離為文明宜司以瑞太平今天子興文祿弗及其在乎子孫未旬日下

世夫子作春秋譏世卿史非世官不能兩家子孫凡五為史官獨君不及用誠可憾曾祖妣邊氏秦國夫人祖妣趙氏衛國夫人妣趙氏封孺人子四曰霆曰果曰銳曰齋孫一人有文集若干卷葬在正肅塋十步邇迺表于墓曰稱備史屬號策父見秉筆者罔再傳獨東平王公其子文且賢纂脩有能名嗚呼吾宗免矣夫君不得預為可吁厥子若孫永紹圖至治二年歲次壬戌族姪具官稱表

真定安敬仲墓表

嗚呼金踪宋踰南兩帝並立廢道德性命之說以辯博長雄為詞章發揚稱述率皆詭漫叢雜理偏而氣豪南北崇尚幾何所分別當是時伊洛之學傳南劍至乾道淳熙士知尊其說闡明之朱文公統宗據會織鉅畢備正學始崇又未幾偽學造謗咸諱其說以售仕于時金將止各流離自保烏覩所謂經說哉有明其說者獨江漢趙氏私相筆錄尊聞傳信稍自異流俗

皇元平江南其書稠載以來保定劉先生
因篤志獨行取文公書會粹而甄別之其
文精而深其識專以正蓋隆平之興使夫
道德同而風俗一承熄續絕不在於日接
耳受而有嗣也劉既死得其傳者曰安君
焉君諱熙字敬仲其學汪洋靜邃謂文以
載道辭不勝不足以言理故其言脩以立
於詩章幽而不傷慕貞絜之實將以自任
其道者也道散於異端九流證拾於墜簡
傳者益遠而書筆具在不知而作者則索
於句讀之末百意斷絕踵謬而莫悟君設
對問以辨後作者悔而焚其書左氏浮誕
不合經者悉去之續皇極經世書繇元豐
至至大三年考家禮為祠堂以奉四世邑
人化之教人也持敬為本解經必毫釐以
析果知之必驗其所行弟子相從者常百
餘人出入閭巷佩矩帶規知其為君之弟
子其於劉先生也未嘗一見之蓋篤信其
書默求以通焉者也劉亦知君足以傳道
卒不得見焉君深悲之而於學有侶君無

憾矣君之先太原離石人五世祖珩仕於
金曾祖昇不仕祖滔以經童登第金將止
徙真定因居焉成歲歲詞賦入等占儒籍
考松江東宣慰司照磨妣劉氏君少敏悟
諸父咸器之素多疾嘗避隱封龍山然卒
不得年至大四年五月某日卒年四十有
二娶張氏焦氏子二墜垣女一嫁保定等
路鷹坊總管王冲是歲葬藁城縣安仁鄉
先塋之側其卒也翰林學士王公思廉以
書唁其父曰自敬仲死詎安氏不幸士林
不幸矣有遺文若干卷既葬之十三年門
人蘇天爵述其事狀踵門曰默齋先生天
爵從學寔有年先生之德之行願表于墓
原使有考稱作而言曰真文忠公德秀與
朱文公同里生不及事焉文公之學真實
紹之脩食于廟于祠無異辭集賢劉公生
愈後聞揚合一劉公功與真公並安君不
得見劉公而道寔有傳盛矣哉春陵之學
四方為有準矣某年某月某日具官某稱
表

史猷父葬記 代其子作

大德丙午九月朔我先君子壽春推官卒于寢年七十有三越十月丙午葬其地適高祖越忠定王墓次百步許先夫人郭氏卒葬十五年廼合窆焉嗚呼先君子諱徽孫字猷父少孤祖母嚴氏躬教督具諷先訓感悟于時史氏極貴盛壽春灑然整脩奮棄子弟玩習搜紹淵懿族祖文靖公見之曰兒當以文名吾門稍長試吏為諸暨主簿從政精覈邑長缺使者俾治筭一歲入辟淮東治田事調揚州司理參軍帥大器重悉以事付甫授壽春帥益取自佐循承直郎而先君子不復仕三十有三年矣有詩文若干卷晚讀陶靖節詩語近意遠視世德脗合深自慕擬平居無愠忤色筆墨清藝觴至輒就放邵子觀物為詩數十篇又更困約益以理自得清日危坐道舊事緩語不絕口鄉黨賴焉嗚呼公亘等五男子為從伯父從叔父後者曰公玉公暮次公晝公亘女三已嫁仕族浙西提點刑

獄贈少師諱彌正為曾祖紹興監酒贈朝奉大夫諱實之為祖朝請大夫通判處州諱顯卿為父將葬謹書納諸壙

張府君墓田記

平章留守亞安公介其掾韓叔亨致命於索柄曰吾外大父張府君世燕大姓貞祐來兵革相尋獨府君逃難脫死每言避兵本末輒吁歎涕泗且曰吾譜牒亡缺使果得仕吾安能為祖父榮顯耶蹊是益治生自裕強之仕弗願也至元十五年三月某日卒年六十有七外大母劉氏次黃氏俱無子一女劉出也嫁我先公中奉大夫湖南宣慰使後以卹典贈金紫光祿大夫大司徒梁國公而吾母亦得封為梁國太夫人府君之塋在大興路大興縣宜泉里歲時率外孫奠薦于塋下封植崇謹顧瞻咨嗟推其所自出其接于見聞者誠莫有怠也更數十年則曰禮有隆殺焉推服盡之義至於異姓則必曰先王制禮不可過也夫禮繇情生使張氏有後焉誠不敢越吾

懼其瑩域之蕪沒詔于曾玄將有以謹諸
為我記之摘聞諸春秋會盟稱辭甥舅之
國雖數十世猶徼福於先君敦叙之義益
可考也掩骼埋鬻先王之令典留守公之
用心合於禮者之為也凱風寒泉藹然見
於悽愴情之至也然則凡為子孫者寧不
守其家訓也哉府君諱祥字瑞之塔梁公
諱某外孫長即榮祿大夫平章政事大都
留守領少府監行工部事佩金虎符武衛
親軍都指揮使兼大都屯田事次某承務
郎太府監左藏庫使次某奉議大夫太僕
寺丞外曾孫凡若干人延祐四年九月某
日具官摘記

田氏先塋誌

太僕田茂實君秀與摘交 京師相好也
大德乙巳三月某日其先君子諱某年六
十有五卒于河南君秀墨色蓬首哀不絕
道兼晝夜行歸治其喪將窆于大塋卜以
不吉告越二年始得吉于邛山之白李莊
迺徙武略君與夫人齊氏合葬以諱某君

附至大戊申君秀奉家譜言曰嗚呼先君
子德豐而養薄孤之罪也田氏世居豐州
有試金武舉科為環州司候者諱青金徙
汴拜武略將軍總戎千夫屯鄧州鄧歸
有元改為襄樊屯田官豐州墓夷徙始占
籍于洛陽武略吾大父也先君子嘗言金
將亡城郭蟻潰四出馬塵南驅躡藉爭死
枯骼野燐千里一色豐州為路衝荒墟敗
礫白日無人行聲自吾少年聞祖父言每
震掉不自已今汝生盛明時重和累休振
纓清朝吾老於斯土藝于田漁于河涵煦
濡濟食安閔華沒齒誠樂也仕何慕焉茂
實泣受其言而書之敢以為邛山之塋誌
請摘曰噫夫邛山古之幽宅也穹隆袤廣
可以數度自秦漢而降錮其封崇極于夸
貴佚侈之士不知其幾後今變更高者為
雲煙下者為水泉而慎終送死日相尋於
此山愈完而愈新者何也夫貴以日計德
以世計德足而貴不至者命也恃貴而忘
德貴將耻之今君秀官于朝將貴矣念先

君子之言警其寔安彌以自勵吾知田氏之墓滄然而豐茸必戒必護衍其子孫益守孝謹雖千百年無變而始田氏之譜者由武略愈遠而愈可考者由太僕其尚勉之哉母夫人高氏慈倫有家則君秀今為奉直大夫太僕院判第二德峻世英葬以某月某日棗桐誌

高夫人葬記代作

嗚呼我先考至元甲申歲七月十有三日不祿昉時年二十有一平居嘗言吾宗世居遼陽始祖當金時以征遼功封太師有子十人皆拜節度使金亡太師子悉散軼獨曾祖寄嵐州節度紹其宗是生大父諱植為洛州防禦使妣大氏夫人洺州生近侍局副使諱世榮副使卒吾時年八歲妣王氏夫人寓殯于陝因家焉夫人鞠撫之迄見其成人初娶郭氏前元帥左監軍巨濟之女後來大名經歷孫用之無子察吾氣宇非凡近遂以汝母歸于我因定居大名而自洺州而下藁殯于陝者皆葬于元

城縣之令公鄉焉先考諱昂字冲霄繇轉運幕職拜朝城武陟縣尉能以慈惠撫其民盜不敢犯後謝病退居樹德自秘重享年五十有九以終昉初掾集賢由院上中書自中書累遷為左司郎中出為潭州路總管太夫人視聽明徹總覈靡密昉盡服王事一不使亂其志意未幾入為中政院同知拜中書省參知政事尚書省立後除江浙省參知政事至大四年 詔官二品得贈二代繇是副使得追贈嘉議大夫大名路總管兼府尹上輕車都尉王夫人追封渤海郡夫人先考贈中奉大夫參知政事護軍渤海郡公夫人封渤海郡太夫人皇慶癸丑昉陞資善大夫為江浙行中書省左丞太夫人年益高屢疏終養延祐元年春復召為中書省參知政事奉夫人將北歸使者屢趣就道又未幾改拜集賢學士商議中書省事廼不敢辭遂侍夫人來京師是歲十月十日以疾終于正寢享年七十有九嗚呼昉不孝先公亡恙時不能

以祿為一日之養，幸得奉先夫人以自慰。垂三十年，不自殞滅禍，惟慈親攀號，訴慕實無所容。罪將以是年十一月某日葬于先塋，日薄未得謁銘于當代，謹志其梗。槩納諸壙，男一昉，女五人，長適梁從晦，大。名等處管民提舉，次適李允中，萬盈屯丞。二人蚤卒，次適李好義，承務郎齊河縣尹。孫男三人，筠、孫壽、孫和尚，孫女一人，孤子昉泣血謹誌。

趙令人葬記 代作

嗚呼！宰孫大父為郎時，先子樂清尹始試吏部，靜秀專恪，鄧史氏號相家刑部再世國子生，執禮秉虔，不以官簿矜許。先夫人侍永陽王族，屬崇近，莫敢議昏對。永陽尊刑部，受樂清遂以歸，乃受封令人而始嬪焉。夫人姓趙氏，諱益柔，曾祖師意，追爵於吳，謚宣獻。祖希遷，掌宗正食于會稽。夫人冲默，謹視聽儀範，不出屏閤。相先子以和撫子若女，無二意。距先子葬始一紀，夫人以歿，歿時年五十有四。嗚呼！養不能盡，哀

未知稱乃大德。丙午合封于樂清之兆，而先夫人之亡適終喪矣。痛徹于天，彙事徵德，將不懈有俟。永陽諱與某夫人為長女，刑部諱能之夫人為冢婦。先子諱普，卿宰孫為孤子，女一嫁趙孟貫。是歲十月甲辰，葬謹濡血為之記。

清容居士集卷第三十

清容居士集卷第三十一

墓誌銘 塔銘附

周夫人墓誌銘

夫人諱天福朝議大夫知瑞州周公諱應合之女朝議大夫直寶章閣廣東經略安撫知廣州冷公諱應激之婦今湘陰尹名頤孫之配世為龍興武寧人瑞州以學行表後進論議惜許可相陰拔童子科整敏善自晦亟受重之故俾夫人以歸兩家為儒宗婦壻各得所擇衆咸曰在是夫人幼靜慧受女史工正書二弟始就學日諷誦感發相勵事尊順謹婉德儷義能使外有不知絮豆邊洽昭穆靡密斟度恩意各盡夫宗宜焉二子曰有泰有益保抱具訓輒置筆札毋詎戲稍長約繩墨躬誥難嘗言吾誘弟以婉督汝以嚴皆一轍也善宜亟稱過不可得聞書種寧有斷乎年四十有九以卒是歲大德癸卯葬仁義鄉下畬里女六長許嫁周志行孫男三女二仲弟今宜丞天鳳來 京師楠與之游議門戶興

植婦道允賴數稱夫人之賢過時而彌哀於是其有泰實來致湘陰之命銘曰

有崇義閭維周之敷展世秉文耳受口濡執彼閭儀來尋來祇宗承其和家安其慈誦聲在戶嘉醕在廡叶于夫君婉德以輔雙桐高岡附萼煌煌擢榮舒英穀旦用先冽彼寒泉聿環墓田昭銘新宮實曼厥延

方夫人墓誌銘

湖廣儒學副提舉上饒劉君安德恭甫之夫人方氏大德庚子五月己未卒卜附先墓不吉乃假葬于舍東越八年相中堂山兆以吉告於是其子光以事狀來 京師謁陳郡袁楠銘夫人世居饒之德興勿特靜好其父隱君常抱膝上祝曰吾家世儒林當為汝慎擇婚對方是時上饒劉君某以太學名輩待次寧國教授歸授徒山中饒信地接武習進士業者率相戒師劉君始出鄉隱君慨曰捨劉氏子奚適即德恭甫也未幾寧國死德恭甫刻意振擢不以貧窶自嫌隱君念夫人憫德恭不自置察

夫人意色無吝怖卒俾以歸德恭甫壯歲力問學預計借生理靡密一不問夫人銖黍化治手劬而身理之者寒暑曲備方丙子兵變時德恭甫傾家貲以完護為急夫人力贊之事定勉夫以仕且言曰盍亦少慰吾父意始伯姊嫁同里蔡氏蔡姊家侈盛脫簪珥以服巫媠手弗受自是終老無異飾生男子曰升老幼卒德恭甫晚得光時夫人躬訓育抱呶慈嚴酌宜迄見光克紹其父業焉始光游京師與余交相久話言母儀悲泣不已余特以為母子至情不足異夫賢其媿子孝其母閭里知事者率能是及觀夫人之行與光終身之哀見焉若將弗及則惟閭衽席色笑敦厚制事以理夫豈勉而然哉意是宜銘夫人諱柔則曾祖璋祖應奎隱君諱逢吉卒時年六十有三子光瓊州教授今為中書屬從事孫男二至大二年將治葬德恭甫亦即世於是以其月某日祔銘曰

考視劉媛溫恭具儀膏沐以韜絲枲是師外防內完桔据孔艱孩無矯慈諸御間間匪異其誠由衷允安興言遺思載沈載瀾女史曰徽德音莫踣瞻彼墓田有賴斯泐松岡豐融不震不圯廣揚嘉芬式裕爾嗣

盧母王夫人墓誌銘

盧氏河北望族有諱仙者家深州武強縣金將亡武強為秦趙要衝歲蹂兵不息由是徙家睢州兵浸南家益蕩析有子曰全掠為奴于時全生子曰榮甫十歲審其父比行斷髮仰誓呼曰兒不獲見父寧即死行泣道中呼其父姓名道繇真定日號訴宛轉事益著里人憫之問所掠主無異辭卒義以歸父子復居武強稍長學書算入鄉校試吏為縣從事時錄事王君崇攝武強審盧氏子孝感且吏能迺曰吾女舍盧氏曷取配遂以歸生子四曰文曰仁叔曰廷信季曰德廷信生始三年不幸盧君卒夫人撫其四子力治桑枲甘苦淡垣屋庫狹內外整截有限程督訓導過者無敢譁

事其舅姑以壽終至元十三年詔考郡縣
 孝節於是河北道提刑按察司審盧婦事
 不誣州達于禮部復除其家而廷信始仕
 江南調泉州晉江尉辟福建行省掾又掾
 江西叙遷為鄞縣丞復掾江浙未幾以才
 佐海道漕府陳不便事就領金符為溫台
 千戶歲運粟視往歲數三倍而夫人皆見
 之廷信為鄞丞余特里居見其處事精覈
 剔植蠹利官長不能出私語上府陳白侂
 直無隱嘗曰吾盧氏世為吏刻峭文致非
 以起宗吾父有孝行迄不得上壽稍自飭
 勵繫吾母之訓戒子孫為儒冀吾母慰意
 焉至大二年夫人卒年八十有六祔葬于
 先塋延祐二年

天子孝治天下推賚存歿而廷信秩五品
 得贈其考奉議大夫真定路趙州知州驍
 騎衛尉栢鄉縣子夫人亦追封栢鄉縣君
 四年遣其子某來京師請銘楠待罪史
 館若盧氏事誠宜書今誌也無溢辭系以
 銘曰

林林生民男室女家禮失俗淪企而祿奢
 維貞丈人尚古不選卓彼孝童木升斯華
 承筐來嬪絕其榮夸四雛在戶蓬首苦心
 甕牖屹城過者肅襟宅里表植柳槐森森
 頌弁奮揚滑甘具新大藿莫嗟淑德岑巖
 戒而孫子服儒以嗣教經展世厥武踵起
 有隆墓田大賚告社式時芬苾永保千祀

侯母王夫人墓誌銘

世祖皇帝以仁立國敦節申義丕變醇厚
 至元八年時則有若太保劉文貞公議事
 省中增益令式繇是郡縣旌表綽楔槐柳
 光于往史猗歟休哉楠繇集賢歸里居錄
 事判官侯玉踵門來言曰聞子嘗執筆太
 史節婦孝子歲終必登于史籍玉也敢有
 言玉故居濮州鄆城縣其先女直人魯祖
 敬嘗為金殿前將軍祖林金人匠總管父
 珪任

皇元為濮州儒學教授濮州不幸年四十
 有一以卒母王氏生子女六人惇然未勝
 喪吾母之教四子也皆身訓之其鞠二女

也必教以纂組化治嫁娶耕稼能謹之以時家貧無生產而充然若有餘者繫吾母之力也玉兄弟既長而吾母益能綜核靡

密不知有缺怠故仕者得盡心於官政而不仕者孝謹稱里閭王之為婺州永康縣

巡檢時至大三年也母年七十有七以卒至是癸居凡四十有餘年矣後復為婺之

平準庫副使婺之人知吾母行若是縣儒士其實言於縣縣下於鄉如察考焉繇是

以達于郡郡復移於所居州州明於禮部然後悉如 詔旨旌于其鄉故以是有請

傳永遠嗚呼劉向作列女傳當熙明之時則蕭雍平和藹然有闢雖士女之行至於

末季則不幸不得全其生讀其書未嘗不興歎也孝慈耕桑帝堯表閭夫人生承平

貧能以禮防少老一節實

聖天子休養生息漸仁秉德有自來矣感矣哉能勿書乎夫人名妙善父某妣某氏

長子伯巖 勅授定海慈溪兩縣航官次某不仕幼即玉也女嫁某氏銘曰

勵其躬訖于達慈儉勤壽考終表華楹帝堯功過者式報熒豐

劉夫人墓誌銘

婦人之事舅姑有從其令者矣若近矣莫知其心焉有屈體承色先事以倫逆志以求其得謂之孝與或曰是知及之考其中有疑焉今之為舅姑嚴重則生畏畏不能以洽玩弛則生怠怠近於瀆閭門之訓厲以失之而容忍者於教乎何有在易之象曰家人嗃嗃婦子嘻嘻吾於郝君鹽使從之之夫人有取焉夫人姓劉氏河間人父諱鼎母牛氏夫人之姑李嘗祝香以告曰願吾子孫生悉如劉婦意此非出於今與知也孝根於心怨欲莫知昊天中野且悲且懼若婦人貞靜其誠懇顯著一語以盡茲其為孝也大矣夫人事夫之寡叔母夫之孤姪有恩愛鹽使病未疾歲久不愈斥竭箝珥佐醫藥教子志善能植立兩見為監察御史至治二年某月某日卒年七十有二明年二月某日祔葬于西山之祖墓

楠往銘鹽使君矣今御史復請銘夫人諛
溢辭事史官所大戒婦人事不出閫戶以
孝養為飭躬本考其姑嫜之言是宜書銘
曰

有言間間有儀珊珊視其寒溫靡覲愠顏
從姑有宅弗愧以懽絜爾後人以永作則

韓夫人墓誌銘

中原韓有二族居會稽者為安陽居廣信
者為潁川龍圖閣學士無咎公師表一世
其子仲止克紹家學搢紳稱二韓父子而
廣信別出一族曰侍郎公祥字履善常卿
公補字復善嘉熙中士類稱為二韓兄弟
梅族祖正肅公持節江東辟入幕府在後
省復薦為國子官人皆曰正肅善選士二
韓公聞望駸駸與潁川相並盛矣哉天運
合一衣冠家斯滅幾盡江浙閩蜀大略相
近余歸老里閭有儒生踵門以告曰容徐
氏子祖母韓夫人無為大夫諱裡之女大
夫二韓公之親弟也自夫人歸徐門克持
其家事姑以孝著待夫之弟妹助裝以有

室家其相夫也卻金以成美夫官建寧僚
屬有不孝其母者夫人引諭廣譬能使其
妻訖事姑以禮訓子舉前史言行時刻畫
故事人物以佐警戒故其子孫俱能守家
教容又言曰徐故廣信大家刑部侍郎諱
允杰實容從曾祖梅聞侍郎公侍講筵于
時史丞相圖起復百僚皆進疏理宗猶豫
不決侍郎獨微言曰邊事漸寧從戎以墨
練失國體丞相誠經濟老其才以用未晚
也丞相聞是語慨然曰嵩之不得起復矣
夫人之舅諱卿子朝奉郎權知嘉興府事
其夫諱忠甫終廣德建平尉夫人之曾祖
大寧奉議郎知徽州婺源縣妣諸葛氏贈
宜人祖貴玉贈朝請大夫妣端明汪公遠
之孫女男一拱辰將仕郎信州路永豐縣
主簿先八年卒女一順正適祝士貴孫男
五宜容宅安實孫女四卒以至治二年享
年八十以泰定二年某月某日葬于某山
容不遠千里來謁銘秀整足以興植使世
家皆若是其曷有憂迺為銘曰

亭亭兩家允為舊門服習懿德克紹厥聞
幼工女史繁其纂紉亦游於藝靡不究勤
母目既盲欲膜還明來嬪于徐事姑益精
奉晚擇甘順其性情不侈其長不夸其盈
訓子督孫雅言諄諄厖眉秀姿儼芳淳真
宦族日圯內教莫陳吁嗟夫人表茲堅珉

定水源禪師塔銘

大雄氏以己說剖三宗禪學汪洋廣博言
意承接絕去文字稍契入輒證為知道小
智大點相煽以自高律教廢棄食不知耕
居不知工恣情於無畔岸而道益以狹唯
妙源師獨憂之自嘉定十七年受具戒即
游方明本心久而曰不耐塵勞心曷以制
顛習賤事以調御寓本州天寧寺歲大饑
赤足踵門以化後始歷清職曰吾得無媿
名教矣其師愚公持正議不肯下宰相吳
潛潛怒繫獄辱之退居精舍獨侍側辨難
卒有疑義愚公啓機以示曰汝今太平矣
愚公住徑山即偁首率僧衆愚已老學子
林立寮下析微統宗愚喜力贊之主平江

薦嚴內外事不一廢舉鼓山國清辭不就
主泉州水陸院治若薦嚴而俗士益信慕
愀然曰吾寧久是鶻錫以歸梅 先曾大
父太師樞密越公功德院曰定水 伯父
賓州 先府君慶州議曰寺缺主者善趨
謁迎奉吾兄弟不受能以寂照解脫為義
則庶幾冥福源公行堅望高使力請必不
讓以素所往來者適意迺欣然以來梅時
年十三或問曰吾儒性善與佛所言同否
曰同感物而動漢儒失之由是有不同焉
後迺曰儒釋二教分別有異在治人治心
治人在五常治心在四大修五常治人之
本修四大亂心之本道微世衰誠得一人
焉不可得涕淚交下謂梅曰祿損則福益
盍慎諸布衣鐵械終日尸坐語微機迅奔
電絕壑不可制伏稍斂戢則瞬息在几席
禪人仰之四方士尤宗之精於詩故宋名
士喜之然不肯表襮奮築居於越之雲頂
將終願解定水以歸且命無建塔無火化
以任其壞其徒不忍卒埋是山以至乞十

八年卒壽七十有五俗居象山縣姓陳氏
為僧五十有九年銘曰

道弊於文危言以宣繇簡速超悟者日繁
空浮變騰若火燎天服奇食珍謂合自然
師實已憂榮戒靡覩或逸于谷或伏于菴
唯大雄是遵唯古德是祖機以峻傳言以
戒輔通熟興廢道局敢替幽局潜珍戶屨
屬係彼昧其承卒黷以逝昭銘授徒勿圯
勿翳

延慶入法師塔銘

四明法智大師以天台教旨經緯導達學
者謂為中興南湖實講貫舊址踵主其席
稍不厭衆議嘗病交集歷代承接皆有足
稱道至師居南湖千口無異辭師名善入
傳姓世居定海大蓬因法師見異之淳祐
十一年與半山彬師俾受具戒游諸方辨
解寃詣客東掖山著教家四書據會執約
不以文字溺泥指畫勤懇從者樂其易簡
初佛光法師居上竺提其徒悉使出門下
于時有善良師與師相講習各植立不肯

和附師與良議曰吾師大蓬兄能嗣之類
再拜以嗣良後嗣圓覺頓空師而師卒能
昌大蓬始典謁南湖後首教坐主諸山東
皐世忠其說以角立為大病支離為未流
泛不溢詞約不厓絕禪人土子咸傾仰之
興仆復侵安衆靡懈泉南僧素宗禪學慕
師德重趼以請法智之學行於東南六十
餘州至是入海嶠人益奇之至大年中
詔宣政行院慎採選勿阿意貪偉集議者
曰南湖缺席捨師孰能遂以昔日所傳授
者深省密啓空假破建一性明靜而互議
交毀訖忘于言大蓬果有聞於世崇本捨
志師於是成焉其允見於脩植施於人
事今不復著錫彌惠觀弘教法師而自號
曰秋虛延祐年五月二十有六日示寂
為僧六十三暮年七十有八化于城南頂
骨得舍利葬法智祖廷而以爪髮歸東皐
冢間之精舍至元間梅納交于東皐响若
不能言聆其坐講則汪洋周詰兼行潔清
癯容儼脩粹然古德有足興起弟子大倫

正道等來乞銘廼為之銘曰

四明之興匪事於言橐籥萬殊貫于心源
如水必東如失必鶴末世濫觴語益以瀆
佔畢究鋪千緒億條炎炎詹詹泛焉以察
師慨有憂約陳其辭探微發機會歸一岐
承宗紹傳不希其逢謝彼翕訛矢心圖終
後歸南湖振揭初說曰吾師有傳茲道不
滅弗蔓其根弗瑕其璞矧然蕭閒廓以恬
泊世教日淪躡雲徂高著爾懿德我銘用
昭

天童日禪師塔銘

紹定辛卯蜀破士大夫蔽江東下成都大
慈寺主華嚴教僧之秀朗率棄舊業以教
外傳游東南若癡絕冲無準範導達後進
表表名世者皆其門人而範之成就益衆
天童師其一也師諱淨日號東巖俗居南
康之都昌姓廖氏幼歲喜誦佛書解大義
常食蔬果以自持年十五告父母類為浮
屠氏明年祝髮于廬山香林訪道仰山石
霜遂入浙見冲師於靈隱越二夏不契乃

登徑山見無準師範大許之語在傳道錄
後見西巖惠于天童惠無準師大弟子其
提示與無準無異危機敏鋒迎拒莫覩風
止水息渙然帖順遂密契其旨卒服從之
俾守藏室後開先無文璨屈為第一際亦
僧之後傑繇是譽聞益彰宋景定某年江
東帥汪公立信慎許可推以主圓通咸淳
某年江東漕使錢真孫俾無領東林至元
壬辰主育王三年歸隱雪竇大德四年集
公議主天童師之行峻絜以完語溫氣和
衆益得以親納其徒俾明徹復性不侈于
言解其蔓惑處於世若無所施為選邇嚮
慕傑閣銅象無踵以至而於天童切寂著
久居東林化俗警衆民爭繪以祝故其興
天童廬山之民奉貺以助尤夥生宋嘉定
十四年辛巳終至大元年戊申年八十有
八僧臘七十有一將示寂戒其徒書韻語
以示曰天為蓋兮地為函吾奚為乎塔與
庵灰吾骨兮山阿言已矢兮勿鑿越二日
沐浴端坐而逝其徒奉遺言以化齒根不

壞遂欲藏于西巖之清風塢。蒼蒼者舊日淪
爭。慙恣蕩甚於世人。理不勝欲。靡然頽瀾。
莫有障室。觀師景行。實泚其頽。今弟子在
浙東。西江東西。若干人。蠶溪嶺。驚承師之
教。亦不可勝紀。如砥等來請銘。銘曰

七情盪摩。約性返源。喻以攝持。匪夸浮繁。
未俗盪觴。競立險艱。眩一駭百。莫執其允。
性本湛虛。分別則二。不以解通。不以思擬。
寂非有存。感迺隨義。達摩之切空。其兩空。
奚後人騁馳。庸失玄宗。空不假為。茲惟用
中。蜀學簡易。師承其風。開盲振瘖。發機以
示。云彼摩丘。非淨非穢。往安自然是。謂止
止。鮑背長身。從者如水。丹霞嵌空。匪耀允
目。曰茲山之頽。否極斯復。敬者效翰。罔不
率服。山君來朝。雲醜霧轟。幻身既空。勿錡
勿甓。一氣孔周。窮彼變易。清風之塢。石列
五色。恍焉如存。嗣者是式。

廣恩仁法師塔銘

師名可仁。貫天台縣。寧海姓。胡氏。號木庵。
幼歲游四明山。居資福寺。習天台鈔疏。于

時。裁曾大父樞密越公治。齋國楊夫
人喪。見師秀整儼恪。俾以從服。閱吾必以
汝祝髮資。楊夫人福。越公以右司郎
中。歸召為軍器少監。尹臨安。樞密之夫
人周國陳氏曰。師宜祝髮矣。嘉定十三年
設齋。上坐。迺得度于時。月大師以講論訓
諸徒。願侍席側。大師與。越公厚善。謂師
曰。今僧徒聰敏。林立。稍使一人預人間事。
得無害統體乎。繇是在郡治間。歸胡舉。展
治林。肇一以任師在館中。參政應公。憮猶
未仕。深器之。曰。使師不為僧。其問學當與
士子並。中書舍人陳公者。卿時為臨安教
授。與師同里。亦曰。應公言然。越公入政
府。例得經院。迺相攸紫巖。繩約四履。峻危
有階。引泉有梯。淬醯除險。帖石助高。審面
曲直。周折獻秀。紹定肇工。淳祐告成。屈以
主席。錫名曰廣恩崇福。伯祖吉州。大
父尚書成諫。以事罔有弛缺。往侍諸父。時
見師承接。曲盡而恃氣凌。鑠者不敢出慢
語。至於桷四世矣。意遠令五傳。有不善扶

植者矣而師亦四傳守規蹈矩僅一二數
兩家相視爰乎可懼拘繇翰苑歸登塔亭
謂塔主子鎮曰往事將湮沒師之行業不
可不紀其徒曰是在太史師以至元十七
年某月某日入寂僧臘六十一度弟子二
十有
人有詩集若干卷大澤大雅相繼
主是寺九四十年規約散弛今有子堂子
鑑子鎮子金子真猶能知師遺事下是不
復解其寧有不哀也夫銘曰

維大雄氏內寂外脩不偏一能用載以周
在師敏通卒異其儔哉新宮百礎承宇
以其彌縫莫或敢侮智周行圓者年以輔
成之匪艱承之孔難大訓厥徒黜慙砥頑
昭銘以儆勿踰其閑

延慶良法師塔銘

天台之學其說汪洋浩博旁訓廣誥多至
萬言學者讀其書前迷後遺究厥本旨更
席不能以終良法師始疑之謂繇律以入
則心以攝持繇禪以入則心以解脫玄文
妙旨約以撮要事理昭晰如瘖獲吐如盲

獲觀其為書曰十門指要約說三卷指要
餘論一卷教觀宏立門分戶列貫穿出入
莫窮其塗師以諸部證其義例條焉不紊
示焉指掌其為書曰教觀撮要四卷三千
別說則其師覺法師之言具在舉世尚同
因省立異良非苟於言也師名善良字子
直號月溪族姓朱氏定海縣人始祝髮淨
居習律胡心游杭之大雄師頑空覺大師
空問不二門所屬三諦三千其旨意與空
合覺大師言辯簡峻師入其室嘗俾守講
席後游淨慈訪禮禪師以古德語叩辯禪
語瞬息眩晃意師泥名相為可惑師徐曰
三觀之旨不外乎是禮謝曰其歸振汝宗
集慶寺成朝命選主席班從者亦皆精良
晦法師主上竺任可否師預是選講大涅
槃經聽者雲集師懸辯提機整暢理得然
卒師頑空上竺不能強也主禪惠擇陽報
國藥師治平戶屢日接別為堂以處篝燈
星列咸曰是宜繼四明矣歲既久卒以興
論主延慶至元二十六年寺延燧爰舍草

緝講論彌不輟大德元年九月某日入寂
僧臘六十年七十有九奉遺骨歸于祖關
精居邇南湖幼歲游起信堂羣僧誦聲接
几席取其書讀之茫不能解泰寓曹先生
說曰取子直約說讀之斯解矣後來南湖
觀其容和以莊其說坦以明始悟曰先生
語不虛矣歿三十有一年弟子允恭來請
曰公深知吾師吾教有行業碑敢以請延
不得辭銘曰

天台之宗明性合理鉢縷其別弊極口耳
以言顯道言曷有止若舟在川茫不有涖
若蓬繫風去莫以趾支離演文積指縑楮
迷途具茨珠探濁水至簡以求允究厥旨
聚不瀆握邇納步跬解其桎梏一貫真詣
南湖之庭屢履纒纒振塵一言聞者竦起
遺書具存毋敢訾毀昭哉是銘千祀勿圯

空山雷道士墓誌銘

孔子曰文勝質則史班固亦曰道家者流
出於史官豈其然乎老子為周徹室史酌
古今治亂成五千言致用以準易較其治

良不誣也意為老氏者其知此與河圖洛
書聖人則之易書誠經緯也微言既湮傳
注門戶各立自勝易與書迄不能並士方
斷斷然不可參錯進老子之說焉得力而
勝諸士患無恒心遇不遇命耳曠百世而
相感者吾得一人焉曰雷齊賢始予讀其
書益知其所以言病乎世莫知其涯也齊
賢所為書援據切至感厲奮發不蹈世俗
繩墨合神以窮變盡變以翼道申言廣指
其於力誠至矣今知齊賢者不若是則齊
賢之意將終無以自表齊賢於書無所不
讀悉資以為是書者其道然也道散於九
流百家同歸而殊塗唯老子家近然則易
老誠相表裏邪嗚呼齊賢之志予深知之
矣齊賢著書曰易圖筮通變義老子本義
莊子旨義所為詩文二十卷和陶詩三卷
齊賢名思齊家世臨川人幼棄家居烏石
觀晚講授廣信山中暨終也復歸烏石治
其寔而先表焉表曰空山雷道士之墓卒
時年七十有二番易吳成季廣信弟子也

嘗曰空山先生承絕學於蕩裂繕刻志意却甘茹苦光景變幻皆隱隱不道飛伏控握愈眩愈遠道無有矣今遺書具在匪吾徒私彰確者如是則行若藝猶其粗也陳郡袁楠以是銘銘曰

入而不出神不可以物通而不塞用不能以休膏軸御輪其行彌峻無適不宜曷問其津生以道為樞死以天為徒有隆空山泉流舒舒矯爾後人抑華食實弗績弗雕我銘是質

戴道士墓誌銘

子讀桃源記私竊以為慕肥遯有遺於世者之說云耳後讀地志則沅南地今稱為桃源者不與王化邇安食水土無君臣守令之程節於徵需乎何有嗣後地益闢桃源遂為壯縣溪峒增為十州今烏能辨桃源也哉或曰州有桃源宮累聖蠲復山水清湛其人醇厚直且信使能居之寧非桃源乎戴君道安和甫其人歟和甫成童辭家為道士性疏曠無畦町其師王君文

卿器之俾遠游見開府大宗師于崇真宮隨其委令風雪承給不少替請於人也事弗就弗止而人不以煩避之震於衆也率退以自持衆先矣而君亦政焉以及之故亦受制為龍瑞宮提點奉香于武當桃源性不喜戚否遇酒嗒然以忘然不復失事故職教者彌任器世人以記短長逐日影為能事君不能且鄙耻較其得失是真無懷尊盧之民矣豈唯桃源民哉往歸其宮携酒邀父老游白馬洞天洞近長嶺山酒酣援筆述韻語曰吾死必藏是延祐七年還京師明年改元至治正月某日微疾以逝年若干斥其囊資不能以歛遺言以弟子李禮謙領宮事和甫在崇真度弟子天台徐信初厚禮翰林待制虞君伯生併教之伯生與予皆故家見後進進傲誕不復與語獨信初給事無情聞論文獻道徳嘗惕悚不自置信初果能為請銘君斯無憾矣某月某日葬是山銘曰

棄方利觚睢盱以趨何誕之日多樸莫能

扶瞻彼沅溪中季載圖其德弗離其人允
符持觴養和奚憾之祛命也不尤卒為天
徒

通真觀徐君墓誌銘

開府亥教大宗師張公留孫以玄道贊理
陟降 帝庭踰四十年其承次授受同流
一源固有支別故其弟子相傳多至六七
十人以文辭議論達國體者為之嗣教其
餘彬彬行能清整英發林立輩出或激昂
自脩則俾之挈綱振維往來京師山林間
重其名教若是者寧不備矣夫開府弟子
之家長者曰徐君余官翰林十有六年未
始識之延祐四年開府年七十始來上壽
閉戶不復出戶限邂逅予庭中若相避然
者集賢大學士李公某傳 詔黜崇真宮
益避跡隱奧中集賢語開府曰聞高第在
是願接顏色可乎強之見揖以退復辭其
師曰弟子歸山中不來矣願師自重至治
元年專价走京師作訣別語衆咸疑焉未
幾訃至療陽以夏五月癸巳化于仙源宮

得年八十有二於是嗣師真人吳全節率
其弟子為位以哭皆不勝其哀且以狀求
余銘維徐故士族祖某父某君名懋昭字
德明饒餘干州人饒為衣冠望郡宋端明
湯文清公丞相江文忠公善衡鑒幼獲接
識之繇是棄仕譜為老氏學以其道游江
淮間于時烽燧連警百里土舍不相接獨
澗飲草茹以善勸勵俾崇信其法後皆化
之開府公入

皇朝隨侍二歲即歸且擔曰釋老以募衆
集施為能事叩門嚙甬抑獻笑且取謂吾
不能若是當益貶損焉積數十年作仙源
觀久之復作神翁觀佳木奇卉編緝墾治
山林壠畝陂塘之利益充然衍裕卒能遂
其初言歲饑以餘食餓者不足則損直以
售葛衣布壽十數年始一易見者服之老
氏之學力本自治退足無欲其言黠以韋
不知者以虛無釋之邈不相涉矣夫不巧
於外則必慎於內宮室蔬藪絲麻丹漆之
物燕興俯仰之節酬酢進退之儀人之生

不能以缺也今而曰吾無求焉將何以取具世以役鬼神竊服食為道吾不能知之

不惑於衆則害於民者寡考其自治則於吾道合清淨富強昔之時君嘗師之則凡

刻繕者誠得矣夫何疑焉余嘗侍開府公言語絕臧否者而謙默而簡退與嗣師游

彌綸損益將以行其道是非家庭之教績業纂素能若是乎盛矣哉大德六年制授

主常州路通真觀皇慶元年制加保和通妙崇正真人二觀亦以璽書尉鎮焉以

是年某月日葬某山開府再傳曰李立本陳義高義高明朗通豁器行瓌特贈粹文

冲正明教真人皆蚤世今以次傳者曰余以誠何思榮吳全節孫益謙李奕芳毛穎

達夏文泳薛廷鳳陳日新餘若干人將葬開府惻然曰吾弟子蚤從吾游其亡也不

宜以薄殭命奕芳歸蒞葬銘曰
林林生民厥初一原帝霸肇分兵刑日嚴

維玄元君治道不繁節約寡求固有僭貪榮觀超居導迎泰和絕色屏味日用不頗

後侈怪竒風揮電訶造舟構臺百靈迄訛赫赫

大帝尊企清淨玄風恬寂守貞自正溫溫開府不夸不佞于帝左右淵默無競在師

承之儉以繩之泯泯自營卒克興之道合古初訖莫我病銘昭真宅是式是證

陸道士墓誌銘

道家者流以清靜無名為本時王以其宜於治國靡然宗之傳世益薄長生之說侈卒茫昧不復講今世所傳唯法藥與術藥術又鄙棄不用而法僅傳謂其宜於水旱疾病通得而用之也余行天下與方外士游率不得一二蓋其傳受訛缺浮靡恣蕩攝思握神罔不知所以而其祛役禁制按圖以求叱咤瞬息欲通靈於肝蠻不可得也意其教若是而為其學者又皆不自植立可哀也矣余居近東嶽行祠有陸氏者掌其祠有年矣其四世孫曰頤真幼歲識之儀觀秀整淵乎抱道之器與之語慎重不伐悒悒然欲求其師未能也日尊所聞

抄綴盈篋樓楚公諸孫坦好黃老能以參
考損益編簡往受其說遂為弟子後聞天
台桐栢山有靈寶法福聖觀道士曹君為
正傳往師之又聞維揚潘師得白真人上
章法遠游以受然不自表標處群衆蓋簡
嘿丹經筮書星曆孤虛之術悉究詣旨要
晚得未疾漸革呼其弟子陸宗玄張蒙
生語授受本末且曰我死必得素內翰誌
文以信後是死為不朽當葬我於先母之
墓側墓在翔鳳鄉白石紫堦觀右紫堦樓
君所建實繼其事曾大父載大父景文考
斗瑞生宋開慶元年歿時年六十有七實
泰定二年七月某日也葬以某月某日其
弟貴和實來請銘哀其志嘉其勤而卒不
逢非命也與銘曰
握奇制氣起鴻濛約束萬神驅霆風物無
疵竊有感功秘圖靈籙昭羣蒙後生棄暴
甘盲聾嗟我紫虛憂忡忡踰江越嶺美一
逢死生晝夜在反終不怛其化輪旋空恍
兮步虛出雲中有縞之鶴來城東

清容居士集卷第三十一

清容居士集卷第三十二

行狀

翰林學士嘉議大夫知制誥同

備國史趙公行狀

曾祖伯洙宋朝請大夫知南外

宗正事贈金紫光祿大夫

祖師雍宋朝議大夫直寶章閣

考希聖宋宣教郎史館校勘

公諱與熏字晦叔宋燕懿王德昭九世孫

高祖子英宗正少卿避地南徙紹興間為

台州黃巖丞家于縣之西橋至其子孫遺

育蕃衍故今號西橋趙氏宗正有孫師淵

字幾道官至太常丞為朱文公高第文公

述通鑑綱目條分例舉整齊芟奪迄于咸

書皆太常所定其言理學蘊奧心受耳屬

精析該邃非若語錄所傳剽臆謬妄東南

後進咸尊太常與黃榦氏並於公為伯祖

公少美儀觀音吐清徹讀經史大義必本

家訓弱冠以易入宗學登咸淳辛未進士

第用積舍法教授鄂州鄂為楚上流歲備

武不懈公視邊將翫弛而咸淳士大夫率

耻言邊事迺策諸生而問曰文武之用不

可偏廢韓范二公不以言武而失文曹彬

狄青不以清談而喪武文事武備豫然後

立時未幾王師絕江守以城獻公自念為

宋國族鄂先內附兵勢若破竹不可支而

歸道已斷絕不得返遂上書丞相伯頰公

言宋權臣賈某柄國十有五年脅威罔主

棄背信好事一至爾今得莫如藩臣歲奉

貢幣願緩師以行成焉書未報而錢塘已

下實至元十三年也公知南北已混復上

書丐返田里會大臣有奇公狀貌告于

世祖皇帝十四年遣使上驛來京師幅

巾深衣見於上京

天子清問溫渥首詢其老幼及江上事首

尾其對復如上書所言特命給廩餼以俟

用明年奏言江南郡縣戶口繁夥當以簡

易治近歲有司急切興利殊失安輯新定

之意臣生長江南悉習利害因條類為十

六事以進大較以擇守令釋征歛厚風俗

為急而末復以存活趙宗為請十六年入翰林為待制陞直學士復兼集賢又三年遷侍講學士預纂寶錄加太中大夫於是侍講十四年矣累疏乞致事歸里雖未得旨而不入翰林者幾二年久之拜翰林學士自鄂之來京師凡二十有七載由里居而之鄂也適三十年每恨乖隔愈久冀一得請以終老丘隴常忽忽不樂秋風倚楹懷悲故鄉擁余障袂聲出金石非復以宦達為可戀惜而志迄不遂抱疾暮歲以卒大德七年正月二十有二日也年六十有二積官至嘉議大夫公之為侍講也言江以南括青營聚皆大臣與其黨類私植貨累鉅萬願寬今年田租以緩赤子宋世陵寢毀掘及移徙故宗室大姓皆非初詔本旨乞正其私擅之罪

天子以為然又言乃者庚寅歲大霧四起越翼日癸巳夜地震地為臣道臣強則震至正月甲辰西域老虎就擒虎於象為克為金其著尤異咎在姦臣竊權今已執咎

而宸斷未果願蚤正天誅以應變異上意若微忤而終不以罪由是居家待罪闕三月大司徒公自上京俾燕只干學士諭以復職後平章政事不灰木復為公奏連負歲積不能自養

上曰得非指桑哥為庸者宜令有司計逋以償歲別給帛粟餘勿為例人益知世祖皇帝神武沉斷非真忤公公天性疎達與人交緩急高下盡力傾引弗避不為刻峭自高亦不復計得失成就始始爭趨慕而間輒掉去訖無毫髮恨意傾觴煮茗費盡即止危坐清論一不以靡密缺乏廢其雅道歲時莫薦雖甚匱嗇猶豐絮盡力如舊禮自宗正四世而下皆請于朝而復其役族屬男女以及鄉里之俘虜而北來者悉贖以歸凡十一人有張生貨藥西關一日過之張死已數月矣亟歸視藥券盡酬所負其家人不知也遂具以告而歸之一士人伺公錫賜時謾言當買田毫宿問計資與之歲久不至後亦不問其受欺

類如此同列有侮公為方拙暨死之日朝野咸曰善士已矣各賻奠哭弔終其歛事而同列亦悔昔日所侮為可愧往右丞許公仲平薦意道德性命之學奮自飭厲以文公四書為標準達官高胄皆俛首承訓不敢怠公時至 京師首言力行致知

近世率清曠自高言行若朽鑿不相入非儒先本旨許公深然之至觀其平居處身待人抑華養實許公雖死而昔時門人親聞其言者皆以為伊洛源委惟趙公為真但益以知太常之學為可信至公為有傳矣有詩文若干卷類聚藏于家初娶舒氏御史中丞璽之五世孫未踰年而卒歛篋中裝歸其婦翁不取今夫人史氏奉直大夫知連州一之之女生三男子長孟實以公居 朝廷久特官為承事郎同知瑞安州事孟賚温州蒙古學教授孟貫以廕入官孟實等欲求銘當世有道以信于後俾稍有述謹具歷官行事如右謹狀大德七年七月日從表姪具官素梅狀

推誠保德功臣開府儀同三司大傅上柱國追封薊國公謚忠括梁公行狀

公諱德珪字伯溫姓梁氏大興路良鄉人八世祖德成遼末以勇力善賞雄鄉里生子吉不仕吉子伯溫金皇統進士官通議大夫同知河南府事遂贈吉安定郡伯郡伯孫牧牧子陟明昌進士官中奉大夫同知南京路都轉運司事亦贈其父安定郡侯郡侯有別墅金世諸名士日觴詠從之游中奉驂年能以詞章相周旋成器偉之晚歲直節善政深自植立值金亡終老於里生行為金承奉班祇候祇候生守信終隆興都轉運鹽使轉運生國禎終內藏庫提點是生公後以公為左丞時 朝廷特綈中奉曰通憲先生轉運贈榮祿大夫定國公謚忠毅提點贈榮祿大夫安定郡公謚僖敏公幼歲給事

昭睿順聖皇后宮中奇其器骨俾熟國語通奏對年十一大府長官愛之帥其弟德

瓚同見

世祖命相者閱二兒相者曰後當貴

帝領之遂使從東平忠獻王安童習憲令

儀注年十四即襲父職至元十六年升中

書左司員外郎二十三年遷右司郎中踰

年復左司二十六年進太中大夫總管大

都等路打捕府仍領左司是歲復右司二

十八年參議尚書省事復遷中書二十九

年

世祖特旨拜參知政事

成宗即位陞中書左丞大德二年拜平章

政事公未弱冠即官宮省踰三十年錢穀

出入高下若指諸掌四方奏請率面授中

書掾言某事當如律某當如

先帝某年所行極邊宗王急驛調發卒無

所從具同列拱手不能語公徐言軍用有

故實泛索非故事不可行執筆量劑退考

故籍無少訛誤戊子歲地震北京

世祖問今歲刑部所報囚徒何煩多公對

曰囚非犯罪特以徵索羅織無所從納

故悉為囚在獄中

上大感悟迺悉赦天下逋負京師供

給繁夥屢奏蠲復之漕運根本江南浚

治諸湖堤不宜使富民侵塞以殺水勢議

自公始選部資歷吏不敢後先一時以事

功自期者公亦與一二執政議超常格俾

自效方大德初元

成宗恭儉守成一繩祖武公亦以朝政

自任年穀豐熟四境寧謐廟堂大臣相戒

以清淨為治凡上書言利害斂口不敢發

自是希進者皆避匿後議相持既深朋聚

比進乘事間發浸淫於疑侶之際會

上不豫遂出公湖廣安置踰年

上疾稍瘳罪一二章臣急召公還都遂乘

驛朝于上京

上問卿從何來公環視嗚咽不敢對

上賜酒饌命歸省其母諭以將再用至九

月詔復入中書時公已得上氣疾與家

人言向嘗遠謫今得再覲

上明白母子相完聚即死且不恨何敢復

有希進意遂却藥危坐謝事某日星殞西南有光流室中是夕薨年四十有六葬于宛平之樊村妻安氏今封薊國夫人柔靜能家子一人某女三長適納速刺僉事次適伯達某路都提舉幼適某同知宣徽院今上改元詔錄勲舊贈公推誠保德功臣開府儀同三司太傅上柱國追封薊國公謚忠哲而公祖父亦復追命為國公母夫人完顏氏公能承侍盡道待二弟曲致恩意對賓客謙不失禮自以先謀踵世科尤重儒士詢考安定別墅為圖表章一時縉紳咸賦詠追美其事侍

帝左右率傾候意嚮獎拔士類至於決事占奏愆款不讓而悉簡愜稱

上意死雖十餘年朝廷至今猶稱道之前翰林脩撰知高郵府張某次公遺事命栢演潤將求鴻藻以表墓道栢與張侯曩同在翰林見一時行事張侯以親嫌為辭公之弟德璋今益都總管昔為慶元判官時栢居鄉里得聆公言行遂不敢以草野

為鮮然奮聞中原故老嘗言梁斗南文采風度有陶靖節晚歲志意後進爭慕企久知迺通憲先生也先生言行在人口不絕方金將亡時士狹解散漸盡暨獲平定推原高曾名字於荒碑野塚之際皆缺軼無所考獨梁公八世官簿歷歷可据德源深長通憲守儒之效著矣至若公行事在史冊者不敢有私姑次其出處大致使銘述者有考焉延祐三年九月某日翰林待制承務郎兼國史院編脩官栢奏

翰林承旨王公請謚事狀

公諱構字肯堂世居濰州家譜云與中書今同系八世祖某宋世為司農卿守鄆因家焉故今為東平人曾祖某金進士奉訓大夫滄州無棣令祖某以公貴贈正奉大夫太常大卿考某贈昭文館大學士資德大夫公幼歲肄業郡學試詞賦入等杜先生仁傑深器之賈文正公居貞一見館以教其子載與來京師時太保劉文正公王文康公王文忠公持薦士權即辟為權

國史院編備官丞相史公耶律公在政府聽公上事言論接以賓禮耶律公復戒其子以兄禮事焉至元二十一年授將仕郎命為真于時集議時政必使公預會裁酌之十二年丞相伯顏出師諭江南公實草詔是歲渡江

世祖命翰林直學士李槃與公偕行俾蒐擇儒藝之士明年春次杭州公見董壽公某曰故宋圖籍禮器具在宜收其秘書省天章閣翰林太常考集目錄宋史異日必備纂遂悉輦歸于朝十四年充應奉翰林文字公辭曰少嘗受學于李先生謙今先生猶教授東平實不敢先遂以其官召李明年始受之十六年陞脩撰凡制誥撰述文康公必以命公丞相齊魯國公和禮霍孫領翰林開司徒府授府司直

世祖詔大臣議道歲可焚棄者公與議完救之十九年丞相阿合馬敗齊公入相議選舉更定法皆公手定遂授吏部郎中未幾改禮部後復吏部而翰林制誥猶謏公

參詳焉二十二年遷太常少卿

上方定宗廟修禮樂而公昔從故宋所輦還者皆得補缺二十四年出為江北淮東道提刑按察副使御史大夫率公陞驛

上賜酒慰遣擊奸惠民准民猶能言其事

二十七年除治書侍御史故相桑哥嫉公

命與故平章魯公卜忽木檢責燕南逋負

公先馳驛會計簿領迄無所迎合謂魯公

曰公近臣某復在言路相若苛責當受罪

不以累公也未幾桑哥伏罪二十八年調

選江西二十九年改翰林侍講學士三

十一年

世祖升選

成宗嗣位分院上都制誥多公次定

徽仁裕聖皇太后知之特賜楮幣七千五

百復命撰

世祖祔廟謚冊攝司徒以尊禮大德改元

纂脩

世祖實錄陞翰林學士二年參議中書省

事右丞相引見于柳林

上問昔從何人丞相奏是和禮霍孫官屬
真儒者昔奉 旨叅用儒生今故用之時
上初即位勵精文治年穀屢熟海內熙洽
公從容二相間以薦士安靜為急務後數
年來執政希合生事將檢括增羨首以其
策行東南公卒不肯附稱疾納祿幾一年
七年 朝廷更政獨公無所累歸里九年
授濟南總管禮法自持嚴而不苛凡為民
害者悉除去丞相荅刺罕見公所申牘咸
從之十一年太師潘陽王等奏俾乘驛造
朝拜翰林學士承 旨復脩 兩朝實錄
持命贈公二代公言臣本儒家遭逢 四
朝先世皆潛德里士 大國美謚懼無以
稱以臣所居官授之誠以為過今群臣封
謚下太常必繇翰林議官品臣首踰越將
無以服衆

今上時為皇太子嘗詢翰林老成必首姚
燧王構手以酒賜之是歲尊謚

祖宗公撰

太祖

睿宗皇后謚冊賜楮幣萬緡正月撰

皇后冊文攝侍中讀冊至大三年以疾薨

公在 朝廷踰四十年凡 累朝憲章損

益能悉舉源委翰林述作自為編脩時已

預撰先賢文懿尊酒叙論咸有摺依欲輯

為臺閣舊聞而事莫遂崇拔後進雖未識

面汲汲稱許不絕口性剛直有不善必面

責之有文集三十卷藏于家子士熙今為

翰林待制竊惟 聖朝褒錄臣下見於今

典謹撫其居官行事請於太史上於太常

至若居家雜儀治民遺事悉弗敢次第延

祐三年九月日門生翰林待制承務郎蕙

國史院編脩官袁楨上

李司徒行述代作

嗚呼我先公之亡銓時年十有三遺言懿

範誠不盡知雖知之亦不能盡詳少鞠于

趙氏外家外大父諱某為南京同知先夫

人嘗泣語銓曰汝父沈靜寡言笑篤志嗜

古卓然遵聖賢言行為矩範強之仕弗肯

仕疑塵敗席家事靡密弗顧疾革猶執卷

瞻然若有思空約彌甚間嘗曰我幼孤長兄樞密都事教我撫我繫汝舅之訓汝舅生三子長都事君從革次總判君從謙余叔為季生兵革中我先君每誨吾兄曰家世朔州雁亂離朝夕習騎射今邊宇寧謐諸兇宜守儒顯親母刻木吏為也都事受其言朝夕以詔二弟俾從學于九山李先生徵吾詎願不仕非其道不可也銓幼不能必其成後其語諸又曰大父之墓在朔州地遠不能至考其事則有紫陽楊先生之誌在戒其毋忘焉不幸某歲卒年四十一葬于南城柳村之原先公既卒家益困太夫人挈于外家化治錄粟率資以教銓稍長痛自感勵有以其名聞于世祖皇帝詔習儒業入國子學師許文正公焉後直省闈三年出為彰德鐵冶提舉又十年同知歸德府事始得致養于母夫人元貞元年過汴梁將歸京師不幸夫人卒於汴卒時年五十有八奉柩歸葬于柳村相其地水蓄泓不可旁樹迺卜於西

山金河口田峪之南得合葬焉冬十有一月某日也元貞元年為翰林待制又三年轉廣平等處鐵冶提舉改工部員外郎承檄視屯田鴈門鴈門地近朔州銓思念吾大父葬朔州在鄆陽灰河西一里今六十年榛莽不可攷有楊先生英誌在雖無能知吾以誠求寧卒使無知哉翼日驗誌徵旁近卒無有哭走于野有老叟年八十餘迺來曰李府君葬時吾嘗治畚鍤于灰河今西一里隆然者其墓也銓泣且拜得封崇以識焉楊先生之誌曰李君大父諱彥宏由彥為名者十八人自彥而別為玉者二十六人其諱玘者銓大父也我先考大父之幼子也都事有子曰某總判君無後銓由是奉都事而下皆合葬于西山而灰河之墓始樹楊先生之碑推大父燾後之德遭時隆平非若昔時之永隔歲時省墓則力猶可至也楊先生之誌又曰大父為山西西路課稅時耳目所逮纖悉必陳於長官有以摧翹牟利即峻拒絕後患或言

郡縣始安輯宜用重典使不犯輒面折陳
 白非忠厚恤民本旨先公之誌翰林承
 旨王先生構則曰拱璧駟馬流俗所恃嬖
 者先公無是心也銓無所肖似自工部改
 授朝列大夫揚州路同知臺擢為監察御
 史四年少中大夫河北河南道肅政副使
 五年移淮東未幾嘉議大夫常州路總管
 不六月召為叅議中書省事又六月除禮
 部尚書復五月轉燕南河北道肅政廉訪
 使改昭文館大學士中奉大夫治書侍御
 史
 今上皇帝推賚存歿於是得贈大父資善
 大夫司農卿上護軍追封翼國公謚莊順
 祖妣王氏翼國夫人考榮祿大夫司徒上
 柱國追封翼國公謚端敏妣趙氏翼國夫
 人嗚呼銓無所肖侶承藉先德先夫人之
 訓歷歷在耳願因 朝廷光顯之寵求文
 鉅公表於墓道俾李氏子孫後有攸考謹
 再拜叙其事于右端敏公諱從益銓今為
 翰林侍講學士娶孫氏封翼郡夫人合三

房孫凡幾人長某延祐四年九月日男翰
 林侍講學士中奉大夫知制誥同脩國史
 李銓狀

資德大夫大都留守領少府監事

兼武衛親軍都指揮使知大都屯

田事贈推忠贊治功臣銀青榮祿

大夫平章政事澤國公謚忠宣鄭

公行狀

本貫澤州陽城縣澤陽鄉屯城

里年四十七

曾祖珪不仕

祖皇故忠昌軍節度使

父鼎故鎮國上將軍湖道宣

慰使贈銀青榮祿大夫中書右

丞謚忠毅

公諱制宜字扶威澤州陽城縣人大父節

度當金危亡時以智略慷慨衛拯里社興

屯田陂池之利年不展用是生忠毅公提

天師勦羌蜀絕襄漢奇勲冠勇功次表焯
 官譜始著公忠毅公之嫡子也方勝衣時

忠毅携見于

世祖皇帝特視偉之命從大臣習給事儀忠毅過寇死難

世祖震悼迺即授金符襲平陽太原之軍而戌鄂焉公盛年受殊數益矜謹自重控伏將士帖首無撓犯湖廣行中書治鄂戎帥策馬進退承教令縮感不自給獨公爭器重傾下鄂守缺長執政俾攝治日坐決文武兩府郡益以理凡數歲訖不除鄂長官十九年 詔治樓船有事於島夷江濟地不足居船官城南有何家洲洲夷廣多居民中書行令遷洲屋什徹墻瓦聲涵撼白日交走鶻泣道上公行相旁近地與洲無異即趣還其居洲民爭持牢醴拱謝公揮手曰安民吾職也何謝焉鄂多火災連晝夜交作或言城中隱姦利羅疑侶者急治火可止公言咎在火政不明火未絕而復誣構彼何生為遂率軍士申令約立渠巷俟火所未至通徹其道火是日迺止有盜私立部躡伏近郊日暮剽劫負擔者訛

言將入城索之不得見數男子從城外來促數異顧命縛之省貴人曰得無以疑註誤將出之明日過城東門見一少年乘白馬行且色動公呼曰汝賊也汝貌良人也何作賊不速言當訊汝少年叩首吐實復信宿日所捕亦同款一郡大驚二十三年徵入侍中明年從 駕北征願前敵效擊上曰鄭制宜死唯一子在宜勿使擊復請戰乃命從太師以行師還 詔侍膳殿中加懷遠大將軍樞密院判官春 駕如上京院留母行公曰年少宜服勞願以偕行上愛而勿許二十八年超拜湖廣省叅知政事是時鄂大臣集括斂為奇功

上怒錄其家公入辭

上曰而父死賊難賞不及于汝今有盜臣貳財僅孥留貯于鄂者宜擇精善自取公對言某臣家入皆賊穢不可詰受之雖無汗然跡其由來寧無汗乎

上益奇之鄂為舊治土俗厚薄悉周知其隱蘇枯翦穰翁然至和

上知其能賜中金五千兩間歲具口奏臣
向留鄂治兵臣母知臣年未更事乞臣侍
陛下宿衛今不以卑鄙預外政府朝夕思
念不勝任敢昧死以請復徵為內臺侍御
史安西地歲牧馬牧人利曠速率併入旁
近世業民數訴理求地持軋不下命公乘
急傳治其事覈地得三十萬頃考籍于官
餘悉歸于民三十一年拜行樞密院副使
院治衛州公統軍入衛下令不得入廬舍
營部擇便地定井竈食罷畢發至暮整列
就次道遇兩卒言宜止頓舍休憇公立兩
指畫訖一卒無敢宿民居道旁市井人雜
語不知為官軍也湖南地介江廣賊負險
燭昭賀聯絡廬陵諸屬邑大軍至即守固
不復出歲一捕寇率害善地寇伺去復濡
集如故公至相院塞雜耕守成據其出沒
明語歸降者釋弗殺遂殲其酋長茶賊譚
計龍匿兵器有異志立捕得之其弟昇貨
以緩事公趣輸于軍卒正其罪

成宗皇帝改元復別置副使一人與公同

治公謂官溢常負先置者當罷入投大都
留守領少府監未幾兼武衛親軍都指揮
使知大都屯田始進階資德大夫公幼熟
內府營繕工巧供給祠祭之屬能通達緩
急終歲事集無曠敗至大宴席刀七樽竿
必命公董領以重其事大德七年地震太
原平陽公承命往視且言河東罹鉅創
聖天子出粟幣以賑活之設一不及是負
明詔死罪萬萬何可逭廼躬入里巷傷殘
羸餒悉疏錄以給有市官利征商詭言某
地少災不宜費官廩征法宜如昔無所損
公怒曰幸災困民民何罪且汝計征入何
補縣官入言于

上復其地三年公天性慤厚

上宴大明殿獨侍立不惰命之飲再拜辭
上察其意賜酒二壺使歸飲于家事母蘇
氏至孝特封潞國太夫人以寵之錫賚無
虛歲復加賜海青俾入禁園尤彌為異數
大德十年二月五日以疾薨年四十有七
其葬在某縣某鄉自公少時已知自貴乞

名於王文忠公王見而器之遂定其名字忠毅以死事顯故公彌欲以忠孝勉獎通敏有持守其居鄂十年善政藹著至今父老言鄭公真清士非他人比至守官靖正不以喜怒害事謙抑自晦中朝士大夫則曰鄭公真吉士也配可烈真氏丞相字羅公之女子鈞今為懷遠大將軍武衛親軍都指揮使至大更元特贈推忠贊治功臣銀青榮祿大夫平章政事澤國公復下太常定謚曰忠宣謹具歷官行事鴻筆碩彥得以取擇謹狀

榮祿大夫大司徒特封饒國公吳公行述

本貫饒州安仁縣開興鄉壽標里

公諱克己字祥甫維吳氏遠有令緒秦伯以至德讓嗣逃于吳周受殷命大封同姓而秦伯胤系因食采吳地子爵不絕周既衰吳越楚爭王吳為越所僨子孫散處江湖間因以國氏夫差六世孫芮為秦番令

有德于番號番君漢次芮功封長沙而廟食番世不絕宗庶蕃衍凡占籍番者悉祖之安仁吳世儒家宋淳熙間有從朱文公講學曰某皆其譜謀公之曾祖岳祖夢旂養潛樂幽丘園晏如也父鑑服儒業言行矩範閭里是否能持平善諭俾率初後皆尊信之劬書教子誨之曰學非以干祿遇不遇命也故公受其訓而行之勿靜默寡嗜好達生養和非仁義之言不言其居家也弁絕喜愠躬行以導之不逮者微語以警之其處于鄉也肅然如有容暴者化之以慈有為不善者輒自勵曰得無吳公知吾所為乎幼督之以學壯獎之以仕稍有能輒譽之其成就也怡色若己得年益者賓客造戶無惰媮酒至愈莊夜分猶危坐治織悉人皆曰吳公有子全節為玄教嗣師總攝江淮荆襄道教崇文弘道玄德真人其好賢其持身常念若不及繫家教所致推公之德視其子則猶可企也延祐六年五月玄德扈 駕上京楠以待罪集賢

偕行公薨以五月丙辰訃至玄德晝夜哭不絕泣且曰全節不天疾驅以歸願述先公之行以聲其哀楠謝曰述德叙行宜在門人佐吏敢辭則又曰猶子善辱與子游其何辭謹按玄德真人幼慕老子道年二十從大宗師開府張公入朝奉祠宮間歲告歸省

成宗皇帝憫許之大德八年公與夫人壽七十

上賜公上尊加帛俾乘傳以歸大德十一年特拜翰林學士中順大夫至大三年武宗皇帝隆孝治恩賚中外臣子繇是超拜榮祿大夫司徒饒國公配舒氏饒國夫人而公考亦追贈昭文館大學士資善大夫饒國公謚文靖妣陳氏饒國夫人玄德奉制書以歸延祐元年公壽八十天子遵

成宗錫賜如故事延祐四年復降璽書復其家命守臣王都中表鄉曰榮祿里曰具慶玄德築公所居堂曰晚香曰天爵翰

林侍讀學士元公明善記之矣曰齊老則因宋孝宗所書扁以徵其實曰樵隱公所居自號以寓其冲澹之意焉公壽八十有五將以某月某日葬于鄉之山田原子四人長詢次誠蚤卒次玄德真人次全義女若干人孫男若干人善集賢脩撰蒙剛才致孫女若干人曾孫男女若干人始善來京師從游嘗出大父手書誠善制酒力纂述勿愒玩以自棄又誠其叔父持敬存誠為應天事神之本日承君師母以我耄為辭幸未棄昭代嘗惕然深念曷報稱數數道途非所望假我死何憾也水蹇於山屈曲演迤遇順而始達非偶然也養深用蓄累遠益振於吳氏有考世胄顛覆抑其所發者誠過耶嗚呼吾於是見之矣栢也辱再世之游耳受目矚向為史官錫命享醴之禮嚴詳於記註博史純孝贊皇風闡鴻藻有自來矣遂不克讓奉于太史俾有攷焉延祐六年七月日具官袁楠述

清容居士集卷第三十二

袁楠

清容居士集卷第三十三

表誌

西山阡表

嗚呼我 大父嚴州宋寶祐五年丁巳六月七日庚寅即卅年六十有七後六十有七年是為

皇元至治三年歲在癸亥

聖天子推恩文武錫命有秩不肖孫掄以從臣遂得贈中順大夫上騎都尉會稽郡伯 大母令人王氏會稽郡君是歲五月丞相忠獻王薦于

英宗超拜侍講學士泰定元年又贈嘉議大夫禮部尚書上輕車都尉會稽郡侯郡君加會稽郡夫人嗚呼掄生七日而母史夫人卒 先考處州嘗語曰汝外祖數文轉運公諱賓之淳祐十一年辛亥歲秋八月病且革 嚴州詞疾候所命于時汝母年六歲余年七歲即指曰吾女以中外表願奉公幼子 大父謝且立曰幼子獲為越忠定王孫壻它日生孫寧負吾兩門哉



掄泣受其語以識掄鬪時喜聞遺事于時 越公賓客子孫宦途著仕而 大父遊從或在嘗語曰 越公為京尹十有一年槌括隱伏抑強振惠繫汝 大父密以贊外若常布使世不知有子弟名字其居越公喪盡喪禮喪除廬于墓不入城府者三年匪惟鄉人言之外州士大夫能言之退考于家乘曰初補承務郎監無為縣襄安鎮知建寧府浦城縣丞 越公久侍從陞政府而執政子求外仕令不許故再任佑神觀紹定四年 越公解機政始得授江南東路安撫司幹辦公事端平二年以侍養請于朝優許之充沿海制置司機宜文字淳祐七年通判嘉興兼尚書省提領田事所檢閱廼曰吾得以仕矣治府事無留難囹圄以空悉以 越公尹京法治之郡守謝不能提領戶部財用史宅之悉括諸司田阿媚奉上具籍百餘萬用戶部印入御府而以副帙置三省始愀然曰吾不可復治乞歸三年授江陰軍力辭以疾後

戶部果督責浙西諸州虛籍守臣爭納告
 丐罷言諸司田皆朝廷舊籍欲入虛籍則
 宜蠲舊籍未幾宅之死始悔罷而副帙在
 三省者國亡散落民間言利大臣深信之
 卒為東南害十一年知嚴州寶祐二年提
 舉台州崇道觀積官至中散大夫鄞縣開
 國子 先處州登朝贈中奉大夫再以登
 極恩贈中大夫維我 大父訓範嚴密居
 家治具畢舉區別工技悉精其能堂與危
 坐無笑色聚書至數萬卷圖畫鼎彝鑿裁
 得源委而 先處州遵奉誠令教子晝夜
 不廢稱得以誦薄文藝叙升翰苑幾二十
 年再為集賢直學士今復超進為翰林侍
 講學士夙昔期望於遺言見之今墓在桃
 源之西山王氏夫人合葬焉 大父諱似
 道字子淵曾祖諱皇累贈太保 妣楊氏
 越國夫人楊氏魯國夫人 祖諱且累贈
 太師衛國公 妣楊氏齊國夫人 考諱
 韶少傅同知樞密院事資政殿大學士累
 贈太師越國公 妣陳氏周國夫人配王

氏平江府吳江縣癯庵先生份之四世孫
 蘇養直向伯恭張安國朱元晦諸賢賦詩
 于其家園有詩集十卷行於世長子諱浚
 奉議郎淮西制置司機宜文字入
 皇元改授承務郎賓州同知娶史氏孫四
 曰棟楫楹楸孫女十曾孫五彥毅亨端辛
 孫女一 先處州諱洪朝列大夫同知處
 州路總管府事贈中奉大夫浙東道宣慰
 使都元帥護軍會稽郡公娶史氏楊氏並
 追封會稽郡夫人子楠為嫡長孫女三曾
 孫二確瑾女四人四世孫男曦暉女德秀
 表為鄞閩姓晉政府繇 趙公始至子
 大父承緒展世不赫赫以求高命所居堂
 曰拙逸曰得間殆見其雅志將以俟于後
 矣夫德厚者報深恃報自佚必不能以顯
 郡公事兄若父讓爵避財鄉黨至今能言
 惴慄四十年而教子督切則曰我大父之
 訓我不敢私今雖未底于成詩書之澤殆
 能以自白歲月逾邁交友故吏漸落幾盡
 隧碑有缺幾於無傳是則有罪矧以不腆

之文行于南北庸述祖德刻于墓道俾子孫有考泰定元年歲次甲子 月 日孫具官摘表

先大夫行述

先大夫諱洪字季源姓袁氏袁為明州著姓州陞為慶元宋仁宗朝詔外郡得籍開封舉進士嘉祐初為開封舉首者諱軫後通判杭州蘇文忠公時為郡太守日論文史典麗州以終贈光祿大夫其宗諱慆亦占籍開封試進士歷官至祥符縣丞因家焉為公六世祖五世祖諱謂贈少保高祖諱皇贈太保靖康難作隨青州兵復歸里積善好施年八十餘預言死期別親黨沐浴端坐以逝 曾祖諱且為明州助教贈太師衛國公樹德力卑謙鄉里尊信郡有不執大獄命公攝治即其家搜驗得偽署籍姓名一千餘人皆六縣大家不以送官立焚之異行遺事世多所傳錄妣楊氏封太恭人贈齊國夫人 祖諱韶幼學于族父正獻公察登淳熙丁未第嘉泰禁道

學自趙忠定以下皆入黨正獻公坐廢

越公為吳江丞得罪蘇師旦俱家居避禍

嘉定改元褒叙趙忠定公朱文公於是相

次被召先後為侍從搢紳榮之尹臨安十

年神明愷悌自辛棄疾揚王休馬大而立

宦以後推公次之為同知樞密院事以資

政殿大學士銀青光祿大夫奉化郡開國

公致仕贈太師越國公妣陳氏吉國太夫

人贈周國夫人 考諱似道中散大夫知

嚴州總覈事物能通達損益然不樂仕進

守次江陰將行乞祠祿以歸理宗異之贈

中大夫妣王氏恭人贈令人公嚴州次子

七歲能諷誦詩書左氏通大義以 越公

遺表恩奏補承務郎年十七試吏部銓監

鎮江府大軍倉明年道臨安馬先祖以樞

密為京尹上書往見之馬公喜謂曰是故

袁越公孫耶光祖治京師皆先公條教今

官位適相同然貴家諸郎多不達文墨是

書果子所作當留以自近公謝不敏遂改

辟監桃源酒庫撤入帥幕時馬公彌嚴敏

客多畏避不敢進率秉燭決諸曹事命四客坐四隅禁私語夜分間以成案俾閱先後是否一日擇卷牘繁冗者以試公公疏其要領言是事曲直微有隱某官所擬微兩端馬公大喜日以不決事委處分將俾徵彜邑逋負公謝曰初入官而以括責稱懼失先公遺訓馬公謝之禮部尚書李公伯玉薦可治劇邑中書舍人劉公震孫薦可理瘠縣馬公去國改兩浙轉運司幹辦公事轉運使胡太初刻峭善伺時相意旨公不樂之請告歸里胡亟怒以綠匣檄還司署曰不即來當議劾公起視事或咎之迺慰曰太初先子先樞密門下士知子能官固若是後潛說友為轉運檄督寧國緡十六萬疋公婉謝曰嘉熙以來江東稅緡皆虛負實籍寧國尤甚莫若悉蠲虛名止取景定至今年逋且昔時嘗以不能謝馬公矣說友懼蠲數廣亟命他吏然卒不能辦為禮部貢院封彌官甫出院度宗忽降手札諭賈某曰舒津太學名士袁洪

嘉定名臣孫宜與陞擢差遣舒同里人賈疑有內援遂除舒太常博士公為太社令就職兩月諷門下省論而舒亦以他事去賈相嘗曰浙東唯溫處士可任事四明士不宜用于時高公衡孫趙公汝楙以戶部侍郎汪之林以汀州陸合以軍器少監章士元以太常少卿趙孟傅以贛州合執政官至守倅凡六十餘人皆家居月為一集約討論先括言行不得議時事繇是公益得紬繹文獻深愛重自悔絕不通京師書問賈相悉偵知之迺命主管華州雲臺觀咸淳壬申遷通判建康府公閱事敏決老吏不敢詬慮獄句容有偽楮連坐二百餘人悉出之定議止誅其首帥趙潛責駭不親庶務僚屬上府謁不得入率用紫袋取畫諾公坐賓次命吏白帥今邊事益急惡少年掠奪市上將驕不習兵非紫袋可奉行帥聞即延入閣出遜語且曰將循視沿江諸屯壘苟可安便者毋忌也甲戌冬十有二月帥行郡中大驚爭移徙出郭而村

落民與故侯聯絡者復入城有約白晝罷市公詢扇亂者斬之戒門者毋納村民城中始安夜多火災有微卒騰對詳練公私以白金立署賊曹一夕卒馳報有賊約以二鼓縱火東門劫門鑰以出今賊俱在廟中治火具公遣卒往伺賊將出廟門捕二人有緼火在手即斬以徇諸將留城者皆故侯部落至是益蹇傲願習射求官賞且曰在昔唯陳招捕習騎射今不能復見此等相公矣翼日將巡城請公乘騎支擇馴馬以進公命取將馬來將異之坐城上召諸將曰郡庫非制置使不敢用若等求較射吾當以私財定高下語畢入射將扶矢前喏曰願奉約束然不敢先公手弓遂弦三發皆中革一入的將謝不敢公強之終不能並卒定其賞如初諸將前曰惜侍郎官晚然事不可為公嘿然侍郎蓋江淮間幕府通稱也二月帥調精銳居屯江城中羸卒數百相偶語有卒夜從江游還言趙制置已南遁數日將解兵還淮西總領費

伯恭棄軍資夜乘舟如通州入海賈相師潰歸揚州諸將率故侯部落將劫公出城公不得已微服間道歸臨安見太常丞吳浚浚奮為沿江參議與公厚善相對各泣下公曰國勢日蹙諸將率聞風內叛浚薦丞相陳宜中將留用之公願自劾待罪急辭去趙公孟傅尹臨安奏為浙西安撫使機宜文字不拜趙公制置慶元復奏為沿海制置司參議官公時已陞階朝奉郎亦不拜乙亥冬臨安奉表降謝太后詔諭東浙諸郡如命戒毋徒以百姓汙鋒鏑時入南軍道上虞餘姚焚掠以行聲言留軍慶元倫禦居無何王師將壓境公見趙制置言南軍以具海舟實無意留旦夕必入城縱焚當先攻甬東門宜戒火政分卒保東城以全居民未幾果縱火焚浮橋劫江游城有倫不得入舟出定海以行制置司改宣撫司復署為參議人心危疑旁郡邑相屯堡未散舊不快意於衣冠者爭上變入爵參議官陳允平素與王姓讎讎言新

從福州航海來見陳參議為書蘇都統約以九月乘颿下慶元當出兵以迎又言禮部尚書高檣孫而下三十餘人皆聯署勸進時張元帥督師將征南命招討使王世彊圍捕鞠實公儒服立庭庇見王辨陳參議與聯署書實亡有招討故為宋官寧知讎不為虛言王未應有戎服長髯者將登階見公亟下拜持抱曰此吾表侍郎詣王前曰傅海舊為建康壕寨官承宣使阮思聰與侍郎巡城議列木柵阮言城廣不可守且木柵無所從得傅海荅曰蔣山左右巨木可取撤近郊居民屋高下附益可立具使果欲守良無難阮故呂太尉姻戚怒將以軍律抗對殺海表侍郎悟旨急叱海入獄明日杖海而遣之今不知侍郎何故立庭下海願以身贖罪王大驚具賓禮以迎且告元帥帥引問之故公言安反側定新國當絕告許羅織翼曰元帥威軍容坐府有告者復言奉化昌國某大家以故王為名一從台州黃巖來一從海上來帥立

叱去之陳參議亦縣是得脫郡大疫具善藥以施死者給棺以殯後戒以為常行之踰二十年至元十五年從趙公朝京師觀世祖皇帝天語命班秩宜高從行者一等將授總管以子幼辭迺授朝列大夫同知邵武路總管府事以疾不赴至元二十年授温州路同知疾作復辭公幼從王先生鏞學問戒以躬行為持身本每授以言行編諸書公守而行之至是書陶靖節詩頌氏家訓為一編以寄意至元丙戌歲侍御史程公奉 詔徵士首寄聲起公公遜謝不敢當大德二年改授處州路同知命下而公已指館實是歲二月十有八日享年五十有四 先大夫性孝友事兄賓州如父器物田宅賓州所子者猶辭不敢受嚴州遺澤二悉讓兄子淡嗜好自建康歸即獨處清坐嘗曰綺殺聲色非潤身延年佳物諸君何慕焉喜賓客終歲無虛日客去復具饌以俟不喜言人過或甚不能自重者猶覆護言無是事急施與家無長物

嫁娶喪葬有不能舉者悉賑與之愛博而內明碩儒故官旁邑外郡俱館致教子弟嘗言吾文游宜廣汎愛親仁勿為臧否可也有客素依公調官京師願奉公文書以效勞久之客得官群議咎客公以書慰之君果有得猶我之得客出書示議者廼止善尺牘琴弈諸藝皆過人不自詫襍每言沽名激行為之良易然不可欺於心晚歲過郡土神祠脩侍行指謂曰吾言出諸口今得視神無愧自丙子來冠履雜糅抑負不自振嘗開釋防漸而扶植之或利害不便必正色廣論絕其萌蘖廼止歿之日鄉里無貴賤老穉皆驚惋不絕葬在鄞縣桃源鄉慈溪與之原元配史氏太師丞相忠定史越王浩之曾孫祖彌堅資政殿學士贈太傅謚忠宣考賓之朝議大夫直敷文閣荆湖轉運副使再娶楊氏世儒家五世入太學景定壬戌太學進士太平州判官之女以宋明堂恩俱贈安人男一摘史出女三長適丞相史莊肅公嵩之孫

佖伯前將仕郎次適工部尚書余天任孫昌期前通仕郎次適資政殿大學士史巖之孫益伯前承務郎孫男二瓘瑾孫女四長適同知餘姚州事趙益貫餘許嫁未行痛惟先大夫言履歷歷在人口耳蚤登臚仕將大有為迄不得展究尚義勇斷施止於州里而中年泊然退靜莫有知其意者不肖孤藐然嗣承懼歲月之久失於傳貽將益負不孝願託于立言大賢以求信于後世謹述歷官行事辱賜之銘而傳焉

先君子蚤承師友晚固艱貞習益之訓傳於過庭述師友淵源錄

王鑑濟南人侍御史伯庠曾孫繇次翁始居鄞敦厚寡言幼師之精理學多錄言行教人不喜矯飾壬戌進士

張即之叅政孝伯子孝祥從子善為頌語乾道淳熙事月日先後亡異史官李心傳嘗質之喜校書經史皆手定善本嚴州奉祠日相過從有絮疾語言清整待僮僕亦然書藏其名書法之壞自張始特加太

中大夫以壽終

趙汝楙善湘子為宰相婿甲退自備精易象有易叙叢書可傳官至戶部侍郎晚歲以理財進用失士譽

李伯玉鄱陽人為右司論事得罪後為禮部尚書薦以政事可作劇邑將入政府卒馬光祖發州人驛吏師改署佐其府性過急斷決無停滯一時新進效之鄉有馬元演時為仁和縣晨坐廳決事五百縣大治改官奏舉皆出馬公後為衢州坐殺饑民罷

劉震孫東平人忠肅公元孫文清公之子魏文靖公之壻為喬丞相行簡樞屬喬相與劉嘗言越公尹京政治晚歲為宗正少卿兼中書舍人知為諸孫署剡曰嘉定名臣某有孫敏材宜理瘠縣

胡太初天台人以清苦自檢治與處州季鏞同其父 越公門下士胡晚始自言事見劉克莊所為銘

劉徽永嘉人左史出治慶元于時奉祠山

中以居鄉清脩薦世稱六士

汪之林里人龍圖閣學士大猷族孫為諸王宮教授守汀州晚歲十年不通時相書逮識樓宣獻公言出處大致不可易居同里巷貧益甚卒

應文煒奉化縣人精史學年六十始入太學蚤游江淮吳毅甫作相兄淵守建康不去應作書諷之即謝事毅甫奇之招入相府不顧去史嵩之罷相猶子璟卿上書或言應為輔史相諷所屬掠治應益忿然卒得脫癸酉歲襄陽降應言世事已去 先子官金陵戒毋携妻孥凡所言得失悉中曹說侍講粹中曾孫父為山陽佐死難幼絕葷要精易象數論語詩春秋皆有解多折衷奮說歲一再至易說為里人所竊今不傳聞在松江儒家

王先生應麟兄弟中博學宏詞科為翰林學士禮部尚書咸淳詔冊辭命皆先生所作著書有春秋攷逸詩攷古易攷通鑑義例攷困學紀聞玉海一百卷文集一百卷

先子命桷受業門下十年

胡三省天台人寶祐進士賈相館之釋通鑑三十年兵難藁三失乙酉歲留袁氏塾日手抄定註己丑寇作以書藏窖中得免定註今在家

吳浚建昌人喜論兵為建康參議數凌侮郡將賈相督師舟泊龍灣客謁不得入吳大慟賈奇之後入為王宮教授累遷起居舍人嘗薦先子于陳丞相入南起義兵事不濟議降文丞相殺之

戴表元辛未進士善論策失仕歸里力從諸先生能古文為金陵教授時與之同官家貧衣食喪葬咸賙之後留塾中有榆林集五十卷

黃震慈溪縣人以清介聞賈相知之守撫州兼本路提點刑獄迄不能合坐論去性不喜鄉里獨作書以所為日抄一編寄贈陳蒙鄞縣人國子司業墳之子善筆札治獄多探奇嘗疑之後為淮西總領以浪用公帑罷貶建昌晚守温州夜別先子行

益詭誕子孫散亡不可攷

安劉汴人居鄞之小溪以詩義冠多士善清言三座祕丞郎官素為賈相客安以科目自持卒不得顯用

程鉅夫舊名文海郢州人今居建昌善鑒裁為侍御史時奉詔徵江南遺逸首薦先子以疾辭所薦士皆知名多至大官今為翰林學士承旨

謝昌元資州人淳祐甲辰別院第一守封州提舉廣東常平幼歲見劉文節公先祖能道蜀士大夫言行可傳錄言蜀中七事甚慘僑居于鄞入朝為禮部尚書

青陽夢炎西蜀人使李璿善機辯賈相愛之為荆湖提點刑獄仕元朝為吏部尚書多智

留夢炎三衢人事見國史晚為翰林承旨焚香擇吉日薦先子于御史中丞翰林脩撰汪漢卿與桷官翰林時言之

趙與熏黃巖人篤實無城府睦姻族與先子俱為史壻官京師歲一遣問官至

翰林學士卒

盛夫金華人邃經學多本項安世氏丞相
王煥薦為太學博士後通判慶元

梅應發廣德人與叔祖履道同補太學為
慶元教授習詞科卒不成官至太府卿喜

抄書先世書皆傳寫

舒岳祥台州寧海人七歲能作古文弱冠
謁吳子良吏部大奇之吳學于陳耆卿舍

人舍人學于葉適正則以師道自任好譏
侮晚歲詩益工官慶元時與之游後作書

俾梅往事之

劉莊孫學于舒能文詞深沉善精思家貧
無書傳五經能默與先儒合病廢卒

樓揀宣獻公族孫精曆法言宋司天氣朔
盈虛當改章法不可用未之信後授時曆

頌言始驗館于賓州伯父家四十年日布

筭疑多財者貧老卒

應發孫參知政事繼之子父為翰林學士
時能代父書命後秘其父書不出好博以

盡死

史蒙卿乙丑進士拙程文默誦五經其學
喜奇說禮部尚書王公多傳授之卒以奇
不合于王公

陳定孫參知政事卓之孫為軍器監丞家
居四十年歲奉祭祀必哭泣年八十餘廼

終

余尚賓官至太府寺丞賈相入朝不得調
孝友誠實鄉里交賢之

謝朝南劍人僧圓志瑞州人俱能古文尚
嚴簡氣鬱不自舒困死

周密湖州人與陳厚韓翼甫李義山咸淳
初為運司同僚俱有吏才約貴日以字稱

禁近俗名號陳能文端明存之弟韓安陽
裔孫善持守李豪邁名吏壽朋之孫皆蚤

卒周中丞私曾孫晚歲以鑒賞游諸公微
失雅道

葛慶龍南康人寓居四明僧舍精唐律詩
酒酣能飛筆為數百言然棄不復錄有什

一集極精警游越卒

先夫人行述

嗚呼桷始生之七日已不孝罹禍于先夫人音容永隔無所容罪每侍先大夫嘗語曰汝生之年歲大熱丙寅為火協于支干臨安居民繁湫坐地沃水猶喘息不得止茵席器案如執焦汝母體素弱一夕暴泄輒不可藥目光已離猶視汝在襁中復愀然曰桷來前念至是曷時可忘耶桷泣而記之又曰大父嚴州與汝外大父敷文公最相好伏臘治具悉相侶商榷品目議論好惡無一不膾合汝祖母王令人史太師甥孫故於敷文通姻好益密淳祐辛亥八月敷文病瘳下嚴州日問疾敷文力疾言吾有二兒二女皆未姻願以穉女屬公幼子吾特年七歲汝母年六歲是月嚴州治幣問名閱七日敷文捐館嚴州歲時往敷文家撫汝母候筭期以主我中饋又無祿嚴州即世景定辛酉歸于我史氏號大門伯父賓州嚴峻汝母屈意朝夕承候無替隋分至大祭盛服俟廟門陳器薦牲饌低首偃立終日不

少動性絜靜無華飾從母廣國夫人為昭化軍節度使謝公埜配貴家競侈異獨無纖粟模效每一詣親黨歸悉脫去鈿鬢嘗言教兒嬰孩必蚤加訓整庶無為父母羞余年少時習騎射必正色切劘或從廳屏偵問所與交有凡近者即掩被就睡明日徐曰先丞相家無此客先夫人少母張夫人所出張夫人生二女長適謝公先夫人既卒謝公曰迎張夫人張夫人不肯去泣曰吾一外孫曷忍去卒撫字見桷有室張夫人言外祖敷文方死時汝母坐床下泣不置勸之食不食終日坐殯次不離服除一詣庶母房至嫁日始再詣別之家人莫有識其顏面者桷既長舅氏軍器監丞柳州某言忠定越王淳熙中召赴德壽慶壽班孝宗曲宴問曰太傅幼子今何姻忠定謝不敢孝宗曰吾為太傅成之是時崇憲靖王伯圭女方笄即封新安郡主以嫁忠宣是生敷文敷文長外家出宰武康縣縣滿始歸里敷文言吾祖暨外祖皆真

太師汝曹當謹擇婚對今甥已克堪問學
 慎毋忘外家敷文嘗言而母幼靜簡當有
 成竟迄不享年幸子在猶能慰吾意夫人
 諱隸卿字景華以宋明堂恩追封安人謹
 按史氏譜有舉八行者諱詔贈太師冀國
 公為五世祖魯大父諱浩奮學相孝宗純
 誠厚德歷三公以太師保寧軍節度使魏
 國公致仕追封越王謚忠定妣貝氏封齊
 魏國夫人伯祖諱彌遠相寧宗理宗太師
 中書令祖考諱彌堅資政殿學士光祿大
 夫奉化郡開國公致仕贈太傅壯歲尹臨
 安帥湖南多異政中令為相歷年滋多太
 傅不復肯仕家居十餘年端平改元謚忠
 宣妣趙氏新安郡主封衛國夫人考諱賓
 之朝議大夫直敷文閣荆湖北路轉運副
 使少事丘文定公宣以政事稱六為郡太
 守贈通奉大夫妣王氏恭人丞相忠定魯
 公准之孫妣葉氏恭人俱贈碩人丙寅歲
 冬十一月葬于鄞縣通遠鄉建輿之原卒
 時年二十有一後三十有三年先慶州

不祿懼體魄之不寧遂別葬于桃源鄉慈
 溪輿之原先慶州諱洪朝列大夫同知
 慶州路總管府事曾祖諱昇贈太師衛
 國公祖諱韶同知樞密院事資政殿大
 學士銀青光祿大夫奉化郡公致仕贈太
 師越國公父諱似道朝議大夫知嚴州
 贈中大夫男一人梅女二人長適丞相莊
 肅史公嵩之孫侶伯前將仕郎次適工部
 尚書余天任孫呂期前通仕郎先大夫
 晚得女一人適資政殿大學士史巖之孫
 益伯前承務郎孫男二瓘瑾孫女四長適
 同知餘姚州事趙孟貫餘許嫁未行私念
 梅孤苦不自振擢揆厥有生與先夫人
 違棄之日俱積今宰木已抱過庭之訓懼
 無以貽子孫敢求偉於文詞叙而銘之庶
 得以永考而有傳焉

七妻鄭氏事狀

亡妻諱某姓鄭氏鄭為明州令族世家于
 鄞始自元祐舉進士至宣和時其孫入辟
 雍有諱某者當孝宗特為郎曹守平江寢

著至太師尚書令忠定魏郡王諱清之以
舊學相理宗官簿蓋盛故君之七世祖至
高祖皆贈太師魯國公魯公長子某國學
進士贈中大夫妣邊氏封太碩人魯公配
戚夫人素嚴忠定之生夫人將不舉邊氏
亟詣姑取保乳之長歸于其姑後碩人生
子諱某與忠定同登嘉定丁丑進士第邊
碩人卒忠定爲之服衰以報其子亦官至
中大夫秘書監寶謨閣待制以終於君爲
祖贈正奉大夫妣汪氏封太碩人待制生
子諱某朝請大夫直祕閣主管建昌軍僊
都觀於君爲考妣汪氏封宜人淳祐中忠
定以師臣再相年益高祕閣入閣承侍禪
贊可否務總約體要纖秒不以類于時賈
相帥京湖數張皇軍旅邀國用朝廷抑不
下賈相恨議繇公出辛亥歲丞相薨庚申
賈入相由是積二十有三年不復出仕
先處州繇太社令奉祠里居祕閣公多能
言臺閣舊事數往還是時祕閣新喪子無
他嗣庚午歲迺得君客至嘗抱立左右錦

襦珠鬘注目不聽去 處州戲曰他日願
以爲子婦祕閣愀然若有屬癸酉歲 處
州通判建康府將之官宜人與祕閣餞飲
于中堂共指梢曰誠宜爲吾婿是歲祕閣
與宜人俱捐館居第在城東門外乙亥兵
難作 先處州以其遺言謀于其宗長始
歸于我于時袁宗猶完盛先廟祭祀娣姒
林立能卑順盡禮朔望承問無缺怠事梢
外祖母張夫人甘柔涼燠調適以宜張夫
人嚴整語相家內儀和珎組絲皆精巧有
度君能耳受日悟而敬成之張夫人病革
視藥膳連月不入寢處嘗曰新婦不獲事
先姑得事夫人斯可矣性靜厚寡言笑遇
事不輒發而是否瞭然不能易故處親黨
無間言 處州幼撫如己女君偵顏色承
事幾二十年絕纖粟忤意己丑城中災遣
物散燬 先處州以它事往吳杭間意忽
忽不樂間治觴具能使如平歲時祕閣所
後子不自振君深憂之竊從招提命所子
歲時以祀其先大德戊戌歲正月君產女

病榮弱摘主史甥姻于抗二月十日丁卯
 丞歸視之則已不及矣大禍仍構又八日
 而我 先處州亦指館舍寤念昔少時私
 欲奮勵學問以自振植 先處州愛之延
 悉總攬酬酢俾不以亂其心不幸志昏能
 薄一無所成立四女二男皆君兩出紉箴
 訓飭復能相其夫使有所不知及今一十
 有七年從宦 京師藐然孤身若忘其家
 缺內佐之助靡密綜錯日益加多而學益
 以落文誠不能以表君之志敢求於故家
 之友人精於言詞者誌而銘之君葬在郵
 縣桃源鄉潘輿之原男瓊次瑾女一嫁餘
 姚州同知趙孟貫餘許嫁未行梅今為翰
 林待制是為 先樞密太師越公諱韶之
 第四曾孫 先嚴州中大夫諱似道之嫡
 孫 先處州朝列諱泚之孤子也

外祖母張氏墓記

外祖母張氏諱致和湖州德清人嘉定六
 年七月生父某事趙崇憲靖王父子再世
 部樂伎年七歲通音律梅曾外祖母新安

郡主歸崇王家見而愛之載以歸俾事外
 祖數文轉運史公稍長為侍姬戶室靡密
 總覈合繩墨外祖性嚴急挈長履短使不
 有忤意囊篋甲乙隨旨諭立陳于前如是
 踰三十年生二女長和政郡夫人嫁太尉
 昭化軍節度使謝堃次即 先妣會稽郡
 夫人歸于我 先考諱泚朝列大夫處州
 路同知總管府事二女皆嫁宰輔家于時
 謝以后族貴顯 先處州官臨安常卑讓
 疏之外祖母雖久居相門見謝壻侈靡踰
 限制心不樂而多留 處州以靜恬自怡
 咸淳二年丙寅夏六月會稽夫人實生梅
 甫七日洞下遽卒又未幾 先處州病大
 熱垂死咸言不利於母將及父謝公願取
 己育之 處州在病搖手不許外祖母排
 斥詬詈戶之遂日訓飭調適且祝曰兎宜
 為史氏外翁自重八年謝公死泣曰吾固
 審若是吾盡力撫養氏外孫他何之訖見
 梅娶婦生女至元二十四年二月
 日卒年七十有五葬于 先夫人墓左五

十武幼通書筭善心計處州事有未及始
諷之終以舊事敷文者言之晚歲病瞽纏
纏言外家事曰汝外曾祖太傅忠宣公居
東湖滄洲十有四年不復仕作書諫兄忠
獻辭相位不輟歲賜生日器幣辭一再始
受後數年不復受鄭忠定丞相忠宣公塾
師也敷文受學焉其舊第前爲舊學壽皇
書後爲授經鄭相書皆有深旨又曰音樂
慎勿蓄今世公卿女樂皆俚野不足聽惟
太傅壻趙崇王悉祖樂髓景祐譜調八十
四穿心相通嘗曰譜與易合吾不知易何
圖可合汝識之又曰丁抗掣曳大住小住
爲喉舌網領法曲散序忠宣刪正之曲有
均猶韻也纍纍貫珠韻不絕也聲有盡拍
以度非句斷也于時周待制邦彥孫璫於
太傅爲中外表太師越忠定王嘗命譜清
真詞手筆具在今付汝雖不解慎勿墜也
舊以恩賜紅霞帔再封孺人記曰庶母不
祀於孫而復曰祔于庶祖姑古不墓祭昔
之大賢嘗慊然矣今夫禮緣於情而義以

制者懼後之昵於私者之過也先王營丘
龍之大小無貴賤慎其始不幸有沮如崩
齧之患焉其修之也必有道是則於吾外
祖母非有過者矣以孤兒傳 處州考其
所自曰外祖母保鞠之恩重鞠二子璫璫
將疎然以加厚外祖母有田若干足以治
墳壟奉春秋刻于碑陰懼璫璫之子若孫
滅其情義必曰禮有所不載遂具昔之訓
撫行事立石于墓俾勿墜某年某月某日
外孫具官表楠謹誌

清容居士集卷第三十三

清容居士集卷第三十四

傳

徐師顏傳

徐君諱師顏字子愚遠祖天聖間縣太未徙新定故所居里以氏得名曰徐閑君始生時蓮出並蒂父母器之稍長讀經史心徹意領年十七授室君白大人當令兒從師外方廼游三衢習進士業入宋太學程試甲乙表流輩性倜儻急難歲饑日具釜鷺滿庭廡值父喪慨曰世俗飯僧為冥福吾當活餓者以報親是歲就食者幾萬人太守楊潮南書以勵旁邑至元十四年詔用兵入南俘虜日繫馬尾疲弱棄道上春大疫饑民旁午君出粟募民舁骼坎瘞可醫食者親撫視以活遇一女子扶曳蒼然氣微屬問之曰吾三衢儒家女命載以歸稍長俾為士人妻客方達可館于君死已飭歛具其子辭不能行即指某地葬焉復嫁其孤女事繼母至孝一日妻治紉澣出微語君聞之自責不居內者幾月母言

亡是叱妻具簪服拜堂下始復初外氏族黨嘗質田歲久君束券母前願奉田以償其承順率類此始為信州教授首言于郡復儒役七百人署所居曰道悅以奉母會母思歸即解去湖南缺提舉官集賢章舉之辭曰母在不宜遠游受湖州廼歸秩滿視資當入縣佐君言昔為太學諸生中繩墨始得郡博士博士古官何縣佐為復授太平路教授所至必先新學宮嚴籩廩安定胡先生墓浮屠氏將夷祀之君力復而致祀焉在太平時治丁蘭王祥諸祠墓於仁孝殆天性待諸生穆如也晚得未疾卒時年七十有四曾祖某祖某子男九人觀先卒頤為族弟仲龍後昆華為長興州教授節慶州路教授益晉萃復未仕女二方丙子時游騎入人居大索二女爭死之孫男二十人女三曾孫男女三人所著有上饒集吳興集姑熟集北游錄凡十卷大理卿陵陽牟公序其詩曰事親若徐積詩亦侶之其子萃留京師將歸泣言于袁桷

曰先人力詩書宦不充其德遺行又泯過弗表見華等何以自樹將乞銘于翰林學士廣平程公以表墓子爲之傳藏于家其可乎迺弗敢辭

贊曰周官以鄉三物教萬民任恤之道戰國而降挾持以干真幾於靡矣若徐君者不翁翁以近名禮以爲防恬然孝謹彌老益安子孫滿門歿猶有稱旨哉

蕭御史家傳

公諱泰登字則平姓蕭氏遠祖縣唐末遷長沙占籍廬陵太和縣代有吉士曾祖諱逢辰官至中大夫當開慶間以安撫使副守鄉郡兵至卒急群議撤近郊民居爲清野大夫持議不下城守兵去里人德之晚歲築宅一區立田八百畝聚其族以教厚德衍裕生德安府觀察支使諱安中稱其先猷蚤歲以亡德安生中順大夫瓊州安撫副使諱元永玉雪矜謹個儻自榮是生則平方幼時頭角嶄異九歲入鄉校治論語義屬筆精警稍長忽自悟儒以道得名

事物險易當品節中理齷齪翦無益也弱冠試吏調永豐丞永豐多盜區跡巢穴僂之丞以治稱入京師授湖南儒學副提舉振直士氣使治靡密者不敢撓部使者徐琰奇之言可爲御史府屬會徐爲中丞亟力言遂僉廣東道提刑按察司事廣東介絕嶺海幽篁深水蠻獠縱恣郡吏私表裏聲言獠不可治白日剽劫子女財物公贈遺良吏清謹者皆避讓郡縣多版授官姦宄馴積莫問使者循行擇善地坐歲月即去至則躬歷所部劾治與獠相根蒂及積貪濫者八十七人皆罷之減始興貢銀之半疏其可宜行于臺者凡二十便事廣東民繇是知朝廷有犯賊律焉初至廣時謹言獠寇入境亦欲以是嘗試一坐大驚徐曰督盜守令職署舍在是卒有警我輩何自即上馬出境軍將爭率兵以進獠迺退是歲至元二十八年

天子下議群臣言按察官廢爛不任職更名曰肅政廉訪司遂以舊職解後新使者

及御史咸言蕭按察治事纒二百日所論按皆引直當法不冝以舊官同罷贖甫上御史大夫書贖曰須選用元貞改元

成宗即位罷兵安南釋陪臣陶子奇歸命李衍爲禮部侍郎奉 詔往使之遂拜兵

部郎中介其事明年二月入安南世子遣僞署官曰太尉迎 詔空首不至地因問

何得爾僞太尉曰國世子未至不敢先以黃蓋二皂衣數十人清路入館世子髡首

跣足率從吏百餘人至館門前問 聖天子起居却立曰 主上新即大位二

使者辱入犇境道里勞遠秋毫無所取誠切感抃敢昧死願聞 明詔大意侍郎目

郎中郎中前曰昔迺先王先諸蠻款附朝廷錄奮功將錫宥于汝小邦汝曷敢不

祇畏畏克敬迺不墜厥命或少縱自恣天憲速罰弗敢迺宜肅恭盡事世子錯愕唯

唯越三日脩伏奉綵輿率朝服數十人導詔從樽道中行入其宮世子後從二使者

授 詔世子拜伏讀 詔興稽顙曰小臣

不自意獲寬大如是復命再拜遂定慰賀皇帝 皇太后 皇后表牋貢物儀注成禮迺還道繇思明時思明帥言石西州祿州皆 本朝地爲安南所侵幾二百里彼詭言山溪蠻阮盪出沒不相統虛文歲往來無益至永平寨寨故宋戍兵遮道言實安南部領侵攬不得耕耨回首語陶子奇山溪蠻誠所屬吳牒令不可止今已目覩當語而世子子奇不能對至是復命歸地蠻吏上下顧咨遂言吾非以侵疆來石西地不足輕重設奉辭致討汝何以自洗各屏息一口盡歸侵地故右丞相太傅公時治湖廣省聞復地亟喜之爲設宴以勞凡安南所贈遺悉返之明年遷連州又明年改爲江西儒學提舉儒者用廢已久新舊持短長科舉律令交排鄙不中節至則擇知名士禮致之導誘後生斟酌可能行者爲繩準省撤慮囚有巡官及富民殺人誘傭奴以財俾自誣伏獄屢閱無異詞徐跡廐所及所持刃亡有獨引囚曰若是汝當

死咸歎實得出會 詔使按問諸道守令治狀使回丞相問官吏孰廉使以儒學官蕭泰登對四年僉嶺南廣西道廉訪司事海南都元帥薛闡干聲談震海上多所爲姦利不法立具章劾有 詔雜治抵罪覈殺無罪七人焚掠村堡二十四奪私沒奴婢六百七十五雜畜三千六百五十五過柳州出妖民誣註者百三十七凡黜吏二百一十罷攝吏四十一六年進奉直大夫江南行臺監察御史分守江浙行省會歲大饑吳流民扶曳滿道已定議出官粟守法吏言非 朝旨不得擅語曰民命在旦夕後有詰責已捐貲以償何害爲行省吏牘積糝叢雜首尾銜絡搔手莫敢問時已得疾呼椽吏詰難視罪輕重悉坐之又別爲副書筆其事使後母有出入群吏大驚是歲八月疾漸革趣治棺斂手書屬其子語侍疾者勿宜受贈賻遂登舟不復言卒時年三十有八歸葬于其鄉螺岡門外配楊氏繼彭氏子男三文孫憲孫昇孫女三

大夫天性明爽閱具獄率不爲吏蔽探情傳意多所出活非曲假恩貸以自異重然諾容采精綯達官大人皆傾耳與論事或言太剛必折徐正色曰今世士無有剛果折何憂也長子文孫靜專自備留 京師授翰林學士程公銘俾爲家傳念與公同年生相後纔一月蕭薄不自振然職在太史筆削傳信惟謹迺弗辯贊曰大江以南號多公卿比數十年闕焉無聞者何邪官御史府斬靳五六人或以激毀或以悞讖獨蕭公精謹自持正靜益明物莫能逃守儒知通据法不阿使叅錯天下三年可成也年不衍用名益以昌何恨焉

史母程氏傳

嗚呼余嘗得三卯錄讀之蜀禍之慘誠忍言也夫朱襖孫之死而復生也蜀民就死率五十人爲一聚以刀悉刺之迺積其屍至暮疑不死復刺之襖孫屍積于下暮刺者偶不及屍血淋漓入襖孫口夜半始蘇

匍匐入林薄匿它所後出蜀爲樞密使嘗袒視人未嘗不泣下賀靖權成都錄城中骸骨一百四十萬城外者不計嗚呼推是考蓋可悲也蜀眉州史氏由唐吏部侍郎儼從僖宗幸蜀因家焉其先墓在青神將二十世宋世號名族其出蜀也今唯居湖州一房讀其遺事益悲之史母程夫人蘇文忠公之母之族也夫人將携其家下峽江以橐金腰纏之兵暴至伏林莽與鄰姬謀曰輸金果可生吾兒無資不復能出蜀史宗誠無焦類矣縱得生旦夕兵復至亦決死均死死以全史兒誠不恨姬見身死爲吾出腰中金告兒使速走湏史兵果執母謝以實亡金遂遇害翼曰姬語于鄰告史氏兒兒年甫十三從草野得尸如其言寔以歸且亟圖其象識曰史光母年五十有四嘉熙二年十月二十有七日申時死兵難兒遂東南來占籍湖州刻意自奮以右科爲浙東兵馬鈐轄鈐轄生子圭文嘉定儒學教授嘉定生子台孫某台孫儒術

通吏文復有子幾人而史氏絲嘉熙至于今且四傳矣噫蜀繇秦帝入中夏至于宋凡一千五百餘年文物大盛絕不知有兵革一旦掃削殆盡迄今百餘年遺墟敗棘郡縣降廢幾半可哀也已可哀也已

贊曰婦人內德不出門房中歌廢戰國而下俱不幸以著非得已也諱莫甚於死從容反復烈士猶難之况士女乎歐陽公傳斷臂婦人以愧馮道夫人以死傳宗承平世澤於是乎見作史者烏得廢諸延祐七年十月壬子前史官會稽袁桷撰

孫孝子傳

表厥宅里音於唐虞若是則失其本心者見於上古歟司馬遷傳貨殖滑稽或者譏其有激五典爲治之本捨正而求異於世道何補焉晉唐作史始立孝友勸勵後世靡然嚮風深有取焉孫孝子楫字濟川世爲保定雄州新城人幼個儻讀書通大義其喪父也遵禮而不瀆後調宣德尹慨然曰吾惟母存何仕爲不踰月謝去事母以

韓威敏公家傳

公諱政字君用姓韓氏高祖諱天麟知金臨潢府有惠政民祠奉之卒葬城南因家焉曾祖諱垂高州節度妣李氏祖文卿知耀州妣孫氏貞祐避兵南遷臨淄今為益都人父松之膂力善戰四駙馬募兵南征與之俱至下邳主將奇其勇俾率益都兵戍山陽戊子歲攻宋揚州歿于陣公特年五歲妣劉氏挈以家山陽明年益都為皇元所破淮南城守爭遁去劉氏走奔莒居燧火山劉母家沂州其舅業醫命習之盡得其術復遇一醫繇是益精稍長猶隱醫以自活山東連歲大擾入于汴復歸臨朐又復還青社時甫弱冠見叔父順始得拜淄州諸瑩廼復從軍取海州掠東海破漣水皆在功簿塔察大王鎮遼東召以公從至于龍庭與議事不合卒以其嘗所計畫者告于

世祖皇帝遂悉以邊陲大事委之至元十三年討西羌相威國王領兵即授嘉議大

上壽終而歸于田野者凡十七年兄蚤喪奉嫂彌謹卒為兄子授室姊贅李氏于家三十年將異居營近市高燥以奉姊姊大慰喜錄其孤有成性重然諾不自表襮有故人喪至日將葬適以故不及送抵暮促騎以往夜已分一家大驚其待友也有挂劍之義焉其居鄉隱約自持鄉多宦家絕不通問鄉人咸曰此孫孝子居也卒上其行于 朝表其門閭始為燕南府史錄事襄陽繼授宣德繇宣德名始著調興和路經歷改河東憲府屬又調濟南卒拜監察御史今為浙東道廉訪僉事其行事不阿多可紀余獨著其孝行於父母兄弟朋友兼盡故特書太原郭幹卿嘗曰孫濟川少歲能以其妻奩物償父兄逋一難能兄無子買妾以奉二難能郭靳許可今考其行信然前史官袁桷曰曩在史院時嘗纂次世祖以來功臣列傳考實錄所著旌表令尤諄切至作隱逸孝行訖未有章灼篤實可以詔後世若孫孝子允其人哉

夫漢軍元帥監軍事佩金帟符軍中大驍
曰監軍非國姓不得領

裕宗在東宮心亦疑會入辟命以鎮庫弓
挽之殼而復引者三始曰

大帝善任使若是賜金錦衣一以行西入
大磧斬馘凱聞還軍至臨潢得拜祖墓其

碑記猶在十五年立五衛首授前衛親軍
副都元帥指揮使復兼領左右衛屯田軍

馬紀律整遏卒莫敢譁 奏以屯田各歸
于衛而治其無良者則諸衛各有統屬

上從之秋繕修大明殿以治具稱十九年
加正議大夫充樞密院判官二十年進治

書侍御史二十三年改准東道按察使善
決事有拾遺者告于其所失輒誣以金公

遣拾遺者而叱去之商人暴死于旅邸疑
邸人殺之驗其嗜炙有毒邸人得釋其餘

行事往往與傳記相合常出能吏上薦士
十三人率致位通顯在御史府定議盧右

丞牟利罪卒流徙之二十六年卒于官年
六十有六葬于其鄉贈嘉議大夫 部尚

書上軀車都尉南陽郡侯謚威敏娶孫氏
袁氏石氏殷氏男八拱承務郎廣州路增
城縣尹次振搏奉政大夫慶元路昌國知
州極御藥院副使次檇皆蚤卒次揆扶持
女十人孫男若干人搏之治昌國也興儒
學建三皇祠嘗紀其美績且命作家傳讀
其隧碑嚴慶趾嫩有自來矣

贊曰貞祐兵興中原士人無噍類獨臨潢
以遺愛祠葬茲土三世牧守至於曾孫死
事有光威敏是承北省臨潢南保臨淄難
矣哉政合古先不茹不吐子孫繩繩宜哉

有元開府儀同三司上卿輔成贊
化保運玄教大宗師張公家傳

公諱留孫字師漢系出清河東武城張氏
留侯良之裔孫歆爲司徒歆弟協爲衛尉
生魏太山太守岱自河內徙清河七代孫
彛徙魏州昌樂爲後魏侍中謚孝侯子始
均復謚孝侯孝侯生晏之比齊兗州刺史
生虔雄爲隋陽城令是生文瓘相唐高宗
子潛揚州刺史揚州生齊爲杭州刺史始

居江南至公十五世今爲信州貴溪縣人
曾祖宏綱集賢大學士光祿大夫柱國魏
國公謚安惠祖粹夫金紫光祿大夫大司
徒上柱國魏國公謚康穆皆以公貴贈父
九德太中大夫同知江東道宣慰使司事
累贈開府儀同三司大司徒上柱國魏國
公謚文簡公兄聞詩學道龍虎山見而慕
之遂服道士服以漢天師所傳授游江淮
間儀觀頗整見者尊異咸願受其說有相
者曰當貴極人臣而清奇絕俗視陶弘景
葉法靜殆將過之

世祖皇帝平江南召嗣天師宗演選公從
行北方地高寒皆不樂居中遂委任其事
門室清泊處之晏如也

世祖祠惺殿

裕宗入侍風雨卒至召見于

上見其貌異常士而奏對簡異益器之
風雨隨止遂賜廩給裘服俾歲從北巡

上與

昭睿順聖皇后駐日月山

后疾甚召至命愈其疾若有神人獻夢于
后遂愈

上大喜命爲上卿鑄寶劍鏤其文曰

大元賜張上卿敕兩都各建崇真宮朝夕

從駕日吳命衛士提輿以歸內侍強登輿

謝不受即步出禁門十五年加玄教宗師

授道教都提點管領江北淮東淮西荆襄

道教事佩銀印明年奏復宮觀令自別爲

籍有獻言者道箴經多般雜宜焚去不錄

遂密啓

裕宗黃老書漢帝遵守清淨嘗以治天下

非臣敢私言願 殿下敷奏後

上大悟召翰林集賢議定上章祠祭等儀

注訖行于世十七年奉 詔祠名山山川給

驛馬五十令訪遺逸以進 敕輔臣設宴

崇真宮復餞于國南門外回朝以所見聞

刺于 上上悉用之十八年七月

皇曾孫生是爲

武宗 上命擇嘉名以進是歲今翰林集

賢院爲兩道教專掌集賢始自公議二十

二年

仁宗生復召命名今

二帝廟諱雖用國語皆以公名義釋之二

十五年預議集賢院賜七寶冠金錦衣玉

珮珠履二十八年丞相桑哥敗 上欲相

完澤穆卜之得同人之豫公曰同人柔得

位而應乎乾豫利建侯同人為得位豫為

建侯彖傳之辭也 陛下所擬為無疑

未幾拜完澤公為相後卒受遺輔政二十

九年開通惠河 上問果便利對曰漕為

國本孰敢議非是誠減民力取實效民必

趨之繇是河役卒不為民病三十一年

上不豫遣內侍諭

隆福太后曰張上卿朕舊臣必能善事

太子太子繇軍中歸即

帝位是為

成宗皇帝

成宗慕道家說藏祀彌盛在宥十年歲輒

祠上帝侈甚秘祝 御名皆 上所自署

後有白鶴翔雲中命詞臣叙紀付史館元

貞元年同知集賢院道教事大德三年加

大宗師別給銀印視二品 上御便殿命

講南華經七年上京旱兩京山西地震復

命祠祝謝曰祠祝實臣職祭不欲數地道

主靜厥罰惟賜見於五行傳災繇人興願

應天以實布德賑惠臣敢稽首以請

上深領之八年 上御玉德殿賜玉冠

為壽十年 制授上卿十一年

興聖皇太后自懷孟還宮

武宗即位加大真人知集賢院事至大二

年領集賢院位大學士上是歲再加特進

時

仁宗在東宮進講老子自是入侍必賜坐

皇慶元年錫弭輔成贊化二年命將作臣

製玉刺文曰玄教大宗師手授曰以是傳

教俾永遠延祐二年群臣侍嘉禧殿

上曰先朝備陟降持保無瑕缺者孰在咸

未有對 上語曰張上卿其人乎衆唯

唯遂 制授開府儀同三司弭加保運四

年以七十特敕設于其宮伎部畢列宰輔

以下咸奉壽復命圖像鎮崇真宮賜璽文
曰
皇帝之寶命翰林學士承旨趙孟頫爲贊
兩宮傳賜翌日入謝俛奏曰臣際遇
累朝惕惕顧念罔有替今年且衰耄不去
辱 聖世願歸老鄉里即死且不朽
上不允七年

英宗皇帝即位遵 累聖優褒禮再降

璽書至治元年益求去十二月壬子酌酒
會弟子少頃入寢室脩靜端坐以化歛之
日顏色完好舉體如蛻羽兩宮震悼賻贈
有加宰輔至于士類咸曰福人逝矣傾城
耄稚則曰善人亡矣皆弔哭盡哀及啓柩
木冰載路觀者嗟愕始從日月山

世祖即命公爲天師却立以謝曰嗣天師
漢張陵之裔今居龍虎山願正其傳繇自
三十六代嗣師宗演至于今凡四傳皆公
所匡翊美鬚長大癯然冲退不擇貴賤傾
下承接奏告廣殿音聲激鏞鐘聞者凜竦
賚錫無虛歲未嘗奉已屢錫田園以食其

徒當至元末歲

成宗新嗣位特宰不快於御史臺

成宗是其言讓責中丞崔公或崔懼問策
安在曰當見丞相釋所以遂與俱詣相府
相怒齋又與同謁近臣言御史臺

世祖皇帝建立專以懲姦恤勢尊則綱紀
明削之則臺不能立矣近臣大驚入言于
上明日大宴大明殿諭崔曰臺爲朕耳目
朕曷不知憂卿等不職故告諭宜勿懼其
盡心焉朕行爲汝增重矣崔頓首拜手謝
其彌縫國體婉順若是至於排解薦助人
不知所自亦不肯自以爲功絕口不言朝
政貴客至爭短長酒盡三爵即假寐客去
禮復初暨喪還州郡縣接祭以俟今葬某
縣某鄉祖師八人皆贈真人事在傳宗碑
今嗣玄教爲吳全節授特進上卿玄教宗
師崇文弘道玄德真人以真人佩銀印者
三人夏文泳江淮荆襄等處道教都提點
曰毛穎達掌道教事曰王壽衍領杭州開
元宮以真人 制書命者三曰余以誠領

鎮江路諸宮觀曰孫益謙領杭州佑聖觀
延祥觀曰陳日新承 詔興聖宮以 璽

書命者九曰何恩榮提點信州真慶宮曰
李爽芳提點南嶽廟兼衡山昭聖宮壽寧

宮曰張嗣房提點潭州嶽麓宮曰薛廷鳳
舒致祥張德隆薛玄義徐天麟丁應松皆

奉兩宮崇真祠事其它弟子三十有八曰
上官典齡何斯可彭齊年薛起東李世昌

陳彥倫詹處敬于有興王景平蔡仲指彭
克臣張汝翼馮瑞京祝永慶蔡允中張善

式董輿常王國賓曹載靜余克剛丁迪吉
張居遜董宇定王用亨張顯良徐守勤彭

一寧劉若冲彭師尹張逢吉趙有立程某
施某葉某董某倪某上官某李某公兄子

榮祖弟子熙祖亦以公故入宿衛榮祖為
邵武路同知熙祖為衢州路同知泰定二

年
今上召全節曰玄教汝祖闡立其為朕祈

永遂大祠于長春復追贈某官前史官贊
曰

世祖皇帝闔一海宇蒐遺逸選藝能靡然
踵來江南持政柄者不一二人卒不能善

終何哉在 御三十四年命相幾二十餘
人或解罷或斥逐獨張公無少疵病目覩

成敗至于 五朝難矣哉蓋其行無迹曲
焉以全得老氏之旨五福斯備前古鮮著

詩云昭明有融高朗令終張公其近之
拜住元帥出使事實

至元二十九年今浙東元帥拜住公奉
世祖旨以行軍招安使從征爪哇于時高

王二將為蠻兵所圍公深入拔圍出之元
貞二年奉

成宗旨使西域哈贊王愛其才以尚衣職
行軍有戰功賞金符金帶因令其入見于

成宗復賜虎符皇慶二年
仁宗以金印賜丞相孛羅且俾往哈兒班

答王所議事至中途遇也先不花王疑有
間謀執以問答曰今 上所遣不過通

歲時問禮曷有他意王左右曰使者往來
皆言有啓邊生事形迹汝此行宜得要領

可實言否則榜掠汝亦必言遂命跪大雪以問且搜其衣中無所有公曰王所問實不知且王從何所得是議王曰阿必失哈至是嘗言之且曰哈兒班答王 上近支也吾等族屬存與留不可知後使者至必有處分今汝往彼必生事速吐情以告我曰王擁兵遮道使者急求去多詭辭以脫阿必失哈曷可信左右曰彼統軍九萬寧肯不自愛惜詐言以求脫遂縛公兩手納諸股擊之廼曰有 璽書具在使臣往來有後先拜住萬死實不知取 璽書視之始曰彼果無罪遂奪其帟符及丞相金印拘囚王所延祐元年王興兵內寇復遣使召公至獵所曰我已入汝境上矣公曰兄弟之國無內外彼地亦王地王往何所疑王曰親踈既分釁隙已飛勢不得不爾公徐言在昔

太祖皇帝西征有訓若曰人不可以信讒讒入則宗親乖離宗親既離則百姓他適將貽笑於敵國拜住嘗聞在

成宗時先王有盟興滅國開關塞以安百姓今言猶未泯絕使者掉舌生異同令王致疑拜住等良不稱職敢叩頭死罪以請王解顏曰吾欲遣汝詣 上通好何如公謝不能時有不內附者梗於路遂罷行復以公往昔拘所未幾王薨延祐七年弟怯別王立王召曰在昔先王嘗遣汝詣 上前後不果汝今宜以素所具 奏者以聞是年秋入朝 上曰

太祖造邦孔艱惟和好惇叙則宗支允寧汝其以元帥職名乘驛諭朕意王既受上旨拊膺謝曰疆宇寧敕自此始汝來何遲也對曰使副有疾在道故不得速進王曰來旨極善使他人來吾亦不若是深信大較使臣多擅增減致啓邊禍公曰拜住來途中聆聽人言且云復將有兵變拜住實不信懼王惑其言而行人之言不得信于 上是為虛行王宜孰察善計慮拜住不敢他引古事為比維昔

定宗皇帝征把禿王有滅國真諱禪使者

諫罷征嘗喻

太祖得國之本明配日月量侔江海合天地之大德故能混一海宇滅國真薛禪死已久拜住不才願踵其策以獻後王從公言奏于 上訖如約以平王遂遣使收兵四境而少尼其行且曰邏者猝遇將害汝遂設宴三日給符信護行俾歸于 朝至治元年三月抵上京入見于 上而王亦遣使 奏拜住兩為行人不愛其身隆爵厚職所不吝然除拜非吾所預為語 朝廷大臣善奏於 上使得享至樂建牙纛為諸侯表得矣是年冬丞相拜住入 奏嘉禧殿具以功簿言廼拜中奉大夫浙東道宣慰使都元帥官既滿類集行事俾摘為奉使事實云前史官袁楠曰

太祖皇帝經畫區夏以磐石宗犬牙於龍興絕域之地四履奠安盛矣夫疆域既廣詔旨上意傳諭失實則時致疑爭拜住公間關險阻百摺不撓義正切倍以數百語解百萬之師非精白一心曷底于是計勲

上多卒稱其職俾後之為人臣者益有勸焉

清容居士集卷三十四

清容居士集卷第三十五

內制

昭憲元聖皇后謚冊文

德合乾元母儀正而宸極立道參泰治王化基而國本寧靖思保佑之功宜慎欽崇之典有嚴祔禮爰重尊名欽惟

太皇太后陛下淵靜體仁齊莊秉度憂勤潛邸清謚治朝內教洽乎宮庭懿範著于海寓寔生二聖光于前聞用貽冲人纂茲丕緒方將樂怡愉以承至養率恭儉以挹太和痛鑿輿之莫旋儼珠衣之如在謹遣某官奉玉冊玉寶上尊謚曰

昭憲元聖皇后伏惟靈承顯冊陟配宗祧錫羨家邦永迨祚胤

英宗皇帝謚冊文

瑤圖續緒神已御於鼎湖玉冊揚休禮宜陞於太室悼降年之永儼立政以如新爰述徽猷以傳信史欽惟

皇帝陛下文明天縱剛健日嚴辨奸邪於嗣位之初彤廷祗畏廣儀注於治朝之際

清廟肅雝絕封敕以杜儉人申憲章以勵多士罰茲無赦今必惟行君臨三載而有成知周萬物而莫隱豈運逢艱否大命靡終然號謚追崇尊名是著謹遣某官奉玉冊玉寶上尊謚曰

睿聖文孝皇帝廟號

英宗伏惟炳靈有赫歆格無違祔于新宮以妥以宜

皇后冊文

皇帝若曰在昔正始之道必先內治于以奉承宗祧化成天下朕嗣大歷服祗循憲章宜資配助用彰位號咨爾

皇后淑慎柔嘉遵道是行輔佐王邸謙抑自持寔生元子國本斯建典龍舊鎮介子紹封粵若臨御之初贊畫計慮厥相維多正位中宮天神協祥今遣某官授爾玉冊寶章坤順承天人道攸則表正母儀萬方是觀惟躬儉節用則徽音是嗣惟求賢審官則私謁靡干匡朕德格朕心實為有賴詩書所稱罔專美于前代噫敬厥初終有

慶尚其念哉以膺爾景命

特命右丞相詔

帝王之職在論一相予以表正百司綱領庶績朕纂承丕緒勵精求治然而澤有所未洽政有所未舉豈委任之道有遺缺與今特命中書左丞相拜住為開府儀同三司上柱國錄軍國重事中書右丞相監脩國史一新機務使邪正異途海寓又康以復中統至元之治所有便民條畫具列于后云云於戲朝廷既正著端本澄源之功風俗斯醇廣摩義漸仁之化咨爾有衆體予至懷

戒飭曲阜廟學詔

郡縣廟學崇奉之制所從來尚矣乃者大臣言曲阜廟學創建聿新將嚴飭以風厲四方朕甚慕之惟夫子之道行于天下崇教立化實始於魯可不知其所自與有司其益加明絮屏遊觀嚴汛掃以稱創立之美敬而勿褻神明之道也苟完以教夫子之訓也其盡心焉毋怠

閭阜山萬壽崇真宮加大崇真萬壽宮詔

朕慨慕希夷式瞻殊勝蜿蜒磅礴之所茲神必靈虛靜恬恬之徒其用彌廣瞻彼僊翁之化境曰惟江右之名區歷年滋多嗣教不墜形而下者謂之地茲實景山神而明之存乎人載加美號承天之大典與國無疆

試進士策問

宣統五年三月六日進

制曰蓋聞昔之聖人垂衣裳以成無為之治稽於書傳任賢設教品節備具諄諄然命之矣是無為者始於有為也事以則弊唐虞之世歷年滋多不聞其有弊也治莫重於定國體尊國勢綱常之分嚴風俗之化一國體定矣善惡之類明賞罰之制宜國勢尊矣廉遠堂高上下之辨也量才授官莫得踰越國之大柄也若是者其道何以臻此記曰禮樂刑政四達而不悖王道備矣夫禮以防民樂以和志刑以禁暴政以善俗四者何所先也夙夜浚明卿大夫

之德也知其邪慝則知所以傲之知其困窮則知所以振之為吏習常恬不知省其故何也繼體守文善論治者尤以為難朕承

累聖之丕緒宵旰圖治罔敢暇豫於變時雍若有缺然者子大夫觀乎會通酌古今之宜毋迂言高論以稱詳延之美朕將有攷焉

試進士策問

泰定元年三月六日進

制曰朕聞自昔聖王之治天下罔不在初政故舜之嗣位也明目達聰命九官咨十有二牧禮樂刑政之道粲然備具禹成厥功祇承于帝精一執中實聖聖傳心之要湯黜夏命以克綏厥猷為本武王勝殷首訪于箕子天人之際明矣詩之訪落公劉書之無逸立政亦惟成王嗣服之始君臣交修以成繼志述事之業唐虞三代其揆一也維我

世祖皇帝聖神啓運時則有同心同德之彥效謀輸忠故能混一區宇治化旁洽朕

祇承丕緒永惟帝王事功見於經傳悉遵而行之時有古今制宜損益若稽

世祖之宏規遠略垂統萬世夙夜寅畏以圖治安然人才之列於庶位者猶若未及治道之達于庶政者猶若未備子大夫其以前王之坦然明白可行於今者何策世祖政典之綱領當今未盡舉行者何事宜悉心以對以輔朕惟新之治

先農祝文

仲春令月原陸勸耕祇率舊彝以陳明祀惟茲艱食稼政允修相其陰陽迄獲豐庶

司耨祝文

春土方興曰耘曰耨聿修耕籍庸薦常事維神功協先農種歛是司除菑布祉以成善歲

太歲祝文

年熟於酉曷敢震驚儻功在初率循其舊爰立寢宇匪曰廣居尚訖相成以祈寧謐

后土祝文

至哉坤元以靜為主匠石踰年寧免震疊

寢宇畢治庸復其初敢伸揭虔克相終事

五方帝祝文

五行之用相須以成維神司之萬物以靈相彼土宇撓神實多引誠致祈勿譴勿訶

立皇太子告 太廟祝文

列聖迺洪纂嗣大歷國本聿嚴

太后有訓親王大臣僉言允同曰嫡曰長

茲惟主器將建冊命首告于宗廟

西鎮祝文

地道靜專載物惟職震竦失恒咎徵莫測側身內修秉德若惕慎其政刑爰別淑慝

迺戒輔臣香冊昭格額復故常以底寧謐

司天臺祭告祝文

太陽

煌煌大明浴光咸池丕冒八表出震見離

揆時朱明中街御輪體乾以行庶物駢臻

法茲照臨實予一人爰絜芬祀庸遂民因

太歲

歲行歸終福祿是博四時秉權百神攸遵禮有報祈德用兆民時將平分兩暘協宜

綏此金穰物無癘疢

太衝 本命

卯為春門品物彙滋受命自天集茲蕃禧

聿嚴省方高明謹時大德曰生繫震是出

順陰養陽罔敢暇逸肅迎元本多祐有秩

勝先

鶉火之宮司南秉陽時維長養品物用章

繫月之恒儷日以光茲實命元受福無疆

芳薦式陳莞篔簹錫祥

金星

金精呈輝配日後先遇伏斯晦厥用不偏

清商助威睽睽導前爰庸預祈以相坤寧

吉蠲匪瀆戩穀是膺

火星

執法麗天俯承太陽曰茲羸縮厥有故常

飭德省躬導迎景光陽居大夏翼翼靡違

順軌合躔德馨是祈

土星

昭哉填星德隆倭遲燁燁中黃百穀阜滋

斟酌元氣導迎丕基照臨元命肅將以祈

嘉薦苾芬留俞靡違

氏宿

蒼龍首東茲維宿殿界于卯辰靡有忒僭
象緯或凌曰有成憲彼不順行曷敢適從
虔命宗祝監茲寅恭

房宿

巡狩事嚴百司靡寧率彼徒御興言宵征
天星之精實為準繩凌伏愆常推策布程
蘭席令芳祗迎展誠

心宿

布政于宮上稽明堂維茲日永法天以行
五緯疾遲渾象森著謂數實然嗣服彌懼
祝冊致詞式迓菲具

尾宿

析木天津燕都兩次維昔初基相攸塗墜
民用不頗益遐以治靈臺考占庸啓震悸
善言維從式致芬祀

迎神

天佑丕基一誠肅將瞻印昊穹紫微騰光
龍虎森衛鸞皇鏗鏘降茲瑤壇八音開張

碧雲紆徐貯饜斯皇

送神

靈游歆顧靡亟靡遲敬天之休億載維期
三垣潤明五曜逶迤玉斗宣光瑤壇受釐
儻兮如存脫兮若遺

楠木殿上梁祝文

揆時夏季維土居中百堵皆作震疊是恐
不日以成帝令攸式棟隆之初以底元吉
崇真萬壽宮設醮齋文

序推良月式符坤厚之光誠揭層霄虔致
泰元之祝竹官汎潔藻笈宣揚伏願神御
顧臨靈游昭格玉衡齊政永綏有道之長
寶籙延年誕啓無疆之壽三宮悅豫四海
乂安

青詞

天佑丕基肇啓乾元之始令行吉月於昭
坤德之祥寅畏在初籲尊惟重伏願監觀
有赫敷錫無疆懷德維寧溥羣生而康乂
以慈為寶遂億載之怡愉

皇帝本命長春宮祈福齋文

獻歲肇春懋對亨嘉之序祈天永命式臨
元本之辰矯首層霄迨真殊館伏願祥開
泰治道合乾剛綏萬邦而致豐年咸躋仁
壽錫五福而建皇極迄底雍熙

青詞

陽和肇歲宜與物以皆春元本建辰敢自
天而申命籲尊為大祗翼若初伏願帝鑒
不違神功溥運成四時之玉燭允協昇平
展億載之瑤圖恪依覆燾

昊天上帝青詞

皇極建中密運生成之造玄穹垂象益嚴
寅畏之誠禮謹祈禳功深保佑伏願靈旂
下今景緯順躔發政施仁迓丕基之永固
側身修行迎嗣歲之嘉祥

崇真萬壽宮設醮齋文

歲慎省方爰恪遵於祖訓秋嚴報禮庸祗
奉於玄科演繹瓊章敷陳瑤席伏願靈旂
昭假叶氣周流玉燭常調遂家給人足之
願黃圖永固致兵寢刑措之風

青詞

嗣守丕基心靡違於寅畏導迎繁祉歲恪
謹於修崇維德在秋自天申命伏願祥雲
開瑞景曜宣光怡愉永康受介福於王母
清寧無斃錫皇極於庶民

皇太后為皇太子祈福設醮齋文

天威不遠好生洽于民心帝訓孔昭受祉
施于孫子誠深保佑禮盡禱祈伏願飈馭
蕭臨雲輿駢集鴻圖肇謚允諧載物之功
燕翼綿弘永保貽謀之吉

青詞

正位宅中恪守成於祖武承天順則庸微
福以孫謀矯首叢霄傾誠璇極伏願玉衡
齊政金篋賜齡重輪重暉誕保無疆之慶
有嚴有翼永恆長治之規

長春宮散壇青詞

祈報聿嚴儼神光之下願精誠允格荷帝
命之密符第祿攸宜際蟠均慶伏願歲成
玉燭政叶璣衡孔蓋續紛歸三千之寶所
瑤壇馥郁拱百二之皇圖

興聖宮上梁文

旭日蒼龍聳帝京之積翠層霄彩鳳流阿閣之霏煙巍成少廣之居盛極東朝之禮欽惟

殿下道師清淨性合儉慈色石補天法女媧之妙用瑤池錫宴符王母之長生穆如薰風之自南黎若衆星之拱北

陛下孝嚴溫清敬謹膳羞謂神遊泰初當廣鬱儀之宇而養以天下益新長樂之宮庶民子來百堵皆作倚空繡柱栽栽太乙

之揚旌闢角雕檐奕奕飛廉之奏舞彩宇周遭於禁雉寶華流曳於駉鸞匠石繕完著龜告吉舉脩梁於地上川嶽無譁成巨

構於城中雲霞得色敢伸善頌庸贊昌辰拋梁東天雞初唱日輪紅漢殿瓊危稱萬壽堯階寶扇擁重瞳

拋梁西三素雲扶鳳輦低闋苑碧桃開已種廣寒靈藥不須携

拋梁南薰風殿閣聳眈眈一色花光灑侶酒十分松露滴如藍

拋梁北帝子天孫來侍側何須玉檢告

昇平擬把瑤編增鏤刻

拋梁上僊藥輕調承露掌龍圖載見贊

無為魚夢維占歌有象

拋梁下女史未須夸鄧馬聖德重歌韓

愈詩徽音願續周王雅

伏願上梁之後坤元光大鼎命迨弘雲需

湛露之恩德廣陽春之澤松茂柏悅三宮

同億載之歡風散雨濡九有順四時之序

與天齊壽率土歸仁

皇太后寢殿上梁文

璇宮擁翠刻姑射之層山柏寢通雲儼廣

寒之寶所凝神清淨協德順承

皇太后養備東朝尊臨北極天純佑命握

四時而品物亨夕以安身御六氣而陰陽

理寶典深調於玉燭珠星連緯於紫躔

陛下禮謹家人孝行天下謂榮觀合老氏

之要道而廣居迺亞聖之至言今月書春

惠風司律瑤池湧地龜吐瑞以成形畫棟

騰雲燕銜文而獻秀髻十二樓之縹緲開億萬載之怡愉工師肅給以無譁多士驩

呼而稱慶脩梁舉地率土皆春敢集歌謡
庸仲贊祝

拋梁東髣髴神君下壽宮絳闕雲光催

曉日翠簾花影颺春風

拋梁西靈杵玄霜煉紫泥露下諭知金

掌濕參橫坐見玉繩低

拋梁南咫尺天居接蔚藍底用麻姑擘

麟脯共看帝子引鸞駢

拋梁北色石神功參太極物無疵癘樂

豐年道合希夷超至德

拋梁上紫微鈎陳肅玄象五兵不試太

平年三聖重光天下養

拋梁下內宴傳歡慶朝野遊魚漸識柳

邊舟飛鳥時隨花外馬

伏願上梁之後乾清坤謐月穆星俞擊壤

而歌阜康結繩以復淳厚千萬年永清於

四表九五福悉萃于三宮

楠木殿上梁文

天道不言而庶類亨式嚴居所聖人無為
而天下治爰法當陽坐朝知問道之勤側

席審思賢之念揆辰考室申令鳩工欽惟

陛下守位建中施仁濟衆陋竹宮之侈靡

羞桂館之虛無宣室受釐未遑鬼神之問

石渠論奏是資經術之明掄楹楠以擬棟

梁審律度以合規矩爰居爰處乃寢乃興

歌庶民之子來形四方之風動虹梁歡舉

龜墨告從敢述輿情庸仲善頌

拋梁東一朵紅雲泰嶽峰絳闕翠旌浮

曙色玉階星弁整朝容

拋梁西王母傳宣曼壽壽齊漏下銅壺催

窰炬庭傳丹詔擁金泥

拋梁南薰風殿閣靜潭潭帝子承顏催

鶴駕宗王侍宴擁龍駢

拋梁北紫微榮煌煌宸極五兵奏凱一

車書萬國來朝合圭壁

拋梁上玉燭金瓊契玄象陽剛深法泰

元尊至孝力窮天下養

拋梁下百穀芄芄滿原野淳風再使比

義黃雅樂重宣繼馨夏

伏願上梁之後乾坤合德日月順行高拱

穉清景化溥霑於八表茂迎穰簡嘉祥均
被於三宮率土歸仁與天齊壽

晉慶寺後殿上梁文

積翠凌空儼諸天之層構側金布地成四
梵之妙緣惟我

皇帝陛下味道圓明宅心清淨深植善本
靈山之付囑未忘廣種福田寶所之莊嚴
彌奐像設參前而山立威儀殿後以雲趨
一一青蓮層層貝葉爰以棲神而凝睇亦
云澄觀以集思成祇樹園作平等觀虹梁
將舉龍象具瞻

拋梁東瞿曇瑞世日輪紅一手指天呈

實際九旬談妙演宗風

拋梁西雪山深處鵲巢低白足赤鬚隨

地見紺眉青眼倚巖棲

拋梁南要看彌勒與同龕擊竹莫參朝

九九拈鉢且問後三三

拋梁北大地山河光的的年齊斗柄布

王春深拱宵衣開壽域

拋梁上堯仁如天高蕩蕩八風不動太

平年四時平分真實相

拋梁下川后山君擁風馬赤麟白馬奏

郊丘瑞麥嘉禾徧原野

伏願上梁之後後天不老景緯齊光玉檢
七十二君同觀三春金輪萬八千歲共拂
銖衣四海永清三宮均慶

天慶寺佛殿上梁文

寶構凌空稱華嚴之富貴青蓮湧地成祇
樹之神通雪堂老禪心匠虛明性宗真淨
住南城數十載名滿江湖祝北闕億萬年
日嚴香火雖紺紺宇禪局之已敞而璇題秘
殿之未雄靈山之法會如新繡薨結飛霞稱
已下無踵而至不日以成繡薨結飛霞稱
由旬之龍象金波麗鳩儼第一之人天
爰舉脩梁敢陳口號

拋梁東須彌初見日輪紅願上吾皇千

萬壽銖衣拂石宴春風

拋梁西一朵紅雲映日低不用親遊天

竺國只今寶所總菩提

拋梁南軒窻面面是瞿曇欲問拈花微

笑意雪堂老子睡方酣

拋梁北殿角呆愚如翠織鐘魚解作梵

王音日把心香祝宸極

拋梁上大雄之尊壽無量聖朝方是太

平初白馬迎經踵三箴

拋梁下禪板蒲團不須假側金布地擬

諸天香鉢如雲坐長夏

伏願上梁之後乾坤泰治日月恒新豐年

調玉燭之和正法拱金湯之固兩宮萬壽

四海一家

天壽節致語

洪範九五福曰壽允屬至人上古八千歲

為秋實名治世仰天門之蔥鬱審雲闕之

青園黃道日明式紀老人之次金莖露肅

有開上聖之祥慶泐叢霄歡騰穀旦恭惟

皇帝陛下穆清居位剛健體元雷在地中

消群陰於既長風行水上示景命於方來

辟雍建崇化之規象魏布新民之法以食

為本歸漕粟於中都所寶惟賢卻貢琛於

絕域方且端冕以聽古樂惡酒而好善言

翹葉相臣蕭勺多士瞻鳳皇來儀之瑞歌

鳧鷖守成之詩克叶禹謨丕光周道某等

伎陳九奏曲合三呼蘭有秀菊有芳願敷

宣於律呂月重輪星重曜行登載於歌謠

遙望天威敢陳口號

義和御日上蓬瀛盛旦曈曈集壽星冠珮

雲排朝帝闕笙鏞春響藹宸庭瑤池已獻

蟠桃實玉殿初開五葉棠要識吾皇清淨

理長生瓊液養脩齡

清容居士集卷第三十五

清容居士集卷第三十六

外制

翰林學士承旨榮祿大夫知制誥
兼脩國史遷授平章政事閻復贈
光祿大夫大司徒上柱國追封永
國公謚文康

聲音與政通辭莫先於風雅易簡而理得
治實效於乾坤維昔

先皇歷選羣彥一道德以垂統嚴誥命以
興文奉璋孔戕執簡有度攷諸遺老號稱
名臣具官某學博而智周材新而意古山
立陽休之儀表望重縉紳日光玉潔之詞
華才工黼黻進揆臣而堅國是避政柄以
守儒榮畫旨尚方密勿深符於上意澄清
外服咨諏慎考於民風人物著龜典章衡
石遽告休而還里終辭徵以養年脫屣如
歸逝川滋遠噫德輿制詔早已類於人間
居易詩文今果傳於身後戴加褒恤式克
欽承可

妻李氏贈永國夫人

魯侯燕喜之歌褒其令美敬仲皇飛之卜
後將蕃昌事不偶然理難固必具官某妻

某氏韞玉養德佩蘭蕙芳規矩不出於廳
屏律呂永諧於琴瑟守大宥之戒靜慎而
禮法自防誦季女之詩恪恭而祭祀有度
命之不淑報也宜豐噫茅土並封亦既慰
文儒之願玄堂同穴尚欽承人世之榮可

翰林學士承旨榮祿大夫知制誥兼
脩國史劉賡贈三代

曾祖深贈昭文館大學士資德大
夫追封邢國公謚康穆加上護軍
泰山之雲起膚寸而成兩黃鍾之律累銖
黍以立均德胚胎於前人澤膏沐子後嗣
具官某曾祖某持身圭璧萬學巾箱清白
儒科曩共誇於鄉黨丹青帝制今復見於
階庭念昔干戈攘擾之艱唯汝詩書種殖
之懿既開公社載廣王勳噫天勝人人勝
天事果成於昭代子有孫孫有子慶永萃
於一門增秩便藩疏恩冥漢可

祖肅中書左三部尚書商議中書

省事致仕贈推忠贊治功臣金紫

光祿大夫大司徒追封邢國公謚

文獻加贈上柱國

乾坤清夷真主昇而四海一風雲際會奕
傑出而庶績凝薦生股肱之臣能總喉舌
之職靈惟熙運爰立鴻勳具官某祖某學
博而通方才長而守正讀易悟損益之理
觀文叅忠質之宜中歲投閒卒起裴度於
既老平居緩獄審知定國之將興廟堂咨
國是於著龜朝野係民瞻於柱石家聲允
侶子承曳履之榮書種有傳孫擅掌綸之
美用永厥世以等其功噫四世三公亦既
推赫奕之懿一門萬石尚毋忘孝謹之思
可

祖母鄭氏贈邢國夫人

王臣外勞動資邦媛冢婦中饋訓立閭儀
具官某祖母某氏佐餽靖共持家澹素纖
緗整比齊襟拱立於北堂綺釜絜蠲歛衽
儼趨於南澗子先仕顯孫復文榮意沃壤
再疏足示龍光之赫奕芳猷未遠尚瞻象

服之委蛇爰詔後人式共爾位可

父愨中奉大夫護軍彭城郡公加

榮祿大夫大司徒柱國封邢國公

帝堯雅熙擊壤之民鼓腹漢文寬厚扶杖
之叟厖眉念累聖之仁恩併遺老之壽俊
具官某父某脫棄軒冕徜徉里閭誦讀詩
書邈矣師承之舊陟降蓬豆儻然孺慕之
思壯年幹蠱以裕如晚節撝謙而泰定言
追古往耄及意新種樹養生默合三槐之
故事巾車訪俗有符五柳之曠懷亨嘉真
磻水之師朝著仰商山之皓兒年希有世
號少儔噫周公拜前益慎威儀之則韓侯
受命毋忘僂僕之恭可

母彭城郡太夫人李氏追封邢國

夫人

貴子而不及親施仁宜厚揚名以之為孝
報德是先禮有追崇恩推錫賚具官某母
身同隱趣性一柔嘉蘋藻恪共於春秋絲
麻力勤於夙夜執喪慟絕竟三日而始蘇
佐餽懽達遽中年而長往是生賢嗣爰顯

清朝噫翠輅魚軒亦既控小君之寵
騫章
驚詰尚再疏下泉之思可

妻冀氏彭城郡夫人追贈邢國夫人

月圓而魄虧理或可詰劍成而神化物莫
能推念茲偕老之盟言詎意中道而淪世
具官某妻秉芳蘭蒞佩矩珩璜奉舅姑以
無違處娣姒而彌度年之不泐生也有涯
意鄉國大邦追錫永光於窈窕泉臺佳氣
周流宜見於焄蒿可

妻廖氏封邢國夫人

相夫之道靜澗是師承祀之儀絜蠲惟謹
故貴得以從其爵而教必先脩其身具官
某妻執禮奉盈守德珮玉事舅嚴難鳴之
問選下審挑天之宜意小君實諸侯之妻
惟謙抑可以長保鉅鹿乃邢子之國惟儉
素足以久安母替戒詞以底終吉可

集賢侍讀學士中奉大夫李侗贈祖

父二代

祖懋河東宣撫檢察使贈嘉議大

夫吏部尚書上輕車都尉追封冀
寧郡侯謚文惠

乾坤轉旋臣擇君而審事風塵膠轄民僕
后以求生匪資談辯之折衝曷得從容而
完聚昔有俊士闢于當年具官某祖懋沈
鷲決機秋毫析理不背時而棄利魯連感
燕將之風能因危以為功陳康歸蕭王之
智按堵復鄉閭之舊開田廣井邑之繁全
逃民山寺之中沒猶有祀憐故帥孤城之
守許以自新謂宜膺仕之軒飛颺獨急流
而高避菟裘嘯傲合難兄難弟之權攢車
雍容追某水某丘之勝才不大用德遺後
人意維此異方存憂深思遠之旨嗟爾孫
子篤尊祖貴始之誠賜履舊舊邦克昌胤嗣
可

祖母張氏贈冀寧郡夫人

婦人內訓愈久則事莫可稽
聖朝鴻恩雖遠而澤益加厚錫類者教民
之本顯親者繼志之基具官某祖母張氏
語簡以嚴心靜而正斂容侶玉家庭服其

母儀釘坐如山鄉閭師其懿德益昌爾後克底于成噫貽厥子孫不負窀穸之願烝畀祖妣爰疏湯沐之封營魂有知寵光無數可

祖母某氏贈翼寧郡夫人

孝治天下教必本於興仁惠及萬方禮莫嚴於尊祖爰念瀛洲之孝庸推下泉之恩具官某祖母某氏韞玉無瑕服蘭有度采藻行潦雖難承祀之顏殷靈南山龜黽勸夫之義生子允才而不泯傳孫濟美而始昌噫一門同封聿廣聖朝之澤三晉故壤足為里社之榮垂世彌光終古奚憾可

父昱成都路防城軍民總管贈集賢侍講學士追封冀寧郡公

古澗長松宜棟梁而弗施於太室韞匱美玉器瑚璉而莫致於合宮維先朝宣力之臣皆一時成德之彥才不究用沒猶可稱具官某父昱沈思而好文敏斷而濟事地生天施知民悅以阜通城高池深審人和而環守蜀為望郡職號劇曹足食足兵

流馬相迎於道上為物為變飛鳧疑度於雲中天不以年子由之貴噫三牲之養榮親弗逮於膝前兩谷之間錫土有光於身後式嚴嘉命爰慰九泉可

母仇氏贈翼寧郡夫人

曾參風木之悲深嗟于身後孟宗冬筍之養得遂於生前事為至難道無全美具官某母仇氏遵行儉素服習勤勞不見其夫之榮舜華隕露猶幸有子之侶蘭茁承春肆衍褒嘉同疏追錫噫金葩錦纈益增玄宅之光丹轂文軒允過板輿之樂清朝展慶故里聚觀可

母韓氏贈翼寧郡夫人

孟軻五鼎之饋禮非有踰于路三釜之悲情何可既仕獲通貴者常有祿不逮養者何多具官某母韓氏家法儉勤母儀慈惠化治絲枲生兒承膺仕之傳恪共蘋蘩奉祀守吉蠲之度鬻封已拱口澤猶存肆推錫類之仁誕布昭天之渥噫黃河一曲千里茲實故鄉白雲孤飛太行有光前躅烝

嘗不墜褒寵如新可

妻許氏封冀寧郡夫人

君子借老之宜國風所詠家人中饋之吉
易象攸存作則閭儀來嬪瀛彗具官某妻
許氏有諧琴瑟相夫之道無違不出廳屏
教子之心彌切維靜以正既樂且康意越
蟬唐都合倫禮而民始化采蘋南澗循法
度而祀廼修遵錫簪封祗承景命可

集賢大學士榮祿大夫致仕李謙

贈光祿大夫柱國追封魯國公謚

文正

祚衍皇圖

上聖聿開其正統教興文治鴻儒允際於
清朝四時周而寒暑成八音宣而律呂比
道關運數天篤忠純具官某藻思夙新蜚
聲壯著處身閭里蔚然黃流之在中策名
搢紳燁矣錦衣之尚絅早贊青宮之善迄
編金匱之書疏傳十事之簡嚴志遂四休
之安佚碑板華夏辭累貫珠詩篇林泉語
深挾續故老倚之為衡石諸生仰之如著

龜大帶幅巾儼君實之在洛秀眉明目俾
康成之居鄉既得壽以保終宜易名而廣
譽土荒東魯爵列上公噫孔門設科先德
行而後文學漢廷取士首孝弟而次賢良
舉世實難唯卿無愧可

妻孫氏追封魯國夫人

夷汝儒學之彥允資賢淵之妻從游外方
米帛不干其念慮敦叙同姓籩豆式謹其
威儀古有其人今見于汝具官某妻某氏
温恭秉度禮制飭躬相敬如賓皓首不墮
其繩墨有嚴教子青燈猶課以詩書惟小
君之封用加矧大賢之忠宜錄爰伸並命
以慰九原噫起家而居有之惜未配夫宗
之貴告往而知來者庶永為婦德之規於
昭營魂哀對天寵可

禮部尚書中奉大夫元明善贈二代

祖海贈嘉議大夫秘書監太卿上

輕車都尉追封清河郡侯諡貞惠

青桐孫枝之良雲和所植紫芝靈根之秀
商山是宜隱顯之用有時報施之效不忒

具官某祖某養真巖壑策名里閭試吏緩刑卒應高門之語抱孫奇骨可勝執硯之悲器卓犖以不羣量汪洋而莫測李翱之傳皇祖文已四馳王通之述府君事關百世禮嚴教孝爵侈勸忠意東壁圖書爾尚詔後人之侶故鄉湯沐益毋忘昭代之恩可

祖母高氏追封清河郡夫人

珠藏九淵神光燭而愈閎蘭生空谷幽香耿而自持通塞維時存歿吳憾具官某祖母高氏慶源演迤淋則和平種桑而望爾絲亦云勞止樹桐而中琴瑟夫豈偶然錫類者治世之湛恩尊祖者孝孫之美志意爵書故里永為粉社之榮稱曰小君益表松阡之觀可

父貢奉議大夫驍騎尉大名縣子

贈中奉大夫吏部尚書護軍追封

清河郡公諡孝靖

種德如藝木必閱世而始昌保身若奉盈惟持善者無愧窮達有命幽明不渝具官

其父某孝友篤躬質直守道簞食卒安於薄領籩金始羨於縑緇不假以年益豐其報孝能繼志鬱成南陽之什文以顯親行擬瀧岡之表肆加錫爵復舉易名噫丹詔疏恩天官實古之冢宰蜜章分土甘陵維爾之舊邦尚其營魂歆此殊命可

母弭氏大名縣太君贈清河郡夫人

孟軻大儒深藉斷機之訓仲由至孝每懷列鼎之悲審閭範之可遵愍堂封之彌遠具官某母弭氏孝慈有度淋慎無違禮行於家蘋蘩循沼沚之素教施於子斧藻為朝廷之光已錫鴻恩爰加再命噫九原可作鸞書啓鄉郡之尊八座並榮象服稱小君之號可

妻李氏大名縣君封清河郡夫人

鵲巢起家之因實原勤儉燕喜受祉之美斯為樂康報之厚者始必勞持之素者終不懈具官某妻李氏習熟女史幽閑內儀儼服笄珈執冲謙而彌下恪恭蓮豆盡蠲

繫以無踰百祿是道再命而偃意相其君子益知典禮之實稱曰夫人毋忘主饋之訓可

光祿大夫湖廣等處行中書省左丞相阿力海涯追封太師郡王

四懸設樂必假鐘之洪音八柱承天斯合明堂之巨構乾坤啓運川嶽降靈是生非常之偉人以佐統一之真主沒且不朽德猶可稱具官某勇略致身英姿益世羊枯平吳之策誰復先之楊素渡江而來何其神也據荊州以為之根本擣長沙以拔其腹心兵勢建瓴皇威震電

先皇帝知人而善任定功以行封俾彼雲漢之章廷無儔匹享有金石之奉位班侯王兼將相之重權契君臣之嘉會令肅風生於細柳政成人指其甘棠念耆定爾切實有資於贊助而大賚於廟必申錫以褒崇彌深撫髀之思莫遂圖形之想白雲已住青史如新噫齊岱為鐫石城為鋒朕已悉皇王之大武黃河如帶泰山如礪卿允

為邦國之元勳詔爾後人無替先德可妻某氏贈國夫人

鵲巢起家因為召南之首殷雷勸義足以成大夫之行矧江漢之舊邦昭柱石之偉績必資內助以佐高賢具官某妻某氏澹泊無華靜專有守良玉在壺韻中美以善藏幽蘭生林愛國香而自闕稟北庭之渾厚婉南澗之恪共方考禮以報功爰推恩而錫類噫西平有子足彰閭範之光魯侯令妻宜受國封之侈是惟崇德尚克歆榮可

太尉平章政事某特授太子太傅朝廷大策慶莫盛於建儲社稷重臣禮尤嚴於敬故功參羽翼政倚股肱具官某秉志精忠宣猷懋實黃閣調元之始允屬謀謨青宮選士之初必先德義惟左右前後之人正斯君臣父子之道彰噫日重輪月重光宜益資於輔導書同文車同軌期咸底於昇平往堅乃心祗若予訓可

遙授平章政事某特封秦國公

靈惟龍飛之初考圖數貢爰薦鷹揚之舊
崇德報功出命告廷分封啓宇具官某蚤
乘熙運躬受真才絕北威名允著長城之
助居中韜略密宣前著之籌肆予纂承委
以輔弼意干戈矢于以昭武功山川土
田斯以彰異渥祗服明命益殫嘉猷可

中書左丞某封贈三代

曾祖某贈資善大夫中書右丞追

封高昌郡公謚康懿

粵昔高昌肇邦藏經史以崇儒師立校官
以訓子弟所後來久矣故其聰明才知通
於聲音文字之學代不乏人具官某曾祖
某誦詩讀書漸仁摩誼得於鄉里之素若
雲在淵勃然以外蓄極而通至曾玄而始
見疏封舊寓以報流澤之無窮尚其享哉
可

曾祖母追封高昌郡夫人

諸侯之制立廟以五親服未盡是猶有待
於後也今爾曾孫某勤勞王家錫之山川
土田而汝與封推其自則由玄孫啓之先

王之旨遠矣具官某曾祖母某蓄德不耀
保躬益貞敷佑後人輔弼不懈曾孫之慶
至于五世其昌矣今從夫爵尚承朕恩可

祖某贈榮祿大夫平章政事追封

齊國公謚莊靖

赫赫在上永遵繩武之思子子為孫爰述
尊祖之義發揚潛德追錫愍章具官某祖
某明珠媚淵良玉韞匱言寡尤行寡悔祿
不顧于旋中矩折中規動無踰則養真於
攘擾之際味道於冲漠之初本碩枝繁源
深流遠意稽尚父之返葬成謂分封仰周
公之拜前允宜洲後載嘉正直庸受寵綏
可

祖母追封齊國夫人

蘭長空林羞當戶以自獻珠生巨海懼媚
川而深箴矧為隱約之時曷表殊絕之行
婦德永闕孫賢可推具官某祖母某孝敬
行於家門肅雖傳於閭里念昔日艱難之
際為善是持至歷年磅礪之多興宗有驗
恩分沐邑賚廣脂田噫綺繡冰紈莫慰生

前之願文軒象服足為身後之榮可

父某贈銀青榮祿大夫大司徒追

封齊國公謚恭惠

大明麗天羣陰伏于藪室寸雲出岫甘澍
徧于寰區崇德報功之典存繼世象賢之
制著惟勲是錄于櫛有光具官某父某潛
珍養名砥節礪行王明受福井渫不食非
所憂父教為忠藪金之藏矣足羨事父斯
定時至乃亨念爾嗣之弘文生聞孫而佐
治蟬聯朝著聲折里閭維積善之粹精宜
流澤之溥博詢于集議庸爾展恩意決決
大風知紹封而益茂謙謙終吉詔承德以
靡虧可

母追封齊國夫人

積行累功先賴夫人之配承先共祭載歌
季女之賢剛柔之道有恒倫紀之位斯定
具官某母某氏持守貞白衣被絮清子又
生孫莫計堆床之笏善必有慶以高容駟
之門議勲以褒蓋臣錫命而及賢配重惟
異數足稱營魂噫三服齊官是在昔女工

之訓五鼎廟食亦庶幾孝祀之芬旌寵有
光歆承無數可

榮祿大夫宣政院使領延慶使某

贈推誠佐理功臣太師開府儀同

三司上柱國追封齊國公謚文忠

式觀景運灼考蓋臣際乾坤清夷之時承
風雲亨嘉之會精忠儼在褒恤庸加具官
某慎慤而行方沈潛而量厚踐揚禁近官
一品以益謙陟降邃嚴閱五朝而彌著怒
能及物廉以律身經文譯潤之功深開宗
明義詩書服習之訓久教子象賢維時輔
臣佐我初政墳麓雅奏圭璋令儀益德厚
者世必昌勲著者爵宜峻誕開公府庸正
師垣儼精爽以如生合神明而無愧噫保
茲青社斯為胙土之崇封以紫泥益見密
章之重體茲申錫期爾永承可

妻封齊國太夫人

馭爵壽功錄先臣之大節疏恩並命成賢
媿之芳猷性莫追尋生宜悅豫具官某妻
某秉心淵靜制行霜嚴悃悃無華佐餽惟

精於五飯温恭有恪容儼稱於六珈是生絲綸之英復得鹽梅之佐入室每諮於慈訓揚庭爰著其母儀噫誦齊風雞鳴之詩則貞女宜封於東土歌魯侯燕喜之頌則壽母益介於長年哀對殊恩蒸承令祉可

資德大夫同知宣政院事某贈存

誠秉德功臣太傅開府儀同三司

上柱國追封齊國公謚忠穆

帝室興隆君臣交孚而同德王庭肅穆弟兄相繼以共為睦若昔之揚休越今茲而錫命與言是採郵典有加具官某植節秋霜持評水鏡侍元戎於漢上屢奏凱功奉大帝於禁中益參聖諦凜有不可犯之色充然無自滿之心阿閣鳳凰虞廷屈軼績既昭於簡冊望宜冠於巖廊噫舉賢上功爾猶存太公之生氣慎終追遠卿勿忘人主之殊恩尚其冥魂享此休寵可

妻追封齊國夫人

王言惟作命揚于庭者為報功內訓不出

門宜其家者為合德有嘉賢媿宜盡覆封具官某妻某秉德芝蘭奉身玉雪遠行江漢之域勸義不違深居房闈之中服勤無數考圖定地錫命續綸噫取妻必齊蓋有資於大國從夫之爵今已謂之小君昭于幽局歆我異渥可

監察御史沙某封贈祖父母

祖某嘉議大夫行工部事專一修

築宮城勾當今贈

功臣

太傅開府儀同三司上柱國追封

某國公謚武敏

式考皇猷承命以永新邑爰立民極相宅以營成周輪奐彰施高深鞏固言念梓材之彥興懷棧樸之官具官某祖父某氣壹而靜專智圓而肅給順陰陽伐材木構寶殿以如規議遠邇程土功儼金城之有截通四方而罔缺傳衆力以聿成典制百工論道時趨於清切辨護少府使民每減其冗煩蒸聞深教以手書墨詔屢傳於宸旨壹惟際遇允協隆平覩設施而舊跡愈彰

思典刑而老臣彌重誕開公爵復廣杜封
噫召公之詰簡明命庶丕作蕭相之謀宏
遠俾後無加追命煥章營魂昭慰可

祖母

女教勤閨門夫獲脩于六府皇恩洽寰宇
死得慰於九原瞻惟蓋臣成于良媛具官
某祖母某韞玉制行範金作程化治絲麻
宛惜日稽功之效絮清蘋藻儼承先盡職
之能用施孝孫亦克王事方褒忠以大賚
爰追命以並封噫蜜印昭天益侈桓楹之
表脂田廣國式崇栢板之嚴茂對有光靈
承無斃可

茶送兒局使沙正議贈父母

父某正議大夫遙授工部尚書管
領茶送兒局人匠總管

漢宮密勿之邃彌重細旃周廷朝會之嚴
用資陰羽省方維歲考古若今具官某父
某才敏而通時慮深而應變春秋蹕道環
微廬虎士以無譁風雨屬車望帳殿翠華
而有煥綺如鹿角整若魚麗曉籌爭奮以

啓行夕頓悉安其成列舊規儼在故老能
言爰開大國之封式體先朝之任噫相王
入大次禮猶想於肅雖論道惟三公恩豈
殊於冥漠詔爾後嗣祇子至懷可

嫡母

世官嗣業古罕其人工師致功今慎其職
具官某母某肅著令德恪嬪大家上承尊
章察素絲五紵之儉下訓子婦審狐腋千
金之難爰俾象賢式克紹後噫翟第崇貴
已享偕老之時蜜章廣恩足慰厚夜之望
子能謙謹汝預寵光可

生母

佐中饋之職必儉婉柔成繼世之賢實資
訓飭泉遇蹇而利見木積小而始升具官
某生母某勤勞大門光寵盛代象服之貴
宗婦攸同驚誥之榮鄉人所羨爰相胤嗣
益慎忠嘉可

資德大夫紹慶珍州南平沿邊宣
慰使播州安撫使侍衛親軍都指
揮使上護軍楊漢英贈推忠效順

功臣銀青榮祿大夫平章政事柱國封播國公謚忠宣

繼世立諸侯審象賢之有託推恩保四海在迨遠以彌加有懷蓋臣庸厚恤典具官某著德遐域效誠先朝聰敏得於襁抱之初發于天性推弱置於危從之側斷自宸衷用能絕黨殊鄰投戈納款尺天寸地有版奉圖先國後己之慮深尊主庇民之績著闡學做文翁之化好賢師鄭武之風雅量鎮浮方橐弓而箠矢澄懷味道時綏帶以輕裘出門興折軸之悲行壘應流星之兆何以勸善必也正名循故壤以加勲衍圭田而封土青綬崇副相之責袞衣嚴辨章之稱噫忠孝傳家于以顯昭事厥辟之實歿存錫命所宜推圖任舊人之終精爽有知欽承無斃可

人 妻田氏遵義郡夫人加播國太夫人

婦人中饋歌采蘋則謹其承先大夫遠行誦殷露則審其勸義禮有準則行無過踰

具官某妻田氏嬪高門之勲庸受外氏之經籍曹大家之女誠奉上克謙魏夫人之儂書教兒能學念王事靡盬之際知女子有行之宜夙夜傳恭寒暑循度愆從夫以貴今已位於小君勉子惟忠益有光於先正茂膺異渥式介長年可

開府儀同三司上柱國錄軍國重事中書右丞相監修國史拜住贈清忠一德佐運功臣太師開府儀同三司追封東平王謚忠獻

八柱承天棟橈萌於巨構六飛御日輻說見於中街愍死難以成仁攷生榮而錫命具官某鼎彝王社閱閱相門自結主知應雲龍之異遇獨特國是炳著蔡之先幾陳於上者不足言見於事者為可則斥聚歛之臣以靖四表誅贖貨之徒以正庶官庫無餘財拔葵之訓靡替門絕私謁懸衡之鑒益公天下望其治平朝廷以之模楷然盡言招過儉謀愈深選賢與能奸黨滋懼變成肘腋禍延股肱川嶽動搖日月昏翳

雖元亮正罰足明朕心在壹惠易名姑慰卿意分茅故壤增爵維垣噫未明入朝竟墮之計盛服假寐孰為鉅賈之賢念此盡傷思斯優渥可

妻某氏封東平王夫人

星圻中台輔弼之虧果應舟藏半夜伉儷之情曷勝死者易名生焉從爵具官某妻某氏素系相閥克嬪王門纂組之功弗訓以習祭祀之謹於禮無違借老之志莫酬並封之恩宜厚爰增湯沐庸演絲綸噫司徒之妻問齊君以予邑蹶父之子樂韓土以相攸宜飭諸孤以保終譽可

大中大夫內史府司馬狄琮贈祭祿大夫中書平章政事柱國追封

冀國公謚貞毅

山西諸將之英沈雄有自斗南一人之裔正直是傳爰產魁梧之賢以贊藩輔之政具官某少植奇節壯懷孤忠朱邱論思引經說以開導細旃密勿詢治道以彌縫挺然廊廟之姿鬱有江海之量才見於用知

無不言邊陲以之救寧惟懼以之康濟朕纂嗣大歷圖任舊人方審象以博詢慨撫駢而莫覩興宗有侶茲為相臺之羽儀追速彌加庸進槐階之品秩噫呂望老而賜履實文王之故臣丙吉生而受封延悼考之遺德事莫能偶恩宜有加可

妻張氏贈冀國夫人

遠行從政閔勤勞者著壺儀備身踐言循法度者執婦道允矣溫恭之媛踈其赫奕之封具官某妻張氏謙以自持儉而有守酒食是議春秋之祭無違狐狸為裘風雪之需悉備既嘗艱阻莫遂恩榮噫兼暮入臺紹祖之傳彌振僧孺清道思母之念益深尚其營魂承爾嘉命可

妻劉氏贈冀國夫人

展如邦媛典刑傳於大門啞兮國英謨謀見於藩邨天相其配恩與之俱具官某妻劉氏珩璜母儀纂組女訓如璞蘊石雷玉人之琢磨若鳩在桑信君子之均一嗣為烏府之模楷母增魚軒之寵榮噫繼世象

賢于以錄先臣之舊慎終追遠庶幾彰感
世之光綸誥下頒營魂祗服可

清容居士集卷第三十六



清容居士集卷第三十七

外制

太傅右丞相伯顏贈太師開府儀

同三司

功臣淮陽郡王

謚忠武

乾坤呈符構風雲之嘉會山川毓秀挺柱
石之英賢夙奉宸猷丕揚帝訓惟不啻親
人者能得天下而可與事君者實非鄙夫
瞻我元勳膺時碩望合太平之寰宇成一
統之典圖生為名臣歿有公論太傅右丞
相伯顏機沈而識遠量重而器宏十乘啓
行共服征南之妙算七騶咸駕默傳濟北
之遺編擔衆於鼓角之初過師於枕席之
上具宣德意誕廣仁聲簞食壺漿之迎咸
知已後觴酒豆肉之賜士向無前是謂割
勝而屈人兵抑亦好生以全天道丞相之
功第一智士之譽無雙方謙牧而學早愈
蒙養而用晦角中私第恂恂侶不能言雞
翹屬車斷斷倚無他技肆予鑽服躬任受
道切成莫居年運而往格于皇天者有歲

可象游於造物者不見而章師尚父之崇名貞惠文之美謚益疏王爵庸示國恩意美器景鍾足銘邦家之偉績密章禔典斯昭泉壤之幽光尚其明靈歆此殊命可

平章政事庶希憲母某氏贈 國

夫人

溫璞出於玄圃貞松產於徂徠良由地氣之完以合天和之蘊故平章政事庶希憲母某氏柔嘉維則淑慎其思采蘋采藻之恪恭為婦為綌之素儉奉尊章於壯歲樂其天全率婦如之諸郎視為己出齊家以禮教嗣以忠用能為先朝社稷之臣啟奕葉簪纓之慶雖爵從夫貴莫得而加然義以子賢當崇其本益開涉沫之侈庸增完空之光足為異恩以旌舊德可

忽荅的迷失公主退贈 國大長

公主

維王展親之道實先於悖敘粵昔慎終之典允謹於追崇矧予同氣之賢是惟長主之貴廣疏異數庸寓至懷忽荅的迷失公

主玉海澄輝金枝毓秀充然婦德成肅雖以為穠李之華相其夫家閨勤勞而勸殷需之義婉順諳於日就儉慈出於天然美王姬下諸侯國異公宮之刺問我姑及伯姊益深先朝之思胡不百年以永終譽肺腑之託云在手足之念彌鍾圭奮荐更湯沐徽舊爰開名國下慰營魂噫立愛惟親曷愧死生之初志以義度德莫窮脩短之大原沒而有知服之無斃可

宗正府寶哥贈祖父母

祖某特贈推誠保運翊亮功臣開府儀同三司太尉上柱國退封恒

山郡王謚忠靖

風雲初際允資佐命之賢歲月既徂庸厚報功之典宜惟平治爰錫褒嘉具官某祖某貫日精忠凌雲節槩載橐弓矢翊龍德於初潛以為股肱展鷹揚而無敵噫孝父拊髀豈惟思古之名臣願宗圖形實欲方今於前世九原可作千載如新可
祖母退封恒山郡王夫人

慎終追遠本先王之至仁崇德報功傳有國之令典具官某祖母某氏從夫早貴訓子克賢如山如河之儀容宜室宜家之愷悌肇封大國儼焉象服之新益慰九原歆此密章之寵可

參知政事賈某贈官

朕丕承大業遠究前圖肇邦九有之初紀綱脩舉同德一心之彥贊畫允資慨年運之云徂儼風猷而如昔具官某經術展緒孝廉起家侍養微於帷幄之中保身彌謹識變通於衡石之外得士尤多故一時出令之坦明皆 先帝欲言之旨意器能容物清不近名聲更南國之旬宣咸謂中朝之倚任方堅退佚益避權姦活十人有封考於爾嗣德百世而祀論乃至公爰褒賢以勸功復易名而疏爵噫方叔壯猶之雅雖已美於盛時章丹遺愛之碑實有俟於今日皦如精爽緜我寵光可

淮西道宣慰使劉復亨妻趙氏贈

某國夫人

圖任舊人式表世臣之重丞界祖妣用昭孝孫之賢維德厚者慶益長而爵貴者報必遠具官劉無隱祖母趙氏鍾鼎望族山河令儀使節春行從子從夫之樂備女箴夜誦為母為婦之道全頌臺之彥有嘉漏泉之恩采廣高堂素象音容猶想於含飴故里佳城湯沐儼踞於列室湛然精爽歆此褒崇可

荆湖北道宣慰使劉澤妻孫氏贈

某國夫人

孝治聿嚴証布蓂蕭之澤聖謨丕顯遐思屈軼之賢念服瘁於外膺允資成於內助恩昭竝命光慰九泉具官劉無隱母孫氏里族高華閭儀淑慎閉戶而行鹽饋曲盡婦儀映雪以課詩書咸稱母訓栝棧之飲猶在首鼎之養莫加位正小君已脩治蔡之德爵崇大國益摠風木之思可

參知政事趙世延贈曾祖母 氏

雲中郡夫人

積德在於百年實資內訓褒封及其三世

竄謂異恩勤勞蓋臣服襲先矩具官趙世
延曾祖母某氏幽蘭雅度喬木舊傳殷雷
雖閱其勤克彰忠節采蘋不失其職允佐
肅難膏之沃者根必滋種之豐者穡益厚
顯于西土咸曰大家維爾曾孫益彰有慶
於戲秩秩先廟崇松楹柏板之儀翼翼小
君承錦誥金花之寵奉先追孝錫類典仁
可

平章政事董某封贈三代九道

曾祖昕贈光祿大夫司徒趙國公

謚宣懿

大裘無欠可饗于帝良玉韞璞孰窺其珍
灼知遺逸之民邁種渾圓之德克昌厥後
不在其身具官董某曾祖具官某畎畝怡
愉里閭足讓開田種木淡期燕日之輪囷
如山出雲莫測為霖之變化子能擇主孫
亦表賢一門萬石之家聲四世五公之譜
襟慈慎終追遠今茅宣曾矩之光崇德報
功推本協孫枝之願竄惟異渥寵爾營魂
可

曾祖母李氏追封趙國夫人

岷山之源谷甕而達于海至日之影如線
而麗乎天信知明道不可以計功要在積
微因之而成著具官董某曾祖母李氏盤
阿共隱懿敏如賓惟耽積善之勤厥享降
祥之驗百年未遠五世其昌噫象服表儀
亦既慰賢勞之顛窳章刻篆斯有昭孝治
之隆可

祖俊贈翊運效節功臣太傅開府

儀同三司上柱國追封壽國公謚

忠烈加贈推恩翊運效節功臣依

前太傅開府儀同三司上柱國改

封趙國公謚忠烈

駿命握乾誕磁中天之運約韜宣武協成
上國之光念風雲之會匪常而日月之流
如駛爰新景命以慰故臣具官董某祖具
官某被褐潛珍棄書學敵戎馬驅攘之未
定志已出塵雲龍會合之有開獨餘就日
察敵保臨淵之智挽彊夸貫札之精釋兵
為農所活者衆延師教子其訓益浚馬革

裏屍濱可憫生前之語常頭食肉終有期
身後之榮惟德之厚者嗣必昌而功之著
者禮必報肆朕嗣服念爾疇庸爰廣重封
以彰異數噫脩祖廟陳宗器在于君臣之
文脩光王室逆天休惟爾子孫之無斃精
爽不昧寵渥其承可

祖母李氏特贈壽國夫人改贈趙國夫人

殷雷勸義於昭媿德之賢柏舟作詩爰表
自防之志雖內教止傳於閨闈而懿範儔
著于鄉閭具官某祖母李氏淑慎持家嚴
勤訓子斥箠珥以奉賢師之饒化絲枲以
助先祭之供衡宇周旋人不識其面目闔
門款洽族猶想其儀刑雖雙鯉之養弗居
而八龍之譽罔替允惟賢母有光前聞茲
予溥澤於世臣庸汝砥封於大國噫先正
昭事已克光竹帛之傳夫人起家式歆承
絲綸之訓用昭後嗣永膺一心可

父文炳特賜贈益金紫光祿大夫
平章政事忠獻公加贈宣忠佐運

開濟功臣太尉開府儀同三司上柱國追封趙國公仍謚忠獻

君臣相資莫喻同心之美忠孝兩立斯為
佐命之殊念汗簡曷能旣其勳而朝著猶
足以優其禮維祖有訓非朕敢私具官董
某父具官某沈毅而善謀明恕而敦本黑
頭試邑棄官羞墨綬之卑赤腳從軍絕食
望翠華之幸刑輕典以安反側釋降人以
靖流離白日揮戈睥睨益張其羽翼長風
破浪蒙衝竟搏其腹心命在養民市不易
肆取麥禾以餉鄭人之過收圖書以成蕭
相之切嶺嶠宣威南人不復反矣朔方請
使周公方且膺之恂恂持儒者之風謬謬
捷大臣之節靖念丕圖之建彌濱喬木之
思格于皇天雖儼咎帝庭之陟降渙其大
號必有加玄宅之褒榮錫以嘉名祚之大
國掌武毅建牙之舊開司增立戰之榮九
原如生終古永譽噫英才間出足為邦家
之立基盛德無瑕成爾子孫之逢吉載加
殊命以資營魂可

母趙氏追封趙國夫人

鵲巢推夫人之德於配寶難頌人歌衛侯之妻其賢可想其官某母趙氏秉心淑靜主饋柔嘉逮事皇姑克奉甘旨於左右一視諸子莫窺憎愛之後先每傳家訓之志勞遂致孤兒之死事噫閉脂田而獲上國賈謂無儔被象服以從先塋幸哉有子可

繼母某氏追封趙國夫人

國族世貴鮮執禮以下人王臣功高適合符而煌德具官某繼母某氏敦厚天性靜專內儀瞻彼南山澆得勸夫之義遵于行潦不失奉祀之恭有子忠賢為我軍輔噫推恩三世庸疏湯沐之封錫類九原益廣葵蕭之澤可

繼母王氏追封趙國夫人

岫谷之竹應律而氣自鳴十洲之膠續絃而奇乃見不有佐餽昌能相夫具官某繼母王氏組織婦工齊莊母道歲時盥饋立蘭玉以無諱春秋烝嘗絮牲醪而有度嗣子極中書之貴一門珥大國之封噫生也

有涯莫稱魚軒之樂死如可作尚歆馨誥之榮可

所生母樊氏追封趙國夫人

絲衣之養莫罄其私心板輿之歡遂以為美事念風木之永感惜春草之寸輝具官董某所生母樊氏禮以母稱義由子貴勞謙終吉竟莫觀垂魚推笏之榮一視同仁乃預享刻蜜演綸之寵允惟臧事服我異思可

集賢大學士張宴贈二代四道

曾祖字贈保節功臣銀青榮祿大

夫大司徒追封魏國公謚文懿

韋孟明經諸孫之傳始貴承安卜葬三士

之言若符膏之沃者日以光德之厚者世

益遠具官某曾祖某進脩家塾退靜鄉閭

乾坤轉機後服先知之算干戈效勇舉

宗成全歿之悲命也在天幸哉有子噫忠

孝一門之盛事百世可知節義千古之大

閑九原不作聿申景命庸建上公可

曾祖母常氏追封魏國夫人

威德之報若券取償內訓之施如玉韞璞
率行尊祖之禮益知起家之難具官某曾
祖母常氏澹靜無華儉勤有素清晨佐餽
奉羔韭之肥甘晚歲謀生治蠶麻之靡窳
積善有慶沒世不忘噫魯孝孫之詩宜告
成於先廟魏大名之國爰錫命於九原服
戒鴻恩宜惟異數可

祖英贈純德秉義功臣太保儀同

三司徒國追封魏國公謚簡懿

幽蘭空林抱孤芬而永闕長松古澗垂巨
蔭以自完明其道者不計功非其身者必
在子具官張晏祖英德若不足樂且有儀
遇 真主之龍興出關而俟喜佳兒之豹
變潛邸以從居官取商權之謀接物多任
俠之義念干戈首難彌浚丘壟之思歸鄉
里自娛益廣子孫之澤考其薦素允謂安
行噫于公之門少高竑言已驗畢萬之後
必大今食其封爰詔後人益光前業可

祖母劉氏追封魏國夫人

德盛起家允著夫人之懿時危秉志有萬

列女之風蓋在昔以為榮至于今而彌顯
具官某祖母劉氏潔身蘭服耽耳椿齡重
聞期家婦之興宗一丸勸孤兒之入侍忍
乃有濟鑄金符緘口之銘安不忘危考室
遜飛翬之制昂德若生賢可知噫祖賚
孝孫已極登瀛之貴逮事王母益疏分國
之恩幽泉有知純嘏無斁可

資德大夫江南諸道行御史臺中

丞于璋贈推誠肅政功臣光祿大

夫平章政事上柱國追封薊國公

謚文簡

善人天地之紀德莫有加君子邦家之基
沒猶不朽瞻懷遺直追錫殊封具官于璋
志蘊忠貞運逢熙洽慶雲甘露氣和而動
植自軍威鳳祥麟瑞應而猛孽咸伏華要
屢更於中外靖共彌保其始終縉衣不渝
素絲彌替念在昔著我之彥皆先朝楫楫
之功年運既徂風猷彌遠噫劉寬長厚允
宜居鼎鼐之官胡廣中庸謂當久臺閣之
任事乖往古恩決九原咨示營魂服我休

命可

妻某氏追封藟國夫人

慎終追遠先王惇俗之盛心崇德報叨治朝馭臣之大勸恩褒臺彥澤及聞儀具官某妻某氏靜淑自脩柔嘉稱證珩璜有節動常法於女箴圖史自娛身不逾於內則傷哉無子貴也從夫指田廣大國之封窈印慰九京之望噫瑤琴列鶴早已棄於人間寶劍化龍竟相從於泉下尚其冥漠歆此寵光可

茅山第一峰大茅君特加封東嶽

上卿司命太元妙道冲虛聖祐真

應真君

靜慕玄風灼觀往事無為曰道必刻意繕性而始成脩身乃真非積行累躬而莫就大茅君奇操矯俗精思集虛壹德齋心受龜臺西華之秘旨萬靈受職開金陵白曲之宗壇丹光千載以如新寶氣三峰而彌罔發祥肇社民到于今稱之逆雨寧風天之所助順也竄惟作聖允合祐神孔蓋翠

旌祀莫嚴於司命瓊文慈簡禮爰謹於秩宗假茲聰明佐予平治可

茅山第二峰二茅君特加封之錄

右禁至道冲靜德祐妙應真君

合人心理萬物禮宜順於鬼神建皇極錫庶民徵有稽於陽雨大江以東之地白曲維望而尊上樂升平歲稱稔足二茅君中峯司命而華鍊形作牧審煩擾之非脩真得恬淡之要騁鸞導從壘簾儼奏於雲中化鶴來歸城郭時看於華表朕方推仁以濟衆靈宜妙物以祐民學道受之以神端有宗於李耳望祀不祈其福誠慕深於漢父嘉與函生誕敷景命可

茅山第三峰三茅君特加封三官

保命微妙冲慧仁祐神應真君

氣化為神握陰陽而執要物來能應遇水早以成功蒞山之靈以民為號三茅君不導引而壽體素純為真密從蒼龍承左右而無間時乘白鶴侍伯仲以遠遊荷天降休為民請命逍遙容與服光景以如新周

流常羊蒙祉福而無極肆加衰錫丕應隆
平埋鼎高峰爰慕軒轅之有道獻金空谷
方薄光武而不為以共厥靈同歸于治可

吳金節特進上卿玄教大宗師

運開至治法簡易以合泰元教審宗傳隆
繼承以明正嗣用揚渙號誕膺具瞻具官
某孝友中乎準繩詞華鏗乎金石居無思
行無慮粹然令名禮為翼知為時協于王
度陟降紫宸而匪懈贊襄琳館而益謙藏
珠在淵雲五色而川媚納息于踵風八景
以星從維 列聖嚴珪幣之薦以格天而
乃祖受劔印之錫而展世四十餘年之
帝願卑已行權三千之徒首汝賢小心盡
瘁俾超華貫爰仿舊階侍清祠以表羣公
度玉墀而膺六命祇若具訓允為異恩意
奏陰陽之和以祝釐則諸福可以畢至通
神明之德以事上則庶績底於成熙守慈
儉以位無為遵希夷而贊有道式觀素履
庸佩綸言可

三十七代仙姑馮淑淑真特封靖明

貞素夫人

紹玄風而展世丕闡帝猷溥內則以疏恩
勉從人爵仙姑馮氏簪纓素緒擊斝芳儀
媿穀城之傳益師清淨守柏舟之操架固
堅貞受祉惟淡錫名斯侈雲龍風虎之慶
會重謂有光舞鳳迴鸞之制書懋承無數
可

昭應宮提點王氏金蓮特贈淵靜
玄素真人

寂然不動知來去之有因湛焉長存宜死
生之無間辨風雲之際會竟糠粃於世塵
爰加異恩以彰殊遇昭應宮提點住持王
氏金蓮早塵椒掖晚謝慈宮脩崇密契於
九重錫賚屢承於三接淨如止水斯為至
道之宗脫若太虛實本重玄之體尚歆嘉
號庸表將來可

長春宮提點常某授玄門演道大
宗師掌教真人管領諸路道教所
商議集賢院道教事

治國以無為惟宗式符要道順物乃自然

之理允謂至言長春宮提點常某索審重
玄著龜萬變氣趨渾沌知天地之根運
際昇平默贊陰陽之化方獨立以不改彌
大盈而若沖爰紹真風以彰人望噫內觀
形影斯泉石之素心外飭身名實朝廷之
異渥保茲清淨俾以闡揚可

昭瑞宮提點張惟一特授全德靖

明弘道真人太一宮提點

神以知來至教匪存於家設人惟求舊襲
封首錫於龍飛念危蹕之宜勤默儲祥而
介福埒元具訓渙號揚綸昭瑞宮提點張
惟一泉石古心冰霜雅操侍晨長樂澹焉
若樸而妙感彰澄觀穆清廓乎不驚而衆
虛集惟才全者德不競而正靖者明愈昭
闡道王庭葆真沖館噫有國之母以長久
爾尚謹於祀釐立天之道曰陰陽當益思
於觀復恭承嘉命助贊無為可

廣誠靈妙演法真人江南諸路女
冠諸宮觀都提點邵靈瑞特近封

宗師

二儀之生根於太極萬物之母始於有名
推剛柔迭用之原恬坤乾交泰之理茲為
觀妙足以表微具官邵靈瑞野鶴孤標金
芝內行靈麻姑之清淑允謂地靈慕南嶽
之沖虛幸工草聖通章帝闕倚問宮闈祥
矣龍光守大盈而自牧端然蟬蛻享上壽
而弗居道氣常新仙風不墜噫女偶朝徹
已傳宗師之篇帝堯時雍爰有化人之國
錫茲美號昭我鴻恩可

沖靖靈妙擬真法師玄元萬壽宮
提點盧行益報封真人

道要易為功必假相傳之秘名威難與繼
益求自治之方矧茲女冠之慎脩爰出朕
綽以示勸具官盧行益沖澹若璞謹飭自
繩侍蕊珠之宮宣琳琅而不瀆守萼綠之
訓視金玉以如遺惟清淨者玄學之宗惟
簡素者師資之本斯焉無忝足以有承噫
誦赤松中誠之經早退為德考南嶽內傳
之旨齋戒是先可

五雷宗師沖靖先生留用光特加

封五雷宗師冲靖至德昭應真人

天地交泰而雷出奮風霆流形而物露生
神行兩間因體而始有用數合五位由柔
而後成剛乃知變動之機不出陰陽之妙
五雷宗師留用光參合太始摩盪無恨學
道從師罹厄窮而不悔救災禦患卒韜斂
以如遺詢諸長老之言考以輿圖之載損
之又損承禎之語若符生而不生介象之
歸非異運隆累洽道慕重玄思其人如欲
見之宜加綸誥告諸往而知來者益勵羽
流可

通妙葆真先生高士易如剛特加
封通妙葆真文教真人

式觀脩真之徒多出好古之士伯陽柱下
習典禮而道成弘景山中博載籍而書備
高士易如剛學通群藝妙集衆虛師清淨
以避堂可謂簡矣問鬼神而前席殆將近
之章編之繼絕孰傳洞章之補亡猶在無
爻不立松風恍其步虛與時偕行草露晞
而羽化方企崇玄之館爰思列仙之居本

無名而有名庸彰往古效先覺者後覺庶
勸將來可

臨江路閭阜山萬壽崇真宮住持

四十六代傳錄嗣教宗師楊伯晉

陞加太玄崇德頌教真人

性出於無始存為成性之門道合於有
為生生乃得道之奧式觀載籍爰有至人
吐故納新以調其神齋心服形以制其炁
于以濟衆因茲延齡具官楊伯晉守樓丹
丘潛珍珠館止息以踵陋熊經鳥中之迂
藏珠于淵握龍變虎騰之要聞九籥之秘
記傳八景之玄文問年今見其復丁會月
密推其納甲天台之召司馬損數術以理
身羅浮之迎軒轅徹聲色而合德朕悉茲
選卿無復言聿加綽命之殊以重羽流之
德乃真宜益究坎離之用贊敷皇極懋協
鴻禧可

毛顓達封真人

道萬物之與非虛不能以通微誠百行之

源惟靜斯定以制動聿求佐理爰慕希夷
茲得有恆之人以贊無為之化崇真宮提
點毛穎達澄心止水植節貞松禮為翼知
為時澹然無競巧谷拙辨若訥休乎有容
藏名琳館之珍養粹玄門之望維昔
世祖動遵軒轅占瑤光以按五行之情通
紫煙以嚴六子之用山林肅祭星斗爛明
苟非其人靈弗頌矣不懈于位爾其勉之
庸加綸誥之隆以示真御之責噫乾元天
下治也浚明用變之切神物聖人則之敬
謹祝釐之效有嘉恬靖永保恪恭可

清容居士集卷第三十七

清容居士集卷第三十八

表牋附

進 五朝實錄表

皇祖有訓聿成四繫之書大曆無疆允攸
五朝之治風陳載筆上徹凝流欽以邦啟
治平運符熙洽禮樂刑政教化之具炳若
丹青典謨訓誥誓命之文昭如日月維累
聖繼承之述作實皇家混一之謀猷官謹
具索書嚴信史雖編摩之匪一幸聞見之
悉同欽惟

陛下祇奉鴻圖光膺龍御惟天佑于一德
咸曰湯孫受命丕若歷年悉循堯道仁宣
孝治學廣文明臣某某等職忝汗青官應尸
素帝王之制可舉今已稔於鉅編詩書所
稱何加顯有光於億載

賀冊 皇太子表

黼辰當陽首重升儲之建彤庭叶吉誕承
鏤冊之頌宗社以貞幅員胥賀中賀切以
天下之本在國在家皇極之言是彛是訓
然知子莫若父故立嫡必以賢二美斯完

羣情允屬信為非常之慶實開太平之基
欽惟

陛下駿命溥將燕謀敷道本支百世咸推
受震之亨壽考萬年益著離明之象臣等
濫巾撫任欣覩上儀金石鏗鏘知協風之
從律乾坤清晏瞻景耀之宣精

賀冊 皇太子表 代宣徽院作

乾坤合德立龍極以建中日月繼明奉窺
圖而示吉誕敷渙號允迪震亨中賀欽惟
陛下寶曆儲祥璿源衍慶立嫡以長遵三
代有道之常受命於天膺萬年永保之裕
惟知子莫若父故治國先齊家上當帝心
下定民志臣等恪共內府欣際昌辰太極
稱觴效驩呼而率舞寢門視膳嚴難諾以
致恭

賀正旦表 代宣徽院作

泰元衍策百二十日以為春乾御當陽於
千萬年而受祐紫清叶奏丹陸傳臚中賀
欽惟

陛下盛德在躬至仁育物象闕而無治法

祖訓是繩猷樽以招直言皇猷滋闡嗣歲
蒼規之始群生玉燭之和臣等班辨外朝
職嚴內宰雲迴龍袞肅瞻天日之光星拱
鵠行虔祝岡陵之壽

賀 武宗皇帝登極表

乘龍御天握純乾而居正斷龍立極奠下
土以宅中百辟一心四方胥賀中賀欽惟
陛下聰明合道智勇冠倫承詔撫軍展素
書之奇略登途受璽昭黃屋之珍符惟謳
歌曆數之有歸繫祖考神祇之允格丕基
永紹景命不移羣後以來蘇政與民而
偕樂臣等班瞻文陸瑞仰層霄頌度量以
朝諸侯三千同德垂衣裳而治天下億萬
斯年

賀 皇太后表 代宣徽院作

六飛奕日奉大曆於聖人五色補天歸玄
功於父母事闕宗社慶浹宮闈中賀欽惟
陛下教闡周南德參太極以慈為寶風資
保佑之勤維道積躬聿致怡愉之養顯坤
元之光大卜鼎命之延洪臣等幸列周行

欣承嘉會瑤池晝迴樂四表之驩心玉殿
春迴衍東朝之曼壽

賀 聖節表 本院

天開景運篤有道之曾孫電繞神樞受介
福于王母觚枝瑞靄閭闔儀傳中賀欽惟
陛下誕紹蘿圖丕承葆命至仁育物得秋
而萬寶咸成德在躬居所而衆星拱當立
經陳紀之始新省刑薄斂之規郊廟肇禋
朝野胥慶臣等名汙玉署目極璇霄廣文
王有聲之詩載歌律呂衍中宗無逸之壽
虔祝華嵩

賀 聖節表 代宗正

乾御當陽甫際中天之運斗樞統電式臨
彌月之祥絳闕青蔥瑤京肅穆中賀欽惟
陛下聰明合德孝友根心偃武修文百神
歡而九廟格敷本崇化皇極建而庶績熙
爰開有道之長斯衍無疆之慶臣等職廢
邦憲身阻廷趨有王者興行見溫洛榮光
之瑞祝聖人壽額增泰元神筭之書

賀 皇太后冊寶禮成表 本院

蘿圖衍瑞丕昭景命之祥寶冊騰徽誕紀
慈元之懿聖心祇格子道昭揚中賀欽惟
陛下稽古聰明事親愛敬有國之母以長
久致養幸嚴天道之要在陰陽飭躬彌謹
禮行中禁慶洽九闈臣等職近翬頭班聯
龍尾玉卮前壽肅瞻長樂之儀彤筆特書
頌廣思齊之聖

賀 皇太后冊寶禮成表 代宗正

黃鐘應律協陽德之初亨寶冊告廷奉坤
元之至養尊歸慈極慶洽治朝中賀欽惟
陛下愛敬積衷順承法道雍雍肅肅聖寶
本於大任怡怡愉愉孝有光於唐帝日嚴
初政風動八方臣等恪謹國章欣陪班著
瑤池晝迴幸預聞管籥之音玉竿春融額
虔祝岡陵之壽

賀 皇太后冊寶禮成表 代宗正

乾旋坤轉定妙算於宮闈月吉辰良鏤徽
音於典冊東朝禮著九寗歡騰中賀欽惟
陛下聖嗣大任道希少廣以天下母神游
清淨之居惟泰元尊致謹怡愉之養允持

慈寶益屆壽祺臣等會弁鵷聯趨庭翫枻
陽回玉瑄八音首協于黃鐘春滿瑤厄萬
歲齊呼於紫禁

賀 聖節表

寶曆建元協重華之嘉運瑤光貫月開上
聖之貞符盛德在秋昊天有命中賀欽惟
陛下智仁御極孝友根心丕顯王謨端拱
巖廊之上遠觀新邑式均道里之中取泰
象於坤乾合離明之日月璇璣叶紀玉斗
儲祥臣等祇率班聯肅瞻清穆宣昭鴻業
載歌七月之詩者定武功額繼萬年之雅

史局謝錫宴表

立朝載筆交懷曷日之懸就館肆筵申錫
需雲之寵恩傳宮醴光動廷紳中賀欽惟
陛下黼黻先猷憲章祖武謂丹青信史紀
二聖之鴻文念鉛槧微勞屬小人而燕賚
魚藻歌騰於周室鳳簫聲達於鈞天展視
朔以迎長架飛翼而奏瑞上追稟飲下陞
雅與臣等愧匪食功懼惟飽德陽剛初復
太平歌既醉之詩天威不遠下拜祝無疆

之壽

賀正旦表 為作都

會謹天朝久命敷于四海曆司人統攝提
正於孟陬率由舊章曰為改歲中賀欽惟
陛下道裁天地政在璇璣崇鄉黨以厲賢
才聿嚴親策詔邦國而謹牧養爰廣使軺
東漸西被以如春小往大來而交泰禮行
雅壽捧瑤學於東朝親納直言開獸尊於
前殿重惟平治允際亨嘉臣等祇率鵷行
肅登龍尾弘敷五典懸退食以固功永保
萬年敢矢心而善頌

賀正旦表 本院

清臺課曆允符額頌之元明堂視朝茂正
攝提之位陽迴象魏儀贊鴻臚中賀欽惟
陛下經緯人文財成天地審賢良知古今
之體能勵廣隅謂吏道以法令為師益嚴
品節剛健密參於太極怡愉滾謹於東朝
車駕蒼龍導迎木德樽開白獸詢採芻言
臣等材之頌椒恩切給札春王正月推五
始之大原 天子萬年納八荒於壽域

賀 皇太后正旦表

歲在攝提叶孟陬之令月曆符頤頊開太始之上元時屆履端天綏眉壽中賀欽惟陛下清心慈儉至養怡愉數往知來利永貞而坤厚體中居順祉元吉以泰亨徽音惟日以恆新懿德如春而益暢臣等職叨視草才乏頌椒絳闕五雲王母俯臨於黼座玉卮萬壽神堯親捧於瑤階

全德泰寧福慶皇太后尊號冊寶

禮成賀 皇帝表為部

皇矣上帝丕昭立極之切至哉坤元中衍得名之典禮行宮壺化被寰區中賀欽惟陛下敦養日嚴文明天縱謂聖德無加於孝爰盡討論而天子必有所尊載揚徽美御未央而登冊即長樂以展儀鳳泊鸞飄寶刻永光於泰壘雲蒸霧起翠華親下於堯階協氣醇和嘉生博厚臣等班聯會弁壽介奉觴太徽三光之庭烟煴交泰有名萬物之母乞合永貞

賀 皇太后正旦表丁巳為部省作

正月始和資坤元而蕃衍兩儀交泰綏壽社以亨嘉德協青焯瑞浮紫禁中賀欽惟陛下寶慈作則履順行仁龍袞捧觴喜溢椒花之頌龜臺筵仗坐觀蕙英之祥霽孫枝之云傳定國本以蚤建邦家大慶朝野均權臣某等祇率鷁行式遵鳳曆正時成歲百廿日以為春利用厚生萬億年而受

祐

賀 皇太后正旦表集賢院

禕衣視旦丕彰立極之切鳳曆頒春誕合建邦之歲笙鏞翕繹黼黻昭明中賀欽惟陛下道協母儀教參女史承顏致養順德脩於九重正位在中行額符於六五朝贊聖神之治禁傳慈儉之謨臣等叨侍近班肅瞻嘉會玉卮為壽儼寶殿以雲從金篋賜齡樂瑤池而畫燕

賀冊 皇太子表集賢院

前星定位仰宸極之聖謨陽月臨軒法坤元之慈訓光騰鏡冊儀謹傳臚中賀欽惟陛下稽古行仁憲天合道知子莫若父審

恭敬之積中治國先齊家盡怡愉而致養
惟宗祫繼體之事大玩易又重明之象波
著龜協祥乙卷承嫡臣等職糜珍館班肅
彤庭喜液龍顏虎拜咸呼於萬歲禮嚴鶴
駕鸞和共遂於三朝

冊 皇太子賀 皇太后表 謀賢

承天正位詒謀啟於重闈詠日揚廷渙瓊
昭於寶冊大明繼照萬邦以貞中賀欽惟
陛下色石切滾黃裳德順以佑以績降葆
命以丕基是訓是行席蘿圖而端本知立
嗣必子之有自雷建儲非私之惟公施于
神孫緊我父母臣等職塵清貫班肅上儀
蕭韶九成顯盡稱觴之慶本支百世式瞻
丕卷之尊

皇太子兼中書令賀表 代宗正

黼宸當陽懋對紫宸之慶玄龜叶吉丕昭
寶冊之光八音播廷群公會弁中賀欽惟
陛下悅親有道立賢無方謂一人元良勢
實尊於藩翰而中書政本命尤慎於樞機
孝友宣昭仁慈溥博臣等恪司成憲欣親

緯儀卜七百年顯行周家之曆上千萬壽
咸趨漢殿之班

賀正旦表 謀賢

丹宸當陽頒發春之仁政清臺治曆符建
國之昌期日之方中天其中命中賀欽惟
陛下澤漸滲流心玩神明盤銘監觀德又
新而無斁河圖則象祉之吉之有恒默樽
設席以招言龍衮坐朝而問道臣等瀛洲
布武闈闔詔儀玉燭豐釐用制九年之蓄
紫清蠶漢業隆萬世之基

賀 皇太后正旦表 丙辰為

歲指蒼龍密叶昭華之瑄雲開禴翟首稱
長樂之觴順履始和懋隆元吉中賀欽惟
陛下儉慈作則清淨頤神色石切滾妙裁
成而交泰黃裳位正盡滲瀉以皆春母儀
循四序之周聖孝衍三朝之祉臣等職叨
輔相效愧變調拜捧椒花慶載臨於元日
宴觀桃實祈永保於萬年

賀正旦表 壬戌本既

肇祚發春伸正陽之布治歸餘成歲審長

至以觀生黼宸昭明彤庭肅穆中賀欽惟
陛下仁推滲流道協際瑞脩德錫符驗陰
陽之消長發覽出令則天地以裁成念丕
圖演繼于祖宗究盛禮益嚴于上下臣等
瀛洲接武文石趨班閏月定時泰治密齊
於七政皇極錫福北元永保於萬年

賀 太皇太后正旦表

地天交泰陰教法乎坤元閏餘歸終寶曆
增于夏五陽浮中禁瑞藹重闈中賀欽惟
陛下端懿母儀慈明內範怡神少廣悟黃
中通理之文辨秩東郊樂青燁登平之景
曰惟肇歲茲用儲祥臣等給札承恩肅班
稱慶筆徽音於彤管歲不絕書望長樂之
璇宮天惟曼壽

進 仁宗皇帝實錄表

君臨十載式昭垂世之謨聖治萬方庸詎
繫年之錄編摩玩惕敷奏凌兢欽以
仁宗皇帝陛下濬摯積躬欽明稽古發揚
乾健預清宮以候 先皇祇奉坤之慶問
寢而娛 太母審俗周知於民瘼授時彌

切於歲豐謂養性存心宜採於傳記而脩
身治國必取於禮經監觀歷代之著龜夷
攷前王之軌範政要採諍臣之讜議大學
芟行義之浮辭美譯成書用裨博覽至若
譽髦斯士擢不次以待非常爵人於朝表
有功而抑妄進每遵帝範肇立儒科庶祖
宗百年未備之規示子孫億代永貽之訓
珠玉非寶彥招菁莪之賢農桑惟勤旋致
嘉禾之瑞惡衣服以申緣履之禁省改獵
以彰開網之仁增胄子之官資限計吏之
品級為民請命匪營一己之福田遇裁東
誠果應自天之甘澤與人不求脩從諫如
轉圜河徙故灘謫斂臣於嶺徼雲淡前殿
憫戍卒於邊防常思創業之艱益慎守成
之效道傳精一明授受之至公孝竭怡愉
協繼承而無間允茲殊美冠乎群倫濡毫
惟懼於荒蕪削牘復虞於缺軼雖盡巧心
於舉要慮窮茂績之救功欽惟

陛下葆命誕膺鴻圖丕顯窮神知化彰明
聖之鋪張詢事考言採臣鄰之記注屢宣

睿旨迄萃鉅編雖天地之德無俟於贊揚而日月之光有資於繪畫臣等職叨率屬識乏簡僚慕永貞之謹嚴詞懇辭愈稽太初之直核筆愧馬遷

舊制進寶錄表文有短長然未敢以數
取直改伏觀
聖朝二帝寶錄進表必加詳盡據其所
行事跡以序篇首據大德中嘗進
五朝寶錄表未嘗似設前作今無不撰
遵守舊制議成一篇或恐繁瑣列有副
本庶便
宣讀

又

十年御極幸脩四繫之編億載揚休殊之
三長之筆祇成信史上徹宸旒中賀欽以
仁宗皇帝陛下仁靜根心溫恭合德詩書
造士闡學制以設科法律為師嚴官規而
限祿詠經作則稽古鑿今所寶惟賢卻獻
瑗而弗尚莫大於孝謹視膳以彌加著龜
定主宅之公棧樸藹奉璋之衆宜登琬琰
永秘緘綉欽惟
皇帝陛下慕切蔓牆令行金石率時昭考
撫言行以無遺迪惟前人繼聖明而有造
臣等尊聞傳信竭思纂題閱歷歲年已浚

懸於尸素經緯日月期不朽於汗青

賀正旦表 賀表為

歲正天門陳揆沿朝之位曆新人統肅嚴
魏闕之班四表迎祥八風順律中賀欽惟
陛下仁苑濬流命受溥將輔相財成列忠
邪而無黨斟酌損益合禮樂以同流圭璋
藹多士之良玉燭地大田之慶準繩乾健
橐籥泰亨臣等補衮功慙更弦政拙萬年
永錫仰瞻太極之尊六甲既周行履上元
之運

賀 聖節表 賀表為

十月為陽於共發祥之塊一人有慶玉牒
嗣服之初出日之升降年以永中賀欽惟
陛下欽時錫福握乾闥瓊玩天地之心陽
初升而來復發雷震之令陰早辨於履霜
繩祖武以維熙格民風而醇厚道尊泰壹
運接上元臣等叨列近司欣逢歲旦望翠
華之行御瑞藹五雲趨絳闕以傳臚齊呼
萬歲
牋

賀 皇太子受冊牋世宗

禮嚴中禁位建承華萬國以貞咸曰吾君
之子四方來賀永底丞民之生中賀敬維
殿下玉璞蘊珍金枝表秀繼體而承乙壺
如歲之春定志以協著龜維天其祐方謹
雞鳴之問幸新鶴禁之居某等叨列政司
欣傳制命父子君臣之道倫乞廣緝熙詩
書禮樂之教崇式符繼照

賀 皇太子受冊牋代宣徽

範金作寶禮成內朝簇仗演綸驪騰四字
協春秋之大義覃雨露之殊恩中賀敬惟
殿下岐嶷天成溫文夙就佩規帶矩正言
正事之教成執玉奉盈事父事君之道倫
某等叨司庶府欣覩威儀仰黃道之日長
式符繼照候明堂之星潤乞謂震亨

賀 皇太子受冊牋本院

體元更始肅瞻王裕之姿崇德計勳肇錫
朱明之祚宗支報慶國本奠安中賀敬維
殿下英睿夙成藝文天縱清宮朝邸朱虛
之巧為高審俗迎郊孟侯之賢乞侶受介

福于王母繼明照於四方維軍國之樞機
實政化之案籥名倡百辟兩儀正而五緯
齊德和萬邦九穀熟而三農足某等職叨
掌符欣覩揚庭紀王子之吹笙有懸斧藻
歌克民之擊壤願廣丹青

賀 皇太子受冊牋代宣徽

咸德動天誕受元良之冊萬邦為憲悉資
文武之賢政本增崇皇基鞏固中賀敬維
殿下圭璋玉度黼黻聖謨整齊乾坤指揮
於旋轉之頃肅清宮廟怡愉於定省之間
靈惟不世之勳庸舉非常之典某等職司
宗籍欣覩王綸磐石既安願上則百斯男
之頌權衡乞稱克成曰三有俊之功

賀 皇太子正旦牋代宣徽

曆起上辛啓自天之中命歲行維戊瞻出
日之重光萬宇黃陶九垓滂流中賀敬維
殿下切調玉燭政察璇璣宴錫龜臺密承
歡於王母仗移鶴禁親奉壽於神堯維春
之祺有秩斯祐某等導迎嘉節贊詠清時
候銅瑨之陽和式占泰定望青宮之蔥鬱

允協震亨

賀千秋節戲

代本保

月映彩雲慶仰倚蘭之瑞令行青陸書占
玄馭之祥維春之祺粵上斯已中賀敬維
殿下宅心聖學匡力皇圖廣邦家太平之
基澤窮滂漉察天人同心之理下逮芻蕘
仁孝合名中和叶德某等展儀穀旦豫首
業霄壽考萬年敢陋千秋之頌本支百世
願陳大雅之詩

賀千秋節戲

代本保

甲觀畫堂仰紀吹銅之瑞瑤山玉彩特書
主卷之勳維暮之春初吉云已中賀敬維
殿下蒼規體德銀漢儲祥稽七政之有恆
實循冬夏消群陰於交泰爰法坤乾與鴻
文以闡基握龍圖而佐運兩宮定省雍容
化日之長四表謳歌瞻極前星之耀某等
具寮無補歲旦有光奉曲水之羽觴齊呼
曼壽披泰之之神策允謂延洪
賀 皇太子正旦戲 本院
青規紀曆甫開嗣歲之祥蒼震布和懋協

少陽之象自天申祐與物為春中賀敬維
殿下經緯人文權輿政治三朝交泰幸嚴
盛禮以奉觴四德尊堯行美成功而琢玉
卜稔已符於祈穀登賢淡味於拔茅慶洽
宮闈仁施寓縣某等叨塵顧問欣覩亨嘉
聲徹鳳笙仰非霧非煙之瑞班隨鶴駕歌
重輝重潤之詩

賀

皇太子正旦戲

代本保

歲正璿璣玉應震亨之象春先寶曆允符
泰治之祥絳闕光華青宮蔥鬱中賀敬維
殿下道隨陽長德與日新玩易中行密色
荒而缺北法天繼照永主器以彌綸稱錫
前殿以承顏侍宴瑤池而受福某等禮成
鶴禁敬謹鬼趨祈穀躬耕預卜金穰之地
頌椒介壽欣瞻玉裕之姿

賀

皇太子受冊戲

代本保

明堂辨儀哀對重輝之耀昕朝發冊丕昭
上嗣之賢宗社牧寧幅員雖慶中賀敬維
殿下孝仁生稟禮樂風情一人元良羽翼
靡傾於商皓百揆時序共成共仰於泰王

鶴駕之御日三鳥輪之光明兩某等叨塵
仙館未緞體庭瀛水汪洋望瑤山而親切
宸居燿漢瞻青路以陪從

賀 皇太子正旦牋集賢院

大曆更新叶

皇祖建元之祚少陽正位隆神孫承嫡之
基百辟是儀五辰攸叙中賀敬維

殿下應乾作命受震行仁嘉禮告成歸妹
祉吉之象外朝佐治同人文明之祥日就

月將而緝照小往大來而分類某等肅瞻
玉裕謹候青燁詠歌重光紹天休而繼照
翔詩庶績占歲在之有年

賀千秋節牋

國仙未餘月百司時
擬賀表非禮後不進

電繞斗樞允昭甲觀之瑞日昇陽谷行受
明堂之朝宗社底寧神祇協相中賀敬惟

殿下欽文師古剛健法天或躍在淵龍德
合乎中正永言配命龜圖闡其延長仰震

風之非常審傳付之素定某等肅瞻辟表
獲際重光聖孝有加莫牆之慕彌切民情

共戴岡陵之祝益虔

賀千秋節牋本院

心居天位前星耀於明堂邪為春門大電
騰于甲觀威德集福至和儲祥中賀敬維

殿下體仁法元師古合道溫恭事帝密贊
化以生成問學積躬益緝照而光大疇選

黃髮之彥庸佐青闈之規如日之升降年
有永某等肅瞻英偉虔祝簡穰輯往則於

瑤山一辭英措採賜齡之金篋曼壽是期

賀千秋節牋為部
省作

玄軌發祥丕顯吹銅之瑞蒼龍協紀式昭
主器之符紫禁權騰璿源秀衍中賀敬惟

殿下溫文秉度仁孝積躬侍宴瑤池令德
令儀之可述問安內寢正言正事之足聞

如歲之春自天其祐某等導迎穰簡贊詠
中和瞻出日之舒邊重光允繼望彩雲之

蔥鬱曼壽是期

賀 皇后正旦牋本院

王春謹時肇正內朝之治帝曆更始益嚴
中禁之儀與物咸亨自天作合中賀敬維

殿下矩循內則言法徽音闕睢詠歌禮避
乎蘭殿之貴卷耳思念頌取于椒盤之文
稽陽德維如歲之初考陰教曰履端于始
某等清班接武穀旦趨朝日月竝明願上
千萬之雅壽天地交泰載歌元二之太平

清容居士集卷第三十八

清容居士集卷第三十九

啟

上王尚書

伏以瞻望聲容幸有登龍之舊披陳悃幅
慙無吐鳳之長圖鼓勇之新刃冀鑄頑於
大造掃門受業楫楫致詞切念構生不逢
時長始知學伶俜素緒綺襦紉袴之習無
聞零落青編簡漆汗書之蔽曷見久知我
輩固當投之濁流靖念斯文豈宜束之高
閣操觚而歎詎秉異心倚柱而歌終持正
色宵臆結約肝膽輪囷惟其用拙於今將
欲脩名於後載惟宏博世競殊科夷考括
賢咸稱異數當紹聖之首創蓋以窮經為
先至大觀之重刪乃因代言而設唐朝疎
略故退之自笑其能優宋制精許至文公
欲加以深厚維較藝於詞苑杳若按丸雖
置身於書林志同畫餅苟非討論於暇日
孰能敷奏於一時爰取舊規各成要覽涑
水之尚德筆纂金桴羲山之好竒文編玉
府初學記資騷人之屬對稽古編假進士

之試文博要之粹於丁年統類之塵於乙
亥斯皆品節之效可為區別之模然獨此
書寶難其例千門萬戶此焉莫知所之六
律五音聞之不喻其意至若寢門路鼓遂
成君子之欺御庫神弓終藉老兵之對望
洋之歎浩浩測海之智變變一物不知過
亦多矣兩端而竭取莫甚焉信知梓慶之
巧專益訶庖丁之技異伏惟內翰尚書先
生南州之老故國重臣望壓縉紳聊復浮
湛於閭里文驚華夏未妨談笑於江湖取
申公之蒲輪便管寧之紗帽樹人為急獎
士尤先子誠齊人侈以都邑之宮波及晉
國化其潢汙之卑是用忘揣顛蒙惠微思
育鈞玄提要在明公為壯歲之筌蹄糾繆
繩愆於後生為百世之模範僕獲書傳於
琬琰尤當藏於巾箱與汝共之淡議中
郎之隘非吾徒也尚祈夫子之憐欲報無
從未言先愧

謝王尚書

拔叔度於幼童淡齋非偶執李膺之下脚

竊喜同時敢緣擁篲之恭庸致樞衣之請
袞哀語重茅塞心開伏念梅才實滯頑心
尤退縮經箱塵寂莫逃家丞庶子之譏藝
苑雲蒸誠駭翰林客卿之對淡恐凋零於
冷譜固嘗論索於陳編志不能以過人識
不足以廣問戴盆望日勤無補於三餘坐
井窺天智有鄰於五技衛門感歎斗室屏
營然而切觀盤盂之書致戒必謹章弦之
義繕性尤淡苟非取則於古經易足振名
於來世虛心實腹學始類於安弦閑邪存
誠念實同於執玉反觀典學之成訓爰採
遜志之嘉名輒布請祈方真僭躐豈駑駘
已下尚希一顧之矜然爰居何知遠享尤
奏之禮寒窗展玩絢兮虹蜺之章素壁高
張森然神鬼之護論滾藥石字重璠璣已
三復而吞消終九思而感併此蓋仗遇某
官言為持範道蘊經綸化閭里之澆風慈
簪纓之弱息至誠樂易許傳新著之書雅
量恢弘不棄一偏之士遂令少賤屢獲親
承構敢不躬勵前聞仰禱春秋之筆恪遵

明訓益加歲月之功永依師門以堅壯志

與陳無我論樂府

伏承下教垂示雅詞退揆疎蕪敢居品藻
復緣明命之重庸誦設聞之迂執筆颯慙
通函樞仗切以陽春白雪之唱和者固希
清廟朱弦之音知之尤寡歷觀樂府之傑
出悉為詞林之緒餘良由萬物變化之愈
多抑使五采章施之匪易龍文被寶鼎雕
刻益精天馬駕鼓車低徊滋寔貫珠之音
空在累黍之器莫傳吐角含商孰分其清
濁析宮合徵莫辨其短長俚歌日頌古調
樂廢留連拋葉習晉世之風流淒切竹枝
傳已人之羈旅江南腸斷之句誰足近之
涼州意外之聲今無是也風聲鳥葉當由
動植之可通霓裳羽衣徒說神奇而自眩
捨陽關三疊之清怨變南鄉九闋之狹邪
樂意生香寫天機之妙理山光水色換俗
子之允容彼誇刻鵠之工詎悟承烟之解
精義無二至道不煩靖言思之孰可繼者
伏惟無我學士詞華泉湧言吐冰清飛星

急羽之秋夕傾上幕投綸沱鉤之暇興滿
南山每希白石道人之雅聲以成黃絹幻
婦之佳制雪兒依唱未多學士之風高墨
客廣傳益見咸陽之紙貴梅尊聞唯謹快
覩尤先用鹽洗金珠未明於物理以蠹測
海徒竊笑其心思狂斐莫裁涵容斯幸

回宗人素慶遠教授

同源分流風感陶公之詠幼躬素後每懷
韓子之碑均此靈根哀然望姓切以經術
基於博士衣冠藏於司空名節為天下高
言非其過歌詩著先人跡時與之俱念鼻
祖嘗容於上虞而耳孫分祚於越土定居
鄞水占籍開封西湖之佐蘇公風流儼在
明招而從太史文獻有傳光于淳熙錮在
嘉泰父子同館繼廣受之美談師生並朝
陋禹宣之異禮京地踵河南尹之祖武成
均慕光祿公之家聲藐焉遺孤承此玄冑
正倫之妬諸杜鑿地何心子雲之亡它揚
沂江有考車書一致江海相逢豈無它人
因以合譜仗維

教授學士搗詞展世敬業守儒謂鄧林之
廣數本於一木援崑崙之無底散作群川
田歸於齊良非得己爰絕於漢或曰未然
驗賦形之不齊審受氏之有自處袍雅謹
繫世是嚴然而內舉避親昔者之邊幅合
族戒令先王之準繩愧鶯鳩之圖南欄騏
驥之仗櫪義之別王述趣乃不同康樂
之愛謝莊心誠有得梅偶緣鉛槧久汙絲
綸傳呼欣大小戴之稱臭味鄙南北阮之
駭薛室而得明月當道而達夜光百世不
遷揆宗支之非遠異姓為後幸譜謀之可
通孰叙攸同叅承伊始永懷繡綵曷罄敷
陳

謝閣學士

東觀英游久欽諸老南州但士獨守陳編
念相聖之迴然知無因而至爾何期銓鑿
俾預薦揚惟清切之司存實作成於俊乂
王言之制曰七史官之長有三風動四方
必訓詞之溫惟詔垂萬世在書法之簡嚴
維班馬之良不能繼獲麟之筆而燕許之

體難以推倚馬之才藝不兩能物無全美
筆則筆削則削非曲學之可為見所見聞
所聞恐直情而難致古有斗米而作傳近
多千金以致詞好惡成一己之私衰敗失
當時之實掩長卷以竊歎抱遺經而自娛
故魏收以輕薄寡才咸稱穢史王通雖隱
淪不仕獨著元經方今偉績無前太平有
象大禮略封禪之記純誠汰郊丘之儀聲
教萬邦文質二代追皇猷創業之永傳丕
基嗣服之初必屬鴻文以揚駭德彰施作
繪極妙巧於群工雜比成音合天和於眾
耳拔屏之選非易聚毛之長亦難如稱者
學不逮人志徒師古獻漢家三雍之頌庶
或可能續周書王會之篇良非所任揆小
材之雕鏤幸大治之作成忘其顛蒙倍以
踊躍茲蓋仗遇某官儒林冠冕文藪準繩
桃李不言以成衆芳之春松柏後彫而貫
四時之氣官僚慎簡載籍肇新爭名於朝
難後來之居上脩身以道匪平進以依流
淺虞同升之譏上辱大賢之舉幸相知於

氣味迄無假於聲容構敢不益勵討論上
酬獎拔求識李邕之面當已有期效彈貢
禹之冠不幾於贅因風翰感執筆寫情歲
律云更神休所屈庸致苗慝之禱密調鼎
爵之和

賀鄧善之應奉

茲審講徹鼎比班登龍尾早居三字極鉅
槩之光榮爰作一經萃繅紉之芳潤朝端
色動江左文明切以詞章之體與政相通
禮樂之宜隨時斯舉誠少近古予以酌今
釋訓聳牙固難返殷周之盛委心綺靡殆
有鄰齊梁之風山東之詔令溫然河函之
墨書炳在往者諸賢不競故老云亡擬拾
成言編聯賸語形模近巧難逃脫鑿之譏
刻畫傷和殊近鏤冰之累徒畫虎以類狗
強令鷺而隨雞事非偶然時使之爾念欲
復還其正氣抑嘗深揆於陳編然而木人
石腸難以語經綸之事河目海口要當歸
黼黻之才請誦所聞無出其右伏惟某官
清言古瑟雅製方壺冶百鍊之金而成雲

雷之奇合八珍之味以調薑桂之美當下
帷之多暇每傾蓋而劇談意得忘筌神閒
紙筆船容萬斛果自致於水中芝產九莖
宜載歌於殿內風常相勉今匪共訣構倚
馬才疎屠龍技謬歸來之詞莫擬遂初之
賦或尋話茅舍於玉堂當塵遠想謹蔗漿
於金盃冀保天和傾向之忱數陳莫既

壽鄭潛庵

茲審玉宇金明蓬壺瑞藹數環六甲堯年
已合於上元福擁三壬申旦適同於游九
江湖相慶樽俎交歡伏惟內翰學士鬱鬱
澗松昂昂野鶴辨排堅白共誇塵尾之清
言書喜硬黃猶習蠅頭之細字方窮太始
之理以與造物者游陋絳縣老人之年讀
清溪道士之易踏龜殼而一笑持蟹螯以
高歌夢繞故園壽客相期於晚歲情親近
局趨生負負於良辰梅梢傾接維新板棧實
舊黃絹幼婦之詞莫擬子墨客卿之賦未
能八千歲為秋願致長生之祝六十養於
國佇看優禮之加薄物助誠副械清聽

回交代潘檢閱

誦子墨客卿之賦竊有激昂聆諸老先生之言滾相推挽審珠玉之將至愧糠粃之在前慶牘未遑巽函先枉伏惟內翰學士冰壺貯月水鑑懸秋下帷授徒有矻矻窮年之趣閉門樂道無憫憫望歲之憂迨北渚之歎歌覽東齊之形勝斧藻樸素丹青炳靈相如封禪之書直譏其陋賈誼治安之策乞謂可侔濯纓益振其高風結綬良非其雅志金馬門之待詔有類俳諧白虎觀之談經亦幾糝雜維茲冊府重覽詞林寶書如山汗簡若東方偃武修文之感乃立經陳紀之初候日景於松階詞客潤色瞻天咸於芝閣議許討論匪慎簡於英髦曷專美於治世除書一下輿論僉諧稱學匪適今才不逮古重以簪纓之舊猶工鉛槧之勤泉石寫心比元郎之漫仕山川感興追杜老之壯游過屋幻婦之辭重託聞孫之好有憚其旨不知所裁

回冷教授

仰南州之喬木美蔭獨存望西山之慶雲

英光猶在居然傾蓋之幸辱以投函之謙斧藻溢情丹青炳目切以取士之歧不用儒之道實高賈誼少年憂國之策允著馬周逆旅入對之疏密諧法如牛毛賤名魚目將望然而引去寧挽之以必來方今人文交脩禮樂脩舉金馬碧雞之頌可破弦歌赤麟白雁之祥宜書竹帛孰為稱選僉謂當仁伏惟賢良學士溟海扶搖清秋沆瀣圓冠方屨儼魯國之舒徐漆簡汗書補羽陵之疎略寶氣橫鬱天葩芬奇方按軌以徐行筮登途而捷進青瑣舊物行廣高門白水同心益窺雅志幸雲龍之有應或針芥之相投遺以十朋之寃貴若連城之壁有味其旨固難和於大羹無德以將敢亟酬於雜佩銘膺感幸占對簡蕪

賀吳編脩

茲審疏青汗簡錫寵身章史官之具三長英髦慎簡聖經之法五始盛事特書荷針芥之偶投慶雲龍之胥會編脩內翰蕪志

精白結交老蒼審黃鐘於希聲灼知律呂
嗜昌歌之古味乞通酸鹹維懷寶而淡藏
終待價而一試筆耕云舊學殖焉窮構師
友川流獻文日墜喜而不寐類文子之同
升樂以忘憂慨宣尼於往昔斐然贊美蔑
以效規

壽貢仲章

月暈虹蛇鵠南漪之五色春浮花柳探東
作之平公孕彼玉人瑞茲寶運伏惟某官
池塘逸興金石流波懸孤表四方之心遠
游結駟落筆擬千古之作長歎彈冠愛東
方之偷桃專北門而視草蓋將旬五日而
後返抑亦一千歲以來歸梅善頌莫陳雅
游屢接沈香亭北行催芍藥之詞白玉堂
前愧伴梅花之直薄儀侑祝副穎濟清

賀鄧善之脩謨

伏審儒林著望詞苑貪賢趨近署之清班
贊中朝之元化光膺異數乞際重熙敷緣
肺腑之私庸寫智臆之蘊切以王言之制
始公於唐人文之精特感於宋故便於宣

讀者必資諧叶而直以訓告者當務簡嚴
作者數公流為末派學疎而才勝每師浩
汗而失於麤疏記贍而思遲必慕數腴而
拙於裁翦鳧鶴不續蕭蘭莫分蓋洗金以
鹽當研物理而攻玉必石有假朋從歷年
滋多此道不競藏名淵默莫窮龍虎之變
騰處友善柔徒欣牛馬之奔走望風隨其
藏否疾才撫其短長有符東晉之清談自
謂西都之舊作昔若實不為四六語未嘗
失朝廷之尊而溫伯輒草廿二麻豈害為
錢穀之吏必此為士其何敢言然作新斯
文是在吾黨復古之道誠惟今茲起八代
之衰昌黎固專其事振五季之弊師魯亦
預有功樂在群居道無孤立伏惟脩謨學
士丰姿凝湛雅量豁淡大音希聲儼一獻
九奏之意玄酒不和成百拜三行之儀中
和養其本根英華發於情性譬若夜光明
月衆咸以為寶珍方之咸鳳祥麟人莫窺
其形狀陳太丘之容衆王茂弘之盡懼以
為黼黻帝猷曷取竟寧之事丹青神化獨

正始之音，精切講門，功早親庭，誥按諸老之源委，不知者謂得真書道前賢之心，期無聞者，猶譏曲說懼廢三槐之緒，聊希五柳之恬，為可汰之枝，官守不求之樸，論要漸傳，後寧望叔，遷欣親除書缺，脩賀記，幸燈火平生之舊道，江湖相忘之，言人皆曰賢亦既，遂彈冠之願，老而能學，當益思炳燭之勤，敢效頌規，斯為處典。

曰趙太社

仗以豎燎扶朝陽之光，敢居斧藻贈紹得明月之報庸，謹罷緄三復先猷，重陳素欵，切以屬辭比事，匪遵魯史之舊文，微顯闡幽，允正周王之大統，無傳而著，惟道是明，然而獲麟之箋，有郝神怪失魚之訓，詎止觀陳終然賣餅之譏，藁爾垂疏之喻，泥天正於長曆，循夏五之闕，文郊用辛而非長日之時，禘尊祖而雜園丘之謬，清言何補墨守，徒矜投膠澄百尺之渾，引髮舉千鈞之重，首勲咬趙心學，郅程義理，精明賴先儒之啟迪，權衡輕重，資前哲之贊揚，嘗窺

西周之簡編，浚陋後王之典禮，致太平者猶有辭議，言五伯者殆無全人，廢學熙寧卒致為我之歎，尊王慶曆遂多刻吏之朝，人物眇然，年運而往，伏惟大尹學士山林圭組，燈火詩書，返袂高歌，法天時於五始，下帷坐授，悟人事於三微，載惟先正細體奏對之書，是為後學青箱纂輯之式，集於於腋端，有假於翼成，洗金以鹽良，永懃於厥索，摘因學有志強，任無功百年雁塔之聯，登季世龍門之末，至藥胥卑隸，捫心有感於同時，管鮑交朋，掉首未逢於知己，翕然針芥，終以絲蘿，萬二千五百家為鄉，豈無好學二百四十餘年行事，聿親成書，攤篋以陳，袖函非禮，尚祈矜采，俯賜鑒融。

曰趙太社鄉飲

習鄉上齒，咸推大里之典，刑隆禮尊，賢幸屬貞元之耆，舊矧蟬冕三公之地，在衆比一變之切，人物眇然，年運已往，於梁雙魚之牘，孔昭二馬之期，入學祭典，脩頤廣太平之盛，觀升歌主人獻，敢隨後進以同登。

回趙太社

切以百人逐兔祇益苦心一朝解牛敢煩
 敏手念洛社久存於鄉約而杜陵或廢其
 家聲宰肉莫均拔毛不與仰止金刀之禮
 樂陳茲典午之春秋無以易堯不如歸趙
 翠飛巫而禮讓堅縮衷以勞謙君子是憂
 貪人斯幸潛魚畏餌雖自潔於水中群蟻
 慕羶卒相緣於堂上其為計則得矣獨竊
 議其可乎難以立談終祈卧治堯五石而
 無用其果不能粟萬鍾以何加願茲可陋
 僉謀懇切童瀆矜融

壽徐德剛以日

涼生兔子瑞應麟見玄祖流芳歲遠猶傳
 其玉硯黃姑停宴夜分瑞侯於銀津家聲
 之克振可現定相之淡期有在梅陳人愈
 拙妙語莫工望閭里之葱蔥阻舟航而取
 耿九五一日壽頌益窮呈極之書四十不
 動心矧已開中年之衰薄儀備祝善頌增
 情

謝程承旨

爵人於朝已甘遜避譽髦斯士忽被選掄
 小已惟驚大鈞有自切以王言之制炳若
 日星帝令之行潤如風雨三代訓誥誓命
 之作理雖同而體實殊累聖歲月日時之
 編事若近而書音備簡嚴足以成信史清
 切然後為 人才非甚長藝莫能擅皇明
 啟御文治典圖漆書汗簡之奇來者不絕
 金泥玉檢之陋卻而未遑寬大之詔數頌
 遺逸之聘屢舉宜得鴻碩以贊雍熙大鵬
 乘風乃鸞鳩之斯集長鯨失水願樓螳之
 所凌闕涇渭之孰分慨薰蕕而同置拾芥
 而取青紫彼謂不難相馬而視玄黃曷云
 有遇炙手可熱涌氣如山生能齊言豈莊
 歲之所變耻與贈伍何淮陰之過高惟未
 俗之寔繁斯高士之不競離明有照渙汗
 聿新鍊金於陶冶之餘煮海於剛鹵之後
 聚毛雖醜擢象是精懸水鏡於廟堂今茲
 選衆審銓衡於臺閣風已簡僚閭巷駭聞
 江湖翹首稱之不佞人能具言性褊介而
 弗通學固陋而無補少承諸老欲窺龍馬

之祕圖晚效一官淡愧蟲魚之曲學守西
樞之遺緒望北門之後塵侍坐松階占對

或言其可教散襟茅宇倚歌人數其太迂

雖慙殺青之工僅免尸素之誚既云美辭

寧敢強留蒼狗浮雲幸逸物論白駒過隙

謂失事換蠖久屈以美伸鴻已飛而何慕

私以拙緯之說見敢言出綽之舊章知之

非艱試可乃已泛觀唐世歷攻宋朝之白

才高必授題而方拜歐蘇望重免給札以

即真誰謂秦無請從隄始惟智行其無事

於人何所不容然而爭進駢有一兔詎堪

其百逐苟觀束手前禽終失於三驅彼非

招而不來羗莫為而遽集議由鷓鴣切在

鑿坡此蓋仗遇某官問世宗工先朝之老

文諧律呂八音振而四懸成智合著龜六

虛周而三極建既任棟梁之重彌深參朮

之儲謂立賢無方當視朔南之員幅允成

人有德豈拘州里之遠迨夾袋初騰青種

已復稱蒙恩若是圖報謂何欲酬國士之

知頗假客卿之對承明三入莫能書赤麟

白雁之祥滄海重游要飽識紫鳳天吳之
異寸心有在千穎莫彈

謝李承旨

五載辭榮已安初服一朝出命遽復舊壇

三已何慙重來有覲切以太史編摩之所

翰林清切之司貴慎密而熟於憲章尚精

敏而達於事勢欲取個儻絕群之士將貽

落魄無檢之譏苟從依違寘言之人必致

貽章不稱之弊原昔養才於館閣之地蓋

當責效於廊廟之時文治日興皇猷淵默

委諸元宰予以彰銜石之無偏詢於輿言

足以知芻蕘之可擇克謹天戒慎簡乃僚

肩摩足累之徒揚鞭而避巖棲穴處之隱

按浙以來劓聲教久敷於朔南而忠信可

行於鹽豉拔茅以彙采葑不遺有如苦窳

之蹤亦預陶甄之選茲蓋仗遇某官精忠

貫日盛德格天高宗之得傳巖營求諸野

成湯之於伊尹學焉後臣彌窮成性之存

存益著匪躬之蹇蹇以匡王室其代予言

惟官府一體之意深念君臣同心之會罕

願因知己庸敢竭愚難得者非常之機易
失者不次之過方今輿地紀載悉歸于梯
航觀闕會朝相望其冠蓋東漸西被上際
下蟠法過密則煩擾而不安救愈多則姦
偷之滋幸理錢穀雖號為俗吏當究其出
納之源議禮樂實本於儒生孰明其沿革
之理同風俗以合志尚敦朴素以去奇衰
言舉斯心可運諸掌然文盛必有武弊而
陽長尤懼陰來積薪憂燃非賈誼之過計
前籌借箸乃張良之遠謀和羹難壹其酸
鹹成錦易工其萋斐有懸高鑿矣假謏言
摘累世詩書百年簪笏與銅臭而同傳敢
謂未然為瓦注以自怡不幾於佞當朱門
炙手之日乃清林散髮之秋著書期身後
之名擊岳遂山中之樂恩蒙乘傳非所擾
以屏營技止操觚將何為而報謝念承明
三入而莫補望天門九重而莫通大書特
書執筆難施於青簡一命再命循牆滾愧
於素餐曷稱獎提惟肩樸直玉堂獨掩愧
江南送客之情懷衡宇載瞻形稚子候門

之夢寐願安靜足以盡感戴

賀曾提舉

茲審望領儒先道光王化宣尼乘桴之意
豈果居夷幻安履遠而還殆將易俗登瀛
可俟藏舟以須伏惟某官妙思春雲壯懷
秋水掣鯨魚而游員嶠奇觀畢陳踞龜殼
以挹浮丘妙言合奏身寄神京之陸海曾
藏東壁之木天允議居中詎宜補外摘屠
龍技拙倚馬才踈詭御以告王良則云豈
敢執鞭而慕晏子尚或可能不腆儀羞無
文敬在

招俞光遠入塾

七歲入小學幼儀滾著於曲臺三年通一
經但諳敢誇於東魯先猷滋遠穎識無聞
空多老翁不量力之謀莫慰大賢願汝為
之意伏惟教授學士矧頑妙手注巧良模
樂矣誨人陋孫寶之避舍幡然就道知李
耳之入關談經排狗曲之朝挾策取兔園
之固以身徇道初何愧於古先辭富居貧
益有規於雅量尚煩負劍辟耳之訓以成

麗埽應對之儀，虛左以迎，側躬而俟。

清容居士集卷第三十九

清容居士集卷第四十

啓疏附

回宣城郭教授

雷煥

江左諸賢，夙慕敬亭之山水，洛中九詠，肯言京邑之風塵。擔簦而賜璧，一雙馮軾而下城。七十奇節，矯亢高名，激昂伏惟教授。學士藻思春雲，丰神秋月。子綦隱几，立言深愧於炎簷。林宗墊巾，置論匪鄰於危叢。脫穎悟折衝之敏，發硎窮肯綮之情。流涕力疏於治安，多病耻陳其封禪。懷章宿郟，知富貴之有時，棄繻入關，審功名之可卜。方盛世興賢於郡國，詎長才抱道於草茅。雲龍類從冥鵬，運徙遼選金臺之彥，孰敢居前深藏寶劍之篇。豈宜緩後方爭求而識面，謂鼎來以解頤。顧懷刺而却行，將舉扇以疾避。長箋鯨掣鄩室，珠輝摘學殖塵。荒經畬德墜，儒林丈人之源委老矣。亡傳子墨客卿之詞華，終焉自失。每念空餐而增戾，誠思拔茹以避賢。位卑語輕，望淺任重。吾徒掌帝之制，弗稱絲綸。君子贈人以

言有慙斧藻永繹其旨不知所酬伏希亮察

答郭山長

家近神山那有望瀛之想祿尸玉署每慙玩歲之羞將賦式微之歸忽膺連茹之寵捫心悽愴揆分僥踰稍智不逮人器非越衆老而能學永希先世之勤樂以忘憂欲迷聖門之志考茲盛代尊彼儒流選部推毛之精崇文拔犀之舉謂南士後至難效盧前而靈宵遠尋所宜隗始白駒空谷振鷺西雖有來琳琅之書彌重錦繡之段客師之遇跛男子佞若倒之汾陽之許謫仙人于今驗矣韻藏是謹傳誦惟薦

回府學觀禮

瀛州清切甫賦歸休泮水肅雝適嚴秩祀方謹陪庭之儀注遷承異牘之詞華進執豆籩升聞金石惟素王道德之懿合蒼姬文質之宜謂巍坐光榮不幾淺陋而成令炳著斯為故常深嘉絜己以作新共企傳恭而復舊奉璋相事敢居髦士之先執禮

導前難免鄙人之誚

答朱生

一還故里今安野鶴之閑三入承明衆咄黔驢之技搗毘淒其已化捫心省以獨慙粲然霞裾申以冰蘄蒨室獲兼金之耀衡門駭織翠之奇伏惟賢良學士汗簡功深韋編思切議詞章之弊肇於揚劉發騷雅之幽擬於屈宋單出雜比為律呂五采一就今等夷靡然變藻績之工綽矣成灝噩之古然而明理者鄰於直致修辭者萎於曲裁謂箋記止媚上之文能之實少而制誥得倣衆之體作者猶難稱金匱世官青箱家學嘗自處於木鴈深有晒於土龍史乏三長敢述馬班之制作經迷五始莫推啖趙之淵微事與願違志隨年往幸親清修之標度得據磊落之襟期針芥有投漆膠彌固贈以繡段拜雖亟以莫辭酌彼金壘禮未成而先醉輪囷有感厓略是酬

回楊編修

綴班玉署悵諸老之川流晉秩金華撫微

躬而涯返選繇鼎鼐事駭措紳方虞按劍
之疑忽荷遺珠之贈伏惟編脩學士文裁
錦段思湧繭絲目無全牛論固輕於餘子
智專老馬語或齒于陳人每憐炳燭之勤
能破炙轂之辯嗜同昌歎玩比懸黎既接
壤於片雲復盍簪於中禁事云有章時不
偶然稍久困京塵宜收朝蹟望蓬萊隔弱
水肉羽雞勝歸鄉里授諸生丹心尚炯敢
因衰拂庸寓推誠

賀戚戶曹七十

光令華旦瑞啓希齡兕觥以躋公堂允資
裨贊鳩杖而游鄉校實賴主維人瞻壽骨
之有傳天挺蜚聲而彌壯栢陪游再世縻
繫一官望廣頽之彭篋雲烟縹緲想脩容
之姑射冰雪湛凝侑慶薄儀別陳副楮

回韓知州

伏承劄翰俾篆碑顏詳讀再三莫殫萬一
靖惟先正按察相公智謀超俗勇略立勲
東西戰壘之出奇左右屯田之擇便矢穿
楊葉彤弓昭

大帝之恩斧破豫章金符儼百神之助烏
府鵠澄清之譽紫樞彰鎮靜之謨薦士惟
公共擬巨源之識量聽訟以理未夸廣漢
之精明至若更異代而振家聲以孤兒而
傳宦牒績爲罕匹人所難能編摩已著於
穹碑揚厲宜歸於汗簡伏惟節使相公窮
神述事立身揚名繼世象賢牧守之任相
接爲政以德撫字之念彌加安陽之圖譜
可尋潁川之風猷如在昔聞惟二今見其
三某演詰罔功紬書無補龜趺屢鼎幸附
驥以託名薑尾參差願濡毫而作傳尚餘
叅覲統祈鑒融

壽史允叟

數周甲子壽開絳縣之年瑞後中和慶萃
金閨之彥槐堂馥郁榆社歡榮伏惟某官
服食頤神希微養智撫松筠而閱歲霜雪
不移調茵鼎以樂天烟霞自得方將友安
期於瀛海揖子晉於緱山坐觀盛衰笑視
今古招邀親黨願成二老之風流約集耆
英共繼九賢之真率薄儀侑祝副楮別陳

楚甥定鄧氏

西州勝士久欽翰墨之芳南國故家自笑
冠裳之冷幸託根于外氏獲聯蔭於清門
不假揄揚遂諧婚對伏承某封

德

參女史訓服姆師從子公楚習有童心才
猶凡品每慙鐵鑪步之誚敢意玉鏡臺之
緣敦義有加申盟無數陳不腆之幣爰以
敬初叶和鳴之占永言綏後臨風瞻倚執
筆感愉

趙氏請婚代作

明珠當道愧無因而至前幽蘭深林敢不
採而自佩庸假蹇脩之力允諧懿氏之占
伏惟某人朗鑒冰清義襟河潤品題吾黨
合閭里之衣冠縹藉斯文振家庭之詩禮
有懷聯事歸擇賢宗不煩千金之致詞端
籍七寶之合月翠屏宜晚行叅群從之游
白水同心益觀片言之助輒干將命恭俟

報音

長女許適趙氏

西府垂芳遺編僅守北門視草一疏獨高
興懷二老之盍簪屈指故家之傳坊前言
儼在嘉命是恭伏承令姪同知壯慕直清
仕版方堅於冰蘖而摘長女某幼遵婉婉
閨儀粗習於絲麻眼空餘子之隨群人議
迺翁之擇婿察其素履終以淡成萬里遠
歸自訝子平之拙百年偕老願諧敬仲之
占腴禮莫酬副書以載

次女許適趙氏

伏以漢庭甲乙曩已託於同年商邑後先
適相符於十載仰止青雲之素巋然喬木
之存施于孫曾成爾姻婭伏承長今嗣學
士思深象管譽已藹於階庭而摘第二女
某工謹鞶絲職粗遵於閨與末習競夸其
侈靡吾徒宜守以儉純此道清風斯盟白
水仕非為貧也願早觀金題玉躒之奇言
得無訥乎已預述竹筍練裳之簡有嚴報
禮庸謹副楮

回余氏議姻

成季之勲象賢是嗣有媯之後教順惟懃
念脩程方歷於冰霜而賤跡幸安於田里
事適相偶時何敢違聿來金薤之華申告
瓊茅之吉悉蠲繁縟以奉周旋直道而行
固官箴之攸謹外言不入在相範之必嚴
匪惟弱息之有歸益見清門之足法奉板
輿而調鼎膳所願事姑入玉堂以復家甄
敢云傳壻莫攄喜臆庸致規言

季女許適余甥

百年事契仰止高曾再世婚姻施于姑姪
念造端於幼歲獲締好於今辰允目氣同
抑光肺附伏承令姪洒掃應對久遵壽母
之規桐女保抱携持夙賴大家之訓展也
衣冠之緒凜然弓冶之傳人亦有言吾爲
此懼魯衛兄弟禮已判於立談秦晉舅甥
事益難於坐視勉焉亢植稱爾獎提

叔女許適史氏

秦晉甥舅之國論世可知朱陳嫁娶之村
披圖儼在惟華闕孰比肩而擬廼僑門爭
接踵以前威德有容寒宗異讓伏承令姪

孫承奉衣被儒素綺襦之侈靡聞而拘女
服習女工鞞絲之精未解念游宦久塵於
當路而婚姻馴致於失時立談壁雙訂諾
金百練裳未備敢云九十其儀鐵硯可傳
行奏三千之牘

回史氏聘

宦路因循莫酬宿諾相門清遠猶守舊規
荷崇薦之愈加審姻婭之攸自書來尺素
禮重兼金歌標梅之詩懷惟有慊效投瓜
之報愧莫可言

瑤請婚史氏

元老傳宗專清名於碧止彌甥承緒徵餘
福於滄洲百年婚媾之孔昭再世姻親而
允著伏惟某官某封 內闈服習手
締繡以益精而桐男辟水從游躬簡編而
粗謹唯闕閱吾徒之當保何閭閻餘子之
爭前謝彼濁流成是古道納采用鴈欲男
女之及時端策拂龜審公侯之復始敢陳
薄禮庸載副械

羊氏招贅書

代作

中年婚對每深禮本之思晚歲家聲猶守
 儒林之舊盟既諧於築館事宜免於御輪
 老矣無能視之猶子伏承令嗣學精細帙
 才詎止於目前而某女某功謹繫絲情難
 離於膝下受餐願同其甘苦奉匱深謹於
 寒温既重久要敢辭先施青氎硯在敢言
 翰墨之有傳銀燭屏開豫卜門闈之多喜
 疏

易州文廟疏

聖人之道極覆載莫得而名神明之通若
 淵泉無往不在維上谷之古郡實陪京之
 奧區脫戰國任俠之風服五經仁義之訓
 化行衿佩家有衣冠然而揭虔妥靈廟堂
 之制未舉設儀辨位邊豆之禮莫施雖像
 設之教啓於後人而神棲之宮見乎累代
 事闕我輩天祐斯文泮宮作詩願同功於
 史克鄉校有頌豈專美於鄭僑敢不盡心
 幸來胥宇翬飛鳥萃佇看不日之成玉振
 金聲共享無言之化鄉閭樂助庠序增榮
 贈陳無我凌波圖疏

右軍換鸞經不了生前之債東坡賣馬券
 要求身後之名然而畫餅豈足充飢須信
 望梅亦堪止渴菊南道人璫璣古學瑚璉
 雅材江漢秋風付經綸於獨笑冰霜晚歲
 寄漫浪於一官食苦若而論事不休坐胡
 牀而倚聲自若寧為雞口任刮龜毛丈夫
 豈願憐出門何礙平生不道乞對鏡奚慙
 信天公之記已成孔方兄之交頌絕雪車
 豪士會須奪吏部之金秋水達人寧復債
 監河之粟知心惟一具眼無雙

張玉田歸杭疏

采藥神山悟朱顏之今昨呼猿靈鷲勞清
 夢之去來要當青鞵布襪徒步徑歸誰信
 黃絹色絲空言何補弄笛恨邊雲慘澹坐
 窓惜江月淒涼落葉孤尊無復金貂之慷
 慨古梅千檻空懷玉照之風流食肉之相
 已非解牛之技焉用焦桐未遇斷木自慙
 風雪江湖肯後當時之置驛交游金石定
 先桑子之裹粮郵騎驢灞上之寒遂跨鶴
 揚州之願滕行而謝綰載以歸燈火話平

生慰老弟兄之白髮詩書娛晚歲還名祖
父之青氈恩極無言情陳有靦

周可竹移居疏

借車載家具已知生理之踈騎馬傍人門
可怪言辭之拙相期青眼少尉白頭可竹
教授清比叢蘭臞如野鶴無殘盃冷炙之
色有簞食瓢飲之安鼓琴授生徒近馬季
長之標致隱居任漁釣入方玄英之品題
幾經茅屋之秋風厭聽小樓之春雨烏鵲
三匝鷓鴣一枝欲尋菟裘之謀難課兔園
之效昔和靖處士享西湖之樂不以告人
然康節先生買天津之居嘗聞釀衆既自
慙於啓口要當會於知心不惜一言毋煩
妻請門多長者共成來往之歡尊有賢人
不廢倡酬之適鄉間佳話湖海高風

許路教入館疏代人作

道喪於千載之餘談經者逐章句之末士
奮於百代之後言理者析天人之微不有
淵源孰爲矩範某人學優聖域譽藹儒林
先風霽月之心曾莫窮其蘊清泉白石之

志趣所養者深名羞少室之山人衆羨關
西之夫子得英賢而教育終愧顓蒙美威
德之形容莫殫善頌却前而請虛左以迎

趙太社刻春秋法度編疏

列國寶書慨混茫而亡紀三陳鐵槌洞消
息以深憂永瞻黍離之遷迄成葵丘之會
蒼姬凜在素王是專攷牛耳之盟悉淪於
誣矯推麟趾之應莫拔於襄顏匪惟凡例
之嚴是曰筆削之正然而隕星退鷁非有
敗褒歸贈求車實淪典禮直書其事足以
誅亂臣之心曲說以箋殆有若法吏之口
三傳角立羣儒狐疑維昔師臣侍經白帟
今有賢子紹業青氈討論無歌向之嫌文
獻續間平之美年運往矣風猷儼然幼讀
父書若擣珍以和於舉鼎老嚴家訓雖嗜
芟猶守於加邊泯然鄉校之闕遺懼爾世
卿之淪靡願廣傳於琬琰庸不墜於箕裘
白首書成允遂殺青之志清門人在益章
壽梓之功

戴先生刻遺文疏

羊公峴山之碑深懷身後白傅雞林之集豈較目前是以壁中之藏咸嗟其斷缺航頭之獻或議其改更念茲汗簡之勞多孰若壽梓之功博生乎今者嘗忽夫近志于古者或知其非爰舉耆先以告茂異剡源子少負奇志脫成大名漱六藝之菁華窮百氏之源委如得温璞以成連城之璧若衰吉金以合四懸之鏞世方尊崇老益平實夫人既慕其學是宜家有其書失今不圖斯咎誰執十年之計在木庶得廣傳同心其利斷金允宜共贊不在是舉曷成斯文穆叅軍市上之酬敢求美價蔡中郎帳中之陋徒蔽備名

尚仲良刊醫書疏類長少取仲景書為十圖

欲觀日月星辰壽咨繪畫多識鳥獸草木具訓傳模矧左圖右書之教備存內榮外衛之微莫辨張長沙類四證以明治病之本朱南陽衍百問以推用藥之原其書雖完厥理難究爰有多聞之士聿成一覽之圖考百藥之君臣推五行之母子分弦濫

於坤艮別表裏之陰陽若游建章咸彥通其門戶猶入武庫悉能名其甲兵允得於心如指諸掌欲推己而傳世必假衆以全功張廣樂於鈞天詎資聽瑩挂高堂之素壁端便覽觀共勉揮毫所期刻楮

陳晦父致仕還家疏

挂冠神武注晚歲之蟲魚歸老鑑湖了餘生之麴蘖駭士林之一見合選部之二宜喜在眉端春生足下湖西致政陳教授長材韞匱敏手斷輪破帽塵侵不辨支離之粟矮簷風急徒賡骯髒之歌鳥信天以無愁揚厄閏而彌老李太保亦為之惠米固以眼青蘇司業時賴其與錢終憐頭白漫浪江湖之迹淒涼山澤之癯囊無一錢室如懸磬扁舟下吳會願共謀屏屨之貲騎鶴上揚州庶益遂衡門之樂

金陵鄭生應炎道士疏

北闕上書著詠受奠於唐主南山種豆貽言增禍於漢朝生也有涯安之若命金陵鄭生精神玉絮辭辭春霏負笈登途謂功

名之來可立致下惟講道審義理之得為
無窮淒涼灑水之情懷隱約金陵之夢寐
將置身於方外行抵掌於人間柱史猶龍
匪宣尼之私論塞翁失馬詎莊叟之寓言
斷于乃心告茲多士青精顏色深培素篇
之功白日羽翰必假刀圭之助渝盟天厭
效義風從

真定劉謙父葬母疏

貧廼士之常命有拘而淹屈孝為行之本
力不逮以因循歷觀聖賢夷考傳記脫驟
之贈成於斯須挂劍之酬定於往昔蓋惻
隱為人之固有而忼慨則世所共難謙父
提舉臺閣蜚英江湖漫仕郎潛衰矣蓋百
瘡以自怡吏隱蕭然粟五秉而誰助假牆
壁以葬其先母閱歲年莫返其故居雲聳
松楸難合延平之劍煙迷鄉國侶隔蓬萊
之山傾麥舟則蓋有其人指米廩亦當繼
其事古推任恤義濟厄窮觀百金為壽之
鮮誠為過舉輟一朝享客之費是在勝流
凡我同盟知此非僭

史朝甫鳩金疏

袞繡奮坊痛家氈之羽化簪纓故物存遺
址於霜餘非假熏修曷能永遠昔梁公有
廟以香火而綿長魏氏故莊因耕稼以蕪
翳肯堂之志敢替居室之資孰謀矧此地
號寶奎湖通碧沚四世五公之故躅十洲
三島之仙蹤道氣分紅塵之鶯勝槩接紫
清之邃王珣捨宅席丘之跡彌芳賀老棄
家鴻禧之傳益著願憑衆力允成勝因

華子固鳩金疏

顏淵希聖簞瓢之樂有餘楊雄好玄甌石
之儲不足道之充者身愈泰心之廣者貧
益安子固經歷游藝精深養神怡靜因五
行而知貴賤響若著龜閱千官而審盛衰
明如水鑑腰難折米口厭言錢監河之粟
誰償吏部之金莫奪廣廈寒士之願古蓋
有之綈袍故人之情今斯可矣一時傾蓋
相與揮毫

奇禪師住天童疏

身隔片雲更上玲瓏高處心如止水火明

清淨本源行藏不假於脩為去住靡容於擬議僉言推挽一笑承當伏惟天童怪石禪師潛雷在淵美玉蘊石法筵擊拂大辯若訥以難窮文室閉門掩息如灰而莫測澹兮守僧伽之鐵鉢寂然護摩尼之寶珠不滯一方難違衆論雲無心而出岫允稱拈提水有時而回川佇看興復祝聖主壽作天人師

冲禪師住補陀疏

平湖春藹久居水月之上方絕岸雲深要識海潮之瑞相雖神化無形而應感在世緣即境以示真選衆維公當仁無忝伏惟補陀太虛禪師澄源心鏡懸河辯鋒藏室眼空一滴果投於巨壑石盤手透正宗允紹於東巖對達官不下繩牀示諸徒靡煩禪板睽惟實刹上徹紫宸香帶絡繹於道塗車馬駢闐於島嶼發乎通見乎遠變現莫窮左畫圓右畫方應酬非易敢煩主宰庸闡拈提小白花香證西天之梵語空青水影印南海之圓光顯大士切祝聖人壽

壽國堂師住廣恩疏

法王寶刹殫億劫以莫窮盛德佳城考五傳而必復維 樞庭奉先而結構實木庵受畫以拈据子為孫孫為玄初無間隔公慙卿卿慙長卒致荒蕪羣議交譏諸方竊笑伏惟某人溥洞下之旨益密為山中之行最尊化鶴還家飛錫歸里翠浮松栢儼奇觀之舊模金透簷楹增清暉之秀色祝形庭壽廣綠野恩

南湖十六觀重修疏

想逐心生由思為而攝以觀行隨誠立積空假以歸于中推西方清淨之樂邦解群生昏垢之苦海法智尊者開講席於是山介然比丘肇化境於此地十六觀室炯銀樹之光明八千由旬儼紫臺之芬郁坐無虛位儀具清規巍哉騁三聖之現前拱衛恍諸天之如在若茲妙所允勝他方壞空乃算數之循環變幻成劫灰於瞬息睽維名郡素蹄相鄉信士孔彰法身不昧陳諫議以筆墨為之翊贊史中令傾金帛盡其

莊嚴古與今同事由衆攀掄梗楠於澗谷
采丹牖於陶鈞蓮花湧七寶之池貝葉集
諸香之案雲興膚寸徧龍澤而有年毛積
毫釐成狐裘之無價以斯功德作是因緣
庸報皇恩咸增佛果

永禪師還定水疏

百年得意大槐宮真成一瞬千載還家華
表鶴今喜重來山林以之鎮浮松栢爲之
改色去留何礙出處無心東州老禪骨格
老蒼宗玄真淨沙盆之破已補佛法無多
寒厓之倚如春機心盡掃厭聽蕉窻之點
雨竟歸茅屋以看雲塚間之約遽忘庵外
之事漸識微我弗顧盍歸乎來一宿閣中
寧許當年之掉臂三生石上會須今日之
點頭水已歸東車容虛左

儀師住天台飛瀑寺疏

如來四十二章已成經論天台萬八千丈
難與度量爰開祖庭以揚教觀天台飛瀑
寺儀公講師心懸水鏡辯雨天花跨遠道
以獨游觸緇塵而無染方且寄吟咏於畦

町之外退談笑于江湖之間惠勤來京師
歐公嘗進而與之語文暢游河朔柳子亦
序以壯其行二美適同羣言允愜挽之不
可去矣奚求飛雪懸厓捨枯薪而煮茗清
風夾徑對明月以倚松迥絕見知益增定
慧

真禪師住定水疏

古人冢間樹下是大道場彼處山色湖光
乃真長物雖三宿恐成知見然一擊終有
本原飛錫肯來虛車以俟真公長老松源
嫡嗣竹閣儒流大廈嶺擲衣了無諍語雙
峯山舉拂允謂報恩卧白雲以送千帆之
飛軒清泉以展一鉢之供爲仁由己斯道
覺民今年貧勝奮年幸尚有卓錫之地東
澗水流西澗儼相望埋玉之阡壽祝三宮
道叅七佛

寶林塔重建疏

如來以不二心作浮屠相至人以無縫手
成宰堵綠旆茲寶林名冠東越平地湧起
寶許玄度之勝因茲山飛來有徐會稽之

妙句徐浩詩故山昔飛來 雖佛燈之相續
柰劫灰之屢更萬里有行七層儼在中殿
記靈山之會已為天下之先康衢歌擊壤
之謠共效封人之祝雖云具足要在合尖
願力精專等童子聚沙之戲神通溥博謝
育王使鬼之能舉筆生風成功不日

東嶽興造疏

三宮空洞之中上通寥廓四海幅員之廣
實有主維古稱岱宗仁並木帝伸為神屈
為鬼端假去來生者養死者薦必資旋轉
三千餘里之太嶽七十二司之真官爰謹
鳩工用嚴象設居士垂鶴髮而成勝果詎
止一年懷州彌龍興而闡珍符永祈萬歲
丹青之費雖廣黑白之業可消煩孔方兄
之點頭須楮先生之落筆五穀熟而人民
育造化功深三階平而陰陽和生成道廣

西隱道院重脩疏

賀祕監千秋之觀門有水雲王大夫安化
之廬居多竹樹爰宅清淨以成勝殊然而
絳闕藥宮乃梵靈之所幻桂棟蘭椽茲地

產之所為若風落山水葉盡脫如舟在水
波濤相凌故卦氣示還返之方而丹經著
補服之妙茲維人事必假衆修告于棟梁
視我墻屋華表蘄其如故鬱羅儼以常新
俾來以圖還十二樓之森著神降之福祝
三千歲以遨嬉

脩桐栢觀疏

福地七十二所之最允屬金庭台山萬八
千丈之高實通丹闕維王子乘雲而稅駕
至僊翁禮斗以建壇谷神闡靈山君集異
瀑水千尋而橫練松花五葉以垂珠興公
之賦曲盡其瑰奇擇木之碑悉書其遠始
睽茲寶殿廼開元皇帝之經營致彼漆書
肇司馬山之展布歲月屢經於代謝風
霜曷任其枝梧羽人停鶴以興嗟客子控
騶而問故巍我道祖必資蠖漢以導迎縹
緲虛皇宜假靚淵而崇奉計匠詎涉旬之
可集商財非積萬以莫能瓊臺何昔日之
易成玉局蓋一時之神化匪資柱石曷濟
津梁鼯鼠飲河願早償清溪之水精衛填

海當有憐白首之心烟霞改觀以翱翔草木懷新而鼓舞祝崇萬壽道贊重玄

清容居士集卷第四十

清容居士集卷第四十一

議狀附

進郊祀十議狀

稍近奉

勅牒授稍前件官拜命以來實竊戰汗自惟慵鶯俚儒濱海螻處平時所習不過以雕蟲篆刺粉飾其固陋誠不自意俾獲擢用捫心顧影愈積愧靦思欲上報朝廷之萬一退揆素志願以上陳竊伏思念

國家車書混同之後聲文昭明典章純備議禮考文實惟聖明之大本觀會通行典禮今維其時然因循有待幾三十年得非賾歷代儀文之繇縟費用之浩博故由是而未舉也稍嘗質五經之本文較羣說之同異自漢而下良由鄭玄註釋殺雜遂不得其當若郊壇神位之侈靡牲宇尊壘之加多又皆出於東西兩漢之舊增益愈繇而古禮愈失有司益憚其費而不敢議若歲必親祀之說下至唐宋承平大盛

猶不能一歲一祀則歷代所行足以知非五經之正禮矣昔叔孫通奉漢高旨意成野外之儀獨魯兩生不至方是時承秦絕學使魯兩生孺為知禮其補三正誤當不至如叔孫通綿蕪而已故儒先惜兩生之不來而復議兩生之迂介金馬碧雞之頌茂陵封禪之書桷雖愚賤度不敢為獨懷區區之說以陳者實以郊祀為國之大事不應闕畧而未議方今翰林為清切之職典章文物悉自此成而衆賢肅和討論潤色不憂其不至謹獻所為郊祀十議以補缺佚備

皇朝之禮明郊祀之本其亦有在若夫登降燔燎之儀禮文豐殺之異非十議所盡當別具以獻知其綱則其目可知矣將仕佐郎翰林 國史院檢閱官袁桷狀

郊祀十議序

五帝不相沿樂三王不相襲禮所由來尚矣損益之道其旨同焉嬴政絕滅三代典禮臆為之制禮經廢缺殘灰斷壁收合於

西漢之世名為宗周而祠祭廣衍皆祖秦舊逮王莽尊信周官後漢二鄭申釋名義違異於五經者旁傳曲會皆得以合自漢而降言禮者悉本於此愚嘗紬繹經傳尊聞審問絜儒先是證郊社大典秦漢而下莫有疑義惟合祭同異其詳可得聞矣若郊非圜丘非天帝沿襲舊說卒無與正夫天無二日是天尤不得有二也五帝非人也然不得謂之天作昊天五帝議祭天歲或為九或為二或以變禮者為正作祭天名數議圜丘不見於五經郊不見於周官作圜丘非郊議后土社也先儒言之而復疑焉作后土即社議三歲一郊非古也作祭天無間歲議燔柴古經之可見者也周官以禋祀為天其義各旨作燔柴泰壇議祭天之牛角繭栗用牲于郊牛二合配而言之也禮成於周公未之有改增群祀而合祠焉非周之制矣作郊不當立從祀議郊質而尊之義也明堂文而親之義也作郊明堂禮儀異制議郊用羊魯禮也卜

不得常爲辛猶至日之不常爲辛作郊非
辛日議比郊不見於三禮尊地而遵比郊
鄭玄之說也作比郊議多聞闕疑先聖有
訓私不自量揆妄爲之說實有惡焉鴻藻
碩儒洽通上下其必有以折衷而深證之
大德五年春三月具官袁桷序

昊天五帝議

言昊天者有三說鄭玄六天之妄攻之者
衆矣王肅謂祭天有二冬郊圜丘春祈農
事若明堂迎氣皆祭人帝歷唐而下則謂
郊祀配天者爲昊天明堂配上帝者爲五
帝甚者因其說之不通併孝經后稷配天
本文而非之其說紛雜良由天與帝之號
不明故耳夫在郊者謂之天在明堂者謂
之帝河南程氏曰萬物本乎天人本乎祖
故冬至祭天而以祖配之以冬至者氣之
始也萬物成形于帝人成形於父故季秋
饗帝而以父配之以季秋者物成之時也
胡宏氏曰天言其氣帝言其性其說是矣
故由其在郊則以其遠祖配尊而無文之

義也由其在明堂則以其父配尊而親之
之義也鄭氏六天本於讖緯攻之者雖力
而卒莫敢廢漢魏以來名號不一漢初曰
上帝曰太一元始曰皇天上帝魏初元間
則曰皇皇天帝梁則曰天皇大帝至唐始
曰昊天上帝從長孫無忌之議而廢六天
之謬後復尊鄭而不敢廢者蓋鄭氏謂星
經之天皇即周官之昊天上以合夫周官
而下復合夫從祀於是郊之所主爲昊天
而其壇之二等復有天皇焉此存鄭之說
至於唐宋而不敢廢者以此也王肅言明
堂爲人帝者固非而攻王者未嘗不泥於
五帝至以明堂之祀五帝其來已久或者
又謂禋祀五帝爲祭天以此病肅然卒無
以歸于一當之論愚嘗獨謂五帝非人帝
其所謂人帝者五帝之配耳且五帝非天
也新安朱氏之定五帝有取夫家語五帝
之說天有五行木火土金水分時化育以
成萬物其神謂之五帝而不敢加天以混
之唐永昌之勅亦曰天無二稱帝是通名

承前諸儒互生同異乃五方之帝亦謂爲
天自今郊祀唯昊天上帝稱天餘五帝皆
稱帝證以二說則六天之說不攻而自破
五帝之誤可證而不誣矣獨黃榦泥夫鄭
學謂饗帝於郊而風雨節寒暑時非人帝
所能爲殊不知五人帝者若太皞是也五
人神者若勾芒是也今以五行之官名佐
成上帝而稱五帝何憂不能寒暑節風雨
時獨不可稱天帝以混夫昊天上帝之號
耳陳祥道言五帝無預乎昊天上帝其說
良是而下文言上帝則五帝兼存焉此亦
泥夫鄭說又謂明堂之上帝兼昊天與五
帝而一之其說又不通獨三山林岳言古
之祭上帝與祭五帝之禮以經推之禮莫
盛於周周之祭上帝亦曰祀天郊祀之天
明堂之上帝即一也郊祀從簡爲報本反
始以稷配明堂從備爲大饗報成以文王
配稷王業所始文王王業所成從其類也
祭於郊曰天於明堂曰上帝天言飛朕帝
言主宰也周官先言祀上帝次言祀五帝

亦如之謂大臣之贊相有司備具至其圭
幣則五帝各有方色未嘗與上帝混同也
愚嘗妄謂周官無明堂郊天之文先儒必
欲合於五經其說愈不可解天官大宰祀
五帝則掌稽戒後云祀大神示亦如之鄭
謂大神示即天地也是重五帝於大神示
也五帝之說盛於呂不韋之月令先儒嘗
言周官爲戰國時書故周官之言五帝多
於祀天而其禮之大者未嘗不與祀天並
玉樂雖重於上帝而充人掌牲牲止於五
帝小司寇之實鑊水納亨士師之沃尸及
王盥皆止於五帝詩書所載未嘗有五帝
之號尊上帝而黜五天帝要不爲無據也

祭天名數議

天歲有九祭鄭玄之說也何以謂之九祭
祀昊天於圜丘五天帝於四郊復立郊祀
明堂而爲二龍見而雩帝于南郊此九祭
也王肅之祭有二謂天惟有一歲有二祭
南郊之祭爲圜丘以冬祭其祈農事也以
春祭謂之二祭梁崔靈恩宗鄭而黜王不

過謂郊丘不可爲一而五帝之祀同爲天帝明堂之不可廢猶大雩之不可廢也自唐以後非六天者皆是而九祭之名微與鄭異者則謂春祈穀夏大雩秋明堂冬圜丘飛五帝於四郊爲九祭歷代尊黜異同不過出於三者之說愚獨以謂其說皆無足取證鄭氏之五天帝不得爲天前已辨之詳矣以圜丘南郊爲二者今帝爲太微爲天皇而非昊天之本名也王肅之祈農事先儒之言大雩愚請得而論之按月令元日祈穀于上帝憲嗜之小序春夏祈穀于上帝祈穀之祭非郊與明堂之比也善乎廬陵胡氏之論曰鄭謂此即郊按郊特牲云郊之用幸此云元日善日則不必幸郊特牲又云郊迎長日之至註引易說謂春今日漸長則此未春分也易說三王之郊一用夏正孟獻子云啓蟄而郊則此未啓蟄也獻子又云郊祀后稷以祈農事此不祀后稷而祀帝也足明此但祈穀非郊天大祭詩云春夏祈穀豈謂郊乎先儒亦

言祈者以民食之重有求於天不得與南郊明堂並而大雩之祭尤不宜與二大祭同議按春秋之書雩旱祭也司巫女巫巫之舞雩皆不得已吁嗟乎而求之義其甚者則歌笑而請禮之變也爾雅曰雩雺祭也春秋書雩之例三傳雖有異同大較紀其旱災之極若昭公之季年一月而兩書焉足以見夫旱之極矣謂夫子紀魯之僭者非也魯之雩壇舞詠而歸者非歟又按鄭注周雩壇在南郊之旁則非郊天之壇明矣詩之小序自歐陽氏蘇氏朱氏疑而去之者已久詳小序之箋則先已有疑於本文故其箋曰月令孟春祈穀于上帝夏則龍見而雩是與夫是與者疑之之辭也春猶得以祈穀言夏不得以祈穀言矣孔疏知是與爲若不審之辭復引仲夏大雩以祈穀實爲證是徇小序之失不若毛氏之置疑也祀天之禮有常有變有因事之祭若國故之旅于上帝師行之類于上帝天地之大哉疾病水旱皆不得不禱于天孰

謂雩旱而可爲常祭者也今定以南郊爲一明堂爲二此爲一歲之大祭若祈農事雖非變禮要爲祭之次者呂令固有議之者矣獨祈農于上帝誠不可廢而元日之祭不得與郊祭並故兩存而復議之

園丘議

園丘之名獨見於周官大司樂詩書春秋儀禮之所不載二戴禮先儒謂出於漢儒今不復引以周官考之園丘非祀天之地其本文曰凡樂園鐘爲宮黃鐘爲角太簇爲徵姑洗爲羽靈鼓靈鼗孤竹之管雲和之琴瑟雲門之舞冬日至於地上之園丘奏之若樂六變則天神皆降可得而禮矣函鐘爲宮太簇爲角姑洗爲徵南呂爲羽靈鼓靈鼗孫竹之管空桑之琴瑟咸池之舞夏日至於澤中之方丘奏之若樂八變則地示皆出可得而禮矣鄭康成釋以爲禘祭又謂天神爲北辰地示爲崑崙歷代相承皆謂祀天於園丘王肅之徒雖難鄭說能知禘之非祀天而謂郊即園丘園丘

即郊其說牽雜而不能定愚按園丘非郊也園丘非祀天之所獨鄭康成言之既不能合於詩書儀禮而於周官復有所背以周官之本文言之止言於地上園丘奏之不聞其祀天於園丘也况大司樂前云奏黃鐘歌大呂舞雲門以祀天神奏太簇歌應鐘舞咸池以祭地示夫祀天神祭地示其樂與園丘所奏實異則當以黃鐘大呂雲門爲祀天不當用園丘降神之所而遽言爲祀天之所也其祭地也亦當以太簇應鐘咸池爲祭地不當用方丘降神之所爲祭地之所也鄭康成知其說之不通遂釋前天神爲五帝日月星辰園丘之天神爲北辰後來紛紛沿襲其說而王肅六天之辨復混於祀天園丘之說不能詳明其本文而析其謬乃謂郊即園丘園丘即郊故崔靈恩孔穎達咸宗鄭而黜王夫大司樂既無祀天園丘之文而鄭氏天神復釋爲二有不待辯而明按釋園丘者謂爲自然之丘非人力所爲其說與爾雅合雍鎬

近郊宜或有此若後代國都於平行之地
將人力而爲之耶抑亦爲壇以象之耶或
曰圜丘祀天鄭康成必本於前代愚曰詩
書易春秋儀禮之所無者不必信鄭氏之
說本於秦始皇祠八神地主之圜丘又漢
武帝作十九章之歌以正月上辛用事甘
泉園丘二者皆非祀天鄭氏陰取之而不
敢明證其事若謂南郊即園丘北郊即方
丘不知周官四郊非南北郊之郊詩書春
秋之郊非園丘之制不得合而爲一謂祀
天於園丘者特鄭氏之說初非周官大司
樂之本文陳祥道禮書謂祭祀必於自然
之丘所以致敬燔瘞必於人爲之壇所以
盡文亦宗鄭之說而微異崔靈恩義宗亦
宗鄭黜王而所謂郊即園丘園丘即郊之
誤乃不能正其說歷漢至宋諸儒悉不過
以周官傳合於詩書春秋滋以啓後來之
誤故爲之辨新安朱氏亦疑大司樂本文
五峯胡氏非園丘天神降地

示出見
文據

后土即社議

周官無祭地之文先儒言之詳矣而其言
近於地者有五曰地示大示土示后土社
是也鄭氏之釋地示則曰北郊神州之神
及社稷夫以北郊為祀地此祀之大者不
得合社與稷而言合社與稷是為三祀非
祭地明矣曰大示鄭無明釋或謂大示乃
地示之大者祀地以北郊為大則地示之
大者將何以祀之曰土示鄭謂原隰平地
之神此又非祀地矣曰后土鄭氏則直謂
后土黎所食者后土官名死為社而祭之
又曰后土土神不言后土社也其答田瓊
則曰此后土不得為社者聖人制禮豈得
以世人之言著大典明后土土神不得為
社至於太祝建邦國告后土鄭復曰后土
社神獨此說違戾特甚啓歷代之訛謬實
自此始按尚書曰告于皇天后土孔注曰
社也泰誓之宜于冢土亦社也召誥之社
于新邑者亦后土也甫田之以社以方注
社后土也后土與社皆地之稱今悉疏經
文之可證者而言之泰誓曰郊社不修禮

曰祭帝於郊所以定天位也祀社於國所以列地利也又曰郊所以明天道社所以神地道又曰郊社所以事上帝又曰明乎郊社之義又曰禮行於郊而百神受職禮行於社而百貨可極若然則社即后土后土即社鄭氏之釋大宗伯既以黎所食者爲是而復有所疑而不決於是答田瓊之問以后土不得爲社四者之說更相背戾而方丘北郊復爲二說終莫能定至胡宏氏始定郊社之義以爲祭地於社猶祀天於郊也故秦摭曰郊社不修而周公祀於新邑亦先用二牛于郊後用太牢於社記曰天子將出類乎上帝宜乎社而周禮以禮祀祀昊天上帝以血祭祭社稷別無地示之位四圭有邸舞雲門以祀天神兩圭有邸舞咸池以祭地示而別無祭社之說則以郊對社可知後世既立社又立北郊失之矣此說足以破千古之惑故新安朱氏中庸郊社亦以社爲祭地取夫胡氏而獨以其廢北郊之說爲未然愚按北郊不

見於經獨見於鄭氏鄭氏之比郊非至日方丘之祭攻鄭氏神州之說者多而不能辨鄭氏比郊之不經攻合祭之說者力而不攷以地爲郊之失亦始於王氏郊以祀天社以祀地謂郊爲祀地吾知其不出於六經也春秋書魯之郊止於郊天不聞其郊地也用牲幣于社間于兩社皆天子之制也謂魯爲僭郊社則可以魯郊爲祀地則不可雲漢之詩曰祈年孔夙方社不莫又曰自郊徂宮宮社宮也告天地之禮郊宮爲二則詩之郊亦非祀地也朱氏亦曰周官止言祀昊天不言祀后土先儒之言祭社者爲是其言周官禮大神祭大示皆無明文是深有疑於周官之非全書也或謂社不足以盡地此蓋因諸侯大夫皆得立社遂因此以致疑按大宗伯王大封則先告后土又曰建邦國先告后土謂之后土者建國之始稱若武成之告于后土者是也左祖右社親地之道也此言社之名成於告后土之後也先儒謂尊無二上故

事天明獨行於天子而無二事地察故下達於庶人而且有公私焉胡宏氏曰諸侯之不敢祭天猶支庶之不敢繼祖也諸侯之得祭地猶支庶之各母其母也其說爲是且社有等差至於州黨族閭愈降愈少獨天子之社爲群姓而立王社之說孔疏謂書傳無文其說莫攷陳祥道釋社后土之辨終泥於鄭氏至謂建邦國先后土爲非社曾不知社之未立其不謂之后土其可乎

祭天無間歲議

古者天必歲祭三歲而郊非古制也然則曷爲三歲而郊也三歲之禮始於漢武其祀天也不於泰壇而於甘泉壇有八觚席有六采文章采鏤之飾玉女樂后之異鷲輅駢駒之靡瑄玉寶鼎之華其禮也侈其用民也勞如之何其勿三年也至於後世不原其本而議其末三年之祭猶不能舉其能力行者若唐之太宗享國長久亦不過三四至宋仁宗以後始克遵三年之制

夫三年一祭已不得爲古則一二舉者尤非禮也蘇氏曰秦漢以來天子儀物日以滋多有加無損以至於今非復如古之簡易也今所行皆非周禮三年一郊非周禮也先郊二日而告原廟一日而祭大廟非周禮也郊而肆赦非周禮也優賞諸軍非周禮也自后妃以下至文武官皆得廢補親屬非周禮也自宰相宗室已下至百官皆有賜賚非周禮也先儒又曰古之郊禮以事天也以報本反始以教民尊上也天子前期齋戒命冢宰摅百官而蒞事焉事之莫尊者也近世則變矣三年而一郊其所事者則軍旅億醜之賞賚耳事軍旅億醜之賞賚則誠不專於享帝制不一於報本夫郊以報一歲生物之功也夫豈三歲一生物而三歲一報耶古者大路素而越席大圭不琢大裘不飾牲用藹栗器用陶匏謂德產精微物所以稱故其文至簡而其誠至愨近世盛鑿輅冕服珠玉金縵之飾唯懼不華內闕觀宮一夕之具唯恐不

工其文至繁而其費至廣豈所以降格天神之意邪如是則郊天之禮自漢而下皆非古制禮樂百年而後興誠能如三代之禮其繭栗陶匏費不為甚廣嚴壇陛從祀之位止以始祖為配則千百年之廢禮墜典由是而舉豈不甚盛其或不與祭則如大宗伯所謂若王不與祭祀則攝位鄭氏之釋量人亦曰冢宰佐王祭亦容攝祭庶幾破千古之陋上以合於天道而下足以解諸儒之疑議云

燔柴泰壇議

儀禮覲禮曰祭天燔柴祭山丘陵升祭川沈祭地瘞祭法亦曰燔柴於泰壇祭天也瘞埋於泰折祭地也爾雅曰祭天曰燔柴祭地曰瘞瘞祭法爾雅雖各自為書而其說與儀禮合者獨燔柴無異周官曰以禋祀祀昊天上帝實柴祀日月星辰禋燎祀司中司命飗師兩師夫周官之柴歸於日月星辰而以禋祀為祀天是不與儀禮合也禮器曰至敬不壇掃地而祭不壇非燔

柴也掃地而祭非周官之祀也合儀禮周官禮器三書而言之實有不同自鄭氏必欲合三禮之說為一而後人附會者曲為之遷就崔靈恩則謂先燔柴及牲玉於丘訖次乃掃地而祭祭天之法皆於地上以下為貴故不祭於人功之壇陸佃則曰祭天之禮升煙於泰壇奏樂於圜丘所以致天神也天神皆降可得而禮然後掃地而祭樂者陽也其聲無形故奏於自然之圜丘煙者陽中之陰其氣有象故燔於使然之泰壇至於禋祀實柴有異於儀禮鄭氏則云禋煙也三祀皆積柴實牲體於日月言實柴於昊天言禋三祀互相備矣其釋覲禮則曰燔柴祭天祭日也祭天為祭日則祭地瘞者祭月也日月而云天地靈之也敢各疏其穿鑿以從古禮經之正周官之不與儀禮易詩書春秋合者不止於祀天地今止因三禮之異同諸儒之附會而言其非是夫周官之圜丘乃奏樂之所非壇也自漢而下皆祀於圜丘已失周官之

意崔氏謂圜丘即壇爲人功之壇按釋圜丘者爲自然之丘非人功之壇崔說與釋圜丘者異矣使果從壇下掃地而祭則燔柴於人功之壇不可謂質而獨掃地之祭得謂之質矣若然則儀禮之燔柴爲未而掃地之祭爲本歷攷梁陳以來不聞有祭於圜丘之下者是崔氏之說不得以行也陸氏謂自然者爲丘使然者爲泰壇是祀天之地有二愚嘗謂合於周官則泰壇之制未嘗有合於儀禮則燔柴之制無圜丘歷代之失祀於圜丘非是陸氏獨不能證其誤是爲二壇者亦非也鄭氏謂裡煙也詩生民之裡祀書之裡于六宗裡于文武釋者謂裡敬也又曰精意以享之謂也使從鄭說以裡爲煙則六宗之祀不得與上帝並而祀文武於宗廟又難與燔柴之祭同也鄭氏之釋燔柴以祭天爲祭日祭地爲祭月其說尤妄是殆尊周官之書其不可合者遂臆說以非古禮如夏正郊天迎長日之至圜丘南郊二天帝之說類皆若

是古禮經獨覲禮爲天子禮捨燔柴爲祭天則此書又如王安石之罷黜不能以用于世戴記之合于經傳者先儒類皆取之若王制禮器儒行明堂位等篇固有疑之者矣獨燔柴泰壇爲祭天與古禮合特取其說泰壇雖不見於儀禮然從古傳襲未嘗不以壇壇爲正覲禮之壇十有二尋周公之三壇同禋司儀之爲壇三成去祫爲壇下至周末齊侯爲柯之盟有壇先若適四國未嘗不爲壇况祀天欽崇之實其可廢壇壇哉

郊不當立從祀議

郊有從祀西漢未之見也禮之失始於建武建武采元始之制而爲之元始王莽之政也王莽之失在分牢在同祭不聞其從祀也杜佑尊時王之禮而深知其非謂從祀之坐近古皆有梁陳及于國朝始相沿蔽夫謂之近古者非古明矣開元之禮成於徐堅之徒而開寶所作祖於開元大較從祀損益咸取於建武今因開元所定而

論著其非是其第一壇曰五帝曰大明夜
 明以周官言之五帝之祀在四郊大明夜
 明以實柴而朝日夕月之制復見於經傳
 此不得混而一之之證也壇之第二與第
 三皆以星經為之制杜佑謂天有萬一千
 五百二十星地亦如之考其所祭知其壇
 隨之不足以容也遂為外官內官以別而
 節其數開寶以後又復增五嶽四瀆飢師
 兩師之類而併祭之其壇愈廣其牲牢愈
 繁而其禮愈失考於周官則大宗伯之實
 柴禋燎此又不得混而為一之證也今考
 於虞書其類上帝之後則行六宗山川群
 神之祀不聞其合祭也湯之玄牲武成之
 柴望皆若此矣召誥用牲于郊牛二者后
 復配天之始也若魯之三望雖為非禮亦
 皆無總祀之理自漢而下牲犢尊壘之數
 不勝其煩其郊禮之費竭九州之貢賦不
 足以供由是雖三年之祭亦不能舉壇壇
 蘇雜官縣四立有司臨事登降偪仄懼不
 能以周旋跛倚顛仆無所不至昔之儒先

能議合祭天地之非而不能正合祭群祀
 之失能以親郊為是而不能以三年一郊
 為非能知牛羊供給之費廣而不能盡角
 繭粟之誠懇甚者配帝之爭不決遂有二
 配帝於壇上依違莫從一至於今若悉
 如三代典禮不傷財不害民一歲一郊則
 何憚其不可行也按晉泰始明堂羅六天
 止敬昊天於明堂宋元豐明堂亦羅
 慶亦止祀昊天於明堂宋元豐明堂亦羅
 從祀獨郊天從祀備嚴舊誤

明堂與郊天禮儀異制議

晉擊虞議曰郊丘之祀掃地而祭牲用繭
 栗器用陶匏事反其始故配以遠祖明堂
 之祭備物以薦三牲並陳籩豆成列禮同
 人理故配以近考新安朱氏曰為壇而祭
 故謂之天祭於屋而以神示祭故謂之帝
 晉傳玄亦云於郊尚質於明堂尚文若然
 則儀文悉皆有異矣郊以特牲明堂以牛
 羊詩曰我將我享維羊維牛此牲之異者
 也燔柴以報陽也猶宗廟之裸鬯也明堂
 與宗廟近則燔柴乎何有沈約宋志謂郊
 禮燔郊以遠人而尊堂以近
 人而親不必盡同此說是 席用蓐蘇器

用陶匏象天之質也玉爵代匏尊壘簋俎

之屬一以宗廟此元豐議禮之得也郊之

祭用氣也進孰之失始於唐自唐以降未

之有改也記曰郊血大饗腥三獻燭一獻

孰解者曰郊祭天也大饗禘祭也三獻社

稷五祀也一獻群小祀也郊不以血而以

孰薦禮之褻而失之甚者也然則明堂之

祭其不進孰與曰聖人享以享上帝上帝

明堂之稱也用於明堂而不用於郊其義

明矣特牲少牢之始於薦孰大夫之禮也

用大夫之禮於郊不可也用於明堂近宗

廟也配群祀於郊非禮矣明堂國中邑

外曰郊引而近之其瀆莫大焉尊壘尚質

也彘以盛鬱鬯郊得以用之也記曰黃目

鬱氣之上尊彘得謂之尊也孔疏六彝上

也以言宗廟有鬱鬯其實天地亦有無鬱

之彝用顯布宗廟亦有八尊用畫布互舉

以明定尊壘於天地六彝於宗廟鄭氏之

說也開元遵而不用於郊猶曰以質不以

文明堂宗廟之近而文物之極也其不用

也則野矣凡此皆禮儀文質之異不可以

不辨也

郊非辛日議

郊特牲曰郊之至也迎長日之至也又曰

郊之用辛也周之始郊日以至鄭玄謂迎

長日者建卯而晝夜分也三王之郊一用

夏正其釋周之始郊日以至則謂魯之始

郊日以至魯無冬至祭天園丘之事是以

建子之月郊天示先有事也夫以迎長日

為建卯胡氏非之至矣三王之郊以寅則

冬至園丘之祭是周以冬為春矣正月正

歲猶曰以子為首若以冬為春則非矣蓋

郊之用辛言魯禮也周之始郊日以至言

周以冬至而郊也易周為魯以附夫臆鑿

之論則大有所不可周為周王魯為魯公

合周魯為一禮曷不曰魯之始郊日以至

葉夢得氏曰以郊為迎長日之至下言郊

之用辛周之始郊日以至正以別魯禮鄭

氏反之強以建卯為日至甚矣其好誣也

冬至祭天此周之正禮不可易者蓋春建

寅之郊蓋析殺之祭魯雖得郊不得同於

天子是以因周郊之日以上辛三卜不從至建寅之月而止魯郊殆周祈穀之郊故左氏謂啓蟄而郊也或曰郊必以辛周之制與曰以至日而祭則至日非常以辛也魯之郊雩皆辛是用辛魯之禮也然則周郊非辛與曰周官祀大神則卜日崔靈恩謂卜日以至為主不吉始用它日是有疑於卜也橫渠張氏謂日至不必卜日周之始郊日以至言日至則不容卜言月至則有卜卜日則失氣至之時矣是定以為不卜日也曲禮曰大饗不問卜呂大臨謂天時陰陽之至日月素定故不問卜若他饗則問卜矣或又曰周之不用辛有所本與召誥曰越三日丁巳用牲于郊非辛也至翼日而社非卜也五經異義春秋公羊說禮郊及日皆不卜常以正月上丁成王命魯使卜從乃郊故魯以上辛郊不敢與天子同也是足以明周郊之非辛矣歷代之月時不一獨唐武德以冬至祀天孟春辛日祈穀于南郊能取二說而裁正之彌為

近古故特表而出之

北郊議

北郊之名不見於五經謂北郊見於周官鄭玄之論也周官無北郊之本文因鄭玄識緯之說而與周官並行者王莽劉歆實為之始也先儒能攻王莽南北合祭之議而不知立北郊之說者始於匡衡成於王莽捨其大而議其細相承謬誤今千七百餘年矣敢推其本始而詳言之夫周官圜丘方丘為奏樂之地非祭之所圜丘之辨詳矣鄭氏祭地之法有二夏至之日祭崑崙之神於澤中之方丘一也正月祭神州地示於北郊二也是方丘北郊為二今合而言之不知其何所始也按大宗伯之本文鄭氏之不能釋者有二曰以血祭以豕沈以醢辜則曰不言祭地此皆地示祭地可知以黃琮禮地則曰禮地以夏至謂神在崑崙者至於大司樂之地示則又曰祭於北郊鄭氏既以方丘北郊為二而後人之尊鄭者未嘗不以方丘北郊合而為一

神州識緯非之者至矣至若方丘之不爲祭所北郊之無所經見皆淫其說而無有辨之者或曰北郊始於匡衡非王莽自爲之說謹按漢志高帝因北時而備五帝至武帝時后土猶未立建始之際方立南北

郊匡衡張譚以天隨王者所居援據禮經皆自爲損益若所引祭地於秦折在北郊就陰位之說今戴記無北郊之文陳祥道禮書知其說之無所據遂謂南郊祀天則北郊祭地祀天就陽位則祭地就陰位以強合夫鄭氏北郊之說夫郊非天不足以言社非地不足以盡二者相對如天地之不可以合祭也謂之郊地其何所據哉先儒能明祭之不可以合而不能辨社之不可以爲郊治嚴建始之弊自漢而降無有知其非者祀地之爲社詳見于后土之議尊地之說莫先於罷方丘廢北郊以全古禮之正或者謂玄璜禮北方孟冬迎氣北郊古不得而廢愚謂鄭氏之言人帝五精帝於地無預王肅之攻鄭玄其說雖行於

秦始惜其說猶以郊丘爲一故宗鄭者多而王說復廢馴致今日郊社盛禮方由是損益以承三代之正罷北郊之謬其不在茲乎

國學議

成周國學之制略於大司樂其遺禮可法者見於文王世子三代而上詳莫得而聞焉漢武表章六經興太學至後漢爲尤盛唐制微附益之而其制愈加詳密今可考也宋朝承唐之舊而國學之制日隳至于紹興國學愈廢雖名三學而國學非真國子矣當時布衣從公卿牒構入國學而真國子入學者十無一二夫所謂三舍法者崇寧宣和之弊也至秦檜而復增之月書季攷又甚夫唐明經帖括之弊唐楊綰嘗曰進士誦當代之文而不通經史明經但記帖括牒牒自舉非反席待賢之意宋之末造類不出此今科舉既廢而國朝國學定制深有典樂教胄子之古意儻得如唐制五經各立博士俛之專治一經互爲問難以盡其義至於當

世之要務則略如宋胡瑗立湖學之法如禮樂刑政兵農漕運河渠等事亦朝夕講習庶足以見經濟之實往者朱熹議貢舉法亦欲以經說會粹如詩則鄭氏歐陽氏王氏呂氏書則孔氏蘇氏吳氏葉氏之類先儒用心實欲見之行事自宋末年尊朱熹之學屑腐舌弊止於四書之註故凡刑獄簿書金穀戶口靡密出入皆以爲俗吏而爭鄙棄清談危坐卒至國亡而莫可救近者江南學校教法止於四書騷亂諸生相師成風字義精熟幾有遺忘一有詰難則茫然不能以對又近於宋世之末尚甚者知其學之不能通也於是大言以蓋之議禮止於誠敬言樂止於中和其不涉史者謂自漢而下皆霸道其不能詞章也謂之玩物喪志又以昔之大臣見於行事者皆本於節用而愛人之一語切實之成何所不可殊不知通達之深者必悉天下之利害灌膏養根非終於六經之格言不可也又古者教法春夏學干戈秋冬學羽籥

若射御書數皆得謂之學非若今所謂四書而止儒者博而寡要故世嘗以儒詬謂由國學而化成於天下將見儒者之用不可勝盡儒何能以病于世作國學議

修遼金宋史搜訪遺書條列事狀
撰以非才備負史館幾二十年近復進直翰林仍無史職苟度歲月實爲罔功伏觀先朝聖訓屢命史臣纂修遼金宋史因循未就推原前代亡國之史皆係一統之後史官所成若齊梁陳隋周五代正史李延壽南北史房玄齡等晉書或稱御撰或著史臣此皆唐太宗右文稽古數百年分裂事志悉得全脩至宋倣依唐世爰設官局以成唐書是則先朝屢命有合太宗文明之盛卑職生長南方遼金舊事鮮所知聞中原諸老家有其書必能搜羅會粹以成信史竊伏自念先高叔祖少傅正獻公燮當嘉定間以禮部侍郎秘書監專修宋史具有成書曾祖太師樞密越公韶爲秘書著作郎遷秘書丞同預史事曾叔祖少

傅正肅公甫吏部尚書商俱以尚書修撰實錄譎薄弱息獲際 聖朝以繼先躅末世九朝雖有正史一時避忌今已易代所宜改正昔司馬遷班固皆以父子相傳遂能成書劉知幾劉餗劉贊咸以家世舊聞撰成史通史例輒不自揆庸用條析兼本院宋朝名臣文集及雜書紀載悉皆遺缺亦當著具書目以備采擇者

一宋太祖實錄舊有兩本一是李昉諸臣所為太宗屢曾宣索已有避忌至真宗咸平再脩王禹偁直書其事出為黃州禹偁所著建隆遺事足見深意前實錄無太宗叩馬一段後錄增入顯是迎合

一杜太后金滕之事趙普因退居洛陽太宗嫉之後以此事密奏太宗大喜秦王廷美吳王德昭秦王德芳皆繇普以死今宋史普列傳無一語及之李燾作通鑑長編亦不敢載私家作普別傳始言普將死見廷美坐于牀

側與普忿爭其集號巽巖集所宜搜訪

一天聖三朝正史紀載多有謬誤蓋修史官夏竦所為呂夷簡受成而已其列傳遂以寇準丁謂同傳所宜改正若此非一

一洪邁作神哲徽欽四朝史于時高宗在德壽宮多所避忌立傳亦有蕪類所宜刊削當直書徽宗亡國之罪

一徽宗違盟契丹童貫復燕城正史回避所合改正

一徽欽圍城受辱北行遭幽正史不載所有雜書野史可脩編纂今具于后

三朝北盟會編 靖康傳信錄

孤臣泣血錄 靖康草史

靖康奉使 靖康遺錄

裔夷謀夏錄 陷燕記

南歸錄 靖康錄

犯闕錄 偽楚錄

松漠紀聞 偽齊錄

起戎錄

痛憤錄

建炎復辟記

己酉航海記

建炎扈從錄

中興遺史

一 元符至元祐事趙鼎雖於紹興改正亦有隱諱今可考證增入者今具于后

邵氏辨誣

元祐黨籍傳

尊堯集

丁未錄

符祐本末

一 宋世九朝莫詳長編而可資證援參考復別有書今院中長編不備諸書並缺今具于后

續通鑑長編

長編紀事本末

國紀

九朝通畧

編年備要

建隆編

隆平集

元符詔旨

治迹統類

兩朝國史紀志

東都事畧

仁皇訓典

國朝會要

續會要

一 太史公作世表年表至秦楚之際復

為月表致意極深晉代播遷魏宗勃

起所宜為表以今年統時兵火湮厄

南北二史無所憑依卒不能就至歐

陽脩任史官之責獨能於宰相方鎮

年月譜系蓋宰相之任匪輕推年可

以考得失方鎮之害最重因年可以

推感衰宋朝興亡繇是可考目今舊

書尚有而史院無存今具于后

百官公卿表

宰輔拜表罷錄

百族譜

麟臺舊事

宰輔編年

一 禮樂歷代帝王不相沿襲自聶崇義

作三禮圖多有舛誤樂自王朴李照

胡瑗范鎮魏漢津房庶皆有異同史

志所載止於一時而諸家所陳罔有

紀載其樂志止詳於樂髓新經禮書

若元豐集議未之有載其書尚在可

備討論今具于后

開寶通禮

開寶通禮義纂

分門禮選

禮閣新編

太常新禮

慶曆祀儀

太常因革禮

郊廟奉祀禮文

政和五禮

大饗明堂禮

鹵簿記

濮議

東轡議

一兵刑徭役漕運度支隨俗施政莫敢

偏廢趙元昊用兵保甲義勇保馬等

制羣臣各有議論王安石以顧役行

於河北司馬溫公以差役行於東南

各有不便王安石青苗賦息大壞極

弊繇是馴致靖康之禍所宜博採奏

議及食貨等書以備作志

經濟集

羣臣奏議

三司攷

會計錄

救荒錄

刑統

一宋翰林視唐尤加清重有雜書可補

志書者

翰林雜記

金坡遺事

續翰林志

一地志宋有成書

太平寰宇記

皇祐方域圖志

皇祐地理新書

乞豐九域志

一纂修史傳必當先以實錄小傳附入

九朝史傳仍附行狀墓誌神道碑以

備去取

琬琰集

諸家文集

涑水紀聞

邵氏聞見錄

春明退朝錄

夢溪筆談

龍川畧志

歸田錄

續歸田錄

可談

談叢

師友雜志

童蒙訓

晁氏客語

清豐懿範

韓忠獻遺事

忠獻家傳

申國春秋

歐公本末

蘇魏公譚訓

師友談記

王鞏聞見錄

桐陰齋話

王沂公筆錄

張乖厓言行錄

胡安定言行錄

王沂公別錄

舊聞證誤

唐介事實

范太史遺事

鄒道鄉語錄

豐清敏遺事

文昌雜錄

楊文公談苑

塵史

能改齋漫錄

石林燕語

嘉祐雜志

東齋紀事

談圃

澠水燕談

避暑錄

王鞏雜錄

秀水間居錄

却掃編

揮塵錄錄三

典故辨疑

呂氏家塾廣記

一諸降王當別立傳三朝史所載簡畧

宜用偽史參照作世家做歐陽脩五代史例

十國紀年

九國志

吳越倫史

南唐書

江南錄

南唐近事

蜀檮杌

閩王事迹

江南野史

一宋代疆理比不盡燕城南不盡交趾

西不盡靈夏東不盡高麗宜做晉書

載記各紀其事當訪尋四境關涉諸

書

高麗圖經

至道雲南錄

趙元昊西夏事實

交趾記

丙午錄

遼金誓書

國書本末

使遼錄

西夏事宜

一李筠李重進本非叛臣實漢周之忠

臣宋史作叛臣傳所宜改正韓通亦

周忠臣歐陽脩作五代史不立韓睦

眼傳議者非之又如諸方僭竊皆宜

立傳宋史悉諱今宜會粹立傳

李順 方臘

王則甘陵代

趙諗有事實

懷智高平壘

一歐陽脩作唐書曆志悉取一行十議

造曆之法見於志書宋世五朝志應

天曆乾元曆儀天曆崇天曆明天曆

亦號詳倫獨熙寧奉元曆經元祐觀

天曆崇寧占天曆大觀紀元曆洪邁

作志不能盡紀所宜訪求曆草見於

志中大抵曆不差不得其造曆更

改則後有攷民間通曆學者亦有其書所宜搜訪

一神宗元豐以前官制似唐亦有增損元豐以後官階勳爵分為二途史志雖詳難便檢閱

官制新典

官制舊典

官制通考

一藝文志自元豐後該載未盡宜以今世所行書籍備載舊制進呈者入書目亦當以館閣書目為主分類補入自惟志學之歲宋科舉已廢遂得專意宋史亦嘗分彙雜書文集及本傳語錄以次分別不幸城西火災舊書盡燬然而家世舊聞耳受目覩猶能記臆或者謂國亡史不宜脩南方鄙儒詎敢置論年齒衰邁分宜歸老田里曠官廢職實為罔功而區區素蘊亦斷別白以稱 朝廷獎拔之厚凡所具遺書散在東南日就湮落或得搜訪或得給筆札傳錄庶能成書以備一代之史謹呈翰林 國史院謹狀

清容居士集卷第四十二

策問 問答附

大都鄉試策問 延祐四年

先王之政莫先於養民洪範以食為先故昔之水旱歷年多而民不病者有以也周漢上計簿以周知民數三年則大比以登于王府制國用之法日計歲會使之裕如者將以預其備也大無麥禾春秋非之則周知民數將悉民以備不虞歟其止為國用乎取壽昌立常平皆以為便或以不便罷之其去取可得聞歟京師天下之本實粟重內理所當急唐貞觀轉運之法歲不過三十萬石後雖增多然止給軍用至于貞元所入不過四十餘萬石而京邑未嘗有關抑內地無間土民不仰於官歟抑有司定制無泛冗歟

聖天子惠養元元實粟內畿間遇不登漕運或不能足今天時雨澤上協聖心中外豐熟九年之蓄九穀之數可講而行也將取諸民而備諸意其有煩擾也杜倉之法

唐首用之後復有科折之患焉歛散之法壞於後人國服為息之辯非本旨也藏富於民貧者得以濟乎穀賤傷農因時而官收之積歲朽腐何以處之上下給足因其豐穰而講行實在今日習進士業者通識時務宜陳說便利以俟講明焉

會試策問 至治元年

夫書者即古之史孔子刪述自唐虞二典以訖于周之文侯之命附以費誓秦誓而三墳八索九丘諸書皆芟而不錄至其約史記修春秋託始於魯隱公元年寔周平王之四十九年也褒善貶惡特書屢書至獲麟而絕筆前乎唐虞之所著豈不過於文侯之命等篇而去彼取此泝平王而上沿獲麟而下豈無可紀之事而絕不為書是皆有深意存焉司馬子長創為史記首軒轅以逮漢武或有孔子所芟者子長乃從而錄之後人翕然以為有良史之才愛其雄深雅健凡操史筆者如班孟堅范蔚宗諸儒爭相蹈躐是祖是式而未有取法

於春秋者焉豈聖言宏遠匪常人所可擬其彷彿邪自荀悅倣左氏傳為漢紀體製稍為近古於是袁宏孫盛之徒並為編年之書而學者或忽而不習終不若子長史記盛行于世司馬公編資治通鑑造端於周威烈王二十三年繫年叙事歷漢唐以終五代勒成一家之言淵乎博哉此近代所未有也其亦得聖人之意否乎我國家隆平百年功成治定禮樂方興纂述萬世之鴻規敷闡無窮之丕績吾儒之事也故樂與諸君子討論之諸君子游心載籍聞見滋廣其於書春秋之所始終史記通鑑之所以製作必詳究而明辯之矣願聞其說

江浙鄉試策問 泰定三年

用賢之道治天下國家先務也人才之賢否本乎心術之邪正邪正者義利公私之辨君子小人之所由以今古之時宜無有黷貨而鬻獄者然伊訓曰其刑墨先儒謂貪以敗官之刑也呂刑論五過之疵亦曰

惟貨又曰無或私家于獄之兩辭當時諄切告戒已如此漢去古未遠嘗舉孝廉矣乃或萬家之縣無應令者或闔郡不薦一人豈自昔廉吏已難其選歟賈長沙之言曰有坐不廉而廢者曰簞簋不飾或謂此粗可厲廉隅之士而頑頓亡耻者不格也賢良若董仲舒公孫弘兒寬皆稱經術而公孫弘卒以布被脫粟之詐見譏當世則廉者又未可深信歟揚震辭暮夜之金劉寵邵父老之餽世以為美談然震之刺荆州寵之守會稽皆治行焯著民咸德之豈廉特守己之一節而惠澤之及民者不專在是歟方今 聖明在上薦紳之士分布中外封贈足以遂顯揚祿廩足以供事育而十二章之典又嚴且密也刑賞勸懲之道亦至矣然廉者守法奉公未必見知貪者嗜利營私不為少戢豈刑賞之外猶有當加意者歟官吏之貪廉其於政事之威否民生之休戚所係至重也諸君有明當世之務者其悉意以對

答高舜元春秋七問

問先儒謂春秋常事不書凡書者皆非常也非常者見其不正也又謂事之非常者誌于冊又謂有貶無褒邵子謂錄實事而善惡形乎其中愚竊謂如桓公以管仲九合諸侯以獎王室孔子是之如許叔入于許又如葵丘之盟同盟于幽又如書有年書大有年公弟叔勝卒豈皆非不善歟若謂無褒舉錄而罪之者愚所未曉邵子之說是歟非歟

答春秋書法惟吾邵子知之錄實事而善惡形乎其中者是也又曰五霸功過不相掩先褒其功後貶其罪夫是之謂褒貶其言得之獨所謂褒貶者是啓後世紛紛之疑也常事不書其說得之而謂非常者不正則非矣謂事之非常有貶而無褒亦非矣會稽乘柁曰無褒之義諸人皆知之無貶之義子何知之姑以隱桓之事言之桓之弑兄猶以公稱何取乎其貶也夫人姜氏人皆醜之會于禚夫子不削其夫人何

言乎其貶此直書而見其非常也許叔入許褒貶皆無之也許絕十有五年而直書之何褒何貶焉是直書而見其非常也蔡丘幽首止召陵之盟齊桓之尊王明矣謂之貶邪吾實不敢以子糾葵丘之說考之皆孔孟之言也貶何從而生與季子來歸愚不敢謂之貶也褒其可乎此皆書非常之例也有年大有年因桓宣之時而書之亦非褒貶此亦非常事也宣公之蝨蟊饑見於十五年蝨見於六年大旱見於七年自文公時不雨之書不一則其十六年之大冇年誠宜書何褒貶焉是非常而書無疑矣叔昉兄弟之義明矣書之亦非常也問左傳載晉申生以僖四年十二月縊于新城而經書於五年之春晉里克以僖九年弑卓子而經書於十年正月晉以僖十年冬殺不鄭而經書於十一年春經傳不同劉原父謂傳與經不同者左氏作書雜取當時諸侯史策策有用夏正者有用周正者錯雜文舛往往而

迷故經所云冬左謂之秋也此說然否答以日南至考之例差兩月劉氏之說得之矣溫麥周禾又侶夏正然杜氏悉取正月爲十一月啓後人之議者皆杜氏也問晉殺其大夫里克衛殺其大夫甯喜愚竊謂晉衛殺其大夫侶大夫無罪而晉衛殺之里克甯喜果無罪邪有罪邪答稱國以殺大夫罪累上也纂例之說得之矣劉氏言里克不聽優施之謀甯喜不從孫林父之亂陳乞不隨景公之貳晉無殺世子之禍衛無逐君之惡齊無立嬖孽之變以此言之里克甯喜之罪著矣或言晉衛二公皆惡其專僂而殺之理容有之然總殺大夫之例此特一節耳不如罪累上爲正問文十二年子叔姬卒先儒謂春秋內夫人則書薨葬吾女爲外夫人則書卒按禮云女子許嫁笄而字伯仲叔季皆字也已嫁之女各以國氏如紀伯姬宋伯姬之類是也今子叔姬笄而字之卒

不繫於國何也

答叔姬之卒以左氏考之似若可證然僖公之九年復書伯姬卒則是許嫁而有字當以成人之喪待之也以曾子問考之婿爲之服書其卒亦非常事也詳見經解問澶淵之會諸國大夫皆貶書人而庸

牢無貶文何哉

答公之盟大夫自隱公始也然猶曰宋人莒人考其時疑非大夫也莊公既防之盟夫子不得而諱也僖盟于齊楚與中夏盟之始也再盟于翟泉與大夫盟王子之始也然猶不書公以隱之至成公之盟蜀夫子廼直書之則諸侯之會荆人自成公始也魯大夫會諸侯之大夫廼衰周之常也城庸牢紀大夫之實也故兩會于戚皆直書之獨澶淵之會魯無大夫而後人遂以爲貶例左氏之說遂以諱魯大夫其謬戾莫甚於此公會荆蠻猶不得而諱澶淵之會何其諱與善乎陳君舉之說曰晉之城杞合十二國之大夫爲悼夫人於澶淵合

十三國之諸侯大夫爲共姬也晉爲盟主區區宋杞晉已細矣愚謂魯大夫若叔孫豹仲孫羯使果預會夫子皆直書之獨澶淵之會魯不復預書之者記晉之細也大夫稱人已見凡例或疑魯大夫不會何以書余答之曰齊狄盟邢齊衛胥命蔡侯鄭伯會于鄧如此例不一皆非魯事何疑於澶淵之無魯也左氏之說不可據者類此它國自盟會不書卿名見陸氏纂例問莊九年夏公伐齊納子糾齊小白入于齊糾與小白皆庶子任氏謂小白是子糾之庶弟爭國自立孫氏亦謂子糾是桓兄胡氏却謂子糾是小白之弟何也

答按史記以小白爲糾弟明矣而先儒謂小白爲兄者由齊小白入齊之說啓之也愚直謂紀年既遠姑當從司馬氏之記若謂齊小白而謂之兄則子糾之說雖出左氏不應獨從公穀之說子者子般之例見之是也按論語公子糾其義甚明糾爲魯

甥魯故納之夫子之與桓之義管仲之說詳矣或者不達降糾為弟者此因齊小白之書以論夫子謂之過焉可也夫子之書齊小白正是不當立之書法糾為長當立明矣

問經閔元年春王正月經無所云公羊何從而傳之

答慶父之禍三傳通能言之前後不同蓋有追而紀之有張其本之法者有言禍首之法者通貫于一年之中無害也

答高舜元春秋四問

問襄二十有五年衛侯會于夷儀此衛侯剽也是年衛侯入于夷儀者衛侯行也行入夷儀不名復歸于衛而名之舜元謂衛侯行失地之君也失地之君恒名之行入夷儀不名者其脫文歟

答衛侯入夷儀與鄭伯突入櫟之事相侶而實非故夫子一名之一不名之夷儀故邢地滅為衛所邑衛侯之入不得主其國政也竊喜弑剽而衛侯始入衛故夫子始

書衛侯行言其復國也鄭伯突之入櫟雖非國都而諸侯之相與者在突而不在忽遇于垂居櫟之鄭伯也政在於突夫子安得不名之則衛侯之入夷儀在所不當名至入于衛則當名矣先儒之說皆有所未安執事謂入夷儀當名疑為脫文則行之入衛將名乎將不名乎吾故曰此夫子之深意也

問崔杼逆光而立之經書齊殺其大夫高厚殺之不以其罪也公子嘉叛晉而起曹師者經書曰鄭殺其大夫公子嘉

公子嘉與高厚之辭同何歟

答自穀梁言稱國以殺為有罪杜預則又為稱名為有罪之論紛紛不決陳殺其大夫洩治豈有罪哉謂之無罪則殺陽處父得無罪乎或又以累上之文書之則凡殺大夫皆非國君矣左氏之言殺高厚公子嘉一以為崔杼一以為國人其說自相矛盾獨公羊云稱國以殺君殺大夫之辭為得之稱謂專殺大夫諸侯之罪而大夫

之有罪無罪實不係焉有罪不可殺况無罪乎以此論之凡言殺大夫者蓋可見矣問襄公之世有穆姜齊姜說者謂穆姜成公之母謂齊姜成公之妻舜元謂何由知乎成母成妻

答穆姜宣公初即位之所逆也通於僑如見成公之十六年其卒也見襄之九年齊姜者即襄元年姜氏薨者是也其逆也見於成公之十四年

問吳子使札來聘書札與曹椒秦術無異稱焉左氏公羊皆謂以札賢而進吳子說者又謂札辭國而亂者札之爲也舜元謂吳夷狄之國札之賢類不得通於此也札不書族不書字不書公子何賢乎札也屈完書族札不書族與曹椒秦術之使夫何異哉

答吳札楚椒同例何褒貶之有二人皆公子故不書姓若屈完非公族屈氏出於莫教者也遂罷來聘則爲氏也謬始於公穀不攻而自破矣

答高舜元經史疑義十二問

問易有辭象變占太玄以方州部家擬辭象變占其太玄方州部家九首之說傳諸世者請喻其所長

答太玄以蓋天之法爲之方州部家在上此地承天之說也起於牛宿隨天而左行也方州部家者以元而生三方方爲三州州爲三部部爲三家其所謂八十一者則棄其方州部而言之也先儒多以辭象變占擬玄之方州部家僕獨以爲非易成六十四卦之後一卦之內必有辭焉有象焉有變焉有占焉是四者缺一不可也楊氏之玄既棄其方州部而獨取家而爲八十一復取八十一而爲七百二十九以贊是方州部者緣三以起於家若無預者焉先儒嘗言太玄與卦氣圖偶合邵子亦言易之卦始於乾而終於未濟玄之首始於中而終於養中者法於中孚養者法於頤此始終之異自邵子溫公荆公尊玄之後如二蘇譏玄之說遂棄不道然其中十有七

卦分而為二義殊不可曉所謂卦氣圖公辟侯大夫卿之定卦亦不能通執事其詳思之

問易有起於中孚者未究其理

答易起中孚先儒之說甚詳今錄其說曰先儒言卦起中孚非也中孚復起於甲子耳蓋由揚雄作太玄以初卦準中孚故先儒誤以為卦起中孚耳夫六十四卦首之以乾坤何以言起於中孚耶夫子分上下經而上經三十卦始於乾坤終於坎離下經三十四卦始於咸恒終於既濟未濟且乾配甲而起於子坤配乙而起於丑故六十四卦歷乾之甲子泰之甲戌蓋蓋之甲申至坎離凡三甲而上經三十卦盡矣又歷咸之甲午損之甲辰震之甲寅至節而周凡六十卦為六六三百六十爻一年之日周矣而中孚小過既濟未濟之四卦繼節之後謂中孚復起甲子可也謂卦起中孚不可也且乾為十一月之卦而起甲子節為十月之卦而得癸亥由是知上經三

十卦是陽生於子而終於巳下經三十卦是陰生於午而終於亥至中孚而陽氣復生於子故亦為十一月之卦自乾之起甲子至節六十卦而終是四其河圖十五之數為三百六十爻文當一日而為六十卦一年之候也自中孚之起甲子至未濟四卦而終是四其六子之數凡二十四爻而文當一氣為二十四氣應一年之候也或又曰何取於四其六子之數應之曰中孚巽上兌下小過震上艮下併既濟未濟坎離互體為六子少陽少陰六子之氣分布於四時故四之以應二十四氣耳亦應四其河圖十五數而日當一卦凡六十日為六十卦一年之候也其淵妙如此

問易占法其取驗於人者當何所祖本

文之變處當何為主

答占法唯程沙隨得之嘗以左氏考之古必有占書今既散軼但當以變者為主然一文之變猶可究索至二爻三爻之變則茫不可通舊聞唐正卿深於筮若二爻變

者便不敢臆斷古人心虛靜因動生變隨
變而推有千萬變而不可盡者今人心念
駁雜無感而遂通之理縱有所感其感不
一當從何處下手康節推象變之說亦不
外此說卦乃占之本能通其類尚庶幾僕
甚有意於此然一行作吏終未有至靜工
夫苟能靜斯得矣

問古儀禮今所存者可見端緒未審於
盛周之時曾盡行之乎為後世立教乎
愚所未曉

答禮為禮儀為儀成周盛時自天子至于
士皆躬行而親習之者聘射燕饗昏冠之
禮考於經無有不合謂存于書而不行者
非也後人因周官一書謂周公營洛之後
所成未及舉行遂併儀禮有疑其說陋甚
正取按藝文志以儀禮謂之禮古經未嘗
有儀禮之名先儒疑後漢學者見十七篇
中有儀有禮遂合而名之者是也

問大小戴記其盡取諸於經乎撫漢儒
之說乎望喻其取諸於經者如何取諸

於漢儒者如何

答二戴之學原於后倉而小戴盛行者錄
馬融盧植等考合衆家古文之文附之遂
刊而行名為禮記今冠昏鄉飲酒射燕聘
義為古經之羽翼而中庸大學又為傳道
之書若學記樂記皆集古書而為之者其
有駁雜則哀公問儒行王制明堂位禮運
諸篇先儒已嘗置疑至若大戴禮之哀公
問投壺與小戴禮無異若曾子之大學與
祭義相侶其餘又與荀子賈誼書相出入
者則大戴之不及小戴多矣鄭康成後漢
之精禮學者獨大戴未嘗為之注朱文公
有取踐祚鬻廟等篇然學者觀其會通不
當貴耳而廢目也

問黃鐘為宮則三分損一以下生林鐘
之徵林鐘之徵復三分益一以上生太
簇之商太簇之商損一以下生南呂之
羽南呂之羽益一以上生姑洗之角姑
洗之角損一以下生應鐘之變宮去
益損數理未達

答太極元氣函三為一三者天地人也故必以三而損益之三統相通始成律呂陽之生陰曰下律也陰之生陽曰上呂也正變之說自古有之陳賜樂書去其清聲不考之過不然安得成八十四調哉

問井田制治願聞其詳

答井田舊有圖譜然不通開方之法悉如碁局又兼以周官授地之法相參悉非舊制蓋鄉遂井甸皆司馬法之說惟可與周官合而不可與孟子合先儒必欲合而一之愈不可通蓋井牧小司徒之法井衍沃左傳之法丘井黃帝之法漢書井田亦與孟子微異秦廢井田開阡陌僕嘗謂井田古制至秦始皇廢兵農相通非井田之制此未易遽言也

問周官及月令真偽之理請喻其詳

答周官或謂周公營成周後成此書而不及行其說無所據甚者方之為戰國陰謀之書吾不知其何者為陰謀也或又言劉歆偽為歆何所為而偽為之耶三說皆非

僕嘗謂周八百年其間更革損益不一穆王之呂刑夫子不存于書或者又將以為周公之所作矣兩漢唐宋歷年不及周王之半而官制更改皆有成書則周官之書當審為周時所作特不能定為何王時書也然周官井田禘祫郊社絕無其名先儒必欲以郊為圜丘井田為授地之類難以勉從實以其書列官分職整然有條欲強合於諸經遂不得不支離其說其餘可疑者五峯言之詳矣月令具見呂覽為呂不韋書無疑陸德明云此是呂氏春秋十二紀之首後人刪合為此蔡伯喈王肅言周公所作皆非也月令去命太尉贊桀俊此蓋秦官鄭氏釋之明矣

問春秋於王正月上左傳加一周字其

義有所謂無所謂

答春秋云王正月左氏云周王正月皆周之正月然左氏增周之一字其跡若與夫子同而其釋經實有不同今世之以周正為夏十一月皆啓於左氏如書雲物取溫

麥之類直以春夏秋冬更易而改書之後人紛紛之謬誤左氏其尤也正朔之說家有成書非立談可盡聞吳幼清亦與鄙見合不審得其說否

問周子太極圖上一空圈下二空圈當存當舍乞喻之

答太極圖的確自陳希夷傳二圈乃成人成仙之說非面陳不可

問三國之時司馬公邵康節朱文公三子之言不同誰之言爲是

答司馬編年之法當時較量極費力然既謂之編年不得不爾終建安而始魏亦自有深意但不合謂諸葛公入寇耳朱文公帝蜀自正但後連書晉事又不可曉若書莽大夫揚雄卒大與春秋書法不同莽爲亂臣賊子春秋未有書家臣之理僕嘗謂正統二字於經無所見尚書止有大統二字漢歷法有三統二字後人泥正統之說故皆不通前後遮護不得律以大義則漢以後皆當缺書若用編年備事温公之法

盡矣邵氏經世以不書事故可糞糊無罅漏然此老少年先從春秋下工夫終占得道理端正

問窮理盡性以至於命又不知命無以爲君子也與公伯寮其如命何又知命者不立乎巖墻之下其義同否

答命也者稟於有生之初也夫人之生天所與者有一定而不能移先儒雖有理氣之今以命言之其實一也天以命人者氣人受於天者理若仁義禮智則理也貧賤壽夭則氣也是豈命有二也哉析之雖殊命則一也尚論古聖賢之言命者其辭旨蓋有不同亦各從其所由而發之啓道德之門者有之達微妙者有之有不得已而言之者有之又有所爲言之者有之故易曰窮理盡性以至於命孔子言知命孟子亦曰知命知其命者夫是之謂君子君子之所以知之者修身成德順其正而已至若見危亡身不苟去就死宗廟社稷城郭封疆者皆得其正者也自罹刑戮此以罪

致而不知命者矣孔子曰公伯寮其如命何言公伯寮何預焉在我者豈委而廢在天者豈強以必今之言命者悖於此至若不保其身死於巖墻之下當在不弔之義然所謂命者乃天命之命孟子之言詳矣

答高舜元十問

問吾自衛反魯然後樂正雅頌各得其兩

答樂正非謂四代之樂有誤而正也魯用四代之樂是魯僭用之失非四代之樂非也夫四代之樂各有律呂夫子安得而正諸古者房中之樂為二南朝聘會同燕飲鄉射為二雅告神之歌為周頌頌為周王所得行也歌與樂相並而作三終之義可得而攷也季子觀樂歌詩亦與樂相通無以議為也至於樂正雅頌各得其所則有不可不辨者范甯言孔子列黍離於國風殊不知季子之歌王固為王矣歌小雅而曰周德之衰是歌六月至于何草不黃矣鹿鳴至于菁菁者莪皆美詩也曷言乎周

德之衰乎今之小雅皆夫子所定則凡歌鹿鳴至于菁菁者莪非周德之衰是雅頌之得所復與樂正明矣太史公謂仁義陵遲鹿鳴刺焉夫子以前雅之無別明矣故司馬氏作孔子世家曰關雎為風始鹿鳴為小雅始文王為大雅始清廟為頌始是真謂夫子所定夫子皆弦歌之以求合磬武雅頌之音若是則豈得不謂之詩樂相合然則謂夫子正四代之樂實非也季子之歌大雅誠文王之德矣然民勞至于召旻此周之亂也何文王之德乎故凡可以合于樂者小雅至于菁菁者莪而止大雅至于卷阿而止衰亂之詩不得入於樂矣頌之得其兩者夫子直書周頌以別則魯之配天烝禘閟宮之廟皆非禮矣歌周頌之詩於魯侯之廟則奚取三家之堂夫子之意明矣魯頌非告神之歌謂之頌者頌之變然敬之小鼓振鷺閔子小子諸篇亦非告神之詩善乎太史公之言曰成王作頌推已懲艾悲彼蒙難觀至于此則後人

之效魯而溢美者誠可羞矣商頌是夫子之祖正考父所作夫子殷人遺聞墜簡附以傳後觀其辭想其世之末而不足證可知矣肆直而慈愛商之遺聲也歌商之說次於雅頌夫子之意深矣雅頌得所樂亦正矣非他有樂也即雅頌之歌樂也

問邵子謂天覆地地載天天地相函故天上有地地地上有天

答邵子言天依乎地先儒言地在其中蓋如磨然上下皆天虛者爲氣只天之形濁者爲體只地之形所謂天上有地者日月五星周行晝夜日没于地下但認得地在其中則天上天下皆可通矣

問邵子謂數起於午

答數起於午微妙不可言已生之數皆順天而行復至於乾也未生之數皆逆天而行始至於坤也非午不能起陽盡於午由靜而動此知來之妙邵子之秘先儒未嘗言之

問邵子謂天行不息未嘗有晝夜人居

地上以爲晝夜故以地上之數爲人之用

答邵子曰先天學心法也圖從中起萬化萬事生乎心又曰先天圖者環中也方圓之圖尤密所謂地上之數爲人之用方圓是也用九環中則依天而行圓圖是也合天而行附地而生故人爲萬物之靈而乾之九三九四其功用尤可見

問邵子聲音之學及字母淵源

答縱爲四聲橫爲七音鄭漁仲之說脩邵子聲音之學出於其父名古號伊川丈人有圖譜行于世溫公切韻皆源於此然此學由西域來今所謂三十六字母亦從彼出中國四聲甚拙至沈約始明七音先儒嘗言中聲合於天籟若如近世祝泌觀物解中韻譜却又入樂工清濁之拘莊子謂樂出虛乃邵子心法但得伊川丈人圖子一觀亦得髣髴後漢風角鳥占亦不出此然非至靜工夫未易能通也

問宋官說者謂車前其子治婦人難產

愚謂采之於詩殊無義味其中必有其義乞教之

答宋荅謂治婦人難產政如釋蠡斯芍藥之謬也先儒謂叙物以言情謂之賦情體物也索物以託情謂之比情附物也觸物以起情謂之興物動情也此詩兼興賦之體古樂府中魚戲蓮葉東魚戲蓮葉西之詩深得此意難以語言盡也

問詩關雎謂之國風自王季為西伯至紂又命文王典治國南文王作邑於豐乃命岐邦周召之地為周公召公采地至武王定天下巡狩述職陳誦周國之詩以觀民風俗得二公之德教尤純者屬太史分而國之謂之周南召南作樂用之被之莞絃以為房中之樂又謂太

奴稱后此退稱云耳其義何如

答地志扶風雍縣東北有周城東南有召城文王之為西伯周召未得封也武王伐紂以後周召未得封也周召之封始於相成王以後詩序不足證今直以行露甘棠

考之明言召伯此不可通之一也夫既以二南為文王在周南則為王在召南則為公此不可通之二也大奴在周南為后妃在召南為夫人此不可通之三也關雎之作太史公所言不一或為刺或為康王以後詩但先儒之說林立雖有鄙見未易陳道若復異論此又侶吳幼清宗象山之謗興矣世無真學貴耳賤目難以立談

問作史及編年實錄凡例

答日曆起居注時政記條目歐陽公言之詳矣實錄延加謚以後書必有臣傳亦有字數限式宋元豐以後日曆壞於王安石建炎以後日曆壞於秦檜至咸淳之謬尤不足據然遺書舊聞皆足考證若欲討論非經月議論不可

問四六格式及速成之方檢閱之書

答牋表之說當別詳具此雖小技更僕未易言大要寡學而才氣差敏捷者直師東坡南渡以後皆宗之金源諸賢只此一法惟荆公一派以經為主獨趙南塘筆傳莫

有繼者汪彥章則游乎蘇王之間若欲精究當取夏英公揚文公翟忠惠蔡北海王踈寮元章簡王禹玉張安道劉莘老諸人文字置几案賤子當面言源委矣

問古賦當祖何賦其體製理趣何由高古

答屈原為騷漢儒為賦賦者實叙其事體物多而情思少登高能賦皆指物喻意漢賦如揚馬枚鄒皆實賦體至後漢雜騷詞而為賦若左大冲班孟堅兩都賦皆直賦體如幽通諸賦又近楚辭矣晁無咎言變離騷續楚辭其說甚詳私謂賦有三變自後漢之變為初柳子厚之賦為第二蘇黃為第三今欲稍近古觀屈原摘賦賈生鵬賦為正體又如馴象鸚鵡諸賦猶不失古曹植諸小賦尤雅潤但差萎弱耳

清容居士集卷第四十二

清容居士集卷第四十三

祭文

祭余寺丞代大人作

維年月日某謹致祭于故知郡寺丞余公親翁之靈嗚呼哀哉世日澆巧為善者希情士尚媮智士死奇公獨為善窮日孜孜始終其心夷險不移方公少年貴盛莫比顯允文昌玉節絲纒笑談春生叱咤電起公獨趨庭巽若處女維昔晏安雲冠霧裾一車當道百役避衢官有未便入閤勸除公獨守謙癯然清儒世祿日蕃兄怨弟咨囊珠匱玉宴見以時公獨友于高堂春熙寒衾朝飧二難怡怡守官唯勤不矜其智尺牘撫問各盡親意人有急難公先其慮族有困乏公遺之食天運既遷飄風激阿棲遲精廬髮化其疇末疾未幾奄然無何嗚呼哀哉維我與公三世有素知公之詳匪以姻故天道與人先後莫睹事或未然曷叙曷怒陂陀墓田自公親卜世途昏茫之死何感永念殊隔泣涕莫復酌茲一觴

以駕哀臆尚享

祭外祖代大人作

城南之望奕世惟賢接武辟雍厥聞藹然
 紛綸五經曰鄭屯田維公高魯廣塾以延
 諸老簪盍二獻是先遺言懿範公承其全
 體涵中和靈珠媚川紕糠世機德容渾圓
 圓身書林徘徊孤騫亦既食實紹茲家範
 世德險微高木蒼煙紛紜藥胥岌其疾顛
 擬拾者舊列于簡編蘧廬方床卷舒窮研
 其語雖寡其意實傳秀眉玉色投老愈妍
 謂享大耄事胡不然俛仰疇昔今三十年
 歲在丙寅憂患日纏變彼諸雛不能飛翔
 請昏于公以煦以憐服罷粹溫雍容周旋
 雖乏借老情實不遷飄風揚塵畏途屯遭
 為善斯懼公無愠言昔者遠行相望越燕
 甘脆莫奉於禮實愆歸省床下公疾沈綿
 形枯神朗遺墨愈鮮屬託孔深悲不可宣
 淳庵日希百巧相挺執玉奉盈敢以自完
 公死何恨如雲在天式陳酒醑辭盡淚漣
 尚享

祭李兩山代大人作

維公周敏之才英偉之彥金精璞溫不假
 琢鍊摩蒼雲以高翔日九日而不眩造物
 之昇蓋將以固斯文之元氣閔天下之事
 變故其始也脫略畦町卷書長哦浩然經
 濟之意忘其冠切雲之嵯峨分席於諸老
 諛言腐談拱手以置觀江流之如帶凜凜
 泥之莫倚鳴雞號寒籌筆疾書負囊封以
 叩關維石友之與俱事往既莫得於而所
 以保衛先緒者常兢兢以懷圖嗟今之人
 志與運乖道與事違介者卒至於困而棄
 者或流乎卑抑嘗反覆出處之大致每惕
 然以深思而公雍容兩端不茹不吐莫余
 敢侮試命南荒酬勞於東浙之濱既不以
 利其身亦不以望於今玩理忘世孰能踰
 於斯人者乎幸公之強謂坐進此道以鎮
 當世之浮薄而事有不可料狂雲飄奔隕
 晴日之飛電滔滔川流逝者如斯往不可
 作徒以為生者之悲昔某辱知文昌公白
 首故吏三十年于茲始得見公于金華握

手傾倒酒酣耳熱各相視不復道念此意
冷今聞公喪愈重不競之歎公竟在天一
息八極雖千里其奚遠我哀之長敢絨辭
以薦番江怒瀾其有相余之悲黯也尚享

祭王尚書

維年月日以清酌之奠祭于內翰給事尚
書先生之靈曰道大如天學廣如漢企而
望之自涯而返末俗濫觴味彼一貫捨學
而言所執愈渙伊洛之盛嗣於乾淳折仁
辨義脩己治人先民有訓其言諄諄稽經
探本纂史輯聞匪默以高匪誕以守降于
叔季其弊莫救千士一律躡訛踵陋坐曹
清談迎事拱手文散武萎禮弛樂虧孰據
其全以為國毗篤生我公是宗是師天清
景溫前旌後麾窮源崑崙賓日扶桑磅礴
萬類衆曷敢當積潤混漾舒光煒煌探巖
排磳纖巨畢藏若農有秋箱輸廩峙若龍
起淵雷震雨施九招希聲昌歎古味爰薦
合宮以享以蒞灌膏養腴心君清澄讜言
訪對屈軼在廷群疑未決神龜示靈化被

茲贊淳風泠泠天運悠邈公亦永歎學絕
道傾死灰莫然獨行誰儔獨立誰言吾非
斯人其誰與傳賢賢里門易窮三陳捨泣
而歌謂天莫聞絢失其光蘭銷其薰柴桑
沈冥王官混淪年已逮耆秉燭繼晷一柱
承天四海仰企蔽牛之陰百草茂美謂享
大羞以淑後士云胡微疾永蛻世塵歲匪
龍蛇其理莫詢許詞重華塞茲遺臣曰士
之弊逮今弗振柄以蒙昧請業門下反復
可教授以端緒有疑必開有謬必舉語其
平生載出載處翼登斯堂舉觴以祝詎期
須史望公以哭躊躇小子抵掌掉目哀哀
吾儕殞首莫贖死生之原千古一致瘁躬
報德匪哀以既風雨神交却立鬼魅秉心
靡渝服義靡墜庶幾公竟慰此耿特皦如
茲觴之志罔隱拜手薦公公其來格矢詞
致誠有渙俱滴尚享

祭胡梅澗先生

維年月日袁桷謹以清酌時羞之奠祭于
梅澗先生胡公之靈嗚呼司馬氏續素王

之自歸成萬世之標準過高之議始於王
霸謂秦漢而下不得並混取法於唐虞之
雍熙其見於所行迄無以救其元本習剽
竊以為工者締繪變幻乘虛附近語新意
繁過都而疾馳自涯而遽返其不謬者則
已為過幸書愈傳而學愈陋論愈高而事
愈謬紛紛比比孰有尸其責以自任曠百
年而一見知昇與者之所靳維先生負淵
海之學執事物之樞用功於青雲決科之
前大究若訥小得若愚網羅搜抉極竹素
之秘而其微細委瑣猶不遺於初虞叢釋
例於杜氏著履霜堅冰之旨條分目舉而
半李棄地之爭黨子制父之議前人之有
疑者雖取舍有在以明透叟當時之不得
已至於孜孜衛翼拾遺補誤亦幾乎司馬
氏之忠臣而無負江上之策不行於老姦
蒙昧草野避聲却影年運而往知吾道之
愈難馬心聲之悲憤聽澗水之潺湲陰陽
倚伏何得而非辱何失而非福匪歷代消
長融會曾臆其何能若是之蓋穀甲申之

歲先生出峽訪 先子於城南梅時弱冠
氣威望先生之道不知珮玉之利於徐趨
駕車之不可脫銜也先生微機以扶之再
而報三而竭垂頭却立畢志以請業由是
始得知二千餘年之內論事不可以一槩
而所謂非三代不陳者實要君以行怪憂
患荒落負先生之訓相望信宿猶翼往復
以自振迅書來自冬屬託孔懃諄諄已近
於期耆之語感多而疑成懼不能以久親
語未脫口而會事已陳一老之不慙斯父
之所係而不肖所受之深者思不止於玉
成哀不止於派涕痛遺書之已粹異夫草
玄之隘苟志願之不泯雖少屈而何害掃
兒童之哀悼陳一觴以自誓蓋事有至難
而可成時不可以終逝炳然之書安能以
名山之副藏迄垂闡於盛世公之精誠理
寧有味矢茲一言以俟其會溪流奔逐雲
木黯靄相此瞰如堯考其返旆也尚享

祭戴先生

維至大四年歲在辛亥三月癸酉朔越二

十有四日丙申學生素桷謹以清酌庶羞之奠敬祭于剡源戴公先生之靈功業可

以致君而名不得以潤身科舉足以取士而文不足以行世二岐孔分厥害實深彼沾沾之白首汜莫能自悟卒醫于榛莽而漠然為太虛也先生之識成于髫年失仕以歸素業永捐篝燈蓬屨支節聳肩扶拾天巧落其華妍視雲在山散為飛泉戊寅之秋愚駭無肖承 先子之命以奉洒埽謂百尋之宇拱把之木曷中梁柱凜然師訓顏汗舌吐維臨淵是懼維執玉是慕經事爰久 先子棄養十年之間百懼相望涑源厚殖莫知其力徃歲 先子嘗曰德非我敢專而世由是傳萬物五色絢兮翩翮吾懼汝之一偏也先生隱几驚坐以起曰汝毋忘父訓嗚呼文以承道德以承世父師在天終莫敢墜矢文寫哀有淚如洗尚享

祭危功遠

神室既虛周流無跡巖巖先天風水湧激

念茲先契論叙夙昔堯方有歸勿怖勿惻尚享

祭楊內翰文代作

維年月日翰林學士承旨正議大夫知制誥同脩 國史闕復等謹以酒脯之奠致祭于故翰林學士楊公之靈法法濟源始于王屋達為清泉以合四瀆篤生令賢泥此淳瀆砥行立名不諂不瀆發身以儒分教東魯佩規帶方莫余敢侮爰歸承明編簡斯補徘徊歲周庸振華武鋪宣 帝謨草木五色清心無華外損中益雍容成均訓掌是職鏘鏘佩衿曰古遺直晚歸鑿坡實為舊物炳燭無倦寧以耄屈長松之貞幽蘭之鬱瑰詞玉篆繫若黼黻川流星徂典刊日淪豈期纏綿墮德人我老意短我悲孔新敬率具寮薄奠以陳尚享

祭王獻山承旨

維年月日門生具官素桷謹以酒醑之奠昭告于翰林承旨獻山先生王公之靈芒芒九州求應惟類粵昔先民疆理制治考

賢論方角立競誦大同莫諧多士茲弊始
公南來黑髮疑疑挈其圖書是根是柢我
先大夫接識辭氣晚歲在京閔恤昧稚
曰覺有先後士無避適喬雲在空萬物五
采毋匿彼光厥誨以仕廼居禁林執度量
士不見其人有簡斯揆手書諄諄而父不
死明有 帝制幽有信史削煩養膏汝駿
其熾聿來承公偃伏屏俟公車東行政望
靡已公車來朝載色載喜彼山維雲彼堂
維祀帶兮委兮告我知己其餞伊何教言
靡靡塵之朝飛曷其有既弗寧履氷竟爾
用逝外踐內揚於繁終始敷文宣昭秩秩
在耳于嗟公兮公往弗墜凡今寡人冒疾
有技視公之為有泚以愧愧能止之止孰
可嗣嗣今企而彼嗣不躡聞哀于鄉承睫
涌淚殞宮有紉泐盡斯矢佩玉曳裾玩月
歲惕焉心何言弗辱罔貳嗚呼哀哉尚享

祭吳饒公

維延祐六年閏八月癸丑朔越十有二日
甲子具官某掬謹以清酌庶羞之奠敬祭

于大司徒饒國吳公之靈寸雲興功甕源
湯波磅礴齋法德同其科稽公玄胄行仁
于番隆汗迭仍卒昌靈柯是生上嗣高挹
恭和手握玄機萬象畢羅不翕以隨不媚
以頗允謂家教靡勞琢磋維公純篤里社
婆娑耆壽好禮受祐則那外謙養恭內溫
守和鄉國賜履紆垂佩珂燕豆孔陳湛焉
春醅或車於閭或舟於河恂恂熙熙鼓缶
以歌書來 京師戒言匪苛勿私我躬瘁
公靡他告而孫子劬書暮歲觀化有終奄
然微病有子純孝涕洟交沲回視吾儕泚
穎實多 國恩懋昭賁於坡陀生無憾私
沒無缺蹉仰止盛德白雲巉峨南望伊阻
心思云瘞承交再世其舊如何薄奠速陳
矢言匪阿尚享

祭黃仲正

嗚呼世儒謏聞昧焉求容天命罔知曳裾
憧憧迄莫有成祇尤其逢惟我仲正甫日
韜其躬退讓益卑殖學若農謙兮虛谷訥
兮大冲恭不近卑夷不失中粵昔耆舊慶

曆闡宏鋤荒廣聞維公維卿世胄疾顛藥
范是程君獨憫之仰天撫膺緝簡差差綴

書聚蠅經緯譜誅範圍日星若網斯網若

臂斯肱維歲壬辰盛名日起泮宮舒遲不

泄其美維我 先子一見驚喟曰姿宇儀

觀先大夫是似大夫今名士有定誅謂君

嗣之克踵厥嫩奉于家塾群幼漸被彼幼

困蒙迄莫有啓僕實與君針芥密投窮玄

倉垠探源渠搜比律為均擣珍為羞彼味

不知議莫與酬 先子云亡南北異軌歲

月逾邁塵積弊衰君書到手云胡永留中

年相同藹室豫備今訖南歸動色相慰運

有顯晦官實鄙置曰汝二子教實未至空

林荒野黜彼聽視三餘養功先德是嗣彼

夸逐况氣蹶彌圯屬觴孔深君以疾告話

言慎矜罔有顛倒長年駒隙曩虛祿稍汝

易漸完吾與汝校麟經說幽吾韻汝敷詞

林榛蕪書圃川浩執轡以驅不失其導伏

枕瞬息疾危奔泉鄉失成彥親失令賢謂
天蓋高則莫敢言謂德靡備眾曰不然承

契壽昔今三十年金蘭合交矧維姻聯薄
莫寫哀涕盡莫殫嗚呼哀哉尚享

祭袁府君

稽乾淳之盛際多士聞其皇風啓城南之

文會首屯田之封崇維 正獻之模範實

高躡其遺蹤植大本以沃心廣經說而訓

蒙雲負笈而鵠立 越公茲焉以相授懷

試燥而不上考舊譜而合宗登慈恩以後

先黨籍炳而避鋒洎大明之更絃俱玉珮

於秘蓬靈椿儼其不凋桂聯芳以增隆騁

安陽之成思與桐木而相通凜風雲之變

更丹林殞其青葱繫千金之美裘泐忍辱

而蒙茸雪霜厲以交隕復融風之相攻履

蹇武以不前憐胡為乎泥中合情話以交

慰證墜簡而彌縫鼠行窓以窺燈各釘坐

以炯瞳意凌空而肆竒效並飛以追鴻神

投淵以搏怪爭交手而捧龍或舉觴而心

眩或擊筑以氣雄窮探蟻於珠曲駕採蓮

於神峯語不泄而益婉詞欲陳而彌封瞻
懸瀑於踞石聽空籟於舞松運通塞以莫

推各分岐而西東歲協洽以入燕益磅礴
其心曾馬伏軾以悲鳴詎示之以不逢亟
返駕以式微疾果侵乎今躬念兩家之敦
叙五世閱而攸同原伯魯之世胄交衢泣
其懂懂蚊秋集而失喙菌露溥而慘容憫
全垢以多虞爰返真乎顯穹天柱鬱其朱
明校綠籍以昭融玩死生之情狀周流竟
乎鴻濛陟 帝廷而不震承穎優乎 先
公賜二笥以永歲靈根衍以和冲觀萬化
之終始深有悲夫夏蟲陳薄奠以永訣抑
以厲夙昔之悲衷嗚呼哀哉尚享

祭張宗師

維至治元年歲次辛酉十有二月庚子朔
越十有八日丁巳具官來楨謹以香茗之
奠告于開府玄教大宗師張公之靈曰維
公以薦碩之姿冲靜之量執倫與勤靡有
恣放際遇 五朝貴盛莫伉口絕否戚身
守謙讓六盈盈虛小德彌諒衆罔置疵異
莫敢誇綢緼無垠如雲在天亦既作止脫
焉藏淵金冠玉圭四十五年緼袍蕭齋弗

競弗鮮易簣以逝嗒然癯僂死生亦大公
寧憊然賤子在京踰二十載每默察之謂
可免悔笑言孔勤觴至彌愛聞公觀化寧
不永慨凡我南士命有顯晦五福之全莫
與公配一奠厲忱盛德昌沫靈旂來歸昭
鑒如在

祭外祖

淳祐辛亥 大父嚴州養逸家居我 外
大父敷文驟臨漳解組歸于里間是歲八
月抱疾以吁曰吾女甫六歲相宜生佳兒
將曷所從維 嚴州夫人我中外表俾它
日以事問名不旬日嗒然以終辛酉之歲
歸 嚴州府君實惟次壻官于京畿是生
不孝子曰楨七日以逝外祖母張氏鞠之
曰果長成有立我敷文無愧吾女亦不死
幼歲多疾兼以羸弱味昏 先嚴州督過
不置稍長知外家為王門尅自奮勵遂獲
見于鄉大夫鄉先生曰是子其有聞楨生
丙寅 先夫人之亡三十有三年 嚴州
無祿禍罰酷纏閉門省愆曰吾何以報劬

勞之恩是外祖之期卒莫能紹聞矣備負
史館掌制十年復叨集賢今復歸于詞垣
雖學不稱其職則吾外大父冥漠之中當
以昔言為真然矣久宦京師不能展省
墓田謹遣男瓘以酒醴之奠陳告曰楨母
史夫人以上恩得封會稽郡君今叨塵
三品宜得追封郡夫人歸老故里敢省墓
以陳言盡而情無窮涕與淚淪尚享

祭趙子昂承旨

維至治三年歲次癸亥六月辛酉朔越二
十有七日丁亥從表弟具官棗楸謹以清
酌庶羞之奠敢昭告于翰林承旨祭棗趙
公之靈曰河嶽之精上為列星形而為人
孰著炳靈茫茫禹甸萬不一能維公之生
服食粹清幼敏于學雲英天葩崑崙五色
散而為河其見有卓其別有科書證古文
律合泰和肩曹躡絕絀莊廣騷身承萬牛
手題六齋神游靡窮燈瑩補勞運通承休
官于兵曹嘉名既彰日底于高大繼豐碑
喜愠靡辯或與其奇或削其疵窮櫛華居

卒為其師行不矜細語不擇辭客去我休
嗒然相忘英英玉堂燦兮玠璜心如虛舟
云返其鄉鷗波大雅曰茲徜徉都有異傳
愛者以匿歲月既深傳者維的聞訃莫奔
相視動色世失名士曷有南北維我外祖
崇王外孫稱實史出絲蔓是論乙酉之歲
定交論文我賦孔深公辭彌敦俯仰三紀
獲接佩履薦墨專特屬以史事彼雖蕪然
公意則侈今承後塵或謂是似哭不憑棺
葬不視穴雖云係縻禮則有缺歲周如流
心志若割薄莫寫忱以告永訣嗚呼哀哉
尚享

祭史車父助教

維昔外家過於侈盛乾坤轉旋咸謂其將
不競矣父治聿興闔郡不薦者幾三舉楸
以謙薄考校輒與而私以計則曰我外家
譎謀若是計借之來抑疑且自懼也嗚呼
車父色蒼而貌淳規矩不踰於常人其考
經也守儒先之說罔敢越踰吾則曰五經
之說弊極則返昔有議而必除渙然怡然

知鄙說之不妥而冒昧固陋得奉身於毀
廬嗚呼區區之心兄悉知之矣投老還山
書疏不置意謂衰朽猶能相奉以劇議也
靈輶速歸痛徹心膂暮年哭于囚兄之喪
涕泗不已可哀也夫其可置也夫嗚呼哀
哉尚享

祭定水真禪師

維皇慶二年三月辛卯朔越八日戊戌具
官秉梢謹以香茗之奠告于雙峰長老真
師之塔空性返真匪以言先詮要混殺強
名為禪立禪啓宗假言以宣語默動作斯
言之筌末派沅淪若蔓斯延巧延嫉之斷
方毀圓彼尚辭者復據其顛視之莫名孰
不以權駕彼駑馬冥途加鞭在昔源公孤
立巖泉食苦避甘養其德全匪石匪金以
刺以鑄來者却立恣言佔諠疾抱遺衣涕
語速速信宿熟視維師是傳師來斯立若
源之在前毀心以完沈珠于淵謂支離苟
生何有幾年散形而歸雲升在天一髮挽
鈞事實必綿縻爛缺敗曷其有痊陳茗焉

心其然其然尚享

祭定水源禪師

維師之行力垢穢而益清也維師之言事
韜匿而益明也志異乎眾知者不以為介
居處乎獨識者不議其隘壞械脫粟憂道
之無傳涕與淚連避俗避世將處夫懸厓
之顛誓墮其年以厲夫貪鄙而卒不能以
遂願也戊寅之冬會于先塋師扶其旨神
光晶熒匪事於解繫焉緯經曰無體無方
簡易是程世道日淪夸誕益臻望洋以行
靡知其津維師之示寐今四十有六年稱
也周游南北亦既垂老何授徒烝烝而罔
有以紹雙峰之山實演法之所祠歷年
塵翳莫覩適臨忌辰薄奠式陳以寫我衷
慄尚享

祭湖心奎律師

維泰定三年歲在丙寅四月乙亥朔越十
有一日乙酉具官來拘謹以茗果之奠告
于前湖心漢章律師之靈維師以峻潔縝
密之行儀于叢林不言而老稚所仰無文

而顯蒙所欽壞絨薄飯攝念一室梵唄震動絕怖畏以息其貪嗔末世頽波毀戒壞律罔止於一人緜緜縱恣侮夫澄海之巨鱗雖心不為動持清議者何縮吻而咽瘖暮專一丘持挽退靜之質以為比鄰今歲之春會言諄諄手書至門遺語益親勸余以老之將至息機心而罷職吟念故老之撕盡紛攘臂以自陳視師之行其置曷俊今師往矣寧不戚幸薄真寓懷庶其鑒歆尚享

祭育王明禪師

慨禪林之盛時爭摩擊以相接或勵行以安行或發機於危掣辨鋒激以奔雷玄鑰契而吸鐵遵古聖之矩範接前賢之軌轍於斯時也師能承其餘風以考其異同數十年來茲道不競角立爭騁遺言懿行罔有涖省師獨巋然玉几之峯會衆說以持正繁霜孤松巨浸一航凜乎誠不可以當相會未幾遺書在門痛者舊之欲盡知典刑之莫存高年昭明曷有盡傷如月在天

孰存孰亡持茲一奠以寫餘光

祭王蓬山

精氣神之交媾兮動死地而莫可詢魂既升而茫忽兮有假夫攝鍊以存存彼學仙者之自任兮謂能持精思以叩天帝闔鬱儀兮繽紛騁靈霄兮繫以文目渺渺兮空洞眸容騁兮神君道至簡兮宜鋤耘絕聽視兮合渾淪蓬山為鄉兮海為門是生王仙兮合吐吞劬躬以訪道兮老益以勤窮還反之變化兮莫逃夫大垠慨宗伯之上征兮壯歲實預其駿奔守不懈以自將兮二父合情以彌敦數九九而益少陽兮不恒乎世劫之遭屯念初志兮冀有聞侍靈游兮駕長雲歸來乎隱仙兮塵曷以全

祝文

壬子歲除告祖禰祝文

舊歲冬十月將入直翰林舟來吳門知有代者乃不果行舊畬先疇爰築室是承徭役紛更復逗留以治靖念烝嘗不克親奉是慄是懼秋九月得疾幾殆庸禱于祖禰

幸獲有瘳十月既望蒙恩復授舊職遣官
趣驛以進退惟謙薄承藉先德迄克臻茲
言歸于家敢絮酒饌合祀于中堂尚祈相
綏以保嘉吉

丙辰歲告追封祝文

承藉先蔭有列于朝今踰十稔叨恩次對
亦復再留郵典既行咸得追榮其父母而
摘視先考品秩有懸格未應得先妣從先
考之爵今追封為會稽郡君妻鄭氏亦獲
追封為會稽縣君糜繫京師未能遄歸異
日將告于墓下爰羞酒醴虔告行宇敢告
戊午歲終告祖禰祝文

癸丑之春蒞官于朝今茲六稔烝嘗之奉
弗克親薦夙夜惕心次對再叨亦滿秩考
歲聿云暮絮陳庶羞以伸永慕尚相其成
俾歸奉松楸之願尚享

己未封贈祝文

延祐丙辰春叨塵待制需典普行得追榮
于我考妣是歲翰苑扈從不以官秩高下
咸獲霑恩獨吏部申明謂子職既卑難擬

於父繇是僅獲追封妣為會稽郡君丙辰
秋八月復獲再任惕然松楸之念朝夕不
置將俟代南歸捧黃以告墓下夏五月踰
滿忽蒙誤恩超陞為直學士靖惟僥倖皆
考妣劬勞覆燾之德奉職伊始曷敢告還
謹奉 宣命令孫瓊跪讀于墓所保祐無
數俾獲為全人以無負先訓楸之至願敢
告

己未告鄭氏縣君祝文

向以叨榮侍從追崇典行遂得恩及于妻
因循再任晉秩集賢卒未可歸今子瓊以
副黃焚白敢告

辛酉歲終祭祖禰祝文

摘濫官于朝踰二十載舊歲南歸將一意
誓墓以奉祭祀承詔復舊春三月來京即
預考士四月供職復扈蹕開平八月始還
孱弱之質崎嶇道里迄獲平善皆我祖宗
保祐之功歲聿云暮庸奉祀於寓廬俾遂
平康二子瓊瑤克紹詩書以光祖德不肖
孤實有祈望惟陰相而默成之尚享

壬戌春祭祖禩祝文

三月甲戌中書奏奉改直翰林退省淺學
非所宜當實我祖禩胚胎前光而不肖嗣
冒膺是天寵扈蹕有嚴將上開平晚弱之
質驅馳不堪車馬備途異有以扶翼使獲
歸田以奉松楸不勝大願次子瑾俾入成
均敢庸虔告相其有成尚享

癸亥封贈告廟祝文

憑藉先蔭獲綴從班卹典肇新祖考嚴州
府君得贈中順大夫上騎都尉會稽郡伯
祖妣王氏令人贈會稽郡君考處州府君
贈亞中大夫輕車都尉會稽郡侯妣史氏
郡君贈會稽郡夫人妣楊氏安人贈會稽
郡夫人妻鄭氏縣君贈會稽郡夫人今祇
承 宣命奉祀于寓舍以申虔告淺薄承
緒戰兢靡遑晉秩侍講實繇祖德深厚弱
息踵武克已樹德敢不夙夜伏祈鑒歆以
永終譽敬告

告嚴州府君祝文

登極之詔以推恩錫命為首越小大臣罔

不承澤柄以侍臣獲追榮于二代而我祖
考今得贈中順大夫上騎都尉會稽郡伯
祖妣贈會稽郡君追惟付託之重實篤意
于先大夫不肖孫朝夕思念靡有替墜踰
六十有七年獲遂初志霜露既降謹以副
黃俾瓘焚白近叨綸音晉秩侍講行能淺
薄大懼弗克荷負先德弘遠冀有以綏祐
贈典有加行申告于墓下敬告

告處州府君祝文

登極有詔以推恩錫命為首小大臣罔不
承澤越今始奉行柄以侍臣獲追榮于二
代而先考得贈亞中大夫輕車都尉會稽
郡侯妣史氏贈會稽郡夫人妣楊氏贈會
稽郡夫人靖惟義方之教期勸甚遠種德
殖義奉身以淑後者鄉黨所共知施于孤
兒得食其豐報霜露既降謹以副黃俾長
孫瓘焚白以鑒近叨綸音晉秩侍講忝竊
踰分惟寵綏而啓祐使行能無愧獲為全
人則世德永遠施于諸孫俾有憑奉敢告
告鄭氏縣君祝文

往歲已膺縣君之命今鄉典既開位在三品追爵彌高縣是陞為會稽郡夫人天澤深厚魂其欽承敢告

謁告還家祭祖祝文

庚申蒙恩被召再入集賢連歲疊除大懼不克負荷日夕念歸以虔奉祭祀為急守職有嚴不敢遽去今者謁告歸里將杜門息心力教子孫永承松楸之蔭私心未遂惟陰相以成其私禴祭有嚴敬奉昭穆合食于新堂敢布由衷尚享

追封祝文

緞跡朝著今踰二紀行能謙薄大懼弗能稱職廼者先丞相忠獻王不以卑鄙驟加超擢叨塵二品

今上嗣位大賚中外視其職秩悉俾追榮繇是祖考加贈嘉議大夫禮部尚書上輕車都尉追封會稽郡侯祖妣王氏加封會稽郡夫人考加贈中奉大夫浙東道宣慰使都元帥護軍追封會稽郡公妣史氏加封會稽郡夫人妣楊氏加封會稽郡夫人

成命已頒庸告于遠祖敢告

立碑告墓祝文

維泰定二年歲在乙丑十有二月丁丑朔越三日己卯男具官稱敢昭告于妣史氏會稽郡夫人七日而孤先郡公以家教之謹始於嬰孩能言即授書甫七歲詩書語孟皆已誦習尚書之澤稱以嫡長當受郡公讓于兄子甲戌歲先公陞真郎法當從是進秩且得以官其子先公正色曰我即死官亦不以與鄉書國學儀圖以紹世德汝之責也纖粟靡密先公一以自任遂得專意問學師友之淵懿皆躬探而力討辛丑歲登名于翰苑凡二十有五年僥忝踰分皆考妣之垂裕墜碑未立每盡然于懷徃官待制清河元公擅金石之作遂獲乞銘吳興趙公專翰墨之美得求其書今已十年而桐齒髮漸衰亟刻石立于墓右亦欲俾子孫知儒學足以發身於是有考謹以清酌庶羞敬奉考中奉大夫浙東道宣慰使都元帥護軍會稽郡公妣楊氏會稽

郡夫人合祭尚享

祭外祖母張氏祝文

嗚呼自先夫人之亡我外祖母不忍棄其諸孤鞠育撫訓日期成立以報罔極稱今幸不墜先訓官于翰林集賢者二十有五

立碑告墓祝文

幼承嚴訓遂得悉意於藝文有列于朝大懼遺言懿行之罔傳向為次對廣平程公辱在先友適為院長廼求其銘是後叨塵二品封贈疊加不敢易其舊文遂刻于碑右乙未之日實為誕辰庸建碑于隧道嗚呼厚德如山百不寫一靖惟孝思曷有殫極敢告

男權祔祭文

男權不幸蚤夭已安葬于錢湖黃輿之原日月不居已經卒哭禮宜祔于王父大母今茲陳設殺饌有事于中堂敬以其主祔

孤兒孤女異相其成俾宗緒不墜則實有望敢告

男權祔廟文

成年長往亦既妥安其體魄矣卒哭事竣當祔主于祖廟設祭中堂其從與享

清容居士集卷第四十三

清容居士集卷第四十四

雜文

放生池祝聖文

重華廣孝琴奏五絃成湯克仁網開三面
式屆正陽之月密符元命之辰寸地尺天
歸皇恩於不有四生萬類涵惠澤以無窮
恭惟

陛下功契重玄道融衆妙鳶飛魚躍極上
下之昭明馬負龜呈發陰陽之靈秘臣等
依承真蔭詠贊昌期天地大德曰生想洋
洋而圍圍文武萬邦為憲咸肅肅以雖雖
碧海波澄瑤池仙下

鮑王廟祈雪祝文

維神廟食茲土幾千餘禩比歲饑疫荐臻
戶口耗絕意者降罰自天神不得以有請
也飛蝗蔽天神能相其穡事俾獲無害而
入冬以來陽不斂藏雷電畫作月臨嘉臘
同雲之候迄莫有覩深竊懼之雪為五穀
之精協應以時則遺胤原隰者可以拜伏
民無疾疫春有東作千里之幸使者觀風

於此朝夕俛念神於斯民休戚稱重願力
闡明靈叶贊于山川錫以嘉瑞勿愆其期
以絕菑害益足以彰神之賜

賀東嶽表

節應蒼龍紀成宗之元祀雲舒彩鳳流阿
閣之祥光萬姓庭趨百靈奔會中賀恭惟
氣超混沌功運冥濛稟木帝之精仁施無
際悟谷神之蘊道妙難名永孚于休必得
其壽臣等肅蠲瑤竿祇演琅函望齊魯之
青葱天威彌近恨蓬瀛之拘繫肉翅難飛

又庚子歲甲辰日

陽德鍾靈龍集式符於天統昌辰紀瑞虹
流上合於堯年五福錫民百神受職臣聞
至仁無極如歲之春感德莫名惟天為大
故能彰施黼黻以盡人文之妙休養封殖
以成品类之和幽明相通顯微無間極際
蟠而均被亘今古以常新佳氣鬱葱神光
孚達中賀恭惟位冠群后功贊無為玉檢
金泥極昔王之潤色丹山赤水覽海國以
遨遊爰假青燁以諧寶典臣等傾心雲闕

注目霓旌呼萬歲三莫侍鈞天之廣莫方
百里五徒推東魯之幅員

又 吳歲三月十九日立夏

瞻雲喬嶽叶盛德之在春受曆清臺揆發
祥而維夏四方來賀六合同風中賀恭惟
樞紐陰陽權衡品物金瓊玉燭以成三時
之和丹臺紫清以佐九皇之治雖真游之
無跡章神御之有嚴光挾龍輿下琳宮而
布武燕分麟脯傳玉笋以流恩海觀塵清
城闐瑞靄臣等式循舊典庸展上儀大道
無言莫測網緼之始人心不遠益窮肝蟹
之微

又

天作高山實尊魯甸位冠群后茲為岱宗
良辰揆維莫之春多士仰思皇之祐中賀
恭惟受元氣始為萬物宗七十二君莫測
神庭之秘三千餘里有開日觀之祥睠茲
海孺實維俟服斥鹵竭魚鹽之利生聚紀
蠶麻之功民食每假於轉輸土俗猶存於
浮靡兩賜微戾伏臘遽乖敢因善頌之誠

庸致預祈之懇絳旂丹轂密除疢癘之妖
紫府清都彌降簡穰之祉然後東皇太乙
錫宴鈞天壽宮神君追遊化國適廣聰明
之聖懋昭長育之仁眷此有生施于無極

又

時維莫春誕紀盛旦歲行吉亥丕昭令辰
蒼龍宣長育之仁玉燭啓豐穰之瑞中賀
恭惟希夷道廣亭毒功深神化無方寸雲
合而甘澤溥精誠有感巖石固而積雷穿
臣等身困海圻心傾日觀萬年永保降祥
敢擅於斗牛大德曰生衍壽益齋於箕翼

東嶽殿上梁文

伏以海觀澄清聳神山之紫翠仙閭縹緲
靄雲闕之青紅光景常新規圖改舊伏惟
陰陽合德高明配天三宮空洞之游道無
不在六虛周流之妙用莫能窺曉茲海孺
古稱鉅鎮廉讓被先王之澤詩書敦故老
之風穀粟桑麻行協三登之慶象犀珠玉
聿來重譯之邦神符默契於天心嘉貺式
資於帝力洋洋在上蕩蕩無名雖祀祀之

茲芬愧揭虔之庫隘今太守顧瞻下宇咨
 度廣居龜卜既從鳩工斯集雕藥藻井戕
 然金雀之棲玉階彤庭鬱若彩鸞之舞雲
 光五色花氣千層誕揚仁惠之聲益廣循
 良之政梓人之道類相敢愧裁成王者之
 德好生益申贊詠今茲穀旦庸畢偉功虹
 梁初舉於地中鳳輦疑從於天下載色載
 笑來宴來娛輒采歡謔少揚盛事

拋梁東天雞午夜日輪紅風馬雲車歸

帝所丹臺紫府布皇風

拋梁西江闊城廻細柳低簇騎共看紅

叱撥踏歌時聽白銅鞮

拋梁南簇簇山光擁翠嵐蕙葉陰陽元

有準蛙聲水旱不須占

拋梁北滄波不動平如席祥風甘露瑞

豐年大貝南金書絕域

拋梁上仙藥未須承露掌絳宮神闕自

回環玉檢金繩空悵望

拋梁下萬井春風樂皇化雕題交趾九

夷朝草笠黃冠八方蜡

伏願上梁之後乾坤清晏星斗潤明蘿圖
 永衍於皇基椿壽益延於睿筭六府三事
 百吏屯民雍容治世之音翺翔太和之城
 物無疵癘家用平康結繩追渾沌之風擊
 壤繼康莊之詠神祇受職動植霑仁

梓潼青詞

陽春布德誕開震夙之辰天運興文允協
 亨嘉之會四方來賀萬神唱恭恭惟道合
 希夷氣超混沌揚靈西蜀通肝蠶於妙庭
 佐治中州職銓衡於帝所維桂籍固嚴於
 取與而芸編復驗其勤勞至道無私積善
 有慶某學拘鉛槧業保簪裳教子未能企
 世科之必復傳家有託守先訓以丕承庸
 展素忱式陳薄薦伏願祥光紛郁梵氣開
 通孔蓋翠旌覽德輝於九土帝符龍券錫
 慶澤於一門

梓潼醮齋文

瑞靄層霄誕紀降靈之節誠傾魏闕有嚴
 事帝之儀慶接九坂芳垂百世恭惟至仁
 育物玄感闡幽受色筆夢寐之中辟容有

赫厠金榜銓衡之際嘉兆密符允懷一經
教子之心適值大比興賢之歲雖登崇有
數難以預祈然神化無方終期默運伏願
祥光下燭飈馭恍臨桂籍書名願俟家甦
之復棘闈進步思成金蘭之抽詞盡意長
恩深感集

宴交代鄧集賢致語

繡衣南國屢施白簡之威玉佩中朝允稱
金闈之彥惟姻好實俾於兄弟迺交承永
紹於雲仍愧乏絃歌式陳邊豆伏惟交代
集賢相公雲霄自致風月無邊給札玉堂
氣欲吞於兔穎橫經壁海坐嘗撒於臯比
清言王謝之比肩妙畫鍾張之接踵與人
無競詎論鵬鷄之鉅纖處身以和不計鴈
鳧之雙乘京師之望君實洛社之慕堯夫
廟堂掄才會弁已同於諸老巖壑動色拔
茅肯後於吾徒蓋將拄笏以看西山披裘
而傲北雪老子之興不淺先生之祝何如
特進宗師大真人勿結文盟壯持道紀度
弱水之萬里騎氣而遊登紫微之九重步

虛以進謂孔老之同有自若晉鄭之焉依
避堂尊賢授祭禮客諸衆官或遠使絕域
或近職內銓俱精神磊落之英實羽翼贊
襄之士儀生彩鳳武接祥麟我翰林脩史
大夫針芥密投金蘭久託候松階之日影
舊岩墳篋踵蓬島之雲光今慙糠粃悟三
已之無愠知四休之當宜敢以心聲上陳
口誦

娑婆老子倦東吳笑挹胥濤傲太湖坐使
千巖爲几席能令萬籟作笙竽瀛洲法曲
行刊譜酒國長春莫計壺顙有嘉賓相勸
舞玉山斲倒不須扶

亡是公代聽雪主人宴客致語

疾病相扶持迺天倫之至理酒食召僚友
亦人道之常尋挹南斗以爲漿夢鈞天而
廣奏熒煌接席醴郁陳歡清容處士素褐
癯儒青氎奮緒技簪逸海岸有古松流水
之心騎馬傍人門無冷炙殘盃之色因頓
於俎豆弦歌之事沈淪於醫藥卜筮之流
匪曰卑陬亦云曠達喜愠既不形于色口

腹亦何累於人聽雪主人出壑清水臨風
玉樹陽和盎面士疑挾纊之恩冲粹積躬
衆美虛車之讓鼎烹而調衆口杯水以勝
萬言給月支風陋人間之腥腐屠龍膾鳳
窮天外之珍羞厥德不回何恙弗已方將
肥躬以速諸父庸示等差弊袴以待有功
悉除僥覬芳筵縹緲雅集舒徐露墮三危
化逸巡之麴蘖風彌萬竅陳廣莫之笙竽
享若太牢澹如明水敢陳口誦少贊神交
玉堂學士詫英豪濯濯天葩簇錦袍擬上
瑤池擘麟脯不將金帳飲羊羔長卿多病
綠消渴坡老長貧漫老饕從此青州化烏
有夢迴霜月冷如刀

太虛道士勸清容子文

鑄金作象深垂饕餮之文索米爲飢何異
侏儒之拙迺知芻豢之悅我口不如禮義
之根人心傳書染指之早易著濡首之悔
詭稱聞道實曰費辭清容子山澤迂踈冰
霜傲睨乏燕領庸頭之相初匪適時爲牛
溲馬勃之才猶言蔽用徒稟薑桂之性殊

乏參朮之和望侶木難出語爭疑其鐵石
癯如野鶴持身或近乎膏梁岐黃之問對
匪專元白之唱酬莫預已廢三餘之業獨
夸一藝之長積其家聲耻莫甚矣同乎流
俗已實爲之弗思尚口之凶猶見朶頤之
色昔茅容雞黍詎爲設客之資而張翰鱸
蓴延在還鄉之日捨飯疏飲水之自得爲
蒙袂輯屨之可憐不爲盤飧固難免跨驢
之謂我有斗酒要當爲得魚之權幸前倨
而後恭姑小懲而大戒尚期深省以贖往
愆

涼州牧白羽乞致仕表

控扼喉衿粗謹揚清之節叨承掌握莫甦
中碣之民知見幾而作之良致陳力不能
之請明時匪棄小己實兢伏念山澤癯儒
江湖野性樊籠久困難自致於雲騰邊幅
自修徒強追於時好心已忘於虛室手慵
爰於權門勇不足以沉舟技莫施於秉翟
畏趙盾之日固曲盡其巧心憎尤規之塵
終有慙於眯目羞踴踴涼涼之行鄙媿媿

姝姝之能謀乏知兵謬忝三軍之寄材非
補袞莫資四皓之成荷執中之從權俾持
麾而自效然而動靜之道莫逃於數代謝
之理亦維其時今者扶搖在空蓐收屆候
羊角之哀已急鴻毛之順實先雖酒泉之
封相與絡繹而雪山之衝深惟扞格服不
衷而災也清有餘而簡之郵面見人詎堪
寒士之誚翳身而舞不逃宛丘之譏况臣
翼蔽非長骨立早見久尸重寄深懼大何
同異之論方興終難徇習磷緇之瑕已露
必致投閑茲蓋伏遇某官八柄馭臣一時
講武治天下運諸掌式契古初繫一人謂
之風灼觀民志憐蓐席之舊物希篋笥之
厚恩動之斯和固已遂馳驅之微顛揮之
不去誠有乖名節之大閑優哉香山之歸
凜矣杜郵之戮先猷儼在遺訓具存矧茲
蒲柳之姿暢若桑榆之景亟全末路俾就
完人問溫樹而不言深疑過謹開浴堂而
召對未忍自捐得請為期束裝以俟

答詔

式瞻天文俯察世道求賢自輔故建官以
廣其見聞使民以時故用人弗責其全備
卿皎若明月穆如清風早振儀于天朝晝
承問於溫室盛秋守塞力可散閑當宁念
切莫違雅素飾賁無咎持謙有終朕執中
而憚然卿為計則得矣百年過隙要當從
佚老之歡萬物為銅行復俟秉鈞之用勿
云致事不我告猷可特授扶風公致仕擇
日降制廬陵蕭靜安作白羽扶風公致仕制涼州牧白羽謝表徐國撰乞致仕表及批卷

漢雲字說

雲漢之萌進於坤而踰於乾其昭然者陰
也陰何乘於陽乎天地之初至靜而虛根
於陰矣陰者陽之先夫下而上者為升鷄
火之中陰之基也陰見而極陽始著明萬
物彙貞各返其生生而不已復歸于陰其
環無端其去無趾故曰體之者陰也用之
者陽也廬陵蕭道士字曰漢雲知所後先
引而明之道不遠人合性與神其道得矣
老氏之學捨是奚自庸俟而質諸

張子敬字說

乾坤之用近取於人者必始於敬敬立則誠始存聖人繫辭旨且深矣自伊洛之說行各希美名然徐察視履矜矜于外者猶憊然于內豈果以為外飾哉余嘗聞中原諸老言許文貞公教授諸生窮髮之北皆負笈以請一聞善言有終身行而不倦者是殆其至靜未散先進禮樂之遺意子敬居河西沈厚默靖莫敢自暇內外交養在己治人悉本於是尚勉之哉

史文振字說

丞相史忠武王以雄翰淵謀佐 上聖合萬縣功書鼎彝勲在琬琰厥子若孫章綬承接至于雲仍罔有替墜時則有若今江浙省管勾君勾稽知微謙謹保緒譬之巨木蔽芾百里群柯交蔭條達而不紊亦盛矣哉一日以書抵余曰鐸受名于父兄而字未之有竊有請焉嘗考文武之事不能以無而鐸焉則能以備丞相之勲殫於武事則今之振文事者繫後人是望敬字之

曰文振夫文非止於詞章而已績密而不泄著而明翕然以成其聲也清以廉宣明國家之盛俾後之人考世臣之系則必曰允文允武罔俾專美於前代余於文振實有望焉

余孝友命名說

邃古命名六相七輔莫得而詳也八愷八元或得以有解焉是則命名之說其始於周乎周之初猶未聞其說也申繻之言名有五則夫今之問名者皆本於是私獨怪夫世降而俗漓高者希於聖卑者希於祿余閱夫歷代之史傳獨漢為近古皆以一字為則至於方術有所不足責德命為義則於東魯余君見之成王夫子之訓先儒紬繹不能為言矣或者喋喋然為言其無乃贅而不知非者與余君方力行以為本因義以究其實是不在於吾徒之告異時行備於家庭顯於朝著願勉之哉俾勿替則得之矣

平山說

唐僧一行陋周畿漢志之陋始定南北兩戒而山川之肇源止伏一覽以盡可謂善矣然而磅礴雄險隱然若有所限其支脉連屬猶屏蔽自衛焉睹所謂平山哉余嘗出居庸上桑乾始識其衍迤之勢千里若一方若布席圓若拱壁氈廬蔽空凝雲積雪杳不察其高下故其行者如升厓騎者如凌風忘登頓之勞繇是達于金山靡有紀極而視兩戒之說倍徙未足以議也王侯設險以防國德不勝不足以恃是則幽州之北山不以險稱雄絕萬世朝九州以函諸夏豈峻極于天者非山之謂與在易之象曰地中有山謙不言山在地中謂有高大之實藏于地謙之象也余嘗聞洞庭諸山跬步巖粵謝君獨取其平焉久留京師願至開平知盛世之廣洗耳目之固陋歸于故里卧游以思登東山而小魯夫豈虛言哉

琴述贈黃依然

性六十年錢塘揚司農以雅琴名于時有

容三衢毛敏仲嚴陵徐天民在門下朝夕損益琴理刪潤別為一譜以其所居曰紫霞名焉自渡江來譜之可攷者曰閣譜曰江西譜閣譜由宋太宗時漸廢至皇祐間復入私閣今世所藏金石圖畫之精善咸謂閣本蓋皆昔時秘閣所度而琴有閣譜亦此義也方閣譜行時別譜存於世良多至大晟樂府證定益以閣譜為貴別譜復不得入其學寔絕紹興時非入閣本者不得待詔私相傳習媚熟整雅非有七感憤遽之意而兢兢然國小而弱百餘年間蓋可見矣曰江西者由閣而加詳焉其聲繁以殺其按抑也皆別為義例秋風巫峽之悲壯蘭皋洛浦之靚好將和而愈怨欲正而愈反故允騷人介士皆喜而爭慕之謂不若是不足以名琴也方楊氏譜行時二譜漸廢不用或謂其聲與國亡相先後又謂揚氏無所祖尤不當習慧揚司農匪前人以自彰故所得譜皆不著本始其為今世所議無可言余嘗習司農譜又數與徐

天民還往知其聲非司農所能意創問以問天民時天民誇詡猶司農也謾對焉終不以悉余益深疑之而莫以據後悉得廣陵張氏譜而加校焉則蔡氏五弄司農號為精如紉繹皆張氏所載獨揚氏隱抵不述耳今世琴調清商號為宥多郭茂倩記古樂府琴辭亦莫盛於清商杜佑氏叙論雅樂謂楚漢舊聲猶傳於琴家蔡氏五弄楚調四弄至唐猶存則今所謂五弄非揚氏私製明甚議者悉去之不可也按廣陵

張氏名巖字肖翁嘉禾間為叅預居嘗時嘗謂閤譜非雅聲於韓忠獻家得古譜復從五市密購與韓相合定為十五卷將錄于梓以預韓氏邊議罷去其客永嘉郭楚望獨得之復別為調曲然大抵皆依蔡氏聲為之者楚望死復以授劉志芳志芳之傳愈尊而失其祖愈遠天民嘗言揚司農與敏仲少年時亦習江西一日敏仲由山中來始弄楚望商調司農驚且喜復以金帛令天民受學志方故今紫霞獨言劉郭

而不言廣陵張氏傳授皆揚氏與其客自私之蔽越有徐理氏與揚同時有與音王譜一卷以進律鑿琴統入官其五弄與揚氏亦無異晚與楊交楊亟重之益知楚漢舊聲非揚氏所作余來京師見鼓琴者與紹興所尚微近第重緩如寬厚長者余不能以是說告之也黃君依然豫章太史之裔以琴游公卿余未識之而余之嗜琴當有同者故書其源緒以解夫今世之惑而因以告之

贈醫者陳生

鄞衣冠家為宥盛閭里棟宇相接屬議醫藥尤尚選擇輒考論其世又察其詞色溫謹涉于儒者始得進焉每視疾必先告以虛實先後始筆簡牘識其月日以校輕重有不如式者爭詬病詆笑于時待之也良厚而所謂醫者亦咸自愛重不敢妄試車軌混合南土游宦居多中原人壤高氣厚所服餌率宜寒涼由是羣醫爭視好尚迎合間有奇中遂復以施于鄉黨十失其半

夫泥於古者非通論而強試其所不可行亦殆矣余官京師時遇南士之稍適於時者服食嗜好茫不可辨疑誠中州人也節宣之不時亦復以攻導之法自治問者未退已倉卒不復救輕千金之軀以夸眩誠有罪猶諉曰是不通至於業醫捨風土燥濕之宜以逐近利利未獲而害日以甚吾不知其為何心也里中陳氏子某世為醫祖父篤厚君子也力訓諸子讀古醫書長子辨論開博余每見之則曰醫不可以泥古徇今則非矣又未幾而死心每悼之後二十年其孫復自立不墜余廼有言曰夸言以為容非術之工也媚時以自售非術之寃也相其州里審其表裏神而行之日踵于門者莫可禁雖嫉媚遏抑不足為子懼勗哉以樹道何憂焉

示羅道士

近世通南北謂吳中所習琴為浙譜其效在揚司農纘諱其所自譜首於嵇康四弄韓忠獻家有之侂胄為平章遂以傳張叅

政其客永嘉郭楚望始紉繹之今人不察百喙莫以解精於琴者始知之北有完顏夫人譜實宋太宗閣譜余幼嘗學之其聲數以繁完顏譜獨聲緩差異而裏聲良同字本於右軍今而曰浙字琴本於蔡絛今而曰浙譜吁其孰能解之玉筍羅道士大章秀敏且文其游於藝也必求其極致傳余操調嘗以幽遠冲寂之旨語之當于其心盖愈澹則人愈厭余將終老故山異日大章能芒鞋以訪一倡三歎之遺尚有以相告聲生於無形而悲愉感愕之跡畢具古人之事於斯者豈徒然哉因書以告之

贈番步筆工童生

咸淳間湖州筆工馮生製筆得截法圓不至輭媚勁不至峭直一筆可作萬字馮生死其弟若孫漸變家法然猶有韻度近世子昂承旨擅書名吳中筆工爭進技庭下率形製相類書不滿卷則已成秃翁蓋毫熟則易乏如脂韋之士寧復生氣子昂不言其短將以為彼養生計來京師劉自謙

編脩以番易童生筆為贈絕類玉山徐氏
舊製先正肅公平生惟用徐筆守番景久
徐氏妙法豈童生家世能傳之耶柁蠟粉
澤識者所哂譬如行車慎操其翰詭遇獲
十幾有效矣右軍製筆法傳諸葛氏嘗作
右軍筆進柳誠懸柳不能用吾徒書記姓
名童生之西甚於諸葛顛勉之三吳專利
將却走以避哉哉清遠可用於朝審矣

清容居士集卷第四十四

清容居士集卷第四十五

題跋

皇姑魯國大長公主圖畫奉

教題

徽宗扇面

水殿風高齒齒清手題紈扇墨花輕君王
猶道宮中熱竟上臨潢五國城

定武蘭亭

薛郎輕薄盜為鄰蟹爪金鐘眩世人從此
子孫千百億錦囊玉軸各稱真

牧羊圖

高柳風清晚日蒼牧童隨處候陰涼侶嫌
扶策當年客物我胷中兩未忘

吳允瑜四時折枝

吳生天機握羣動彩筆隨時作輕重幽如
靜士樂澗歌妍若妖娥漢宮寵娟娟交鴛
疑欲語宛轉不去情相送宣和殿前花侶
玉珎禽低昂手堪捧傳言寫生論甲乙御
筆親題羣輩竦一朝百幻歸逝水舊苑淒
涼麥成壟君不見桑間粟留田間雀難作

折枝奉宣索

九馬圖

九衢塵沸各低頭
水暗荒坡得自由
矯首天池欲歸去
乘風緩從玉皇游

江貫道煙雨圖

江生泉石本膏肓
刻削經營入渺茫
老樹兩深龍翼重
隔川雲冷縠紋長
吟鞍欲度愁溪徑
漁艇將歸認石梁
擬向此中尋隱計
底須紫禁謁虛皇

周增水塘秋禽圖

蘆葦蕭蕭秋水清
拒霜迎日闢紅英
鷓鴣屬玉休驚訝
歲晚江天得共行

王振鵬狸奴

畫堂綠幕鎮犀懸
花影雲陰得散眠
自是主家烏鎖密
晚風綠木捕新蟬

天王供佛圖

諸天陳妙供
奉佛演大乘
佛以施受之
佛亦墮因果
所施不願報
自然福無量
布金與獻花
輕重同一念
若以多寡論
富者日增益
天王護虛空
如月七寶合
正覺無等

夷即不入生滅
世人重施報萬劫成輪迴
問佛佛不言
彈指即成就

徐白秋塘戲魚圖

魚背水深一尺溪
毛日暎千絲
侶笑釣鼈狂容獨騎瘦馬歸遲

惠崇小景

惠崇作畫荆國王文公屢褒獎之
京下作宣和譜堅黜之
何耶余嘗評惠崇遠景不踰於吳頭楚尾
殆如大年朝陵止見西洛山水然
黃太史作詩曰坐我瀟湘洞庭豈其芒屨踰楚而南
曾次浩蕩非少年所作也此卷得之

黃太史松風閣詩

謂松有風松不知謂風入松風無形聲跡形始成言六書者取焉
肇於無名入於有名萬化之始
吾未始以妄聽松動風動當於混沌以前得之斯可矣

王生鬼戲圖

青天白日其呈怪
獻醜迺敢是昔人嘗去有錢鬼
可使無錢鬼
揶揄作斯圖者其無

迺逆旅燈下見其情狀抑亦貂裘珠帽視
窶人子類以此目之邪

出山佛像

世尊雪山成道時日食一麻一米其枯槁
蓋可見天王八十億衆猶未深伏故其猊
雄怪醜溢于面目胡跪合掌當是淨穢不
動以後儀相若曰相好端嚴閉目則失相
由目成有相俱妄或有問曰丈六金身真
妄曷辨吞者曰清淨妙法身無住亦無去
明月印海波白雲倚巖樹

折枝

錢生調露滴花枝蜂蝶無知鎮日隨記得
畫橋流水處雙紅背立隔簾窺

隆茂宗羅漢

子昂評畫要是具眼隆無住葉石林門僧
久居弁山故其作畫極多德壽宮評畫以
隆為龍眠嫡嗣今觀此卷信然

周昉金星

允景蕭萬寶秋水瀉銀潢渺渺帝子降寶
冠縠衣裳凝睇白玉京晶瑩動瑤光手弄

鷓鴣絳運撥雲飛揚正心乘無回緩節申
以商西游升廣寒東廻從扶桑龜臺鈞天
奏八景儼高張出入復安窮隱見定有常
閨闔下符貺嗣歲歌穰穰稽首連卷靈萬
年奉虛皇

黃居寶湖石水禽圖

峨眉雲疊翠淒迷更著層峯小殿西誰信
蜀王辨劍閣鴛鴦飛盡杜鵑啼

梵隆護法神

咸音無喜亦無嗔矚目揚眉定有因欲識
世間平等觀雲如流水月如輪

馬賁秋塘水禽圖

古木荒陂澹澹秋禽鳧鳧高下意曷猶侶憐
天際南飛鴈年去年來不自由

孤鶴圖

一庭涼月白萬里海雲清侶欲乘天女排
空入帝京

唐摹鍾繇賀捷表

賀捷表唐摹有二本楮河南微瘦而勁峭
徐李海差肥而沈着此本蓋自李海來若

希白長沙帖所摹則祖河南舊本施武子墓田丙舍石刻與此筆法無異觀此足以知前人鈎榻之工孔世三十八白而長身猶取其類况此實魯玄也與宜重寶之

傳古龍贊

下土焦聲教嗜靈在湫蕩游遨鼓以風拱以濤受帝令行林臯百穀成神功韜庶徵叙靈靡勞

何尊師醉拈

攪甕翻盆勢不禁晚風聲醉首岑岑醒來獨立闌干畔四壁無聲蟋蟀吟

羅漢圖

四果圓融得自如天台樓閣總虛無何人繪畫供青眼拍手雲中笑客愚

錢舜舉禾鼠

七尺長身愧負多清時空食幾困未營營蒼鼠噉分寸不柰詩人總謹訶

徽宗瀟湘

太液池清皺碧羅兩禽相對盪春波當年肯憶闌中今紙筆和鈔恨未磨

徽宗桃核圖

其廣幾尺

三足之烏千歲芝當年曾作帝王癡黃龍府裏沙溪淺準擬平分作酒卮

蕭照江山圖

蕭郎解作湖山圖上皇一見玉色偷明知此景落歌舞別灑妙墨為詩謨長江吐吞恨無極突兀金鼇障西北雞鳴不聞中夜起零落烽臺候朝夕蒙衝揚帆去如仰遙望青徐在吾掌諸公坐談籌畫疏年年送使瓜州上輪困米舟踰沔水驕將高眠載吳妓卷蘆吹笛斜陽愁折箸投江等兒戲只今承平五十年蜀荆賈客船相聯篋篋傳歌賽神舞不信心間有今古

順宗墨竹

濃淡娟娟涼月低昂淺淺春雲冒次何湏千畝筆端咫尺平分

巨然山水

空江浩蕩扶秋聲不是匡廬只秣陵老子定回神觀靜笑渠艇子浪千層

趙昌折枝

瑶池朵朵玉精神滴露研朱竟奪真蛺蝶
不知遮繡幕飛來猶認故園春

時苗留犢圖

伯夷采薇身苦飢人言周土夷受譏鶴翻
孤松蟬嘒柳絮腹得免身中肥昔聞汲井
嘗投錢清白之子推父嫌人生作事在平
易鄒子受金非慊然時君作吏心不懈一
犢相辭匪奇怪當年孝廉爭入徵壺殮柴
車魏王令

徽宗瓊蘭殿記

記以中云湖湘佳致

玉殿遥思湘水遊欲看虞帝九疑秋二君
野死難相侶宮女當年一樣愁

蘇李河梁圖

李漢

曾作河梁客山迴溪水灣春看人北上秋
見鴈南還

燕文貴山水

翰林學士將仕郎守雲州雲應縣主簿

晚色蒼茫外秋聲縹緲間亂溪環水佩千
嶺疊雲鬢晚瀑村春急風林寺鐸閑片帆
如可託吾欲與君還

海潮圖

銀潢清淺瑞星輝的的秋光下紫微欲識
潮音真實相落迦山畔五銖衣

海狗窠石圖

靈壁層峯負六鼇樂欄花檻翠周遭如何
畫史同羣吹不與君王繪旅葵

王振鵬錦標圖

界畫家以王士元郭忠恕為第一余嘗聞
畫史言尺寸層疊皆以準繩為則殆猶修
內司法式分秒不得踰越今聞王君以墨
為濃淡高下是殆以筆為尺也僚九秋奕
未嘗以繩墨論孫吳之論兵亦猶是也然
嘗聞鑿古之道必繇其侈靡者言之余於
畫斷有取焉龍舟之圖得無近侶不然昔
之所傳者安得久遠至是耶

徽宗梅雀圖

金帝母家宋外孫筆畫好樂餘風存披圖
勘書儼相侶天水別記牙籤分明昌宮中
三萬軸盡日雲窻看不足平明鐵騎踰河
來玉躑金題碎車轂上皇寫生工入神一
枝瀟灑江南春天興之初汝南失猶解傳

藏記年日卷題天興為言當年愛遺墨不
如洗手還河北

黃宗道播州楊氏女

長頭黑髮垂玄雲矯矯馬首雙手分彫弓
寶刀左右挾欲領鐵騎趨崑崙前關濤湧
如壞墻後砦百溜奔溪篁羣蠻簇唇爭叫
驚云是楊家女子功最高旋如長蛇轉空
洞快若俊鶻凌風飄還家膏沐帶簪珥父
母見之眼垂淚君不聞木蘭女兒着金鎧
年少從軍顏不改一朝脫後歸故鄉樂府
相傳至今在

魯國大長公主圖畫記

至治三年三月甲寅

魯國大長公主集中書議事執政官翰林
集賢成均之在位者悉會于南城之天慶
寺命祕書監丞李棊為之主其王府之
察案悉以佐執事遵亘靜嘉尊竿絜清酒
不強飲簪佩雜錯水陸畢湊各執禮盡歡
以承飲賜而莫敢自恣酒闌出圖畫若干
卷命隨其所能俾識于後禮成復命能文

詞者叙其歲月以昭示來世竊嘗聞之五
經之傳左圖是先女史之訓有取於繪畫
將以正其視聽絕其念慮誠不以五采之
可接而為之也先王以房中之歌達於上
下而草木蟲魚之纖悉因物以喻意觀文
以鑒古審時知變其謹於朝夕者盡矣至
於宮室有圖則知夫體之不可借溝洫田
野則知夫民生之日勞朝覲贊享冕服懸
樂詳其儀而慎別之者亦將以寓其儆戒
之道是則魯國之所以嚴藏而躬玩之者
誠有得夫五經之深意夫豈若嗜奇多聞
之士為耳目計哉河水之精上為天漢昭
回萬物商雲興而英露集也吾知縑緗之
積寶氣旁達候占者必於是乎得泰定元
年正月具官乘輿記

清容居士集卷第四十五

清容居士集卷第四十六

題跋

書孝宗賜史忠定王褒賢臣頌後
 右王褒聖主得賢臣頌乾道八年先忠定
 王守福唐孝宗皇帝御書遣使繇郡治所
 賜也始忠定為直講時嘗沐是賜實署御
 名且書王字于後是後繳帖以進遂復被
 是賜焉猗歟盛哉惟聖主之得賢臣唯高
 宗傳說事相膺合方王之為直講訂謨定
 計蓋已見於三善之陳告監先王之成憲
 惟孝宗足以承式克欽承旁招俊乂惟忠
 定足以繼舊學之素夫豈若持守希阿光
 禹輩然哉故其在相位也知恢復為正論
 時有未至則寧受衆誚而不避相位三月
 正色引去未幾符離潰師張魏公首乞速
 定和議則昔之未敢出師蓋實是在家居
 十年王之心事露白於天而昔之言恢復
 者皆大言取官位一無所成就至是君臣
 交孚過闕入對實畫森著實彰厥旨非偶
 然也猶之外大父敷文戶部為王嫡孫是

生會稽郡君桷實親出學術荒薄為
 國朝史官十五年獲纂金宋舊史簡帙繁
 廣猶未克就五世孫公升王之大宗獲寶
 是卷他日願上於太史俾有考焉延祐七
 年十月己酉外曾孫具官桷拜手頓首
 謹書

書彭忠毅汝方贈官誥後

忠毅公實尚書器資公之親弟以尚書門
 功補太廟齋郎故終身為右選官方臘陷
 欽睦杭三州衢介於中公以孤城分守卒
 罵賊以死當時贈典亦至厚矣嗚呼豐亨
 豫大之說行馴致靖康長驅中原皆望風
 迎降嘗讀兩朝忠義錄而悲之則公蓋居
 其首見危致命臣子之當為徹彼桑土不
 能不憾於宣政之事使龍圖公正色朝著
 事寧有是哉

書高安蔡中允誥後

嗚呼宋仁宗世康節邵先生以為日之方
 中至今南北議論無以易何則賢人多而
 朝廷治故也今觀高安蔡中允誥身而桷

世為史官請得以考焉故事進士第一獨命詞以其相繼者為首次其甲乙若幕職縣佐則總其詞命以異之石揚休字昌言眉山蘇明允先生所敬尊者以高第為同州推官誥中首稱是也元豐前率沿唐官制舊六曹尚書侍郎總為階官入政府始得之吏部專職則有三班審官流內銓等官誥中署權判即判流內銓也知制誥舍人職也亦元豐正之翰林學士權判曰郊宋郊也言前已改名非也李泚五為翰林學士景祐間元憲同院泚忌其先登潛之曰姓符國號名應祀天寶斯年也始更名焉曰絳陽夏謝希深也謂為韓絳者亦非也是年父億為參知政事無父子同要地之理竊考仁宗更元凡九而史官與歷年圖景祐止四年為寶元今誥曰景祐五年倘不知者寧不置疑焉吾敢為蔡氏子孫言之景祐實有五年六月前猶五年也至秋七月郊上尊號曰寶元皇帝凡十四字遂更寶元焉是則自七月始為寶元紀

年者莫知遂悉以寶元元年書之先正獻公以秘書監禮部侍郎領史事先越公為秘丞著作郎覩舊史聞於家庭者若是輔之不鄙謂余世習臺閣故事遂書以歸若夫贊美感慨有諸賢說在不容於言矣至治元年九月丁丑史官乘桷書

題放翁訓子帖

放翁先生送其子之官獨書莊子二章以訓或曰五經切近而書莊子何耶余曰自農師右丞師尊臨川臨川宗老莊故其家學世守之此二章足以涉世變清而容物速禍之基也喜怒哀樂不入於曾次進德之本也紹熙黨禍萌蘗故逢迎者廢於嘉空標榜者錮於慶元雖善惡岐而當時仕進者寧不自重先生教子之意深矣晚歲一出終能全身以歸觀此益可知矣袁桷書

題汪龍溪與從子書後

汪氏皆祖新安故先生祭其遠祖有曰散處諸邑非雲則仍今玉山番陽宣城新安

皆同所自獨新安之宗其別為三貴賤貧富角立不相通叙世遠源分故若是耶先生居饒之德興而宣城諸房皆祖之先生嘗謝其宗袞舉劔有曰渡江而上傷不見於它揚其敦叙同姓無彼我之異中興詰令蓋合王蘇之精整明暢文獻益遠楨以荒陋備貞詞林踰十年每惕念罔敢替敬觀遺墨因以識景仰之志至治元年十月壬戌四明後學袁桷書

跋朱文公與辛稼軒手書

晦庵嘗以卓犖奇才股肱王室期辛公此帖復以克己復禮相勉朋友琢磨之道備矣嘗聞先生盛年以恢復為最急議晚歲則曰用兵當在數十年後辛公開禧之際亦曰更須二十年閱歷之深老少議論自不同焉者矣公所居號帶湖一夕而燼時文公猶無恙慶元四年公復殿撰此書蓋戊午歲以後所作至六年則文公夢奠矣今觀此帖益知前賢講道彌老不廢炳燭之功良有以也夫

跋蔡君謨帖

蘇文忠評忠惠行書第一後見莆田所刻亦主此論京卞師其從兄而名節虧喪愧惡多矣爾雅姊妹之子為甥至晉世則謂之郎忠惠日習晉帖語與之俱化矣

題魯文昭詩

文昭文肅當貧苦時皆舍人撫字迄見有成至於制誥則殆青過於藍尚書省記實公所作後評文者謂當為萬世法器資番陽彭公與公同臺熙豐改更乃若有不同者幸以內相謝事卒為全人後作史者宜深考焉

跋魯文肅帖

顧子敦為河北轉運時實司馬公作相之時子宣猶在外服建中調停之說既興善惡玉石黨碑既成則子宣亦復同傳後之作史其去取為如何嘗讀丞相日記類其子姪若公衮輩繅飾術不可不慎於紹興作史見之

跋楊補之月賦

逃禪老人出處清峭當與魏林同傳思陵愛其所作宮梅將召見之一夕遁去此真方外士昔人言蜀無他揚以九州言揚州或言輕揚或言維揚子雲寂寞賴此能紹宗矣

跋米元章帖

中年養生惟獨宿第一東坡貶謫有權發遣之語山谷戒行堅嚴有漫種老生涯之詩信知未易脫釋景遠余故人能寶襄陽二帖晚歲煎熬良不能自存釋氏嘗於此驗生死關聞之者足以戒矣

書東坡寄真隱詩

東坡先生作續養生論知及之而未知守者晚歲慕丹元子真隱翁摘嘗深疑之道以氣為母文以思為宗二者相反聚散有不同耳神行六虛止者合於自然朝市而能之者無是也故近世方外之說釋性命為二途平疇之學不復傳言語動作一謂之性卒未見有超然者巽堂內翰明至理通玄微異時登紫霄峰願相與竟其說坡

僊游八極之表必撫掌視吾二人矣

跋晉帖

晉帖見於淳化多不成文蓋唐文皇去其斷爛以成卷軸今十七帖號可讀餘則不然矣姜堯章作絳帖釋文旁證曲引有切於金石缺亦疑之此帖蓋唐人榻本欲求文義則幾臆說矣

跋于湖帖

于湖先生與王宣子皆紹興進士第一而皆以政事發身二公皆守湖南此帖蓋于湖江東宣子尹京時也杼山劉季高寓金陵于湖守行宮納謁杼山杼山曰守謁當有故于湖曰願求書法杼山野服以肅于湖拜而授之今其書蓋與劉無異也文獻彫落因巽堂內翰出其書敢以過庭所聞者告焉

書陸子履賀復熙河詩後

王樞密開熙河功成而萬骨枯矣至元祐初司馬公堅欲棄橫山之地深恐生事之人復啓邊隙故耳維州牛李之事是溫公

去取之本心後之評史當於是考焉陸子履歐公之上客作是詩其亦有媚夫上之意歟今皇圖窮吐蕃而西唐宋之耻一洗而盡時則有若總帥汪公以元戎經略稱舊為史官得鋪揚其偉績今獲觀此卷始知英賢或考往事以展拓其素蘊盛矣哉

政定武稷帖

歐陽公著集古錄言定武二民家各有石較其本纖毫不異是則定武有二本從來久矣後宋諸賢謂薛向之子嗣昌私易定武本別刻石以留公庫此論千人一律今以歐公所論則明有二本薛守定武果易以歸則民間猶有一本是公庫本為第三本矣議者又謂嗣昌鏡損湍流帶右天以亂真後入宣和曲水亭余嘗毫髮辨證亦微有不同此卷壓角小印正嗣昌名印而米襄陽親跋尤真蒼藏張參政孝伯家其子寺丞印之以書名一時大變古體遂不能傳印識猶可考也今以余平昔所見本

悉踈于後

不損本

趙明誠本前有李龍眠蜀紙畫右軍象後明誠親跋明誠之妻李易安夫人避難寓吾里之奉化其書畫散落往往故家多得之後有紹勳小印蓋史中令所用印圖畫者今在燕山張氏家

王順伯本第一跋是王黼順伯名厚之號復齋有金石錄家藏石刻鐘鼎篆籀鑑銘泉譜伴內府其家兵後不廢近歲丁未饑越新昌尤慘遂悉散落始歸于龍翔道士黃石翁黃秘不示人後有順伯為浙西提舉時携入秘省諸賢題名皆有其家著者樓宣獻劉文節今亦歸張氏
趙子俊孟顓得於閩中有樓宣獻跋剪碎作冊葉與前二本無異今歸于昂承旨家
蘇承旨易簡第一跋後有元豐諸賢

同觀于鄧之城南崇法院有舒信道
字畫然不著名在內侍譚氏家精神
無毫髮恨

趙子固本舟過嘉興遇風舟沒子固
疾呼曰蘭亭在否舟人負以出子固
作政識其事復題八大字曰姓名可
輕此寶難得子固死入賈相家賈敗
籍于官有官印歸濟南張參政斯立
今在集賢大學士李叔固家

潘經略時本題識皆德鄰手書滿軸
余以有米跋本遂贈鄧善之文原鄧
借田師孟師孟有借書不還癖因留
之余跋乃剪去矣

損本

龍圖閣學士劉公克莊本細書滿紙
後有賈相跋亦滿紙括蒼鄭陶孫為
福建儒學副提舉得之為翰林應奉
貧質于甕器劉氏屢入子錢卒以逋
重為劉氏所得

有叔信父印

損本多有叔信父篆印蓋宣和曲水

亭既成亟以御筆繇京兆薛嗣昌家
宣取留內璫所暮夜以匱金紙即越輝
疊三紙連印故下本肥中本着中上
本微瘦然皆無異此本子昂得於都
城裝成冊葉甕器劉生手之不置以
銀壺杯盃易之

翰林承旨趙孟頫家本得於雲溪陳
侍郎振孫伯玉號直齋其家藏書冠
東南今盡散落余家亦得其數十種
此本亦有叔信甫印

翰林侍讀學士張伯淳本有黃豫章
跋余每疑鏡損與山谷差有後先然
本無異前數本更俟他日以考

題薛紹彭帖

長安薛道祖與米元章劉巨濟為三友朝
夕議論晉唐雜蹟圖畫然其作字則各自
成一家紹興中購薛米書家急率以小璽
印縫後御府刻米帖十卷而道祖書不得
入石容抗見道祖書一巨卷于駙馬都尉
揚公家精神峻整遂深疑紹興不入石之

故問於子昂子昂曰薛書誠美微有按模脫整之嫌余不能書而深識其語私嘗謂米襄陽書政如黃太史作詩之變芷角刷掠求於匱韞川媚則蔑有矣學魯獨居之男子於道祖見之至治二年八月乙亥束棺記

魯公坐位帖

坐位帖真蹟在京飛安氏家嘗刻以傳世吳中復守永興謂安氏石未盡筆法因再模刻此二本余家咸有之安氏子孫分析坐位帖乃割為二此帖至行香寺僕射指後不復有益吳安石刻本卓頭高指後別為一行遂由是平分為兩是安氏兄弟不

學之謬東坡見安師父時帖尚全嘗手搦數十本余得坡公榻本於東平王氏無纖毫失真旁用眉陽蘇氏及趙郡蘇軾印記米襄陽少年嘗臨之邵伯温亦云安氏折後不復見全本此卷筆法絕類米老性見乞米帖墨蹟於子昂家子昂以重資得之余心有疑而不敢言今得此帖紙色行墨

絕相類遂定為米老所臨無疑延祐二年八月丁丑束棺氏記

書梅聖俞詩後

都官公與歐陽公繇河南幕府締交家以至嘉祐元年始一薦為直講距都官之死僅五年耳故王荆公挽詩有云貴人憐公青兩眸吹噓可使高岑樓坐令隱約不見收空能乞錢助饋餼此蓋為歐公發也崑體之變至公而大成變於江西律呂失而渾厚乖馴致後宋弊有不勝言者敬觀詩帖精思以求益為之懼至治三年歲次癸亥正月丁未後學束棺書

黃華帖 名庭筠

米襄陽學段季展得其刷掠舊迅故作大字悉祖之考諸右軍筆陣實未有是體蕭齋丈二蓋其鼻祖季展之變繇是始沈傳師實為雲仍米良有所本矣黃華老人百一帖評品悉祖寶章故其大字超軼抗衡猶舊閱金帝實錄老人為脩撰時坐擅議朝政受杖噫使在慶曆元祐寧有是耶至

治三年二月史官棗楠書

書錢王板授某官長洲縣

五代擾攘十國各有年號獨武肅不以數十州之地自負崎嶇航海入貢中土其設心置慮良遠至再傳則亦建立元號良繇更易不常尊重其一方者不得不爾唐末多板授官於此見之唐有勅授官與此止異隆殺有等唯錢氏能守之相時以行一門盛事上極宰輔內為都尉與宋同為終始吁盛矣哉吳越皆本武肅而散處淮甸亦其苗裔展觀無數因為之書

書孔子廟堂碑

永興公守智永舊法故唐能書人盡變唯永興號為第一以右軍譜系猶在也余嘗見大周本於故家精神道整其雲仍散落不復可考此當在嫡孫行唐人唯魏華得正傳孔穎達碑與虞相侶或云孔卒時永興下世已久

書皇甫君碑

渤海公以險勁易王體故碑石照耀四裔

大小皆合宜右軍世傳皆小楷霜寒帖稍展至筆陣圖則疑非真再傳為千文為廟堂碑確守繩墨稍廣拓非歐不能余嘗評歐書化度第一皇甫碑與溫恭公伯仲臨池積年必領其妙余幼不學書酷喜藏歷代金石覽此益重自棄之歎

題劉共甫與朱文公書

劉共甫樞密世濟忠節而其文詞詔示於隆興乾道之際四方聳動詎止一經生學士哉樞密隧碑實文公所撰文公受知樞密實繇韋齋吏部先友事契此書蓋在江東留守時所作扶植故家解釋僚友非盛德不至是古道寥落蕭觀益增泚頽至治三年十有二月棗楠書

跋李公擇尚書帖

公擇尚書手蹟惟鳳墅石刻一見之元祐間為正人以黃太史為甥它不足論山房藏書以待天下士盛德至矣哉

題子昂書靈寶經

承旨公作小楷着紙如飛每謂歐楮而下

不足論此經尾題距下世纔兩月痛當作

書徽宗御書詩

道君書此詩當在寶籙宮所製筆法飛動
有凌雲步虛之意真元杳冥詩中有一點真元在杳冥
之驗於五國城下殆詩識與泰定元年三
月癸卯表摘書

政李時雍墨蹟

思陵翰墨志謂熙豐以後蔡襄李時雍體
製方入格律縣是紹興初年二公字畫俱
用紹興小璽印縫此卷政初年所收宋世
諸賢筆法終不逮唐隴西公書深有懷素
氣象觀此足以知其源委

徽宗賜温益榻本黃庭

温益以王邸舊僚崇寧初即拜中書侍郎
其傾邪翕訛見於陳忠肅公之疏迫鄒忠
公渡海侵侮范忠宣諸賢之貶湖南而崇
寧之主愈近而不疑何哉賈生師傳之論
得之矣益死未二十年而其子已登次對
典大藩又何哉國之亡也宜矣黃庭真蹟

在建中靖國刻為秘閣續帖後易為大觀
帖余舊得劉無言雙鉤蘭亭今復得此感
昔人寵遇之非當因書以為累臣之痛泰
定二年七月丙寅表摘記

政米元章書趙崇公墓誌

故事宗室墓誌例屬翰苑撰述嘗觀歐陽
公王華陽李淇水王臨川所撰殆得玉牒
之五六而其蕃衍盛大一一皆然今觀崇
公墓誌多有可書故鄴太宰所作得盡製
作之美噫京城括索盡籍以行獨太祖諸
孫號為疏遠渡江勃興皆得奉朝請人事
之不可料襄陽此卷龍跳虎卧不盡贊述
太宰此文亦稱合作惜與王將明蔡元長
同傳訖殺其名可為歎息

劉貢父與羅正之手帖

彭城劉舍人晚入西掖以元祐元年十二
月赤城羅公為開封縣令此帖云相望累
年不忘瞻渴益元祐二年書也嘗考二公
相知之舊始於彭城公之守曹曹為盜區
彭城公緩刑而盜息赤城公時為濟陰縣

其必有裨於劉公故其以事罷歸即需章留之有曰伏以羅適自臨百里將及二暮奉詔條主於恪恭聽獄訟號為簡諒有識詠頌咸謂得古人之風愿民服從可以當屬城之眾惜其未盡施設遽爾罷歸輒徇輿情亟陳囊奏朝廷遂允其請後自開封推官為府界提點刑獄其制詞曰強力民事知其要務亦公所為也羅公政績湮落少見漫撫其事書于後云

書潞公帖

潞公兩守永興其一自秦州徙知皇祐之五年也其一自洛入覲到郡不數日即召還為樞密使治平之二年也此帖謂旦夕赴雍游嵩之約竟不如願蓋入覲時所作也嘗考潞公之居洛始於皇祐二年之立廟其三年罷政知許州五年徙秦復知永興未嘗一日歸河南也至嘉祐三年始判河南八年復判河南居洛凡六年方家居無事暢心適意莫過於窮極山水之樂而嵩山去洛無信宿乃不能一踐此約何哉

昔王逸少欲游蜀都汶嶺弗果每為終身恨公晚年居洛幾三十年山水清詠見於篇什其與逸少之恨異矣潞公學蘇靈芝書余嘗見靈芝易州碑豐峭特甚觀此筆法尤相肖越國袁桷書

跋荆公帖

呂嘉問以元豐元年自金陵改知潤州二年四月落職罷郡方是時朝廷積息之弊極矣公時家居然猶不悟其非何哉昔山谷老人嘗言荆公不甚知人痛痒余謂此說殊不近理夫人之厚薄皆生於情之好惡方熙寧間荆公之所惡者多矣至於晚年而其所好者又皆背叛構禍宜其平昔簡牘漠然若無世俗之情今觀此帖勞問勤懇且憂其乏絕噫以嘉問之姦何得公之深若此余嘗讀荆公與嘉問詩末章云所懷在分襟藉草淚如洗惜不為范蜀公司馬公諸賢發之

跋富韓公帖

神宗初年銳志更治虛席以俟富公之來

然當其時言不足以勝辨德不可以厭智君臣之際難矣此帖謂拜杖自便蓋斯時也嘗三復公求退之章未始不扼腕痛憤而或者謂公通知五行休咎之說而退則過矣

跋蔡忠惠帖

蔡忠惠書筆圓韻滿蓋其楷法精到所至今人作書先事行草是猶未能言而強之以歌也近世行體多尚嫵媚回視忠惠書凜凜有清介之氣

跋王岐公帖

前賢作家問語質而情周非如今人從事筆墨長語今觀此帖亦足以少勸薄俗矣

趙清獻公帖

清獻公祖墓與陶山陸右丞祖墓相邇紹興間陸氏地為攢陵清獻旁近墓地亦皆歸朝廷而不絕其祠祭先朝陵寢遭賊難之酷痛通于天而趙氏祖墓亦葬為丘墟矣又聞陸氏祖墓復歸王氏今觀此帖慨不自勝

陸放翁答杜賢良求牒試書

金華杜氏昆弟文學行義大科異等固其常也然自孝皇設科之初有司輒抑而不取故李文簡公之子賢良猶不免謗議自此其科遂廢今觀此帖有愛莫助之意則一試牒其肯為杜氏惜昔葉正則序龍川之文曰使同甫不登進士則為狼藉人矣噫科舉之弊果足以困天下之士哉

書東坡涼熱偈

東坡先生作藏院記自謂夢中所作文不加點至作魚鱗冠頌落筆驚坐則所謂夢中語特神其說耳今觀涼熱偈語亦與前二文相侶釋氏之書皆自梁隋諸臣翻譯故語質而文寔至若楞嚴由房融筆授始覺暢朗公文如萬斛泉風至水涌鳳翔析文與訓誥相表裏則房融文體一規近之如洗金以鹽濯錦以魚不亦易也焦火凝冰廓然于得喪之城嶺海炎瘴又何足道三挹遺墨清風冷然

書鄭資政伯祖中散題名後

山水清事非砭砭朱墨吏所可與鄭公邑
長於斯而三游鴈山則其清淨之政蓋可
見矣鴈蕩之名自唐末始著故前賢罕有
至者此碑字畫頗有顏魯公東林題名筆
意蓋可為鄭氏家寶

跋米元章書

陶寂本唐彦謙後石晉時避帝
諱改曰陶根納唐氏為塔可怪
米元章書

歐陽公常曰士大夫不明氏族與禽獸無
異然自晉世渡江譜牒散亡夷虜殺互賜
姓別族漫不可考要難以盡責也潞公之
先本敬氏易而為父失製字之體今陶氏
為婚于唐虧人倫之義蓋石郎之害不止
割十六郡而已米老本曠達之士而能書
此為戒亦足以知前輩非苟於一藝者

吳傳朋書曾丞相夫人虞美人草

詩

海門玉斗紛如雪十萬降兵夜
流血成陽宮殿三月紅霸業已
隨煙滅陰陵失道非天亡
強安用慄成悲紅粧三軍散盡
旌旗倒玉帳佳人坐中老香窳

先逐細花飛新血化為原上草
苦心寂寞寄寒枝舊曲聞時伯
絳眉然他樹細愁不語恰如初
聽楚歌時清寃古當今誰主玉
骨他年耻為土會當移植漢
宮更伴樽前戚姬舞
右瀛國魏夫人虞美人草歌
紹興乙卯七月廿八日吳傳
守朋為沈守約書

南豐諸曾與王廣陵為父字交吳紫溪實
廣陵之外孫於魯氏有素則此詩為父肅
夫人所作無疑噫熙寧之逢迎建中之調
停夫人獨無一語諫其夫而且倚聲弄筆
尚論漢高之戚姬何耶前輩嘗言婦人與
知父墨非美事殆有深意然曾氏子孫空
青艇齋世傳江西之燈闔庭淵懿有自来
矣紫溪自謂筆法得柳半葉體不知此語
何所自豈與魯公屋漏法相類然不可強
解也

跋黃太史帖

此一帖疑在黔南時所作有云慎言重行
蓋息影畏禍之餘意釋氏與太史有緣輟
錢奉馬其意蓋可見

跋東坡黃州謝表

昌黎公潮州謝表識者謂不免有哀矜悔艾之意坡翁黃州謝表悔而不屈哀而不怨過於昌黎多矣然余嘗讀嶺海謝表有云人皆相傳其已死臣亦自厭其餘生言至於此章蔡之罪可勝數哉

書劉元城與李莊簡公書後

崇觀間老京竊威歟權天下善類皆禁錮不用而汪龍溪葉石林陳簡齋號為渡江名賢亦嘗出門下至若元城先生龜山先生莊簡李公進退言議為一代矩範而元城奉祠南京龜山被召莊簡為尚書郎始余嘗疑之久而後知極世之道有不得不如是也原老京當垂老之年逆知公論之不可揜張翥以一書生微言警悟悔心之萌黨禍漸解向微諸公少貶以自道則其無所顧藉之意將必置諸死地而後止方了齋之為尊堯也其意蓋亦若是至於群姦輟輟用權之道迄不可救由是聲罪而正之吁豈了齋之願若是也朋黨之禍盛於東漢張讓之喪持正論者一律獨一陳

仲弓往弔後卒賴以解禍乃知志士仁人之心雖相遠數十百載蓋未嘗不相同也此卷皆先生與莊簡公書清名勁節其淵源實自茲始至紹興和議之首莊簡入參大政皆昔時所聞於諸老救弊之說遠歷瘴霧其大節蓋自可見惟元城先生字晝端謹之妙有不待贅述敢因莊簡出處之事推先哲之所未發者而書于後丁酉歲正月丙寅四明後學袁桷書

跋唐鎮遏使侍御史倪亞手帖

稍與番陽倪仲寶同為太史屬一日出其先鎮遏公墨刻一通以示實象山先生識焉俾稍有述謹按鎮遏使廢置之始繇貞元間悉屬諸刺史而邇於溪峒連於蠻徼者則特置城鎮而刺史不與焉廣明以來江淮之地秦畢孫楊迭相雄角而鎮遏之職隸于節度信為犬牙要衝雄石鎮之得名實貞元以前遺令唐制御史別為憲衙自押衙都虞候至兵馬使凡十有二年而始為監察又積年而遷止於侍御史其功

高而軍倍延得為中丞焉故當時稱謂咸以中丞為貴今此帖言中丞誠尊稱也仲寶言御史之傳今十六世而丘壘昭穆封植彌謹遺言舊謀日補其未備譬之岷江初若甕口而至于海者其源遠故也念昔吾里衣冠故胄皆為文安公之門人俯仰變更而事有不可言敬觀遺墨實勞我心仲寶尊祖敬賢其深置藏之俾勿壞大德乙巳四明栾栢書

跋李後主詩藁

右敬購常侍徐鉉奉使汝陰泣觀故國王詩筆太平興國壬午歲前十二月十六日西湖北臺記

李王辭廟北行時猶倚聲製曲不知降王宅果淒抑也晚歲幽憤溢于歌詠竟以憂死獨徐鼎臣守遺臣舊禮痛東鄰之煽禍怨歸錢氏而此卷文僖寶之何耶鼎臣題識足厲薄俗方承平時士風藹然故莫有疑迂使以文為害則當如律令矣悲夫
重光書世謂撥鐙然不解何語按書記言推拖撼棧乃具秘訣先德學士為李

西臺余嘗見其三體道德經及風后廟碑審為無疑天駟監太平興國四年置監有左右復各有二故此印云第一也畢少董文簡公裔孫繇東平南遷多藏圖書雜蹟後入私府紹興間人謂之畢谷董

李丞相在翰林三十年太平興國八年始入政地如扈李二學士今玉堂集猶存其制誥趙嘗預修實錄所謂初本者是也徐公八分世不多見益可貴重時中宜正色深寶勿為豪巧者簸侮是日栾栢重記

跋姚子敬所藏東坡書飛白記

東坡先生語慶曆皇祐未嘗不感歎三復此正紹述深意熙寧諸子延始崇是議元符間何耶舊見蔡君謨飛白廣不盈尺此字當與是記相屬思陵購先朝書入私府悉去題識今不可復觀而記為子敬所寶誠可感也夫

東坡玉堂制草

淳化後學士院紙貢從池陽唐五代所用
延矮麻紙熙陵愛李氏澄心遂易此制蘇
公此卷正號玉堂底本稍見文潞公呂申
公辨免平章批荅有賈相私印疑當時故
家剪以修媚與此紙無異今留河東李士
弘家表稍識

清容居士集卷第四十六



清容居士集卷第四十七

題跋

題唐王真公主六甲經

靈飛六甲經一卷唐開元間書當時名能
書者莫若李泰和徐季海然皆變習行體
獨鍾紹京守鍾王舊法余嘗見愛州刺史
碑黃庭經無毫髮違越至開元間從取所
入朝一時字畫皆出其手此卷沉着道正
知非經生輩可到審定為紹京無疑昌隆
公主睿宗第九女景雲元年入道改封玉
真因以名觀方感夏時工役迫急群臣諫
疏咸入魏知古之疏有曰陛下為公主造
觀將祈福祐季夏之辰典工犯禁百姓居
宅卒然逼迫令其轉移功德何有觀地蓋
太平公主之舊第也唐世諸主多強入道
以為報本冥福否則和戎以珥國難為女
子者不亦難矣併識其事于後

跋竺氏藏舒沈二先生書

二先生授學鄉里時踵門而登巍科職仕
者固不一二數殊異以後衣冠淪落有不

忍言者獨剝源竺君嗣孫稷猶能守儒保世度歲二先生遺墨惟謹構伏讀沈公書誼有曰兢兢自持若果能爾何用師友審竺君誠能用力於是舒公誌其歲月則曰樂道其教子荐更百年敦厚愷悌之澤今復未艾竺君諸孫宜力脩而善繼焉俾勿墜表摘書

題唐臨講堂司州帖

臨書如九方臯相馬遺其玄黃筆意洞達妙在轉摺宕杓然位置不復有神韻矣唐臨十七帖較閣帖多異此卷紙品墨色真數百年前舊物宋世唯蘇才翁朱襄陽得此妙解能書者必能滾辨

跋鄭太宰奏謨樂章

故事園丘明堂孟享宿齋之夕六宮起居奉表必委學士翼日復命它學士作宣卷詞車駕還宮始賀慶成及錫賚亦皆學士所為詞臣書詔填委蓋不止是也自元祐以後罷合祭儀文悉倍舊規園用不足二蔡之後悉遵王安石熙豐理財之法史官

書之未嘗不慨嘆也鄭皇后三為妃嬪始

正后位實大觀四年之十月今觀此年也鄭公奏謨樂章之文在十二月實此年也鄭相世居開封三開茅社雖由掖掖之貴而其子孫殆有能以詩書自顯都承公與裔詳習刑政今世所行大理格目實自公始蟬聯官簿見於周文忠公所為墓碑四世孫出示手勅足以見一時文物之美噫翻翻不富之戒又何其速也延祐三年五月甲子史官表摘書

書唐臨蘭亭

紹興內府藏

定武蘭亭文皇摹本所刻故毫髮無踰矩至編賜諸王群臣則皆一時能書所臨精神橫逸雖抵掌相侶然猶以為優孟也余所見元嘉賜本第一神龍第二蘇才翁家本第三才翁本則祖神龍褚河南悞字本第四馮承素本二第五褚庭誨本第六陸東之本第七家後復見米老所做褚河南本第八做馮承素本第九今見此為十矣十本皆臨書與定武做異同又皆繭紙非

雙鉤響榻所可作米友仁定此為模本失之矣況此卷濃淡結構皆出己意每攬二字落筆尤奇媚米老臨摹詎一世豈此法不以授其子耶柯敬仲好法書而近世輒效米老眩易者十有八九故余特叙所見且以為貴耳賤目之戒

跋齊竟陵王蕭子良書

誤叙云齊永明三年正月十九日

跡總成一卷

韋續纂書體中有張芝一筆書鍾繇行狎書曹喜懸針篆書杜伯度草草書此卷蓋五十六體之十一耳蕭子良書不傳於世獨述書賦其書有力而無體此卷是唐響榻粉蠟本筆力遒勁有智永舊法宗少文作一環草蕭齊咸慕之子雲書政與此類文皇乃淡非之何耶圭璧殘斷然猶書為朝覲遺寶吾於此書亦云

跋柳誠懸隴西李夫人誌

顏魯公錐沙印泥法僅傳於藏真誠懸真得其道勁魏晉隸書以扁古為工至唐虞

永興褚河南猶守舊法唐世碑刻作字逾廣遂以長勁為能而晉法悉變矣近世能書家不屑顏柳競為李北海書而隸體遂絕余拙於書而善鑒未有能易余言者往歲嘗見柳公書清靜經西昇經靈寶經易賦心經九五卷當以此誌為第一

題定武損本

損本定武多匱金蟬翼越紙所印字彌精神不知者乃以纖瘦疑之當宣和流觴亭成有旨從薛嗣昌宣索急驛以進內侍梁師成暮夜亟以蟬翼三紙連覆得百餘本故上本差瘦中本肥瘦得宜家下本無不損肥本亡異雖非北紙實皆薛氏所竊本也此本蓋是薛氏舊本紙墨昏渝殆猶東郭子綦垢樊愈甚而神益清望而就之真有道之士也

跋懷素草書四帖

藏真論古軍書未若濃服後乃為黃長湑所貶殆釋氏所謂報緣員嶠寶晉之餘復游戲唐蹟吾意後人無敢出議口當以是

為徵

跋歐陽詢隅隄帖

評書家嘗言率更書難雙鉤蓋其落筆全在骨法若填補肥媚則失其體舊見唐孝獻摹鄒陽帖筆意絕近此卷殆髣髴之矣

跋聖教序

三藏記舊經生多習之李西臺人品高猶不免蹈骸今觀此卷遺其玄黃非有拘窘蓬萊神仙海鏡雲滅濡毫而踞龜殼非此翁也耶

跋懷素自叙

自叙墨蹟俱有蘇子美補字凡見數本董道進德壽殿者為第一然子美所補皆同殆不可曉善鑒定者終莫能次其後先令觀員嶠所書貴耳賤目之士頗加詳焉

跋急就篇

索靖急就王廙所藏僅存於衣摺是渡江時已不完章法微茫轉摺之公少失之則訛謀矣自唐以後遂不敢以是擅名觀此足以驗筆塚之功噫誠難矣夫

跋懷素聖母帖

劉綱得道四明余嘗欲游山中攀懸崖坐石牕問超世之旨而未得今觀此帖極偉怪素為父世未之見而此帖亦世少摹刻觀法書幾三十年諒聞若是是果孤陋耶

跋王筍觀李後主牒

漢武南巡以天柱為南嶽而江西諸山言神仙者皆宗之王筍山記所言漢武良本此至蕭子雲謨立館碑有曰清虛之館蓋其地也李重光以蕞爾小邦當開寶末年兵勢寢迫奉宋正朔不暇給而猶曰御批此殆終身不去帝號之請所行又曰準教則王制也南唐之亡城陷猶誦佛不輟渡江雖切在曹彬而江面闊狹表裏實一僧圖獻于太祖宋史特諱不言耳七華先生道家者流李主得國之效觀其成敗為之撫然前史官表梅書

跋蔡君謨汝嶺帖

君謨行書蘇文忠定為第一其所摹右軍諸帖形模骨肉纖悉備具莫敢踰軼至米

元章始變其法超規越矩雖有生氣而筆法悉絕矣昔人嘗言程李御兵各善其用學程之道猶魯男子也君謨蓋深知此唐人雙鉤多橫搨執筆尊謹懼其妄出胸臆也今觀汝嶺帖較唐文皇棗木本益足取徵延祐五年六月會稽袁桷書

秘閣續帖劉無言雙鉤開皇蘭亭元祐間詔以秘閣舊蹟淳化所未臨摹者命劉焘無言董其事為續帖十卷至建中靖國畢工後大觀間蔡京復增臨十卷去無言所題命京改題通為二十卷後復有孫過庭書譜今世號為太清樓帖是也開皇真本後由權場復入德壽御府魏神龍蘭亭紙前後角有神龍半璽蓋唐中宗時所用印也理皇下嫁周漢長公主子駙馬都尉楊鎮故事真雁奏進禮物一百有二十查理皇從復古殿取神龍蘭亭為第一查以報宋社亡楊氏子不能守歸于濟南張叅政斯立大德末年復歸集賢學士李某余得見之以百花螭龍官作錦為標首

前有希世藏小璽真奇物也此卷正為無言在秘閣親摹事見無言手跋向冰文簡公裔孫當韓侂胄聚閱古圖書皆出冰璽定自淳熙後圖籍考訂之富惟雪溪向氏錫山元延之諸暨王厚伯三人然字畫家惡拙及今與僕遂成四人延祐七年二月六日越袁桷記時官集賢獲觀此卷賈相舊物也

跋蘇文忠與黃師是尺牘

黃師是寔先浦城人其父潁州府君好謙與二蘇公為同年進士師是遂與蘇公家通姻譜嘗為提點刑獄文忠有曰白首沈下吏綠衣有公言之句所謂綠衣蓋指侍婢朝雲言師是官職之不遷云爾師是官至待制其弟宰星變上疏論蔡京遂長流海島有子子游脫賸以奠歐陽徽張魏公羲之後居四明之奉化此帖縫印曰仁儉者為子游之子而視師是為伯祖仁儉之曾孫應春以詩學教授鄉里後其子皆為達官桷嘗聞長老言其家所藏二蘇公帖

允數十紙五世澤哀皆散落殆盡此帖蓋
遭母章碩人之喪文忠所慰唁者舊亦嘗
見石本今獲真蹟為之深有感焉

跋米元章書

元章壯年學蕭誠書後學段季展家後悉
意師褚河南其體三變晚復規模大令往
往行書為長御所米帖有楷書周官性不
耐拘檢時有塗注中原諸賢所見周官蓋
行書也草書之變始張旭行書之變由米
老蓋其顛逸政相侶耳孫過庭嘗自言作
書無一筆大令善書者必能評其優劣也

跋汪氏推恩誥

右信州汪氏孺人誥一道實壽聖齊明廣
慈脩德吳太后壽七十時孝宗上壽康壽
殿推高年恩所賜也紹熙五年復以八十
行慶壽禮未幾孝宗崩危疑之際定立曾
孫母儀四朝猗歟盛哉嘗考乾淳之際國
境寧謐天子以孝治天下一時郡縣以年
高聞于朝者視汴史惟家多舊制男女允
年登百歲得官封仕而父母年九十官封

如民百歲而慶壽恩八十以上始得預如
前制差等焉張氏自待制時為官族則汪
氏之年耆蓋可知矣叅政師點蓋施公施
為廣信人首相文定王公淮實稱外祖母
碩人之大父于時文定作相其母夫人猶
迎養相府君臣廣孝於是可見元傑沈靜
好脩學老子道猶能寶家牒於易代之後
故國喬木藹然遺思稱也世為史官得無
書乎表稱記

題李龍眠雅集圖

龍眠舊作雅集圖在元豐間于時米元章
劉巨濟諸賢皆預蓋宴于王晉卿都尉家
所作也嗣後詩禍興京師侯邸皆閉門謝
客都尉竟以憂死不復有雅集矣元祐更
政蘇文忠公為中書舍人黃太史入史館
張右史晁河中為正字秦少游以品秩家
下亦校黃本書籍未幾晁以憂去又未幾
趙挺之論蘇公少游魯直同一疏否則晁
亦在疏中矣噫元二之際競為翁和黨論
之萌蓋已地朕良可悲也此圖蓋作于元

祐之初龍眠在京後預貢舉考斯時之集則孰為之主歟曰此安定郡王趙德麟之集也德麟力慕王晉御侯績之盛見於題詠文潛嗜飲樽罍滿几者其實也少游凝然有思其小秦王之意乎魯直每遇家妓輒書裙帶今乃題卷猶故態也東坡公精神凌厲見於筆墨而待門下三客蓋未嘗以此易彼嘗考文章盛時各展素蘊故六君子別集體製各脩後宋之弊以華貫為重墓中之文前歸於周文忠公樓宣獻踵之至於未造劉龍學專之矣仰止英躅庸書於後

題八馬圖後

龍眠嘗作明皇八馬圖此蓋其雲仍也奚官調牧滾得沙苑間意態畫評云人稱高名馬鬣先匠余於斯圖亦云

題雙竹圖

彭城遺派如俞且軒梁率庵皆有瀟灑意態世人貴耳賤目正不免如米老牛即戴嵩象即章得之謂此卷雙折枝煙雲滌淡

展閱晴齋頗有莊生去國幾年之意

書藝祖皇帝十節度風雲圖後

杯酒釋兵柄此啟運立極之基也然文盛武衰亦自此始攬風雲圖痛當作慟遺民表摘書

以辟穀圖壽張治中併識其後

參預篤素張公孝伯于湖先生之從弟為貳卿時有以辟穀圖為初度壽祝其詩語典密超遠非參預公不能受未幾入西府又陪幾政偽學之禍公實彌縫雖一手獨拍國史時政至今猶可考也晚歸桃源領祝釐十餘年康強壽考是生樽察太中公亦以字畫醞藉重一時年過八十作字猶嫵媚本茂枝亘有自來矣梅大父嚴州於太中情好深厚每相顧語時事艱塞思欲如參預公嘉泰時不可得風雲變更此圖遂為袁氏家寶思得留侯裔孫以承兩家傳韻之美治中張公精神炳耀篤志文物於吾家族祖正肅公有三世之舊振鐸兩水言語冰雪誠信金石優游孫讓而發不

可紀事不徒作超然有黃石公當勢之道
稍往游金華聽言論之緒親茲佳辰敢以
叅預張公所至者為祝俛仰疇昔令百二
十年矣庸書所聞為公壽四明後學袁楠
書

題趙希遠山水

前賢議大年山水平遠多朝陵往回所見
今觀此圖殊有泉石意態吾鄉樓宣獻公
嘉泰坐錮十年不作子公書問趙尚書時
方尹行都其猶子輩行後先不同要知此
畫不當以此為重近世附會率類此

題家山圖

巖壑朱鴻臚翰墨繪事乾淳諸老咸尊許
之余屢見其書洛神賦飛湍圍當未易入
書畫家評品信知前賢游戲不得以藝名
目竹野先生舊為江行圖登瀛圖復因思
陵書法充為學書韻譜使之較藝書畫二
博士意其猶朱鴻臚也藝成而下章仲將
關立本慎恨莫空則知游戲淡意未為害
道稱客錢塘獲觀家山圖於其從孫一清

典刊日淪雅思清集萃于牆屋之被文繡
宜波寶藏以示同志

題赤壁圖

空濛寒江望斷壁如日色羈臣謫子作淩
然懷土語侶傷正氣余嘗讀囚山諸賦波
惜其才其不遇果命歟覽此長卷益知東
坡翁百折不撓非景物可動為之一嘆

題模本重屏圖

重屏圖至汝陰王明清氏始定正坐者為
南唐李中主像余嘗見樓宣獻公家周文
矩所畫初本前有祐陵御書樂天偶眠一
筆意承平盛時君臣圖治而區區慕企者
年之安供禍及於身國亡於嗣芑桑之戒
有自來矣此卷模榻不遺毫髮乃喬仲常
所製淡得龍眠筆意而精巧過之以此辨
定

書牟端明脫鞞圖黃魯直返棹圖

贊後當金所畫時守

嘉定改元首召樓宣獻公為翰林學士承
旨更十七年不復有繼而學士亦久虛不

用寶慶初首用鄭忠定公時則有若洛水程公相繼為學士端平則真文忠嘉熙則魏文靖文忠不肖拜命文靖不兩月即入政府矣淳祐特用三人曰端明李公參政應公其以不能辭者吳丞相一人耳至景定始踵用徐公端明牟公獨牟公至咸淳初猶學士噫四十一年理宗所命內相不過四五人則允篋為學士者誠難矣方陵陽李先生特以史局入蜀為參謀首辟先生以自近蒼黃出蜀李公造朝頗給筆札補其書先生之助為多龍翔之役丁董氣燄無敢犯一麾出守惓惓憂國絕僥踰眾穴之蠹初圖見之感指摘文致之弊太史之圖見之裕于子孫經術淵懿為東南師表故國喬木殆於是見之矣念昔至元乙酉嘗從子昂承旨公于錢塘于時年少氣銳各欲以文墨自見此圖之作實是在是歲龍頭之地殆表於是構也學不加進而志日益懦肅容斯圖其亦有所感也夫延祐四年九月表摘書

題楊補之梅

逃禪居士平生文章字畫清勁簡潔獨作梅花習宮體豈宋廣平遺意邪德壽殿瀆愛之嘗命作橫披親御翰墨懼以是干進即脫身還里士大夫自重若此可以見昔時之盛

題湯叔雅梅

舊見叔雅作三香圖踰二丈遺其女準壺田四十畝清實清矣如太清何叔雅性慕曠達其繪事有山林枯槁之意德壽殿乃不喜之何邪遇不遇有命昔人評詩謂柳塘春水真富貴語叔雅豈故為是以自况然予嘗聞評畫家言竹外一枝水邊搖落非叔雅不能蓋楮論始定於此圖見之

李成寒林

李光丞畫多入御府在民間者其子天章以金帛悉購藏故米元章作無李論此卷王都尉畫帙中物余留 京師見寶繪堂畫帙仙佛折枝禽畜冗三帙後入宣和太上皆御題姓名復加寶璽宣和家重光丞

山水令爽潢屏軸皆舊物益從畫冊表而出之者摺文猶在而後紙略翦去至治元年十一月丙子導尊號玉冊置省中歸坐南總書

題小坡竹石牧牛圖

小坡竹石綽有父風後倅定武罵賊不屈以死其風節不墜光于前矣坡翁流落困苦有悔不長作多牛翁之語將買田終老子陽羨而志迄不遂此圖之作無乃聆庭訓以寓初意與江南稼穡千里一色久客于京塵莊畝故鄉之思無言而色已動覽之悵然

題李伯時馬性圖

仁廟賜都泰政此圖為龍眠李元中作

龍眠三李元中厠伯時宜淺淺哉嘗聞伯時欲工馬形狀或有告者曰非入天廐不可今世所傳好頭赤等圖悉天廐夢寫鳴立起俛神氣洞馬腹矣後復有告者曰子性非馬性入於自然寧有悔悟使其入之曷有出理由是懺悔作大士像表稱曰性

以理成物具理具區別有殊性之益彰惟我

仁宗皇帝溥博濟物一視同仁其所以際待大臣者實有差等其膺是賜非臣彬不足以稱

龍御上賓先臣不接踵以逝誠有是也夫嗣子升至治二年命小臣表稱叙本末謹稽首拜手為之書

題王黃華墨竹

黃華老人祖襄陽筆墨至於平世不過卒至窮困流離時使之然使生元祐盛時實不在米老下文丹淵用墨意在筆前觀此卷豈在彭城下邪德常評古精詣遂取其評以書

題李龍眠十六羅漢象

龍眠白描多用吳道子卧蠶筆若一用界畫法則非真矣此卷山林欽蓋骨相嶮峭猶有維王舍城真態非復有江右卑弱儀度神閒意定視天台靈鷲直瞬息事龍眠神氣洞馬腹晚情蓮社得無冥會耶

題彥敬子昂蘭蕙梅菊畫卷

余嘗見彥敬子昂親作繪事生香踈影光透紙墨觀者莫不斂衽二公既下世摹傳益多優孟之收教幾不可辨觀此生意猶侍杖屨時也

題子昂擊磬圖

君子聽磬聲則思死封疆之臣前贖父子之亂於斯時也聖人得無所感柴也其來由也其死事果有至於此名畫記有擊磬圖不存子昂創意作此本其亦有所感也夫

題鄭有之蘇黃海棠詩卷

吾鄉樓楚公為令登封得嵩山之石以歸自渡江來南北隔絕其孫宣獻公遂築樓高曰登封而貯石於其上京洛慨歎其記文實三致意焉華陽自甲午之破衣冠南來不一二數土地之宜登於王所者悉絕若奇花美木往往於前賢題詠中髣象而不復可覩金華鄭有之北山先生宣撫公之裔孫其家有蜀棠一本猶傳以為宣撫

公自鎮蜀歸時手植有之復得摩圍閣所刻東坡海棠詩一篇又得黃太史所草合為一卷每花時舉酒展卷高歌居然萬里之勢見於眉睫其於宣獻公之意政相侔余嘗聞牛奇章聚花石之奇麗而身不及享近者內翰洪公築瓊圃於第而幾致奇禍孰若宣撫公清名懿行淑於後人一花之微猶存於百數十年之後古人有言曰十年之計在木百年之計在德今德與木俱存而無墜豈不美與謹書其事于後他日訪喬木之居坐花陰之下舉觴相屬當為賦其事

書趙監酒墓記後

唐世宗室其初皆有封爵世遠親盡遂與異姓之臣雜而仕官至或流落民間故作史者深為之歎惜然而石堤谷之條則又有甚可歎息焉者也宋太祖懲前代之失諸降王子孫皆得登仕版而柴氏錢氏復與為婚姻竟為家戚至於靖康大變流離南來皆得奉國牒以見于宗廟絕猜疑之

嫌於此可見余嘗自紹興以來考其世系
彬彬秀出亡慮數十人至若魏王諸孫雖
其族屬竟為疏遠卓然可傳者詞華則德
莊仲白清謹則德老父子抑有以知祖宗
垂裕之盛乙未秋趙君開叔出其皇祖監
酒君之銘謂余曰此相國程公之所作也
監酒君於魏王為九世孫而文昌公之從
子也文昌師性命之說於慈湖先生為時
儒宗曩先人官廣陵時詔以家世舊聞基
習啓歸餘姚故居每拜高曾墓下讀諸老
所述先德夙夜畏懼不能承嗣丙子奔播
善和故書與墓碑俱燬為庶為奴不敢自
恨獨欲求程公之銘不可得也惕然於心
幾二十年今復獲于四明之族黨誠不勝
慰喜其為我記其事余曰世之畏福者多
矣變姓之張祿別族之輔氏蓋思以自全
也今君之喜非昔之喜也君方以易推策
隱市以自活易之道非止於是其憂患之
深者也養其支離以盡其天年斯足以不
辱其先矣餘不足為道姑書其事而歸之

書進脩堂往還尺牘

始 曾大父越公從正獻公時通判少卿
方總角誦書正肅公方入小學于時諸生
從正獻公允數百人公教不及諸子母夫
人戴氏手模顏魯公大字以教諸孫宗盟
之好實夫人啟其議故越公少年作字亦
習此體後 伯祖通判 大父嚴州尤相
與模學進脩堂書體兩家敦叙情誼於書
牘猶可見也嘉定癸酉歲正獻公自九江
召歸郎省 越公亦自桐廬入為奉常屬
官後正獻公為侍從而 越公復入著庭
同朝允六年後三年正獻公奉祠歸里
越公以列卿尹臨安公作詩十章相奇獎
勵尤深而其首章有曰少年妙譽已超然
不肖隨群苟目前蓋猶言昔時遊赴禮部
相從事也登正獻公薨 越公挽章有曰
燕堂暇族子講席後諸生蓋言合譜時事
也自正獻公而下書牘無慮數百皆戴二
父房往歲從兄子禮舉此卷以授己丑之
災允先世舊物一夕而燼獨此以藏于故

山獲全追念二祖宗盟之始今已百二十年舊聞零落懼不復記憶因書識于後俾後之子孫得以有考云甲午歲良月曾孫摘證識

書馮將軍翠峰詩後

金湯渡江世人咸稱采石功為雄偉而不知煬之首謀以海道進兵為第一向非膠西用奇決勝則長驅海陵江左殆未可保始余閱李伯微甫繫年書深疑紀采石之事為多膠西之事為略間閱傳記則知前輩已識雍公之張大而伯微甫雜記亦書雍公經理關陝之不遂蓋未嘗不置疑於其間也膠西之戰李寶功誠不得泯若馮將軍事獨不得見於史為可恨惟趙氏遺史所記竟為詳悉而所謂當時卓然奇功皆歸於李寶之偏將會洋乃於馮將軍演有異論且謂獨請海艘借勇以避虜棄陣卻走於凱旋之先余嘗反復其事有知其不然者夫軍法莫嚴於背兵李寶非餘假馮將軍者也其捷也實寶命曹洋詣闕以

奏洋安得不揜美以自稱方是時猶概受其賞將軍之不卻走也明矣所傳聞異辭聖人猶疑之遺史重妄之罪深矣微正獻公直筆以行遺事則將軍之功不止於泯焉而已也摘 曾大父樞密越公尹行都時築射圃曰旬閱下教出將軍射法以試士伍白首軍校猶能誦將軍射譜 樞密公訓閱之勤山陽弄兵公以不發兵坐視責時軍由是去國于時領兵殿叢者幾欲承受風自龍夏震遺志以報私恩每思將軍之忠烈有不待子孫而後傳也今觀翠峰題詠諸老賢述滿卷獨正肅公書尾之語猶不滿於紹定之事噫其亦有望於後者與彭叟成紀之正齋今為范氏後馮范之譜猶臨印高魏之譜也昔陶商翁劉景文以邊將有能詩名將軍翰墨之美誠不愧古昔彭叟以詩書迪紹前人光其當不止此敢辨遺史之妄以補家乘復以勵彭叟云丁酉歲正月辛未越國表摘書

書史文靖為西山先生薦黃參軍

家問

嘗讀西山先生通文靖公政有曰四紀奉常之第三州刺史之符華塗咸擬於直登雅操獨安於平進又曰青原彭蠡善政有百年之思太白東湖勝賞窮四時之樂味繹詞旨蓋不以共垂為可貴也紹定之二先生去國文靖亦歸老里第令觀薦士之急遂因父以致其子而文靖諄諄訓諭尤以先生為重絕干撓之嫌於斯可見稱聞諸老言永國為相時欲迎公政府就養不一歲而返方永國之入相也公獨言參預應公宜為文字官應時以議端平兵事謫歸里未幾果得召命將入國門劉黶二暨相繼論去公聞之歎恨數日憇父子至親宜無所嫌避在隆興時若張紫微之總得近世之江文忠誠有不可處若文靖父子誠無可議一時廷紳不免有趙括之譏慨貴戚之不常愍天運之日記三復遺墨肅襟以喜是歲五月乙亥年家孫棗構謹書于其魯孫益伯題識之後

書張仲實家譜後

古者別姓收族莫嚴於祖廟自宗法不行各尊其禰不待數世而視為絕族蓋譜牒不脩廟制不立迄無所蔽附故耳唐世廟院之法猶有遺意至宋令甲非君賜不得立由是公卿大臣各懷安苟且視以為難事自渡江來承賜者亡幾其所立廟率燬於火或撤去不復立而獨張忠烈王故廟易代猶無恙方承平時張氏族競家盛散處都邑其房院稱號各以數目為別歲時烝嘗男女長幼悉列廟下而復擇宗子以主祀傳子今其法蓋未墜也昔摯虞以漢亡之後譜傳之失子孫不能言其先祖推其本始作族姓昭穆夫當流亂之餘理固若是而先儒以為厚風俗之道亦莫若明於譜系今仲實因故廟之舊合七世之譜傷行邪上如指諸掌慨今思古將徽德踵徽使夫來者之有以自振而其可傳者非止於章綬然奕而已夫尋丈之木其苟達拳曲者莫病于本也阿閣之鳳翱翔振迅

者無害於德也。惟其有之者，斯侶之也。書曰：紹聞衣德言。又曰：迪惟前人光，仲實其勛之矣。東楠識。

清容居士集卷第四十七

清容居士集卷第四十八

題跋

書張忠烈王傳後

世言老子書富國強兵，以予觀之，是未足知其說。老子言佳兵者不祥，而陳平亦言陰謀道家所忌。夫其書學道者之所祖而言用兵，有不得已之意，則兵者非真喜用也。宣政以來，老姦宦豎爭弄兵，立功於僥倖，馴致靖康之禍。議者謂佳兵於此可見矣。至於建炎兵，不得不用，而一時狃宴媮之久，長驅南來，蔽遮阻厄者，皆望風奔突，驍將巨鎮，遂廣立屯衛，以自重。而東南民力匱轉輸，供給之苦未幾，而紹興用事者言罷兵矣。方是時，秦氏子誠無所容，罪獨張忠烈王有適。墮偃月之計，而後無與辨之者。當罷兵之初，莊簡李公嘗同其議。檜之始未可以遽議也。論檜之罪，當成於罷王西府之任。蓋姦臣造謀，未始不假宿德。重望以厭眾論事成，而即排之者，毋怪其若是。故李公之去也不數月，而王雖一

歲而去則亦有所不免夫事之毀譽難定於一時而視其子孫始足以知昔時之行事漢高密侯鄧禹功為中興第一遲遲長安無以辭光武之責至其訓子孫俾各習一藝則其善後良有古意唐李勣垂殺之訓嚴且明矣敬業之覆宗滅祀終不可道豈非立后之議誠有遺憾也今王聞孫彬彬滿於家乘施及五世崇德植學以自表著猶不可一二數則是非之公當由是而見因書所聞以附于家傳之後

書史忠定王貸錢券後

梅年十三四時有鄉先生應君文煒年八十餘善談論乾淳諸老舊事為梅言外高祖忠定越王末第時饒富民錢氏坊以養越國夫人洪氏今天童松徑東臯先生精舍即坊故址也當紹興甲子歲越國夫人壽周甲子忠定王假坊錢為酒食以合姻族閭里禮甚具坊故屬浙東常平司至秋七月不隸輸官之苦留繫于越宿越賣餅湯媪家是歲鄉試期已迫忠定王不得歸

里鬱鬱悵望媪微問曰秀才何負官逋如是遂具以前對翼日媪召兒與共約曰我積錢百千以治終事今恙與秀才輸官若中秋試必速償我毋惜也王歸果與計借實紹興之十四年至乾道間王以衮衣偃藩養越國夫人于越時媪猶亡恙王命使者車迎媪坐堂上拜之欲官其子媪謝弗受曰願丞相子孫他日官越毋忘媪家時賑與足矣後忠獻為常平使者復命駕媪家拜其像與其子坐且遺金帛甚厚應君又言樞密公帥越余時相從湯媪諸孫猶在樞密公紹先志如初特伺候門下旬日為異耳今獲從五世孫公升允叟伏觀手券夷攷歲月去秋試纔二月當從此券以償湯媪而梅所聞於應君者不誣課為可信謹書以補家乘之缺維王盛德厚行垂裕無極以允叟五世大宗統格遵奉睦宗廣孝下賢急施當不止智周於家庭慮盡於鄉黨而已也桐木之韓由南湖而愈昌申國之呂至太史而益著韓呂五世孫聞

望若此允更其有以勗之書曰迪惟前人
光又曰紹聞衣德言因以勉允更併以自
勵

書焦節婦傳後

唐虞之事載籍莫詳往讀劉氏外紀胡氏
皇王紀等書記帝堯之時孝慈力耕桑者
表其門閭雖遐邇無本非有類於荒怪不
經吾取以為始焉世衰道微日淪於偷彫
管之詩先儒或疑為季代之作於是淑德
內範與男子竝稱若列女傳所載張芝桓
女之徒皆得如帝堯時故事亦足以惇行
表勵懲其意亦深且明矣梅游吳門讀中
丞徐公所為焦氏婦傳誠可謂懿厥捨婦
而其彰明之始實自其弟焦侯發之昔屈
原作楚詞悲切反復而獨推高陽之玄曹
女嬃之嬋媛蓋其好德之心根於自然移
為忠君愛國猶不敢忘其所自使原幸得
其時則其光榮之道不假於原之自陳也
方今焦侯以明達粹雅嘗舉正於省闈前
徽貞行將以請于太史氏更生蔚宗之筆

足以稱是非如李文公之傳楊節婦不得
入唐史為可恨也詩曰此令兄弟絳綽有
裕焦侯孝友之道於是乎備矣散書所聞
于後大德庚子越袁梅書

書湯西樓詩後

玉溪生往學草堂詩久而知其力不能逮
遂別為一體然命意深切用事精遠非止
於浮聲切響而已也自西崑體或繁積組
錯梅歐諸公發為自然之聲窮極幽隱而
詩有三宗焉夫律正不拘語映意瞻者為
臨川之宗氣盛而力夸窮扶變化浩浩焉
滄海之夾碣石也為眉山之宗神清骨爽
聲振金石有穿雲裂竹之勢為江西之宗
二宗為盛惟臨川莫有繼者於是唐聲絕
矣至乾淳間諸老以道德性命為宗其發
為聲詩不過若釋氏輩條達明朗而眉山
江西之宗亦絕永嘉葉正則始取徐翁趙
氏為四靈而唐聲漸復至於末造號為詩
人者極淒切於風雲花月之摹寫力孱氣
消規規晚唐之音調而三宗泯然無餘矣

夫稗書以為詩非詩之正也謂捨書而能名詩者又詩之靡也若玉溪生其幾於二者之間矣吳門湯君往得其過葛嶺諸詩玉辟邪鐵如意之警策有得乎玉溪生之深切精遠余每欲蒐其精良者而一讀之來吳門其從游陳子久相過知湯君之詩雖搜會稗皆子久任其事余不識湯君而知其用意間有與余合遂書玉溪生作詩之源委宋三宗詩體之變以慰湯君庶知湯君非苟於言詩者子久嘗學于湯不知余言能有合於湯否憶詩至於中唐變之始也若玉溪生者政而望之其不至者非不進也子久年富才俊它日追風雅之正返雲咸之音其視余言殆猶糠粃也大德庚子四明袁稱書

書高息齋嚴母方氏夫人墓誌後

息齋先生蚤歲入辟雍受知于龜山楊先生後掌國子於熙興五峰先生一書憐慨明白遂即挂冠致事辨春秋王霸未嘗不嚴正而簡明也戒均學制至咸淳之末猶

復遵守其或變更傳會皆大臣私意或謂與宣和三舍法微近是殆不知先生本於周官乘聲附響無以議為也舊聞遺落麟臺故史三厄無從考訂郡志疏缺能言高氏出處大致譜牒官號亦不多見而稱以先世遺藏得其集註喪禮若奏牘之見於會要者猶一二條目至於他文則皆未之知也今年春得讀嚴母方夫人墓銘其叙師友婚姻之好不以窮達渝易足以知先生成均之法出於閭塾之遺意而方夫人崇師教子不得與流俗同也憶師友道廢遂耻以師自言陳稽古印綬惡遇舊館人者有之矣婚姻禮乖雖潘楊之睦猶以貧富異心尚何敢脩師友之誼敦婚姻之舊於富貴利達之後也夷攷後唐傳記嚴母之賢者莫若延年與武彼二子苛酷驕蹇遂不幸使內則懿範見於史氏外嚴氏儒雅奕世聞孫與計偕登仕版者亦不絕書則方夫人之賢不著於郡乘嚴氏之幸也巨川往歲南極交廣蒐奇補缺多方聞

見今垂老隱居充然自足不假於當世而獨卷卷表章先夫人之訓範以示厥後復使高先生之遺文振暴於二百年之後謗聞寔見由是而廣惇本崇禮由是而興不亦躋興謹書其後而歸之大德壬寅二月九日表梅書

書吳興張景芳祖母費夫人所作
華嚴偈頌後

南軒先生祖母魏國夫人日誦華嚴得心法於佛日杲佛日之頓悟機辨亦由華嚴或謂華嚴乃佛富貴此蓋以妄測妄非知道者方魏國學佛時忠獻以忠正謫居南軒先生從五峰游學子孫為一代師表未始諱言魏國為異端也近世崇正之說方新允類近釋氏者子孫皆揜匿不著於家乘今吳興張景芳獨次其祖母夫人偈頌以光示子孫忠厚孝謹將由爾以興散書宗衮之事以勉大德壬寅良月望日越東梅書

書鄭潛庵李商隱詩選

李商隱詩號為中唐警麗之作其源出於杜拾遺晚自以不及故別為一體玩其句律未嘗不規規然近之也拾遺愛君憂國一寓於詩而深譏矯正不敢以談笑道若商隱則直為訛侮非若為魯諱者使後數百年其詩禍之作當不止流窳嶺海而已也梅往歲嘗病其用事僻昧間閱齊諧外傳諸書籤于其側冷客褊心遂復中止私以為近世詩學頹廢風雲月露者幾於晚唐之悲切言理析指者隣於禪林之曠達詩雖小道若商隱者未可以遽廢而議也客京師潛庵鄭公示以新選一編去其奇哀俚艷讀其詩若截狐為裘播精為炊無一可議去取之當良盡於此昔蕭統定文選至淵明詩存者特少故議之者不置至王介甫選唐百家詩莫敢異議而或者又謂筆札傳錄之際多所遺落嗜好不同固難以一今此編對偶之工一語之切悉附于左商隱之詩如是足矣覽者其何以病因書其說而歸之

書定興王成之墳臺記後

自古不備墓之說見於禮經世媮俗淳遺墟敗塚子孫有泚其顛而莫以為怪抑不知必誠必信當自其始至不幸而脩者非禮之正也自墓田定尋丈崇卑之制穰穰世曹率從事翁仲雲闕之靡粟發丘摸金蒺有遺藏抑不知制令之始蓋以防其侈非俾之薄內以事外也定興王成之躬負土之勞高為墳臺積至尋丈絕椎埋之望而慎終謹始復合於聖人立言之本意吾友李伯宗甫特叙表其事余嘉其純孝之實而復以是說告之大德癸卯七月既望四明朱楠書

書陸淳春秋纂例後

近世春秋家立衰貶於字義茫不知盡性之理按其形模以中有司程式為精巧天理人慾三尺童子矜矜然猶能言之春秋之學廢矣習三傳者唯文詞是師左氏咸而公穀廢矣武夷胡氏作傳止於七家唐世傳春秋者皆廢矣噫士何事春秋哉吾

里樓宮獻公晚歲欲明義例之說時永嘉陳君舉舍人為春秋傳遂序其意而焚其藁每語後進當以唐陸淳集注纂例清江劉氏傳為下手余家所藏纂例乃寶章桂公所校既為精善按纂例他無善本審此書廢已久聞蜀有小字本惜未之見唐志纂例十卷集注三十卷徽旨二卷辨疑七卷余束枕復得徽旨二卷乃皇祐間汴本聞昔溪直齋陳氏書目咸有之當搜訪以足此書以假友人得脫灰燼劉氏傳乃先越公居宥府時岳肅之侍郎所遺家諱咸以絳羅覆其上二書當永為子孫寶俾勿墜

書鄭潛昭曾祖東谷先生謚議後

胡忠簡論王正道時不知其後之忠烈也廟有碑史有傳斯無愧矣三槐名孫崎垣擾攘欲以奇計立功業不幸有脫略名教之誚使不若是則幾為狼藉人矣今觀枯蒼鄭公履謚猶不恕置議禮義名節士之大閑謹于正道蓋將以謹夫後來者耳渡

江百餘年屢厄權相獨定謚無敢希指至
若賜謚則由舍人行詞端平以後謚愈多
而名愈濫惜不得鄭公有以正之嗚呼悲
夫

書朔齋先生都梁第一樓詩後

南豐記擬峴臺欲與州民同其樂至朔齋
先生之賦都梁第一樓則欲與之同其憂
非淡知民隱者言不至是此卷筆勢有籌
筆驛詩態度嘉定以後士大夫不復崇尚
字學獨公與莆田陳復齋說能書二公出
處相近要末可以一藝名

書朔齋送弟牧翁十絕後

朔齋先生以宗正兼直後省子時 先子
方入轉運幕府一見道問家世即以科目
剡薦至今照牒猶藏也今得拜觀遺墨
其藹然友于之意見于篇翰前指愈遠古
道日偷搗章繪詞言行實不相顧觀此亦
足以規警

書高使君脈圖後

吾鄉嘉定以後故家諸賢獨高使君行孫

典寄冠珮清逸儼怒如晉世圖畫賢士宅
高植水竹奇石號曰竹墅其食必按本草
其居處必順叙寒燠銖分脈法如指諸掌
往時指紳類能夸詡之數十年來士益困
不復知有清事稍幼與其諸孫一清相過
往見一便面即使君脈圖也子時一清方
編類經方惜日不自置叔祖文昌公猶無
恙其尊聞于家庭者尤精確可傳信今幾
三十年而一清所為醫書十事亦成矣宓
戲作易神農為本草至黃帝述素問難經
等書三聖人未嘗以下筮醫藥為鄙九流
擊分漢世儒者猶不得尊則此復何議至
陶弘景孫思邈貞白為高能令天子大臣
傾下敬愛則道與神究者未以一概論也
一清方遊公卿間清名舊聞當益以貴重
敢誦所聞書附脈圖使來者得以攷清容
居士書

題忽訥監司畫象詩卷後

成都郡治應唐宋幾五六百年牧守皆有
畫像政績可紀若魏相國張益州愈遠而

愈不忘其治守無狀老倪咸指其像爭詔
署以病蓋棺事定豈虛語哉忽訥監司按
臨長沙墓木已拱其子脫帖木兒宣武公
知遺愛之被於長沙也至厚歲久而泯落
將懼夫子孫之叙述者未足以傳信固雖
豐碑善頌皆迫於一時之指使考其相與
社而祝之者審像以觀則得以察其平昔
治行之實永久而益信証家庭之所少而
遠求數千里之外哉徧觀鉅軸其意有若
未盡稍也職太史章丹之碑其能有多讓
顏洪筆以俟

書白敬甫三歲作大字卷

柘柘州劉賓客在海嶠為二童作詩有曰
小兒弄筆不能嗔沈筆書牕且賞勤柘州
則曰聞道近來諸子弟臨池尋已厭家雞
二賢期待如此彼二童迄莫能有聞梧竹
先生一為元公期冀卒有成就在易蒙之
六五解者謂默識心通為顏子得之令聞
壽考先生實何愧焉傳示子孫俾無斁以
承

書胡評事夢昱印紙

梅幼歲嘗讀 魯大父樞密越公家乘言

寶慶改元九月旦胡評事進對首言濟邸

死非上旨當立孤以明本意于時相臣震

怒入對兩宮乞黜去未幾御史李知考希

旨具疏劾籍度嶺 先公時尹錢塘力過

閭言劄籍故事必下京地書考功籍公遜

不肖署復三入閭相怒曰趣書何言宿留

凡七月始下公曰不十載當悔復吾母為

禍首且考功籍謄不涉署後必有知我者

繇是戒兵士善護復密以錢鉞相遺贈自

後先公門人王公邁亦踵論濟邸事而公

亦被黜去端平末年公始得諸老叙復梅

獨不得與胡氏子弟參論來 京師豫章

周儀之聞言是事梅具所以儀之曰胡公

諸孫攜考功紙來與子語誠不妄噫吳夫

人之復封端平之初也復立濟祀德祐之

末也馴致於此其何可言剛簡丁丑試集

英先公時為叅詳併識于是證書其後而
歸之乙巳歲三月甲戌表梅記

書吳景山樂府

景山吳先生佐金陵閩府時 先子實為
貳車亦入幕嘗為摘言先生壯歲客羣公
飛殘疾記坐宴席即就亦弗視言論冰
雪懷吐奇磊不有屈人下晚始第奉常嘗
鬱鬱自慨語昔時承平事謂今當不復有
未幾逃難解散先生亦竟謝人世後十餘
年其子博文為四明郡博士 先子家居
敦叙夙昔猶一日也摘容 京師博文適
先後至乃出先生手澤一通以示蓋方回
堯章之伯仲非如劉攽之徒暗鳴叱咤以
氣為言者也唐子西之詠梅不免以倨傲
得罪先生之詞蘊而不露哀而不怨情見
乎辭而莫知其止殆駸駸乎國風矣俯仰
疇昔悲不自勝并志 先子遺語而歸之
大德乙巳契家子四明表摘書

書黃彥章詩編後

元祐之學鳴紹興豫章太史詩行于天下
方是時紛立角進漫不知統緒謹懦者循
音節宕跌者擇險固獨東萊呂舍人憫而

憂之定其派余限截數百輩無以議而宗
瑗輩為江西為豫章之詩夫豈惟江西哉
解之者曰詩至於是歲有能繼者矣數十
年來詩益廢為江西者嘗慷慨自許掉鞅
出門卒遇堯象空券恣睢復卻立循避不
敢近使解者之言迄幸而中噫然則其果
不可以復古與摘容 京師遇黃生景章
于旅次問其譜別于太史為七世而尚書
公叔教之所自出示其詩宮商數宣黯然
不遇之意絕于詞氣吾知其充然以脩興
太史氏之學者非子其誰也夫別江西之
宗者是不至太史之堂者也曠百載而有
侯捨其諸孫曷有望焉念嘉泰間尚書之
孫瑛為常平使者于吳 曾大父樞密越
公丞邑吳江檄定理役時蘇師旦驟幸顯
獨絕請託無隱使者大喜得剡于朝而改
邑焉俯仰百年門下之誼猶一日也庸叙
疇昔而勉之大德乙巳八月中秋書于其
詩後

書劉將軍詩

言用兵者必曰師尚父讀其遺書多奇簡韻語非深知詩者不至爾噫采薇杖杜詠歌勞苦雖賤微者猶能知則古言詩抑豈有文武異哉今觀劉將軍詩藹然有觀民風審知止之意使高遠夫劉景文復生攬轡並行未知孰先後也陳郡袁楠書

題金承安樂府

幼歲見老樂工歌梨園音曲若不相屬而均數無少間斷猶纍纍貫珠之遺意也承安老人所補歌曲按其音節無少異此殆以文為戲者黃豫章嘗評小山樂府為狹邪之鼓吹豪士之大雅風流日遠惜不得共論承平王孫故態為之慨然

書清江羅道士詩後

往歲卜居城南遇梓人焉曰築室之制崇廣纖鉅必謹其規體榱桷杙椽若一而用之則堂觀亭室各不相類余於是悟作詩法亦猶是也近世工清儉者局於律師宕逸者鄰於豪角立墨守迄無以融液詩樂乎息矣噫風雅頌之體夫子何自而分哉

清江羅道士詩余讀之審劇輕重分析清濁大者合繩墨小者適程度伍欲各取其長誠非苟於言詩者余聞學仙之說內固而神益清養之以歲年斯熟矣詩其果有二道乎

題蕭安撫迪後記

老瞞視天下事如按九晚歲真態始見李衡號良二千石猶不免為諸兒計慮乃知情愛雖雄烈有所不忘蕭公安撫副使書迪後記上推本始苟及疏遠教之食之一語不及其私觀者興起噫故國世臣俯仰事變何害不有獨蕭氏孫曾為名太守賢御史官簿益顯今四世孫文孫靜敏好學年弱冠上書御史府言救荒事皆切實語行受選用種德之報是真有慶矣尚勉之哉

書謝道士歸洞庭詩卷後

古之善養生者必適夫寬閒之地順其陰陽使神足以恬不能動於心苟絕其所為深林嵒巖隱翳自處將感悔震掉日有

不給且外不能以自治其理內者奚以合
榮觀之道豈徒言哉江湖之水至岳陽而
安流停蓄廣衍動靜交養枯蒼馮道士居
之三十年安且樂矣北游 京師縱耳目
之廣益舒其和平夫山極於燕水極於洞
庭求其怪險不可得將安於自然道入于
自然則刻形毀志竊據說幻者吾不知其
說也今歸主其徒與之游者各為歌詩四
明表梅叙

書張侍郎孫祖傳存靖齋銘後

壽張先生精忠謀論為一代師表其居家
御飭子弟遺言懿範故家往往猶能傳誦
稱道聞其曾孫脩謹自振能世其家一日
示以溪寧先生所作存靖齋銘凜焉大訓
歸然于頽波橫流之域紬繹旨意溪有感
焉者也靖念 曾大父樞密越公淳熙癸
卯與文靖公同薦于鄉至嘉定間同在館
閣今百三十有八年兩家子弟罔敢曠墜
而梅承教於溪寧先生者彌厚敢益以自
勵亦以勉夫張君焉辛亥歲後學素梅書

書鄭魯公全拙齋銘後

魯昔先正忠獻韓公詩書五世其父康州
牧工於詞章尹河南富鄭公誌其事渡江
南來忠獻張公忠肅虞公尚論其世皆著
書立言有以自見至于二公發揚光顯百
餘年間懦夫庸子猶能仰止自厲審其先
德源委端有來也太師魯國鄭公幼躬敏
行是生忠定丞相為穆陵舊學其四世孫
奕夫示公所為全拙齋銘紬繹莊生之用
大不幾於贅矣念昔 先曾大父越公嘉
定丁丑編次集英進士是歲丞相實奉廷
對紹定辛卯復同在省府梅以 先世餘
緒得獲墻門下風塵荐更角東世槐不可
復覩溪以為拙幾辱而巧鄰薄與其薄也
寧辱梅不佞猶願於魯公取法焉敢以自
勵亦以勉夫鄭氏諸孫溪味之

書鄭魯公嘗充達庵記後

占夢之書具于藝文自漢而下其學已不
可究雖間有占驗往往鄰於附會聞忠定
公以魯公所夢遍閱釋道諸書迄莫能解

今雖廣為箋釋使能言于未遇之前誠果奇矣忠定布衣時嘗夢有告公者他日公官位當止尚書後除禮部辭不拜由內相入政府身後卒贈尚書令此夢之符有不待辨而明者因以舊聞併補于家乘

書高密鄭節婦傳後

舊令義士節婦焯然表著者得入國史實錄周召二南正始之道此殆其遺意也世祖皇帝天兵下山東齊東諸侯之任者維高密鄭公聞昔時諸老言解亂以後削萊易頑納諸軌範繫鄭公是倚褒嘉之典書于太史澤遺子孫振家聲以趾屨者纒綫相接內教嚴整薰然正直流于士女終始貞絮梅待罪史館異日得秉筆書鄭公家世遺事附錄節婦于後亦足以光盛世文明熙洽之偉焉得而遜諸

跋瑱山經德堂記後

雙山先生作

梅庵先生晚歲每言陸文安公之門人多得踐履是蓋深憂其徒之學鄰於上達後百餘年黨同惡異空言相高其弊有甚於

昔今觀瑱山吳氏編次師友淵源固有缺軼是又其門人之諸孫也勉之哉梅庵之言是誠有驗矣延祐改元陳郡表楠書

吳鏡公制書跋

史遷序道家以清淨為至言作封禪書唯紀祠祀符應旨哉言乎能知史遷之微斯近之矣

皇朝累聖繼體守文基祿肇隆惟臣全節職掌玄學敦澤道德夸誕矜蠻之說悉所不取祈天永命與易乾相表裏至大三年褒嘉典行遂特貽其祖父哀榮倚美聞者歆企粵昔開元有臣法善前席之對暗理道要術追顯先代而史官紀載弗克偉著論者惜之恭讀贊書景命於爍移孝為忠全節之志罔敢自替太史氏誠宜泚筆以登信史使知

皇元崇尚實邁往古來者得有以考云延祐改元史臣楠謹記

跋象山先生經德堂記後

朱文公答項平甫書云子思以來教人之

法惟以尊德性道問學兩事為用力之要子靜所說專是尊德性事而某平日所論問學上多所以為彼學者多持守可觀而看義理不細某自覺於為己為人多不得力今當反身用力去短集長庶幾不墜一邇今觀文安公所作經德堂記瑱山吳伯厚乃其門人諸孫持守之學有舊護錄文公語于前俾愧夫世之貴耳賤目者顧勉之哉

書南劍謝君程文後

李漢定昌黎文獨序其古賦而明水賦不得入今世定為外集者蓋趙氏本也唐宋以詞賦取士其所為文率不傳後至王安石改經義獨張庭堅陳古正義闡儒先之微旨故東萊呂氏取而第之往歲聞閩中諸先賢如莆陽二劉正字三山二林公皆別為程文傳于其家而鄭屯田鏐通五經資其說以取進士皆私相秘藏非其門人傳授不可復得屯田嘗講授四明樓宣獻沈端憲皆諸弟子于時談經之士專守師

說非若後時鑿新逞奇以取有司之悅而昔時為有司者又皆溫良敦厚以成國家之盛今世之所傳者斷自乾道淳熙之際彬彬然猶可考也延平謝君用和示其先人所為詩論及其程文文獻之微將於是有所取覽宋世帖經墨義之制雖見於史莫得詳自呂申公試卷之編行而其法具在謝君之意余深知之史氏之為宋史者尚宜有取焉史官袁桷書

書順堂記後

抑嘗觀易而知乾坤之用焉坤固順也而承天者逆也乾坤定而人行乎其中仰觀乎天七政繫焉猶不得與天同則人之所以法坤者猶法天也事生於有為貧富壽夭遵其自然庸詎知吾之謂逆者非順也耶故動心忍性者逆之用存心養性者順之體也尚書元公以順之道由逆相須蜀郡虞博士取坤順以為德余謂李君能盡天道斯能盡人事之理矣

書廬陵蕭煥有敘荒策後

救荒莫樂於鬻度牒宋世大儒猶不免遵而行之民益墮而食益衆矣鬻爵之令盛於秦漢然不使之治民猶有成周遺意降于後王令下而中變習為固常望望然以去於是禁抑興而獻朴繁矣廬陵蕭煥有來京師簡靜自脩心鄙諸人吐嗟取大官閉門無競一日上書御史府陳救荒三策三策行而祿弗及聽令世上書率資以為仕進然卒未嘗有見用者甚者圖絕城覈稅畝以自便朝廷清明卒報罷而猶未悔視煥有三策寧不有愧然天下之與在於斟酌損益救荒有書而先賢素謙猶有缺然年至而學益加煥有之進殆未已也延祐丙辰八月旦日史官袁楠書

書余國輔詩後

余嘗以為聲詩述作之或四方語詩若不相伍考其音節則未有不同焉者何也詩盛於周稍變於建安黃初下於唐其聲猶同也豫章黃太史出感此物無事之冗於是謂聲由心生因聲以求幾逐於外清濁

高下語必先之於聲何病為法立則樂生驟相模倣豪宕怪奇而詩益浸淫矣臨川王文公語規於唐其自高者始宗師之拘為谷不能以廣較而論之其病亦相信也余君國輔生臨川守宗會源其所為詩質者合自然華者存至理雍容悻歎知時之不遇猶先王國風之意也小弁之怨為親親黍離之憫為宗周酌古之詩詳之矣秉奐好德詩之道也在昔先正以是言之矣楠從子瑛叢嘗獲師國輔仰其高風敢申以言之

書程君貞詩後

風雅異義今言詩者一之然則曷為風黃初建安得之雅之體漢樂府諸詩近之蕭統之集雅未之見也詩近於風性情之自然齊梁而降風其熄矣由宋以來有三變焉梅歐以紆徐寫其材高者凌山巖幽者穿巖實而其反覆蹈厲有不能已於言者風之變盡矣黃陳取其奇以為言言過於奇奇有所不通焉蘇公以其詞超於情答

然以為正額然以為近後之言詩者爭慕之音與政通因之以復古則必於咸明年治之時唐之元和宋之慶曆斯近矣感昔時流離兵塵之衝言不能以宣其愁而責之以合乎古亦難矣夫詩之言風悲憤怨刺之所由始去古未遠則其道猶在越千百年日趨於近是不知國風之作出於不得已之言也程君貞其為詩淡而和簡而正不激以為高泰容怡愉將以鳴太平之盛其不遇之意發乎心而未始以為怨也雅也者朝廷宗廟之所宜用儀文日興絃歌金石迭奏合響非程君其誰宜也願勉乎哉

書杜東洲詩集後

蘇文忠自峻嶺海以後詩律大變蓋其精神氣概達海谷而不惜噴薄變化迎受之而莫辭昔之善賦詠者必窮法歷之遠至於空巖隱士其所詠擬不過空林古澗語近意短又安能以廣耳目之奇寓胸臆之偉哉杜君臣傑乘漕艘遵神山閱海市

觀光於上京食冰噉雪足跡之所歷不盡不止壯矣哉故其所為詩視其篇題誠足以棄山林之固陋至於鍛鍊之工搜抉之巧發於心聲自然合笙鏞之間歌錯錦綺之奇文夫豈率意而為之者信以知遠遊之有益於斯文也余五度居庸留京師幾二紀閱舊藁無一奇語始從君挂席南斗則殆將有進矣因書以歸清容居士叙

清容居士集卷第四十八

清容居士集卷第四十九

題跋

書番陽生詩

延祐丙辰余守直玉堂有以詩一編相示曰此番陽忠宣公族孫所作也忠宣忠節起家其子文惠文安文敏三公以宏博登政府奇辭奧學與漆書盤盂相表裏未始以詩名也然則詩果何自哉唐詩之完成於文敏詩緣文敏興矣詩盛於唐終唐感衰其律體尤為家精各得所長而音節流暢情致淺淺不越乎律呂後之言詩者不能也自次韻出而唐風益絕豪者俚腴者質情性自別皆規規然禪人韻偈為宗益不復有唐之遺音矣此編意新語清優柔不佞將因先世之編以復唐舊吾知其進未止也噫儒者之事博而且難泛焉以講將勞而窳成守一而充之因以考夫風雅之微旨知詩之立言各有其體諷諫詠賦無不曲盡其情狀精者為言況於詩而可以易焉余雖未接識因其詩韻有以廣之

跋集書金剛經

古佛如來說性本空性空不壞離相常寂相本虛幻若無所住則名實相相由性成乃得堅固元諸音聲及莊嚴事一念無為咸獲殊勝譬如燃燈由火所傳百千燈明不見火跡金剛正體廣博妙密擬議分別即生變滅羨集眾手不涉塵刹三十二分各不相繞初無雜亂亦絕知解指有長短字有大小以平等觀象體迴忘遍滿一切不遺錙銖靈山付囑亦復如是慧光印空如月在水謂作功德即墮輪迴會稽袁楠書

書綠衣裳楊次公記後

余讀禮經首五服於高祖私怪百數十年卒未有為之服者損益隆殺沿於時王獨五服定制不教有所更易豈誠有待者耶今得於綠衣周氏而見之矣中古之論上壽百歲視唐虞時若不相侑或者謂情偽滋多世日以薄過是而能壽非通於陰陽性命之說不能也陰陽性命易老相表裏先天無極其圖具在悉傳於希夷陳先生

先儒言之矣綵衣翁乃得而師之見於郡志趙清獻美周屯田致政綵衣詩皆為老人所作湯文清嘗詩而美之夫何疑焉昔孫思邈生隋開皇至唐永淳年過百袁周公其伯之歟所以踰於孫思邈之死其孫未生五世咸集孰有如周氏者哉周今為饒大族傳十四世而宋止有孫復為方外之學嘗聞紹定間有余君隱于番號甕隱老人年九十餘釋魏伯陽書自叙源委謂得於綵衣周氏君今南歸試求其書祖德之傳則猶可攷也延祐四年二月甲子會稽袁桢書

書虞伯生送周南翁序後

大德六年余嘗作郊祀十議上於奉常周漢唐宋偽雜之說悉釐正之十年朝廷作圖丘得預議焉位卑而語輕越職議禮苟有所不可者勿議焉耳矣至大辛亥集賢司直周君以方士祠祭乘驛上天壇行濟源雍虞伯生氏叙而餞之將使之推錢其節文以陳于

上旨哉言矣復議其禮與沈痾相近噫其信然矣禮之祭天未始與山川同舉也地為社主遺而不言地獨安所附乎或曰祭山縣則地蓋瘞歟禮莫嚴於博士博士秩七品禮官不敢以僚屬待大典禮封謚博士用印專達可否禮官唯謹惟謹伯生奉常三年昔之所蘊見於周君之贈言合方士之說而復有疑焉者其必見於因革矣周君明辨博習所承於漢君者甚厚因其說願得以攷焉其可乎會稽袁桢書

書龍陽傅氏旌表記後

博施濟眾夫子不以與人於易謙則曰稱物平施聖人立言夫豈一偏者哉近世詞華溢衣食者用心褊陋輒以為大病李君之記藹然忠厚使誠若是當上史館宜書曰某年詔立義倉鼎州龍陽氏傅某首入田千畝則國家之義俱得矣惜其事猶未至延祐四年九月會稽袁桢識

書真定武仁夫靜壽堂記後

仁人心也非性也仁果靜乎靜者仁之所

獨性之靜者人之所同也然則聖人之言靜壽其果不可知乎聖人與眾同夫豈獨專其靜哉養其心者惟靜焉耳矣感物而靜斯得之矣感物而動記禮者之失也夫子之言曰感而遂通天下之故斯靜也非動也余嘗聞諸胡子胡子本於程子而朱子用之靜動互用陰陽之幾非仁靜之說余豈好辯尊其所聞敢因以復於命名者焉會稽袁楠書

書凌生功課曆後

解經而括其義例繫辭傳惟盡之釋章句以盡旨意記禮者得之三傳例立經之義乖矣稽古萬言書之旨微矣昔之或時口相傳授猶懼其聽度玄言與微旨不復有統緒隱暢之立是殆猶近古也明經設而帖括煩禮科設而義羅作將安取士哉滾於楚聲卒悔其箋刻蘭溪之學殆未可非也自王介甫浚嫉其說晚卒不能以救悔益多而與益甚南北分裂而相師成風者皆介甫舊制無以五十百步為也

皇朝酌準之制秀士得以自勵溺於前者則曰非格律不可格律焉自出哉其誕漫不統則又曰法何自立竄竊腐語率意直志文益弊矣經益何自而明矣賈董之對切而婉婉非將順也惡盡言而攻上者非切謂也便於宣揚童蓋習之矯焉以自文者誠不知其初歟昔之括賢由是而知非慎之至也師德試于國子復類登于賓興譬之適遠輟無有不正者勉之哉俟其成行有以告矣為作功課曆引越袁楠氏丁巳十一月識

題進士梁宜致愨亭記後

舍奠墓左解之者以禮神言之然則祭墓非古歟禮生於情親之至者彌不可以偷也在昔先正司馬文正公定家祭禮弗忍焉者多矣張宣公獨卓然罷屏之而滾悔乃卒復之心之不寧是則先王有所不廢也禮經殘缺非止祭墓焉耳矣展哭于墓猶秉周禮尤類以使夫民之歸厚則今通國所行誠不曰背於古矣在平梁君表其

巖亭曰致慤致慤之著黃耇之見也著莫大於思誠悅親有道夫豈幽明之間哉詩云神保是饗孝孫有慶余於彥中見之求陰於地莫近於體魄王侯而下降殺有等怵惕悽愴夫豈稀嘗之謂哉記禮之失也余願與梁君淡究而辨明焉

書虞伯生從子豐登字說後

往歲余與伯生甫同官于朝有煨宋故家者瞋目發赤撻數無遺蓋余固曰彼不遜若是耶伯生曰毋庸戚吾徒不振誠有罪當自治以俟定於是悉取天人師友之源委臺閣儀注之損益精思細繹凜凜然不敢一日廢將二十年伯生率以文詞名諸公稱也力不加進而自治者則亦罔敢豫延祐五年其弟德常登進士第故家之請將於是乎息今年從子豐登侍仲父來京師以其弟兄之字說來示吳幼清之所期者至矣余何敢言雖然願因大父致政公命名之意而廣焉授地之法休田以達年者全其力也仁熟之效在於善所養與

與巖巖古曰有年其豐登之謂與維致政公德充而位卑重施樂善敦薄與讓休田之義也施于有成曾孫之稼吾見其京且齊矣弼中以文外仲父訓迪有自來矣獨感夫昔者之詬病因以告二子願勉夫哉越表梅伯長甫書

題徐天民草書

甲申乙酉間余嘗受琴於瓢翁聞譜所從來乃出韓忠獻家蓋通南北所傳皆聞譜宣和譜北為完顏譜南為御前祇應譜今紫霞前譜是也韓譜湮廢已久東嘉郭楚望始紹其傳毛楊徐皆祖之不知者咸稱浙譜由毛楊自秘其傳故耳蔡氏四弄絃中散補之其聲無有雷同就謂浙人能之乎瓢翁酒酣好作草書嘗寓前人悲憤之詞一日言中散廣陵散漫商君臣道喪淡致意焉至毛敏仲作塗山專指徵調而雙絃不復轉調與絃意合非淡知音者不能又曰學琴當先本書傳俗韻自少仲連得法於其子余以作吏荒落向嘗作琴述言

歷代所譜派系因覽先生遺墨俯仰疇昔
今三十六年矣延祐六年仲夏丁丑越來
桐書

書枯蒼周衡之詩編

詩有經緯焉詩之正也有正變焉後人聞
益之說也傷時之失溢於諷刺者果皆變
乎樂府基於漢實本於詩考其言皆非愉
悅之語若是則均謂之變矣歟建安黃初
之作婉而平羈而不怨擬詩之正可乎濫
觴於唐以文為詩者韓吏部始然而毒容
激昂於其近體猶規規然守繩墨詩之法
猶在也宋世諸儒一切直致謂理即詩也
取乎平近者為貴禪人倡語佻之矣擬諸
採詩之官誠不若是淺蘇黃傑出遂悉取
歷代言詩者之法而更變焉音節凌厲闌
幽揭明智析於秋毫數殫於章亥詩益盡
矣止矣莫能以加矣故今世學詩者咸宗
之枯蒼周君衡之游京師極其游目之
所寓悉歸於詩浩溢闕博蓋將因言以宣
情而於眉山公之學深有慕而效之者其

為志亦勤矣夫水宗於海百折而卒至者
非一日之功也故余力敘詩學之源委俾
反而求之周君氣盛年富進進不懈異日
胥會必當以余言為然也延祐六年閏八
月庚申前史官會稽朱楫書

書化拙察父訓子詩後

淵明退之諸賢惓惓訓子形於歌詩聽之
藐藐迄不能繼父業手澤存焉之戒良可
悲也獨康節先生有子伯溫捧其先人之
詩日篤不墜卒有成立此蓋絕無而僅有
今觀致政化公三詩遺墨如新其子拙察
清節吏能炳炳可紀用不展志諸孫蘄然
各自立宦業有法日以祖訓為則顏氏之
庭誥柳氏之家範奕葉母變今於化氏之
門見之矣書曰汝克昭乃顯祖用或爾顯
德勉之哉

跋王使君都中年像圖詩卷

粵昔故家江左之王贊皇之季其高自標
致不以華腴為可貴故其凌厲絕俗則有
若元禮文鏡官為一集卓然以名聞自重

其視世胄珥貂紆綬猶祿中兒耳闔王侯
都中幼歲登臚仕抱負奇氣折節慕義其
為政先懼悌而後功利官績光顯為東南
牧守表官為一象蓋將憫歲月之如流厲
志考德俾日進焉若年之有加而無數也
抑嘗聞之今之為吏起於荒窶嘗病不知
其所為蓋其講習之道非有所素也官學
之門受察於父兄之側遇事剖析白首吏
拱手不敢議其微取者良有自來楠念昔
曾大父太師樞密越公嘉定間以著作郎
考南省多士獨得參政雷耕先生後登上
第直道大節為淳祐全臣雖不及相天下
士今猶嗟惜之施子諸孫詩書之澤蓋未
已也楠學不加進懼世德之微凜然自治
敢以通家之舊願相與勉焉以求佖夫世
臣之文獻金章紫綬豈足為吾兩家榮觀
哉延祐六年八月辛丑契家第四明表楠
書

題樓生詩集

海陰陳處士嘗言吾婦兄樓某善治生味

與以興即整理靡密某祖某山出入俱有
法又治其所嘗往來因缺怠於是酌酒盡
暮暮而醒醒而吟兀是者三十年樓之上
世故為吳越王鎮遏使因所居有廟里民
祠之幾四百年今樓君已下世其子崧伯
為余弟之子之夫始以其集相示曰疎懶
嘻若前言果疎懶邪詩盛於江西吾鄉以
詩自名者率祖之其浸淫者為韓梅壬午
癸未歲余始悔悟陰陰識之曰自言學術
有悟門不謂師承廢於是今讀樓君詩天
和混融不露斧鑿而其平淡造詣有陶韋
之風焉理勝則無疵果有疵議者不能發
口文士善譏評後率不振僕不敢若是書
以歸尚勉之雅俗類厥考足永逮矣

書茅生家譜

余待罪翰林嘗草三茅君加封制書浚以
為神仙家功行累積子孫必盛茅為希姓
則今江南茅氏豈其苗裔也與或曰三茅
君既仙去安得有後余應之曰老子為道
祖老子之子宗五傳而為王太傳今李姓

皆祖則茅氏之祖也夫何疑吾鄉公相家受原伯魯之誦厚贊腴田談笑立棄其困辱有下於卑隸甚者發丘壠惡言其家世之盛靖觀茅氏之自重有泚其顛者多矣漢世以試籍書始得為吏而唐宋制令玉冊官必通文詞者始得為茅氏守藝猶近於儒者之事矣盛德谷不足老子之旨尚勉哉必有以興復矣

跋子昂贈李公茂詩

松靈翁詩法高踵魏晉為律詩則專守唐法故雖造次酬答必守典則然於贈別等詩則僅見之淮陰李公茂旬次磊落言論吐冰雪擅幕府畫諾事無停留士大夫喜從之游宜松靈翁繾綣而樂道之阮公服常白觀此足為人物論矣

跋宜春夏君與上饒陳先生文蔚

講經書問

自武夷之說行其門人矜重自秘皆株守拱立不能親有所明辨獨勉齋黃公奮然衝道以其同焉者析之曲焉者直之使後

之人無以議湯文清公後出復以昔之所淡疑者充廓之是則武夷之忠臣矣今觀宜春夏先生自明壯歲從上饒陳先生文蔚問答疑難無苟同之病紬繹微旨貫然於尊聞之外汲井養源端木表正蓄德集善至是盡矣其孫震以進士來京師以摘族叔祖特進尚書公遺墨相示蓋守宜春時與其大父交好良厚今八十年矣師友道喪愚者守之薄者背之欲求其自得者不可得夷考武夷釋中庸與易傳輒異夫程楊者夫豈得已觀此得以攷焉

題何子方丹書後

金石草木藥品見於神農書二者不得以偏廢也自唐世方士飾侈說以動上聽卒致蹂躪以弊或者不察遂因以置議焉厥今四海一轍而南北方劑判為二塗昔人嘗言藏用擔頭三斗火陳承筐內一壺冰二者胥失之矣金石變化鄰於鴻寶故昔得道之士近取於身而法之內外交養厥功著焉今世所傳寶祖劉先生爾朱先生

余嘗得其書而讀之水火之騰降日月之摩盪差毫髮則不能成也故其起死也如神而非以增其聲色之奉歷亘古而不可廢者其說具在貴溪何大方料簡切於人用者為十二方本於神農參於難素復以五金八石之論曲暢而闡微焉其師陳君善父號名醫宋世公卿深重之泉源木本有自來矣合南北之偏於大方有聖嘗聞龍虎經有火記六百散落雲笈願歸而求之則其藥愈神而人益信矣年月日四明素梅書

書江陵唐氏族譜後

集賢脩撰番禺吳公善作江陵唐府君墓銘敘述世系於質肅公八世矣府君之子洞雲頡揭德正傳俾稱有述焉維質肅公立朝偉節在宋史而獨減死令莫定是否敢於府君之誌而詳言之熙寧元年著謀殺已傷自首者減二等為定律主是議者王安石許遵也非是議不得行者參知政事唐公御史中丞呂公獻可判刑部劉孝

叔御史劉公玉錢安道翰林學士司馬公也許遵在宋循吏傳蘇黃門滾取之且謂其年高多子孫由減罪之報稱考宋史則減殺議自登州婦人殺夫自首始唐公論為綱常本王許之議非也公以新法憤死後詳定勅令者卒於是而兩疑焉宜定律曰謀殺自首減等如遵議在天屬如唐公議若是則兩得之矣公之子淑問為名御史是唐公亦誠有後哉唐故餘杞大族侍讀學士詢實同所自其居江陵由公父殿直君始質肅公事實紀其諸孫在朝著歷歷可考宋社既亡衣冠故緒闕郡不能以一二觀吳君所為銘則世次猶可考也抑嘗聞之鮑靚以司隸系孫為道士王遠知以琅邪太傅孫為茅山觀主皆知名當時今洞雲佐治開元宮居京師二十年貞幹善謀其源委有自來矣夫樂道人之善儒者之事質肅公之不得伸於一時事若有待庸書碑陰以告夫為史官者有攷焉

書永嘉王母香丸銘

記禮者之言曰先祖之德善功烈鼎而銘之衛孔惺是也嘉言不忘子張之書紳是也席机觴豆受於老臣則九銘舊矣况母訓乎口澤之存歲久則弊為文傳信久之存亡復何預焉以儒成名久之銘滋久矣庸書以俟

跋劉真人帖

養生家性命分為二途而性宗之說與命宗各有七焉丘祖師以談笑談話活中州萬姓至其二傳為長生劉真人或疑其有留滯之意嘗讀淵明詩有云感彼柏下人豈非先地乎至治二年春二月丁卯拜醮長春宮為長沙余君善之書

題姚雪齋右丞草書

金源諸賢皆師懷素其法由黃太史始蓋一時崇尚蘇黃溯本以求則黃本懷素蘇本徐季海二美兼備則雪齋先生俱得之詩昉於蘇駸駘乎太白矣字源於黃則與之俱為醉素之弟子矣梅也獲游玉堂得

與其猶子承旨公侍筆硯繼入集賢復與公之子侍論議今觀遺墨敢發明前賢之淵懿使後者得有攷焉至治二年會稽袁楫書于悅心堂

書姚牧菴贈播州楊安撫漢英樂府

大德末年楫以史屬預脩成宗實錄于時承旨姚先生實領史事見其塗抹詳定若不經意而一受潤色即槩然與班馬竝此殆其天資學力相須以成者思播楊侯朝覲本末見於太史先生執筆尤致意焉惟昔楊侯以中原大族世領夔府羈縻之州當蜀破一時名士咸往依故其文獻承接的有源委聚書訓子益振起光采推姚公不安許與之心是所謂立賢無方則允司文衡取士類於是有所侯之子頤正君來都溫慎儒雅與之論前朝事悉纒纒不絕示姚公所贈樂府因書以歸之

書葉信公家閣後

信公貴為宰輔不忘貧約舊事壯歲客吾里從學城南楊氏書塾楊氏館遇甚厚咸淳丙寅以資政守四明舊往還皆重報之而以次子通判應友君為楊壻人咸服其威德咸淳政事一歸賈相江公萬里以告老去馬公廷鷹以稱病去信公先二公以歸賈每憾之後再召將中以事而公卒由曾娥以適天時人事至此有不能容力可勝道哉竹友君嘗獲識于先人侍側顧願豐下其談論猶有王謝家風度俯仰四十年而其子能以方外士保其家譜信公諸孫於余為外表則漸就零落淳雲變更夫豈葉氏敬觀遺墨為之愴然至治二年秋九月癸丑末桷書

書楊安撫訓子詩後

魯周公傳三十四世夫子紀二百四十二年之行事所不忍言是則伯禽以後為無聞矣家訓之嚴莫盛於頽柳岩包孝肅司馬文正庭誥嚴在至諸孫而靡傳君子之澤五世而斬夫豈徒言哉播川楊忠宣公

其子巖壽作詩訓示章玄成之詩有曰於戲後人惟肅惟謹無忝顯祖以蕃漢室公之詩有焉今宣撫君咸年執謙問學日績金玉厥躬以承休譽克昭乃顯祖視魯公世家實為有光尚勉之哉則忠宣公實永不朽矣

題吳浩然詩卷

讀羣公詩玩把不能去手氣與理俱明矣氣由物以成形而下者為道邪為人邪人心非與道悖亦非氣質舉世相承吾何敢言觀浩然亦知道矣

書朱氏精舍圖詩卷

藝女史學之盛有三家焉東萊之學據經以考異同而書事之法得於夫子之義例以褒貶而言者非夫子旨矣龍川陳同父急於當時之利害言人心感上意激頑警偷淩以為世道標準志不成而年逝識者悲其不遇焉說齊唐與政蒐集精要綱孳領正俾君臣得以有考禮樂天人圖書之會粹力返於古是則論史者無遺蘊矣噫

自宗忠簡公以經濟才不得展用故其鄉
之後進匡國輔世為首論人事不齊則亦
曰有數焉耳矣方咸淳初義烏朱氏兄弟
四人竝登進士第而伯仲季尤得名其季
宰定海余得識之見其貫今古若身歷而
知其是否其為文簡而明據會以歸於一
者也竦然以叩之則曰吾於伯仲曷敢翌
後聞其兄仲晦君燁論事廟堂與南士持
政柄者不合為理成精舍圖以歸而中原
忠純儒雅之士藻繪襄拂皆令士大夫之
所仰慕而不可見者亦盛矣哉近世南北
之黨分朱君以越產不合於南士而中原
諸賢有愛於朱君審諸賢忠厚之至則朱
君之承接者必有其道立賢無方於諸賢
見之舉而不黨於朱君見之於是夫重有
感焉

書楊御史奏藁後

御史言事有二不幸焉折羣陰初萌之機
論國是於未定之日若難矣不至履其危
而蹈其禍也至若姦孽肆兇株黨連結箝

口拱手者千士一律至是而有言焉非夫
捨成敗死生不能也鄒道鄉當於田承君
劉元城決於母氏其所處既定故其直節
焯焯偉著有若楊御史之言事其感憤厲
奮悉出骨髓嶺海刀鎗雖在目睫猶往矣
忠矣哉昔人嘗言御史以言事得名有關
夫世道之升降方今

天子聖明小大臣罔不承恪楊君論思辰
告非若前日之難匪初惟艱尚懋敬之以
永終譽

題潘伯潤家譜

幼歲聞寧海潘繁昌公以文學政事得名
羣公交薦久官江淮其猶子伯潤嘗從以
行飛牋急檄一時爭稱道之科舉既廢假
館浙右辱其講授者皆楚楚可觀然而剛
不容物論事直見底蘊指韋者良忌之每
語繁昌公輒涕洟見于顏面繁昌死無後
逃難蕩析而伯潤垂白眼斬衰以繼晚歲
手書宗譜以示其子惓惓于繁昌尤切噫
今世以田宅財物爭為後若繁昌之死當

掉去不顧矣伯潤所為誠足以警厲薄俗
子孫其有與者願書此以俟至治三年十
月杳桐書

書鮑仲華詩後

宋太宗真宗時學詩者病晚唐萎蕩之失
有意乎玉臺文館之感締組彰施極其靡
密而情流思蕩奪於援據學者病之至仁
宗朝一二鉅公浸易其體高澹者極凌厲
摩雲決川一息千里物不能以逃遁考諸
國風之旨則幾有餘味矣歐陽子出悉除
其偏而振挈之豪宕悅愉悲慨之語各得
其職今之言文章者皆其門人而於詩則
不復有同焉嘗深疑之其力不能侶之與
抑其心之和平不得與之同與降于後宋
言詩者人人殊而歐陽子之詩說未有宗
之者滁陽鮑君庭桂仲華以詩一編介余
而從游郝君時升求余叙語完氣平其於
景也不刻削以為能順其自然以合於理
之正考其從來有伍夫歐陽子之旨矣今
滁人思公數百年猶一日也而其篇詠見

於一泉一石者復得其遺民而宗仰之仁
聲之入人深於是乎見晉本乎唐憂澁思
遠有堯遺風余於仲華其殆近之與至治
三年十有二月某日杳桐書

書李弘道朝天錄

司馬氏按極南北之游蹟私怪其動心導
志不專為書晚歲憤排始以游歷者散見
於紀傳入于渤海則禹所傳者異矣纂歷
代之書以為言其沿革而散見誠宜
矣自漢趙充國班超於金城玉門纖悉利
害至唐西南備邊亦得其要領是誠有指
歸夫古之善使者必通達道里周知阨塞
為主上道若曰行記南北之變易詢於道
途父老之說蓋未足憑也今天下一家由
淮而燕者同一舟輒淮泗合流九河故道
諸儒置議不已游於京城山前十六郡之
名漫不能考陸務觀范志能攜志書以行
或猶有詬病之者豫章李君以能為北行
錄簡而明博而文而於在朝之羣考深咸
致意焉稱也學未足以傳後顛刪之以俟

他日成之也

書純石烈通甫詩後

言詩者以三百篇為宗主論固善矣然而鄙淺直致幾如俗語之有韻者或病之則曰是性情之真奚以工為千士一律造莫敢議其非是純石烈堯臣示其先府君怡閒吟藁一編玩其詞旨藻繪融液一本於大曆貞元之盛而幽澁婉順則幾於國風之正矣府君舊貴族遺言雅聞得於先朝之故老壯歲輟迹半天下富盛羈愁感慨歡悅之事月受而心會冥搜遠想不極其摹寫不止用意若是故成就實足以自見摘舊得拜府君於堂下聆其議論明絮而簡易讀其詩如親見之焉泰定元年三月某日袁桷書

書郝伯常經題黃鶴樓水龍吟後

郝公以使事館儀真日襟被尊日引馬於庭下請歸館使謝以未有旨如是者十有六年在館中觀書不輟其未見者從制置司以假所作蜀漢書皆拘留時藁定方是

時宋相以滔天之惡蒙蔽朝論士夫咸以道學綴飾殆如風痺不知痛痒公蓋目覩其弊今觀此詞其意旨可知矣公之子為侍讀學士嘗與桷言公奉使時侍讀甫四歲後回京師年十九以戎服見拜且泣公閉目不顧進退不敢其父友命易衣冠以進始與語焉前賢典刑峻整若是視近時父兄之御子弟泚頽實多因書舊聞以補遺事泰定元年三月癸卯四明袁桷書

書張子仁少監族譜後

張侍中曾孫忠文公叔夜忠確公克戩皆以死節表表著靖康宋史忠義傳兄弟竝立餘人不能無也後其子孫入南一在四明一在福唐紹興推恩蓋首及之都水少監張君子仁蓋其裔孫倦倦以宗譜未備網羅附綴支分而派別之歷歷在指掌其勤且勞積二十年始成焉族譜散軼皆由兵戎之遷徙晉世故家南北隔絕各立譜系元魏以來賜姓紛雜譜莫能考歐陽子作宰相表用志良苦而私為渤海譜猶有

缺文是則為譜者誠不易矣今子仁能退考其所自又復以職業自見光于前人其官都水興廢舉輒廟堂以其諳歷陞其官以居然子仁有不擇者稱曰胡安定先生以水利為一科故其弟子若羅適頌臨皆為名監司水土職在司空古尤不輕世以善理財穀為能吏厥今漕渠之粟歲致千萬石數倍遠海不害于民而京師益以羨吾知考治行者必以子仁為首夫何嫌然因書其宗譜且以勉焉

跋吳子高詩

詩本性情能知之矣本於法度知之不能詳矣風雅頌體有三焉釋雅頌復有異焉夫子之別明矣黃初而降能知風之為風若雅頌則雜然不知其要領至於盛唐猶守其遺法而不變而雅頌之作得之者十無二三焉故夫綺心者流襲而莫返抗志者豪宕而莫拘卒至天其天年而世之年咸意滿者猶不悟何也楊劉樊絕歐梅興焉於六義經緯得之而有遺者也江西大

行詩之法度益不能以振陵夷渡南糜爛而不可救入於浮屠老氏證道之言弊孰能以救哉吳子高居湖湘為詩以法度自守高者騰霄漢幽者扶泉石憂樂得中合於採詩之說矣候神人於執期壘飛仙於蓬瀛侈心之萌帝者之事公御之作雅頌得之頗與子高異日相見而論焉燕都宋本誠甫進士第一棗子高詩俾有語遂書以歸之

清容居士集卷第四十九

清容居士集卷第五十

題跋

書正肅公懋忿室懋題扁

忿懋皆發之不中節者稱嘗讀易之咸以無心為感何思何慮是則安有不正者哉漢儒言感物而動失旨多矣先正肅公謂忿近於剛以欲為剛德不足檢本澄源有合夫繫辭傳之說故其平居奉身如玉靈危言謙論百壬交避其剛之謂也清齋端居不遇聲色此絕欲之效也居朝不一二年輒以直道去湯文清哭公之詩有曰獨留事業在江東真實錄也從子瑛居龍虎居室以四大字昭示戶冊且築象山之麓為精舍審其傳授保形以靜老氏之說養厥靈根吾儒之說是則安有忿懋易曰無有師保如臨父母正肅之訓豈虛言哉泰定二年上巳日族孫具官楨再拜謹書

跋正肅公手澤

吾宗由宋仁皇時 光祿公毅與祥符縣

丞 同舉開封 祥符後居東京建炎兵

變 祥符孫 太保孳家從青州軍以歸

是生 太師衛公厚德退讓而 光祿公

家自朝奉公亦漸替至 正獻公入太學

師陸文安公登淳熙辛丑第 衛公之子

越公從 正獻游考兩家南北之分始

得合譜訖受學于 正獻癸丑歲 越公

與計偕不赴淳熙丁未登第自是先後為

秘書省官為侍從人咸曰叔姪之盛師生

之榮於是見之 正肅公見 越公鄉薦

時年始九齡自是敦叙不絕兩家厄於視

融之災舊藏樂盡脫焉以僅存者猶數十

紙從姪則瑛自龍虎還里曰 蒙齋先生

遺愛在江東社而祝之罔敢墜因以手澤

二通俾為象山證契曰 大資同知楨之

曾大父曰思贊府判實則瑛之曾大父慧

世運既殊喬木彫落書其本末願刻諸山

中以為永久泰定二年三月甲寅族孫具

官楨拜手謹識 題從子瑛城門八詠 始余讀陶靖節諸賢詩志意憤排却其意

而為之言蓋將以從其類也五君八哀杜
子美規規然相近窮窮不偶故竊其侶而
為之者焉龍虎山為道士棲會奇怪斬削
率可以見於詠歌者書於志見於碑誌註
少不敢以軼而吾從子則瑛作城門八詠
以相示首之以仙隱言夫宗師創始之難
也曰茅山易高士靈寶之創首龍虎而終
于茅山者也曰天谷慕真隱而不聘于外
詠蓬華之所居則與天谷竝或曰蓬華隸
之曰玄洲三隱東城慕其孝友而能以肥
遜自處者也曰碧玉則曰我 越公之德
未墜粵昔旌陽公以厚德植樹而奉祀有
缺懼不能以承覽今為方外流者絕其本
枝而獨吳特進不若是則瑛能克宗叔老
矣不復有聖異時見吾 中散公 朝請
公之子孫成立非子也邪

跋外高祖史趙王尺牘

某仗以即日毒署在使正君子
壽或之時共慎操幹國錄或德
在窮默有神相合候動上錄或
繁福某歸老山林一念不作殊
覺強健不足云者榮示張公行
狀可發一笑識者觀之必有公

論遠矣一掃無子遺東南膏血
賜於與亡日今州都窮匱皆由
當時不師國計以償功名之心
其主不實為之其此世實無
什開也吾人以謂如何竹洲所寓
前物無恙幸幸置慮他鏡靴餐以
期待幸甚幸甚五月日太傅保
越國公史浩制子仕

朱文公作張忠獻行狀一出南軒之筆不
過題官位姓名而已後攷三敗事跡始悔
昔年不加審覈歸咎南軒然亦無及矣符
離之敗陵陽李伯徽甫載其事甚詳今不
敢為忠定辨明直書其所紀曰符離之役
軍資器械失亡殆盡張魏公初聞之疑虜
人踵至甚懼即軍中解所佩魚遺歸朝官
太平州通判劉蘊古朝議大夫使虜求和
僚吏有止之者乃奏乞致仕又乞朝廷遣
使孝宗不從既而虜人不復南魏公乃謀
再舉上亦不從及和議將成魏公持之甚
確左相湯慶公因白蘊古之事由是魏公
遂絀李與張俱蜀士史筆不敢有所隱避
柄以外諸孫允宜尊所聞以傳信忠定尺

積無一字失實者此豈私喜怒而為言者歟秦定二年五月甲子具官素梅再拜謹記

書瓶城齋記後

抑嘗觀易而得允良焉澤以漸摩言之於家者也澤而不止幾於險矣節者所以懼其過也當位以節節斯通矣良者總其身而身有止也思不出位良道之致因地以光而復降焉斯謂之謙謙非忘於事也故鳴謙之象著而用節之斯益困矣凌侯商榷事物默以全其機清介自律人莫有敢犯戶冊之訓深契易理敢誦所聞而質諸良月既暨越素梅書

跋汪龍溪外制草

崇觀詞臣以扇對全語為高獨龍溪先生痛掃時弊盡復元祐之舊方羽書飛馳顛沛道路非如昔人夙構古語而德音四達甚於奉天之感泣不幸為秦氏子擯斥遠道而先生迄不得再入矣抑嘗考宋世內外制之作至公而始脩故其剪裁也有丁

夏之風其典雅也脩曾王之體肆而不野麗而不侈則駸駸乎歐蘇矣今觀手藁遂書所聞以寫仰止之意云乙卯七月望日素梅書

書劉貢父舍人種竹倡和詩後

元祐元年九月蘇文忠公以中書舍人為翰林學士十一月劉仲馮孔經甫為左右史蘇文定曾子開為中書舍人蓋同月除書也劉公由秘書少監入掌詞命蓋與大蘇公相後先孔常甫則猶在著作廷兄弟父子嗚呼盛矣哉鄧右丞熙寧間以九制之譽積十年為承旨自負灑噩詎淺淺耶嘗攷元祐初元實維丙寅始遜之基已萌是歲溫公堯黨論興詩禍作馴致宣政紹興丙寅秦相擅持南北分裂遂定至於開禧則罪歸于韓咸淳罔上之罪昭于賈氏不十年而宋亡治少亂多明于天人者未嘗不淡知之噫前乎乾德天聖之際又何其盛也今歲距丙寅僅僅十禩文明之運誠在于此仰止先哲感愧係之丙寅人素

梅識時延祐乙卯十有二月庚寅也

跋蘇子美帖

滄浪翁中年書猶未精詣後沈錮黜落浩然之氣悉心用資以為翰墨祁公號婦翁充公密友終不能為之道地前代法律之嚴若是

書蒲傳正左丞帖

左丞蒲公文學政事熙寧元豐之時號為名流後出為亳州未幾以揚易杙皆東南要郡此手帖蓋由亳入覲時所作也蜀由孟氏以來無兵革關爭文士迭出至元豐時為翰林學士者十餘人公其一也宋世仁英正史皆公纂脩今藏史院可考皇慶癸丑梅得與其裔孫道源同為史屬蒲為西蜀大族三邪之變徙興元者獨能保其宗家譜整脩遂以先越公所藏左丞公手澤歸之以永其傳噫綸言汗簡皆家世舊物梅無以進議厥今理學宏開實始於春陵周元公公之道之學實蒲公紀其事立賢無方顛於諸孫有以廣之會稽袁

梅書

跋懷素揮翰帖

懷素書多才翁兄弟所書至明昌諸賢尤競習此體余在都下所見凡數十卷皆偽贗可考獨此雅宣和舊物審為非臨摹者

跋柳公權書清靜經

韓氏閱古堂清靜經乃趙石氏家藏舊物石居新昌慶曆時刻此帖後入復古方韓貴盛時遂得此帖悉有紹興圖璽此籤標光皇手題石氏墨本失之拘紹興本失之齊韓本失之弱今觀真蹟硬黃古紙松煤老色無纖粟縑妄視昔三本真碇碇也龍集戊申至大改元甲子日梅謹審證于後

跋顏真卿帖

前人多疑祖父誥非其子孫所可書魯公舉進士開元年已長成昔人誥勅必擇能書者填補從唐考之徐季海之於其父嶠之是也從宋考之蔡君謨米芾是也此卷舊入思陵後古殿後入秘書省先越公為秘丞時掌圖籍允唐相誥皆入錄蓋德

壽晚歲悉以前賢誥入祕省故也今李紳誥及徐顏諸誥皆舊物審定無疑

書舊作九華臺賦後

潛庵鄭先生兩入翰林纂脩允例多出其手于時摘亦補史屬適相後先未幾除江西儒學使者所居近玉堂矮屋脫粟不堪旅瑣先生清言介行每言數百年承平事不絕口摘不揆參錯承接時則有新安汪尚書孫漢卿為供奉廬山曾端明子愚為編脩此數公者皆先世情好而摘以外舅祕閣公叙宗盟於相府事契彌相厚也先生生於淳祐甲辰之重九日先侍郎因之以命名家居築九華臺澗致意焉于時摘實賦之由江西歸里第不數年而捐館其子公許以門功入官來京師攜混元山居題詠手澤一卷而九華臺賦實附于後俯仰疇昔邈不可得而摘不自知止因循翰苑者今十五年矣學不加進而道日益損異日當假道清溪拜先生之墓驗昔時手植之花木因以有推其子孫之興盛願

嗣以記之延祐三年三月己巳表摘書

書李巽伯小楷夢歸賦體好目

洛陽李巽伯建炎初同朱希真避難南來名聖文學與希真相上下而作字體製亦復相侶希真書相鶴經朱文公評之矣余嘗聞先生長者言黃長睿崇寧間游洛陽作九詠楷書澗刻故一時洛人皆師慕之希真巽伯又其侶之者字學廢已久宣和立書學主上所好乃薛稷禁經所謂字則長而逾制者也則朱李二公寧得為博士耶希真嘗和巽伯詩伊水嵩雲未歸得說平生處淡浪浪蓋與夢歸同意又曰琴書摠驚眼文字更過人巽伯翰墨之妙可知今觀趙子固評書力宗元常而宋朝習鍾書惟黃朱李三人暨姜堯章子固耳余嘗見丙舍帖徐浩模本出尤端明家又見褚河南摹力命表唐本皆纖濃道潤至此閣絳宣示表如出二手則學鍾書者猶可置論乙酉歲余見今翰林承旨趙公子昂於柁于時愛堯章書譜手之不釋逾三十年

趙公小楷妙天下是蓋脫其形似而師其神後此卷舊藏南康黃可玉可玉嗜古剛絮人也後授其徒董君有能能寶之願質諸承旨公作書評焉俾勿壞延祐五年八月乙卯書

題東坡嶺表書歸去來辭贈卓契順道者

東坡先生居嶺海惟卓契順業元脩不遠數千里芒鞋問訊元脩有傳而契順止書歸去來辭與之如有欠恨稱於德常家始獲見真蹟落墨淋漓光透楮背見者皆竦然以起敬而元脩傳非精熟蘇文者未嘗接識昔人以鼎彝傳遠謂於監觀有補德常宜廣刻使家有其書任恤之道見於咸世矣

跋吳丞相繳京湖帥贈陳清敏帖

嘉定十一年 先越公與清敏公同在殿廡實得吳毅甫丞相為第一清敏之薨丞相澹德之為作書間帥于時賈相年未四十方折節慕名丞相書至詎敢靳吝清敏

子孫又安得以不家於喪為辭故事大臣薨有旨州郡治喪莫淡恐後人不知以清敏公家為有請故表其本末若是

書世綸堂雅集詩卷

吾鄉盛時此屋皆故家大官咸淳賈相擅國絕惡四明由是衣冠皆為月集悉不敢議時事卒至國亡無賣降于外者當至元末年諸老先生猶凶恙時則有淡寧王先生師表模範世綸雅集猶有洛社耆英之遺意甫三十有四年風塵變更乘虬上征無有一人在者覽 先郡公之遺墨不勝悲慕世綸主人於是下世亦二十年矣稱以契家子猶得從封胡錫求之後願相與勉焉以圖無斁

題樂生詩卷

詩於唐三變焉至宋復三變焉派於江西變之極有不可勝言者矣劉南嶽少年以詩自名晚歲獨尊楊廷秀考於風雅無是體參於唐宋無是體以斷絕直致為工叱咤轉旋駸駸乎江湖之靡者也吾鄉前括

所為詩傲韓而不能博師蘇而不能宏然卒無江西之弊誦建安黃初之作推而至於風雅則亦有徑廷矣定海樂君之才以一編介蔣君玉度示余且求叙引噫詩不能以易言也觀其平淡者合自然孤絕者得澹悟繪物不鄰於巧琢至境合心會驟然百谷之象必達於眾流是亦於詩非積學有源者不能是也余終老林泉異日相尋於寂寞空絕之地相與酬倡又將盡其說焉

書孫僉事訓子八字說

一貫之旨忠恕而已其語簡而易明大賢之教人曰不妄語聖人之教子則曰立與言二字而已過於文則漫不加省切於近則易以自持孫公濟川之家訓凡八字曰吾將以訓于家吾子之果能為儒也必將由是以得名使不至焉則守斯言也其不為小人之歸也明矣求余言以增警遂書以歸之俾勿墜濟川子名某日不廢學將以儒術起家楠老矣猶將見之

書党承旨篆杏壇二字後

翰林承旨党公篆法妙一時所書杏壇二字刻于曲阜藹然風雩之意千載一日也衍聖大宗南徙三衢設祀有廟傳嫡有緒今郡守趙侯敬之髣其舊址築壇於南昭揭二字於其上有新豐肯佑之意見堯於牆著存不忘之義也若曰思其居處孔氏子孫萬世不怠是則趙侯之用心良厚矣泰定三年二月具官表楠拜手謹記

書吳子行篆書陰符經

唐世陰符始大行原於李筌成於李靖貞觀皇帝始酷好之命褚河南允書一百九十本貞觀之意蓋廣用兵之說耳李筌託神姥之言乃曰上有神仙抱一中有富國安民下有彊兵戰勝又安增六注以惑後人然終不可悉解而吳子行復書之何耶唐人作篆惟書千文蓋懼學者之未易察也徐鉉作項王亭賦仿李陽冰裴公德政碣之遺意子行沈因市隱豐碑巨碣不能以自見寫其幽曠託焉以自逃者也余嘗

聞善書者大篆不得入小篆隸書家懼入
八公使子行在吾願相與評焉

題劉明叟詩卷

大裘無文良玉不琢質至美而無可揀擇
也言為心聲而詩章之衍溢則又若必事
於模範論至於理盡所謂模範者特餘事
耳黃太史嘗言寧律不諧不使句俗以逮
安黃初之法較之侶若有病然太史所為
詩銀鍊之工過於前人其所謂不諧者蓋
其變體耳吉安劉明叟示余詩一編不事
雕飾意氣凌厲理臻而語完峭谷之竹合
於自然不假按抑而宮商敷宣各當其職
手之不能以釋因以風昔之所聞者書于
後而歸之

題閔思齋詩卷

唐詩有三變焉至宋則變有不可勝言矣
詩以賦比興為主理固未嘗不具今一以
理言遺其音節失其體製其得謂之詩與
隴西閔思齋示所為詩冲澹流麗塵塵傲
唐人風度寄興整雅將駸駸乎陶韋之畦

町矣近世言詩莫不以三百篇為主經緯
之分茲不知所以由遠自邇漸入魏晉詩
寧有不工者乎思齋敏而且勤輟食忘寢
和平多而淒怨少氣完體充不以沮折為
可撓事物之來處益有暇故其見於心聲
者無羈窮不偶之意讀其詩以余言為證
斯得之矣

書吳明之文編後

始余見閩清吳明之子成均神度秀朗游
于公卿將以奇言直氣感動鈞說輒同坐
席復與一時之能文詞者聲摩度測守繩
合則駸駸乎班馬之軌轍而達安黃初之
餘事將力進而不肯止也余既得請歸隱
山中江浙挽余以校文會有亡子之戚旬
日即出後知明之試進士不中幸不余誚
而疾病有司之不察也聲來四明將返閩
中示其所為詩文若干卷讀之不能置是
誠得於遠游者多矣見閩審于州閭春糧
之適不足以自廣而冒萬里者多大言以
賈禍若明之之游歷漸摩薰陶志輯於翰

墨籍爾求配於古人誠不為過使果有遭
吾見其揚于王庭清遠自儀潤色數繹誼
止于是編之所述哉因書以為異日之俟
泰定三年十有二月辛未朔見一居士素
桐書

題雲岡圖詩卷

王侯叔能守會稽將恣意山水以據其風
慕下車未幾治省檄治船事往來市衢意
若有不樂值寧侯善繪事命作雲岡圖朝
夕觀覽遂遂桐桐見侶人而喜者也余嘗
聞巖居谷隱之士有言夫細旃廣廈未嘗
不心掉目駭而久居 朝廷者志念專寂
兀其可喜可愕之事皆不足以動故其於
山林之趣介乎其不拔一使肥遯將終焉
以無悔若是則賦此圖者其為招隱乎其
為反招隱乎

書馬元帥救荒事實後

司獄永嘉林君萬里榮次元帥馬公救荒
事實一鉅編俾有言嗟夫斂散之法不行
於今為牧守者亦難矣因時之凶復抑其

直是則於商旅奚有矜焉董煟輯救荒書
至盡至美迄莫能有遵其說而行之者病
在於執一虛心以求則今馬公之政其近
之矣林君之編曰台民四十九萬有奇其
粟率糴者一十四萬七千有奇糾於富家
幾三萬石有奇當是時以一郡之民能動
于上聽其出粟至于十有四萬非身任
其責所為文書不大懇切不能至是富民
遭荒抑損以售亦必有道數盈于三萬則
其使不便有不得已而然者也視瘠而坐
樊仁人之所不忍邀名以幸成夫豈仁人
之用心馬公之政集眾思以為其佐林君
之為首奉行而不失者皆公所辟佐吏凡
五人見於所行事實不復著記禮之言曰
三十年之通制國用量入以為出馬公者
德碩望將參預于 天朝願以今之所行
為權而以經制告于廟堂焉則得矣

書孫孝子事實

余待罪翰苑見友人張希孟郭幹卿所為
孫孝子碑及序引卓卓表著二友非取佞

以悅夫人者今歸老田里又見程瑤孟夢
恂二文士作孝子傳事益詳密文雖不同
而紀載各有條理信矣哉事至實者易於
言孝非以干名而名隨之是見信於州里

有不得揜焉者矣五典之常心之固有聖
人設為司徒以職其教唐虞之世見於旌
表是則上古猶有失其良心者今觀孝子
之行事悉合於五典刻意肥遯乃今起家
入御史府策名振德政事施設皆其素所
蓄蘊觀風宣化家至而戶喻矧今為澄清
使者薄敦懦立反其澆滿惇行孝悌悉以
其躬行施于七郡不亦美乎孝子今為浙
東肅政僉事名稱字濟川泰定二年二月
甲辰前史官袁楠書

書戒壇儀後

余居鄰開元寺其戒壇精嚴肅靜過者莫
不悚息間過度僧必一往閱之見其結跏
藉草持怖畏想口誦加護不絕天神炳靈
至有登壇仆絕不能終事者由是雖獐夫
惡子率罔敢廢懈噫使常持是心安有所

謂地獄也耶悟心源律師定上壇結夏等
儀式顯廣施諸方使人人如初受具足戒
時清淨法海與大雄氏告眾無異不然酒
池肉林罪劫可勝道哉

書大般若經闕後

大雄氏以汪洋廣博之說喻於羣迷萬緒
千說故其為書讀之茫然不知畔岸師其
說者始作闕篇以抽其秘由是旁行側注
機要立具夫相從心起食息之際其來無
端即其書以求侶若未盡捨相以求則所
謂一者猶以為形跡也皇祐庚寅有僧省
悟以三藏法師大般若經通關重加校定
至

皇元泰定甲子實相距二百七十五年時
有演忠律師其名亦曰省悟復為聲聞入
道行位記三卷補昔時之未備殆與前指
夙相脗合體一分殊吾儒之說近世釋氏
率竊取以為秘據索於毫釐之際殊失其
旨矣自博而約吾於是書深有取焉悟師
類其書簡密將與後來者共異時執一以

持捨一以悟則觀是書者為入道之軌轍明矣

書文宗周秘藏圖詩卷

宗周法師作秘藏圖滾取吾儒一貫之理昔濂溪周先生行太極圖體一而用異歸其異于同則用猶一也斐然默契不能已于言而法師審容鏗鏘振孤桐之遺響發天籟之靈竅又率其講下珠璣璧耀將極其深造不出乎秘藏之旨而其融液變化雖億萬猶以為未盡歸一之效于是乎見摘老矣倦游相望南湖跬步還往之便願自此始

題靈上人疊秀軒賦後

楚之詞不作久矣晁無咎氏始分其言為二淵乎得其微旨離騷九歌判不相合漢魏而降一而為之縝密者為揚馬反復悲悼漢帝所謂鄰於楚之聲也左太沖融液藻繪能為一繼者不復若是晁氏豈虛語哉吾鄉高瑞叔先生作變離騷直與古昔相抗而或者謂羈窮不偶怨排不得以自

振今靈上人作驟騎山賦及疊秀冽清二賦手而讀之誠駸駸乎古作矣渡江以來諸賢蹈蘧蘇學以雄快直致為夸詩與文率相成風科舉學盛屈宋不入於口耳積弊幾二百年山林枯槁之士尚何能冀其髣象是則皆吾徒之罪也上人語精意新無橫擊之弊言道也師遠游託典也鄰九辯嗟乎余老矣上人當勉之投閒謝事願相與過從將復見於雲寶玉几諸山斯幸矣泰定二年閏月乙亥清容居士書

書禪林備用

周官擯相行礼升降玉帛之事禮為禮儀為儀何謂禮執以告王者是也儀者陳設綴兆之位一定而莫易者也經籍既焚淹中之出不全後人以意損益僅見於朝著若少儀內則弟子職所當行於家庭一切廢棄儒先屢致意焉釋氏之教為三宗見於動作日用不敢一有犯越者為律宗達磨之學則不然調伏於準繩之外放形骸黜邊幅守禮者莫能與之辨而其從心不

踰短卒有合於自然是則繕性之效略外以理內於斯見之矣淫慾嗔恚皆謂之道大雄氏託言為喻將以語夫上知愚者不察悉得以自恣職教者憂之於是為清規而曲為之防數百年來遵守因替世愈薄而俗愈侈奇衰曼美充滿區宇澤山咸大師始輯廣其未備詢于耆舊證于編簡作備用十卷以極其極壞其勤苦之志於是書是以見之余嘗聞咸師縛律以為禪守其師說不肖以從子人清巖峻整講道不輟頑薄敬避其死也尤奇偉余慙夫吾儒之教淪弊若是使有若斯人者一正之斯得矣序其書所以識吾徒之未能也

書聖上人慈照師行述後

佛氏之言以理譬廣釋心性其言汪洋浩博譯潤有工拙而體製則一可得而同也宋世諸儒言理者率不以文字為工論考古昔措于五經則或有疑者焉太史公叙事幽顯變化猶龍焉不能以名狀後世宗之編年之法繁絕而今世所為誌碣行述

悉祖襲莫能有違者夫發揚會粹因其事之實而為之也反復致意傷其不偶而表之也豐切鉅績被于絃歌鼎彝者則又皆太史之事荒林絕壑曠達冲澹非有道之士不能為其言也言佛者三宗而習禪學者必以悟入為證將從其言邪則質野不足傳遠引而刪之又懼不與其道合聖上人示所為慈照師行狀泊兮若玄酒之致其誠韜兮若絢衣之蒙其飾逞奇闡幽大小委折各當其職合儒者之辭以盡緣飾包括纖粟絕其疵俚是其言也傳信永遠為無疑也余嘗聞慈照師剛毅貞國內外有則故所至成立上人女足以發之因書以告其同志俾入石勿墜泰定二年十月丙申清容居士書

題轟上人詩卷

華嚴極天下之富麗樹下塚間又何其岑寂邪乃知豐儉博約從心以生芥子須彌之喻豈虛語哉觀轟上人西隱亭榭諸詩有遍法界之道將隨境以觀懼其多歧而

凶羊也拚關息機真游於混沌之鄉萬幻俱滅胷中樓閣豈土木丹漆之所能成吾將與上人一叩其戶牖焉

題雪竇平禪師詩卷

大梁張武子來吾鄉始正唐律由是禪林悉守其法雖頌古詠物清切婉潤足以退配牧之高隱怡雲師蓋一時與之往游近朱近墨豈虛語哉由今而論獨僧詩猶能守格律而吾徒一切直致恬然不事脩飾觀此足以泚顛龜石寺說小院然多出名輩怡雲師之漸摩灌漑於是乎見

題雪竇潛師語錄後

用潛師住清涼 先郡公將挽主定水未幾上雪竇不果幼歲祝髮於觀禪師不久而觀謝世乃痛自卓立游諸方能采其所長不專於一師而其貫通融會儼然猶以為未足由是辨香之酬靳未肯出禪林有疑而摘獨能揆用潛之意佛之學道非止一悟用潛能淡知之今世禪人之病在於聖風承嗣以希進用而居顯路者苟收曲

誘了不相涉其弊日甚推用潛之用心玩其語言有至死不休之意廣其傳將以愧夫今世之弊庸叙於前足以知余言之非妄也

書笑堂偈頌後

拈花微笑大雄傳道之旨也不笑不足以為道老子憤世之論也近世禪人掃跡削機謂微笑為瘋病卒致漫誕不可救藥影響既絕而道益無所見聞禪師在淳祐間羣公傾下以平實為法門因西律師之請說為笑堂是淡得迦葉之要領感而遂通夫豈虛語也哉西律師已下世矣其徒寧上人能實此卷偈以聲色觀虛空將大笑矣泰定三年某月某日清容居士書

題俊老語錄

顯仁哉用非言不足以宣而稀辭繪句悉墮於浮繁唯大雄氏絕其萌芽刊落無文土苴瓦礫不足以喻其拙也由是禪宗沿襲千士一律使人冥行不知其所謂畔岸明極長老以其示世語俾有叙蓋其不得

已於言者歸於大樸而其足以陶冶性情見之於歌詩發之於言辨聲後字順使人得以知其指示非過為推魯以誑盲聾者余壯歲讀四家語於育王珙禪師曰語有實地有證地若華嚴所演豈空幻哉明極語將大行於世敢叙以證之

跋觀禪師石菖蒲賦後

摩寺丞賈相之門客于時方歌舞湖山沈酣恣縱不知有泉石清事觀禪師持此以奉鋪叙宏麗末章以主賓輔仁功為急用意深矣厥今湖曲淒迷藤蔓一色不知此本流落何所言此可為於邑

跋觀禪師摩利支天贊

觀禪師此贊為賈相作維釋迦惹悲廣度勅諸天以護衛濁世非黨私滅公徇其所請江上祈和乃拘畱信使罔上以為奇功使終日梵唄香雲滿室神其吐之矣觀師言語不迫隱然恟禪之憂厥後師漬身窻三尺童孺猶指罵不絕梅幼歲親覩其事今老矣尚忍言之

書薛巖二道士雙清編

余幼好讀黃庭真誥二書私謂學古調詩當準其音節程度後讀陳子昂李太白諸賢詩飄飄然清逸冲遠纖言腐語刊落俱盡則知二書要其標準矣渡江諸賢明切理性間為禪人偈語謂與風雲川上相表裏詩道浸廢而所謂道家者流方自治其學不復寄適於吟詠之末慧寶吾黨有以使之然也臨川道士危功遠以雙清詩一編示余攷其歲年儒者之言詩者正絕而薛巖二師方往來龍虎山中搜選挈緒求遺者於魯壁之既壞宮商相宣更迭振響豈久於其道而能化者與夫學詩而為魏晉有道之語亦少近古其不至成就力不逮焉耳習簡易近體遠謂理趣譬之酒焉因其薄醜而強以三齋玄酒第之不幾於過矣二師詩足以昌其道余獨惓惓焉致意而不置者愧吾徒之學為可憊而不在於今日之弊也薛君志行潔清不自表眩觀妙公嘗尊異之巖亦簡整自治功遠云

清容居士集卷第五十

